

৮১/২
সূচী

২য় ভাগ
২০০১

৩৭৪/২

সূচী পত্র।

বিষয়।	লেখক।	পৃষ্ঠা।
উড়িষ্যায় মুসলমানের আধিপত্য (শ্রীআনন্দগোপাল ঘোষ)		১৩০
উচ্ছ্বাস (পদ্য) (শ্রীনরেন্দ্রনাথ মিত্র)		৩৩৬
করণাময়ী (শ্রীযত্ননাথ কাজিলাল)		১৮৭
কাশ্মীরের ইতিবৃত্ত (শ্রীআনন্দগোপাল ঘোষ)		২
কি সাধ ? (পদ্য) (শ্রীচারুচন্দ্র বন্দ্যোপাধ্যায়)		১৭৪
কিসে আমাদের পরিভ্রাণ সম্ভব ? (শ্রীদীননাথ ধর, বি, এল)		১৭৭
কুরুক্ষেত্র (শ্রীঈশানচন্দ্র বন্দ্যোপাধ্যায়)		৩১৬১
কুমারের সরস্বতী পূজা (পদ্য) (শ্রীযত্ননাথ কাজিলাল)		৩১১
কেটো না ঐ তরুটীতে (পদ্য) (শ্রীরামগোপাল ঘোষ, বি, এল)		২৮
কোন ধর্মের ঈশ্বর সেবা, ঈশ্বর পূজার সর্বোৎকৃষ্ট সহজ বিধি বিহিত হইয়াছে ? (শ্রীদীননাথ ধর, বি, এল)		২২২
গান (শ্রীদীননাথ ধর, বি, এল)		৬০
গুরু-শিষ্য (শ্রীপ্যারীলাল চৌধুরী)		২২১
ছুড়ী (শ্রীদাশরথী ঘোষ, এম, এম, বি, এল)		২৩৪
জন্মরহস্য (শ্রীযত্ননাথ কাজিলাল)		৬৫
জৈনদিগের সংক্ষিপ্ত ইতিবৃত্ত (শ্রীআনন্দগোপাল ঘোষ)		২২৪
ডেলিগেটের ডুলি (শ্রীবিষ্ণুপদ চট্টোপাধ্যায়, এম, এ, বি, এল)		৩০৫৩৩৮
তুইটী মুসলমান রমণী (শ্রীযোগেশচন্দ্র মিত্র) (২য় ভাগ)		২৬১
নববর্ষে বিধবা (পদ্য) (শ্রীরামগোপাল ঘোষ, বি, এল)		১১
নিশিথ চিন্তা (পদ্য)	ঐ	
পথিক (পদ্য)	ঐ	
পরমার্থতত্ত্ব সঙ্গীত (শ্রীশ্যামাচরণ বন্দ্যোপাধ্যায়)		১

বিষয়।	লেখক।	পৃষ্ঠা।
পঞ্চানন্দ পাকড়াসির গাঁজার পুটুলি (শ্রীদীননাথ ধর, বিএ এল)		৩৫১।৩৭৩
প্রণয় [শ্রীযত্ননাথ কাজিলাল]		১৫১
প্রফুল্ল [উপন্যাস] [শ্রীদাশরথী ঘোষ, এম, এ, বি, এল]		২৭৬
প্রাপ্ত গ্রন্থের সংক্ষিপ্ত সমালোচনা	১৫২। ১৯২। ২৮৭। ৩৮৬	
পেণ্ডুলমের রাগ [শ্রীরামগোপাল ঘোষ, বি, এল]		৩৬০
প্রেম-প্রতিমা [পদ্য] [শ্রীচারুচন্দ্র বন্দ্যোপাধ্যায়]		৪৬
প্রেমের অক্ষুর [পদ্য] [শ্রীমনোরঞ্জন গুহ]		২২৩
বক্ষিমচন্দ্র [পদ্য] [শ্রীঈশানচন্দ্র বন্দ্যোপাধ্যায়]		২৫
ঐ [ঐ] [শ্রীসুরেন্দ্রনাথ ঘোষ, বি, এল]		২৭
বক্ষিমচন্দ্র চট্টোপাধ্যায় [শ্রীঈশানচন্দ্র বন্দ্যোপাধ্যায়]		৩৩
বড়দিনে বঙ্গ-সাহিত্য [শ্রীপাঁচকড়ি ঘোষ]		৩৩০
বাঁধ বল [পদ্য] [শ্রীচারুচন্দ্র বন্দ্যোপাধ্যায়]		৯৭
বিবাদ সঙ্গীত [পদ্য] [শ্রীঅক্ষয়কুমার শূর, এম, এ, বি, এল]		১২৯
বিশ্বেশ্বরের মন্দিরে আরতি [শ্রীযত্ননাথ কাজিলাল]		৩৭৬
ব্রহ্মজ্ঞান [শ্রীআনন্দগোপাল ঘোষ]		১৮৩
ব্রহ্মোপাসনা [শ্রীকুঞ্জবিহারী সেন]		৩৫৩
ভবের দৃশ্য [শ্রীযত্ননাথ কাজিলাল]		১১৭
ভারতীয় এবং যুরোপীয় ভাব [শ্রীদীননাথ ধর, বি, এল]		৩৯৮
ভূদেব মুখোপাধ্যায় [শ্রীদীননাথ ধর, বি, এল]		৭৭
মন আমার কি চায় ? [পদ্য] [শ্রীযত্ননাথ কাজিলাল]		১৭৫
মধুসূদনী গীতা [শ্রীকুমারনাথ মুখোপাধ্যায়]	২০১।২২৫।২৫৭।২৮৯।৩২১	
মৃত্যু [পদ্য] [শ্রীউপেন্দ্রনাথ কাজিলাল]		২৩৯
মৃত্যু ও মৃত্যুভয় [শ্রীদীননাথ ধর, বি, এল]		২৬৯
রাসলীলা [শ্রীদীননাথ ধর, বি, এল]		১৪৪
রাজগির বা রাজগৃহ [শ্রীবিহারীলাল চট্টোপাধ্যায়, বি, এল]		২৯৮
রামায়ণ আখ্যায়িকার গহাঁকাব্য এবং মূলতঃ বাল্মীকি কৃত কি না ? [শ্রীদীননাথ ধর, বি, এল]		৩১৩।৩২৫
শিক্ষিতা [পদ্য] [শ্রীসুরেন্দ্রনাথ ঘোষ, বি, এল]		২১২

বিষয়।	লেখক।	পৃষ্ঠা।
শোকোচ্ছ্বাস [পদ্য] [শ্রীমতী প্রমীলা নাগ]		৮৯
সাধন [পদ্য] [শ্রীহেম]		২৮৬
সি, আই, ই, ভূদেব মুখোপাধ্যায় মহাশয়ের মৃত্যু উপলক্ষে [পদ্য] শ্রীদীননাথ ধর, বি, এল		৭৪
সে ত চিনিল না [পদ্য] [শ্রীউপেন্দ্রনাথ কাজিলাল]		১৬১
সুধার্মস্বামী [উপন্যাস] [শ্রীঈশানচন্দ্র বন্দ্যোপাধ্যায়]	১৪।৪৫।৯০।১০৪	
	১৬২।২১৩।২৪৭	
হিমাচল [শ্রীউপেন্দ্রনাথ কাজিলাল]		১২৫।১৩৭।১৯৩।৩৬২
হিন্দুতীর্থ [শ্রীকুঞ্জবিহারী সেন]		২০৫।২৪১।৩১৭।৩৪৬
১লা জানুয়ারি—১৮৯৫ [শ্রীদীননাথ ধর, বি, এল]		২৭৪

সুগম

মাসিক পত্রিকা ও সমালোচনী।

এই সংখ্যার লেখকগণের নাম :—

শ্রীদীননাথ ধর, বি, এল ; শ্রীঈশানচন্দ্র বন্দ্যোপাধ্যায় ; শ্রীরামগোপাল ঘোষ, বি, এল ; শ্রীসুরেন্দ্রনাথ ঘোষ, বি, এল ; শ্রীঅনন্দগোপাল ঘোষ ; শ্রীশ্রীমাচরণ বন্দ্যোপাধ্যায়।

(প্রবন্ধের মতামতের জন্ত লেখকগণ দায়ী।)

বিষয়।	পৃষ্ঠা।
১। পরমার্থতত্ত্ব সঙ্গীত	১
২। ভারতীয় এবং যুরোপীয় ভাব	৩
৩। নিশীথ চিন্তা (পদ্য)	৭
৪। কাশ্মীরের ইতিবৃত্ত	২
৫। সুধাময়ী (উপন্যাস)	১৪
৬। বঙ্কিমচন্দ্র (পদ্য)	২৫
৭। বঙ্কিমচন্দ্র (পদ্য)	২৭
৮। কুরুক্ষেত্র	৩১

ছাপনী,

সাবিত্রী যন্ত্রে শ্রীহরিদাস পাল দ্বারা

মুদ্রিত ও প্রকাশিত।

বৈশাখ—১৩০১।

পূর্ণিমার গ্রাহকগণের নিকট নিবেদন ।

মহোদয়গণ—

আপনাদের অনুগ্রহে পূর্ণিমা দ্বিতীয় বর্ষে পদার্পণ করিল। আপনারা এই সময়ে স্বীয় দেয় মূল্য প্রেরণ করিলে আমরা উৎসাহের সহিত এই বর্ষের কার্যে প্রবৃত্ত হইতে পারি। পূর্ণিমা যে ভাবে পরিচালিত হইয়াছে তাহা আপনারা প্রত্যক্ষ করিয়াছেন—এস্থলে অধিক কিছু বলা অনাবশ্যক। স্থানীয় বঙ্গে পত্রিকা খানি স্থায়ী হইবার উপক্রম হইয়াছে। পূর্ণিমা নিজের প্রেসে মুদ্রিত হয়। উহার লেখকগণ অধিকাংশই স্থানীয়। গ্রাহক সংখ্যাও আশাতিরিক্ত হইয়াছে। এই জন্ত আমরা ভরসা করি যে পত্রিকা খানি স্থায়ী করিতে পারিব। সদাশয় গ্রাহকগণ যখন সময়ে মূল্য প্রেরণ করিলে কোন ভাবনাই থাকে না, আমরা সঙ্কল্পান্বিত-যায়ী কার্য সাধন করিতে পারি। পূর্ণিমার যেরূপ সামান্য মূল্য তাহাতে গ্রাহকগণ একটু মনে করিলেই আর বাকি পড়ে না, পত্রিকারও যথেষ্ট উপকার করা হয়। আমাদের বিনীত নিবেদন এই যে বাহারা অদ্যাপি মূল্য প্রেরণ করেন নাই, তাঁহারা আর বিলম্ব করিবেন না।

নিবেদক শ্রীযত্ননাথ কান্জিলাল,
কার্য্যাধ্যক্ষ,—হুগলী।

Successful Competition-Essays for the K. C. G. Gold Medal of the Chaitanya Library and Beadon Square Literary Club.

BY

BABU KAILAS CHUNDER KANJILAL, B.L.

Prospects of our Young Men, price As. 3.

Postage 6 pie.

The Poverty of India—Its causes and remedies,

Price As. 4. Postage 6 pie.

The above Essays have been favourably reviewed by the Press and contain mature thoughts on momentous questions affecting the public interest.

To be had at the Sabitri Press, Hugli.

HARI DASS PAUL,

Publisher.

পূর্ণিমা।

মাসিক পত্রিকা ও সমালোচনী।

২য় ভাগ।

বৈশাখ, সন ১৩০১ সাল।

১ম সংখ্যা।

পরমার্থতত্ত্ব সঙ্গীত ।

ব্রহ্মতত্ত্ব ।

সঙ্কীৰ্ত্তন সুর ।

এস সবাই মিলি ডাকি সদাই ব্রহ্ম সনাতন ।

তিনি সংচিৎ আনন্দময় নিত্য সত্য নিরঞ্জন ॥ ১ ॥

দেখ এ বিশ্ব সংসার, তিনি সর্বমূলাধার,

অতি বিচিত্র রচনা এ তাঁর, কিবা চমৎকার ।

তিনি ইচ্ছাময় ইচ্ছামতে করেছেন জগৎ সৃজন ॥ ২ ॥

হেরি কি আশ্চর্য্য ভাই, মরি বলিহারি যাই,

হরি সর্ব জীবে যোগান আহার, বাহার বাহা চাই ।

তিনি ভূচর খেচর জলচরে সমানে করেন পালন ॥ ৩ ॥

তিনি সকলের আধার, কিন্তু নিজে নিরাধার,

উপমা নাহিক তাঁহার, মহিমা অপার ।

তিনি অখণ্ড সগুণাব্যারে ব্রহ্মাণ্ড করেন ধারণ ॥ ৪ ॥

জগৎ পঞ্চ ভূতময়, এসব প্রপঞ্চে উদয়,

পঞ্চে পঞ্চ মিশে, শেষে পঞ্চেতে হয় লয় ।

তাঁহার ইচ্ছা হলে, প্রহর কালে, সকলে করেন নিধন ॥ ৫ ॥

এ কি অদ্ভুত ব্যাপার, তিনি স্বয়ং নিরাকার,
 দেখি প্রপঞ্চময় এ সমুদয় সকলই সাকার ।
 হয়ে সর্বগয় সর্বভূতে বিরাজ করেন নারায়ণ ॥ ৬ ॥
 এই দিক্ সমস্ত তাঁহার হস্ত, আকাশ উদর প্রশস্ত,
 শিরঃ স্বর্গ, বায়ু তাঁহার নিশ্বাস পবন ।
 তাঁহার চন্দ্র সূর্য্য চক্ষু দুটি, পৃথিবী এই শ্রীচরণ ॥ ৭ ॥
 তিনি শ্রবণের শ্রবণ, এ মনের ও মন,
 বাক্যের বিধাতা হরি, নয়নের নয়ন ।
 তিনি এ প্রাণের ও প্রাণ সখা, সকলের সর্বস্ব ধন ।
 তিনি আমারদের সর্বস্ব ধন ॥ ৮ ॥
 তিনি কর্ণ বিনা করেন শ্রবণ, নয়ন বিনা রূপ দর্শন,
 নাসিকা বিহিনে করেন গন্ধের গ্রহণ ।
 তিনি ভ্রুক্ বিনা করেন পরশন, জিহ্বা বিনা আশ্বাদন ॥ ৯ ॥
 তিনি নিষ্কলং নিষ্ক্রিয়ং শাস্তং নিরবদ্যং নিরঞ্জনং ।
 অমৃতস্য পরং সেতুং দন্ধেক্কনমিবানলং ॥
 নিষ্কলং নিষ্ক্রিয়ং, পরাংপরমং যো মহত্তেজঃ,
 পরমং যো মহত্তপঃ, পরমং যো মহদ্বুদ্ধি, পরমং যঃ পরায়ণং ।
 নিষ্কলং নিষ্ক্রিয়ং; অতি পবিত্রাণাং পবিত্রং যো মঙ্গলানাঞ্চ মঙ্গলং ।
 অমৃতস্ত পরং সেতুং দন্ধেক্কনমিবানলং ।
 নিষ্কলং নিষ্ক্রিয়ং, তিনি কিছুই করেন না, এ ধরাও ধরেন না,
 আহার বিহার নাহি তাঁহার, বাঁচেন মরেন না ।
 কেবল সাক্ষীগোপাল আছেন চেয়ে সর্ব ঘটে সচেতন ।
 আছেন সর্বব্যাপী রূপে হরি সর্ব ঘটে সচেতন ।
 ব্রহ্ম সনাতন, এস সবাই মিলি ডাকি সদাই ব্রহ্ম সনাতন ॥ ১০ ॥
 যাবে সংসার সাগর পারে, আসিতে আর হবে না,রে,
 ঘুচ যাবে একেবারে, এ ভব বন্ধন ।
 যদি মনে প্রাণে ঐক্য করে লওরে তাঁহার শরণ ॥ ১১ ॥

ভারতীয় এবং যুরোপীয় ভাব ।

শ্রাবণ মাসের এতৎশীর্ষক প্রবন্ধে আমরা দেখাইয়াছি, যে যুরোপীয়েরা এবং তদন্তর্গত ইংরাজ অহঙ্কৃত, লোভী, বহির্বিষয়ে ব্যস্ত এবং অনেক সময়ে সত্যে অনাস্থাবান । যুরোপীয়দের এবং তন্মধ্যে ইংরাজের আর কয়েকটি জাতীয় ভাবের অদ্য উল্লেখ করিয়া তদুপলক্ষে আর্ষ্যদের ঐরূপ জাতীয় ভাব সম্বন্ধে ধারণা এবং কার্য্যগতি কি প্রকার ভাষা বিবৃত করিব । আমরা পূর্বে বলিয়াছি যে যুরোপীয়দের মধ্যে ইংরাজ মাত্র আমাদের কথঞ্চিৎ পরিচিত ; সুতরাং উক্ত ভাব সম্বন্ধে ইংরাজের কথা ভিন্ন আমরা অল্প যুরোপীয়দের কথা বলিতে পারিব না ।

ইংরাজ বণিকভাবে ভারতবর্ষে প্রবেশ করেন । বণিক সচরাচর সতর্কতার সহিত কার্য্য করেন এবং স্বীয় স্বার্থের প্রতি তীক্ষ্ণ লক্ষ্য রাখেন । এই হেতু ইংরাজ সাক্ষাৎ সম্বন্ধে ভারতবাসীর ধর্মে হস্তক্ষেপ করেন না । প্রকারান্তরে যে করেন না, এমন বলা যায় না । বহু দিনের কথা দূরে রাখিয়া সে দিনকার একটি বিষয়ের উল্লেখ করা যাইতেছে । ইংরাজ সহবাস সম্মতি আইন (Age of consent bill) জারি করিয়া যে ভারতবাসীর ধর্মে এবং মর্মে আঘাত করেন নাই, সত্যের অপলাপ না করিয়া এরূপ বলা যায় না । মৃতভর্তৃকা ব্যভিচারিণী না হইয়া মৃত পতির বিমরাদি ভোগ করিবেন, হিন্দু শাস্ত্রের এই ব্যবস্থা । প্রায় কুড়ি বৎসর হইল ভারতের দুর্ভাগ্য বশতঃ ইংরাজ বিচারক নজির করিলেন, যে মৃতপতিকা পতির মরণান্তে তাঁহার সম্পত্তি আদিতে ভোগবতী হইয়া ব্রষ্টা হইলেও স্বামীত্যাগ বিমরাদির স্বত্ব এবং ভোগ হইতে বঞ্চিত হইবেন না । এই বিষম বিধান দ্বারা আর্ষ্য বৈধব্যচারে যে কঠোর আঘাত প্রাপ্ত হইয়াছে তাহাতে সন্দেহ মাত্র নাই । এখন ভর্তৃকার মৃত্যুর পর দিবস তাঁহার ত্যক্ত বিষয়ে ভোগবতী হইয়া তৎপর দিবস ব্যভিচারিণী হইলে আর্ষ্যশাস্ত্র মৃত পতিকার কোন কিছুই করিতে পারে না । মৃত পতির শয্যায় উপপতি সহ শয়ান হইয়া ইংরাজ বিচারক কৃত নজির সাহায্যে সে এখন অনায়াসে স্বামীর ধনের ধনেশ্বরী হইতে পারিবে । সহৃদয় পাঠক ভাবিয়া দেখিবেন

এই সকল ব্যবস্থা দ্বারা ধর্মনিষ্ঠ হিন্দু মর্মান্বিত হইয়াছেন কি না। অনু-
সন্ধান করিলে এইরূপ অত্যাচার দৃষ্টান্ত প্রাপ্ত হওয়া বাইতে পারে।

ইংরাজ সাক্ষাৎ সম্বন্ধে ভারতবাসীর ধর্মে হস্তক্ষেপণ করেন না
বটে, কিন্তু খৃষ্টানের সমধিক আদর এবং তাহাকে উৎসাহ প্রদান করিয়া
কৌশলে ভারতীয় ধর্মের শক্তি ক্ষয়ে ক্রটি করেন না। সরকারী ভাল
ভাল কাজ বর্ম প্রায় খৃষ্টানেরা পায়। বেথিয়া অথবা বর্ধমানের রাজ-
কুমার যথেষ্ট সৈনিক (volunteer) হইতে পারেন না। কিন্তু পাঁচী
✓ ধোপানীর পুত্র খৃষ্টান হইলে তাহাকে সখের ফৌজদলভুক্ত করিতে
ইংরাজের কোন "ইতস্ততঃ" করা নাই। খৃষ্টান যুরেসিয়ানদের শিক্ষা
সম্বন্ধে ইংরাজ মধ্যে মধ্যে সুব্যবস্থা করেন এবং মিশনারি স্কুলে ভারতীয়
✓ ধনাগার হইতে অর্থ সাহায্য দিয়া থাকেন। ভারতবাসী হইতে গৃহীত
কর দ্বারা ইংরাজ চ্যাপলেনদের বেতনাদি প্রদত্ত হয়।

"আমি ভিন্ন তোমার অগ্র ঈশ্বর নাই। অগ্র কোন ঈশ্বরকে পূজা
কিন্তু প্রণতি করিবে না, কেন না আমি অসুয়াবান ঈশ্বর।" বাইবেলের
এই তৃতীয় এবং পঞ্চম আদেশে (Commandment) জগতে বহুতর
অনিষ্ট সাধিত হইতেছে। এই আদেশ বশে ইংরাজ বিধর্মীকে বিদ্বেষ
নয়নে দেখেন, তাহাকে ভালবাসিতে পারেন না, পক্ষান্তরে ঘৃণা করেন।
যে খৃষ্টান নয় ইংরেজ তাহাকে হিদ্দেন (heathen) অর্থাৎ বর্কর, জঙ্গলী,
✓ ঈশ্বর জ্ঞান শূন্য এবং নাস্তিক (infidel) মনে করেন। খৃষ্টান ভিন্ন অগ্রের
পরিভ্রাণ, মুক্তি নাই, ইংরাজের এই ধারণা। অগ্র ধর্মীদের চির নরক
বাস নিশ্চয়, ইংরাজের এই দৃঢ় বিশ্বাস। সাইনে পর্কত প্রেরিত কথিত
আদেশদ্বয় শাণিত খড়্গরূপে ধরাতলে কত না শোণিতপাত করিয়াছে ?

ধর্ম সম্বন্ধে আর্ঘ্যশাস্ত্রের কি অপরূপ উদারতা, এখন তাহা দেখা
যাউক। আর্ঘ্য শাস্ত্র বলেনঃ—

ধ্বজু-কুটিল-নানা-পথ-যুগাং ।

নৃণামেকো গম্যস্তমসি পরসামর্গব ইব ॥ মহিম্নঃ স্তব ।

ধর্মের নানা পথ; কিন্তু সকলই সেই ঈশ্বর স্থানে লইয়া যায়। যেমন
নদী সকল সাগরকে প্রাপ্ত হয়। হিন্দু শাস্ত্র পরধর্মের নিন্দা করেন না।
তাহা সমদর্শী, সর্বত্র পরমেশ্বরকে দেখেন। কি মক্কা কি মেদিনা, কি

মথুরা কি সায়ন শিখর প্রকৃত আর্ঘ্যের চক্ষে সকলই তাঁহার আবাস-
স্থান। অগ্রের দেবতা হেয়, নিন্দিত, অগ্র ধর্মীর ঈশ্বর মুক্তিদানে অক্ষম,
বিধর্মীকে নরকগামী হইতে হইবে, এরূপ কথা আর্ঘ্য শাস্ত্রে দৃষ্ট হয় না।
আর্ঘ্যদের ধর্মপ্রচারক ছিল না এবং নাই। "কেবল কৃষ্ণ ভজনেই মুক্তি,
শিব সেবা মাত্রেই মঙ্গল," উচ্চ মঞ্চে উঠিয়া হস্তোত্তলন পূর্বক আর্ঘ্য
উচ্চেষ্ট্রে এরূপ কথা বলেন না। আর্ঘ্য কাহাকে "ভজান" না অথবা
"ভজাইবার" চেষ্টা করেন না। আর্ঘ্যের ধর্মের "কাণ্ডরাজ" এবং প্যারেড
(parade) করা নাই। আর্ঘ্য নিজ গৃহে, নিভূতে আত্মিক পূজায় ব্যাপ্ত।
তিনি কাঁপাঙ্গন উঠিয়া সাপ খেলান না।

প্রজার অতি বৃদ্ধি হইতেছে এবং নিয়ত বর্ধমান লোক সংখ্যার
আহারীয় সংস্থান অসম্ভব, এটি একরূপ নিশ্চয়। এই অতি বৃদ্ধির
প্রতিকার জন্ত ইংরাজ প্রভৃতি যুরোপীয় অতি ঘৃণিত উপায়াবলম্বনে
প্রস্তুত। এই সমস্ত ঘৃণিত উপায়ের সাধারণ নাম "ফরাশী পত্রিকা।" খ্যাত-
নামা বিবী আলি বিশান্ত আর্ঘ্যধর্ম স্পর্শে আজ কাল একরূপ স্বর্ণ হইয়া-
ছেন। ১৮৯১ খৃষ্টাব্দে তিনিও "Law of Population" নামক গ্রন্থ
প্রণয়ন করত কথিত উপায় সমস্ত অবলম্বন করিবার জন্ত লোককে উপদেশ
দেন। ইণ্ডিয়া-রবার-পেসারি এবং স্পঞ্জাদির ব্যবহার, বিবাহিতা নারীর
পক্ষে সুরুচি, সুনীতি এবং শিষ্টাচার ও স্বভাব বিরুদ্ধ নহে এইরূপ ব্যক্ত
করিতে তিনিও কিছু মাত্র কুচিঁত হন নাই। যাহা ভাবিতে গেলেও
"আপনা আপনি" বজ্জিত হইতে হয়, বিবাহিত পুত্র এবং বিবাহিতা
কন্যাকে তদ্বিষয়ে উপদেশ দেওয়া কিরূপ শিষ্টাচার এবং সুনীতি অনুসৃত
তাহা বুঝিয়া উঠা ছুঁকর। বিবী আলি বিশান্ত এবং ডাক্তার রেণ্ডেল,
লাসার্ট, পল্ফ্রে এবং আলবার্ট প্রভৃতি পরিনীতা কুলবালাগণকে যে সকল
কদর্য কার্যের অনুষ্ঠানে পরামর্শ দিয়াছেন তাহাতে মানব সমাজ পালিস
করা অথচ ঘৃণধরা রদি কাঠ স্বরূপ হইয়া পড়িতেছে। এই সকল কার্য
সাহায্যে বিবাহিতা রমণী কুলটা হইয়াও কুলকামিনী বলিয়া পরিগণিতা
হইতে পারিতেছেন।

কুইনাইন, ফিটকিরি প্রভৃতি দ্রব্য নারীগর্ভে নিয়ত নীত হইলে
অনিষ্টের সম্ভাবনা আছে। সচরাচর স্পঞ্জ এবং পেসারি ব্যবহারেও

অনিষ্টের উৎপত্তি হইতে পারে। অধিকন্তু সন্তান উৎপাদনে প্রকৃতি দেবীর বিশেষ উদ্দেশ্য লক্ষিত হয় এবং তদ্বারা নারী-দেহগত এমন কোন কোন গদার্থ বাহির হইয়া যায় যাহা শরীর নিহিত থাকা স্বাস্থ্যের অনুকুল হইতে পারে না। বিবী আনি বিশান্ত প্রভৃতি প্রদর্শিত উপায়াবলম্বনে সন্তান জনন নিবারণ চেষ্টা কতদূর বিহিত এবং সুনীতি সম্মত তাহা প্রকৃত ভদ্র এবং ধর্মনিষ্ঠ ব্যক্তির বিবেচনা করিবেন। সৌভাগ্য বশতঃ বিবী আনি বিশান্তের এখনকার মনের ভাব অল্পরূপ। গঙ্গা যমুনা পূত-বারি মানে ছুটে পাশ্চাত্য সভ্যতা প্রসূত তাঁহার কর্দমমলিন মন বিধৌত হইয়া পরিস্কৃত এবং পবিত্র হইতে আরম্ভ হইয়াছে।

এখন দেখা যাউক, পরম ধর্মনিষ্ঠ পুঙ্খ দূরদর্শী আর্ঘ্যেরা প্রজা বৃদ্ধি স্রো : নিবারণ জন্তু কি বিধান করিয়াছেন। তাঁহার উল্লিখিত অতি জঘন্য উপায় বিধান না করিয়া সংযম, পুণ্যানুষ্ঠানের উপদেশ দিয়াছেন। বলিয়াছেন:—

যস্মান্ গুং সন্নয়তি যেন চানন্ত্যম শ্লুতে।

সএব ধর্মজঃ পুত্রঃ কামজানিতরান্ বিহুঃ ॥ ইতি দায়ভাগঃ।

যাহা হইতে পিতৃধন পরিশোধ অথবা অনন্ত নামক স্বর্গলাভ হয়, সেই জ্যেষ্ঠ পুত্রই ধর্মজ। অল্প পুত্র কামজ, সূতরাং নিকৃষ্ট। ইহা দ্বারা অতিরিক্ত সন্তানোৎপত্তির প্রতিবিধান হইয়াছে। প্রজার অতি বৃদ্ধি নিবারণ ও এই বিধানের মুখ্যোদ্দেশ্য। প্রকৃত তত্ত্বদর্শী মহা জ্ঞানবান আর্ঘ্যেরা আরো বলিয়াছেন “ঋতু কাল ১৬ রাত্রি মধ্যে প্রথম ৪ দিবস স্ত্রী সহবাস করিবে না। অধিকন্তু একাদশ এবং ত্রয়োদশ রাত্রি এবং পর্ক অর্থাৎ অমাবস্যা, পূর্ণিমা, চতুর্দশী, অষ্টমী এবং সংক্রান্তিতেও স্ত্রীতে উপগত হইবে না।” এই সকল সুরবিধান দ্বারা আর্ঘ্য শাস্ত্র প্রজার অতি বৃদ্ধির স্রোতঃ বারণ করিয়াছেন:—

স্ত্রীতৈলমাংসসন্তোগী পর্কস্বৈতেষু বৈপুমান।

বিণ্মুত্র ভোজনং নাম প্রজাতি নরকং মৃতঃ ॥

পর্ক দিবসে স্ত্রী সন্তোগে নরকগামী হইতে হয়। এককালে ভারতে এমনই শুভ দিন ছিল যে অধুনাতন কঠোর পিনাককোড্ অপেক্ষা কাঁথত রূপ শাস্ত্র বচনকে লোকে দেব তুল্য ভয় এবং সম্মান করিত। কিন্তু ইংরাজি শিক্ষার বিষময় ফলে ভারতের আর সে দিন নাই।

আর্ঘ্য স্নগভীর চিকিৎসা শাস্ত্রও উক্ত রূপ বিধান করিয়াছেন।

প্রজার অতি বৃদ্ধি নিবারণ জন্তু প্রাজ্ঞ আর্ঘ্যেরা আরো একটি বিধান করিয়াছেন। মৃত ভর্তৃকা বালিকা হইলেও তাহার পুনঃ পরিণয় অবৈধ বলিয়াছেন।

পূর্বে শিশুকাল হইতে আর্ঘ্য সন্তান ব্রহ্মচর্য্য অবলম্বন করিয়া সংযমে অভ্যস্ত হইত। শাস্ত্র বচন, গুরু বাক্য, প্রত্যক্ষ দেবতা স্বরূপ জ্ঞানিত। কাজেই প্রজার অতি বৃদ্ধি স্রোতঃ সহজে নিবারিত থাকিত। এখন আর সে সুসময় নাই। কিন্তু তাই বলিয়া আমাদের নিরাশ হওয়া অনুচিত। আমরা আর্ঘ্য তনয় এবং আমাদের শরীরে এখনও আর্ঘ্য শোণিত প্রবাহিত হইতেছে। মনুসংহিতার বিবাহ বিষয়ক তৃতীয় অধ্যায়ের অন্তর্গত বিধি সমূহের সারবত্তা গ্রহণে আমরা এখনও সক্ষম। নিজে সংযত হইয়া যাহাতে আমাদের সন্তানাদি নিয়মিতচিত্ত হইতে পারে তৎপক্ষে আমাদের সবিশেষ যত্ন করা এবং দৃঢ় দৃষ্টি রাখা কর্তব্য। মনুসংহিতার উক্ত অধ্যায়ের নিয়ম এবং আদেশগুলি যে একান্ত সঙ্গত এবং যুক্তিযুক্ত, যাহাতে সন্তান সন্ততির হৃদয়ঙ্গম হয়, জনক জননীর তাহার উপায় করা উচিত। যাহাতে পুত্র কন্যা বিশ্ব বিদ্যালয়ে আসন পরিগ্রহে সক্ষম হয় পিতা মাতার কেবল তৎপ্রতি লক্ষ্য রাখিলে চলিবে না। দিন দিন প্রজা বৃদ্ধি জন্তু তাহার অনুরূপ আহারীয় অভাবে ইহ সংসারে নানাবিধ গুরুতর কষ্টের উদ্ভব হইতেছে। কেবল সংযম দ্বারা যে এই সকল কষ্টের নিবারণ সম্ভব তাহাতে সন্দেহ হইতে পারে না।

নিশীথ চিন্তা।

(জাহ্নবী তীরে)

(পূর্ক প্রকাশিতের পর।)

২২

রাজ পুস্পাদ্যান হয় নিবিড় অরণ্য
কালে রত্নাকর হয় শূন্য মরুভূমি
সময়ে কাঞ্চন ধরে কালিমা বরণ
সময়ে আমার মত রূপান্তর তুমি!

২৩

অগাধ গভীর বারি দেগিতেছি আজি
হয়েছে বিধিতা নিশা চন্দ্রমা শালিনী
কালে দেখা দিবে তথা প্রকাণ্ড-অচল
কোন চিহ্ন রহিবে না—তব প্রবাহিনি !

২৪

ছিল এক কাল মম—যখন উল্লাসে
বাতুল হরিণ প্রায় তব কূলে কূলে
ভ্রমেছি গুনিতে তব জলের কল্লোল,
হেরিতে লহরী-লীলা তব তট-মূলে ।

২৫

পশেনি ভাবনা কীট তখন অন্তরে
প্রেমসুখ সুধাস্বাদ জানিত না মন
প্রভাত কমল মত সতত প্রফুল্ল
হেরিতে বাসনা শুধু প্রকৃতি বদন ।

২৬

নদী, গিরি, প্রস্রবণ, বিজন কানন
যেথায় কুসুমরাশি বিকাশে মাধুরী
যথা বহে সমীরণ হুহু হুহুস্বরে
সেই স্থান প্রিয় স্থান আছিল আমারি ।

২৭

কিষ্কা যথা পয়োনিধি গভীর উল্লাসে
তুলিছে তরঙ্গ রাশি অচল সমান
সে অদ্ভুত দৃশ্য হেরি—অনন্ত নীলিমা
বিস্ময়ে বিমুগ্ধ হ'ত এ ক্ষুদ্র পরাণ

২৮

ক্রমেতে কৈশোর গেল, পশিল যৌবন
মানস কাননে সুখ বসন্ত উদিল
তরুণ অরুণ কান্তি নবীন পল্লবে,
নব ফুলে, নব ফলে, ধরণী সাজিল

২৯

কল্পনা নূতন ছবি আঁকিতে শিখিল
ইন্দ্রধনু তনু হ'তে হরিল বরণ
চিত্রিয়া অসংখ্য নব প্রণয় প্রতিমা
সাজাইল কি সুন্দর চিত্ত-দরপন ।

ক্রমশঃ ।

কাশ্মীরের ইতিবৃত্ত ।

ভারতবর্ষের উত্তর পশ্চিম সীমায়, প্রাকার সদৃশ শৈল শ্রেণীর দ্বারা সংরক্ষিত, কাশ্মীর একটি সুন্দর নগর। কাশ্মীর শব্দের উৎপত্তি সম্বন্ধে অনেকের অনেক প্রকার মত ভেদ আছে। কেহ কেহ ইহাকে সরস্বতী দেশ, কেহবা সারদাপীঠ বলিয়া অভিহিত করিয়া থাকেন। পুরাকালে এই স্থানে বৈদিক ব্রাহ্মণগণ বেদ আলোচনা করিতেন এবং জ্যোতিষ শাস্ত্রেরও সমাদর এখানে বিলক্ষণ ছিল। অতি প্রাচীন কালে এ স্থানে যে জনমানবের বাসস্থান ছিল তদ্বিষয়ে স্থানে স্থানে অনেক নিদর্শন পাওয়া যায়। শাস্ত্রে এরূপ কথিত আছে যে পাণ্ডবগণ যখন প্রতিদ্বন্দ্বী কুরুরাজ পুত্র দুর্যোধন কর্তৃক অক্ষত্রীড়ায় পরাজিত হন, এবং রাজ্য পরিত্যক্ত হইয়া বনে বনে ভ্রমণ করিয়া বেড়ান সেই সময় ইহারা এই স্থানে আসিয়া কিছু দিন বাস করেন। তাহাদের প্রতিষ্ঠিত ধ্বংসাবশিষ্ট দেবমন্দির সকল সুদূরবর্তী ক্ষীণ নক্ষত্রের ত্রায় স্থায়ী হইয়া তাহাদের পূর্ব গৌরবের সাক্ষ্য দিতেছে। প্রত্যুত ইহার অপরিহার্য সৌন্দর্য্য ও মনোহারী স্থান সকল দেখিলে মর্ত্যে ইন্দ্রপুরী বলিলেও অত্যুক্তি হয় না। ইহার চতুর্দিকে সুন্দর সুন্দর কত যে হ্রদ, নদী, প্রস্রবণ আছে তাহার ইয়ত্তা করা যায় না। আমরা পুস্তকে ইউরোপে ইতালি ও সুইড্জারলাণ্ডে যে সকল প্রচুর হ্রদ নদীর বিষয় পাঠ করিয়াছি; ততুলনায়, কাশ্মীরে যে অনেক বেশী ও ইহার সৌন্দর্য্য যে সে সকলকে পরাভূত করিয়াছে তদ্বিষয়ে অনুমাত্র সন্দেহ নাই। হ্রদের চারি ধারে নানা জাতির, নানা বর্ণের বৃক্ষাদি, গুল্ম লতা, পার্শ্বে মন্দার কানন সদৃশ মনোমুগ্ধ কুঞ্জ ও উপবন,

অদূরে পর্বতরাজী নিয়ে কলবাহিনী তরঙ্গিনী উপবনের মধ্য দিয়া বক্র-
গতিতে মহুর গমনে, পর্বতের পাদদেশে ধৌত ও উপত্যকা সিক্ত করিয়া,
মুছুরব করিতে করিতে প্রবাহিত হইতেছে। এই সকলের মধ্যে মানসবল
নামে একটি ক্ষুদ্র হ্রদ আছে। ইহা শতক্রুর পশ্চিম ভাগে অবস্থিত ;
কাশ্মীরে যতগুলি হ্রদ আছে তন্মধ্যে মানসবল হ্রদই সর্বাপেক্ষা শ্রেষ্ঠ।
ইহা দৈর্ঘ্যে প্রায় তিন মাইল প্রস্থে ১ মাইল। ইহার জল দেখিতে দর্পণের
আয় স্বচ্ছ। উপরিভাগে দেব মন্দির লতা কানন দ্বারা বেষ্টিত, দক্ষিণ পার্শ্বে
পর্বত শ্রেণী ও পাদদেশে মানসবল গ্রাম। গ্রামের সুন্দর সুন্দর অট্টা-
লিকার প্রতিবিম্ব হ্রদের স্বচ্ছ বক্ষে পতিত হইয়া এক অতুলনীয় শোভা
বিকাশ করিতেছে। ইহার সন্নিকট বাদসাহবাগ নামে ভগ্নাবশিষ্ট এক
রমণীয় উদ্যান। কথিত আছে যে পুরাকালে মোগল সম্রাট জাহাঙ্গির তাহার
পরমা সুন্দরী প্রিয়তমা ভার্য্যা হুর মহলের বিলাস ভবনের জন্ত এই
উদ্যান নির্মাণ করান। উদ্যানের চারি ধারে সুন্দর উৎস, নানাধারে
প্রবাহিত হইয়া নদীতে গিয়া মিলিত হইতেছে ; দেখিতে অত্যন্ত রমণীয়।
ইহার পশ্চাৎ ভাগে উন্নত পর্বতরাজী, তাহার মধ্যভাগে গুহায় উপস্থী
ও ঋষিরা সংসার আশ্রম ত্যাগ করিয়া ঈশ্বর আরাধনার জন্ত বাস করি-
তেছেন। এখনও স্থানে স্থানে সে সকল কন্দর ও মহাত্মাদিগের বাস
স্থান সকল পরিলক্ষিত হয়। অদূরে উপত্যকা'পরি শ্রামল শস্যক্ষেত্র, দূর
হইতে বোধ হয় যেন প্রকৃতির নাট্যশালায় অভিনব অভিনয় প্রদর্শন করা-
ইবার জন্ত ভগবান রঙ্গমঞ্চে শ্রামল গালিচা পাতিয়া রাখিয়াছেন।
বাস্তবিকই এ সমস্ত দর্শন করিলে এমন কোন প্রাণী নাই যাহার হৃদয়
ভক্তিরসে বিগলিত না হয় ?

কাশ্মীরে সর্বাধর্ম অপেক্ষা হিন্দু ধর্মের প্রাধান্য বেশী। এখানে
কতকগুলি দেব মন্দির আছে ; তন্মধ্যে গদাপুর দেবের মন্দিরই সর্ব প্রধান।
ইহার চূড়া সকল সুর্য্যে মণ্ডিত। তথায় প্রত্যহ যথোপচাবে পূজা ও বেদ
অধ্যয়নাদি হইয়া থাকে। সন্ধ্যাকালে এ স্থানটী অত্যন্ত রমণীয় ও স্বর্গাপেক্ষা
শ্রেষ্ঠ বলিয়া প্রতীয়মান হয়। দেব মন্দিরের পার্শ্বে বেদাধ্যয়ীদিগের পাঠ
করিবার জন্ত একটি মঞ্চ আছে। সন্ধ্যা সমাগমে সুললিত কণ্ঠে সমস্ত
বেদ পাঠ হইয়া থাকে, অপর দিকে সামবেদীয় গায়কগণ মাস্তুলিক সঙ্গীতে

সকলকে বিমোহিত করিতেছে ; দেবালয়ে সন্ধ্যা আরাতির বাদ্যাদিতে
চারি দিক নিমাদিত ; ধূপ ধূনা ও হোমের সুরঙ্গে চতুর্দিক আমোদিত
করিয়া যেন এই স্থানটিকে স্বর্গ রাজ্য করিয়া তুলিয়াছে। প্রত্যুত কাশ্মীর
যে একটি সুন্দর নয়নাভিরাম নগর তাহার আর কোন সন্দেহ নাই।
এই সমস্ত সৌন্দর্য্য দেখিয়াই আমার কোন এক আত্মীয় বন্ধুর হৃদয়ে ভাব
জাগিয়া ছিল এবং তিনি এইরূপে লেখনীতে প্রকাশ করিয়াছিলেন।

উচ্চ হিমগিরি পাদমূলে তার।

শোভিছে সুরম্য কাশ্মীর দেশ।

কি দিব তুলনা সে যে অতুলনা
ইন্দ্রপুরী করে তাহার দ্বন্দ্ব ॥

(সে যে) প্রকৃতি সতীর, আদৃত সন্তান,

প্রকৃতি সদাই প্রশান্ত তথা।

তথা চির দিন, বসন্ত বিরাজে,

হেন স্থান আর আছে বা কোথা ॥

বাস্তবিকই এ স্থানে বসন্ত চিরবিরাজমান। বৈশাখের প্রারম্ভ হইতেই
বৃক্ষাদিতে নব পত্র ও মুকুল মুঞ্জরিত হইতে আরম্ভ হয় এবং এইরূপ
অবস্থায় প্রায় ৭ মাস থাকিয়া কার্তিক মাসের মধ্য হইতে শুষ্ক হইয়া
আসে এবং এই সময় হইতেই শীতের প্রারম্ভ হয়।

কাশ্মীরবাসীরা বলিষ্ঠ, সাহসী ও রণকার্যে অত্যন্ত নিপুণ। এক
সময় যখন দিল্লীর সম্রাট জাহাঙ্গির কাশ্মীর রাজ্যের জন্ত লোলুপ হইয়া
রাজ্য আক্রমণ করিতে আসেন সেই সময় ইহার অদম্য সাহস ও তেজের
উপর নির্ভর করিয়া তাহাদের বিরুদ্ধে দণ্ডায়মান হয় এবং হাশ্রু করিতে
করিতে তাহাদিগকে পরাজিত করিয়া নিজের বীর্য্যের পরিচয় দেয়।
কিন্তু এক্ষণে সে বীর্য্যও নাই সে তেজও নাই, সমস্তই সেই সকল খ্যাতিমা
বীর্য্যের সঙ্গে সঙ্গে অন্তর্হিত হইয়াছে।

জম্মু কাশ্মীরের একটি রাজধানী, কাশ্মীরাবিপতি অনেক সময় এই
স্থানে বাস করিতেন। স্থানটি নিতান্ত মন্দ নহে ; যদিও ইহা কাশ্মীর
রাজ্যের সমতুল্য নহে তথাপি ইহার জল বায়ু অত্যন্ত স্বাস্থ্যকর ও নানা
দেবালয় থাকা হেতু স্থানটী অত্যন্ত রমণীয়। কিস্বদন্তী যে প্রায় ৪।৫

সহস্র বর্ষ পূর্বে জম্বুলোচন নামক জমৈক সূর্য্যবংশীয় নরপতি এই স্থানে বাস করিতেন এবং তিনিই এই নগর স্থাপিত করিয়াছিলেন বলিয়া এই নগর জম্বু নামে অভিহিত হইয়াছে। এই নগরটি একটি পর্ব্বতোপরি স্থাপিত, তত্বপরি রাজ অট্টালিকা, প্রাসাদের শৃঙ্গোপরি সূবর্ণমণ্ডিত কলস সূর্য্যকিরণে প্রতিভাত হইয়া অতুলনীয় শোভা ও সৌন্দর্য্যের পরিচয় দিতেছে। দেখিলে বোধ হয় যেন অট্টালিকা শত্রুদিগের আক্রমণ হইতে দূরে অবস্থিতি করিয়া তাহাদিগকে উপেক্ষা করিয়া হাস্ত করিতেছে। ইহার চারি ধারে নানা দেব দেবীর মন্দির। যথা নিয়মে সে সকলের পূজা হয় এবং প্রত্যেক শারদীয় শুক্লাষ্টমীতে এ স্থানে একটা করিয়া মেলা হইয়া থাকে। ইহার কিয়দূরে দক্ষিণ বিভাগে আরও দুই একটি হর্ম্ম দেখিতে পাওয়া যায়; কথিত আছে যে মহারাজ গোলাপ সিংহ ইংরাজদিগের বাস করিবার জন্ত এই সুরম্য হর্ম্ম নিৰ্ম্মাণ করিয়া দেন। ইহার পশ্চিম পার্শ্বে “রাণীতলাও” নামে রাজা ধ্যান সিংহের মহিষী কর্তৃক প্রতিষ্ঠিত একটি পুষ্করিণী আছে। পর্ব্বতের কিঞ্চিত নিম্নে এক তপস্বীর আশ্রম আছে (এক্ষণে তাহা নাই) এই স্থান হইতে একটি রাস্তা পাওয়া যায় তাহা বরাবর কাশ্মীর রাজ্যে গিয়া মিলিত হইয়াছে। এটি কাশ্মীর রাজ্যের প্রাইভেট পথ।

কাশ্মীরে কয়েকটি তীর্থস্থান আছে। তন্মধ্যে ক্ষীরভবানী ও অমরনাথ সর্ব্বপ্রধান। এই স্থানে অমরনাথ দেবের একটি আশ্চর্য্য ঘটনা বিবৃত করিব। কাশ্মীর সিটি হইতে অমরনাথ প্রায় ৮।১০ দিবসের পথ। সে স্থানে অনেকেই যাইতে সাহস করেন না, কারণ সে স্থানে শীতের প্রাচুর্য্য বেশী সেই জন্ত কাশ্মীররাজ আজ্ঞা করিয়াছেন যে তাহার অনুমতি ব্যতীত কেহই সেখানে যাইতে পারিবেন না। শ্রাবণ মাসের পূর্ণিমার দিন এই স্থানে মেলা হয় এবং সেই সময় অমরনাথ দেবের মন্দির উদ্ঘাটিত হইয়া থাকে এবং পর দিবস আবার দ্বার রুদ্ধ হইয়া যায়। যাত্রীরা যাইবার পূর্বে রাজা অনুমতি দেন এবং দুই জন প্রহরী তাহাদের সঙ্গে সঙ্গে যাইবার জন্ত নিয়োজিত করেন। অনন্তর যাত্রীরা কিয়দূর গমন করিলে পর যাত্রীদের মস্তকোপরি দুইটি শ্বেত কবুতক উড়িতে দেখা যায়। কথিত যে তাহারা যাত্রীদিগের পথ প্রদর্শনার্থে উড়িয়া থাকে

এবং সঙ্গে সঙ্গে করিয়া মন্দির পর্য্যন্ত আসে। অনন্তর পূর্ণিমার দিন দেবের মন্দির দ্বার উদ্ঘাটিত হইলে শ্বেত প্রস্তর সদৃশ মূর্ত্তির যেন পর্ব্বত গহ্বর হইতে আবির্ভাব হয় এবং পূর্ণিমা অতীত হইলে, যেমন আতপ তাপে বরফ বিগলিত হইয়া যায় তেমনি মূর্ত্তির ক্রমে লোপ হইতে থাকে এবং দ্বার আপনা হইতে রুদ্ধ হইয়া যায়। কবুতর দুটি অমনি কেমন কোথা হইতে উড়িয়া আসে এবং আবার যাত্রীদিগের সঙ্গে সঙ্গে কিয়দূর আগমন করিয়া অন্তর্হিত হয়, তাহা আর দৃষ্ট হয় না। অমরনাথের এই একটি আশ্চর্য্য ব্যাপার যাহা এখন পর্য্যন্ত দৃষ্ট হয়।

কাশ্মীরের হিন্দুগণ সংস্কৃত ভাষা অধ্যয়ন করিতেন। প্রাচীন কালে ইহা সংস্কৃত বিদ্যালুশীলনের জন্ত বিখ্যাত; কিন্তু মুসলমানদিগের আধিপত্য সময়ে তাহা প্রায় লোপ হইয়া পড়িয়াছিল। এখন কাশ্মীরে স্থানে স্থানে বৈষয়িক কার্য্য সমুদয় পারসীক ভাষায় হইয়া থাকে। সংস্কৃত ভাষার আর আজ কাল তত সমাদর নাই। এমন কি প্রাচীন কালে কাশ্মীর যেমন মনোহর ও নয়নপ্রীতিকর ছিল এক্ষণে সেরূপ শ্রী নাই কিন্তু স্বভাব গুণে কাশ্মীর এখনও কিয়ৎ পরিমাণে নিজের গুণ বজায় রাখিয়াছে। এখনও কাশ্মীরে বসন্ত বিরাজ করে, সুরম্য অট্টালিকা, ও সুন্দর বনরাজী দ্বারা শোভিত কিন্তু সে সকল লোক আর নাই। সেই ঐশ্বরিক ও নৈসর্গিক ভাব, সে বিদ্যালুশীলন তাহার আর কিছুই পূর্ণ বিকাশ নাই। সমস্তই বিলুপ্ত প্রায়। হায়! আজ যদিও সেই সকল প্রাতঃস্মরণীয় আৰ্য্যঋষিগণ জীবিত থাকিতেন তাহা হইলে সমগ্র ভারতবর্ষ মध्ये কাশ্মীর যে প্রকৃত একটি স্বর্গ রাজ্য হইত তাহার আর কোন মাত্র সন্দেহই নাই।

সুধাময়ী ।

(উপন্যাস)

প্রথম পরিচ্ছেদ ।

অনাথিনী ।

গঙ্গার অতি নিৰ্জন তীরে একখানি ক্ষুদ্র পর্ণকুটীর—পরিষ্কার পরিচ্ছন্ন । সম্মুখে রকু । রকের সম্মুখে, তীরের উপরে, অনতিবৃহত পুষ্পাদ্যান । উদ্যানের মাঝে মাঝে তরুতলে, মৃত্তিকার বেদী, কোনটি অনাবৃত, কোনটি পুষ্পিত লতাকুঞ্জে ঢাকা । উদ্যানের পাদদেশেই, জাহ্নবীকূলে একখানি ভেলা, আরোহী একটি নবীনা সন্ন্যাসিনী । তাঁহার বয়স ১৮ কি ১৯ বৎসর । মুক্ত কেশ ভস্মে আবৃত, গৈরিক বস্ত্র পরিধান, দক্ষিণ হস্তে ক্ষেপণী, বাম হস্তে ত্রিশূল । সন্ন্যাসিনী উৎকণ্ঠে গাহিতেছে ।

অতল জলধি তলে হেরিতে রতন মণি,
খসিয়া পড়িল মোর কণ্ঠের অমূল্য মণি ।
অমনি তরঙ্গ উঠে, লইল সে মণি লুটে,
অকূলে দিলাম ঝাঁপ, ভাসিয়া গেল তরণী ।
মণি গেল-তরী গেল, কূল আর না মিলিল,
বলে দেও পথ কেহ, পথ হারা অনাথিনী ।

তখন বেলা অবসন্নপ্রায়, সূর্য্য অস্তগত, কেবল মাত্র প্রদোষের শান্ত আভা বিদ্যমান । সেই প্রদোষ কালে সেই নিৰ্জন আশ্রমের মূলে, সেই শূন্য জাহ্নবীতীরে সন্ন্যাসিনীর কাতর কণ্ঠ শুনিতে শুনিতে স্বাবর জঙ্গম পর্য্যন্ত বিগলিত হইতেছিল, মনুষ্যের ত কথাই নাই । সহসা কুটীরের রকে এক মনুষ্য মূর্তি দৃষ্ট হইল । দীর্ঘ জটা কটিদেশ-বিলম্বিত, অঙ্গ অনাবৃত, উলঙ্গ মূর্তি । যোগী ক্ষণেক উৎকণ্ঠ হইয়া রমণীকণ্ঠ শুনিলেন, 'কণ্ঠ নীরব হইলে ধীরে ধীরে অগ্রসর হইয়া উদ্যানের দ্বারদেশে দণ্ডায়মান হইলেন ; দেখিলেন, ভেলায় নবীনা সন্ন্যাসিনী । বলিলেন "মা উঠিয়া আইস, ইহা তপস্বীর আশ্রম, কোন আশঙ্কা নাই ।" সন্ন্যাসিনী মনুষ্য কণ্ঠ শুনিয়া শিহরিয়া উঠিলেন । সেখানে মনুষ্যের আবাস ছিল তাহা ভাবেন নাই ।

গঙ্গার সে তীরভাগ নিবিড় অরণ্যে পরিপূর্ণ । উচ্চ পাহাড় ও অরণ্য বাতীত আর কিছুই কয়েক দিন ধরিয়া সন্ন্যাসিনীর দৃষ্টিগোচর হয় নাই । কুটীর বা উদ্যান, ভেলা হইতে অদৃশ্য ছিল । কুটীরের পশ্চাৎ ভাগের নিবিড় অরণ্যানীর গগনভেদী মহীকুহের শিখররাজি মাত্র দৃষ্টিগোচর হইতেছিল । সে অঞ্চলে গঙ্গার তীর এত উচ্চ যে উহাকে ক্ষুদ্র পাহাড় বলিয়া ভ্রম হয় । সন্ন্যাসিনী সেই উলঙ্গ জটাজুটধারী তাপস মূর্তির দিকে সশঙ্কিত দৃষ্টি করিতে ছিলেন । তাপস আবার ডাকিলেন "মা উঠিয়া আইস, চারিদিকে নিবিড় বন, তুমি যেখানে রহিয়াছ, সন্ধ্যাকালে উহা নিরাপদ স্থান নহে, আমি বৃদ্ধ তপস্বী, তোমার কোন অমঙ্গলের আশঙ্কা নাই ।" সে স্নেহপূর্ণ বাক্য শুনিয়া, দ্বিরাঙ্কিত মাত্র না করিয়া সন্ন্যাসিনী তীরে ক্ষেপণী প্রোথিত করিলেন, তাহায় ভেলা বন্ধন করিয়া উঠিয়া আসিলেন । নিকটবর্তী হইলে, তপস্বীর পদপ্রান্তে পতিতা হইয়া রোরুদ্যমান স্বরে বলিলেন, "পিতঃ ! আমি অনাথিনী ।" "ভয় নাই, তুমি আমার মা, আমি তোমার পুত্র" এই বলিয়া তপস্বী সন্ন্যাসিনীকে তাঁহার অহুসরণ করিতে বলিলেন ।

সে দিন পূর্ণিমা, ক্ষণবিলম্বেই চন্দ্রোদয় হইল । চন্দ্রালোক সর্বত্র সমান নহে । উহার মাধুর্য্য নগরে এক রকম, পল্লীগ্রামে এক রকম । উদ্যানে এক রকম, প্রান্তরে এক রকম । নদীবক্ষে এক রকম, সাগরহৃদয়ে এক রকম । গৃহচূড়ে এক রকম, গিরিশৃঙ্গে এক রকম । শকটে এক রকম, ট্রেণে এক রকম । লোকালয়ে এক রকম, অরণ্যে এক রকম । দেবমন্দিরে এক রকম, তপস্রাশ্রমে এক রকম । উৎসবের দিনে এক রকম, বিষাদের দিনে এক রকম—আবার শ্মশানে আর এক রকম । লোকের বয়সের বিভিন্নতায় উহার মাধুর্য্য আবার রূপান্তর ধারণ করে । শৈশবে যখন মা "আয় চাঁদা কপালে টিই দে যা" বলিতেন, তখন চন্দ্রালোক কেমন লাগিত মনে নাই । কৈশোরে চন্দ্রালোকে মন প্রফুল্ল হইত এইমাত্র জানি । তখন সঙ্গী লইয়া চাঁদের আলোর সঁতার দিতাম বা ছুটাছুটি করিতাম । যৌবনে চন্দ্রালোকে কান্না পাইত । যত আশার কথা, যত নিরাশার কথা, যত সুখের কথা, যত দুঃখের কথা, 'যাহা দিবসে ভুলিয়া থাকিতাম, চাঁদের দিকে চাহিলেই সকলই মনে উথলিয়া উঠিত । বুকের ভিতর চাঁদের মত আলো করিয়া যাহা কিছু অস্তমিত হইয়াছে, তাহাই চন্দ্রালোকে উছলিয়া পড়িত ।

প্রৌঢ় বয়সেও চন্দ্রালোকে হৃদয় উথলিয়া উঠে। কিন্তু সে আশায় বা নিরাশায় নহে। সে হাসি বা অশ্রু মনে করিয়া নহে। চুষন বা আলিঙ্গন মনে করিয়া নহে। তখন মনে পড়ে শান্তি। সুখের শান্তি, দুঃখের শান্তি, জন্মের শান্তি, মৃত্যুর শান্তি। এ শান্তি কে শিখাইল? শৈশবে শিখি নাই, যৌবনেও শিখি নাই, প্রৌঢ়াবস্থায়ও সংসারের উৎপীড়নে শান্তির নাম গন্ধ পর্যন্ত ছিল না। তবে এ শান্তির লালসা কোথা হইতে আসিল। কোন দিন অবশ্যই এ শান্তির আশ্বাদ পাইয়াছিলাম। নহিলে উহা এত মধুর কেন? এ জীবনে না হোক পূর্ব জীবনে বা তৎপূর্ব জীবনে কোন না কোন জীবনে অবশ্যই শান্তির শান্ত মূর্তি দেখিয়া মুগ্ধ হইয়াছিলাম, নহিলে প্রৌঢ় জীবনে শান্তির আকাঙ্ক্ষা এতই প্রবল কেন? বৃদ্ধাবস্থার কথা জানি না। পাঠকদিগের মধ্যে যদি কেহ বৃদ্ধ থাকেন ত বলিয়া দিবেন, চন্দ্রালোকে হৃদয়ে কি ভাবোদয় হয়।

এই বিচিত্র ভাবোদ্দীপক চন্দ্রালোকে সেই শান্ত আশ্রমে তরু মূলে বেদীর উপরে পুরোক্ত তাপস উপবিষ্ট। তাঁহার পদপ্রান্তে সেই নধীনা সন্ন্যাসিনী সাক্ষরিত্রে অধোমুখে আসীনা। কথোপকথন হইতে ছিল। সন্ন্যাসিনীর বাক্যাবসান হইলে তাপস অশ্রুপূর্ণ নেত্রে গদ গদ কণ্ঠে বলিলেন “মা আমিও তোমার মত হতভাগ্য। তুমিও রূপে চক্ষু দুটি হারাইয়াছ, আমিও রূপে দুটি চক্ষু হারাইয়াছি; তুমিও গুণে হৃদয় বিসর্জন করিয়াছ, আমিও গুণে সর্বস্ব ভাসাইয়া দিয়াছি। তুমি যাহার রূপে গুণে মুগ্ধ তিনি এই পৃথিবীতে, আমি যাহার রূপে গুণে উন্মাদ তিনি কোথায় জানি না, তুমি তোমার প্রেমদেবতার হয় ত কোন দিন সাক্ষাৎ পাইবে, আমার প্রাণদেবতার সাক্ষাৎ এ হতভাগ্য জীবনে ঘটবে কি না তাহার কোন স্থিরতাই নাই। তুমি তোমার দেবতার জন্ত এই দুই দিন সন্তাসগ্রহণ করিয়াছ, আমি কত দিন বিবাগী হইয়াছি তাহা যে স্মরণ হয় না মা!” বলিতে বলিতে তপস্বীর দীর্ঘজটা, শীর্ণ দেহ, লোল মাংস ঘন ঘন কাঁপিয়া উঠিল, তপস্বী মুক্তকণ্ঠে কাঁদিয়া উঠিলেন। বালককে রোদন করিতে দেখিলে স্নেহের সঞ্চারণ হয়, যুবককে রোদন করিতে দেখিলে সহানুভূতি করিতে ইচ্ছা হয়, প্রৌঢ় বা বৃদ্ধকে রোদন করিতে দেখিলে তাঁহাদের পদপ্রান্তে বসিয়া গুণ্ণা করিবার জন্ত প্রাণ ব্যাকুল হয়, কিন্তু অরণ্যবাসী জটাজূটধারী উলঙ্গ তপস্বীকে রোদন

করিতে দেখিলে প্রাণ শিহরিয়া উঠে। সন্ন্যাসিনীর তাহাই হইল। তপস্বীর রোদন শুনিয়া সন্ন্যাসিনী আতঙ্কে শিহরিয়া উঠিলেন, শঙ্কিতনেত্রে তপস্বীর দিকে দৃষ্টি করিলেন, দেখিলেন—তাপস উর্দ্ধদৃষ্টে আত্মহারা, যেন চৈতন্যশূন্য। রমণীর রমণীত্ব জাগিয়া উঠিল, করুণাবিগলিত প্রাণে ধীরে ধীরে তাপসের পদদ্বয় ধারণ করিলেন। তপস্বীর চমক হইল, আত্মসম্বরণ করিয়া কহিলেন “মা! তোমারও যে দশা আমারও সেই দশা। গুরুদেব বলিয়াছেন, প্রেম কখনও নিষ্ফল নহে, চাক্ষুষ মিলন না হইলেও, প্রেমে বিচ্ছেদ নাই, বিচ্ছেদ কেবল অঙ্গ প্রত্যঙ্গের, কেবল দেহের, কেবল আকৃতির, আত্মার বিচ্ছেদ তাহা নাই। আর বলিয়াছেন, দর্শনলালসা যতই প্রবল, উভয়ে ততই নিকটতর। সেই আশায় বুক বাঁধিয়া, এই ভীষণ অরণ্যপ্রান্তে এই অনন্ত-আকাশতলে, এই নির্জন আশ্রমে পড়িয়া, তিল তিল করিয়া প্রাণদেবতার মূর্তি নিৰ্ম্মাণ করিতে করিতে উপাসনা করিতেছি। আমার গুরুদেবের বাক্য যদি তুমি বিশ্বাস স্থাপন করিতে সমর্থ হও, তবে তুমিও এই পথ অবলম্বন করিতে পার। তুমি বলিলে, তোমার পিতার নিকট তুমি স্থপতি বিদ্যা শিক্ষা করিয়াছ। ওই অরণ্যমধ্যে এক শূন্য মন্দির আছে। কল্য প্রত্যুষেই তুমি সেই মন্দিরে গমন কর। অদূরে কয়েকজন অরণ্যবাসী বাস করে, তাহারা আমার বড়ই অল্পগত। তাহাদিগকে বলিয়া দিব, তাহারা তোমার উপকরণ সংগ্রহ করিয়া দিবে। তুমি সেই মন্দিরে তোমার প্রাণদেবতার মূর্তি নিৰ্ম্মাণ করিয়া তাঁহার আরাধনা কর। যদি আরাধনার আকর্ষণী শক্তি থাকে, তাহা হইলে অবশ্যই তোমার প্রেমদেবতা সদয় হইয়া তোমার সন্নিকটে উপস্থিত হইবেন। রাত্রি অধিক হইল, তুমি শ্রান্ত আছ, বিশ্রাম কর। এই বেদীতে শয়ন করিয়া নির্ভয়ে রাত্রি বাপন কর, আমি ওই কুটীর-অভ্যন্তরে থাকিব। এই বলিয়া তপস্বী উঠিয়া গেলেন।

সন্ন্যাসিনী একাকিনী হইলেন। অনেকদিনই তিনি একাকিনী, আজ বেন আরও একা। তপস্বীর কথা শুনিতে শুনিতে মনে হইতেছিল যেন তাঁহার প্রেমদেবতার সুদূরদর্শন পাইতেছেন। তপস্বী কথা সমাপ্ত করিয়া উঠিয়া গেলে, বোধ হইল যেন সে দূরদর্শন অলক্ষ্যে কোথায় মিশিয়া গেল। অনেক দিন কাঁদিয়াছেন। কাঁদিয়া কাঁদিয়া কান্না যেন আর ভাল

লাগিত না। আজ ঘেন কাঁদিতে বড় ভাল লাগিল। তরুতলে বেদীতে শয়ন করিলেন। আকাশে চন্দ্র ভাসিতেছে, চারিদিকে ফুলরাজি হাসিতেছে, সৌরভে পবন আনন্দ, ভ্রমর উন্মত্ত, তাহাদের সুখের গুণ গুণ রবে উদ্যানে মোহময় ত্রিতন্ত্রী বাজিতেছে। চাঁদের আলোর, কুসুমের সৌরভে, পবনের হিল্লোলে, কোকিলের কুজনে, ভ্রমরের গুঞ্জে সেই নীরব উদ্যান সৌন্দর্যের এক অক্ষুট কোলাহলে পরিপূর্ণ। সন্তাসিনীর প্রাণ, সে সুখের কোলাহলে সহ্য করিতে পারিল না। কণ্ঠ কাঁদিয়া উঠিল। আপন কাতরকণ্ঠ শুনিয়া আপনি আতঙ্কে শিহরিয়া উঠিলেন, ভয় হইল পাছে সেই শান্ত আশ্রমের শান্তিভঙ্গ হয়; পাছে যোগীর তপস্কার ব্যাঘাত ঘটে। সন্তাসিনী চক্ষু মুদিত করিলেন। প্রাণের নিভৃত প্রাণে লুকাইয়া সাধ মিটাইয়া কাঁদিতে লাগিলেন। আশ্রমের নৈশ নীরবতা পর্যন্ত তাঁহার সে রোদন জানিল না।

পরদিন প্রত্যুষে সন্তাসিনী নির্দিষ্ট শূণ্ড মন্দির অধিকার করিলেন। তপস্বী সঙ্গে করিয়া রাখিয়া আসিলেন। অরণ্যবাসীদের ডাকিয়া তাঁহার আবশ্যকীয় সেবা করিতে বলিয়া গেলেন। কয়েকজন অরণ্যবাসী তাঁহার উপকরণাদি সংগ্রহ করিয়া দিল। সন্তাসিনী অশ্রুজলসিক্ত হইয়া, আপন প্রেমদেবতার মূর্তি নিৰ্ম্মাণ করিতে রত হইলেন। তাঁহার ভেলাটি, সেই নিৰ্জ্জনে তপস্বীর আশ্রম মূলে, ক্ষেপণীতে আবদ্ধ হইয়া জনমানবশূন্য জাহ্নুবীহদয়ে, অনন্ত শ্রোতে ভাসিতে লাগিল। সন্তাসিনী সে কথা ভুলিয়া গেলেন।

দ্বিতীয় পরিচ্ছেদ।

ললিত কুমার।

দক্ষিণ পাড়ার মুখোপাধ্যায় বংশ বিপুল ধনশালী। বংশের শাখা প্রশাখায় গ্রাম পরিপূর্ণ। বড় বড় অট্টালিকাগুলি সকলি মুখোপাধ্যায় গোষ্ঠীর। এ বংশের উপর বোধ হয় তেত্রিশ কোটি দেবতাই প্রসন্ন। লক্ষ্মী, সরস্বতী, কাটিক, গণেশ, হইতে মায় যম্ভী ঠাকুরাণীর পর্যন্ত অপার রূপা। সকলেই ধনবান, সকলেই রূপবান, সকলেই বিদ্যান, বুদ্ধিমান, বলবান। এক এক গোষ্ঠীর সন্তান সন্ততিতে, গ্রামের

এক এক পল্লী আচ্ছন্ন। ললিত কুমার সেই বংশের একজন। বয়স ২৬ কি ২৭ বৎসর। কন্দর্পের ছায় রূপবান, কাটিকের ছায় বলবান, এই বয়সেই তাঁহার পাণ্ডিত্য ও সঙ্গুণে দেশ পরিপূর্ণ। ললিতকুমারের পিতার দুই সন্তান। ললিত ও মোহিত। ললিত বড়, মোহিত ছোট। মোহিতও, রূপে গুণে প্রায় ললিতের সমকক্ষ, কিন্তু উভয়ের প্রকৃতি সম্পূর্ণ বিভিন্ন। ললিত সংসারে বীতস্পৃহ। বিষয় কর্ম কিছুই দেখেন না। মোহিত একজন বিচক্ষণ বৈষয়িক লোক। ছোট ভাই পিতার নিকট বিষয় কর্ম শিক্ষা করেন, ললিত, হয় পুস্তকাগারে, নয় উদ্যানে, নয় নৌকারোহণে, নয় দেশ পর্য্যটনে সময় অতিবাহিত করিতেন। এই অল্প বয়সেই ললিত একজন সুপ্রসিদ্ধ কবি বলিয়া পরিচিত। যেখানে যশ, সেই খানেই উপাসক। ধনের যশ, রূপের যশ, বলের যশ, গুণের যশ, বিদ্যার যশ, বুদ্ধির যশ, ধর্মের যশ, অধর্মের যশ, সকল প্রকার যশেরই উপাসক জুটিয়া থাকে। বাহারই উপাসক আছে সেই যশের উপযুক্ত পাত্র নহে। উপাসকবৃন্দ প্রায়ই গুণ গ্রাহিতার অনিপুণ। যেখানে উপাসক দলের দুই চারিটি জোটে সেই খানেই তাহার সার দিয়া উপস্থিত হয়। সংসারে সারগ্রাহিতার বড়ই অভাব। যে “ভূনিয়াদরি” বুঝিয়াছে সেই জানে, যশের কি বিচিত্র গতি। ললিতকুমার কিন্তু যশের সম্পূর্ণ উপযুক্ত পাত্র। ধন, মান, বিদ্যা, বুদ্ধি, দয়া, দাক্ষিণ্য সকলি তাঁহাতে প্রচুর পরিমাণে বিদ্যমান। অধিকন্তু তিনি একজন প্রসিদ্ধ কবি। কবির যশ, বিশেষতঃ অধুনা, বড়ই স্থলভ। কবির পক্ষে স্থল বিশেষে ইহা নিতান্ত দুর্ভাগ্য। ললিতকুমারের পক্ষে তাহাই ঘটয়াছিল। সে কথা পরে বিবৃত হইবে। ফলে, ললিতকুমারের অল্প বয়সেই বিস্তর উপাসক জুটিয়াছিল। যশস্বীর যেমন উপাসক হইয়া থাকে তেমনই বিপক্ষ হইয়া থাকে। বাহার প্রতিদ্বন্দ্বী তাহার প্রত্যক্ষে না হউক, পরোক্ষে তাঁহার কুংসা করিয়া থাকেন; বাহার ঈর্ষাপুরাণ, তাহাদের নীচ হৃদয়ের পরিচয় সংসারে অবিদিত নাই। আর বাহার বয়োধিক, তাহাদের মধ্যেও কেহ কেহ বিরুদ্ধাচরণ করিয়া থাকেন; তাহার ক্ষুদ্রকে, ক্ষুদ্র দেখিতেই ভাল বাসেন, ক্ষুদ্র মহৎ হইবে, ইহা তাহাদের অসহ। যশস্বী একান্ত নিরপরাধী হইলেও, এই সকল শোকের হস্তে তাঁহার নিস্তার নাই। ললিতেরও তাহাই ঘটয়াছিল।

তরুণ, তরুণী, নবীন, নবীনা, পোড়া, পোড়া, বৃদ্ধ, বৃদ্ধাদিগের ন্যে ললিতের শত্রু মিত্র উভয়ই ছিল।

তখন বালিকা বিদ্যালয় না থাকিলেও, বিদ্যাবতী বা বুদ্ধিমতী, চতুরা বা রসিকা, কৃষ্ণিষ্ঠা বা সূচরিত্রার অভাব ছিল না। আমরা যে সময়ের কথা বলিতেছি সে সময়ে সম্ভ্রান্ত কুলে, মহিলাদিগকে সংস্কৃত ভাষা ও নৃত্য গীতাদির শিক্ষা দেওয়া হইত। দক্ষিণ পাড়ার মুখোপাধ্যায়েরা প্রকৃষ্ট কুলীন ছিলেন। কুলীনেরা সাধারণত দরিদ্রই হইয়া থাকেন, কিন্তু ললিতকুমারের পিতামহ নবাব সরকারে একজন উচ্চপদস্থ কর্মচারী ছিলেন, সেই উপলক্ষে প্রভূত ধন সঞ্চয় করিয়াছিলেন। এখনকার দিন হইলে, ললিতের পিতা, হয় ত মহারাজাধিরাজ উপাধি লাভ করিতেন। কিন্তু তখনকার লোকে এত উপাধি-রোগগ্রস্ত ছিলেন না। তখনকার সামাজিক রীতি নীতি অনুসারে সে রোগগ্রস্ত হইবার তত আবশ্যকতাও ছিল না। ললিতের বিবাহের উপযুক্ত বয়স হইলে, দেশ দেশান্তর হইতে বিবাহের প্রস্তাব উপস্থিত হইল। ললিত পিতার বড় আদরের পুত্র। পিতা, পুত্রের বন্ধুবর্গের দ্বারায় তাহার অভিপ্রায় জানিতে ইচ্ছা করিলেন। ললিত বন্ধুবর্গকে বলিলেন পিতার আদেশ লঙ্ঘন করিবার সাধ্য আমার নাই। তাঁহার যদি ইচ্ছা হইয়া থাকে, আমার ইচ্ছা বা অনিচ্ছা জ্ঞাত হইবার কি আবশ্যকতা আছে? তবে যদি দয়া করিয়া আমার অভিপ্রায় জানিবার বাসনা হইয়া থাকে, তাহা হইলে আমার সান্ন্যয় ভিক্ষা এই যে আমার বিবাহ দিতে তোমরা নিরস্ত হও, আমার আকাঙ্ক্ষা বড় অধিক, সে আকাঙ্ক্ষা একরূপ বিবাহে মিটিবে না। যদি কখন সে আকাঙ্ক্ষার উপযোগী পাত্রী পাই, আমি আপনি বিবাহের ইচ্ছা প্রকাশ করিব।” বন্ধু বান্ধব অনেক বুঝাইলেন, পিতাও অনেক বুঝাইলেন, তথাপি ললিত বিবাহ করিতে ইচ্ছা প্রকাশ করিলেন না। শেষে পিতা পুত্রের প্রতি নিতান্ত অসন্তুষ্ট হইয়া পুত্রের বিবাহের প্রস্তাবে আর কর্ণপাত করিতেন না। ললিতের বিবাহে অসম্মতির কথা ক্রমে গ্রামে প্রচার হইল, ক্রমে ললিতের চরিত্র সম্বন্ধে কানা কানি হইতে লাগিল। প্রতিপক্ষেরা সেই সুযোগে কুৎসা রচনা করিতে লাগিল।

একদিকে ললিতের অন্তঃসীলাবাহী কুৎসা বহিতে লাগিল, অত্র দিকে তাঁহার কবিত্বের সৌরভে দেশ মাতিয়া উঠিল। যেখানে সাহিত্যের আলোচনা সেই খানেই ললিতের কথা, টোলে অধ্যাপকেরা ললিতের কাব্য পাঠ করিয়া তাঁহাকে আশীর্বাদ করিতেছেন। যাত্রা-ওয়ারা ললিতের কাব্য লইয়া যাত্রা করিতেছে, কথকেরা কথকতার সঙ্গে সঙ্গে ললিতের কবিতা আবৃত্তি করিতেছেন। কবিওয়ারা ও তরুণওয়ারা ললিতের কাব্য হইতে পালা লইয়া, যেখানে সেখানে গাহিয়া বেড়াইতেছে। গুরুমহাশয় ছেলেদের ললিতের রচিত শ্লোক অভ্যস্ত করাইতেছেন। বিদ্যালয়ে ছাত্রেরা ললিতের রচিত গ্রন্থ পাঠ করিতেছে, অন্তঃপুরে মহিলারা ললিতের কাব্য পড়িতে পড়িতে হাসিতেছেন কখন বা কাঁদিতেছেন, ও আপন আপন স্বামীকে সেইরূপ কাব্য রচনা করিবার জন্ত উৎসাহিত করিতেছেন। দেশ ললিতময় হইয়া উঠিল। ললিতের, বাটীর বহির্গমন করা ভার। বালক, বৃদ্ধ, যুবক যুবতী ললিতকে দেখিবার জন্ত দলে দলে দাঁড়াইয়া থাকে, তাঁহার নিকটবর্তী হইবার জন্ত ছড়াছড়ি করে, পুরমহিলারা, গবাক্ষে ও ছাদে, ললিতকে দেখিবার জন্ত উৎসুক নেন্দ্রে দাঁড়াইয়া থাকেন। যাহারি অবিবাহিতা কন্যা, ললিতকে জামতা করিবার জন্ত সেই ব্যাকুল। সর্বজন বাঞ্ছিত সেই ললিতের, বিবাহে বীতরাগ দেখিয়া, সাধারণে বিস্মিত হইলেন, বিপক্ষে আহ্লাদিত হইয়া তাঁহার কুৎসা প্রচার করিতে লাগিল ও কুৎসা ক্রমশ এতই বৃদ্ধি হইতে লাগিল, এত গুরুতর হইয়া উঠিল, যে তাঁহার গতিবিধির প্রতি সকলেই সন্দিদ্ধ দৃষ্টি করিতে লাগিলেন।

ললিত কাব্য—কবি হৃদয় স্বতঃই নির্জনতাপ্রিয়। প্রত্যয়ে তুমি যখন ভগ্ন-নিদ্রার মধুর আলস্যে পরিপ্লুত হইয়া, অবসন্ন অঙ্গে শয্যায় পতিত, কবি তখন, হয় শয়ন-মন্দিরের উন্মুক্ত গবাক্ষ মূলে বসিয়া উষার মৃদল মধুর বিকাশ দেখিতে নিমগ্ন, নহে ত; নির্জন গৃহচূড়ে বসিয়া সংসারের জীবন-স্রোতের অক্ষুট কল্লোল শ্রবণে উৎকণ্ঠ। তুমি আমি যখন মধ্যাহ্নে বৈষ্ণিক ব্যাপারে বিব্রত, বা বিশ্রাম শয়নে শায়িত, কবি তখন রৌদ্রের প্রথর কিরণে পৃথিবীর রুদ্রমূর্তি দেখিয়া স্তম্ভিত। সায়াহ্নে আমরা যখন বন্ধুবর্গের সহিত কথোপকথনে বা ক্রীড়া কৌতুকে আসক্ত, কবি তখন, হয় নদীতীরে,

নয় প্রান্তরে, নয় উদ্যানে, নয় অত্র কোন নির্জন স্থানে একাকী উপবিষ্ট। রজনীতে আমরা যখন সংসার ভুলিয়া, জগত ভুলিয়া, আপনাদের ভুলিয়া, গভীর নিদ্রায় নিমগ্ন, কবি তখন, হয় অন্ধকারময় জগতের মহিমা দর্শনে বিমোহিত, নয় জ্যোৎস্না বিভাসিত জগতের অকূল প্রকৃতির উন্নত। সৌন্দর্য্য মনুষ্য মাত্রেরই নিকট সুন্দর, কবির নিকট তাহা আরও সুন্দর। তুমি আমি সৌন্দর্য্যের তীরে দাঁড়াইয়া থাকি, কবি সৌন্দর্য্যের অন্তস্তলে ডুবিয়া থাকেন। কবির আকাঙ্ক্ষাও অনন্ত। বিধাতা বুঝি তাঁহার হৃদয় কেবল আকাঙ্ক্ষাতেই সৃষ্টি করিয়াছেন। মানব জগতে কবি আকাঙ্ক্ষার অবতার, সাধের মূর্তিমান প্রবাহ, পিপাসার ঘনীভূত আকার। এ সংসার তাঁহার বাসভূমি নহে, তাঁহার যেখানে বাস, সেখানে আকাঙ্ক্ষার বস্তু আসে পাসে ভাসিয়া বেড়ায়, ডাকিতে হয় না, বলিতে হয় না, তাহারা কবির মুখ দেখিয়া, তাহার পিপাসা পূর্ণ করে। পথভ্রান্ত কবি, নক্ষীহারা হইয়া মনুষ্য জগতে আসিয়া পড়িয়াছেন। তাই মানব সংসারে তিনি পরিতৃপ্ত নহেন। মানুষের রূপে তাই তাঁর নয়নের সাধ মেটে না, মানুষের গুণে তাই তাঁর আশা পূরে না, মানুষের ভাষায় তাই তাঁর প্রাণ জুড়ায় না। তিনি মানুষকে আপনার দেশের ভাষা শিখাইতে যান, কিন্তু এ অপূর্ণ সংসারে তাঁহার নিজের ভাষাও প্রক্ষুট হয় না। কবি তাই সতত, হতাশ হৃদয়ে নির্জনে কাল যাপন করিতে ভালবাসেন। ললিতকুমার এই প্রকৃতির কবি ছিলেন। একে ত লোকালয় হইতে দূরে দূরে থাকিতে ভাল বাসিতেন, তাহার উপর, তাঁহার কুৎসার কথা শুনিয়া সংসারের উপর আরও হতশ্রদ্ধা হইল। কবির হৃদয় যেমন কোমল, আবার তেমনি কঠিন। এক দিন তুমি কবির প্রাণ জুড়াইয়াছিলে বলিয়া সেদিন কবি তোমার পদলুপ্তিত, আবার কাল তুমি তাঁহার হৃদয়ে আঘাত করিয়াছ বলিয়া, আজ কবি সে বিগত করুণা ভুলিয়া তোমার শত হস্ত দূরে অবস্থিত। যতক্ষণ তুমি তাহার প্রাণ জুড়াইবে, ততক্ষণ কবি তোমার নিকট বিক্রীত, তুমি তাহার অশক্ত হইলে, আর কবি তোমার নহে। চন্দ্রেও কলঙ্ক আছে, কবি হৃদয়েও এই স্বার্থপরতা আছে। ললিতকুমার আপন নিরপরাধ সত্ত্বেও, সংসারের অত্যাচার দেখিয়া সংসারের প্রতি স্নেহ মমতা হারাইলেন। একা ভ্রমণ করেন, একা হাসেন, একা কাঁদেন।

প্রদোষ কালে ললিতকুমার একাকী গ্রামের এক নির্জন পল্লীতে পরিভ্রমণ করিতেছেন। সেই দিকে একটি বৃহৎ দীর্ঘিকা ছিল, তাহার পাহাড় অতি উচ্চ। চারি ধারে গগনস্পর্শী ঝাউ বৃক্ষশ্রেণী। প্রত্যুষে, মধ্যাহ্নে, সায়াহ্নে বা রাত্রিকালে, যখন তথায় উপস্থিত হও, তখন এক “হুহু” রব তোমার কর্ণকুহর প্লাবিত করিবে। সে অশ্রান্ত হুহুবে তোমার প্রাণের সকল যন্ত্রণা ভাসিয়া যাইবে। সেই নির্জন, দীর্ঘিকা তটে ললিত একা বসিয়া থাকিতে বড় ভাল বাসিতেন। আজ কয়েক দিন ধরিয়া প্রত্যহ ললিত সন্ধ্যার পূর্বে তথায় উপবেসন করেন। সেই দীর্ঘিকার এক ধারে, স্থপতি বিদ্যায় পারদর্শী মাধব নামে এক ব্যক্তি বাস করিতেন। তাঁহার স্থপতি কার্য্য এত সুন্দর, এত সজীব, যে তাঁহার রচিত প্রস্তর মূর্তিগুলিকে জীবন্ত বলিয়া লোকের ভ্রম হইত। ভারতবর্ষের বড় বড় বাদশাহ, নবাব, আমীর, ওমরাও, সকলেই তাঁহার নিকট হইতে প্রস্তরমূর্তি নির্মাণ করাইয়া লইতেন। মাধব বৃদ্ধ, সংসারে সুধাময়ী নাম্নী এক কন্যা ব্যতীত আর কেহই ছিল না। জাতিতে ব্রাহ্মণ হইলেও “পাথর কাটা” ব্যবসায় ছিল বলিয়া তিনি সমাজে পতিত। মাধবও সমাজের মুখাপেক্ষা করিতেন না। তিনি গ্রামের প্রান্তভাগে বাস করিতেন, বিষয় কর্ম্ম উপলক্ষ্য ব্যতীত কোথাও যাতায়াত করিতেন না। যাহার প্রয়োজন হইত, তিনি আপনি মাধবের কাছে আসিতেন। এক্ষণে মাধব অত্যন্ত বৃদ্ধ হইয়াছিলেন। নিজে কর্ম্ম করিতে পারিতেন না। কন্যা সুধাময়ীকে আপন বিদ্যা যত্নে শিক্ষা দিয়াছিলেন, সুধাময়ী এক্ষণে পিতার ব্যবসায় রক্ষা করেন।

ললিত, মাধবকে জানিতেন, তাঁহার শিল্প কার্য্য দেখিয়া মুগ্ধ হইতেন। তাঁহার বাটীতে গমন করিতেন। লোকে মাধবকে পতিত বলিয়া উপেক্ষা করিত। কিন্তু ললিত তাঁহাকে বড় শ্রদ্ধা ভক্তি করিতেন। ললিত, মাধবের প্রীতিভায় মুগ্ধ। তাঁহার কন্যা সুধাকে ললিত বড় স্নেহ করিতেন। কিন্তু সেই সুন্দর সূত্র বালিকাট যে একরূপ শিল্পী হইয়াছেন, তাহা ললিত জানিতেন না। অনেক দিন মাধবের সহিত দেখা সাক্ষাৎ হয় নাই। পরিভ্রমণ করিতে করিতে সেই দিকে উপস্থিত হইলেন। দেখিলেন গৃহের সম্মুখে একটি পয়সা সুন্দরী বালিকা, খেত প্রস্তরের একটি রমণী

মূর্তি খোদিত করিতেছে। মূর্তি প্রায় সমাপ্ত হইয়াছে। বালিকা দাঁড়াইয়া একাগ্র চিত্তে, অতি সাবধানে, মূর্তির চক্ষুর তারা রচনা করিতেছেন। বালিকার বয়স ১৫ কি ১৬ বৎসর হইবে। মুক্ত কেশ, স্থলিত বাস, ললিত গঠন, শীতল উজ্জ্বল শ্রামল বরণ, আপন কার্যে বালিকা এতই নিবিষ্ট যে ললিতকুমার দ্বারে দণ্ডায়মান তথাপি তাহার সংজ্ঞা নাই। ললিতকুমার হতজ্ঞান। শ্বেত মন্মথের সেই অপূর্ব প্রতিমা, তাহার সম্মুখে সেই মূর্তিমতী শিল্পের কর-সঞ্চালন। কাহাকে ফেলিয়া কাহাকে দেখিবেন তাহা অনুভব করিতে ললিত অক্ষম। ললিতও প্রস্তর মূর্তির মত নীরব নিস্পন্দ ভাবে দণ্ডায়মান হইয়া রহিলেন। সহসা অদূরে মনুষ্যের হস্তধ্বনি শ্রুত হইল। বালিকার যোগাভঙ্গ হইল। নয়ন ফিরাইবামাত্র ললিতকে দেখিয়া ছুটিয়া গৃহাভ্যন্তরে পলায়ন করিল। ললিতও ফিরিয়া দেখিলেন— তাহার কয়েকটি বন্ধু, তাহাকে লক্ষ্য করিয়া হাস্য পরিহাস করিতে করিতে চলিয়া গেল। ললিত একবার ক্রুদ্ধিত করিয়া দৃষ্টি ফিরাইলেন, ধীরে ধীরে বারঙায় উঠিলেন, জিজ্ঞাসা করিলেন “চাটুষ্যে মহাশয় বাটী আছেন?” অন্তরাল হইতে মধুর কোমল স্বরে বালিকা উত্তর করিলেন “বাবা মূর্খিদাবাদে নবাব বাটীতে গিয়াছেন।” ললিতকে গ্রামের বালক বৃদ্ধ সবাই জানিত, সুধাময়ীও ললিতকে চিনিত, পিতার নিকট সর্বদাই তাহার প্রশংসাবাদ শুনিত। বালিকার অন্তরের নিভৃততম প্রদেশে ললিত, মূর্তিমান রূপ গুণের, ছলভ দেবমূর্তিতে বিরাজিত। তাহার উপর ললিত গ্রামের রাজপুত্র বলিলেই হয়। সেই ললিত আজ দরিদ্রা পতিতা সুধাময়ীর দ্বারদেশে দণ্ডায়মান। সুধাময়ী কি বলিবে, কি করিবে, ভাবিয়া আকুল। লজ্জা, ভয়, ভক্তি; যুগপৎ উথিত হইয়া ক্ষুদ্র বালিকার হৃদয়ে এক মহা প্রলয় উপস্থিত করিল। ললিত বলিলেন, “সুধা তুমি কি আমার চেন না? কতবার যে দেখিয়াছ, কতবার যে কাছে আসিয়াছ, কত খেলনা দিয়াছি, কত ফুল তুলিয়া দিয়াছি, কত গল্প বলিয়াছি, তখন ত কাছে আসিতে, বসিয়া থাকিতে, কথা কহিতে। আজ পলাইলে কেন? তুমি একটু বড় হইয়াছ বটে, কিন্তু আমার কাছে ত তুমি সেই ছোটটি। আমি অনেক দিন আসি নাই বলিয়া কি আমি পর হইয়া গেলাম? না তুমিও আমার নিন্দার কথা শুনিয়া, আমার ঘৃণা করিতে শিখিয়াছ?”

ভগবান জানেন আমি নিরপরাধী।* এই কথা বলিয়া, ললিত প্রস্তর মূর্তিটি দেখিতে লাগিলেন। এ শ্লেষ বাক্য শুনিয়া সুধা কাঁদিয়া ফেলিলেন। ললিত তাহা জানিলেন না। সুধা ভাবিলেন, এমন সুন্দর হইয়া মানুষে এত মিষ্ট হই কি করিয়া। ললিত বলিলেন “সুধা বাহিরে আইস, এ মূর্তিটি কি তুমি স্বহস্তে নিষ্কাশ করিয়াছ? তুমি এমন সুন্দর শিল্প কবে শিখিলে? বড়ই সুন্দর হইয়াছে, কিন্তু এক স্থানে একটু দোষ মনে হইতেছে, তুমি বাহিরে এস, দেখাইয়া দিই।” সুধা ত্রস্তে অঞ্চলে চক্ষু মুছিয়া বাহিরে আসিলেন, তখনও তাহার চক্ষু সিক্ত, কণ্ঠ রুদ্ধ। সুধা ধীরে ধীরে আসিয়া অবনত মুখে এক পার্শ্বে দাঁড়াইলেন।

ক্রমশঃ ।

বঙ্কিমচন্দ্র ।

প্রাণের বঙ্কিম, মুদিছে নয়ন, বঙ্গের জননী কঁাদে ।
কোলেতে করিয়া, সজল নয়নে, হেরিছে বঙ্কিম চাঁদে ॥
মলিন গগন, অচল তপন বিষাদে মলিন মুখ ।
বিবশা প্রকৃতি নয়ন সলিলে ভাসিছে কপোল বুক ॥
নিভৃত গগনে, শশাঙ্ক মূচ্ছিত, মূচ্ছিত তারকা দল ।
নীরদে নীরদে, নীর গুথাইল, গুচ্ছ গগন তল ॥
তাজিয়া পল্লব কানন বল্লরী ভূতলে খসিয়া পড়ে ।
শাখায় শাখায় ঝরিছে পল্লব, বৃন্তে মুকুলঝরে ॥
কুসুমে কুসুমে পরাগ ঝরিছে, ঝরিয়া পড়িছে দল ।
ঝরিয়া পড়িছে পীযুষ ভূতলে, খসিয়া পড়িছে ফল ॥
কাঁদিয়া কাঁদিয়া উড়িছে বিহঙ্গ, কাঁদিছে মলয় বায় ।
সাগরসরিতে কাঁদিতে কাঁদিতে, প্রবাহ বহিয়া যায় ॥
ভূধরে ভূধরে কাঁদিয়া কাঁদিয়া নিঝর উথলি পড়ে ।
কাঁদিতে কাঁদিতে কাতরা ধরণী হৃদয় পাতিয়া ধরে ॥
সজল নয়নে, দাঁড়ায় অদূরে, বঙ্গের যতক কবি ।
আঁধারি আকাশ, যায় অস্তাচলে, বঙ্গের গৌরব রবি ॥

সাহিত্য কাননে, কুসুমিত কুঞ্জ, সৌরভ আকুল তায় ।
 কুসুম কেশরে পরাগ চুম্বনে বিহ্বল মলয় বায় ॥
 চূত মুকুলে, চঞ্চু পরশি, কোকিল বন্ধারে স্মখে ।
 পাখা প্রসারি গুঞ্জরে ভ্রমর বিকচ কুসুম বুকে ॥
 মুক্ত আকাশে কণ্ঠ চালিয়া পাপিয়া ভাসিয়া যায় ।
 শীতল কোমুদী গলিয়া গলিয়া পড়িছে কানন গায় ॥
 সরস বল্পরী বিরচিত মঞ্চে, কমল রচিত স্থান ।
 কল হংস বসি চারি ধারে তার, করিছে পীযুষ পান ॥
 আসীনা তাহায় কল্পনা সুন্দরী, অধর পঙ্কজ হাসে ।
 নয়নের পথে জোৎস্না গঠিত বিবিধ মূর্তি ভাসে ॥
 প্রফুল্ল উরসে, মুচ্ছিত যেন বা, বঙ্কিম-রচিত হার ।
 অঙ্গে অঙ্গে শোভে, বঙ্কিম রচিত, বিচিত্র ভূষণ ভার ॥
 সহসা নয়নে পড়িল পলক, বিন্দু উথলে তায় ।
 অদৃশ হইল সিঁথির সিন্দূর, কঙ্কন খসিয়া যায় ॥
 বিবর্ণ কল্পনা হইল মুচ্ছিতা, সাহিত্য কানন কাঁদে ॥
 বঙ্গের কল্পনা হইল বিধবা হারায় বঙ্কিম চাঁদে ॥

কবি-কুঞ্জ দ্বারে আপনি সারদা, উৎসুক নয়নে চায় ।
 ধরার অমর যত কবি কুল, দাঁড়ায়ে ঘেরিয়া তাঁয় ॥
 ছুই পাশে তাঁর, বাল্মীকি ব্যাস, চসার হোমর দাঁস্তে ।
 মিণ্টন বার্জিল, ভিক্টর গেটে, দাঁড়ায়ে তাঁদের প্রান্তে ॥
 এক কর ধরি প্রিয় কালিদাস, সেক্ষপীর অন্ত কর ।
 অঞ্চল ধরিয়া রহে ভবভূতি, বায়রণ অক্ষোপর ॥
 লিটন, স্কট, জর্জ ইলিয়ট, অধরে গ্রীতিব ভার ।
 বরন্স, সেলী, কোলরিজ, কীট, দাঁড়ায়ে পারশে তার ॥
 বৃদ্ধ জয়দেব, চণ্ডি, বিদ্যাপতী, কণ্ঠে তুলসী হার ।
 মুখে কৃষ্ণ নাম, করে জপ মালা, ধরিয়া চরণ মা'র ॥
 লোচন, বৃন্দাবন কৃষ্ণ, জ্ঞানদাস, দাঁড়ায়ে তাদের পাশে ।
 ভারত, প্রসাদ, মদন, ঈশ্বর, শ্রীমধু আনন্দে ভাসে ॥

আনন্দে অধীর রায় দীনবন্ধু, পাশে রাজকৃষ্ণ দয় ।
 আসিছে বঙ্কিম কবিকুঞ্জ ধামে, আনন্দে গাহিছে জয় ॥

৪

কোথা বঙ্গবাসী, এস একবার, বঙ্কিম চলিয়া যায় ।
 আসিয়া নিকটে, সজল নয়নে, দেহ হে বিদায় তায় ॥
 সাহিত্য তোমার, উজ্জল করিয়া, দিল যে রতন রাশী ।
 প্রতিদান তার, কি দিবে এখন, বল হে নিকটে আসি ॥
 না পার বলিতে, নয়নের জলে, করাও তাঁহারে স্মান ।
 হৃদয় খুলিয়া, ভক্তি, কুসুম, করহে চরণে দান ॥
 বঙ্গ কুলবালা, কোথায় এখন, বঙ্কিম বিদায় চায় ।
 কি আছে দিবার, দেহ মোর হাতে, অর্পণ করিগে তাঁয় ॥
 অপাঙ্গ বহিয়া, যে লোচন বিন্দু, ভূতলে পড়িয়া যায় ।
 পাত্র পূর্ণ করি, আমার নিকটে, দেহ গো পাঠায় তায় ॥
 নয়নের জলে, ভাসিতে ভাসিতে, রচিয়া তাহার হার ।
 সাধ পূরিয়া, দিই পরাইয়া, বারেক গলায় তাঁর ॥
 এস মা ছুখিনী, বঙ্কিম-ঘরণী, দেহ মা তোমার হৃথ ।
 রচিয়া তাহায়, অমূল্য মানিক, সাজাই বঙ্কিম বুক ॥
 তনয়া যুগল, দেহ অশ্রু মালা, পরাইয়া দিই হাতে ।
 কোথা কবি কুল, গাঁথি যশ হার পরাইয়া দেও মাথে ॥

ঈশান ।

বঙ্কিমচন্দ্র ।

১

সুনীল আকাশে প্রবল বাতাসে
 সহসা কেন বা মেঘের উদয় ?
 কেন ঘন ঘন বজ্রবাত ব'য় ?
 কেনবা একুণ্ডি হইল বিকৃতি,
 আঁধারে মগন কেনবা হয় ?
 দশ দিশি আজ কেন শূন্যময় ?

২
উজ্জল চন্দ্রমা ভারত গগনে
ছিল শোভমান, কেনরে নিদয়
জলদ আসিয়ে হইল উদয় ?
শোক পারাবার ভাগ্য সংসার,
হায় অভাগিনী ভারত জননী
কাঁদিছে কেনবা লুটায় ধরণী !

৩
চির অভাগিনী ভারত জননী
কাঁদিয়া কাঁদিয়া অন্ধ হ'য়ে এ'ল
হায় ! অশ্রুজল তবু না ঘুচিল ।
এই না সে দিনে প্রাণের রতনে
“ঈশ্বরে” হারায় পাগলিনী প্রায়,
আবার ঝটিকা কেন রে উদয় !

৪
কে শুনাবে আর বীণার ঝঙ্কার,
তটিনীর সেই কুল কুল ধ্বনি,
কোকিলের সেই কুহু কুহু বাণী,
বঙ্কিম অভাবে, প্রলয় স্বভাবে,
সকলি নীরব—সকলি ফুরাল,
বঙ্গভূমি আজ আঁধারে ডুবিল ।

৫
কে শিখাবে আর “কুন্দ” “আয়েষার”
স্বরগের স্বার্থহীন ভালবাসা
কে শিখাবে বল—মিটায় পিপাসা ?
‘প্রফুল্ল’র বেশে ‘কল্যাণী’ আদর্শে
নিষ্কাম ধর্মের গুঢ় উপদেশ
সকলি নিবিল, সব হ'ল শেষ ।

৬
বলি “বন্দে মাতরং” সুষুপ্ত মানবে
সঞ্জীবনি মন্ত্র কে আর শিখাবে ?
“জাতীয় জীবন” কেবা সঞ্চারিবে !
কোথা সে বঙ্কিম স্তব্ধ প্রতীম—
জাতীয় জীবনের জলন্ত ছবি ?
হায় রে মলিন রাহুগ্রস্ত রবি ।

৭
কৃষ্ণ নামামৃত বন্ধি অবিরত
কে ঢালিবে হায় শ্রবণ বিবরে
পবিত্র পীযুষ মন প্রাণ হরে ।
“কৃষ্ণের চরিত্র” রচিয়া বিচিত্র
কলঙ্ক ঘুচালে, নাশিলে সংশয়,
সনাতন ধর্ম হ'ল তেজোময় ।

৮
দর্শনে বিজ্ঞানে সাহিত্য পুরাণে
সম অধিকার ছিল বল কার ?
দয়া মমতা দি সর্ব গুণাধার ।
বাঙ্গালা সাহিত্য হয় যদি নিত্য,
কেবল বঙ্কিম তব গুণ বলে
চরিত্র চিত্রনে—রচনা কৌশলে ।

৯
বঙ্গ দর্শনে ও নবজীবনে
শিখাইলে যাহা বঙ্গের সম্মানে
লভিল তাহায় নবীন জীবনে
“সাহিত্য” “সাধনা” “ভারতী” “পূর্ণিমা”
“নব্যভারত” আর “জন্মভূমি”,
সবাকারে পথ দেখাইলে তুমি ।

১০

কাব্যে উপন্যাসে অথবা রহস্যে
কে আছে বল হে তোমার তুলনা ?
অনাথিনী হ'ল আজিহে কল্পনা ।
কে বুঝাবে আর রহস্য "গীতার" ?
নিদারুণ বিধি কি নিধি হরিলি,
একে একে সব নিঃশেষ করিলি ।

১১

হে বঙ্কিম তুমি ছাড়ি মর্ত্তভূমি
অসময়ে আজ চলিলে কোথায় ?
কেমনে তোমারে দিব হে বিদায় !
নয়ন ফিরায়ে দেখ হে চাহিয়ে
বঙ্গের কি দশা করিলে তুমি ?
শ্মশান ! শ্মশান ! আজ বঙ্গভূমি

১২

যাও হে ধীমান্ নিরুপিত স্থান
যথায় বিরাজে ওয়ান্টার স্কট
তোমার আসন তাঁহার নিকট ।
হিউগো ফ্রান্সের বঙ্কিম বঙ্গের
একাসনে বসি কর আলাপন,
বঙ্গ কীর্তি হক্ ব্যাপ্ত ত্রিভুবন ।

১৩

যত দিন ভবে বঙ্গবাসী র'বে
তত দিন তব যশ গীত হ'বে ।
কিন্তু হে বঙ্কিম ! কে আর মুছাবে
বঙ্গ জননীর তপ্ত অশ্রু নীর ?
তুমি ছিলে তাঁর নয়নের মণি
তোমারে হারিয়ে দেখ পাগলিনী ।

১৪

উঠ মা উঠ মা ভারত জননী
ত্যজ শোকভার মুছ অশ্রুজল,
দেখ তোমা প্রতি আঁখি ছল ছল
চাহিছে নবীন চাহিছে রমেশ
'হেম' 'চন্দ্র' 'রবি' 'অক্ষয়' 'ঈশান'
হেরি তাহাদের জুড়াও পরাধ ॥
শ্রীশুরেন্দ্রনাথ ঘোষ ।

কুরুক্ষেত্র ।

(পূর্ব প্রকাশিতের পর ।)

নবম সর্গ ।

এই সর্গের "নাম কৃষ্ণ নাম" । ভীষ্মদেব হিমাদ্রি চূড়ার মত শরশয্যা
শায়িত, তাঁহাকে আবরণ দিয়া, এক শিবির স্থাপিত । কবি এ শিবিরের
নাম রাখিয়াছেন, বীরস্বের পবিত্র তীর্থ । রাত্রি এক প্রহর, মহর্ষি ব্যাস
ও বাসুদেব, ধীরে ধীরে সেই শিবিরে প্রবেশ করিলেন । ভীষ্ম নয়ন উন্মী-
লিত করিয়া তাঁহাদের দেখিয়া কহিলেন—

"বড় ভাগ্য, আসন্ন সময়ে
দেখিলাম মহর্ষির চরণ পঙ্কজ ।"

কর প্রণাম করিয়া তাঁহার পদধূলি গ্রহণ করিলেন । বাসুদেব ভক্তি-
ভরে ভীষ্মের চরণে প্রণাম করিলে, ভীষ্ম গদ গদ কণ্ঠে বাললেন ।

"কে নমে কাহারে ? হরি এ লীলা তোমার
কেমনে বুঝিব হায় ! আমি অল্পমতি ।"

ইত্যাদি অনেক কথা বলিলেন । সে কথাগুলি বড় সুন্দর । স্থানাভাব
বশতঃ উদ্ধৃত করিতে পারিলাম না । বাসুদেব বলিলেন, "তুমি আদর্শ
নহুযা—তোমার পদতীর্থে যদি প্রণাম না করিব, তবে আমি মানব জন্ম ধারণ
করিয়া আর কাহাকে প্রণাম করিব । ভীষ্ম বলিলেন—

মানব ! মানব তুমি ! তুমিও মানব !

এইরূপে ভীষ্মের সহিত শ্রীকৃষ্ণের অনেক কথোপকথন হইল । উভয়ে
উভয়ের বিস্তর মহিমা বর্ণন করিলেন । মহর্ষির কতক মহিমা ভীষ্ম ও
বাসুদেব উভয়েই বর্ণন করিলেন । ব্যাস ও, শ্রীকৃষ্ণের মহিমার কথা বলিলেন,

তাঁর ভগবানত্বের উল্লেখ করিলেন। শ্রীকৃষ্ণ বিনয় করিয়া নিজের মানবত্ব প্রমাণ করিবার জন্ত, তাঁর জীবন-কাহিনীর উল্লেখ করিলেন। বলিলেন যখন তিনি বৃন্দাবনে নিতান্ত শিশু, গোপ বালক ও গোপ বালিকাদের সঙ্গে নাচিয়া খেলিয়া বেড়াইতেন, তখন দূর সমুদ্র-গর্জনের স্থায় ভারতের বিরাট হাহাকার ধ্বনি শুনিতেন, মনে করিতেন, প্রধুমিত অগ্নি মাঝে ঝাঁপ দিবে, ধর্মবারি সিঞ্জন করিবেন, সেই ভীষণ রাষ্ট্র-বিপ্লব নিবারণ করিবেন। ভাবিতেন

সাধুদের পরিত্রাণ, বিনাশ হুকুমতদের,
করিব সাধন।
স্থাপন করিব ধর্ম, এক মহা ধর্মরাজ্য,
করিয়া সৃজন।

ইত্যাদি।

এই সর্গ পাঠককে মনোযোগের সহিত অধ্যয়ন করিতে বলি। কবি বৃন্দাবনের ভক্তের হরিকে, ও মহাভারতের চক্রীকে, কিরূপে এক পুরুষে পরিণত করিবার চেষ্টা করিয়াছেন তাহা বুঝিবেন। ইহা ঐতিহাসিক কথা, ইহার মীমাংসা করিতে হইলে বিস্তর তর্কের উৎপত্তি হয়। আমরা সে সকল তর্কজাল বিস্তার না করিয়া, আলোচ্য কাব্যের ঐতিহাসিকতা সম্বন্ধে কোন বিচার উত্থাপন না করিয়া, ইহার কাব্যাংশেরই আলোচনা করিব। তবে বোধ হয় একটা কথা বলিতে পারি। কবি শ্রীকৃষ্ণের মনুষ্যত্বে ভগবানত্বের সামঞ্জস্য করিতে যে প্রয়াস পাইয়াছেন, তাহা আমাদের বোধগম্য হইল না। বৃন্দাবনের হরি বলিলে, যে ভাব মনে হয়, আমাদের কবির চিত্রিত মহাভারতের কৃষ্ণ চরিত্রে, সে ভাবের উদয় হয় না।

এ সর্গের উপসংহার ভাগটি অতি সুন্দর। উহা তর্ক সঙ্গত না হইলেও উহার কবিত্ব অতীব মধুর।

শরশয্যাশায়ী ভীষ্মের—

বহিতেছে প্রেমধারা, বহিয়া কপোল।
আকুল হৃদয়ে ভীষ্ম বাড়াইয়া কর।
বিহ্বল হৃদয়ে কৃষ্ণ পাড়িলা হৃদয়ে,
বিরাজিল বৈকুণ্ঠেতে বৈকুণ্ঠ-ঈশ্বর।
ভক্তিতে বিহ্বল ব্যাস, আকুলিত প্রাণ।
গাইতে লাগিল প্রেমকণ্ঠে কৃষ্ণ নাম।

ক্রমশঃ।

পূর্ণিমা।

মাসিক পত্রিকা ও সমালোচনী।

২য় ভাগ।

জ্যৈষ্ঠ, সন ১৩০১ সাল।

২য় সংখ্যা।

বঙ্কিমচন্দ্র চট্টোপাধ্যায়।

বাঙ্গালীর এক অপবাদ আছে যে বাঙ্গালী জাতীয় সাহিত্যের আদর করিতে শিখে নাই। মধুসূদন দত্তের শেষদশা ও তাঁহার পরলোকান্তে তাঁহার সন্তান সন্ততীর কথা স্মরণ করিলে মনে হয় যে এ অপবাদ সত্য। আজ বঙ্কিম বাবুর স্মরণার্থে লোকে বেরূপ আগ্রহ করিতেছেন তাহা দেখিয়া বোধ হয় যে বাঙ্গালী তাঁহার সে অপবাদ দূর করিবার জন্ত উদ্যোগী হইয়াছেন। কি স্বদেশীয় কি বিদেশীয় বাহারা বাঙ্গালীর প্রকৃত হিতৈষী, তাঁহারা এই সুলক্ষণ দেখিয়া আন্তরিক স্বখে সুখী হইতেছেন।

যে জাতির সাহিত্য নাই, অথবা যে জাতি সাহিত্যের আদর জানে না, সত্য জগতে সে জাতি বর্কর বলিয়া অভিহিত। বাঙ্গালী সত্য সমাজের উপযোগী হইরাও জাতীয় সাহিত্যে বঞ্চিত। যে সকল মহাত্মা বাঙ্গালীর সে কলঙ্ক দূর করিবার জন্ত, অর্থ, সময়, বিদ্যা, বুদ্ধি, দেহ, এমন কি জীবন পর্য্যন্ত উৎসর্গ করিয়াছেন, তাঁহাদিগকে হারাইলে দেশের যে কি ক্ষতি তাহা ব্যক্তিমাতেই অবগত আছেন। আজ আমরা বঙ্কিম বাবুকে হারাইরা সেইরূপ একজন মহাত্মাকে হারাইয়াছি। “সেইরূপ একজন” বলিলে বঙ্কিম বাবু বঙ্গসাহিত্যে কিরূপ স্থান অধিকার করিতেন, তাহা ঠিক বলা হইল না। বঙ্কিম বাবু সেইরূপ মহাত্মাদিগের অগ্রণী। কি করিয়া জাতীয় সাহিত্য সৃষ্টি করিতে হয়, কি করিয়া তাহার অস্থি, মেদ, মাংস, মজ্জা, কণ্ঠের সন্নিবেশ করিতে হয়, কি করিয়া সাহিত্যের শৈশবাবস্থায় তাহাকে

লালন পালন করিতে হয়, কিশোর অবস্থায় কি করিয়া তাহাকে পরিচালন করিতে হয়, যৌবনে কি করিয়া তাহাকে সুসজ্জিত করিতে হয়, প্রৌঢ়াবস্থায় কি করিয়া তাহার পরিচর্যা করিতে হয়, তাহা বঙ্কিম বাবু যেমন জানিতেন, তেমন বঙ্কিমের আর কোন সাহিত্যিকর্তা জানিতেন কি না সন্দেহের স্থল। বঙ্কিম বাবু জাতীয় সাহিত্যে তাঁহার দেহ, মন, প্রাণ সকলই উৎসর্গ করিয়াছিলেন। যিনি মনোযোগের সহিত তাঁহার প্রথম হইতে শেষ গ্রন্থ পর্যন্ত পাঠ করিয়াছেন, তিনি বুঝিয়াছেন যে বঙ্কিম বাবুর জীবনের সঙ্গে সঙ্গে বঙ্গসাহিত্যের অপূর্ণ কৃতি ও পরিণতি ঘটিয়াছে। তবে যাহারা বঙ্কিম বাবুর গ্রন্থ, ব্যঙ্গমা ব্যঙ্গমীর গল্পের গ্রন্থ পাঠ করিয়াছেন তাঁহাদের নিকট বঙ্কিম বাবুর প্রতিভার সম্যক সমাদর আমরা প্রত্যাশা করি না।

যাহারা বঙ্কিম বাবুর অভাব হৃদয়ঙ্গম করেন নাই, তাঁহাদের কাছে বঙ্কিম বাবুর সাহিত্য-জীবনের পরিচয় দেওয়া আবশ্যিক। তাঁহার সাহিত্য জীবনের সম্যক পরিচয় দিতে হইলে একখানি বৃহৎ গ্রন্থ রচনা করিতে হয়। আশা করি কোন উপযুক্ত লোক সে কার্যের ভার গ্রহণ করিবেন। এক্ষণে আমরা সংক্ষেপে তৎসম্বন্ধে দুই চারিটি কথা বলিব।

বঙ্কিম বাবুর প্রতিভা সম্বন্ধে এখন কোন কথা না বলাই ভাল। প্রতিভার আদর করিতে এখনও আমরা শিথি নাই। লোকের মহত্ত্ব বুঝিতে হইলে তাঁহার দ্বারায় জনসাধারণের কি উপকার হইয়াছে, সাধারণতঃ আমরা তাহারই আলোচনা করিয়া থাকি। প্রতিভার জন্ত প্রতিভার সমাদর করিতে এখনও আমাদের বিলম্ব আছে। যখন ইংলণ্ডের জনসাধারণের গ্রন্থ আমরা Byron, Burns, Shelly, Keats প্রভৃতির গ্রন্থ প্রতিভাশালী লেখককে পূজা করিতে শিখিব, যখন Carlyle এর গ্রন্থ কোন ব্যক্তি বঙ্গদেশে জন্মগ্রহণ করিয়া বাঙ্গালীকে “বীরপূজা” অর্থাৎ Hero worship শিখাইবেন, তখন বঙ্কিম বাবুর প্রতিভার আলোচনার উপযুক্ত সময় উপস্থিত হইবে। এক্ষণে আমরা কেবল বঙ্কিম বাবুর দ্বারায় দেশের কি মঙ্গল সাধিত হইয়াছে তৎসম্বন্ধে গোটাকতক সুল সুল কথা বলিয়াই ক্ষান্ত হইব।

পূর্বেই বলিয়াছি, বঙ্কিম বাবু বঙ্গসাহিত্যের যেমন গুরুগিরি করিয়া গিয়াছেন তেমন গুরুগিরি বঙ্কিমের আর কোন লেখকই করিতে পারেন নাই।

তাঁহার সাহিত্য-জীবনের সেইটাই প্রধান অঙ্গ। কিরূপে তিনি সেই গুরুগিরি করিয়াছিলেন তাহার একটু বিবরণ বলিতেছি। বঙ্কিম বাবুর আদ্যজীবনের সময় “সাময়িক সাহিত্য” অর্থাৎ current literature বলিলে যাহা বুঝি, বঙ্গভাষায় সেরূপ কোন জিনিষ ছিল না। তখন ইংরাজী ভাষার আলোচনায় বঙ্গদেশ উন্নত। যাহারা বাঙ্গালা পড়িতে ভাল বাসিতেন, ইংরাজি শিক্ষিত ব্যক্তির তাহাদের অশিক্ষিত ভাবিতেন। তখন বঙ্গভাষার লেখকের অভাব ছিল না। ঈশ্বরচন্দ্র বিদ্যাসাগর, মদন-মোহন তর্কলঙ্কার, তারাশঙ্কর ভট্টাচার্য্য, কালীপ্রসন্ন সিংহ, মধুসূদন দত্ত, ভূদেব মুখোপাধ্যায়, দীনবন্ধু মিত্র, রঙ্গলাল বন্দ্যোপাধ্যায়, অক্ষয়কুমার দত্ত, দ্বারকানাথ অধিকারী, হেমচন্দ্র বন্দ্যোপাধ্যায় প্রভৃতি তাঁহার পূর্ববর্তী ও সম-সাময়িক মহাত্মাগণ বঙ্গভাষার উন্নতি সাধন পক্ষে কৃতসঙ্কল্প হইয়াছিলেন। কিন্তু লেখক সচেষ্ট হইলে কি হইবে? পাঠক কোথায়? যাহারা ইংরাজী ভাল জানিতেন, তাঁহাদের মধ্যে অধিকাংশ লোকেই ইংরাজী পড়িতে ভাল বাসিতেন। যাহারা সংস্কৃত ভাল জানিতেন, তাঁহারা সংস্কৃত পড়িতে ভাল বাসিতেন; এই উভয় শ্রেণীর লোকের পক্ষেই বঙ্গভাষা অপাঠ্য ছিল। যাহারা এ দুই ভাষাই ভাল জানিতেন না, তাঁহাদের মধ্যে যাহারা ধর্ম্মানুরাগী, তাঁহারা হয় কালীপ্রসন্ন সিংহের মহাভারত, নয় কীর্ত্তিবাসী বা কাশীদাসী রামায়ণ কি মহাভারত পড়িতেন, আর যাহারা কৌতুকপ্রিয়, তাঁহারা টপ্পা বা ছড়ার বই লইয়াই অবসর অধ্যয়ন করিতেন। হিন্দুধর্ম্মে অনুরাগ তখন ইংরাজীতে অশিক্ষিত দলের মধ্যেই প্রবল ছিল। সেই জন্ত কাশীদাসী ও কীর্ত্তিবাসী রামায়ণ মহাভারত অধিকাংশ দোকানী পশারীরই অক্ষশোভা করিত। “বটতলার সাহিত্য” বলিয়া যে জিনিষ ছিল, যাহা এখনও আছে, তাহা কুরুচিসম্পন্ন যুবকদের, ও লিখিতে পড়িতে জানেন এমন পুরমহিলাদের অকৃচির পরিপোষণ করিত। বঙ্কিম বাবু আপন প্রতিভাবলে দেশের প্রকৃত অভাব বুঝিলেন। বুঝিলেন যে বঙ্গসাহিত্যের পাঠকের বড় অভাব, পাঠক প্রস্তুত না করিলে সাহিত্যের আশারূপ উন্নতি ঘটিবে না। আর বুঝিলেন যে যাহারা সংস্কৃত ভাষার ছাঁদে বঙ্গভাষা গঠন করিতে উদ্যত তাঁহাদেরও অভিলাষ পূর্ণ হওয়া অসম্ভব। কারণ একদিকে সংস্কৃত ভাষার আলোচনার ভার তখন কেবল “টুলো” পণ্ডিতদের হস্তে। অপর দিকে,

নব্য সম্প্রদায়ের রুচি ইউরোপীয় ছাঁচে গঠিত হইতেছে। এ অবস্থায় ইংরাজী প্রথা অবলম্বন না করিলে, কি লেখক কি পাঠক কাহারই পক্ষে সুবিধাজনক নহে। এ কার্যের জন্ত নূতন এক দল লেখক সৃষ্টি করা আবশ্যিক তাহাও বুঝিলেন। নতুবা “সাময়িক সাহিত্য”, যাহাকে current literature বলে, তাহার সৃষ্টি হইবার উপায় নাই; “সাময়িক সাহিত্যের” সৃষ্টি না হইলে সাহিত্যের প্রকৃত উন্নতিও ঘটিবে না। তখন ভাবিয়া স্থির করিলেন যে সাময়িক সাহিত্য সৃষ্টির এক প্রধান উপায় মাসিক পত্রিকা। মাসিক পত্র প্রচার না করিলে সাময়িক লেখক ও ভাবুকদের মনে যে সকল তত্ত্ব আবির্ভূত হয়, জনসাধারণের তাহা আলোচনা করিবার সুবিধা হয় না। একরূপ পত্রিকা প্রচার করিতে হইবে যাহাতে সংস্কৃতজ্ঞ ব্যক্তিরা প্রাচীন তত্ত্ব সম্বন্ধে ও ইংরাজী শিক্ষিত লেখকগণ ইউরোপীয় তত্ত্ব সম্বন্ধে প্রবন্ধাদি লিখিতে পারেন। এই উপায়ে উভয় ভাষার উত্তম উত্তম ভাবগুলি সাধারণ কর্তৃক আলোচিত হইবে এবং পাঠকদের পক্ষে উভয় বিষয়ের জ্ঞান সুগম ও সুলভ হইবে। এইরূপ স্থির করিয়া বঙ্কিম বাবু “সাময়িক সাহিত্যের” লেখক ও পাঠক উভয়েই সৃষ্টি করিতে কৃতসঙ্কল্প হইলেন। তাহার পুঁতে পণ্ডিতবর কৃষ্ণকমল ভট্টাচার্য্য মহাশয় একবার এই পথ অবলম্বন করিয়াছিলেন, কিন্তু তখন উপযুক্ত পাঠক প্রাপ্ত হইয়াছিল না বলায়, তাহার “অবোধবন্ধু”র অকাল মৃত্যু ঘটিয়াছিল।

বঙ্কিম বাবু জানিতেন যে একরূপ ছরুহ কার্যের ভার গ্রহণ করিবার একমাত্র উপযুক্ত ব্যক্তিই তিনি। দাঁড়ীর অভাব ছিল না, তুফান বড়, মাঝি শক্ত নহিলেনোকা বান্চাল হইবার সম্ভাবনা, স্মরণে নিজে হাল ধরিলেন। মধুসূদন দত্ত, দীনবন্ধু মিত্র, রঙ্গলাল বন্দ্যোপাধ্যায়, তারাপ্রসাদ চট্টোপাধ্যায়, হেমচন্দ্র বন্দ্যোপাধ্যায়, কৃষ্ণকমল ভট্টাচার্য্য, যোগেন্দ্রচন্দ্র ঘোষ, ও চন্দ্রনাথ বসু প্রভৃতি বিদ্যা, বুদ্ধি ও প্রতিভাসম্পন্ন ব্যক্তিগণকে সহায় করিয়া বঙ্গদর্শন প্রচার করিলেন। দেখিতে দেখিতে বঙ্গদর্শন বঙ্গভাষার যুগান্তর উপস্থিত করিল। বঙ্গীয় লেখক শ্রেণীর চিন্তার দ্বার খুলিয়া গেল, বাঁহার যে বিষয়ে অধিকার তিনি সেই বিষয়ে রচনা করিতে লাগিলেন। দেখিতে দেখিতে সাময়িক ও মাসিক পত্রিকার দেশ বৃদ্ধি গেল। নিত্য নূতন পুস্তক প্রচারিত হইতে লাগিল। বঙ্গদর্শনে প্রাপ্ত গ্রন্থের সমালোচনার উপযুক্ত

লেখক ও গ্রন্থকারেরা উৎসাহ প্রাপ্ত হইতে লাগিলেন, অল্পবয়স্ক লেখকেরা ভগ্নোৎসাহ হইয়া কুসাহিত্যের বিস্তারে নিরস্ত হইলেন। বাঁহার কেবল ইংরাজী লিখিতেন বা পড়িতেন, ইংরাজী না হইলে বাঁহার মনের ভাব পর্যন্ত প্রকাশ করিতে পারিতেন না, তাঁহার আশ্চর্য্যান্বিত হইলেন, দেখিলেন যে চেষ্টা করিলে বাঙ্গালা ভাষায়ও উচ্চ ভাব প্রকাশ করা যায়। মাতৃভাষায় ভাব প্রকাশ করিতে পারিলে বেমন সুখের হয়, বিজাতীয় ভাষায় তেমন হয় না। স্মরণে ইংরাজী শিক্ষিত ব্যক্তিরা দলে দলে লেখক হইবার জন্ত বঙ্কিম বাবুর নিকট শিক্ষা-নবিসী করিতে লাগিলেন। এইরূপে বঙ্কিম বাবু বাঙ্গালার “সাময়িক সাহিত্য” (current literature) সৃষ্টি করিলেন, ও সেই সঙ্গে বাঙ্গালার কয়েক জন সুলেখক ও সুপাঠক সৃষ্টি করিয়া দিলেন। মহাত্মা মধুসূদন দত্ত অমিত্রাক্ষর ছন্দ রচনা করিয়া বঙ্গের কবিদিগকে কাব্যের শৃঙ্খল হইতে মুক্তি দিয়া গিয়াছেন, বঙ্কিম বাবু “সাময়িক সাহিত্য” সৃষ্টি করিয়া নব্য সম্প্রদায়ের চিন্তাশূন্যতার দ্বার উন্মুক্ত করিয়া দিয়া গিয়াছেন। সেই সঙ্গে ভাবের জটিল পথগুলি সরল করিয়া দিয়া ভাষার স্রোত প্রবল করিয়া দিয়া গিয়াছেন। যিনি লক্ষ্য করিয়াছেন তিনিই বুঝিয়াছেন যে, যে কোন জটিল বিষয় হউক বঙ্কিম বাবুর ভাষার মোহিনী শক্তিতে তাহা এক অপূর্ণ মূর্তি ধারণ করিয়াছে।

বঙ্কিম বাবুর উপন্যাসাদি সম্বন্ধে এখনও কোন কথাই বলি নাই। সে সম্বন্ধে কোন কথা বলিবার পূর্বে তাঁহার উপন্যাসগুলিকে দুই ভাগে বিভক্ত করিতে হইবে। তাঁহার বৌবনাবস্থায় লিখিত গ্রন্থগুলি এক ভাগে, ও তাঁহার পৌঢ়াবস্থায় লিখিত গ্রন্থগুলি আর এক ভাগে বিভক্ত না করিলে বঙ্কিম বাবুকে বুঝিবার গোল হইবে। প্রতিভাশালী ব্যক্তি মাত্রেই রচনা বেকরূপ হইয়া থাকে, বঙ্কিম বাবুর উপন্যাসেও সেইরূপ ঘটিয়াছে, তাঁহার প্রত্যেক উপন্যাসই তাঁহার নিজস্ব, যাহাকে ইংরাজিতে (personality বলে) পরিপূর্ণ। বিচার করিতে হইলে দোষ গুণ উভয়েই বলিতে হয়, তাহা বলিতে হইলে তাঁহার নীতি ও ধর্মের কথা তুলিতে হয়, তাহা করিতে গেলে তাঁহার নিজস্ব (personality) আসিয়া পড়ে। শুনিতেনছি তিনি মৃত্যুর পূর্বে নিবেদন করিয়া গিয়াছেন যে যেন কেহ ১২ বৎসরের মধ্যে তাঁহার জীবন-বৃত্তান্ত না লেখেন, আর তাঁর

জীবন-চরিত লিখিবার ভার তাঁহার বালক দোহিত্রের উপর ত্রুস্ত করিয়া গিয়াছেন। এ অবস্থায় তাঁর উপত্যাসের নীতি ও শিক্ষার বিষয় এখন বিস্তারিত আলোচনা না করাই উচিত। তাঁহার জীবদ্দশায় প্রকাশিত “কাব্যসুন্দরী” ও “বঙ্কিমচন্দ্র” বলিয়া দুই খানি পুস্তকে তাঁহার উপত্যাস লিখিত অনেক চরিত্রের সৌন্দর্য্য বিচার করা হইয়াছে। যাহারা তাহা পাঠ করেন নাই, তাঁহাদের সেই দুই খানি গ্রন্থ পাঠ করিতে অনুরোধ করি। তবে বঙ্কিম বাবুর উপত্যাস সম্বন্ধে সংক্ষেপে দুই একটি কথা বলিবার বাধা দেখি না।

বঙ্কিম বাবুর উপত্যাস ইংরাজী ভাষার উপত্যাসের অনুকরণে বিরচিত হইলেও, সে গুলি বঙ্গভাষায় এক অপূর্ব বস্তু। তাহাদের উজ্জ্বল কিরণে বঙ্গসাহিত্য আলোকিত হইয়াছে তাহাতে আর সন্দেহ নাই। স্থানে স্থানে সাধারণের রুচি ও নীতি বিরুদ্ধ কথা থাকিলেও অধিকাংশ স্থলেই যে তাহাদের চমৎকারিত্বে মুগ্ধ হইয়া লেখকের প্রভূত প্রতিভা শক্তি স্বীকার করিতে হয়, তাহা উপযুক্ত পাঠক মাত্রেরই স্বীকার করিবেন। একটা কিছু নূতন না করিতে পারিলে যে প্রতিভাশক্তি নাই, তাহা নহে। পুরাতন জিনিষকে নূতন করিয়া তুলিতে পারিলেও লেখকের প্রতিভাশক্তি স্বীকার করিতে হইবে। তাহা না করিলে পৃথিবীর কত বড় বড় কবি, দার্শনিক, উপত্যাস লেখক ও বৈজ্ঞানিক দাঁড়াইবার স্থান পান না। বঙ্কিম বাবুর যে সৌন্দর্য্য সৃষ্টি করিবার শক্তি অদ্ভুত ছিল, সঙ্গীত রচনা করিবার শক্তি অসাধারণ ছিল, তাহা তাঁহার পুস্তকের পাঠক মাত্রকেই স্বীকার করিতে হইবে। তিনি যেমন সুপুরুষ, তাঁহার অন্তরটিও তেমনি সৌন্দর্য্যে পরিপূর্ণ ছিল। সর্বদা সৌন্দর্য্যে ভোর হইয়া থাকিতেন বলিয়া তাঁহার এত সৌন্দর্য্যসৃষ্টির শক্তি জন্মিয়াছিল। Plato বলিয়াছেন The love of the beautiful fertilizes the artist. বঙ্কিম বাবু তাহার এক উজ্জ্বল দৃষ্টান্ত। তাহার পর আমাদের হৃদয়ের যে সকল কোমল ভাবগুলি আমরা বুঝিতে পারিতাম অথচ বুঝাইতে পারিতাম না, সেরূপ অনেক ভাব, কি করিয়া বলিলে অস্ত্রের বোধগম্য হয়, তাহা বঙ্কিম বাবু তাঁহার উপত্যাসে পত্রে পত্রে দেখাইয়া গিয়াছেন। মহাত্মা ঈশ্বরচন্দ্র বিদ্যাসাগর, কবিকুল তিলক মধুসূদন ও ভাবরত্নাকর বঙ্কিম বাবু,

এই তিন জনের মধ্যে কে বঙ্গ সাহিত্যের অধিকতর উন্নতি সাধন করিয়াছেন, অনেককেই তদ্বিষয়ে বাদান্তবাদ করিতে দেখিতে পাই। তিন জনেরই কার্যক্ষেত্র পৃথক, ইহাদের তুলনা করিতে যাওয়া যুক্তি-সঙ্গত বলিয়া মনে হয় না। আমি বলি, বিদ্যাসাগর মহাশয় বঙ্গ ভাষার দেহপঞ্জর রচনা করিয়াছেন, মাইকেল মধুসূদন দত্ত, তাহায় জীবনী শক্তি দিয়াছেন এবং বঙ্কিম বাবু তাহার যৌবন সঞ্চারণ করিয়াছেন।

শেষ দশায় বঙ্কিম বাবু বুঝিয়াছিলেন যে বঙ্গের নব্য সম্প্রদায়ের ধর্ম প্রবৃত্তির অনুশীলন হইতেছে না। আরও বুঝিয়াছিলেন যে, নব্য সম্প্রদায়কে কি করিয়া শিখাইতে হয় তাহা তিনি ব্যতীত অস্ত্রে জানেন না। সেই জন্ত প্রোচাবস্থায় তিনি সেই বিষয়ে বিশেষ মনোযোগী হইয়াছিলেন। তাঁহার কৃষ্ণচরিত্র, ধর্মতত্ত্ব ও অসমাপ্ত গীতার ব্যাখ্যায় তিনি নব্যবঙ্গকে ধর্ম্মানুশীলন শিক্ষা দিবার জন্ত কিরূপ কঠিন চিন্তা ও পরিশ্রম করিতোছিলেন তাহা পাঠক মাত্রেরই অবগত আছেন। কেশব সেন প্রভৃতি মহাত্মারা বাঙ্গালীর ধর্ম্ম জীবনের নব অভ্যুদয় করিবার জন্ত যথেষ্ট চেষ্টা করিয়া গিয়াছেন সত্য। কিন্তু বঙ্কিম বাবু বুঝিয়াছিলেন যে তৎ সম্প্রদায়ের আচার ব্যবহার বৈদেশিক প্রথায় গঠিত হওয়ায় হিন্দুর সমাজ—বন্ধন শিথিল হইতেছে। দেশের আচার ব্যবহার রীতি নীতির পরিবর্তন আবশ্যক বটে, কিন্তু বৈদেশিক উপকরণে সে সকল গঠিত করিতে গেলে সে গঠন টিকিবে না। কোমতের উপদেশ অনুযায়ী পাশ্চাত্য, ও গীতার উপদেশ অনুসারে প্রাচ্য ভাব গ্রহণ করিয়া, উভয়ের সামঞ্জস্য না করিলে ইউরোপীয় ভাবাপন্ন নব্য বঙ্গের নিকট ধর্ম্মানুশীলনের কথা প্রীতিকর হইবে না। ইহা সিদ্ধান্ত করিয়া তিনি ধর্ম্মতত্ত্বের ব্যাখ্যা করিতে কৃত-সম্মল হইয়াছিলেন। হিন্দুধর্ম্মের যে সকল তত্ত্ব, গীতার যে সকল মর্ম্ম, নব্য বঙ্গের অধিকাংশ ব্যক্তিই জটিল বলিয়া অবহেলা করিতেছিলেন, যে কৃষ্ণ-চরিত্র, বৈষ্ণব সম্প্রদায়ের কবিকল্পনা, অথবা কুরুক্ষেত্র যুদ্ধের কুপরামর্শদাতা বলিয়া নব্য সম্প্রদায়ের নিকট অজ্ঞানিত হইত, বঙ্কিম বাবু তাহার প্রকৃত মর্ম্ম প্রচার করিবার চেষ্টা করিতেছিলেন, তাঁহার অকাল মৃত্যুতে সে মহত কার্য অসম্পূর্ণই রহিয়া গেল। ফলে, তিনি ইংরাজী শিক্ষিত নব্য সম্প্রদায়ের জন্ত হিন্দুধর্ম্মের কয়েকটি সূক্ষ্ম তত্ত্বের দ্বার উদ্ঘাটন করিয়া দিয়া

গিয়াছেন। আজ যে নব্য বঙ্গের মুখে মুখে গীতার কথা, কৃষ্ণ চরিত্রের মহাত্ম্যের কথা, চিত্তশুদ্ধির কথা, জ্ঞান ভক্তি ও কর্মের কথা শুনিতে পাই, সে কেবল বঙ্কিম বাবুর উদ্যোগে ঘটিয়াছে। এ সকল জটিল কথা সরল করিয়া বলিবার একমাত্র উপযুক্ত লোক ছিলেন, বঙ্কিম বাবু—আর দ্বিতীয় ব্যক্তি নাই।

অতএব আমরা দেখিতে পাই যে বঙ্কিম বাবু, কেবল মাত্র কবি, বা উপন্যাস লেখক, বা সমালোচক বা দার্শনিক ছিলেন না, সম্মুখকালেও তিনি একজন প্রধান উদ্যোগী শিক্ষক ছিলেন। এরূপ লোককে যদি প্রকৃত দেশহিতৈষী না বলিব, তবে আর কাহারও বলিব তাহা আমি জানি না।

তিনি Government এর গুরুতর কার্যে নিযুক্ত ছিলেন, দাসত্বের কি যন্ত্রণা তাহা যিনি বুঝিয়াছেন, তিনি অবশ্যই জানেন যে সমস্ত দিন খাটিয়া খুটিয়া শরীর ও মন কিরূপ অবসন্ন হইয়া পড়ে। আবার বাঙ্গালীর দাসত্ব আরও ক্রেশকর। কার্য কিরূপ সূখ্যাতির সহিত নির্বাহ করিতেন তাহাও অনেকে অবগত আছেন। তিনি কার্য হইতে বিদায় লইবার সময় বঙ্গের ছোট লাট তাঁহার গুণবত্তার কিরূপ প্রশংসা করিয়াছেন তাহাও আপনারা জ্ঞাত আছেন। মনিবের প্রিয় হইতে হইলে কিরূপ বস্ত্র ও পরিশ্রমের সহিত কার্য নির্বাহ করিতে হয় তাহা কর্মচারী মাত্রেই জানেন। সেই বহু পরিশ্রমের পর, অবসরকাল সূখ স্বচ্ছন্দতায় অতিবাহিত না করিয়া, বঙ্কিম বাবু বঙ্গের ভবিষ্যৎ বংশের মঙ্গল সাধনের জন্ত ক্ষেপন করিতেন। অর্থের অল্পরোধে অথবা চাকুরীর দায়ে ভিন্ন, এরূপ কষ্টলভা অবসর কাল যিনি বিদ্যালয়শীলন বা জ্ঞান চর্চায় ব্যয়িত করেন, তিনিই একজন অসাধারণ ব্যক্তি। আবার যিনি স্বদেশের বা স্বজাতির মঙ্গল সাধনের জন্ত সে অবসর অতিবাহিত করেন, তাঁহাকে কি বলিতে হয় আপনারাই বলুন। Carlyle বলিয়াছিলেন যে “ব্রিটন মুকুট” হইতে ভারতবর্ষরূপ হীরকখণ্ড পসিয়া পড়িলে তত ক্ষতি নহে, কিন্তু সেক্ষপীরের স্থায় কবির অভাবে ব্রিটন রাজ্যের সমুদ্র ক্ষতি। আমিও যদি যে বঙ্গদেশের কোন অংশ ভূকম্পনে সাগর গর্ভে নিহিত হইলে বড় ক্ষতি না হইত, আজ বঙ্কিম বাবুকে হারাইয়া আমাদের তদপেক্ষা অধিক ক্ষতি হইয়াছে।

বঙ্কিম বাবুর কোন প্রকার গৌরব স্তম্ভ স্থাপন করিবার আবশ্যকতা নাই, তিনি নিজে তাঁহার কীর্তিস্তম্ভ গঠন করিয়া গিয়াছেন, লক্ষ লক্ষ মুদ্রা ব্যয় করিয়াও তাহার মত কীর্তিস্তম্ভ গঠিত করিতে আমরা পারিব না। তাঁহার গ্রন্থ কালে কালে, দেশে দেশে, ভাষায় ভাষায় অনুবাদিত হইয়া ঘরে ঘরে শোভা করিবে। তবে যে আমরা মিলিত হইয়াছি, সে কেবল রুতজ্ঞতা বারিতে আমাদের হৃদয় পবিত্র করিবার জন্ত।

আপনাদের মধ্যে অনেকেই বঙ্কিম বাবুকে দেখিয়াছেন, অনেকের সঙ্গে হয়ত পরিচয় ছিল, অনেকের সঙ্গে হয়ত হৃদয়তা ছিল, বলুন দেখি তাঁহার সেই সৌম্যমূর্তি, সেই মধুর প্রকৃতি, সেই বিদ্যা, বুদ্ধি ও জ্ঞানগর্ভ-কথা কি ভুলিবার সামগ্রী? যে তাঁহাকে চিনিয়া ছিল, তাহারি হৃদয় বঙ্কিমচন্দ্রে ভরিয়া গিয়াছিল। হায়! আমাদের সেই হৃদয়ের বঙ্কিমচন্দ্র আজ কোথায়!*

নববর্ষে বিধবা।

হাসিছে মেদিনী হাসিছে গগন হাসিছে অনিল হাসিছে তপন
হাসিছে কোয়েলা হাসিছে দোয়েলা যথা তথা হাসি হাসির ছটা।
হাসে চন্দ্র তারা মুকুতার ধারা পিককুল হাসে হ'য়ে মাতোয়ারা
ভ্রমরীর সনে হাসিছে ভ্রমরা শুঙ্কনে তুলিয়া হাসির ঘট।
না জানি কারণ কিসের লাগিয়া পাণিয়া গাহিছে নাচিয়া নাচিয়া
মাতায়ে বিপিনে ভাসা'য়ে পুরাণে ব্যথিতের মন করিয়ে বিহবল।
থাকিয়া থাকিলা পবন বহিছে নাচিয়া নাচিয়া উঠিছে জল
নাচিয়া নাচিয়া উড়িছে ভ্রমর ফুটিয়া উঠিছে কুসুমদল।

*বঙ্কিম বাবুর স্মরণার্থে হুগলীর “ভিক্টোরিয়া হলে” যে সভা হয়, তাহাতে শ্রীযুক্ত ঈশানচন্দ্র বন্দ্যোপাধ্যায় এই প্রবন্ধটি পাঠ করিয়াছিলেন।

২

নববর্ষাগমে শোক পরিহরি হৃদয়ের জ্বালা হৃদয়ে আবারি
সস্তপ্ত মানব দেখিছে উৎসব প্রকৃতির সাজ বিমল জ্যোতি।
পুত্রশোকাতুরা আছিল জননী হৃদয়ের ধন ত্যজিলে অবনী,
ত্যজে চীরবাস দেখিয়া উল্লাস মুছে অশ্রুধারা বিষাদে অতি ॥
পতিগতপ্রাণা যতেক ললনা ক্ষণমাত্র ভুলি বিরহ যাতনা
কি যেন শুনিয়া আকুল হইয়া চাহে চারিদিকে অধীরা হয়ে।
দেখ দেখ ঐ চির অনাথিনী বালবিধবা বঙ্গের রমণী
আনত বদনে সফল নয়নে শূন্যপথে দেখ রয়েছে চেয়ে ॥

৩

কহিছে বিধবা হেরিয়া উল্লাস, ভাবমাত্র মুখে নাহিক বিকাশ
নিশ্বাসের সঙ্গে বহিছে সঘনে প্রাণে ছিল যত হতাশ তার।
ওহে নববর্ষ বলহে আগারে আসা যাওয়া তুমি কর বারেবারে
পার কি আনিতে তোমার সহিতে হৃদয়ের ধন পতিরে আমার ॥
পার কি বলিতে সে রূপমাধুরী হৃদয়ের বৃত্ত কেন ছিন্ন করি
এ শোকসাগরে অকূল পাথারে চলি গেল মোরে ফেলিয়া হায়।
বল বল সখা ক'র না চলনা কোন রাজ্যে তাঁর বসতি বল না
সে রাজ্যে তোমার আছে অধিকার? বলহে আমারে ধরিছে পা

৪

তা যদি হে থাকে বলহে তাঁহারে প্রণয়িনী তাঁর ডাকিছে কাতরে
দিবস রজনী বসি উদাসিনী ভাসে অশ্রুণীরে বিধুরা বালা।
ব'ল তাঁরে সখা দোহাই তোমার দেখিতে বাসনা বারেক আমার
একবার দেখি জুড়াইব আঁখি নিবাইব ঘোর বিরহ জ্বালা ॥
তা যদি না পার শুন তবে বুলি লয়ে যাও মোরে গেল যথা চলি
প্রাণেশ আমার, হৃদয় মাঝার স্বধার সাগরে গরল ঢালি।
(তখন) বসি পতিপাশে মনের উল্লাসে প্রকৃতির সহ হাসিব হরিষে
নববর্ষশোভা অতি মনোলোভা পতি অঙ্কে বসি দেখিব খালি ॥

শ্রীঅক্ষয়কুমার শর্মা

পাথিক।

দুরগম পথ, রয়েছে সম্মুখে,
দেখিলে তরাস পাই! . . .
আসিছে রজনী, বিস্তারি আঁধার,
সঙ্গেতে কেহ যে নাই!
চলিয়াছি পথ, অনেক যোজন,
চলিতে পারি না আর;
অবসন্ন তনু, বিষণ্ণ অন্তর,
হেরি সব অন্ধকার!
স্বাপদ সঙ্কুল, নিবিড় কান্তার,
দেখিলে আতঙ্ক হয়।
নাহিক সাহস, নাহি দেহে বল,
অবণ চরণদ্বয়।
কোথায় যাইব, কোথায় যেতেছি,
কিছুই নাহিক ঠিক।
কেমন করিয়া, নিরুপিব পথ,
আঁধারে আচ্ছন্ন দিক!
কে যেন কহিল,— “কেন পাও ভয়,
হও পাহ অগ্রসর?
অবিলম্বে পাবে, বন্ধু একজন,
সাহসে করহ ভর।
“মৃত্যু” তাব নাম, জগত ভিতরে,
ভীষণ মূর্তি তার!
সাহস করিয়া, কর আলিঙ্গন,
পাবে যদি পুরস্কার।”

শ্রীরামগোপাল ঘোষা

প্রেম-প্রতিমা ।

নয়নের পথে কটুক সে দূরে,
চাহি না চাহি না কাছে ।
স্বথ,—ভাবনায়, উপভোগে নয়,
ভোগে অবসাদ আছে ॥
থাকে না কোমল, ভাব নিরমল,
হৃদয় মর্দিন হয় ।
মিটে না মিটে না প্রাণের পিপাসা
কেবল অভাব রয় ॥
তাহার সুন্দর ফুলের অন্তর,
অধরে ফুলের হাস ।
আঁখি দুটি যেন, প্রেমে ঢলঢল,
বদনে প্রেমের ভাষ ॥
সে মুখ-কমল, অনিন্দ্য সরল,
মধুর আবেশময় ।
বাসনা অন্তরে, থাকি দূরে দূরে,
পরশিতে বাসি ভয় ॥
হৃদয়ে আমার বিকার আঁধার,
বিরাজিত পূর্ণভাবে ।
এ দক্ষ হৃদয় পরশিলে তায়,
তাঁহে সে শুকায়ে যাবে ॥
আঁখির সমুখে ভাসুক সে সুখে,
হেরে প্রাণ জুড়াইবে ।
ছাঁব না ছাঁব না, ছুঁইলে তাহারে
অণুচি সে পরশিবে ॥

শ্রীচাক

সুধাময়ী ।

(উপন্যাস)

(পূর্ব প্রকাশিতের পর ।)

মূর্তিটি একটি পরমা সুন্দরী যুবতী রমণীর প্রতিকৃতি । রমণী, উর্দ্ধদৃষ্টে উর্দ্ধমুখে আকাশের দিকে দৃষ্টি করিয়া আছে । মুক্ত কেশ, অসাবধান বেশ, করযুগল বক্ষঃস্থলে স্থাপিত, জানুহয় সম্মুখে অবনত, দেহ কুঞ্চিত, রমণী যেন অবসন্ন প্রাণে ভূতলে পতিত হইতেছে । পাদদেশে লেখা “নিরাশা ।”

ললিত বলিলেন “সুধা, দৃষ্টি আর একটু উর্দ্ধে তুলিয়া দাও । অধরে যে ঘোর নৈরাশু ঢালিয়াছ দৃষ্টি তত্পর্যুক্ত উর্দ্ধে স্থাপিত হয় নাই, সেই জন্ত অধরের বিকাশ মলিন হইতেছে । এইমাত্র ক্রটি দেখিতেছি, নচেৎ নিরাশার যে মূর্তি সৃষ্টি করিয়াছ, কি বলিয়া যে ইহার প্রশংসা করিব তাহা খুঁজিয়া পাইতেছি না । ভাবের এমন জীবন্ত প্রতিমা কখন দেখি নাই । একজন প্রবীণ শিল্পীর পক্ষেও ইহা গৌরবের বিষয় । তুমি বালিকা, তুমি এই কঠিন শিল্পায়, এ কোমলতম ভাবের এমন মধুর বিকাশ কেমন করিয়া রচনা করিলে, আমি তাহাই ভাবিয়া বিস্মিত হইতেছি । তোমায় ক্ষুদ্র বালিকাটি বলিয়া উপেক্ষা করিতাম । কে জানিত যে তোমার অন্তরে গভীর ভাবের এমন বিস্ময়কর পরিণতি ঘটিতেছে !” এই বলিয়া ললিত মুগ্ধনেত্রে সুধার দিকে দৃষ্টি করিয়া হাস্যমুখে বলিলেন “সুধা আর ত তোমায় বালিকা বলিয়া উপেক্ষা করা হইবে না । তুমি এখন একটা গণ্যমান্ত হইয়া উঠিলে, এখন হইতে তোমাকে আমার সমীহ করিয়া চলিতে হইবে ।” সুধার দৃষ্টি আনত, তাহার শিরায় শিরায় স্নেহের বিদ্যুতপ্রবাহ বহিতেছিল, জ্ঞানন্দোৎসবের কোলাহলে তাহার হৃদয় পুরিয়া উঠিতেছিল । কেনই বা না হইবে । দেশের লোকের চক্ষে ললিতকুমার গুণের পূর্ণ অবতার । সেই ললিত আজ পতিতা, দরিদ্রা, অনাদৃত বালিকার গুণপণায় মুগ্ধ । সুধার পক্ষে ইহা অপেক্ষা সৌভাগ্য আর কি হইতে পারে । সে বালিকা আনন্দের আতিশয়ো অবসন্ন । ভাবিতেছিল আজ তাহার শ্রম সার্থক,

শিক্ষা সার্থক, জীবনও সার্থক। ইচ্ছা হইল মনের সে কথাগুলি বলিয়া ফেলে, কিন্তু ওষ্ঠপ্রান্ত পর্যন্ত আসিয়া কথাগুলি ভাঙিয়া পড়িল। সুধার আর কোন কথা বলিতে সাহস হইল না।

ললিত প্রতিমূর্ত্তির দিকে নিবিষ্টচিত্তে আবার দেখিতেছিলেন। ক্ষণ-বিলম্বেই জিজ্ঞাসা করিলেন :—

“সুধা এ কল্পনা কাহার ?”

সুধা আহতের ত্রায় দৃষ্টি তুলিয়া বলিল “কাহারও ত অনুকরণ করি নাই, নিজের মনগড়া প্রস্তুত করিয়াছি।” কণ্ঠস্বরে ললিত বুঝিলেন যে বালিকার প্রতিভায় আঘাত লাগিয়াছে। অপ্ৰতিভ হইয়া বলিলেন—সুধা এ মূর্ত্তির দিকে চাহিলে বালিকার রচনা বলিয়া মনে থাকে না—তাই আমার ভুল হইয়াছে। প্রতিভার বাল্য বা কৈশোর নাই, তাহা আমি তুলিয়া গিয়াছিলাম।” এই কথা বলিয়া জিজ্ঞাসা করিলেন “এটি তুমি কাহার জন্ত নিৰ্ম্মাণ করিতেছ ?”

সুধা। কাহারও জন্ত নহে। প্রস্তুত ত করিতেছি কিন্তু কেহ ইহা লইবে বলিয়া ত মনে হয় না।

ললিত। কেন সুধা ?

সুধা। এ বিষাদের ছবি কাহার ভাল লাগিবে ?

ললিত। সুধা, বিষাদের ছবি যাহাদের অপ্রীতিকর তাহারা বড় হতভাগ্য। বিধাতা তাহাদের চক্ষে দৃষ্টি দেন নাই। যাহারা নিরন্তর সুখের ছবি খুঁজিয়া বেড়ায় তাহারা মৃগতৃষ্ণিকায় ভ্রমণ করে। তাহারা প্রবৃত্তির লালসায় উন্মত্ত, প্রকৃত সুখ কাহাকে বলে তাহা তাহারা বোঝে নাই। “সংসারের সুখের” ভিতর সুখ নাই। যে সুখের ভিতর দিয়া সুখ অনুসন্ধান করে, তাহার ভাগ্যে সুখলাভ ঘটে না। যে দুঃখের ভিতর দিয়া সুখ অনুসন্ধান করে, তাহার ভাগ্যে সুখ লাভ হয়। এই যে নিরাশার প্রতিমূর্ত্তি রচনা করিয়াছ, ইহাই সংসারের অধিষ্ঠাত্রী দেবীর প্রতিমা—মানবজীবনের পরিণামই এই “নিরাশা”। ইহাই অস্তিমের প্রতিকৃতি। জীবনের সকল আশা, সকল তৃষ্ণা, সকল সুখ, সকল স্বচ্ছন্দতার ভিতর সুখের অনুসন্ধান করিয়া, পরিণামে লোকে এমনি অবসন্ন প্রাণে উর্দ্ধদৃষ্টে সুখের পথ অনুসন্ধান করে। তোমার এ নিরাশার মূর্ত্তিটিকে লইবে না

লইবে, সে চিন্তা তোমায় করিতে হইবে না। আমার ইচ্ছা হইতেছিল এখনি এটিকে তুলিয়া লইয়া যাই, কিন্তু আশঙ্কা হইতেছিল, পাছে তুমি অন্তের প্রয়োজন অনুসারে ইটি প্রস্তুত করিয়া থাক। যখন তাহা নহে, তখন আমি অদ্যই এটি লইয়া যাইব। এই নিরাশার মূর্ত্তি নিরন্তর সন্মুখে রাখিয়া আশার পথ খুঁজিব। তুমি ইহার দৃষ্টি আর একটু উর্দ্ধে তুলিয়া দেও, আমি সন্ধ্যার পূর্বেই লোক সঙ্গে লইয়া আসিব।

ললিতের শেষ কথা গুলি শুনিয়া সুধার মুখ সহসা বিমর্ষ হইল, আনন্ড বদনে ধীরে ধীরে বলিল “আপনার এ মূর্ত্তি লওয়া হইবে না।”

ললিত। কেন সুধা ?

সুধা। শুনিয়াছি আপনি সর্বদাই বিমর্ষ, তাহার উপর এ মূর্ত্তি সর্বদা দেখিলে আপনার মনের অসুখ বাড়িবে।

ললিত ঈষৎ হাস্য করিয়া বলিলেন “তোমায় সে কথা কে বলিল ?”

সুধা। সকলেই বলে।

ললিত। যাহারা বলে, তাহারা আশায় জানে না। তাহাদের চেয়ে আমি শতগুণ সুখী। কিন্তু সুধা, তুমি সে কথাটি মনে করিয়া রাখিয়াছ কেন ?

সুধা। তা—কি জানি।

ললিত। যে নিরাশার এমন সজীব মূর্ত্তি গড়িতে জানে, সে তাহাও জানে। আমি ছাড়িব না, তোমায় বলিতেই হইবে।

সুধা। তবে, বোধ হয় আপনি আমায় দয়া করেন ব’লে।

ললিত মুগ্ধ নেত্রে সুধার দিকে চাহিয়া ছিলেন, দেখিলেন তাহার বদনে ও নয়নে কৃতজ্ঞতা উছলিয়া পড়িতেছে, সঙ্কোচে বালিকা আকুল হইয়া উঠিতেছে। বালিকার অপরিমেয় কৃতজ্ঞতায় ললিতের হৃদয় ভরিয়া উঠিল। বলিলেন—

সুধা আশীর্বাদ করি তুমি সুপাত্রে পতিত হও, চিরজীবন সুখ স্বচ্ছন্দে যাপন কর। তোমার এ স্নেহটুকু বড় পবিত্র। ধনী ও যশস্বী ব’লে আমার প্রতি অনেকেই স্নেহ প্রকাশ করে, কিন্তু সে স্নেহে আমার তৃপ্তি হয় না, তোমার এ নিঃস্বার্থ স্নেহের পবিত্রতা তাহায় নাই। তোমার এ অমূল্য স্নেহ আমি চিরদিন বক্ষে ধারণ করিব।

ললিতের কথা শুনিতে শুনিতে সুধার চক্ষু দুটি জলে ভরিয়া উঠিল। বালিকা সজল নেত্রে ললিতের দিকে একবার দৃষ্টি করিল, দেখিল তাহারও চক্ষু ছল ছল করিতেছে। সহসা সিদ্ধেশ্বরী পাগলিনীর কণ্ঠধ্বনি শ্রবণে প্রবেশ করিল। উভয়েই আগ্রহে দৃষ্টি করিল—দেখিল পাগলিনী সুধার গৃহের দিকে অগ্রসর হইতেছে ও দুই হস্তে একছড়া মালা তুলিয়া ধরিয়া, তাহারি দিকে চাহিয়া গাহিতেছে—

‘চাঁদের কিরণ করিয়ে ডোরি গেঁথেছি কুমুম হার।
পরাগে পরাগে মলয় পবন ঘুমায়ে পড়েছে তার ॥
সৌরভে তাহার নিশির শিশির করিছে চুষন দান।
কেশরে কেশরে উঠিছে শিহরি ফুলের আকুল প্রাণ ॥
প্রাণের বল্লভ হেরিলে আমার পরাব তাহার গলে।
আঁচলে করিয়া ঘুরিয়া বেড়াই ভাসিয়া নয়ন জলে ॥

পাগলিনী দাওয়ার সম্মুখে আসিয়া উপস্থিত হইল। সিদ্ধেশ্বরীকে সে গ্রামের আবাণ বৃদ্ধ সকলেই জানিত। তাহার অলৌকিক কার্য্য সম্বন্ধে নানা প্রকার প্রবাদ শুনা যাইত। কি বালক কি বৃদ্ধ সকলেই তাহাকে ভয় করিত। স্ত্রীলোকেরা তাহাকে দেখিতে পাইলেই আপন আপন ইষ্ট দেবতার পূজা মানিত। কারণ কোন শুভ বা অশুভ ঘটনার আসন্ন কালেই পাগলিনী গ্রামের মধ্যে দেখা দিত। তাহার বয়ঃক্রম কেহ নির্ণয় করিতে পারিত না। তাহার সেই আলুলায়িত শুভ্র কেশ, সেই কুঞ্চিত ললাট, সেই আয়ত লোচন, সেই স্থূল দেহ, সেই জীর্ণবাস, গ্রামের লোকে তিন পুরুষ ধরিয়া একই ভাবে দেখিতেছে। পাগলিনীর কোন নির্দিষ্ট বাসস্থান ছিল না। কখন শ্মশানে কখন প্রান্তরে, কখন নির্জন দীর্ঘিকা তীরে, কখন কোন পরিত্যক্ত ভগ্ন অট্টালিকায়, কখন কালী দেবীর মন্দিরে, কখন গ্রামের অদূরস্থিত জঙ্গলে তাহাকে দেখা যাইত, সেও সর্বদা নহে। সুধামবী ও ললিত কুমার সহসা তাহাকে গ্রামের মধ্যে দেখিয়া উদ্ভিন্ন হইয়া উঠিলেন। পাগলী দাওয়ায় উঠিয়া তাহাদের সম্মুখীন হইল। হাসিতে হাসিতে বলিল—“দেখ্ দেখি কেমন মানিয়েচে, যেমন বর, তেমনি কেনে। এমন মাণিক জোড় না হ’লে কি খোদ সিদ্ধেশ্বরী পুরুতগিরি কর্তে আসে। আমার ভয় হচ্ছিল পাছে ফেসে যায়, ফাঁসবার ঘো কি? এত অন্ধকার

ঘেঁটে ঘেঁটে তোদের অদৃষ্ট খুঁজে বের করলেম, সে কি মিছে হ’তে পারে? “নে—পাশাপাশি দাঁড়া।” এই বলিয়া ললিতের বামপার্শ্বে সুধামবীকে স্থাপন করিল এবং বনফুলের মালা ছড়াটি উভয়ের গলা বেঁধন করিয়া পরাইয়া দিয়া বলিল “নে শুভদৃষ্টি কর।” উভয়েই বিস্ময়ে স্তম্ভিত। পাগলীর কোন বাক্যের বা কার্য্যের প্রতিবাদ করে এমন শক্তি ঘোর নাস্তিকেরও ছিল না, কল্পনাপ্রিয় ললিত কুমারের বা বালিকা সুধার ত কথাই নাই। পাগলী ললিতকে “নে শুভদৃষ্টি কর” বলিলে, ললিত করযোড় করিয়া বলিলেন—“মা এ কি অনুমতি করিতেছেন, এ যে চিন্তার অতীত, স্বপ্নের অতীত, এ যে অসম্ভব!”

ক্রোধে পাগলীর গম্ভীরমুখ আরও গম্ভীর হইয়া উঠিল। ললিতের প্রতি তীব্রদৃষ্টি করিয়া বলিল “অসম্ভব? কে বলে অসম্ভব? লেখা পড়া শিখিয়া বুঝি সম্ভব অসম্ভবের এই জ্ঞান হইয়াছে? সংসারে কি সম্ভব, কি অসম্ভব তাহা সকলি বুঝিয়া লইয়াছ? কাল্ কি ঘটিবে আজ তাহা বলিতে পার না, মুহূর্ত্ত পরে কি ঘটিবে তাহা জানিবার শক্তি নাই, অথচ অদৃষ্টের উপর বুদ্ধি চালাইতেছ।” এই বলিয়া আরক্ত নয়নে তারস্বরে বলিল, “কি সম্ভব, কি অসম্ভব, তাহা সিদ্ধেশ্বরী পাগলী জানে, এখন যাহা বলিতেছি তাহাই কর, লগ্ন উত্তীর্ণ হইয়া যাইতেছে।” বলিয়া পাগলী উর্দ্ধে দৃষ্টি করিয়া বলিল “ঐ দেখ, শুভ নক্ষত্র অদৃশ্য হইতেছে, আর বিলম্ব নয়, শুভদৃষ্টি করিয়া নে।”

সুধা ও ললিত উভয়েই আকাশের দিকে দৃষ্টি করিলেন, কোন নক্ষত্র দৃষ্ট হইল না। দেখিল কেবল আকাশে মেঘের সঞ্চারণ হইতেছে। পাগলী তখনও আকাশে দৃষ্টি করিতেছিল, সহসা তাহার মুখ বিষন্ন হইয়া উঠিল। দৃষ্টি অবনত করিয়া সুধা ও ললিতকে ভৎসনা করিয়া বলিল, “এখনও বিলম্ব কচ্চিস্, আপনার মাতা আপনি খাচ্চিস্। ভাল দেখিতে পাইলাম না, লগ্ন প্রবাহ হয় উত্তীর্ণ হইয়াছে। যা হ’বার হইয়াছে এখন শুভদৃষ্টি করিয়া নে।”

ললিত করযোড়ে আবার জিজ্ঞাসা করিলেনঃ—

“মা ইহাই কি তবে আমাদের ভবিষ্যৎ?”

পাগলী। ভবিষ্যৎ না হ’লে আমি কি খেলা কর্তে এসেচি?

ইহাই তোদের ভবিতব্য। সুধার ভাগ্যে ললিত, ওই দেখে স্পষ্ট অক্ষরে উহার ললাটে লেখা রয়েছে। তোর ললাটের লেখা আমি ভাল দেখতে পাচ্চিনা না” এই বলিয়া ললিতের ললাটের প্রতি পাগলী দৃষ্টি স্থাপন করিয়া বলিল, “অস্পষ্ট—দেখা যায় না।”

ললিতকুমার সুধার দিকে দৃষ্টি করিয়া বলিলেন “আইস সুধা ইহাই যদি তোমার ভবিতব্য, আমার ভবিতব্য কি তাহা জানিবার আর প্রয়োজন নাই।

সুধাময়ী বিষয়েও লজ্জায় নিতান্ত কাতর হইয়া পড়িল। ইচ্ছা হইল পলাইয়া যায়, কিন্তু তাহার সে শক্তি নাই। অপরূপ ব্যাকুলতায় তাহার দেহ অবসন্ন হইয়া পড়িতেছিল। সে তদবস্থায় আর দাঁড়াইয়া থাকিতে অক্ষম, বাহু প্রসারণ করিয়া গৃহের ভিত্তি অবলম্বন করিল। পাগলী ভৎসনা সূচক স্বরে ডাকিল “সুধা”। সুধা মন্ত্রস্পষ্টবৎ তাহার দিকে দৃষ্টি করিল। পাগলী বলিল “ললিতের দিকে দৃষ্টি করা” সুধা মন্ত্রস্পষ্টবৎ ললিতের দিকে দৃষ্টি ফিরাইল, মুহূর্তের জন্ত উভয়ের দৃষ্টি মিলিত হইল। সেই মুহূর্তের দৃষ্টিতে উভয়েই উভয়ের হৃদয়ের অক্ষয় কথা বুঝিয়া লইয়া। সুধার কাতর দৃষ্টি ললিতকে বলিল, “তুমি আমার আকাশ-কুসুম, তোমাকে কি আমি পাইব?” ললিতের দৃষ্টি বলিল, “আমি তোমার প্রাণের ভিতর করিয়া রাখিব।” পাগলি আনন্দে করতালি দিয়া উঠিল। ললিত সুধাকে কাতর দেখিয়া স্নেহপূর্ণ স্বরে বলিলেন, “সুধা কাতর হইতেছে কেন? আমি ত আমার ভাগ্যবান মনে করিতেছি তোমার কি কোন আশঙ্কা হইতেছে?” সুধা উত্তর করিতে পারিল না ছিন্নবল্লীবৎ ললিতের পদপ্রান্তে পতিত হইল। ললিত সুধাকে বাহু তুলিয়া হৃদয়ে ধারণ করিল, বলিল “সুধা, সিদ্ধেশ্বরী পাগলীর কথা কণ অমূলক হয় নাই, ইহাই আমাদের ভবিতব্য। আকস্মিক বলিয়া হৃদয়ে আয় অনুমান হইতেছে, পরিণাম ভাবিয়া হৃদয় কাঁপিয়া উঠিতেছে, কিন্তু ইহা “বিধিলিপি” ভাবিয়া চিত্ত শান্ত কর।” সুধার অবসন্ন দেহ তাহার অবসন্ন হইয়া পড়িল, সে অমন স্তমিত করিয়া ভূতলে পতিত হইল। পাগলি কাতর দৃষ্টিতে পাগলীর দিকে চাহিলেন। পাগলী তাহাকে সে দৃষ্টিতে পরিত্যাগ করিতে ইঙ্গিত করিল। বলিল “তোমার কাষ এখন

হইয়াছে, তুমি এখন চলিয়া যাও” ললিত সুধার দিকে একবার কাতর দৃষ্টি করিয়া ধীরে ধীরে সে স্থান পরিত্যাগ করিল। পাগলী সুধার পার্শ্বে বসিয়া তাহার অবসন্ন দেহ অক্ষে তুলিয়া লইয়া স্নেহে ডাকিল “সুধা”। পাগলীর কণ্ঠস্বরে কি এক সঞ্জীবনী শক্তি ছিল, সুধা নয়ন উন্মীলন করিয়া তাহার দিকে দৃষ্টি করিয়া ডাকিল “মা”।

পাগলী বলিল “কেন মা?”

সুধা। বড় কষ্ট হইতেছে।

পাগলী। কি কষ্ট মা!

সুধা। বুঝতে পাচ্চি না, আমার বুক শুকিয়ে উঠে—প্রাণ হু হু কছে।

পাগলী। এ সুখের দিনে এমন ক’রতে নেই মা। উঠে বোস।

সুধা উঠিয়া বসিল। ক্ষণকাল শূন্যদৃষ্টে চাহিয়া বলিল “মা কেন এ অসম্ভব ঘটনা ঘটাইলে। আমরা সমাজে পতিত। সামান্য লোকেই আমার ঘরে তুলিতে চাহে না, ও রাজ সংসারে আমার স্থান হইবে কেন?”

পাগলী। বিধাতার নির্বন্ধ কে খণ্ডন করিবে মা। যাহা ভগবানের ইচ্ছা তাহা ঘটবে, সে জন্ত তুমি চিন্তা কর কেন? মঙ্গলময় ভগবানের কোন মঙ্গলময় উদ্দেশ্য আছে, এই ভাবিয়া চিত্ত স্থির কর।

সুধা। তুমি কেন উদ্যোগী হইয়া এ ঘটনা ঘটাইলে?

পাগলী হাস্য করিয়া বলিল, “কেন এমন সোণার টাঁদ বর করিয়া দিয়া কি এত অপরাধ করিয়াছি? আমার কোথা সন্দেশ মোড়া খাওয়াবি তা না হোয়ে গাল?”

সুধা। আমার পক্ষে যে ইহা আকাশ-কুসুম। যদি আমার ভবিতব্য দেখিয়া থাকতবে আমার আমার ভবিষ্যৎ বলিয়া দেও, নহিলে ছশ্চিন্তায় আমার প্রাণ অস্থির হইতেছে।

পাগলী। তোমার ভবিষ্যৎ অন্ধকারাচ্ছন্ন। যতটুকু দেখিতে পাইয়াছি ততটুকু দেখাইয়া গেলাম, আবার যখন যতটুকু দেখিতে পাইব, আসিয়া বলিয়া যাইব! সম্প্রতি তোমার বিষণ্ণ হইবার কোন কারণ দেখিতে পাই না।

এই বলিয়া সিদ্ধেশ্বরী পাগলী চলিয়া গেল। সুধাময়ী বহুক্ষণ শূন্যদৃষ্টে বসিয়া রহিল।

ললিত কুমার দীর্ঘিকার তীরে উপবিষ্ট—সম্মুখে বিশাল সলিল রাশি, মাঝে মাঝে উজ্জল শ্রামল পল্লব পরিবেষ্টিত শত শত শ্বেতপদ্ম বিকশিত, শোভায় দীর্ঘিকা আলোকিত। সেই শত শত পদ্মের উপরে অসংখ্য ভ্রমর উড়িতেছে, বসিতেছে, আঁবার উড়িতেছে। দীর্ঘিকার চতুর্দিকস্থিত তীরভাগ শ্রামল ছুঁকাদলে আবৃত। তাহার উপর নানাবর্ণের পতঙ্গ উড়িয়া বেড়াইতেছে, কেহ বা তৃণকেশরে, কেঁহ বা তৃণপুষ্পে বসিতেছে। তীরের উপরে চারি ধারে অবিরল বৃক্ষশ্রেণী পরস্পরে শাখায় শাখায় পল্লবে পল্লবে সংশ্লিষ্ট। নিবিড় পল্লবাচ্ছাদিত শাখায় বসিয়া কোকিল উচ্চকণ্ঠে বন্ধার করিতেছে। পবনের হুহুরবে দশ দিক ভাসিয়া যাইতেছে, কোকিল কণ্ঠোচ্ছ্বাস সেই মধুর হুহুরবে ভাসিতে ভাসিতে সূখের আবেশে “উহ্ উহ্” করিতেছে। অন্তর্গত সূর্যের সূবর্ণ কিরণে জগত ভরিয়া উঠিয়াছে। আকাশে জলদ সঞ্চার হইতেছিল। সেই জলদমালা সূবর্ণ বর্ণে রঞ্জিত হইয়া শূণ্ণে সূবর্ণ রাজ্যের আকার ধারণ করিয়াছে। বৃক্ষের পল্লবে, শ্রামল তৃণে, দীর্ঘিকার জলে, পদ্মের দলে, সেই সূবর্ণাভা পতিত হইয়া ধরণী সূবর্ণময়ী মূর্তি ধারণ করিয়াছে। ললিত সেই সূবর্ণময় রাজ্যে উপবেশন করিয়া ইতিপূর্বের বিষ্ময়কর ঘটনা ভাবিতে ভাবিতে, হৃদয় মধ্যে, স্বপ্নময় পুরি রচনা করিতেছেন। ভাবিতেছেন, “এ ঘটনা এখন প্রকাশ করা হইবে না, এখন প্রকাশ করিলে সূখার অনিষ্ট হইবে, আমারও সকল সাধ বিনষ্ট হইবে। সূখার পিতাকে আমি গোপনে এ ঘটনার কথা বলিব, তাঁহার দ্বারায় অত্নের অজ্ঞাতসারে সূধাকে সূখে স্বচ্ছন্দে রাখিবার উপায় করিয়া দিব। সূধাময়ী! তুমি সত্য সত্যই সূধাময়ী। তুমি যে আমার অদৃষ্ট ক্ষেত্রে পারিজাত বৃক্ষে পরিণত হইয়া আছ, তাহাত আমি স্বপ্নেও ভাবি নাই। ভাবি নাই কেন? কখন কখন মনে হইলেও, তোমার অবস্থার কথা স্মরণ করিয়া, মনে কখন আশার স্থান দিতে পারি নাই। বিধাতা আমার চিরদিনের সাধ পূর্ণ করিয়াছেন, আমার ভাগ্যে মনের মত পল্লীই লাভ হইয়াছে। মাকে বলিব কি? তিনি ত সূখার বড় পক্ষপাতী। কত দিন বলিয়াছেন “ছুঁতোয় কামারের ঘরে কেমন সোণারচাঁদ মেয়েটি দেখ্। যদি ভদ্র ঘরের মেয়ে হইত তবে সূধাকে আমি বউ করিতাম?” মাকে গিয়া বলি না কেন “মা তোমার সে সাধ পূর্ণ হইয়াছে, বিধাতা সূধাকে তোমারি বউ করিয়া পুষ্টি

করিয়াছেন।” কিন্তু না, এখন প্রকাশ করা হইবে না। বাবা মাধব চট্টোপাধ্যায়ের নামে খজাহস্ত। লোকে বলে চট্টোপাধ্যায়ের জাতকুল নাই, আমার কিন্তু সন্দেহ হয়, চট্টোপাধ্যায় কোন মহৎ ব্যক্তি, ছুরবস্থায় পতিত হইয়া আত্মগোপন করিয়া আছে। তাঁহার সহিত কথাবার্তা কহিবার সময় তাঁহার বিদ্যা বুদ্ধি জ্ঞান দেখিয়া বিস্মিত হইতে হয়। এই দেশে এত বড় বড় পণ্ডিত রহিয়াছেন, কিন্তু পাণ্ডিত্যে বা জ্ঞানে কাহাকেও চট্টোপাধ্যায়ের সমকক্ষ বলিয়া মনে হয় না। লোকে তাঁহাকে উপেক্ষা করে তাহার কারণ আছে। তিনি দরিদ্র হইয়াও কাহারও মুখাপেক্ষা করেন না, আপন মর্যাদা ত্যাগ করিয়া ধনীর দ্বারস্থ হন না, চাটুকারদিগকে ঘৃণা করেন। মহত লোক না হইলে এ সকল গুণ কোথা হইতে আসিবে? সূধাকেও বাল্যাবস্থা হইতে দেখিতেছি, বালিকার আচরণ দেখিতে দেখিতে কত দিন ভাবিয়াছি, সূধা কোন দেবকন্যা, স্বর্গভ্রষ্ট হইয়া ধরায় আসিয়া জন্মগ্রহণ করিয়াছে। তাহার সামান্য সামান্য কার্যগুলিতেও কেমন একটু শৃঙ্খলা, কেমন একটু নূতনত্ব দেখিতে পাই, তাহা সূধা বই আর কোন বালিকারই দেখিতে পাই না। সূধা নিশ্চয়ই কোন মহৎ বংশে জন্মগ্রহণ করিয়াছে, নিশ্চয়ই উচ্চ আদর্শে তাহার চরিত্র গঠিত হইয়াছে।”

ললিতকুমার এইরূপ চিন্তা করিতেছিলেন, সহসা দীর্ঘিকার পর পারিস্থিত ক্ষেত্রে এক কৃষক যুবক গান ধরিলঃ—

মুখ্ পানি তার চাঁদের পারা, চকোর ছুটি আঁখি।
ও তার পাইনে ধরা, ধরতে পেলে বুকের ভিতর রাখি ॥
আমি লাঙল ধ'রে মাঠে, তারে দেখি পকুর ঘাটে,
বুকটো আমার যায় যে ফেটে, নয়ান মুদে থাকি।
আমি, এমন ক'রে রইতে নারি, ছেড়ে দিব চাষাগিরি,
বেরিয়ে যাব কোপ্নি পোরে, গায়েতে ছাই মাখি ॥

ললিতের চিন্তাস্রোত রুদ্ধ হইল। কৃষক যুবকের গান শুনিয়া হাস্ত করিলেন। মনে মনে ভাবিলেন, “উহারও বুঝি কোন সূধা জুটিয়াছে!” ধীরে ধীরে অগ্রসর হইয়া কৃষক যুবককে সম্বোধন করিয়া ডাকিলেন— “বসিকচাঁদ”। বসিকচাঁদ ললিতকে দেখিয়া, ত্রস্তে লাঙল ত্যাগ করিয়া

বহির্গত রসনা দংশন করত, বক্ষের উপর বাহু বেষ্টন পূর্বক, কুঞ্চিত দেহে অপ্রতিভতার সজীব মূর্তি ধারণ করিল। ললিত হাশ্রু মুখে তাহাকে আবার ডাকিলেন। তখন সে দ্রুতপদে নিকটবর্তী হইয়া “বড় বাবু প্রণাম হইগো বলিয়া, প্রণাম করিয়া, বন্ধাজলী পূর্বক এক পার্শ্বে দাঁড়াইল।

ললিত বলিলেন, “রসিকচাঁদ, যদি ক্ষেতের কাষ সারা হইয়া থাকে তবে আমার একটি কাজ করিবে?”

রসিক। আজ্ঞে করুন, আপনাদের খেয়ে এতবড়টা হলুম, আর আপনার কাষটা করতে পারবুনি। না পারলে রাখবে কেন? চাল কেটে তখন উঠিয়ে দেবে।

ললিত। না রসিকচাঁদ, তোমার সে ভয় নাই, তুমি না পারলে তোমার চাল কাটে যাব না, তোমায় তুলে দিতেও যাব না। এখন বল দেখি, তোমার নিজের কোন বিশেষ কাষ আছে কি না।

রসিক। এঁজ্ঞে আমরা আবার মানুষ, আমাদের আবার কাষ। কি অনুমতি কচ্চেন বলুন।

ললিত। মাধব চাটুয্যের বাড়ী থেকে, একখানি প্রতিমা লইয়া আমাদের বাড়ী দিয়া আসিতে হইবে।

রসিক। এঁজ্ঞে তার জন্তে আর ভাবনা কি, লাঙলখানা ঘরে তুলে, হেলে ছটোকে গোয়ালে পুরে, আসিগে।

ললিত। দেরি করো না, দেখচো বড় মেঘ করেছে, হয়ত এখনি বৃষ্টি হবে। আমি এই দীর্ঘির পাড়েই রহিলাম।

রসিক। এঁজ্ঞে, এই গেলুম আর এলুম।

এই বলিয়া রসিক লাঙল স্বন্ধে তুলিয়া বাম হস্তে তাহা ধারণ করিয়া, দক্ষিণ হস্তে বৃষভ ছয়ের পুচ্ছ মর্দন করত, দ্রুতপদে অদূরস্থিত গৃহে গমন করিল। ক্ষণ বিলম্বেই আর তিনজন কৃষক সঙ্গে লইয়া দীর্ঘিকাৰ দিকে অগ্রসর হইতে লাগিল। আসিতে আসিতে একজন কৃষক রসিকচাঁদকে জিজ্ঞাসা করিল, হ্যারে রসিকে, বলি পেরতিমে নেযেতে হবে, এখন আবার কিসের পূজো?”

রসিক। এই নে—পূজো নইলে বুঝি পেরতিমে হোতে নেই? এই যে সূধা ঠাকুরের রোজ পেরতিমে গড়চে, তবে বল রোজি পূজো।

হইল। ললিত তাহাদের সঙ্গে লইয়া সুধাময়ীর বাটীর দিকে অগ্রসর হইলেন।

তখন সন্ধ্যা হইয়াছে, আকাশে যে মেঘের সঞ্চার হইতেছিল, তাহা ক্রমশঃ ঘনীভূত হইয়া আসিয়াছে, প্রদোষের ধূসর আভা ধূসরতর হইয়া উঠিয়াছে। সুধাময়ী গৃহাভ্যন্তরে শয্যায় পতিত হইয়া, মুক্ত বাতায়ন পথে শূন্যদৃষ্টে উর্দ্ধাকাশে চাহিয়া আছে। এমন সময় ললিতকুমার কৃষকগণ সমভিব্যাহারে সুধার গৃহে উপস্থিত হইলেন। সুধার সেদিকে লক্ষ্য নাই, উর্দ্ধাকাশে চাহিয়া সে চিন্তায় বিভোর। ললিতকুমার কৃষকদিগকে মূর্ত্তি লইয়া ঘাইতে বলিয়া, সুধাকে একবার দেখিয়া ঘাইবার অভিলাষে গৃহাভ্যন্তরে দৃষ্টি করিলেন, দেখিলেন সুধা তদবস্থায় শয্যায় শায়িত। বড় সুন্দর দেখাইল। ঔদাস্তের রূপ স্বভাবত মধুর, অধরে ঔদাস্ত বিকসিত হইলে কুৎসিৎকেও সুন্দর করিয়া তোলে, সে ঔদাস্ত আবার যদি সুন্দরী রমণীর অধরে বিকসিত হয়, তবে তাহার মূর্ত্তি আরো মনোহারিণী। ললিত মুগ্ধনেত্রে দেখিতে লাগিলেন। সুধাকে দেখিবার স্পৃহা আজ তাহার বড় বলবতী। তাহাকে বাণ্যাবধি দেখিয়াছেন, তাহার কৈশোর সৌন্দর্য্য দেখিয়া মন প্রফুল্লিত হইয়াছে, কিন্তু আজ সুধার সৌন্দর্য্য বড় অভিনব। এতদিন সুধার সৌন্দর্য্যে ললিতের চক্ষু ছুটি ভরিয়া ঝাইত, আজ সুধার সৌন্দর্য্যে ললিতের হৃদয় ভরিয়া ঝাইতেছে। ললিত অনিমেষলোচনে দেখিতে লাগিলেন, সুধার অধরের শীতল লাবণ্য সরোবরে, ছুটি নয়ন সরোজ বিকসিত, তাহাদের বেষ্টন করিয়া ঘোর কৃষ্ণবর্ণ নিবিড় নেত্রপল্লব—যেন অবিরল ভ্রমর-শ্রেণী সেই অপূর্ব নরকহের পীযুষ পানে বিভোর। চূর্ণ কুন্তলগুলি শান্ত ললাটে ইতস্ততঃ বিস্তৃত—যেন সে ললাটের কমণীয়তায় কুন্তলগুলি আশ্রু-বিসর্জন করিয়া পড়িয়া আছে। ক্ষুদ্র ওষ্ঠ দুখানিতে যেন সুধার প্রাণের কথাগুলি ঘুমাইয়া রহিয়াছে। ললিত আর নীরবে থাকিতে পারিলেন না, ডাকিলেন “সুধা”। সুধা চমকিত দেহে দৃষ্টি ফিরাইবা মাত্র ললিতকে দেখিতে পাইল, অমনি ব্যাগ্রে উঠিয়া, কপাটের অন্তরালে লুক্কায়িত হইল। ললিত বলিলেন “সুধা, সন্ধ্যা উত্তীর্ণ হইয়াছে, মেঘে আকাশ আচ্ছন্ন করিতেছে, এখন গৃহে চলিলাম, তুমি কাতর হইও না, আমি আজ চিন্তা করিয়া আমাদের কর্তব্যাকর্তব্য স্থির করিব। সম্প্রতি তুমি আজিকার

২য় কু। তাইতো জিজ্ঞাসা করছি, পূজো টুজো নেই এত পেরতিমে ধুম কেন ?

তৃত্ব কু। আরে বামুন বাড়ী রোজ পূজো, দেখিসনে পুরুতঠাকুর বাড়ী রোজ শাঁক ঘণ্টা বাজে ।

২য়, কু। দূর, সে কি—আর এ কি ।

তৃত্ব কু। সেই সেই । পুরুতঠাকুর রোজ কি পেরতিমে আনতে পারে এক এক খানার দাম কত জানিস ? তাই শালগেরামের ছুড়ি পূজো করে ।

১ম কু। তোদের কি বুদ্ধি রে ! বুদ্ধির বালাই নিয়ে দাঁতকপা খাই । আরে আহম্মুক, এই যে মুকসিদেবাদ থেকে লোক এসে নবাব সাহেবের জন্তে পেরতিমে নে যাচ্ছে, তবে বল নবাব বাড়ীতেও পেরতিমে পূজো হয় ?

৩য় কু। হ্যাঁ তারা হিঁদুর ঠাকুরের মাতায় পাক দিয়ে দিয়ে মুকসিদেয়, তারা আবার পূজো করবে । সত্যি ভাই, কেনই বা পেরতিমে পূজো ঠাকুর দেবতা গুলো ত ঢোঁড়া হয়ে গেছে, নবাব সাহেবেরা আদর করে, সে দিন শিব ঠাকুরের মন্দিরটে ভেঙে দে'গেল, তাদের কি কিছু হ'তে নেই ।

১ম কু। (সভয়ে চতুর্দিক দৃষ্টি করিয়া) তো ছোঁড়ার নেহাত মনে ঘুনিয়েছে দেখছি, এখনি কোন দিক দে কে শুনতে পাবে, আর ধান নিয়ে গে শূলে বসিয়ে দেবে, তখন বেঙ্গ মজা হবে না ? আর ক'রে খুঁজে পেলিনে—নে থাম, ওদিকে আকাশটা বড় ঘোর ক'রে আসছে দেখছিস, আবার শিগগির ফিরতে হ'বে । বড় বাবুর কাজ নইলে কোথা শালা এখন যেতো । আজ কোথা ভাবছিলেম সাজের বেলা একবার সোমদারদের পাড়ায় যাব, একটা গেরো ঘুটে গেল । এই বলিয়া রসিকচাঁদের গুণগুণ স্বরে গান ধরিলঃ—

“সবার সেরা যাদুমানি, থাকে রাঙাফটকে ।

তার গা-টি শোলো, পা-টি ফুলো, মরি রূপের চটকে ॥”

সঙ্গীরা “বা ভাই, বেঁচে থাক ভাই” বলিতে বলিতে রসিকচাঁদের গুণগুণ স্বরে যোগ দিল । দেখিতে দেখিতে তাহার দীর্ঘিকার নিকটবর্তী

ঘটনার কথা কাহারও নিকট ব্যক্ত করিও না, এখন ব্যক্ত করিলে আমাদের সমূহ বিপদের আশঙ্কা আছে ।” এই বলিয়া ললিতকুমার ধীরে ধীরে সে স্থান পরিত্যাগ করিলেন । সুধাময়ী অন্তরাল হইতে অনিমেষনে ত্রৈলোক্যকে দেখিতে লাগিলেন । ললিত দৃষ্টির বহিভূত হইলে তাহার চক্ষু জলে ভরিয়া উঠিল । দীর্ঘ নিশ্বাস ত্যাগ করিয়া আবার শয্যা পতিত হইল । মুক্ত বাতায়নে আকাশের দিকে চাহিয়া দেখিল—বৃহৎ বৃহৎ মেঘখণ্ড যেন দিগ্গন্তল গ্রাস করিবার জন্য ভীষণ মূর্তিতে আকাশের চারিদিকে অগ্রসর হইতেছে । স্তম্ভিতা পৃথিবী শঙ্কিত দৃষ্টিতে আকাশের দিকে চাহিয়া আছে । সহসা জগতের চক্ষু বলসিয়া উঠিল, ভীষণ মেঘমল্লৈ জগত কাঁপিয়া উঠিল । আকাশ বিদীর্ণ করিয়া তড়িত রেখা নিমেষ মধ্যে এক প্রান্ত হইতে সুদূরপ্রান্তে বক্রগতিতে ছুটিতে ছুটিতে অদৃশ্য হইল । তখন সুধার নয়ন শুষ্ক, রুম্ম বেশ, মুক্ত কেশ, বদনে বিষাদ হৃদয়ে হতাশ । সুধা একাগ্রদৃষ্টিতে শূন্যে চাহিয়া প্রকৃতির উন্মাদিনী মূর্তি দেখিতে লাগিল । প্রকৃতির বিষন্নতার ভিতর তাহার কাতর প্রাণ একটু নিভৃত আশ্রয় স্থান খুঁজিতে লাগিল । ভাবিল “সিন্ধেশ্বরী পাগলিনী আমার অদৃষ্ট দেখিবার ভুল করিয়াছে, আমার সমুখে অমরাবতীর দ্বার খুলিয়া দিয়া, আমায় দগ্ধ মরীচিকায় ফেলিয়া গেল । সে পাগলিনী, তাহার সকল কার্যের কি অর্থ আছে ? আমি সে ছরাশাকে আর হৃদয়ে স্থান দিব না । কিন্তু প্রাণ কেন এত অস্থির হইতেছে ! আমার হৃদয়ের সে বন্দনকানন কোথায় গেল, ছুই চক্ষে যে কেবল “ধু ধু”ময় শূন্য দেখিতেছি ! আমি এ কাতর প্রাণ লইয়া যে এ ভাবে আর তিষ্ঠিতে পারিতেছি না । বাবা এ সময় নিকটে নাই, তিনি নিকটে থাকিলে তাঁহাকে লইয়া স্থানান্তরে পলাইয়া যাইতাম । “এখন একথা প্রকাশ করিলে সমূহ বিপদ” সে কথা ঠিক । আমার বিপদের জন্ত আমি ভীত নই । আমি আজ গৃহে কাঙ্গালিনী, কাল পথে ভিখারিণী হইব । কিন্তু আমার জন্ত যদি তাঁহাকে কোন লাঞ্ছনা ভোগ করিতে হয়, সে যে আমার মরণাধিক ! তিনি হয় ত এখন সবদাই নিকটে আসিবেন, আমি কি নিষেধ করিতে পারিব ! কি সাধ্য ! যাঁহার এক কণা কৃপা পাইয়া জীবন সার্থক জ্ঞান করিতেছিলাম, তাঁহার প্রেমপূর্ণ দৃষ্টি, তাঁহার সোহাগমাখা কথা, তাঁহার স্পর্শন,

সে যে আমার স্বপ্নের অতীত, বোধ হয় আমি সেই সুখেই মরিয়া যাইব! না তাঁহাকে লাঞ্চার ভাগী করিয়া মরিয়া সুখ নাই। আমি নিজে অদৃশ্য হইয়া থাকিব, স্থানান্তরে যাইব, কিন্তু পিতা নিকটে নাই, একাকিনী কোথায় যাই! ঐ আকাশের অন্ধকারের ভিতর যাওয়া যায় না কি? তাহা হইলে যে বেশ লুকাইতে পারি!” আবার বিহ্বাৎস্বরূপ হইল, সুধা চমকিত মেত্রে ভাবিল “ও কি! বিহ্বাতালোকের ভিতর দিয়া ললিতকুমার আকাশের ভিতর ছুটিয়া গেলেন যে! তিনি কি তবে আমার মনের কথা জানিতে পারিলেন না কি! আমি মেঘের ভিতর লুকাইতে চাহিতেছি, তাই কি তিনি আগে সেখানে গিয়া উপস্থিত হইলেন! হাসিতে হাসিতে আমার দিকে চাহিয়া গেলেন যে!” আবার গভীর গর্জনে বিহ্বাৎস্বরূপ অধঃদেশে ছুটিতে ছুটিতে অদূরস্থিত দীর্ঘিকার তীরভাগে মিশাইয়া গেল। সুধা সেই দিকে দৃষ্টি করিল, ভাবিল—“ও কি! ললিতকুমার সহাস্তবদনে দীর্ঘিকার বিকসিত পদ্মের ভিতর ঢুকিয়া পড়িলেন যে! আমার ডাকিয়া গেলেন যে!” মুহূর্তমধ্যে দীর্ঘিকা অন্ধকারে অদৃশ্য হইল, সুধা দৃষ্টি অপসৃত করিয়া সুদূর প্রান্তরের অন্ধকারের দিকে দৃষ্টি করিল, ভাবিল—“ও কে! অন্ধকার আলো করিয়া দাঁড়াইয়া ও কে! ললিত যে!” সুধাময়ী ভীতা হইলেন, দৃষ্টি ফিরাইবামাত্র বিহ্বাৎস্বরূপ হইল, সেই আলোকে সুধা দেখিল “গৃহের দাওয়ার দাঁড়াইয়া ললিতকুমার।” সুধা ত্রস্তে উঠিয়া লুক্কাইতভাবে গৃহের বহির্ভাগ নিরীক্ষণ করিল, দেখিল—তথায় কেহ নাই। সুধা ভাবিল “আমি উন্মাদ হইয়াছি।” তখন ভূমিতলে পড়িয়া কাঁদিতে লাগিল। মেঘমল্লৈ জগত বধির, অন্ধকারে জগত অন্ধ, আসন্ন ঝটিকায় পৃথিবী নিৰ্জ্জন। সুধা সেই বধির, অন্ধ, নিৰ্জ্জন জগতের ভিতর—গ্রামের প্রান্তস্থিত ক্ষুদ্র পর্ণকুটিরের ভূমিতলে পতিত হইয়া কাঁদিতে লাগিল, কেহ শুনিল না, কেহ দেখিল না, কেহ বুঝিল না। ললিতকুমারও তাহা দেখিতে কি শুনিতে পাইলেন না।

সহসা সেই নৈশ অন্ধকারের নিরবতা মণিত করিয়া সিদ্ধেশ্বরী পাগলিনীর কণ্ঠ উগলিয়া উঠিল।

পাগলিনী উর্ধ্ব দৃষ্টে, দুই বাহু তুলিয়া নৃত্য করিতে করিতে সাশ্রুনেত্রে গাহিতেছে—

খাসয়া পড়িবে রবি শশী তারা, খসিবে জগত-বন্ধন।
 প্রচণ্ড বেগেতে আঘাতে আঘাতে চূর্ণ হইবে ভুবন ॥
 অচির হইবে মানব মানবী জগত হইবে নিৰ্জ্জন।
 রহিবেনা পাপ রহিবেনা তাপ খামিবে জীবের রোদন ॥
 শূন্য ভরিয়া চূর্ণ ঝরিবে কোথায় পড়িবে কে জানে।
 উর্ধ্বে অতল নিম্নে অতল অতল বামে দক্ষিণে ॥
 নীরবে নীরবে কালের প্রবাহ বহিবে আঁধার পাথারে।
 প্রাণের বল্লভ আসিয়ে আমার দাঁড়া'বে তাহার মাঝারে ॥
 ভরিয়া উঠিবে অনন্ত আঁধার শ্রামল মধুর কিরণে।
 বাজিনে বাশরী ফুকারি ফুকারি আমার নাথের বদনে ॥
 উচ্ছ্বাসে উচ্ছ্বাসে উঠিবে ফুটিয়া নবীন নবীন ভুবন।
 নবীন মানব নবীন মানবী তখন হইবে সৃজন ॥
 ত্যজিব তখন পাগলিনী বেশ সাজিব বসন ভূষণে।
 বাধিব কুন্তল মাখিব চন্দন যাইব নাথের সদনে ॥

পাগলিনী সুধার গৃহের সম্মুখে আসিয়া দাঁড়াইল। ধূল্যবলুষ্ঠিত সুধা পাগলিনীর কণ্ঠস্বর শুনিয়া আতঙ্কে শিহরিয়া উঠিল—উঠিয়া গৃহের একপ্রান্তে লুক্কায়িত হইল। পাগলিনী উচ্চৈঃস্বরে বলিল—“সুধা পলাও, এখন পলাও, আজ রাত্রিতেই তোমার ঘরে আগুন লাগিবে।” শুনিয়া সুধার সর্কাক্ষ কাঁপিয়া উঠিল। ছুটিয়া গৃহের বহির্ভাগে আসিয়া বলিল “সে কি? আগুন লাগিবে কি?”

পাগলিনী। আজ অপরাহ্নে ললিতের পিতাকে কে বলিয়াছে যে ললিতকুমার প্রত্যহ তোমার কাছে আসিতেছে, তোমার প্রণয়শক্তি হইয়াছে, সেই জন্ত বিবাহ করিতে চাহে না। শুনিয়া ললিতের পিতা হুকুম দিয়াছেন, যেন পাইকেরা আজই তোমার ঘরে আগুন ধরাইয়া দেয়। তুমি বিলম্ব করিও না, এখন ঘর ছাড়িয়া পলাও।

লজ্জায় সুধার দৃষ্টি অবনত হইয়া পড়িল। হনয়নে ফোঁটা ফোঁটা অশ্রু ঝরিতে লাগিল।

পাগলিনী। যার সঙ্গে যার নিৰ্বন্ধ তাহা কে খণ্ডন করে। তোমার সে কথায় লজ্জা কেন? এখন তুমি আত্মরক্ষা কর। অত্ৰ চিন্তা পরে হইবে।

গিয়াছেন। আজ যে নব্য বঙ্গের মুখে, মুখে গীতার কথা, কৃষ্ণ চরিত্রের মহত্বের কথা, চিত্তশুদ্ধির কথা, জ্ঞান ভক্তি ও কর্মের কথা শুনিতে পাই, সে কেবল বঙ্কিম বাবুর উদ্যোগে ঘটিয়াছে। এ সকল জটিল কথা সরল করিয়া বলিবার একমাত্র উপযুক্ত লোক ছিলেন, বঙ্কিম বাবু—আর দ্বিতীয় ব্যক্তি নাই।

অতএব আমরা দেখিতে পাই যে বঙ্কিম বাবু, কেবল মাত্র কবি, বা উপন্যাস লেখক, বা সমালোচক বা দার্শনিক ছিলেন না, সর্ম্মসম্বন্ধেও তিনি একজন প্রধান উদ্যোগী শিক্ষক ছিলেন। একরূপ লোককে যদি প্রকৃত দেশহিতৈষী না বলিব, তবে আর কাহাকে বলিব তাহা আমি জানি না।

তিনি Government এর গুরুতর কার্যে নিযুক্ত ছিলেন, দাসত্বের কি যন্ত্রণা তাহা যিনি বুঝিয়াছেন, তিনি অবশ্যই জানেন যে সমস্ত দিন খাটিয়া খুটিয়া শরীর ও মন কিরূপ অবসন্ন হইয়া পড়ে। আবার বাঙ্গালীর দাসত্ব আরও ক্লেশকর। কার্য কিরূপ সূখ্যাতির সহিত নির্বাহ করিতেন তাহাও অনেকে অবগত আছেন। তিনি কার্য হইতে বিদায় লইবার সময় বঙ্গের ছোট লাট তাঁহার গুণবত্তার কিরূপ প্রশংসা করিয়াছেন তাহাও আপনারা জ্ঞাত আছেন। মনিবের প্রিয় হইতে হইলে কিরূপ যত্ন ও পরিশ্রমের সহিত কার্য নির্বাহ করিতে হয় তাহা কর্মচারী মাত্রেই জানেন। সেই বহু পরিশ্রমের পর, অবসরকাল সূখ স্বচ্ছন্দতায় অতিবাহিত না করিয়া, বঙ্কিম বাবু বঙ্গের ভবিষ্যৎ বংশের মঙ্গল সাধনের জন্ত ক্ষেপন করিতেন। অর্থের অহুরোধে অথবা চাকুরীর দায়ে ভিন্ন, একরূপ কষ্টলভা অবসর কাল যিনি বিদ্যালুশীলন বা জ্ঞান চর্চায় ব্যয়িত করেন, তিনিই একজন অসাধারণ ব্যক্তি। আবার যিনি স্বদেশের বা স্বজাতির মঙ্গল সাধনের জন্ত সে অবসর অতিবাহিত করেন, তাঁহাকে কি বলিতে হয় আপনারাই বলুন। Carlyle বলিয়াছিলেন যে “ব্রিটন মুকুট” হইতে ভারতবর্ষরূপ হীরকখণ্ড খসিয়া পড়িলে তত ক্ষতি নহে, কিন্তু সেক্ষপীরের শ্রায় কবির অভাবে ব্রিটন রাজ্যের সমুদ্র ক্ষতি। আমিও বলি যে বঙ্গদেশের কোন অংশ ভূকম্পনে সাগর গর্ভে নিহিত হইলে বহু ক্ষতি না হইত, আজ বঙ্কিম বাবুকে হারাইয়া আমাদের তদপেক্ষা অধিক ক্ষতি হইয়াছে।

বঙ্কিম বাবুর কোন প্রকার গৌরব স্তম্ভ স্থাপন করিবার আবশ্যকতা নাই, তিনি নিজে তাঁহার কীর্তিস্তম্ভ গঠন করিয়া গিয়াছেন, লক্ষ লক্ষ মুদ্রা ব্যয় করিয়াও তাহার মত কীর্তিস্তম্ভ গঠিত করিতে আমরা পারিব না। তাঁহার গ্রন্থ কালে কালে, দেশে দেশে, ভাষায় ভাষায় অহুবাদিত হইয়া ঘরে ঘরে শোভা করিবে। তবে যে আমরা মিলিত হইয়াছি, সে কেবল কৃতজ্ঞতা বারিতে আমাদের হৃদয় পবিত্র করিবার জন্ত।

আপনাদের মধ্যে অনেকেই বঙ্কিম বাবুকে দেখিয়াছেন, অনেকের সঙ্গে হয় ত পরিচয় ছিল, অনেকের সঙ্গে হয় ত হৃদয়তা ছিল, বলুন দেখি তাঁহার সেই সৌম্যমূর্তি, সেই মধুর প্রকৃতি, সেই বিদ্যা, বুদ্ধি ও জ্ঞানগর্ভ-কথা কি ভুলিবার সামগ্রী? যে তাঁহাকে চিনিয়া ছিল, তাহারি হৃদয় বঙ্কিমচন্দ্রে ভরিয়া গিয়াছিল। হায়! আমাদের সেই হৃদয়ের বঙ্কিমচন্দ্র আজ কোথায়!*

নববর্ষে বিধবা।

হাসিছে মেদিনী হাসিছে গগন হাসিছে অনিল হাসিছে তপন
হাসিছে কোয়েলা হাসিছে দোয়েলা যথা তথা হাসি হাসির ছটা।
হাসে চন্দ্র তারা মুকুতার ধারা পিককুল হাসে হ'য়ে মাতোয়ারা
ভ্রমরীর সনে হাসিছে ভ্রমরা গুঞ্জনে তুলিয়া হাসির ঘটা ॥
না জানি কারণ কিসের লাগিয়া পাপিয়া গাহিছে নাচিয়া নাচিয়া
মাতায়ে বিপিনে ভাসা'য়ে পুরাণে ব্যথিতের মন করিয়ে বিহ্বল।
থাকিয়া থাকিলা পবন বহিছে নাচিয়া নাচিয়া উঠিছে জল
নাচিয়া নাচিয়া উড়িছে ভ্রমর ফুটিয়া উঠিছে কুসুমদল ॥

*বঙ্কিম বাবুর স্মরণার্থে হুগলীর “ভিক্টোরিয়া হলে” যে সভা হয়, তাহাতে শ্রীযুক্ত ঈশানচন্দ্র বন্দ্যোপাধ্যায় এই প্রবন্ধটি পাঠ করিয়াছিলেন।

অনুমতি কর গুরো ! ধনুর্কান করে
 শ্রায়যুদ্ধে বিমুখিব বনের কেশরী,
 ততোধিক পরাক্রমী পার্থে দিব রণ,—
 আজীবন প্রতিদ্বন্দী ! আপনি আসিলে
 বজ্রপাণি, শূলপাণি দেব সেনাপতি,
 পালিব তোমার আজ্ঞা, করিব সমর।
 হানিলাম খজা তোমার আজ্ঞায়
 পুত্র বৃষকেতু শিরে ; আজ্ঞা কর যদি
 হানিব আপন শিরে, কাটি এই শির
 গুরুভক্তি উপহার দিব পদাশুভে ।
 একমাত্র চাহি ভিক্ষা—বীরত্বে কর্ণের
 করিও না এই ঘোর কলঙ্ক অর্পণ ॥

* * *

তখন দুর্কাসা বলিলেন “দ্রোণ কি কর্ণ দ্বন্দ্ব যুদ্ধে অভিমন্যুকে পরাজিত
 করিতে পারিবে না। তোমরা স্নেহ পরবশ হইয়া শ্লথকর হইয়া পড়িবে।
 বহু রথী মিলিয়া শ্রায় কি অশ্রায় যুদ্ধে তাহাকে বধ করিবে, দুর্কাসা এই
 ভিক্ষা চাহিতেছে।” কর্ণ আক্ষেপ করিয়া বলিলেন, “অভিমন্যু সরল
 শিশু, মুখখানি দেখিলে প্রাণ জুড়াইয়া যায়, তার কাছে শত্রু মিত্র দুই
 সমান, সকলকেই সমান ভক্তি, সমান প্রীতি; আমাদের সকলকেই সে
 পিতৃব্যের মত জ্ঞান করে, আমাদের পত্নীগণকে সে জননীর মত ভাবে।
 আমার গলা জুড়াইয়া যখন তাত ! তাত ! বলিয়া হস্ত মুখে স্নেহ মাখা
 কথা বলে, তখন তাহার প্রতি আমার পুত্রাধিক স্নেহের উদয় হয়।”

দুর্কাসা এ কথা শুনিয়া ক্রুদ্ধ হইলেন। ভৎসনা করিয়া বলিলেন,
 “তুই তোর গুরুজনকের আশা বিফল করিবি !” কর্ণ শুনিয়া আশ্চর্য্যান্বিত
 হইয়া জিজ্ঞাসা করিলেন “জনকের ?” দুর্কাসা কহিলেন “হাঁ জনকের।”
 বিবর্ণ কর্ণ ক্রোধে বিষ্ময়ে দুর্কাসার মুখপানে চাহিয়া রহিলেন, তাঁহার
 মস্তকে যেন মুহূর্ত্তমধ্যে পর্বতের চূড়া ভাঙিয়া পড়িল। কর্ণ এ পর্য্যন্ত
 তাঁহার প্রকৃত জীবনবৃত্তান্ত জ্ঞাত ছিলেন না। শেষে দুর্কাসা বলিতে
 লাগিলেন যে তাঁহার শিষ্য “ভোজরাজা” পুত্রার্থী হইয়া তাঁহার

আদেশে অভ্যাগত ব্রাহ্মণসেবায় কৃষ্ণা কুন্তীকে নিয়োজিত করিয়াছিলেন।
 একদা তিনি ভোজগৃহে অতিথি হইয়াছিলেন, সেবায় সন্তুষ্ট হইয়া কুমারী
 কুন্তীকে অভিচার মন্ত্র শিখাইয়াছিলেন, মন্ত্রবলে কুন্তী সবিতাকে আকর্ষণ
 করে, তাহাতেই কর্ণের জন্ম হয়। তাহার পর বলিলেন “তোরা পাপিয়সী
 মাতা নির্দয় হইয়া তোকে জলে নিক্ষেপ করেন, আমার শিষ্যা রাধা
 তোকে তুলিয়া লইয়া স্বয়ত্নে লালন করেন। আমি, ব্রাহ্মণের প্রতিযোগী
 ক্ষত্রিয়কুল সমূলে বিনাশ করিবার উদ্দেশ্য সাধনে তোকে ক্ষত্রিয় নন্দন
 বলিয়া পরিচয় দিয়া, তোর শিক্ষার্থে পরশুরামের হস্তে তোকে অর্পণ করি।
 তুই কুন্তীর নন্দন, আর আমার মন্ত্রপুত্র। তুই সৃতের নন্দন নহিস, সৃতপুত্র
 হইলে কি মহর্ষি ছুর্কাসা তোকে ধনুর্বেদ শিখায় ? তোকে ভারত
 সাম্রাজ্য প্রদান করিতে চায় ? রে কৃতয় কুসন্তান ! তুই তোর গুরুর,
 পিতার, সেই আজীবনের ব্রত বিফল করিতে উদ্যত হইয়াছিস। তুই কৃতয়।”

স্তম্ভিত, বিস্মিত, ভীত কর্ণ আত্ম-জীবন কাহিনী শুনিয়া রুদ্ধশ্বাসে
 মহর্ষির পদে প্রণাম করিল, চিন্তাকুল ও আত্মহারা হইয়া অবসন্ন মনে
 কাননপ্রান্তে বসিয়া পড়িল। আপন জীবনকাহিনী স্মরণ করিতে করিতে
 ক্রোধে গর্জিয়া উঠিল, বলিল

অবশ্য করিব রণ। আইস অর্জুন !

আয় অভিমন্যু ! কিন্তু অস্ত্র পড়ে না যে মনে !

গ্রাসিছেন রথচক্র মাতা বসুন্ধরা

এ পাপীর। ধনঞ্জয় ছাড় তীর্থ শর

ক্ষিপ্তকরে বজ্রনাদে, নাহি জান তুমি

তব সহোদর কর্ণ। হায় ! পিত তুমি

আজি হ'তে অস্ত্রহীন করিলে কর্ণেরে,

হারিলে বাহুর বল, রাজ্যের পিপাসা।

তথাপি তোমার আজ্ঞা করিব পালন।

কাটিলেন অস্ত্রে, গুরু, জননীর শির

পিতার আদেশে আমি পিতার আজ্ঞায়

কাটিব না কেন হেন রাক্ষসী মাতার

পুত্রদের শির তবে ? * * *

* * * *

এই চলিলাম মাতঃ! নিষ্কপিলে জলে
যেই পুত্রে, পুত্রহীন করিয়া তোমায়
ভাসাইবে কাল্ তোরে শোকের সাগরে।
মুদ অঁখি চন্দ্রদেব! তব বংশধর
চলিল নিম্নল বংশ করিতে তোমার।

এই কথা বলিয়া কর্ণ উন্নতের ছায় ছুটিলেন। জরৎকার বৃক্ষাস্তুরালে লুকাইয়া সকল কথা শুনিলেন, শুনিয়া ক্ষণেক উন্নত প্রলাপ কহিলেন। এই খানে এই সর্গ শেষ। এ সর্গের নাটক অতি সুন্দর। যে কোম দেশের প্রথম শ্রেণীর নাটককারের লেখনীর উপযুক্ত। মহাকবি সেক্ষপীর প্রণীত হ্যামলেট নাটকে, হ্যামলেট পিতৃ-আত্মার মুখে তাঁহার মাতার কুচরিত্রের কথা শুনিয়া যেকপ বিষাদোক্তি, যে নৈরাশু-বহ্নি উদ্গীরণ করিয়াছিলেন, ছব্বাসার মুখে মাতৃ চরিত্রের কথা শুনিয়া কর্ণের ক্ষেণোক্তি, কর্ণের আত্মগ্নানি, কর্ণের শোকোচ্ছ্বাসের আবেগ ও উন্নততা কোন অংশে ন্যূন নহে। আমরা এ সর্গের নাটকত্বে বিমুগ্ধ হইয়াছি। বঙ্গভাষার আর কোন কাব্যে এরূপ সর্বস্বসুন্দর নাটকত্ব আছে কি না তা বিম্বয়ে সন্দেহ করি।

ক্রমশঃ।



মাসিক পত্রিকা ও সমালোচনী।

এই সংখ্যার লেখকগণের নাম :—

শ্রীদীননাথ ধর, বি, এল ; শ্রীঈশানচন্দ্র বন্দ্যোপাধ্যায় ; শ্রীমতী প্রমীলা নাগ ; শ্রীযত্ননাথ কাজিলাল।

(প্রবন্ধের মতামতের জন্ত লেখকগণ দায়ী।)

বিষয়।	পৃষ্ঠা।
১। জন্মরহস্য	৬৫
২। সি, আই, ই, ভূদেব মুখোপাধ্যায় মহাশয়ের মৃত্যু-উপলক্ষে (পদ্য)	৭৪
৩। ভূদেব মুখোপাধ্যায়	৭৭
৪। শোকোচ্ছ্বাস (পদ্য)	৮৯
৫। সুধাময়ী (উপন্যাস)	৯০

ভূগলী,

সাবিত্রী যন্ত্রে শ্রীহরিদাস পাল দ্বারা
মুদ্রিত ও প্রকাশিত।

আষাঢ়—১৩০১।

এই সংখ্যার মূল্য ১/১০ দেড় আনা।

বিজ্ঞাপন।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিদ্য ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিকা যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ত ইহার অগ্রিম বার্ষিক মূল্য মায় ডাক মাসুল ১ এক টাকা মাত্র ধার্য হইল। ইহাতে ৮ পেজী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। একরূপ সুলভ মূল্যের কাগজ মফঃস্বল হইতে এ পর্য্যন্ত বাহির হয় নাই। এই পত্রিকা সম্বন্ধে চিঠি পত্র, প্রবন্ধ, মূল্যের টাকা, সমালোচনার জন্ত প্রভৃতি যাবতীয় বিষয় আমার নিকট পাঠাইতে হইবে, এবং আমা লিখিলে পত্রিকা সম্বন্ধে জ্ঞাতব্য বিষয় সকলে জানিতে পারিবেন। অতি সুলভ মূল্যে বিজ্ঞাপনাদি ইহাতে প্রকাশিত হইবে।

শ্রীযত্ননাথ কাঞ্জিলাল,
কার্য্যাধ্যক্ষ।
হুগলী।

পূর্ণিমা।

মাসিক পত্রিকা ও সমালোচনী।

২য় ভাগ।

আষাঢ়, সন ১৩০১ সাল।

৩য় সংখ্যা।

জন্মরহস্য।

জীবনের উপকূলে বসিয়া সন্ধ্যাসময়ে চিন্তা করিলে ভাবের পর ভাব আসিতে থাকে পূর্ণ করে। সর্বোপরি একটা প্রশ্ন বড়ই মধুর বলিয়া বোধ হয়। এই যে জীবনস্রোত অবিরাম বহিতেছে, ইহা কোথা হইতে আসিতেছে ও কোথায় যাইয়া লীন হইবে? এই প্রশ্নের উত্তর পাইবার জন্ত মন যার পর নাই ব্যগ্র হয়, এবং জামিতে পারিলে কতই পরিতৃপ্ত হয়। গুণগান্ধর ধরিয়া ইহার আলোচনা চলিতেছে, তথাপি কেহই এ পর্য্যন্ত একমত হইতে পারিলেন না। জীবনের পশ্চাতে দুর্ভেদ্য পর্বতপ্রাকার প্রতিষ্ঠিত, সম্মুখে অনন্তপ্রসারিত সূচীভেদ্য কুয়াশা পরিব্যাপ্ত, মানব তাহার কিছুই ভেদ করিয়া নিরীক্ষণ করিতে সমর্থ নহে। তথাপি মানুষ এক দুর্ভেদের জন্ত নিশ্চিন্ত নহে, এই প্রশ্নের মীমাংসার জন্ত একান্ত লালায়িত। জ্ঞানের প্রতিভা, সাধনার সূক্ষ্মদৃষ্টি, বিশ্বাস ও কল্পনার বৈদ্যাতিক আলোকে যাহা দেখিতে পায় তাহাতেই এই প্রশ্নের এক প্রকার মীমাংসা চলিতেছে, তাহা উদ্দেশ্য করিলে চলিবে কেন?

আমি কি ছিলাম এবং কি হইব, এই প্রশ্নের মীমাংসায় প্রবৃত্ত হইবার পূর্বে আর একটা বিষয় ভাবিয়া দেখা কর্তব্য। এ বিশ্বরাজ্যের কোন কর্তা আছেন কি না? যাহারা নিরীশ্বরবাদী, তাঁহাদের পক্ষে প্রস্তাবিত বিষয়ের মীমাংসা অতি সহজ। এ জড়জগতে জড় হইতে সমুদয়ের উৎপত্তি, মানুষ জড় হইতে উৎপন্ন হইয়া জড়ে পরিণত হইবে, কোন স্বাধীনসত্তা তাহার

থাকিতে পারে না ও থাকিবে না। এ জীবননদীর উৎপত্তি এই স্থানে বিলোপও এই স্থানে, উহার অপর পার নাই। এক কথায়, যদি ভগবান না থাকেন, তবে মানুষজীবনের পূর্বজন্ম ছিল না, এবং পরজন্মও থাকিবে না ইহা নিঃসন্দেহ।

যাহারা ঈশ্বরবাদী, তাহাদের মধ্যেই নানা প্রকার মতভেদ দেখিতে পাওয়া যায়। এই মতসমূহের মধ্যে যেটা সমীচীন তাহাই পরিগৃহীত হওয়া কর্তব্য। এই মত সকল প্রধানতঃ এই কয় শ্রেণীতে বিভক্ত করা যাইতে পারে :—

- ১। ঈশ্বর প্রত্যেক মানুষকে নূতন সৃষ্ট করিয়াছেন, তাহার অস্তিত্ব কিম্বা মাত্র পূর্বে ছিল না, এবং মৃত্যুর পর কিছুমাত্র থাকিবে না।
- ২। মানুষের জন্ম হইবার পূর্বে তাহার অস্তিত্ব ছিল না, সে নূতন সৃষ্টজীব। মৃত্যুর পর তাহার শরীর ধ্বংস হইয়া যাইবে কিম্বা আত্মা তাহার অমর, অনন্তকাল উন্নতির পথে চলিবে। পুনরায় আর জন্ম হইবে না।
- ৩। মানুষের পূর্বজন্ম ছিল, পরে স্মৃতির ফলে এই জন্ম প্রাপ্ত হইয়াছে, মৃত্যুর পর জীবাত্মা পরমাত্মাতে লীন হইয়া যাইবে। পৃথক অস্তিত্ব আর থাকিবে না।
- ৪। মানুষের পূর্বজন্ম ছিল। সেই পূর্বজন্মের কর্মফল এই জগতে মানুষকে ভোগ করিতে হইতেছে। যতদিন এই ভোগ চলিবে, অর্থাৎ বাসনা ও কর্মের নাশ না হইবে, ততদিন তাহাকে নানা যোনিভ্রমণ করিতে হইবে। কর্মফল শেষ হইলে জীবাত্মা পরমাত্মাতে মিশিয়া যাইবে, তখন আর পুনর্জন্ম থাকিবে না।
- ৫। মানুষের পূর্বজন্ম ছিল, কাহারও কাহারও পরজন্ম হইবে না, যাহারা কর্মফল হইতে মুক্ত হইয়াছে, তাহাদের আর পরজন্ম হইবে না, তাহারা অনন্তকালেও ভগবানের সহিত মিশিতে পারিবে না, চিরদিন পৃথক থাকিয়া ভক্তি ও যোগমার্গে উন্নত হইবে।

এই সকল প্রশ্ন সংক্ষিপ্ত করিলে মূলে এই কথা দাঁড়ায় “মানুষ কি ছিল

এক কি হইবে?” এই জগতে আবির্ভূত হইবার পূর্বে মানুষের কোন অস্তিত্ব ছিল কি না এবং মৃত্যুর পর কোন অস্তিত্ব থাকিবে কি না? থাকিলে সে অস্তিত্ব কি প্রকারের?

যিনি বিশ্বপতি তাহাকে সর্বজ্ঞ, সর্বশক্তিমান, সমদর্শী, ত্রায়বান ও দয়ালু আধার ভাবে না ভাবিয়া মানুষ কখনই অগ্রভাবে ভাবিতে পারে না। যে মত আশ্রয় করিলে ঈশ্বরে কোন প্রকার দোষ বা কলঙ্ক স্পর্শিতে পারে তাহা কখনই বিগুদ্ধ নহে। উন্নতভাবে না ভাবিতে পারিলে কখনই উন্নত জ্ঞান প্রাপ্ত হওয়া যায় না। ঈশ্বর সম্বন্ধে যাহা সর্বোন্নত জ্ঞান তাহাই প্রকৃত জ্ঞান এবং তাহারই সাহায্যে শ্রীমাংসা করা ভিন্ন গত্যন্তর নাই। এই জগতের দিকে দৃষ্টিপাত করিলে, সর্বত্রই বৈষম্যের ভাব দেখিয়া প্রাণ আকুল হয়। সাম্যময় ও সমদর্শীর রাজ্যে এ বৈষম্যের তরঙ্গ কেন? দয়াময়ের রাজত্বে এ শোকতাপ আর্তনাদ ও হাহাকার কেন? ঐশ্বর্যশালী ভগবানের সন্তান হইয়া মানুষ কেন দরিদ্রতার কঠোর নিষ্পেষণে নিষ্পেষিত হইতেছে। ত্রায়বানের রাজত্বে বাস করিয়া মানুষ কেন নিজে নিরপরাধ হইয়াও অশেষ যন্ত্রণা ও শাস্তিভোগ করিতেছে? কেহ রাজা হইয়া জন্মিতেছে, কেহ পথের ভিখারী হইয়া আকুলভাবে কাঁদিয়া বেড়াইতেছে। এ বৈষম্যের কারণ কি? ইহার কারণ ভগবান কখনই নহেন, তাহা মনে করিলে তাহাতে কলঙ্ক স্পর্শে। ইহার কারণ অপর কেহ হইতে পারে না, কেন না অপরের দোষে আমি যদি কষ্ট পাই, তবে ত্রায়বানের শাসনের মাহাত্ম্য থাকে কোথায়? তবে যদি মনে করি আমার নিজের দোষে আমি ভুগিতেছি, তবে আর ভগবানে দোষ স্পর্শিতে পারে না। অতএব এই মতই যুক্তিসঙ্গত। এখন দেখা যাউক আমার দোষে আমি ভুগিতেছি, ইহা সত্য হইলে, আমি দোষ কখন করিলাম? কোন পাপে এত কষ্ট পাইলাম; কোন পুণ্যে এত সুখভোগ করিলাম? এ পাপ পুণ্য কখন করিলাম? এই কারণের উৎপত্তি অবশ্যই আমার জন্মের পূর্বে ছিল, নতুবা জন্মমাত্র কার্যের বিকাশ হইতে পারিত না। এই ভাবে ভাবিতে গেলে স্পষ্ট প্রতীত হয় যে আমার পূর্বজন্ম ছিল, তাহার স্মৃতি ও দুষ্কৃতির ফলে ইহা সংসারে ভোগ করিতেছি। ইহা অপেক্ষা উন্নত ও সঙ্গত ভাব কল্পিত হইতে পারে না।

এস্থলে আপত্তি হইতে পারে যে, আমরা পূর্বজন্মের বৃত্তান্ত সমুদয় ভুলিয়া যাই কেন? সেই আমি এক রাজ্য হইতে অপর রাজ্যে আসিয়াছি, অথবা এক অবস্থা হইতে অপর অবস্থায় পড়িয়াছি, কিন্তু অতীত স্মৃতি বিলুপ্ত হইবার কারণ কি? ইহার উত্তর সাধক তপস্বীরা দিয়াছেন। তাঁহারা বলেন সাধনার দ্বারা অতীতের এই জ্ঞান উপলব্ধি হয়। যোগে নিমগ্ন হইয়া যোগী পূর্ববৃত্তান্ত সকল জানিতে পারেন। যুক্তিতেও এ কথা অসঙ্গত নহে। আমরা এ জগতে কত কি ঘটনা প্রতিনিয়ত দেখিতেছি তাহার অধিকাংশ ভুলিয়া যাই। আবার অনেক চিন্তা করিয়া বিস্মৃত বিষয় হৃদয়ত করি। এই প্রবন্ধ লিখিবার সময়ে আমার অপর সকল জ্ঞান বা স্মৃতি যেন বিলুপ্ত রহিয়াছে, কিন্তু চিন্তা করিয়া একে একে মানসপথে তাহাদিগকে আনিতে পারা যায়। সেইরূপ এ জগতে আসিয়া আমরা ইহারই ব্যাপারে মগ্ন থাকি, অপর জ্ঞান জাগ্রত করিতে হইলে সাধনার প্রয়োজন। সাধনার দ্বারা ইহা জানিতে পারা যায় যে আমাদের পূর্বজন্ম ছিল। আমরা নিদ্রিত অবস্থায় কত স্বপ্ন দেখি, কিন্তু জাগ্রত হইয়া সকল ভুলিয়া যাই। এ অবস্থায় পূর্বজন্মের স্বপ্ন যে ভুলিয়া যাইব তাহার আশ্চর্য্য কি? মোহগ্রস্ত মানবের পক্ষে উহা ভুলিয়া যাওয়াই মঙ্গলজনক। এই জন্তই হয় ত বিধাতা তাদৃশ বিধান করিয়াছেন। মানব ইহ জগতের ভাবনায় ব্যাকুল। ইহজীবনেরই অতীত ঘটনার স্মৃতি হৃদয়ে চিতানল জ্বালিয়া রাখিয়াছে, তাহার পশ্চাতে যদি পূর্বজন্মের স্মৃতি আর এক চিতানল প্রজ্জ্বলিত করিত, তবে কি মানুষ তিষ্ঠিতে পারিত? তত্ত্বদর্শী সাধু পুরুষের কথা বলিতেছি না, কিন্তু মোহাচ্ছন্ন মানবের অবস্থা যার পর নাই শোচনীয় হইত। আমি পূর্বজন্মে যে সকল আত্মীয় স্বজনকে কাঁদাইয়া রাখিয়া আসিয়াছি, আজ যদি তাহাদিগকে জানিতে পারিতাম, তবে এ জন্মের আত্মীয় স্বজন লইয়া কি সংসার করিতে পারিতাম? এই ভারেই আমি অবনত, তাহার উপর যদি সেই ভার মস্তকে চাপিত, তবে কি আর রক্ষা ছিল? ঐ দেখ পূর্বস্মৃতির স্মীণালোকে বিচরণ করিতে করিতে আত্মীয় স্বজন সমুদয় পরিত্যাগ করিয়া অচ্ছাদ সরোবরতীরে বৈশম্পায়নরূপী পুণ্ডরীক দাঁড়াইয়া মুগ্ধভাবে তপস্বিনী মহাশ্বেতার দিকে তাকাইয়া আছে। পূর্ববৃত্তান্ত সমুদয় ভুলিয়াছে বলিয়া আজ মহাশ্বেতা নিশ্চয়মভাবে কোপবহ্নিতে প্রাণের

প্রিয়তমকে দগ্ধ করিয়া ফেলিল, আবার যখন সে স্মৃতির উন্মেষ হইল, তখন বনস্থলী ও গিরিগুহা আকুল করিয়া তাহার কাতর আর্তনাদ প্রতিধ্বনিত হইতে লাগিল। পূর্বজন্মের বিষাদ সঙ্গীত শুনিতে পাই না, তাই নিশ্চিন্ত মনে নিদ্রা যাইতেছি, নতুবা কাঁদিতে কাঁদিতে ব্যাকুল হৃদয়ে সেই সঙ্গীতের অনুসরণ করিয়া শোকসাগরে ভাসিয়া যাইতাম। তাই কবি গাহিয়াছেন :—

রম্যাণি বীক্ষ্য মধুরাংশু নিশম্য শব্দান
পয্যুৎসুকো ভবতি যৎ স্মৃতিতোপি জন্তুঃ।
তচ্চেতসা স্মরতি নুনমবোধ পূর্কং
ভাবাস্থরাণি জননান্তর সৌহদানি ॥

এই পূর্বজন্ম সম্বন্ধে আর একটা আপত্তি হইতে পারে। কেহ একরূপ বলিতে পারেন যে পৃথিবীর জনসংখ্যার দিন দিন বৃদ্ধি হইতেছে। সত্যযুগে যত লোক ছিল, কলিযুগে তাহার অনেক বৃদ্ধি হইয়াছে। আজ জগতে যত লোক আছে, তাহাদের পূর্বজন্মে তাহারা যখন জন্মিয়াছিল, তখন তাহাদের সংখ্যা অবশ্যই তত পরিমাণ ছিল এবং তৎপূর্বজন্মে আবার সেই পরিমাণ ছিল, সুতরাং এ হিসাবে দেখিতে গেলে লোকসংখ্যার হ্রাস বৃদ্ধির সম্ভাবনা থাকে না। অপর বর্তমান সময়ে লোকসংখ্যার বৃদ্ধি স্বীকার করিলে অবশ্যই স্বীকার করিতে হইবে যে এখন এমন অনেকে সৃষ্ট হইয়াছে, যাহাদের পূর্বজন্ম ছিল না।

এ কথার উত্তর এই যে মানুষ মরিয়া যে মানুষ হইবে, অথবা এখন যাহারা মানুষ তাহারা যে পূর্বজন্মে মানুষ ছিল, তাহা কে বলিল? প্রাণি-জগতের যে বৃদ্ধি হইয়াছে তাহা কিরূপে স্বীকার করা যাইতে পারে? মানবের সংখ্যা যদি বৃদ্ধি হইয়া থাকে, তবে অপর জন্তুর সংখ্যা দিন দিন হ্রাস হইতেছে, এ কথা বলা যাইতে পারে, এবং সেই জন্তু যে মানুষ হইতেছে না, ইহাই বা অবিশ্বাস করিবার কারণ কি। অপর অল্প যে সকল গ্রহ উপগ্রহ আছে তাহা হইতে শাপভ্রষ্ট বা পুণ্যবলে তদ্দেশবাসীরা যে মানুষ হইয়া পৃথিবীতে জন্মিতেছে না, তাহাই বা কে বলিতে পারে? এ সকল কথা বিশ্বাস না করিলেও, ইহা স্বীকার করিতে হইবে যে যদিও জনসংখ্যার বৃদ্ধি হইতেছে, কিন্তু সঙ্গে সঙ্গে অক্ষয় মৃত্যুও বাড়িতেছে। যতই অকাল

মৃত্যু বাড়িবে বা পাপের বৃদ্ধি হইবে, ততই বারংবার জন্মগ্রহণ করিবার আবশ্যক হইবে, সুতরাং জনসংখ্যারও বৃদ্ধি হইবে।

সৃষ্টিতত্ত্বের উল্লেখ করিয়া কেহ কেহ পূর্বজন্ম সম্বন্ধে আপত্তি করিয়া থাকেন। তাঁহাদের মতে পূর্বে সকলই শূন্য ছিল, পরে একটা নির্দিষ্ট সময় হইতে বিশ্বসংসার সংরচিত হইয়া প্রাণিপূর্ণ হইয়াছে। আদি সৃষ্টজীব বা বস্তুর পূর্বজন্ম ছিল না, সুতরাং এখন যাহারা পৃথিবীতে আবিভূত তাহাদের যে পূর্বজন্ম ছিল তাহার নিশ্চয়তা কি? এ কথা উত্তর এই যে এ সৃষ্টি তাৎপর্য যে ভ্রমাত্মক নহে তাহা কিরূপে বলা যাইতে পারে? এক দিন শূন্য লইয়া ভগবান ছিলেন—অনন্তের অধিপতি অনন্ত শূন্যে প্রচ্ছন্ন ছিলেন, তখন তিনি সৃষ্টিকর্তা ছিলেন না, আজ যে সকল নামে তাঁহাকে ডাকি এবং যে সকল গুণ তাঁহাতে আরোপ করিয়া থাকি, তাহার কিছুই তৎকালে তাঁহার ছিল না, থাকিলেও তাহার বিকাশ পায় নাই। এ ভাবে ভাবিলে ঈশ্বরকে নিতান্ত লঘু করিয়া তুলিতে হয়। বহুকাল অনাদি মহাশক্তি মহাপুরুষ অনন্ত সৃষ্টি কৌশলের মাহাত্ম্য অনুধাবন করেন নাই, পরে এক দিন উদ্ভাবনী শক্তি উজ্জ্বলতম হইলে তিনি ইচ্ছা ও কল্পনা করিলেন, আর অমনি চরাচর বিশ্ব ব্রহ্মাণ্ড বিরচিত হইল। ভগবানকে কখনও ভাবিতে হয় না, বিশ্বসংসারকে নূতন করিয়া সাজাইতে হয় না। অনাদি পুরুষের কার্যও অনাদি। সৃষ্টিরাজ্যে পরিবর্তন হউক—তাহা তিনি করেন না, তাঁহার অনাদি নিয়ম প্রভাবে সংঘটিত হইয়া থাকে। এ বিশ্ব সংসার তাঁহার ছায়া মাত্র। সকলই তাঁহার প্রতিবিম্ব। অনাদি পুরুষের ছায়া ও প্রতিবিম্ব অবশ্যই অনাদি। অনাদি মহাপুরুষের সৃষ্টি প্রবাহ অনাদি কাল হইতে চলিয়া আসিতেছে। সেই প্রবাহে তরঙ্গ অবিরাম উঠিতেছে ও নামিতেছে—প্রাণিজগতেও সেইরূপ এক জনের পর অপর জন্ম হইতেছে, পরস্পরের মধ্যে এক অবিচ্ছিন্ন সম্বন্ধ রহিয়াছে।

পূর্বজন্ম সম্বন্ধে অপর একটা আপত্তি হইতে পারে। পূর্বজন্মে যে পাপী ছিল, ইহজন্মে সে তাহার ফল ভোগ করিবে, অর্থাৎ ইহজন্মেও গর্হিত কার্য করিয়া ঘৃণিত ও অপদস্ত হইবে, পরজন্মেও সেই দশাগ্রস্ত হইবে, তবে তাহার উদ্ধার কোথায়? ভগবান যদি শাস্তি দিতেন, তবে আশা করা যাইত যে শাস্তি যথেষ্ট হইয়াছে, এখন তিনি প্রশ্ন হইয়া উদ্ধার

করিবেন, কিন্তু যখন জানি না যে কি দোষে আমার শাস্তি হইতেছে, তখন তাহাকে প্রকৃত শাস্তি বলা যাইতে পারে না। কর্মফল যে ভোগ করিতেছি তাহার উদ্ধারের উপায় কি? এই উদ্ধারকল্পে জগতে ধর্মের আবির্ভাব হইয়াছে। মহাজনগণ সময়ে সময়ে অবতীর্ণ হইয়া কত পাতকী উদ্ধার করিয়া গিয়াছেন। কর্মফল ভোগ করিতে করিতে সাধুসঙ্গমে কত লোক দিব্যজ্ঞান প্রাপ্ত হইয়া মুক্ত হইয়াছে। অনুতাপের অশ্রু ফেলিতে ফেলিতে কত লোকের মলিন হৃদয়দর্পণ বিধৌত হইয়া সমুজ্জল হইয়াছে। কত লোকের মোহাচ্ছন্ন বিবেকবহিঃ অনুকূল পবনসংযোগে প্রজ্জ্বলিত হইয়াছে। পাতকী উদ্ধার করিবার জন্ত পতিতপাবন কি' সুমহান আয়োজন করিয়া রাখিয়াছেন, মানব মনে করিলেই উদ্ধার হইতে পারে।

কেহ কেহ একরূপ মনে করিতে পারেন যে পূর্বজন্ম ও পরজন্ম মানিতে হইলে অদৃষ্টবাদে বিশ্বাস করিতে হয় এবং তাহা হইলে পাপ পুণ্যের বিচার থাকে না এবং তজ্জন্ত কোন দায়িত্ব বোধও জন্মে না। ইহা সম্পূর্ণ ভ্রান্তিমূলক। কর্মের সহিত ফলের কার্যকারণের ত্রায় অবিচ্ছিন্ন সম্বন্ধ। আমি পূর্বজন্মে যাহা করিয়াছি তাহার ফল ভোগ ইহ জীবনে করিব, ইহা যদি অদৃষ্টবাদ হয় তবে তাহাতে ক্ষতি কি? একরূপ অদৃষ্টবাদে বিশ্বাস করিয়া কেহ আশ্চর্য করিয়া কহিতে পারেন না “আমার দোষ কি? অদৃষ্টচক্র আমাকে ঘুরাইতেছে, তাই ঘুরিতেছি।” অনলে পড়িয়া পুড়িয়া কিবা অগাধ সলিলে নামিয়া ডুবিয়া কেহ কি বলিতে পারেন “আমার দোষ কি? এ জগতে যদি অগ্নি বা জল না থাকিত, তবেত আমার বিপদ হইত না?” ফল কথা, পাপ পুণ্য আছে, তাই আমি প্রত্যক্ষ তাহার ফলভোগ করিতেছি। বিধাতার বিধান অনুসারে চলা না চলা আমার হাতে, কিন্তু যেরূপ চলিব, সেইরূপ ফল ভোগ করিব, তাহা অতিক্রম করা আমার সাধ্যাত্ত নহে। পূর্ব জন্মের দুষ্কৃতির তাড়নায় লাঞ্চিত হইয়া মানব বলিতে পারে “কর্ম! তোমার পাওনা, হৃদ সমেত সমুদয় আদায় করিয়া লও, তোমার নিকট, এই শিক্ষা পাইলাম। যে প্রাণান্তেও তোমার নিকট আর ঋণী হইব না। পুরুষকার, সাধনা, ভক্তি, ধর্ম, আমি ইহাদের আশ্রয়ে উদ্ধার হইব অথবা বিষম বিষমৌষধি যেরূপ, আমি কর্ম দ্বারা কর্মকে তদ্রূপ বিনাশ করিব—পুণ্যালোক জালিয়া পাপের অন্ধকার বিনষ্ট

করিব।” এ মহাশক্তি মানবের অন্তরে নিহিত আছে, সাধনা ভিন্ন তাহার বিকাশ হইতে পারে না।

কেহ কেহ জন্মরহস্যের উদ্ভেদ করিতে অসমর্থ হইয়া বিস্মিতভাবে কহিয়া থাকেন—পুনঃপুনঃ জন্ম হইবার উদ্দেশ্য কি? এই যে এত যত্ন করিয়া কত শিক্ষা পাইলাম, মৃত্যুর পর সমুদয় ভুলিয়া আবার জন্মের পর নূতন করিয়া শিক্ষা পাইতে হইবে, ইহার অভিপ্রায় কি? যিনি কালিদাস বা সেক্ষপীর হইয়া জন্মিয়াছেন, তিনি পুনর্বার জন্মগ্রহণ করিয়া পূর্বের প্রতিভায় জলাঞ্জলি দিয়া বিদ্যারস্ত করিতেছেন ইহা কি বিশ্বাসের বিষয় নহে। অপর জগতে অনেক মহাত্মা জন্মিয়াছেন যাহাদের শ্রায় প্রতিভাশালী লোক পরবর্তী কালে পরিলক্ষিত হয় নাই সুতরাং হয় তাঁহাদের পুনর্জন্ম হয় নাই, নতুবা তাঁহারা হীন হইয়া জন্মিয়াছেন। ইহার উত্তর এই যে যতদিন মনুষ্যজীবনের উদ্দেশ্য সাধিত না হইবে, যতদিন তিল মাত্র অপূর্ণতা রহিবে, ততদিন কর্মক্ষেত্রে আসিয়া শিক্ষা পাইতে হইবে, সেই শিক্ষা পূর্ণতা প্রাপ্ত হইলে আর পুনর্জন্ম হইবে না। আমরা যাহা প্রতিভা বলিয়া সমাদর করি, তাহা হয় ত প্রকৃত মনুষ্যত্বের পক্ষে অতীব অকিঞ্চিৎকর। যিনি মহাকবি বা মহাযোদ্ধা ছিলেন, তিনি হয় ত পরজন্মে ধর্মরাজ্যে অগ্রসর হইতেছেন। এ জগতের অসম্পূর্ণ পাতকী জন লইয়া নরক কল্পনা করা অপেক্ষা সেই সকল লোক জন্ম গ্রহণ করিয়া ক্রমশঃ উদ্ধার হইবে, এই বিশ্বাসই অধিকতর যুক্তি সঙ্গত। আমরা সকলেই যদি পরকালে যাইয়া আশ্রয় পাই, তবে পরকাল আর ইহকালে প্রভেদ থাকে কি? পরকাল নরদেবের অধিবাস ভূমি, তুমি আমি অসম্পূর্ণ জীব বার বার জন্মিয়া পূর্ণতার দিকে অগ্রসর হইতেছি।

এ জগতে আমি বাসনা ও প্রবৃত্তির অনুবর্তী হইয়া কার্য্য করিতেছি। ইন্দ্রিয়াদির উত্তেজনায় ও পিপাসায় আমি ব্যাকুল হইয়া বেড়াইতেছি। এমন যে নির্মল আত্মা পাইয়াছিলাম, তাহা জগতের বাসনায় কলুষিত হইয়া পড়িয়াছে। আমি ছিলাম চকোর, কোথায় উড়িয়া উড়িয়া চাঁদের সূধা পান করিব, তা নয় এখন লালসার গরল পান করিতেছি; আমি ছিলাম চাতক, কোথায় উড়িয়া উড়িয়া মেঘের কোলে বসিয়া অমৃতবারি পান করিব, তা নয় এখন প্রবৃত্তির পক্ষে পড়িয়া ব্যাকুল হইতেছি। সেই বাসনা

ও প্রবৃত্তি লইয়া আমার কি আর অন্য স্থানে যাইবার উপায় আছে। কালের নিয়তিক্রমে শরীর ধ্বংস হইবে, কিন্তু প্রাণ এই জগতে আসিবার জন্য লালসিত হইবে, আবার আসিয়া জন্মিবে। যেমন প্রবৃত্তি যেমন বাসনা সেইরূপ জন্ম হইয়া কর্মফল ভোগিতে হইবে। পূর্বজন্মের প্রতিবিম্ব ইহজন্মে প্রতিবিম্বিত হইবে।

এই অনন্ত শূন্যপথে কত প্রেতযোনি ভ্রমণ করিতেছে। উহারা সকলেই প্রবৃত্তি ও বাসনার দাস। আজ পাঞ্চভৌতিক দেহ হারাইয়া তাহারা কতই ব্যাকুল হইয়া বেড়াইতেছে। বাসনা, তৃষ্ণা সকলেই আছে কিন্তু চরিতার্থ করিবার সে ইন্দ্রিয়শক্তি নাই। নূতন দেহ চাই, নূতন ইন্দ্রিয় চাই, নতুবা সে বাসনা পূর্ণ হইবার নহে। কত সময়ে সেই প্রেতাত্মা পূর্বের স্নেহমমতা ভুলিতে না পারিয়া আত্মীয়ের নিকট আসিয়া কাতরভাবে জানায় “আমি তোমায় ছাড়িয়া থাকিতে পারিলাম না, আমি তোমার অমুক হইয়া আসিলাম।” কত প্রেতাত্মা জগতের লোককে আশ্রয় করিয়া স্বীয় বাসনা চরিতার্থ করে। সেই বৃত্তান্ত সকল সূক্ষ্মভাবে অনুধাবন করিলে পূর্বজন্ম ও পরজন্ম সম্বন্ধে অনেক জ্ঞান প্রাপ্ত হওয়া যায়।

পূর্বজন্ম ও পরজন্ম—একটি অপরটির ছায়ামাত্র, একটি মানিলে অবশ্যই অপরটি মানিতে হয়। যে জন্মিবে সে পূর্বে জন্মিয়াছিল, যে ভোগ করিতেছে সে পূর্বে ভুগিয়াছে। তবে যে এখন জন্মিয়াছে সে সাধনাবলে পুনর্জন্ম হইতে নিষ্কৃতি পাইতে পারে। ধর্ম্ম মতি হইয়া মোহছিন্ন হইলে এবং তত্ত্বজ্ঞান প্রভাবে প্রবৃত্তি সংযত হইয়া বাসনার বিনাশ হইলে, পুনর্জন্মে ক্লেশ আর ভোগ করিতে হয় না। তখন মৃত্যুর পর মানব চকোর হইয়া চাঁদের দিকে ছুটিতে থাকে, চাতক হইয়া মেঘের পাশে উড়িয়া যায়, আর নামিতে হয় না। তখন সচ্চিদানন্দের অমৃতময় জ্যোতিতে প্রাণ উৎফুল্ল হয়। তখন কেহ জ্ঞানের পুষ্পরথে উঠিয়া, কেহ বা ভক্তির মন্দাকিনী স্রোতে ভাসিয়া, পুণ্যময়ের পবিত্র রাজ্যের দিকে চলিতে থাকে। জীবাত্মা পরমাত্মার মিলন—সহজ কথা নহে। যুগযুগান্তর সাধনা ভিন্ন ও কথা মুখেও আনিবার কাহারও অধিকার নাই। কোটিকল্প তপস্তা করিলেও ভগবানের সন্নিধানে যাওয়া যায় না, তবে আর জন্ম হইবে না, এই আমি মহাপ্রস্থান করিয়াছি, ইহা অপেক্ষা মানবের আর সৌভাগ্যের

বিষয় কি হইতে পারে। সেই সৌভাগ্যের অধিকারী হইতে পারিজেই
মুখ্য জন্ম সার্থক হয়, ক্ষোভ আর কিছুমাত্র থাকে না।

শ্রীযত্ননাথ কাঞ্জিলাল।

সি, আই, ঈ, ভূদেব মুখোপাধ্যায় মহাশয়ের মৃত্যু-উপলক্ষে।

১৩০১ সাল ১লা জ্যৈষ্ঠ

সোমবার শুক্লপক্ষ দশমী

রাত্রি ১টা।

(১)

গভীর রজনী নীরব অবনী যুমে বিশ্ব অচেতন।
আঁধারি আকাশ দশমীর চাঁদ হইতেছে নিমগন ॥
এ হৈন সময় গগন বিদারি পশিল শব্দ কাণে।
“উঠ বঙ্গবাসী নিদ্রা কি হে সাজে তোমা সবে এই ক্ষণে ॥
এসো স্বরা করি ভাগীরথী তীরে বঙ্গের সন্তান গণ।
জনমের মত ভূ-দেব ভূদেবে আসি কর দরশন ॥
অতুল্য তরনী সেই বিপ্রমণি না হবে এমন আর।
জ্ঞানরত্ন ভরা দেখ করে তরী টলমল বারেবার ॥
কালের দারুণ বাতাসে তরনী হেলে দোলে ঘন ঘন।
না কর বিলম্ব হের তরী অই হইতেছে নিমগন ॥
নাহি পাবে আর এমন কোথাও অমূল্য রতন মণি।
দিওনা যাইতে স্মরণ এমন হইতে পরম ধনী ॥
ও তরী-রতনে ভাঙার আপন যত পার পূর্ণ কর।
অন্তিম শয়নে যেন ভীষ্মদেব সেই মত বিপ্রবর ॥
অই যে তরনী ডুবিলে এখনি এস সবে করি স্বরা।
বিলম্বে রহিলে দারুণ আক্ষেপ চির দিন চিতে ভরা ॥”

(২)

শুনি স্বর্গ বাণী উঠিয়া অমনি ছুটিল বঙ্গের নর।
ভাগীরথী তীরে লক্ষ্য করি—সেই গগন নিঃসৃত স্বর ॥
হেরিল বিশাল আর্ঘ্যের মূর্তি পূরিত অপূর্ব ভাতি।
রজত চামর সম শশ্রু রাশি যেন সে প্রাচীন যতি ॥
সুবর্ণ বরণ বিশাল শরীর শায়িত জাহ্নবী তীরে।
আয়ত উরসে যুক্ত করতল নয়ন ভাসিছে নীরে ॥
প্রশান্ত অধরে “ভাগীরথী” নাম ধীরে ধীরে উচ্চারিত।
ক্ষণে মুদে আঁখি, অপূর্ব ভাবেতে শান্ত উপরত চিত ॥

(৩)

জননীর কোলে স্কুমার শিশু নিদ্রা যায় যেই মত।
জাহ্নবীর কোলে ভূদেব তেমতি আজ মহানিদ্রাগত ॥
আকুল জাহ্নবী তরঙ্গে তরঙ্গে উঠিছে ব্যাকুল হ'য়ে।
ভাবিছে যেনবা সে রতন সার কোথায় রাখিবে ল'য়ে ॥

(৪)

আশ্রয় পাদপ হলে উন্মূলিত চীৎকারে বিহগ যথা।
ভূদেবের গেহে রোদনের রোল পূরিয়া উঠিল তথা ॥
কাঁদিয়া উঠিল তনয়া যুগল সহিত শিশুর দল।
সুত জ্ঞানবান ত্যজে দীর্ঘশ্বাস নীরবে নয়ন জল ॥
কাঁদে দাস দাসী আশ্রিত প্রবাসী অনুগত পরিজন।
গৃহেতে পালিত পশু পক্ষী আদি সন্তাপে ব্যথিত মন ॥

(৫)

যুগায়ে যুগায়ে উঠিল কাঁদিয়া, পীড়িত কাতর জন।
হেরিল স্বপনে, হারানু আশ্রয়, ব্রাহ্মণ পণ্ডিতগণ ॥
নিশীথ সময় যেন ভুকম্পনে টলিল টোলের খুঁটি।
নিদান পুরাণ বেদান্ত দর্শন চাহিল চমকি উঠি ॥
ছিন্ন কলেবর আর্ঘ্য শাস্ত্র সব ধূলায় লুটায় দেহ।
যেন অযতনে দিয়াছে সে ফেলি, যে করে পরম স্নেহ ॥

সব্যে অধিষ্ঠিতা আৰ্য্য ধর্ম দেবী, বিশদ বসন পরা।
 বামেতে সম্পদ আর কান্তি-দেবী রূপেতে শোভিত ধরা ॥
 মাঝেতে বসিয়া দেবী বীণাপাণি ধরি বীণা ছুটি করে।
 গাহেন আপন মনের আবেগে গভীর করুণ স্বরে ॥
 অকস্মাৎ আজ ছিন্ন বীণা তার পড়িল অবনী তলে।
 সব্য বাম দিকে দেবীদয় আহা! পড়িল সহসা হেলে ॥
 স্তরু বীণা সহ অমনি অদৃশ্য হইলেন দেবীত্রয়।
 তিরোহিত শোভা শূন্য তুমঃ ঘোর নীরবতা পূর্ণ হয় ॥

(৬)

সে ঘোর আঁধারে হেরি বঙ্গমাতা বিনায়ে কাঁদিছে কত।
 বিবশা শোকেতে কহিছে ছুঃখিনী হৃদয়ের খেদ যত ॥
 “আমার অর্চনে প্রাণপণে যেবা নিয়ত নিরত ছিল।
 আজি সে আমার প্রাণের ভূদেব আমারে ছাড়িয়ে গেল ॥
 গৌরবে যাহার ছিহ্ন গরবিনী কোথায় সে মোর আজ।
 যেই কাঙ্গালিনী হইলাম সেই পুন এ অবনী মাঝ ॥
 আদরে তেমন কে আর এখন করিবে অর্চনা মোরে।
 আপনার সুখ ভেবে তৃণ সম আমার সম্মান তরে ॥
 আমার কারণ দেহের শোণিত ঢালি দিত অনায়াসে।
 ভূদেব সমান মা বলে আমারে কেবা আর ভালবাসে ॥
 নাহি জানি কোন্ স্কন্ধতির ফলে পেয়েছিলু আমি তারে।
 বিধি পদে দোষ করিলাম তাই ফেলি গেল সে আমারে ॥
 ধরণীর দেব তুই রে ভূদেব কোথা গেলি বাছাধন।
 ছুঃখের পাথারে ডুবালি মায়েরে পেয়ে কোন্ অযতন ॥

শ্রীদীন—

ভূদেব মুখোপাধ্যায়।

এই ধরাধাম শূন্য এবং আঁধার করিয়া গত ১লা জ্যৈষ্ঠ রাত্রিতে ভূদেব বাবু কোন পরম ধামে চলিয়া গিয়াছেন। বঙ্গহৃদয় আজ তীব্র শোকাধিকৃত। আমরা আজ পরম শিক্ষা এবং দীক্ষাগুরু ও নেতামুখ্য।

গত শ্রাবণ মাস হইতে ভূদেব বাবুর যাপ্য প্রস্রাবের পীড়ার বৃদ্ধি হয়। তিনি সবিশেষ সাবধান, মিতাচারী এবং ধর্মশীল ছিলেন বলিয়া পীড়াটি শীঘ্র তাঁহার বড় কিছু করিতে পারে নাই। গঙ্গার প্রবল ভাটার স্রোতে নৌকা যেমন ক্রমশঃ দক্ষিণ মুখে যাইয়া সাগরে প্রবেশ করে, তদ্রূপ তিনিও আস্তে আস্তে অগ্রসর হইয়া অনন্ত কাল-সিকুনিরে প্রবেশ করিলেন।

দশ মাস কাল তিনি পীড়িত এবং এক মাসের কিছু বেশী শয্যাগত ছিলেন। মৃত্যুর সপ্তাহ পূর্ব পর্যন্ত তাঁহার স্বাভাবিকী মনের ওজস্বিতা এবং বুদ্ধিবৃত্তি অক্ষুণ্ণ ছিল। অজপা শেষ হইবার কিঞ্চিৎ পূর্বে পুত্রদ্বয়কে বক্ষে ধারণপূর্বক জন্মেরশোধ বিদায় লইয়া “গঙ্গা গঙ্গা” বলিতে বলিতে তিনি প্রাণত্যাগ করেন। কোমল শিশুর মাতৃক্রোড়ে শয়নের স্থায় তিনি জাহ্নবী-তটে মহানিদ্রায় নিদ্রিত হইয়াছিলেন। মৃত্যুকালে তাঁহার মুখের কোনরূপ বিকৃতি ঘটে নাই।

ভূদেব বাবুর পিতার নাম বিশ্বনাথ তর্কভূষণ। তর্কভূষণ মহাশয়ের মৃত্যু উপলক্ষে সোমপ্রকাশ পত্রের লেখক বলেন “তিনি যে সকল বিষয় জানিতেন তাহা মনে করিতে গেলে তাঁহার দ্বিতীয় ব্যক্তি আর কেহই নাই স্বীকার করিতে হয়।” সেই অসাধারণ পিতার ঔরসে ভূদেব বাবুর ১২৩২ সালের ২রা ফাল্গুনে জন্ম হয়। তাঁহার সুদীর্ঘ দেহ, তপ্ত কাঞ্চন তুল্য বর্ণ, বিশাল বক্ষঃ, আজানুলম্বিত বাহু এবং প্রগাঢ় চিন্তার পরিচায়ক চক্ষু দেখিলেই বোধ হইত যেন কোন মহাপুরুষ সাধু সঙ্কল্প সাধন-জন্ত অবনীতলে অবতীর্ণ হইয়াছেন। কোন এক সময়ে আমাদের একটি বর্ষীয়ান ইংরাজ মাজিষ্ট্রেট বলেন “ভূদেব বাবু ভিন্ন দেশীয়দের মধ্যে অত্র কাহাতেও আমি আর্ঘ্যের মূর্তি দেখিতে পাই না।”

নবম বৎসর বয়সে ভূদেব বাবু সংস্কৃত কলেজে প্রবিষ্ট হইয়া তথায় তিন

বৎসর অধ্যয়ন করেন। তিনি ব্রাহ্মণ গণিতের ছেলে, এবং প্রথমতঃ তদুপযোগী শিক্ষালাভ করিতে প্রবৃত্ত হন। ইমারাত পাকা পোক্ত করিবার জন্ত খোয়া ইত্যাদি দিয়া ভাল করিয়া ভিত্তি ছরমুখ করিতে হয়। ভূদেব বাবুর শিক্ষার ভিত্তি সংস্কৃত শিক্ষারূপ খোয়া দিয়া ছরমুখ হইয়াছিল। এই জন্ত ইংরাজি বিদ্যায় বিশেষ ব্যুৎপন্ন হইয়াও তিনি বরাবর হিন্দু ছিলেন। তাঁহার জাত কর্মাদি সমস্ত সংস্কার যথাবিধি হিন্দুতে সম্পাদিত হয়। তিনি ব্রাহ্মণের ঘরে পাকা বেউড় বাঁশের ঝাড়, বাঙ্গালী শিকড়ে ইংরাজী শিক্ষার ফুল। পাকা বট ফল যেমন ধীরে ধীরে খসিয়া পড়ে, তাঁহার বদন হইতে বাক্য সকল সেইরূপ নিঃসৃত হইত। ভূদেব বাবু সম্বন্ধে কবিরর হেমচন্দ্র বন্দ্যোপাধ্যায়ের এই কথাগুলি অতি সঙ্গত বলিয়া বোধ হয়।

সংস্কৃত কালেজের ইংরাজী শিক্ষক সাহেবের প্ররোচনায় ভূদেব বাবুর ইংরাজী পড়িতে ইচ্ছা হইলে প্রথমতঃ এ স্কুল সে স্কুল করিয়া পরে ১৮৪০ খৃষ্টাব্দে তিনি হিন্দু কালেজের ৭ম শ্রেণীতে ভর্তি হন এবং ৫ম শ্রেণীতে জুনিয়ার বৃত্তি পাইয়া একবারে ২য় শ্রেণীতে উন্নীত হইয়াছিলেন। তাঁহার অধ্যাপকগণ সকলেই তাঁহাকে পুত্রবৎ ভাল বাসিতেন এবং যত্ন করিতেন। অতি প্রশংসার সহিত সিনিয়ার বৃত্তি পরীক্ষায় উত্তীর্ণ হইয়া তিনি মাসিক ৪০ টাকা বৃত্তি পাইয়াছিলেন। তৎকালে ইহার অপেক্ষা উচ্চতর কোন ছাত্রবৃত্তি ছিল না।

জুনিয়ার বৃত্তি পাইবার পর তিনি পড়ার জন্ত ঘেরূপ পরিশ্রম করিতেন তাহা শুনিলে আশ্চর্যান্বিত হইতে হয়। পেট ভারি থাকিলে পাঠের ব্যাঘাত জন্মে তাই দিবসে গুণে ১৪ গ্রাসের বেশী ভাত খাইতেন না এবং রাত্রিতে অল্পমাত্র সাগু খাইতেন। এইরূপ করিয়া তিনি সারারাত্রি অধ্যয়ন করিতেন। কখন কখন স্নানাহার ভুলিয়া প্রাতঃকাল হইতে বেলা ২টা পর্য্যন্ত ক্রমান্বয়ে পাঠ করিতেন। একাগ্রচিত্ততা অত্যন্ত করিবার জন্ত তিনি গোলমালের মধ্যে বসিয়া পড়া শুননা করিতেন। কালেজ হইতে বাহির হইবার সময় ইংরাজী সাহিত্য নাটক, গণিত দর্শন এবং ইতিহাস বিষয়ক প্রধান প্রধান সমস্ত পুস্তক তিনি পাঠ করিয়াছিলেন। নামজাদা কোন ইংরাজী গ্রন্থকার তাঁহার অপরিচিত ছিল না।

অগ্নাঙ্ক কার্য্যাপেক্ষা পড়া শুননা করিতেই তিনি সমধিক ভাল বাসিতেন।

জ্ঞানতৃষা তাঁহার এত প্রবল ছিল যে তাঁহার ছাত্রজীবন, যে কখন শেষ হইয়াছিল এমন বোধ হয় না। গুরুগৃহে-ব্রহ্মচর্য্য তাঁহার চিরন্তন আশ্রম ছিল। তিনি বলিতেন আহার বিহারে মানুষের তৃপ্তি হইতে পারে, কিন্তু জ্ঞানপিপাসা কিছুতেই চরিতার্থ হইবার নয় এবং পান দ্বারা তাহার উত্তরোত্তর বৃদ্ধি হইয়া থাকে। এক সময়ে স্বীয় নাতি ভবলা (ভবদেব)কে এদিক ওদিক বেড়াইতে দেখিয়া জিজ্ঞাসা করেন “ভবলা তুই যে অমন ক’রে বেড়াচ্ছিস্।” ভবলা উত্তর করে “আমার পড়া হইয়া গিয়াছে।” ইহাতে প্রাজ্ঞবর ভূদেব বাবু বলেন “কিরে ভবলা আমি তোরা দাদা মশাই। আমার ৭০ বৎসর বয়স, আমার আজও পড়া হয়ে যায় নাই, তোরা এর মধ্যে পড়া হয়ে গেল।”

হুগলি নর্ম্মাল স্কুলের সুপারিন্টেণ্ডেন্ট থাকা কালে তিনি রামগতি ঞ্চারত্ন মহাশয়ের সাহায্যে সংস্কৃত সাহিত্যের আলোচনা এবং পিতা তর্কভূষণ মহাশয়ের নিকট শ্রীমদ্ভাগবৎ, মনু এবং তন্ত্রাদির সারাংশ সংগ্রহ করিতেন। এই সময়ে সুপ্রতিষ্ঠিত গণিত এবং বিজ্ঞানবিৎ মিসনারী মেকাই সাহেবের নিকট মধ্যে মধ্যে গণিত ও প্রাকৃতিক বিজ্ঞান বিষয়ে উপদেশ লইতেন, এবং হুগলি কালেজের প্রিন্সিপাল থোয়েট সাহেবের সঙ্গে তাঁহার আলাপ পরিচয় হয়। হুগলি কালেজে অনেকগুলি বৈজ্ঞানিক যন্ত্র অযত্নে পতিত ছিল। তৎসমুদয় সংস্কৃত করিয়া তিনি মধ্যে মধ্যে হুগলি নর্ম্মাল স্কুলে লইয়া যাইয়া স্বীয় ছাত্রবৃন্দকে দেখাইতেন। উপনিষদাদি অধ্যয়ন করিবার জন্ত দুই বৎসরের অধিক কাশিবাণ করেন। এই সময় ভাস্করানন্দ স্বামী প্রভৃতি মহাত্মাদের সহিত তাঁহার সখ্য সংঘটিত এবং পরম জ্ঞানলাভের তৃষা অনেক পরিমাণে চরিতার্থ হয়।

ভাস্করানন্দ স্বামীর ঞ্চার তীক্ষ্ণ বিবেকসম্পন্ন ব্যক্তিত্ব বারানসীধামে ধিরল। স্বামীজি পরম জ্ঞানসমৃদ্ধিতে ভূদেব বাবু অপেক্ষা বড় হইয়াও তাঁহার বয়ঃকনিষ্ঠ। স্বামীজি ভূদেব বাবুকে পিতা বলিতেন। কিন্তু ভূদেব বাবুর কোন মহদগুণে, তাহা আমরা সবিশেষ অবগত নহি। জীবনের শেষ কয়েক দিন কাশিতে তাঁহারই নিকট থাকিবার জন্ত স্বামীজি ভূদেব বাবুকে বিশেষ অনুরোধ করেন। মৃত্যুর ৩ সপ্তাহ পূর্বে ভূদেব বাবু স্বামীজিকে দর্শন করিবার জন্ত সবিশেষ অভিলাষী হন।

হিন্দু কলেজে অন্যান্য ছাত্রের মধ্যে মাইকেল মধুসূদন দত্ত এবং নবাব আবদুল লতিফ, ভূদেব বাবুর সহাধ্যায়ী ছিলেন। পঠদশায় স্বীয় স্বীয় ভবিষ্য লক্ষ্য সম্বন্ধে এক দিন তাঁহাদের তিন জনের মধ্যে কথা বার্তা হয়। মধুসূদন বলেন “আমি বায়রণের তুল্য কবি হইতে ইচ্ছা করি।” নবাব সাহেব বলেন “অত্যুচ্চ পদলাভ করা আমার অভিলাষ।” কিন্তু পরম পণ্ডিত সুধীবর বাবু ভূদেব বলেন “দেশের কণ্যাগ সাধনে আমার জীবন অতিবাহিত হয় এই আমার অভিলাষ।” দেখা যায় যে তাঁহারসেই উচ্চ লক্ষ্য সর্বথা স্থির ছিল। তিনি কখন লক্ষ্য চ্যুত হন নাই। বাল্যের সেই সঙ্কল্প মত সর্বদা কার্য্য করিয়া ছিলেন। স্বদেশ হিতসাধনরূপ পরম ব্রত তিনি যথাসাধ্য পালন করিয়া গিয়াছেন। প্রতিভাসম্পন্ন ব্যক্তির প্রবল ইচ্ছা বলে স্বীয় সাধু সঙ্কল্প বিষয়ে সিদ্ধিলাভ করিয়া থাকেন। সোণায় সোহাগার স্বরূপ প্রতিভা সহ প্রবল ইচ্ছার যোগ হইয়া থাকে। ভূদেব বাবুতেও তাহা হইয়াছিল এবং তিনি পরম কৃতী একটি মহাপুরুষ হইতে পারিয়া ছিলেন।

কলেজ হইতে বাহির হইয়া ভূদেব বাবু কিছু দিন হিন্দু চ্যারিটেবল ইনষ্টিটিউশনের প্রধান শিক্ষকতা করেন। পরে নিজের অভিলষিত প্রণালীতে শিক্ষা দিবার জন্ত তৎ কার্য্য পরিত্যাগ পূর্বক কয়েকজন সহকারী লইয়া চন্দননগর বহরমপুর প্রভৃতি স্থানে এক একটি স্কুল প্রতিষ্ঠিত করেন। এই সময়ে তাঁহার ভগিনীর বিবাহের জন্ত টাকার বিশেষ প্রয়োজন হয় এবং তদগতিকে তাঁহার পিতা একটু বান্ধাটে পড়েন। তাঁহার প্রতিষ্ঠিত স্কুল হইতে কোনরূপ আয় না থাকায়, জনকের তদবস্থায়, ভূদেব বাবুকে চাকরীর চেষ্টায় প্রবৃত্ত হইতে হইয়াছিল। তদানীন্তন এডুকেশন কোমিশনের সেক্রেটারি মোয়েট সাহেবের হাতে ঐ সময়ে দুইটি চাকুরী খালি ছিল, একটি হিন্দু কলেজের অধ্যক্ষ শিক্কের পদ, বেতন মাসিক ৭৫ টাকা। আর একটি মাদ্রাসা কলেজের ২য় শিক্ষকের পদ, বেতন মাসিক ৫০ টাকা। অধ্যক্ষ কৰ্মচারীদের কাজের খবরাখবর উপরওয়ালারা প্রায় রাখেন না। এই কারণে এবং উচ্চতর শ্রেণীতে পড়াইতে পারিবেন বলিয়া বেতন কম হইলেও সুবুদ্ধিমান ভূদেব বাবু ২য় চাকরীটির প্রার্থিত হইয়া ১৮৪৯ খৃঃ অব্দে সরকারী সার্ভিসে প্রবিষ্ট

হন। এই সময় ক্লিফার সাহেব, মাদ্রাসার প্রধান শিক্ষক ছিলেন। ছেলেরা তাঁহার নিকট পড়িতে ভালবাসিত না, প্রতি দিন ছুটির পর অনেকেই ভূদেব বাবুর নিকট পড়িবার জন্ত সবিশেষ ঔৎসুক্য দেখাইত। এই হেতু এবং গুটিকত নিজের ছাত্রকে সঙ্গীত বিদ্যা শিক্ষা দিতে হইত বলিয়া ক্লিফার সাহেব ভূদেব বাবুকে বলেন “১ম শ্রেণীর ছাত্রদিগকে আপনিই পড়াইবেন। বৃহস্পতিবারে ইনস্পেক্টর কর্ণেল রেলি স্কুল পরিদর্শনে আসেন, কেবল সেই দিনই আমি তাহাদিগকে পড়াইব।” ক্লিফারের প্রস্তাবমত কার্য্য হইতে লাগিল। কিন্তু অল্প দিন মধ্যে ঐ কথা রেলী সাহেব জানিতে পারিলেন। এক বৃহস্পতিবারে রেলী সাহেব স্কুলে আসিয়া ভূদেব বাবুকে জিজ্ঞাসা করিলেন “আপনি ১ম শ্রেণীতে ছাত্রদিগকে পড়ান, ক্লিফার অস্ত্র চলিয়া যান, ইহা কি সত্য?” প্রত্যুত্তরে ভূদেব বাবু বলিলেন “ক্লিফার সাহেব স্কুলেই উপস্থিত আছেন, তাঁহাকেই এই কথা জিজ্ঞাসা করিতে পারেন।” কর্ণেল সাহেব একটু ক্রুদ্ধ হইয়া ভূদেব বাবুকে আবার জিজ্ঞাসা করেন “আমি যাহা জানিতে চাই, তাহা সত্য কি না? আমার প্রশ্নের উত্তর আপনাকেই দিতে হইবে।” ভূদেব বাবু আবার পূর্ববৎ উত্তর করিলে, কর্ণেল সাহেব অগ্নিবৎ জ্বলিয়া উঠিলেন এবং বলিলেন “বাবু আপনি কাজ ভাল করিতেছেন না, আমার প্রশ্নের উত্তর আপনাকেই দিতে হইবে।” সুবিবেচক এবং পরম সুধীর ভূদেব বাবু কর্ণেল সাহেবকে পুনঃ প্রত্যুত্তর করিলেন “ক্লিফার সাহেব আমার উপরিস্থ কৰ্মচারী, স্কুলের প্রধান শিক্ষক, তাঁহার সম্বন্ধে কোন কথা বলা আমার অন্তর্চিত। ক্লিফার সাহেব যখন এখানেই উপস্থিত, আপনার জিজ্ঞাসা তাঁহাকে জিজ্ঞাসা করাই ভাল।” এইবার রেলী সাহেব চূপ, এবং ভূদেব বাবুর এই প্রকার ব্যবহারে সন্তুষ্ট হইয়া বলিলেন “বাবু এইরূপ কার্য্য, এই প্রকার ব্যবহার করিলেই জীবনে উন্নত হইতে পারিবেন।” এই ঘটনার পরে ভূদেব বাবুকে হাওড়া স্কুলের প্রধান শিক্ষকের পদ দিবার জন্ত কর্ণেল রেলী মোয়েট সাহেবের নিকট ভুল্লরোধ করেন। মোয়েট সাহেবের সঙ্গে ভূদেব বাবু সাক্ষাৎ করিতে গেলে সাহেব তাঁহাকে বলেন “বাবু আপনি কি করিয়া ভ্রমণ বাণকে পোষ মানাইলেন?”

ভূদেব বাবু একান্ত সত্যবাদী এবং স্পষ্টবক্তা ছিলেন। সম্পূর্ণ সত্য

রক্ষা এবং সত্যের কোন অপলাপ না করিয়া স্বকৌশলে স্বীয় অভিষ্টোদ্ধার করিতে জানিতেন। তাঁহার প্রশস্ত আর্ঘ্য-মূর্তি, অসাধারণ কার্যদক্ষতা সত্য এবং স্পষ্টবাদিতা, চিন্তাশীলতা সতর্কতা এবং প্রত্যুৎপন্নমতিত্ব তাঁহাকে পদস্থ ইংরাজ সকলের প্রিয় এবং তাঁহাদের নিকট তাঁহাকে বিশেষ সম্মানিত করিয়াছিল। বাঙ্গার চিফ কমিশনার থাকা কালে সার্ আসলি ইউডেন সাহেব তাঁহাকে অতীব যত্ন সহকারে তথায় আহ্বান করেন।

সার্ চার্লস বারনার্ড, কোল্‌মান মেকলে, সার্ জন্ এডগার প্রভৃতি সার্বান সাহেবেরা তাঁহাকে আপনাদের বন্ধুদল মধ্যে পরিগণিত করিতেন। সার্ জর্জ ক্যাশেল সাহেব এক সময়ে বিরক্ত, পরে তাঁহার গুণের পক্ষপাতী হন। তাই বলি কর্ণেল রেলী কেন—তিনি অনেক রাজকীয় (Royal) বাঘকে পোষ মানাইয়াছিলেন।

হাওড়ার স্কুলে ৭ বৎসর কাজ করিয়া ভূদেব বাবু হুগলি নন্দাল স্কুলের সুপারিন্টেন্ডেন্টের পদে নিযুক্ত এবং ১৮৬২ সালে সহকারী ইনস্পেক্টর হন। ইহার পর অতিরিক্ত এবং তৎপরে বিভাগীয় ইনস্পেক্টর হইয়া কয়েক বৎসর অতি প্রশংসার সহিত কার্য্য করেন। মাসিক ১৫০০ পর্য্যন্ত তাঁহার বেতন হইয়াছিল এবং বাঙ্গালী না হইলে তিনি নিশ্চয় ডিরেক্টর হইতেন। এটকিনসন, উড্‌রো সাটক্রিফ, টনি এবং ক্রফট প্রভৃতি ডিরেক্টর সাহেবেরা ভূদেব বাবুর যথেষ্ট সম্মান এবং আদর করিতেন।

১৮৮৩ খৃঃ অব্দে তিনি পেন্সন গ্রহণ করেন। ভূদেব বাবুর প্রতি সম্মান প্রদর্শন করিবার জন্ত গবর্নমেন্ট তাঁহাকে সি, আই, ডি, উপাধি প্রদান এবং বেঙ্গল কোমিসিলের এবং শিক্ষা কমিশনের সদস্য মনোনীত করেন। মৃত্যুর পূর্বে পর্য্যন্ত তিনি টেকস্টবুক কমিটির সভাপতি ছিলেন। কোমিসিলের সদস্য থাকা কালে কোন আইন সম্বন্ধে তর্কস্থলে দেশের হিত পক্ষে এবং দেশীয়দের হিতসাধনোপযোগী কথাই তিনি সর্বদা কহিতেন। এই হেতু অল্পকাল মধ্যে তাঁহাকে সেই অত্যুচ্চ সম্মানের পদ পরিহার করিতে হয়।

বাঙ্গালা স্কুলবুক সম্বন্ধে জনৈক সুপ্রতিষ্ঠিত ইনস্পেক্টর এক সময়ে আমাকে বলেন “প্রায় সকল মহাত্মাই আপনাদের পুস্তকাদি অধীনস্থ স্কুলে

চালাইবার চেষ্টা করেন। বাবু ভূদেব বঙ্গ ভাষায় অনেক স্কুলবুক প্রণয়ন করিয়াছেন। কিন্তু এ প্রবৃত্তির বশবর্তী হইতে তাঁহাকে কখন দেখি নাই।

ভূদেব বাবু অনেক দিন ধরিয়া বেঙ্গল এবং বিহারের এবং বহুকাল যাবৎ বর্দ্ধমান এবং উড়িষ্যার ইন্সপেক্টর ছিলেন। এই গুরুভার বহনকালেও পড়া শুনা করিবার এবং পুস্তকাদি লিখিবার জন্ত তাঁহার যথেষ্ট সময় হইত। “সরকারী কার্য্য করিবার জন্ত প্রতিদিন গড়ে আপনার কত সময় লাগে” ইহার প্রত্যুত্তরে তিনি বলেন “২ ঘণ্টা।” তাঁহার কার্য্য করার প্রণালী অতি সুন্দর ছিল। কোন স্কুল পরিদর্শন পূর্বেক বাসায় আসিয়া তৎসম্বন্ধে স্বীয় বক্তব্য লিপিবদ্ধ করিতেন। কোন কিছু বলিবার অথবা আভাস দিবার আবশ্যক থাকিলে তাহাও ঐ সম্বন্ধে লিখিয়া রাখিতেন। এই প্রথার অনুসরণ করায় বাৎসরিক রিপোর্ট লিখিতে তাঁহার এক দিনের অধিক লাগিত না। পারত পক্ষে তিনি কোন কাজই ফেলিয়া রাখিতেন না। কোন কার্য্যের জন্ত কখন তাগিদ আসে নাই, অথবা তাঁহাকে কখন কোন কৈফিয়ৎ দিতে হয় নাই, বলিলে অতি রঞ্জিত কথা বলা হয় না। আহার কালে যদি শুনিতেন যে কোন সরকারী পত্র উপস্থিত হইয়াছে, আহারান্তে তাহা খুলিয়া ও দেখিয়া তাহার প্রত্যুত্তর লিখিয়া দিতেন; পরে সাফ হইয়া তাহা ডাকে দেওয়া হইয়াছে, ইহা শুনিলে নিশ্চিত হইতেন। “আজ নয় কাল” ইহা তিনি জানিতেন না, যে দিনকার যে কাজ তাহা সেই দিনেই শেষ করিতেন। ষাঁহার সময়ের সদ্যবহার করিতে জানেন, তাঁহাদের কার্য্য করিবার জন্ত সময়ের অভাব হয় না।

ভাত খাওয়ার পর অনেকেরই একটু তন্দ্রা আইসে। ভোজনান্তে ভূদেব বাবুর শরীরের আবল্য হইয়াছে কি তন্দ্রা আসিয়াছে এরূপ কখন দেখি নাই অথবা শুনি নাই। বাল্যে পিতার নিকট পড়িতে পড়িতে তিনি একদিন ভয়ঙ্করভাবে হাই তুলিলে “গালে এক চড় মারিব” বলিয়া তাঁহার পিতা তাঁহাকে ধমক দেন। সেই অবধি তিনি আর কখন পাঠের সময় হাই তুলিতেন না। অধিকন্তু উপনয়ন কালের “মা দিবা স্বাপ্নী” দিবস কখন ঘুমাইও না—আচার্য্যের এই কথা তিনি কখন ভুলেন নাই।

মৃত্যুর ২ বৎসর পূর্বে তিনি এইরূপে দিনাতিপাত করিতেন :—

রাত্রি ৪টার সময় শয্যা পরিত্যাগ করত প্রাতঃকৃত্য সমাধাপূর্বেক

বাটীর উদ্যানে একটু বেড়াইতেন এবং ঐ সময় গায়ত্রী জপ করিয়া লইতেন। তৎকালে কখন কখন পূজার জন্ত পুষ্পচয়নও করিতেন। সূর্য্যোদয়ের কিছু পূর্বে বাড়ীর গাড়ি চড়িয়া বেড়াইবার জন্ত হুগলির নিজের একটি বড় বাগানে যাইতেন। গাড়িতেও সঙ্গীসহ শাস্ত্রীয় কিম্বা রাজ-নৈতিক অথবা নীতি বিষয়ক কথা বার্তা কহিতেন এবং বাগান বেড়াইয়া মালিরা কে কোথা কি করিল তাহার তত্ত্ব লইতেন এবং নিজচক্ষে তাহা দেখিতেন। বাটীতে ফিরিয়া আসিয়া পূর্কদিনের সাংসারিক খরচের হিসাব লইয়া সেই দিনের খরচের জন্ত একটি আত্মীয়ের হস্তে কিছু টাকা দিতেন। তৎপরে পৌত্র দৌহিত্রী এবং অপর ছুই একটিকে সংস্কৃত বাঙ্গালা পড়াইতেন এবং তাহাদের মধ্যে কাহাকে অঙ্ক কসাইতেন এবং কাহাকে কোন বিষয় লিখাইতেন। এইরূপে ১ ঘণ্টার অধিক অতিবাহিত হইত। ইহার মধ্যে কোন আত্মীয়স্বজন বন্ধুবান্ধব আসিলে তাঁহাদের সঙ্গে কথোপকথন করিতেন। পরে নিজে স্নান করিতেন এবং ছুই একটি নাটিকে স্নান করাইয়া দিয়া সমুদয় নাতি নাতিনীসহ ঠাকুরঘরে গিয়া ঠাকুরপূজা করিতেন। পূজা শেষ হইলে ঐ সকল বালক বালিকাকে সঙ্গে লইয়া ভোজন করত বৈঠকখানায় আসিয়া বসিতেন। তথায় কিঞ্চিৎকাল বসিয়া পরে কয়েক খানি ইংরাজী বাঙ্গালা খবরের কাগজ পাঠ করিতেন। খবরের কাগজ পড়া শেষ হইলে দুইটি পৌত্রী আসিয়া তাঁহার নিকট সংস্কৃত চণ্ডী অথবা কোন সংস্কৃত নাটক পাঠ করিত অথবা সংস্কৃত পাঠ বলিয়া লইত। কখন কখন তাহারা সংস্কৃত পাঠের বাঙ্গালা গদ্য কি পদ্য করিয়া তাঁহাকে শুনাইত এবং তিনি রচনা সংশোধন করিয়া দিতেন। ইহার পর ছুই একখানি ইংরাজী পুস্তক পাঠ করিতেন। পরে বেলা তিন চারিটার সময় তাঁহার প্রতিষ্ঠিত চতুষ্পাঠীর অধ্যাপক সহ কোন পুরাণ তন্ত্র পাঠ করিতেন। ইহার মধ্যে অর্ধ ঘণ্টার জন্ত উক্ত চতুষ্পাঠীতে যাইয়া ছাত্রেরা কিরূপ পড়া শুনা করিতেছে তাহাও দেখিতেন। প্রাতে বেড়াইয়া আসিয়া কোন কোন দিন স্বীয় প্রতিষ্ঠিত ঔষধালয়ে বসিয়া ২৪টি রোগীকে নিজে দেখিয়া তাহাদের ঔষধ ও পথ্যের বিধান করিয়া দিতেন। হোমিওপ্যাথী ও আলোপ্যাথী ডাক্তার ও কবিরাজ থাকা সত্ত্বেও আত্মীয় স্বজন এবং দাস দাসীদেরও চিকিৎসার জন্ত কি হইয়াছে না হইয়াছে নিজে সেই সমস্ত জানিয়া লইতেন।

বাড়ীর গরুবাছুর আহার পাইল কি, না তাহারও খবর লওয়া তাঁহার অভ্যাস ছিল।

দিবাবসানে সন্ধ্যাহ্নিক সারিয়া আহার করিতেন, কখন কখন সূর্য্যাস্তের পূর্বে সন্ধ্যাহ্নিক সমাধা করত অবিলম্বে রাত্রি-ভোজন সারিতেন। সন্ধ্যার পর অল্পরাত্রি হইলেই বিছানায় যাইতেন, কিন্তু ঘুমাইতেন না।

এই অবস্থায় থাকা কালে নাতি নাতিনী সকলে আসিয়া প্রাতের ছায় তাঁহাকে প্রণাম করিত এবং সকলে একত্রিত হইয়া সংস্কৃত গঙ্গার স্তব এবং দেব দেবীর ধ্যানাদি তাঁহার নিকট আবৃত্তি করিত এবং কোন স্তব অথবা ধ্যানের এক শ্লোক এক জন এবং অপর শ্লোক অপর এক জন বলিত। ইহার মধ্যে বন্ধুবান্ধব সহ কথা বার্তা কহিতে ক্ষান্ত থাকিতেন না। কি ভদ্র কি ইতর সকলেরি তাঁহার নিকট অব্যাহত দ্বার ছিল। অন্নের কাজ করিবার জন্ত তিনি সর্বদা প্রস্তুত থাকিতেন। পুত্র কি ভাগিনেয় সহ সাংসারিক কোন কথা বার্তা কহার কালে কেহ উপস্থিত হইলে তিনি আরক্ধ কথা কহিতে ক্ষান্ত হইতেন না। বলিতেন “মদ খাওয়া কি চুরি করা অথবা বেঞ্চালয়ে যাওয়ার পরামর্শ হইতেছে না, খামিবার প্রয়োজন কি? ভদ্র লোক মধ্যে ভদ্র কথা বর্তাই হইয়া থাকে। তাহা গোপন করিবার আবশ্যক কি?”

কলতঃ তিনি প্রকৃতার্থে একটি মহাপুরুষ ছিলেন। সংসারের সমস্ত কার্য্য ভার স্বীয় পৃষ্ঠে বহন করিতেন। তিনি কৃতী, কর্তা, শাস্তা উপদেষ্টা, ছেলেদের পণ্ডিত এবং মাষ্টার বাড়ীর সরকার ও দাস দাসী ছিলেন। কি পুরুষ কি নারী বাড়ীর সকলকে স্বীয় সাধু দৃষ্টান্ত দ্বারা সর্ববিধ সাংসারিক কার্য্যে শিক্ষা দিতেন। রাশিচক্রের মধ্যস্থিত সূর্য্যের ছায় তিনি স্বীয় সংসার মধ্যে অবস্থিত থাকিতেন। তাঁহার মনীষা প্রতিভা এবং হৃদয় নিহিত সত্য ও সাধুতা পরিজন এবং অল্প সকলকে স্পর্শ এবং তাহাদের অন্তরে প্রবেশ পূর্কক তাহাদের চরিত্র শোধন এবং গঠন ও মনের অন্ধকার বিদূরিত করিত।

লোকের মাতৃ-ভক্তির কথা যত শুনা যায় পিতৃ-ভক্তির কথা সেরূপ শুনা যায় না। ভূদেব বাবু জ্ঞান এবং তেজস্বিতার পক্ষ-পাতী ছিলেন, তাই অনেকে বলিতেন, যে তিনি পিতৃ প্রাধান্যের

পক্ষ। এ কথাটি সটীক নহে। স্বীয় জননী ব্রহ্মময়ী দেবীর নামে তিনি চুঁচুড়াতে দুইটি ভৈষজ্যালয় প্রতিষ্ঠিত করিয়া গিয়াছেন। তিনি উভয় পিতৃ-মাতৃ ভক্ত ছিলেন। বলিতেন মাতৃ-ভক্তি পিতৃ-ভক্তির অন্তর্নিবিষ্ট হওয়া উচিত। শিব পার্বতীর একত্র পূজাই শাস্ত্রানুমত ; শিব শরীরেই ভগবতীর পূজা করিবার বিধি। পিতার পূজাতেই মাতৃ পূজা হইয়া থাকে। গ্রহরাজ আলোকাধার সূর্য্যের পূজায় চন্দ্রমার পূজা হইতে পারে। গৃহরাজ পিতার পূজাতেই মায়ের পূজা।

বিদ্যাসাগর মহাশয়ের বিধবার বিবাহ দিবার চেষ্টা চাঁদে কলঙ্ক, এই কথা উক্ত মহাত্মার মৃত্যুর পর ভূদেব বাবু বলেন। যদ্বারা সমাজের আধ্যাত্মিক কিস্বা নৈতিক উন্নতি না হয়, তাহা সমাজের সংস্কার সাধক নহে ; পত্যন্তর পরিগ্রহ না করিয়া বিধবা স্ত্রী ব্রহ্মচর্যা বলম্বনে সংসারের আধ্যাত্মিক উৎকর্ষ সাধন পক্ষে সহায়তা করিতে পারে এবং বিধবা স্ত্রীগণ ব্রহ্মচারিণী হইয়া পরিজনবর্গকে সংযম কষ্ট-সহিষ্ণুতা, নিষ্ঠা এবং পবিত্রতা বিষয়ে শিক্ষা দিতে সক্ষম ; এই সকল অভিপ্রায়—তিনি মধ্যে মধ্যে প্রকাশ করিতেন। তাঁহার মতে বিধবা বিবাহের নিষেধ দ্বারা বর্ধমান লোক সংখ্যার বৃদ্ধি নিবারিত হয়। তিনি বলিতেন বিধবা বিবাহ দ্বারা পাশব বৃত্তির পরিচালনার বৃদ্ধি পাইয়া সমাজের অপকর্ষ সাধিত হওয়া সম্ভব।

১৮৭২ খৃঃ অর্কে তাঁহার স্ত্রী বিয়োগ হয়। সতী বিয়োগে সতী দেহ স্কন্ধে করিয়া দেবাদিদেব মহাদেব সংসারে ভ্রমণ করিয়াছিলেন। ঋষি সদৃশ ভূদেব বাবু মৃত পত্নীর পবিত্র মূর্তি খানি মানস স্কন্ধে লইয়া ইহ সংসারে ২২শ বৎসর বিচরণ করেন। তিনি দ্বিতীয় দার পরিগ্রহ করেন নাই। এইরূপ না করিয়া তিনি শাস্ত্রের অনুসরণ করেন।

গবর্ণমেণ্টকে সতীদাহ নিবারণ করিবার উপদেশ দিয়া রাজা রাম-মোহন রায় ভাল করেন নাই, এই কথা বলিয়া ভূদেব বাবু অনেক ইয়ঙ বেঙ্গলের অপ্রিয় হইতেন। আমাদের স্ত্রীগণকে বিবি করিতে তিনি নিষেধ করিতেন। সহমরণে স্ত্রীগণ সতীত্বের জলন্ত দৃষ্টান্ত সংসারে দেখা-ইতেন ; সহমৃত্যু নারী সতীধর্ম পোষণ পক্ষে সবিশেষ সহায়তা করিতেন ; চিতোরের যুদ্ধে রাজপুত্র রমণীরা আগুনে বাঁপ দিয়া আপনাদের

ধর্ম ও মান রক্ষা করেন ; সহমৃত্যু নারীরা বীর নারী এবং তাঁহারা বীরতার দৃষ্টান্ত সংসারে প্রদর্শন করিয়া গিয়াছেন ; তাঁহার মুখে এইরূপ কথা আমরা অনেক বার শুনিয়াছি।

এক সময়ে দেবেন্দ্রনাথ ঠাকুর মহাশয় ভূদেব বাবুকে জিজ্ঞাসা করেন “ধর্ম সঙ্ঘে কি ঠিক করিয়াছ ?” প্রত্যুত্তরে ভূদেব বাবু বলেন “আমার দেহ মন, আমার পিতার, পিতারি’ ধর্ম পালন ও আচরণ করিয়া থাকি।” বস্তুতঃ ভূদেব বাবু জনমে মরণে হিন্দু ছিলেন। তাঁহার ধর্ম বাঙ মাত্রে সমাপ্ত ছিল না এবং সমাপ্ত হয় নাই। তিনি ব্রাহ্মণ পণ্ডিতের ছেলে, শিক্ষা বিভাগের জনৈক উচ্চ কর্মচারী মাত্র ছিলেন। একরূপ অবস্থাতে হিন্দু ধর্ম, হিন্দু শাস্ত্র ও সংস্কৃত ভাষার রক্ষার জন্ত তিনি ১৬০০০০ টাকা দান করিয়া গিয়াছেন। এটি যেমন তেমন দান নহে, তাঁহার বিষয়ের অর্ধেকের বেশী। তিনি যে প্রকৃত হিন্দু, প্রকৃত স্বদেশানুরাগী ছিলেন, কথিত দান তাঁহার দীপ্যমান দৃষ্টান্ত।

এক ভাষী এক ধর্মী লোকের মধ্যেই একতা হওয়া সম্ভব। ভূদেব বাবু বুঝিয়া ছিলেন, সংস্কৃতানুরাগী, আর্ঘ্যশাস্ত্র সমক্ষে অবনত শিরাঃ না হইলে আমাদের মধ্যে হিংসা ঘেঁষ বিলোপে একতা বন্ধনে আমরা একটি জাতি হইতে পারি না। অর্থ এবং আধিপত্যের আরাধনার পরিবর্তে ব্রাহ্মণের, শাস্ত্রের পূজা করিতে শিখিলেই আমাদের মঙ্গলের সম্ভাবনা। এই গুঢ় তত্ত্ব, পরম সার কথা দেশের লোককে বুঝাইবার জন্ত তিনি স্বতঃ পরতঃ প্রাণপণে যত্ন করিতেন।

বঙ্কিম বাবুর দুর্গেশনন্দিনী এবং মৃণালিনীর জন্মের বহুপূর্বে ভূদেব বাবুর “সকল স্বপ্ন” “অসুরীয় বিনিময়” বঙ্গ সাহিত্য ভাণ্ডারে বর্তমান ছিল। আয়েসার অনুরূপা রমণী এবং মৃণালিনী নায়ক গুরুর গায় তেজস্বী ব্যক্তি “অসুরীয় বিনিময়” অভ্যন্তরে বিরাজিত থাকা দৃষ্ট হয়। ভূদেব বাবু বাঙ্গালার সর্ব প্রথম নবগ্রন্থ লেখক বলিলে সত্যের অপলাপ করা হয় না।

ভূদেব বাবু শিক্ষক শূর ছিলেন। গবর্ণমেণ্টের আদেশানুসারে পশ্চিম প্রদেশস্থ পাঠশালা সমূহ পরিদর্শন পূর্বক তিনি যে এক খানি বিস্তৃত রিপোর্ট লেখেন স্বয়ং সেক্রেটারি অফ্ টেট তাহার সম্পূর্ণ অনুমোদন করিলে বঙ্গদেশে তৎপ্রবর্তিত প্রাথমিক শিক্ষা প্রায় অক্ষুণ্ণ থাকে।

ভূদেব বাবু প্রণীত পুষ্পাঞ্জলি, পারিবারিক প্রবন্ধ এবং সামাজিক প্রবন্ধ বঙ্গ সাহিত্য ভাণ্ডারে অতুল্য অমূল্য রত্ন। পারিবারিক প্রবন্ধের উৎসর্গ মাত্রটি একখানি ক্ষুদ্র মহাকাব্য। উভয় ভাষা এবং ভাব ধরিয়া বিচার করিলে ইহা বঙ্গ সাহিত্যে কহিবুর স্বরূপ। নূতন পঞ্জিকার গায় ভূদেব বাবুর পারিবারিক প্রবন্ধ আমাদের ঘরে ঘরে থাকা আবশ্যিক। এসিয়াটিক সোসাইটির গত ৭ই ফেব্রুয়ারির অধিবেশনে সভাপতি সার চার্লস এলিয়ট ছোট লাট সাহেব ভূদেব বাবুর সামাজিক প্রবন্ধ সম্বন্ধে এই কথা বলেন “গ্রন্থকার লিখিয়াছেন, হিন্দু সমাজে সর্বোচ্চ আদর্শের অভাব নাই এবং যে সমাজ সেই সর্বোচ্চ আদর্শের অনুসরণ করে সেই সমাজ সর্বোৎকৃষ্ট। হিন্দুরা নিষ্কাম ধর্মের অনুষ্ঠানকেই সেই উচ্চ আদর্শ বলিয়া মনে করেন এবং কায়মনোবাক্যে তাহার সাধন করিতে চেষ্টা করিয়া থাকেন। যাহা কিছু ইয়োরোপীয় তাহার অনুকরণ দ্বারা হিন্দু সমাজের সুদৃঢ় ভিত্তি বেরূপ বিচলিত হয় তেমন অন্ত আর কিছুতে হইবার সম্ভাবনা নাই। ফলতঃ একাধারে এতদূর জ্ঞান ও সমাধিক অধ্যয়ন-শীলতার পরিচয় আর কোন ভারতীয় গ্রন্থে নাই।” শাস্ত্রোক্ত দেব দেবী মূর্তি, বেদ ও দর্শন নিহিত এক একটি ভাবের প্রকাশক এবং পৌরাণিক আখ্যায়িকা সহ ইয়োরোপীয় দর্শনের অনেক স্থলে অবিরোধ, পুষ্পাঞ্জলিতে গল্প এবং রূপক বর্ণনায় ইহা দেখান হইয়াছে। এই বিষয়ের একটি মাত্র উদাহরণ প্রদর্শন করিয়া ক্ষান্ত হইব। প্রকৃতি এবং পুরুষ, শক্তি এবং শিবের, গতি এবং জড়ের সম্মিলনে সৃষ্টি কার্য সম্পন্ন হইয়াছে। স্পন্দন শক্তি সম্পন্ন জড়ের প্রথম জাত ধর্ম ভক্ষ্য গ্রহণ (appetite) দ্বিতীয় জাত ধর্ম দাম্পত্য (passion)। শাস্ত্রানুসারে হর গোরীর প্রথম সন্তান গণেশ, দ্বিতীয় কার্তিকেয়। গণেশ গজমুখ, স্থূলদেহ এবং লম্বোদর অর্থাৎ বহুভোজী এবং গমন সময়ে হস্তী ছই পার্শ্বস্থ শাখা পল্লব ভগ্ন পূর্বক উদরসাৎ করে। এ কারণ গণেশ ভক্ষ্য গ্রহণ ধর্ম স্বরূপ অর্থাৎ (appetite), কার্তিকেয় বিক্রম-শালী, পরম সৌন্দর্য সম্পন্ন এবং সুন্দরী সেবিত। দাক্ষিণাত্যে কার্তিকেয় রমণী স্কন্ধে অধিষ্ঠিত। এ জন্ত কার্তিকেয় দাম্পত্য ধর্ম স্বরূপ অর্থাৎ (passion.)।

• উপসংহারে বক্তব্য যে ভূদেব বাবু পরম পবিত্র পরম জ্ঞানী একটি

মহাপুরুষ ছিলেন। তাঁহার জীবন আদর্শজীবন। তাঁহার প্রতিভা, ওজস্বিতার বিষয় অবগত হইলে বাঙ্গালীরও আত্মগৌরব এবং হৃদয়ে আত্মলাভ এবং অভিমানের উদয় হয়। সেই মহাজন আর নাই; বস্তুতঃ বঙ্গে একটি মহান্ দিকপালের পতন হইয়াছে। বঙ্গদেশ আজ ঘোর তমসচ্ছন্ন এবং সেই অন্ধকার রাশি বঙ্গবাসীর অশ্রু এবং উচ্ছ্বাসরূপ ঝড় বৃষ্টি দ্বারা পরিপূরিত।

শ্রীদীননাথ ধর।

মন্তব্য। আমার লিখিত কবিতার ৭৬ পৃষ্ঠার প্রথম পংক্তির “সব্যো” শব্দের পরিবর্তে “দক্ষে” শব্দ দিয়া কথিত পাঠ করিবেন।

শোকোচ্ছ্বাস।

সুপবিত্র নিরমল ফুল কুটেছিল ভবের উদ্যানে,
 দুটি দিন খেলা ক’রে আহা চলে গেছে আপনার স্থানে,
 শূন্য গৃহ শূন্য খেলাঘর আহা তার রয়েছে পড়িয়া!
 হাহা ক’রে চারিদিকে বায়ু কেঁদে কেঁদে যেতেছে বহিরা!
 সুবিস্তীর্ণ প্রাসাদ উদ্যান হাহাকার করিছে নীরবে
 জীবজন্তু চারিদিকে সব কাঁদিতেছে সক্রমণ রবে!
 চারিদিকে বিলাপের রোল, চারিদিকে রোদনের রব
 থেমে গেছে আনন্দের ধ্বনি, হাসিখুসী হয়েছে নীরব!
 একটী সে ফুলের সৌরভে গৃহখানি ছিল সুবাসিত
 একটী সে কচি হাসি নিয়ে পৃথিবী যে নীরবে হাসিত!
 একটী সে ক্ষুদ্র চাক মূর্তি ঘরে ঘরে বেড়াত নাচিয়া,
 সে গেছে, আনন্দ হাসি সব— তার সাথে গিয়েছে চলিয়া!
 আহা! শিশু ছিল তিন বছরের, রূপের সে চাক ছবিখানি
 কত মায়া কত মধুমাখা ছিল সেই আধ আধ বাণী,
 শুভ্র সেই চাকমুখে তার জ্ঞান যেন ছিল মূর্তিমান
 ক্ষুদ্র সেই কচি বুকে আহা, বাধা ছিল কতখানি প্রাণ!
 ত্রিদিবের সে চাক কুসুম, ছিল না সে জগতের ফুল,
 ধরণীর তীব্র রবিকরে ঝ’রে গেল অফুট মুকুল!
 এত মায়া এত স্নেহ দিয়ে আমরা ত নারিছ রাখিতে
 পারিবি এ অসার যতনে হৃদে তারে নারিছ বাঁধিতে,

তুচ্ছ করি আমাদের মেহ ভ্রাতা সে যে চলে গেল হায়,
 চলে গেল লভিতে বিশ্রাম জর্গদীশ, তব মেহছার,
 দয়াময়, -সে গেছে যে চ'লে বড় দুখে বড় যন্ত্রণায়
 রোগক্রান্ত শীর্ণ দেহখানি তুলে লও শান্তির শয্যায়,
 নিলে যদি চিরদিন তরে আমাদের আদরের ধন
 ও অনন্ত মেহময় কোলে রেখ' তারে করিয়ে যতন,
 কাঁদাইয়া গেছে আমাদের, সুখে থাক শান্তিময় স্থানে
 দয়াময়, শান্তি দেও তার শোকতপ্ত পিতা মাতা প্রাণে।

শ্রীমতী প্রমীলা নাগ।

সুধাময়ী ।

(উপস্থাস)

(পূর্ব প্রকাশিতের পর।)

পাগলিনী। আমার কথা বিশ্বাস করিও। “ললিতকুমার তোমার”
 এ বিশ্বাস হারাইলে তোমারও আমার দশা হইবে।

এমন সময়ে প্রবল বেগে ঝটিকা উখিত হইল, সেই সঙ্গে অদূরে
 পাইকদের চীৎকার শুনতে পাওয়া গেল। পাগলিনী বলিল—“সুধা, আর
 না, ওই বুঝি পাইকেরা ঘরে আগুন দিতে আস্চে, শীঘ্র চলিয়া এস।”

সুধা। আচ্ছি যাইব না, আমি পুড়িয়া মরিব।

পাগলিনী। কেন? কি হুখে? ললিতকুমার থাকিতে তোমার
 কিসের হুখ?

এই বলিয়া পাগলিনী সুধার হস্ত ধারণ করিয়া তাহাকে আকর্ষণ
 করিতে করিতে দীর্ঘিকার অভিমুখে লইয়া চলিল। সুধাময়ী এক
 একবার পশ্চাৎ ফিরিয়া তাহার গৃহের দিকে দেখিতে লাগিল। তখন
 নিবিড় অন্ধকার, কিছুই দেখা গেল না। কেবল প্রবল ঝটিকার শব্দ ও
 সেই সঙ্গে মদোন্নত পাইকদিগের বিকট, চীৎকার শ্রুত হইতেছিল।
 পাগলিনী দ্রুতপদে সুধাকে লইয়া দীর্ঘিকার পরপারে উপস্থিত হইবা মাত্র,
 সুধার গৃহ ধু ধু করিয়া জ্বলিয়া উঠিল। লোলজিহ্ব বহি উন্নতবেশে
 রজনীর অন্ধকার গ্রাস করিবার জন্ত উর্দ্ধাকাশে চতুর্দিকে প্রধাবিত হইতে
 লাগিল। বংশদাহের চট্ চট্ ফট্ ফট্ শব্দে রজনীর নিস্তব্ধতা কাঁপিয়া
 উঠিতে লাগিল। জনকোলাহল চতুর্দিকে প্রতিধ্বনিত হইতে লাগিল।

সুধাময়ী পশ্চাৎ ফিরিয়া সে দৃশ্য দেখিবা মাত্র মুচ্ছিত হইয়া পড়িল।
 পাগলিনী তাহার অচেতন দেহ বক্ষে তুলিয়া লইয়া রজনীর অন্ধকারে
 মিশিয়া গেল।

তৃতীয় পরিচ্ছেদ ।

ললিতকুমারের পিতা রত্নেশ্বর মুখোপাধ্যায়, অন্দরমহলে শয়নকক্ষে
 সুরম্য পর্য্যঙ্কে শয়ন করিয়া শটকায় ধূমপান করিতেছিলেন, পত্নী বিন্দুবাসিনী
 নয়দামাথা হাতে তথায় উপস্থিত হইয়া বলিলেন—“ডাক্‌চো?”

রত্নেশ্বর। হ্যাঁ, বোস না, হাতে ও কি?

বিন্দু। এই তোমাদের খাবার কচ্ছিলাম। এখন কি বোসবার
 সময়, কি বল না?

রত্নেশ্বর। আমি যখন ডাকি, তখনই হয় হাতে নয়দা মেখে, নয়
 পান চির্তে চির্তে, নয় শল্তে পাকাতে পাকাতে, নয় দুধমাথা হাতা হাতে
 ক'রে এসে বল, “এখন কি বোসবার সময়।” কেন? বাড়ীতে আর কি
 লোক নেই? এতগুলো মাগী রয়েছে, তারা কি করে?

বিন্দু। ও কি গো, এই সন্ধ্যাবেলা মাছুষ কি চুপ্‌কোরে বোসে
 থাকে? লোক থাকবে না কেন? তোমার রাজার সুংসার, লোকের
 অভাব কি? তা ব'লে কি আমি এই ভব সন্ধ্যাবেলা পায়ের ওপর পা দিয়ে
 বোসে থাকবো? তোমাদের খাবার করা দেখবে কে? আর লোকেই
 বা কি বলবে? আমার কি কায কর্ম ফেলে, সন্ধে হ'তে না হ'তে,
 ছুঁড়িদের মতন ভাতার নিয়ে ব'সে থাকা ভাল দেখায়!

রত্নেশ্বর। বুড়ো বয়সে আবার এত লজ্জা কেন?

বিন্দু। লজ্জা বুঝি বুড়োর আবার যুবোর আলাদা? দিবেরাত্রি
 ভাতার নিয়ে মুখোমুখী হ'য়ে ব'সে পাকা, মাগো! যেন সাতজন্মে ভাতার
 দ্যাখেনি। এখন বল, ডাক্‌চো কেন?

রত্নেশ্বর। হাত ধুয়ে এস, বল্‌চি।

বিন্দু। তবে সংসার জলাঞ্জলি বাক্।

রত্নেশ্বর। বাক্।

বিন্দুবাসিনী গৃহের একপার্শ্বে হস্ত প্রক্ষালন করিতে করিতে বলিলেন,
 তা সত্য, তুমি সংসার চাওনা বটে। তোমার সংসারে মন থাকলে কি

আর অত বড় বড় ছেলেদের আইবুড়ো ক'রে রাখ ? লোকে তোমার কত নিন্দে করে জান ? তোমার ত আর শুন্তে হয় না। আমার শুনে শুনে কান্ পোচে গেল।

রত্নেশ্বর। ডাক্তার আছে, কাণ ভাল ক'রে দেবে। রাজ্যের লোকের কথা শুন্তে আছে, আর আমার একটি কথাও শুন্তে নেই।

বিন্দু। ওমা! অমন অধম্মে কথা ব'ল না। তোমার আবার কোন কথাটি শুনি নি ?

রত্নেশ্বর। দশবার ডাকাডাকির পর তবে কাছে আসা হয়, এইটে বুঝি বড় ধর্ম কর।

বিন্দুবাসিনী হাত মুছিতে মুছিতে আসিয়া পার্শ্বে বসিয়া বলিলেন :—
“দশবার আবার কবে ডাক্তার হোল ? দিবেরাত্রি মুখোমুখী ক'রে ব'সে থাকলেই বুঝি বড় ভাল ? আর তাওতো হয়েছে, তাকি বাকি ক'রেচ ? সকাল নেই, দুপুর নেই, বিকেল নেই, সন্ধ্যা নেই, একদণ্ড ছেড়ে দিতে কি ? আমি লজ্জায় ম'রে জেতুম। নীচে মুখ দেখাতে পারতুম না। এখন সে দিন কাল গেছে। তোমারও ভাল লাগে না, আমিও তোমার ভাবগতিক দেখে ঘরসংসারে মন দিয়েচি।

রত্নেশ্বর। আমার আবার কি ভাব গতিক দেখলে ?

বিন্দু। সব শুনেচি গো, সব শুনেচি। আর কেন সে পুরোনো কাস্তুন্দি ঘাঁটা ? এখন কি ব'লবে বল ?

রত্নেশ্বর। আমি পাড়ার মাগীগুলোর বাড়ী ঢোকা বন্ধ ক'রে দেব।

বিন্দু। তারা তোমার কি ক'লে ?

রত্নেশ্বর। তারাই ত তোমার কান্ ভারি ক'রে দিয়েচে ?

বিন্দু। ওমা! চুপ্ কর। পাড়ার মেয়েদের দোষ দিও না। তুমি তারি পাড়ার মুখীকে নে উন্নত, দেশ টি-টি, তা পাড়ার মেয়েরা সে কথা ব'লবে না ত কি ক'রবে ? আর তারা নাইবা ব'লে। তোমার কোন কাজটা আমার কাছে ছাপা আছে ? যেদিন যেখানে যে কীর্তিটি ক'রেছ; বিন্দুবাসিনী সবার আগে সেটি শুনেচে। তুমি মনে কর আমি সেকেন্দে হাবা গোবা মেয়ে মানুষ, ঘরের ভেতর বন্দ থাকি, অত শত বুঝিনি। হার রে! আমার চ'খে ধুলো দেওয়া বড় শক্ত কথা। তোমায় কিছু ব'লতুম

না। স্বামী দোষ কলে স্ত্রীর সে, দোষ ধরতে নেই। লুকিয়ে লুকিয়ে খুব কাঁদতুম, আর তুলসীতলায় মাতা খুঁড়ে খুঁড়ে কপাল টাটিয়ে যেতো। মনে ক'রো না আমি টের পাইনি। আমার বুকের ভেতর তোমার যত কাণ্ড কারখানা এক একটা কুঁটার মত ফুটে আছে।

রত্নেশ্বর। তুমি যখন এত খপর রাখতে পার, তখন তোমায় গ্রামের চৌকিদার ক'রে দেবো।

বিন্দু। চৌকিদার হ'য়ে তোমার কি ক'রবো ?

রত্নেশ্বর। জেল দেবে ?

বিন্দু। জেলখানা কি আছে ? সে যে অনেক কাল ভেঙে গ্যাচে। জেলখানা থাকলে কি আর তুমি অমন ক'রে ব্যাড়াতে পারতে ! এই ভর সন্ধ্যাবেলা বুঝি বাগড়া করতে ডাকলে ? তোমার পায়ে পড়ি, ও সব কথা আর তুলো না। আমি এখনি কেঁদে ফেলবো। কেন ডাকছিলে বল ?

রত্নেশ্বর ক্ষণকাল নীরবে ধূমপান করিয়া, শেষে গম্ভীরস্বরে বলিলেন,
“ললিত ছোঁড়ার জন্তে কি করি বল দেখি ? ছোঁড়া একবারে বোয়ে গ্যাচে।”

বিন্দু। সে আবার কি কথা ?

রত্নেশ্বর। ছোঁড়া লেখা পড়া নে থাকতো, আমি ভাবতুম তাই বুঝি বে ক'রতে চায় না। ও যে ভেতরে ভেতরে এত অধঃপাতে গ্যাচে তা জানিনে।

বিন্দু। অমন অলক্ষুণে কথা বোলো না। ললিত আমার নিষ্কলঙ্ক চাঁদ। সে আমার দুধ খেয়েচে, তার কখন কুবুদ্ধি হ'তে পারে ?

রত্নেশ্বর। আমরা বুঝি আর মায়ের দুধ খাইনি ?

বিন্দু। বোধ হয় খাওনি। কেন, ললিত কি কোরেচে ?

রত্নেশ্বর। ছোঁড়া একবারে নষ্ট হ'য়ে গ্যাচে। আমার মুখ দ্যাখানো ভার হ'য়ে উঠলো। মান সন্ত্রম সব ডোবালে ? ওর এত বুদ্ধিসুদ্ধি সব কোথায় গেল ?

বিন্দু। তুমি ও সব কথা শুনো না। ললিতের মতন ছেলে তোমাদের দেশে একটা খুঁজে বের কর দিকি ?

রত্নেশ্বর। তুমিই ত অমনি ক'রে ললিতের মাতা খেয়েচ।

বিন্দু। বালাই, ও কথা কি বলতে আছে? কে এমন পরম শত্রু, ললিতের নিন্দে রটিয়েছে? ললিতের নামে শত্রুর মুখেও নালা পড়ে।

রত্নেশ্বর। যারা রটিয়েছে তারা শত্রু নয়। যে ব্যাটা ঘটিয়েছে, সে ব্যাটা আমার চিরশত্রু। মাধব চাটুষ্যে বেটা আমার এই সর্বনাশটা ক'লে। ব্যাটার চালে নেই খড়, হাঁড়িতে নেই ভাত, তবু দেমাক কত? ডেকে পাঠালে আসা হয় না, বলেন "কারো মোসাএবি করতে পারবো না।" পেসা কি না "কুমোরগিরি।" পাত্তোর কেটে মরেন, কিসের যে এত অহংকার তা ত ভেবে পাই না। জাত নেই, কুল নেই, শীল নেই, বামুন কি না তারো ঠিক নেই। গুন্টি ব্যাটা এথেনে নেই। এবার গ্রামে ঢুকলে মাথা ঝাড়া ক'রে, ঘোল ঢেলে গ্রাম থেকে বের ক'রে দেবো। ব্যাটা কোথ থেকে উড়ে এসে, জুড়ে বসলো, আমারি এই সর্বনাশটা করবার জন্তে কি! এ গ্রামে ওগ্রামে ভেসে ভেসে বেড়াত, বাস করবার স্থান পাষ না। শেষে কর্তা দয়া করে কাটা কতক লাখরাজ জমী দে বাস করালেন; তার ভাল প্রতিশোধ দিচ্ছে।

বিন্দু। কেন, সে কি ক'রেছে?

রত্নেশ্বর। তার একটা আইবুড়া ধেড়ে মেয়ে আছে জান?

বিন্দু। আহা দিব্বি মেয়েটি, যেমন রূপ তেমনি গুণ। দেখলে চোক জুড়িয়ে যায়! যেন রাজ কন্যাটি! তা, সে মেয়ের কি হ'য়েছে?

রত্নেশ্বর। তোমার ছেলে তাকে রেখেছে। সমস্ত দিন তার কাছে থাকে, লোক লজ্জা নেই। সবার মাঝখানে তার সঙ্গে হাসি তামাসা চলে। ছোঁড়া একবারে উন্নত। এ সব মাধুবে ব্যাটার ফন্দি তা বুঝেচি। ব্যাটা একটা দাঁও মারবার চেষ্টায় আছে। নইলে এত বড় মেয়েটাকে আইবুড়া ক'রে রাখে কি?

বিন্দু বাসিনী হাস্য করিয়া বলিলেন, "ও হরি! এই কথা! আমি মনে কচ্ছিলেম সত্যি সত্যি বুঝি কি হয়েছে।"

রত্নেশ্বর। এ বুঝি মিথ্যে মিথ্যে?

বিন্দু। দেখ, আমি ভাবতেম ব্যাটা ছেলেদের খুব বুদ্ধি। কিন্তু কাষে দেখতে পাই তোমাদের এক কড়ার বুদ্ধি নেই। যখন বুঝতে সজতে না পারবে তখন আমাদের কাছ থেকে একটু বুদ্ধি ধার করে নিও। আহা

সুধাময়ীর নামে অমন কলঙ্ক তুলো না। যে যা বলে বলুক, তুমি কিছু বোলো না, তোমার পাপ হবে।

রত্নেশ্বর। তোমার বুঝি কথাটা বিশ্বাস হ'ল না?

বিন্দু। বিশ্বাস হ'বে কি গো, ওষে কথাই নয়। ললিত আমার, সুধাকে এতরত্তি ব্যালা থেকে মায়া মমতা করে। কতদিন তার ছোট ব্যালায় তাকে সঙ্গে ক'রে নে আমার কাছে এয়েচে। নিজে হাতে তাকে ফুল দিয়ে সাজিয়ে আন্স ডেকে দেখিয়েচে। এই কালও ললিত ব'লছিলো "মা সুধারা বড় ছুখী, তাতে আবার সমাজে ঠেলে রেখেচে, ওর ভাল ঘরে বে হওয়াই দায়। তুমি স্বাবাকে বেলে ওদের জাতে তুলে, যাতে সুধার একটি ভাল বর্ হয় তার উপায় কর। নইলে মেয়েটা কার হাতে পড়বে, কত কষ্ট পাবে তার ঠিক নেই।" মনের ভেতর একখানা কিছু থাকলে কি অমন ক'রে আমার কাছে ব'লতে পারতো? ললিতের আমার বড় মায়ার শরীর। মায়া দয়া কলেই বুঝি লোকের সঙ্গে থাকা হোল?

রত্নেশ্বর। ছেলে কি না, তার বেলায় দোষ নেই। আর আমি যদি কোন মেয়ে মানুষকে একটু মায়া দয়া ক'রেচি, অমনি মুখখানি হাঁড়ি হবে, চোক ছুটি করম্চা হবে, নাওয়া খাওয়া বন্দ হবে, আর সমস্ত দিন রাত ফোঁস ফোঁস করবেন।

বিন্দু। তোমায় আর সতী সাজতে হবে না গো। ললিত অমন তোমার মত কুভাবে মায়া দয়া করা জানে না। তার মনটি গঙ্গাজল। তুমি যেন তাকে কিছু বোলো না। সে আমার বড় অভিমানী ছেলে। উঁচু কথা সহিতে পারে না।

রত্নেশ্বর। না, তাকে নিয়ে মাতায় ক'রে নাচবো। এই রকম চলাচলি ক'র্বে আর কিছু বলবো না!

বিন্দু। চলাচলি আবার কি ক'লে?

রত্নেশ্বর। চলাচলি আবার কাকে বলে? এই বৈকালে তারই ইয়ার বন্ধুরা স্বচক্ষে দেখে এসে ব'লে গেল। অমন সোমত্ত মেয়ের কাছে অত বড় ব্যাটা ছেলে সর্কদা যাতায়াত ক'র্লে লোকে ছুবে না ত কি? তুমি যদি আমার স্ত্রী না হ'তে, আর তোমার সোমত্ত বেলায় আমি যদি তোমার কাছে যাতায়াত ক'রুম, তা হ'লে কি হোতো বল দিখি?

বিন্দু। খ্যাঙ্রা মার্তুম।

রত্নেশ্বর। তবে? ছুঁড়িটেও কিছু বলে না, মাধুবে বেটাও কিছু বলে না। ভেতরে ভেতরে ওরা কি মতলব এঁটেচে। আমার ভয় হচ্ছে, ললিতকে ফুসলে ফাসলে ফাঁদে ফেলবে। হতে পারে তুমি যা বলচো ঠিক, ললিতের মনে এখনও কোন কুভাব নেই, কিন্তু সে ছেলে মানুষ, ডবকা বয়েস, ছুঁড়িটেও দেখতে শুনতে ভাল, মন খারাপ হ'তে কতক্ষণ?

বিন্দুবাসিনী একটু চিন্তাষিতা হইয়া বলিলেন—“সুধা বড় হোয়েচে বটে, তা ওর্ বাপ্ বে দেয় না কেন? তার মেয়ের বে দেবার সম্পতি না থাকে, তুমিত দেশের জমীদার, তুমি কেন কিছু দিয়ে গরিব ব্রাহ্মণের মেয়েটিকে পার্ ক'রে দেওনা?”

রত্নেশ্বর। মেয়ের বে দিবে কি ক'রে? জাত নেই, কুল নেই, পয়সা নেই, ওদিকে আবার অহংক'র টুকু চোদ্দপো। কারো দারস্থ হবেন না, কার মাতা ব্যাথা পড়ে গেচে, তার মেয়ের বের ভাবনা ভাবতে?

বিন্দু। হ্যাঁগা, আমি বল্চিনে—জিজ্ঞেসা কচ্ছি, আমাদের কি ও মেয়েকে ঘরে আনতে নেই?

রত্নেশ্বর। তা হোলে তুমি বউ কর, কেমন? তোমার দেখচি বুদ্ধি শুদ্ধি সব লোপ পেয়েচে।

বিন্দু। তাই জিজ্ঞেসা কচ্ছিলুম। মেয়েটি কিন্তু বাবু কুঁদে কাটা। বউ করবার যোগ্য মেয়ে।

এইরূপ কথাবার্তা হইতেছে, এমন সময় সুধাময়ীর গৃহ দাহের শব্দ ও সেই সঙ্গে জন কোলাহল উত্থিত হইল। শুনিবা মাত্র রত্নেশ্বর পিহরিয়া উঠিলেন। হস্ত হইতে শট্কার নল পড়িয়া গেল। ত্রস্তে পালঙ্ক হইতে নামিয়া দাঁড়াইলেন। শঙ্কিতা বিন্দুবাসিনী ছুটিয়া গবাক্ষের নিকট গিয়া দেখিতে দেখিতে বলিলেন—“ইস্ কি সর্বনাশ, কার ঘরে আগুন লাগলো গো! ওগো তুমি যাও গো, আহা গেল, গেল, শিগুগির যাও, শিগুগির যাও, লোক পাঠিয়ে দেও! আহা পুড়ে ছাই হ'য়ে গেল।

ক্রমশঃ।



মাসিক পত্রিকা ও সমালোচনী।

সূচী।

(প্রবন্ধের মতামতের জন্য লেখকগণ দায়ী।)

বিষয়।	পৃষ্ঠা।
১। বাঁধ বল (পদ্য) (শ্রীচারুচন্দ্র বন্দ্যোপাধ্যায়) ...	৯৭
২। ভারতীয় এবং ইয়ুরোপীয় ভাব (শ্রীদীননাথ ধর, বি, এল) ...	৯৮
৩। সুধাময়ী (উপত্নাস) (শ্রীঈশানচন্দ্র বন্দ্যোপাধ্যায়) ...	১০৪
৪। ভবের দৃশ্য (পথিক) ...	১১৭
৫। হিমাচল (শ্রীউপেন্দ্রনাথ কাজিলাল) ...	১২৫

হুগলী,

দাবিত্রো বন্দ্রে শ্রীহরিদাস পাল দ্বারা

মুদ্রিত ও প্রকাশিত।

শ্রাবণ—১৩০১।

এই সংখ্যার মূল্য ১/১০ দেড় আনা।

বিজ্ঞাপন।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিদ্য ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিকা যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ত ইহার অগ্রিম বার্ষিক মূল্য মায় ডাক মাসুল ১ এক টাকা মাত্র ধার্য হইল। ইহাতে ৮ পেজী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। এরূপ সুলভ মূল্যের কাগজ মফঃস্বল হইতে এ পর্যন্ত বাহির হয় নাই। এই পত্রিকা সম্বন্ধে চিঠি পত্র, প্রবন্ধ, মূল্যের টাকা, সমালোচনার জন্ত পুস্তক প্রভৃতি যাবতীয় বিষয় আমার নিকট পাঠাইতে হইবে, এবং আমাকে লিখিলে পত্রিকা সম্বন্ধে জ্ঞাতব্য বিষয় সকলে জানিতে পারিবেন। অতি সুলভ মূল্যে বিজ্ঞাপনাদি ইহাতে প্রকাশিত হইবে।

শ্রীযত্ননাথ কাঞ্জিলাল,
কার্য্যাধ্যক্ষ।
হুগলী।

পূর্ণিমা।

মাসিক পত্রিকা ও সমালোচনী।

২য় ভাগ।

শ্রাবণ, সন ১৩০১ সাল।

৪র্থ সংখ্যা।

বাঁধ বল।

কত আশা সুখ দুঃখ অতীতে মরিয়া গেছে।
কত আশা সুখ দুঃখ ভবিষ্যে বাঁচিয়ে আছে।
অতীতে ভুলিয়ে যাও,
ভবিষ্যের পানে চাও,
অতীতে আঁধার ঘোর, ভবিষ্যে সুন্দর আশো।
কত আসে কত যায়,
কিবা সুখ দুঃখ তায় ?
এমনি অনন্ত কাল, মিছা অশ্রুজল ঢাল।
অতীতে গিয়াছে যাহা,
হয় ত সামান্য তাহা,
হয় ত ভবিষ্য-গর্ভে মহত্তর কিছু আছে।
উপেক্ষার কিছু নয়,
সবি শিখ জ্ঞানময়,
কিবা ক্ষুদ্র, কি মহৎ, সবারি উদ্দেশ্য আছে।
চাহিয়ে ভবিষ্য-মুখে,
বাঁধ বল ভাঙা বুকে,
অনেক কেঁদেছ তুমি, মুছ আঁধি-জল আজ।
কঁদিতে জনম নয়, জীবনের আছে কাজ।

ভারতীয় এবং ইউরোপীয় ভাব।

ইংরাজ ভারতের অধীশ্বর। ইংরাজের সাহিত্য, বিজ্ঞান, ধর্ম এবং সভ্যতা স্পর্শে দুর্বলমতি অনেক ভারতবাসী ফিরিঙ্গী হইয়াছেন এবং হইতেছেন। কিন্তু তাহাতে আর্য্য দর্শন এবং আর্য্য ধর্ম ও শাস্ত্রের বিশেষ কোন ক্ষতি হয় নাই এবং হইতেছে না। তাহা প্রায় অক্ষুণ্ণ রহিয়াছে। পরাধীন ভারতের পক্ষে এটি অল্প গৌরবের কথা নহে।

মোক্ষমূলার প্রভৃতি মহামহোপাধ্যায়গণ আর্য্য বেদ শাস্ত্রের প্রশংসা করিয়া শেষ করিতে পারিতেছেন না। সাইকাগো নগরীতে বিবেকানন্দ স্বামী আর্য্যধর্ম ও শাস্ত্রের যে ব্যাখ্যা এবং তৎসম্বন্ধে যে বক্তৃতা করেন তাহাতে অনেক ভিন্ন জাতীয় ধর্মপ্রবর্তককে বিস্মিত হইতে হইয়াছে। অল্পদিন হইল এক খানি বিখ্যাত মার্কিন সংবাদপত্রে এক ব্যক্তি লিখিয়া ছিলেন “যে ভারতবর্ষে এক অতি উৎকৃষ্ট এবং অপূর্ব ধর্ম বর্তমান।” সে দিন প্রসিদ্ধ নামী শ্রীমতী আনি বিশাস্ত বলিয়াছেন “গ্রীস সাহিত্য রাজ্যে আধিপত্য স্থাপন করেন অর্থাৎ সাহিত্যের অধীশ্বর হন। রোমের রাজনীতির অগ্রে সমগ্র ইউরোপ অবনতশিরাঃ। কিন্তু ভারতভূমি আধ্যাত্মিক রাজ্যের মহারাজ্ঞী। তাহার রাজ্য গ্রীস রোমের রাজ্য হইতে শ্রেষ্ঠ।” আজ কাণ আমরা এমনি ছন্নমতি হইয়াছি যে ইউরোপীয়েরা আমাদের বদাশ্রুতার ব্যাখ্যা বা প্রতিষ্ঠা না করিলে ভারতের বদাশ্রুতার প্রতি আমাদের লক্ষ্য হয় না। ইংরাজ আমাদের সম্মান না করিলে আমরা যে প্রকৃতরূপে সম্মানিত আমাদের এ প্রকার জ্ঞান হয় না। এই হেতু আর্য্য ধর্মের ইউরোপীয় প্রশংসা পত্র প্রদর্শন করিলাম।

নীতি শিক্ষা বিষয়ক সভা সমক্ষে ১৮৮৮ সালে সাইকাগো নগরীতে পণ্ডিতবর পল্ কেরাস্ “ঈশ্বরের ভাব” সম্বন্ধে একটি বক্তৃতা করেন। লণ্ডনস্থ ওয়াটস্ সাহেব কৃত লিটাররি গাইড্, লিটাররি ওয়ারেন্ড প্রভৃতিতে উক্ত পণ্ডিতের ভূয়সী প্রশংসা লিপিবদ্ধ হইয়াছে। তাহার কথা উল্লেখ করিবার আমার দুইটি উদ্দেশ্য, ১ম, যে তাহার প্রায় সমস্ত কথা আর্য্য

বেদশাস্ত্র সম্মত ; ২য়, ইউরোপীয়েরা এবং মার্কিনেরা ও ভারতীয় ঐশিক এবং ধর্ম সম্বন্ধে ভাব সমূহ গ্রহণ করিতে আরম্ভ করিয়াছেন।

কেরাসের কয়েকটি কথার উল্লেখ করা যাইতেছে। তিনি বলেন “ঈশ্বর জগৎ মধ্যে এবং জগতের অতীত অর্থাৎ জগতের বাহিরে, প্রকৃতির উপর এবং প্রকৃতির অতীত।” এইরূপ অর্থ ইহা অপেক্ষা উচ্চতর কথা ভগবৎ গীতার ১০ম অধ্যায়ের শেষ শ্লোকে দৃষ্ট হয়ঃ—

অথবা বহু নৈতেন কিংজ্ঞাতেন তবাজ্জুন।

বিষ্টভ্যাহমিদং কৃৎস্মমেকাংশেন স্থিতোজগৎ ॥

অর্থাৎ—

অথবা হে ধনঞ্জয় ! এইরূপ পৃথগ্বিধ বহু জ্ঞানে তোমার প্রয়োজন কি ? আমি এই সমুদয় জগৎ আমার একাংশ দ্বারা ধরিয়া আছি। ভগবান বাসুদেব শ্রীকৃষ্ণ অর্জুনকে আরও বলিয়াছেন “আমি সমুদয় জগৎ এবং আমি জগৎ ছাড়া এবং জগতের বাহিরে।” যিশু খৃষ্টের কথা “আমি এবং আমার পিতা আমরা একই।” কেরাস্ সাহেব যিশুর এই কথাটি ধরিয়া বলিয়াছেন যে “মানুষ এবং ঈশ্বর একই”—“তত্ত্বমসি শ্বেতকেতো” হে শ্বেতকেতো ! তুমিই ব্রহ্ম অর্থাৎ যোগ বলে তপশ্চা বলে মানুষ “সেই” কি না পরম পবিত্র স্বরূপ হইতে পারে, আর্য্য পণ্ডিত মুখে এই গভীর অর্থবোধক কথাটি শুনা গিয়া থাকে। “God is the ethical life of nature.” কেরাসের এই বাক্যের অর্থ এইরূপ, যে ব্রহ্মাণ্ড “প্রকৃতি”তে যাহা কিছু উৎকৃষ্ট, যাহা কিছু শুভ, তাহার মূল ঈশ্বর। আর্য্য বেদ শাস্ত্রের কথাও তাই—তিনি “শিবঃ”—ব্রহ্ম শিবরূপী এবং তিনি জগতের প্রাণ। কেরাস্ আরও বলিয়াছেন “God is more than an idea. He lives in all the noble emotions of men, in the poetry of the poet, in the enquiries of the scientist, in the fresh verdure and flowers of spring.” ভগবৎগীতার ৭ম অধ্যায়ের ৮ম হইতে ১২শ শ্লোকে উক্ত হইয়াছেঃ—

রমোহ হমোপস্তু কোন্তেয় প্রভাস্মি শশি সূর্য্যয়োঃ।

ইত্যাদি ইত্যাদি।

হে কৌন্তেয় ! আমি জলে রস, চন্দ্র সূর্য্যে প্রভা, সর্ববেদে ওঁকার, আকাশে শব্দ এবং মনুষ্য সকলে পৌরুষ স্বরূপ অবস্থিত। আমি পৃথিবীতে পবিত্র গন্ধ, অগ্নিতে তেজঃ, সর্বভূতে জীবন এবং তপস্বিগণে তপঃ স্বরূপ। আমি বুদ্ধিমানদিগের বুদ্ধি ইত্যাদি অর্থাৎ ঈশ্বর সকল বস্তুতে অতি সূক্ষ্মভাবে অবস্থান করিতেছেন। কেরাসের কথাগুলি গীতার অনুরূপ। একটি কবিতা উদ্ধৃত করিয়া তিনি অবশেষ বলিয়াছেনঃ—

“One with the Cosmos, be that our desire.”
“আমাদের ইচ্ছা জগতের অনুগামী হউক।” এ কথাটিও আর্ধ্যদের অনুরূপ। তাঁহারা বলেন “সোহং আমি “সেই” জগৎ কি না ঈশ্বরের পরম পবিত্রতার অনুসরণ করিলে মাঝে মাঝে সেই পবিত্র স্বরূপ হইতে পারে। মানুষের প্রবৃত্তি, মনের গতি, ইচ্ছা, বাসনা পরমাত্মার ইচ্ছার অনুবর্তী হইলে জীব নিজে শিব হইবার সম্ভাবনা।

কেরাসের আর দুইটি কথার উল্লেখ করত এবং অল্প বিষয়ক দুই একটি কথা বলিয়া প্রবন্ধের উপসংহার করিব। তিনি বলিয়াছেন “মাধ্যাকর্ষণের শ্রায় পরমেশ্বর প্রত্যক্ষ গোচর পদার্থ নহেন। ব্যক্তি বিশেষের জীবনে তাঁহাকে দেখা গিয়া থাকে। তিনি অল্প সংখ্যক গ্রীক সৈন্য লইয়া বহুসংখ্যক পারসিক সৈন্যসহ সমর করিয়াছিলেন। গ্রীকরা স্বদেশান্তরাগধর্মপ্রণোদিত হইয়া যুদ্ধ এবং পারসিকেরা লোভবশবর্তী হইয়া গ্রীকদিগকে আক্রমণ করিয়াছিল।” অর্থাৎ পাপরূপী পারসিকেরা পুণ্যরূপী গ্রীক সহ যুদ্ধক্ষেত্রে মিলিত হন। এটিও গীতার অনুরূপ কথা। গীতার ৪র্থ অধ্যায়ের ৭ম এবং ৮ম শ্লোকে ভগবান বাসুদেব-শ্রীকৃষ্ণ অর্জুনের বলিয়াছেনঃ—

যদা যদা হি ধর্মশ্চ ইত্যাদি ইত্যাদি।

যখনই ধর্মের হানি এবং অধর্মের আধিক্য হয় তখনই আমি আবিভূত হই। সাধুবৃত্তি সংরক্ষণ জন্ত, দুর্গম নাশের জন্ত “এবং ধর্ম স্থাপনের জন্ত আমি যুগে যুগে অবতীর্ণ বা প্রকাশিত হই। কংসরূপী দুঃপ্রবৃত্তি নাশের জন্ত ভগবান বাসুদেব শ্রীকৃষ্ণরূপে অবতীর্ণ অথবা প্রকাশিত হন। প্রেম ব্যতীত জগতের হৃদয় শুষ্ক এবং ঘোর কঠোরতা প্রাপ্ত

হইতেছিল। মানব হৃদয়ের কাঠিন্য বিদূরিত এবং তাহা প্রেমাপ্নুত করিবার জন্ত চৈতন্য দেব আবিভূত হন।

কেরাস বলিয়াছেন “There is but one worship of God and that is to do His will” অর্থাৎ ঈশ্বরের ইচ্ছানুসরণ করাই তাঁহার পূজা, ভগবানের অল্প পূজা নাই। বোধ হয় এই জন্ত শ্রীমতী রাধিকা নিয়ত বাসুদেব ব্রজেন্দ্রকুমারের অনুসারিণী হইতেন। লোক শিক্ষার নিমিত্ত শচীসুত গৌরাঙ্গ দেব সতত হা কৃষ্ণ হা কৃষ্ণ ! বলিয়া রোদন করিয়া বেড়াইতেন। মার্কিন পণ্ডিতের উক্ত কথাটিও আমাদের শাস্ত্রানুরূপ। আর্ধ্য পুরাণ শাস্ত্রে উক্ত হইয়াছেঃ—

জানামিধর্মং নচমে প্রবৃত্তিঃ।

জানাম্যধর্মং নচমে নিবৃত্তিঃ ॥

ত্বয়া হৃষীকেশ ! হৃদিস্থিতেন।

যথা নিযুক্তোন্মি তথা করোমি ॥

ধর্ম জানি কিন্তু তাহাতে আমার প্রবৃত্তি নাই। অধর্ম কাহাকে বলে জানি কিন্তু তাহা হইতে আমার নিবৃত্তি নাই। হে হৃষীকেশ তুমি আমার হৃদয়ে স্থিতি করিতেছ। তুমি যে রূপ নিযুক্ত করিবে আমি যেন সেইরূপ করি। অতি উচ্চ এবং শ্রেষ্ঠতম পরম পবিত্র আর্ধ্যধর্মের মহান সত্য এবং ভাব সকল উজ্জ্বল জ্যোতিষ্কের শ্রায় ইউরোপ এবং মার্কিন গগনে সমুদিত হইতেছে। ইহা আর্ধ্য তনয়দের পক্ষে একান্ত গৌরব এবং আনন্দের বিষয়।

ভারতীয় মুনি ঋষিগণ, পূর্বতন আর্ধ্য সন্তানেরা কেবল আধ্যাত্মিক, অন্তরের বিষয় লইয়া ব্যাপ্ত থাকিতেন। তাই আর্ধ্য শাস্ত্র, আর্ধ্য ধর্ম এত শ্রেষ্ঠ, এরূপ উৎকৃষ্ট, কিসে ছুঁচ, দেশলাই, জামা, কাপড়, কল, কব্জা, সূপ, নন্দেশ এবং নৌকা গাড়ি ভাল হইবে, এ চিন্তা তাহাদের হৃদয়ধিকার করিতে পারিত না। সিদ্ধি অসিদ্ধিতে সমভাবাপন্ন থাকিয়া এবং কর্মের ফলার্থী না হইয়া প্রাচীন আর্ধ্যেরা কর্তব্যানুষ্ঠানে নিযুক্ত থাকিতেন।

পূর্বতন আর্ধ্যদের মনের উক্তরূপ ভাব এবং কার্য গতির ইংরাজ

জড়বাদীরা নিন্দা করিয়া থাকেন। তাহারা বলেন সংসারে প্রভূত সুখ সচ্ছন্দতা পড়িয়া আছে, তৎসমুদয় অবহেলা করিয়া ঈশ্বর, পরকাল এবং ধর্ম ধর্ম করিয়া পরমায়ু ক্ষয় করা ঘোর বিড়ম্বনা এবং অমার্জ্জনীয় বাতুলতা। সমস্তা শত্রু হইলেও মাত্র ইন্দ্রিয় সেবার যে ব্যক্তি রত ও ব্যস্ত তিনি, না যে ব্যক্তি গীতার ২য় অধ্যায় ৫৮ শ্লোকের মর্ম্মমত কচ্ছপাঙ্কের গ্রায় ইন্দ্রিয়গণকে সর্কথা প্রত্যাশ্রিত করেন, তিনি বাতুল, এ বিষয়ের একটু বিচার করা যাউক।

ইহসংসারে সকলেই স্বীয় সুখের জন্ত ব্যস্ত। কিন্তু সকলের সুখের ভাব একবিধ নহে। কুর্জন্ সাহেব ভাবিতেছেন, এক বোতল ব্রাণ্ডি ভেড়ার একটা রাং, সুসজ্জিত একখানি অট্টালিকা এবং একটি পরমাসুন্দরী নারী পাইলেই তাহার সুখের মাত্রা পূর্ণ হইবে। কাশীবাসী ভাস্করানন্দ স্বামীর মনোভাব এবং ইচ্ছার গতি অন্তরূপ। শিবালয় সন্নিহিত একটি বট বৃক্ষের তলে শীতল ছায়ায় তিনি অধিষ্ঠিত। একটি লোহার চিম্টা আঙুন জালিবার এবং তাহা রক্ষিবার জন্ত একখানি “কুঁদো” কাঠ, দুই খণ্ড সামান্য গৈরিক বস্ত্র, একটি তুফী কমণ্ডলু, একখানি বাঘ ছাল এবং দিনান্তে আধ সের দুধ ভিন্ন তিনি পার্থিব কোন কিছুই অভিলাষী নহেন, কোন কিছুই চাহেন না। কুর্জন্ বিলাসিতা পূর্ণ, তাহার হৃদয়ে বাসনানল প্রবল, ঈপ্সিত বস্তু না পাইলে তাহার মনের বেদনার পরিসীমা থাকে না, এই সকল পাইবার জন্ত তাহাকে বিশেষ যত্ন এবং চেষ্টা করিতে হয় এবং তৎসমুদায় সহজেও মিলে না। ভাস্করানন্দ স্বামী কচ্ছপাঙ্কের গ্রায় ইন্দ্রিয়গণকে প্রত্যাশ্রয় পূর্বক সংযত চিত্তে দিন যাপন করিতেছেন। তিনি যৎসামান্তে তুষ্ট, যাহা পথের ধূলা ও তৃণ এবং লোষ্ট্রবৎ তাঁহার হৃদয় তাহাতেই পরিতৃপ্ত। ঐ গুলি পাইবার নিমিত্ত তাঁহাকে কোন চেষ্টা ও যত্ন করিতে হয় না। শোক তাপ সময়ে পূর্ণ ত্রিধু এবং পরমাসুন্দরী রমণীর মুখও ভাল লাগে না। সুখ দুঃখ মনে। স্বামীজির কেবল সেই মনের প্রতি দৃষ্টি। সেই মনকে শিক্ষিত, সংযত করিতে তাঁহার যত্ন। তিনি সেই মনেই আনন্দ নিহিত করিতেছেন এবং সেই কেন্দ্র-স্থল হইতে প্রস্রবণ বারিবৎ আনন্দনীর ইন্দ্রিয়াদিতে প্রবাহিত হইতেছে এবং তিনি সর্কদা পরমানন্দ, শান্তি উপভোগ করিতেছেন। তিনি সিদ্ধি অসিদ্ধির প্রতি

লক্ষ্য শূন্য হইয়া স্বীয় কর্তব্য সাধনে ব্যাপ্ত। তাঁহার হৃদয়ে আশা নাই, কাজেই তাঁহার নৈরাশ্রের ভয় নাই এবং তাঁহাকে নৈরাশ্র যাতনা ভোগ করিতে হয় না। জড়বাদী নিন্দিত এই অবস্থাতেই ভাস্করানন্দের সুখ। তিনি সর্বিশেষ প্রাজ্ঞ। উক্ত ভাবে এবং উক্ত অবস্থায় আনন্দ না পাইলে, তিনি তাহার অনুসরণ, তাহা অবলম্বন করিবেন কেন? স্বামীজির এখন প্রায় ৬৮ বৎসর বয়স এবং তিনি সুস্থকায় এবং নীরোগ। কুর্জন্ যে ভাবে চলিতেছেন, তাহাতে তাহার দেহ রোগগ্রস্ত হইবেই হইবে। আবার তাহার মনে শান্তি নাই, হৃদয় নিহিত বাসনানল প্রদীপ্ত অথচ বাসনা পূর্ণ হইতেছে না এবং ঘোর নৈরাশ্র যাতনায় তাহার চিত্ত বিদগ্ধ। এখন বলুন দেখি স্বামীজি এবং কুর্জন্, এই দুই ব্যক্তির মধ্যে কে পাগল?

বিলাতী জড়বাদীরা বিলাতী সভ্যতাভক্তেরা বিলাসিতার স্রোত ক্রমশঃ বাড়াইতেছেন। অবিমিশ্র শীতল জাহ্নুবীবারির স্থানে ব্রাণ্ডি, দুধ ভাত মাছের বদলে মটনচাপ এবং বিপ্ সুপ, ধূতি চাদর শাড়ীর পরিবর্তে, কোট ছাট্ বনেট্ গাউন প্রবর্তিত করিবার প্রয়োজন কি? শরীর ও স্বাস্থ্যরক্ষা এবং সুখ সচ্ছন্দতার জন্ত “প্রকৃতি”র কোন কোন বস্তু আবশ্যিক। তাহাই সংগ্রহ এবং লাভ করা যথেষ্ট। নতুবা নূতন নূতন বাসনার এবং সেই সেই বাসনা চরিতার্থ করিবার জন্ত নূতন নূতন বস্তুর আবির্ভাব করিয়া বৃথা চাকচিক্যে সংসার পূর্ণ এবং লোককে ব্যতিব্যস্ত এবং অসুখী করার আবশ্যিকতা কি?

কবিবর গ্রে ঠিক্ কথাই বলিয়াছেন “Where ignorance is bliss, it is folly to be wise.” মদের সৃষ্টি করিয়া সুরাপানের স্পৃহার উদ্রেক করা বাতুলতা। ইতিপূর্বে আমরা গুরুমহাশয়ের পাঠশালে পড়িতাম। শিশুবোধ সমাপ্ত করত কীর্তিবাস ও কাশিদাস হস্তে লইতাম। গুলিটাড়া ও হাঁড়ুডুডু খেলিয়া, মাছ দুধ ভাত খাইয়া স্বাস্থ্য সম্বোগে একরূপ সুখে দিনপাত করিতাম। এখন বার্ক, সেলি, বায়রণ, ব্রাইট্, মিল, মাটিনো পাঠে উকিল, হাকিম, ডাক্তার ও ইঞ্জিনিয়ার হইয়া, লাট সাহেবের সভায় আসন পরিগ্রহ ও বক্তৃতায় গগন বিদীর্ণ করিয়া, কালাপাণি পাড়ি দিয়া সিবিল সার্ভেণ্ট ও দেশের শাস্তা হইয়া আমাদের বাপ দাদা অপেক্ষা সুখী

কি অসুখী হইয়াছি, তাহা স্থিরমতি এবং আর্ধ্যশোণিতপূরিত দেহধারী ভারতস্বতেরা নিবিষ্ট চিত্তে নিবেচনা করুন।

ভ্রাতৃবৃন্দ! একবারে টিকি রাখিতে, হবিষ্য করিতে বলিতেছি না। আর্ধ্য স্বধর্মের প্রতি একটু দৃষ্টি কর। যে বিষম সময় পড়িয়াছে, ভগবান বাসুদেব কীর্তিত কুর্মবৃত্তি অবলম্বন ভিন্ন তোমাদের উপায় নাই। কচ্ছপাঙ্গের মত ইন্দ্রিয়গণকে প্রত্যাহরণ না করিলে তোমাদের অগ্র কিছুতেই পরিভ্রাণ নাই।

সুধাময়ী।

(উপন্যাস)

(পূর্ব প্রকাশিতের পর।)

রত্নেশ্বর অগ্রমনস্ক। বিন্দুবাসিনীর কথা তাঁহার কর্ণে প্রবেশ করিল না। দ্রুতপদে বহির্বাটীতে আসিয়া আপন কক্ষে ইতঃস্তুত পরিভ্রমণ করিতে করিতে ডাকিলেন “রোঘো”।

রঘুনাথ সরদার করজোড়ে উপস্থিত হইলে, বলিলেন, “সেখানে আমাদের কেউ নেই ত? সবাই চ’লে এয়েচে? কেউ তোদের চিন্তে পারেনি?”

রোঘো। আঁজ্ঞে না হুজুর। সবাই স’রে পড়েচে, কেউ দেখতে পায়নি।

রত্নেশ্বর। বৃষ্টি হবে কি?

রোঘো। আঁজ্ঞে না, ঝড়ে মেঘ উড়ে যাচ্ছে। দেবতা বৃষ্টি হচ্ছেন না। হাওয়ার খুব জোর আছে, এখনি কাজ ফরসা হ’য়ে যাবে।

রত্নেশ্বর। ছুঁড়ীটে ঘর থেকে বেরিয়ে পলারনি ত?

রোঘো। পলাচ্ছিল হুজুর। আমি দেখতে পেয়ে, ছুঁড়ীটের হাত পা বেঁধে, ঘরেপুর্বে শিকলী দিয়ে, তবে স’রে পড়েছি।

রত্নেশ্বর। তালাবন্দ করিস্নি? আমি যে ব’লে দিলুমরে। ব্যাটা সব মাটি ক’রেছি। এখনি কেউ গিরে শিকলী খুলে দেবে, আর মেয়েটা ছুটে পলাবে। তা যদি হয়, তবে তোমায় আর জ্যান্ত রাখবো না।

রোঘো। আঁজ্ঞে, আমি কি তেমনি কাঁচা ছেলে, হুজুর? আমি কি একবারে স’রে পড়েছিলুম? গা ঢাকা হ’য়ে ছিলুম। একটা লোক “ঘরে সুধা আছে, ঘরে সুধা আছে” বোলতে বোলতে পাগলের মত সেই দিকে ছুটছিলো, লোকটাকে অন্ধকারে ভাল চিন্তে পারলুম না। ঘরের দাওয়ার ওঠে ওঠে, এমন সময় পেছল দিক্ দে গিয়ে বাছাধনের মাতায় একটু বা লাঠি;—আর তাঁকে এগুতে হলো না, অমনি শয়ন। আমি আবার গা ঢাকা হলুম। দেখলুম ঘরের কপাট দাউদাউ ক’রে ধ’রে উঠলো, আর মানুষের সাধি নেই যে ঘর ঢোকে, তখন স’রে পড়লুম।

রোঘো সন্দারের কথা সমাপ্ত হইতে না হইতে, সদর দরজায় কোলাহল ও সেই সঙ্গে “সর্কনাশ হয়েছে গো, সর্কনাশ হয়েছে, বড় দাবুর মাথা ফেটে গেচে” এইরূপ কাতরধ্বনি শ্রুত হইল। গুনিবামাত্র রত্নেশ্বর ও রোঘো সন্দার উর্ধ্বশ্বাসে ছুটিয়া সদর দরজায় উপস্থিত হইল, দেখিল রক্তাক্ত কলেবর ললিতকুমারের অচেতন দেহ বক্ষে করিয়া, একজন লোক অগ্রসর হইতেছে, এবং শত শত লোক তাহাকে বেষ্টন করিয়া হা হুতাশ করিতেছে।

চতুর্থ পরিচ্ছেদ।

যে সময় অবলম্বন করিয়া এই আখ্যানিকা লিখিত হইতেছে, তখন নবাব সুজাউদ্দৌলা বাঙ্গালা, বেহার ও উড়িষ্যার শাসনকর্তা বা রাজপ্রতি-নিধি। সুজাউদ্দৌলার আধিপত্যকালে হিন্দুপ্রজাগণ মুরসিদকুলী খাঁর অত্যাচার বিস্মৃত হইতেছিল। মুরসিদকুলী খাঁর অর্ধশোষণ ও নির্ভুরা-চরণের ভয়ে হিন্দু প্রজারা তৎকালে সুপরিচ্ছদ পরিধান ও উপাদের আহা-পর্বান্ত পরিত্যাগ করিয়াছিল। নবাবের ভৃত্যেরা কোন প্রজার স্বচ্ছল অবস্থা দেখিলেই তাহার নিকট হইতে অর্ধশোষণ করিত। কাজেই প্রজারা আপন আপন প্রকৃত অবস্থা গোপন করিয়া, দারিদ্র্য অবলম্বন করত দিনপাত করিত। নবাব সুজাউদ্দৌলারও অনেক দোষ ছিল। তিনি রাজকার্যে অপটু, ঘোর বিলাসী ও আলশ্রয়প্রিয় ছিলেন। কিন্তু তাঁহার দুইটি সদগুণ ছিল। সেই দুইটি গুণে তিনি সাধারণের প্রীতিভাজন হইয়া-ছিলেন। তিনি বড় দয়াবান ছিলেন, এবং বিদ্বান ও গুণবানের যথোচিত সমাদর করিতেন। তাঁহার শাসনকালে মুরশিদাবাদের দরবারে না-না

স্থানের সকল প্রকার গুণীগণের সমাবেশ হইত। সাহিত্য, বিজ্ঞান, দর্শন, সঙ্গীত, চিত্রবিদ্যা, স্থপতিবিদ্যা প্রভৃতি বিষয়ে পারদর্শী ব্যক্তিগণ নবাব-দরবারে উপস্থিত হইয়া, আপন আপন বিদ্যার পরিচয় দিয়া-পুরস্কার লইয়া যাইতেন। যাহারা উপজায়ক হইয়া নবাবের দরবারে উপস্থিত হইতে লজ্জাবোধ করিতেন, সন্মান পাইলে, নবাব সূজাউদ্দৌলা সেরূপ ব্যক্তিকে অতি সন্মানের সহিত নিয়ন্ত্রণ করিয়া, তাঁহাদের মর্যাদা রক্ষা করিতেন। যে সকল হতভাগ্য জমীদারগণ রাজস্ব আদায় দিতে না পারিয়া, মুরসিদকুলী খাঁ কর্তৃক হতসর্বস্ব হইয়া কারাগারে নিক্ষিপ্ত হইয়াছিলেন, দয়াভিষ্ট সূজাউদ্দৌলা খাঁ তাঁহাদিগকে কারামুক্ত করিয়া, তাঁহাদিগের জমীদারি প্রত্যর্পণ করিয়াছিলেন। এই সকল কারণে, কি হিন্দু, কি মুসলমান, কি ইউরোপীয় বণিকগণ সকলেই নবাব সূজাউদ্দৌলাকে শ্রদ্ধা ভক্তি করিত।

মুর্শিদাবাদের পরপারে ভাগিরথীর দক্ষিণ তীরে দে-পাড়া নামক স্থানে নবাব সূজাউদ্দৌলার বিলাস উদ্যান। উদ্যানটি অতি মনোহর। সূজাউদ্দৌলা সেই উদ্যানের নাম রাখিয়াছিলেন “কারাবাগ” অর্থাৎ শোভা-কানন। গ্রীষ্মকালে নবাব সূজাউদ্দৌলা সেই উদ্যানেই অবস্থিতি করিতেন। সেই উদ্যানে একুটি বৃহৎ সরোবর ছিল, তাহার তলদেশ পর্য্যন্ত শ্বেত মর্ম্মরে বিনির্ম্মিত, কোথাও মৃত্তিকার লেশমাত্র ছিল না। জল কাচের ত্রায় স্বচ্ছ। জলের উপর চতুর্দিকে পরিভ্রমণ করিবার জন্য শ্বেত মর্ম্মরের প্রশস্ত পথ। কোথাও সরল গতিতে, কোথাও বক্রগতিতে চতুর্দিকের তীরভাগ হইতে আসিয়া পরস্পরে মিলিত হইয়াছে। পথগুলির মধ্যস্থিত সলিল রাশি, কোনখানে চতুষ্কোণ, কোনখানে ত্রিকোণ, কোথাও গোলাকার। পথের উপরে স্থানে স্থানে শ্বেত মর্ম্মরের রমণী মূর্তি বিরাজিত। কোন মূর্তির হৃদয়ের মধ্যস্থল হইতে ফোয়ারা ফুটিতেছে, রমণী বহিঃ-গ্রীবায় বিন্মিতনেত্রে তাহার হৃদয় নিঃসৃত ফোয়ারা প্রতি চাহিয়া আছে। কোন মূর্তি উর্দ্ধমুখে, তাহার ওষ্ঠাধর ফুটিয়া ফোয়ারা উর্ধ্বমুখে হইয়াছে। কোন মূর্তি বাহু প্রসারণ করিয়া একটি পিচকারী ধরিয়া আছে, সেই পিচকারী হইতে ফোয়ারা নির্গত হইয়া, বিপরীত দিকের পথের উপস্থিত এক নবীন যুবক মূর্তির অধরে পড়িতেছে, যুবক মূর্তি বাহু প্রসারণ পুরুক নিষেধ করিতেছে। ইত্যাদি নানা প্রকার শ্বেত মর্ম্মরের মূর্তিতে সেই

সরোবরের পথগুলি পরিশোভিত। সরোবরের মধ্যস্থলে শ্বেত মর্ম্মরের কয়েকটি রাজহংসের পৃষ্ঠে হেমময় সিংহাসনের চতুর্দিকে সেই মর্ম্মর বিনির্ম্মিত পথগুলি সম্মিলিত।

এক দিন মধ্যাহ্নে নবাব সূজাউদ্দৌলা সেই হৈম সিংহাসনে অর্দ্ধশায়িত অবস্থায় অধিষ্ঠান করিতেছিলেন। চতুর্দিকে পরমাসুন্দরী রমণীগণ জনবিহার করিতেছে। কোন রমণী সন্তরণ দিতেছে, বিকসিত রক্ত পদ্মের ত্রায় তাহার চরণ যুগল লক্ষ্য করিয়া প্রসারিত-চঞ্চু কলহংস পশ্চাৎ ধাবিত হইতেছে। রমণী এক এক বার পশ্চাৎ দৃষ্টি করিতেছে ও হংসরাজের রসিকতায় ব্যাকুল হইয়া আকুলধ্বনি করিতে করিতে সন্তরণ দিতেছে। কোন রমণী পদ্মের ভেলায় শয়ন করিয়া বাঁশরী বাজাইতেছে। কোন রমণী জাহুর কিছু নিম্নতল পর্য্যন্ত জলে মগ্ন করিয়া আর্দ্র বস্ত্রে পথের ধারে বসিয়া সারঙ্গ বাজাইতেছে; কেহ বা তদ্রূপ পথের ধারে বসিয়া বাঁয়া লইয়া সঙ্গত করিতেছে। নবাবের সম্মুখে অর্দ্ধচন্দ্রাকৃতি সলিলরাশি বেষ্টন করিয়া আর্দ্রবস্ত্রা কয়েকটি রমণী নৃত্য করিতেছে এবং সেই সম্মুখস্থিত সলিল-সদয়ে শায়িত একটি নিরুপমা রমণী গাহিতেছে:—

সে ত চাহে না প্রেম, চাহে কেবল (আমার এ) যৌবন।

সে ত দেখে না প্রাণ, দেখে কেবল (দেহের) গঠন।

রূপে যার এত আশা, জানে না সে ভালবাসা;

মিটিলে তার পিপাসা, করিবে সে পলায়ন।

যৌবন অমূল্য নিধি, দিয়েছে নারীকে বিধি,

ধরার ঈশ্বরী নারী যৌবন তার যতক্ষণ।

জানিয়ে পুরুষ রীতি, বিলায়ে এমন নিধি,

সাধ করে কাঙ্ক্ষালিনী হতে চাহে কোনজন?

রূপে যার নাই ভালসা, আশা যার ভালবাসা,

পেলে সে পুরুষ (তারে) করি প্রাণ সমর্পণ ॥

গীত সমাপ্ত হইবামাত্র জনৈক খোজা দূর হইতে নবাবকে অভি-
বাদন করিতে করিতে অগ্রসর হইয়া, ভূমি চূষন করত করমোড়ে
নবাবের সম্মুখীন হইল। নবাব জিজ্ঞাসা করিলেন “সাধব উপস্থিত?”

খোজা কহিল, “হাঁ জাঁহাপনা।” নবাব কহিলেন, “তাহাকে এই খানে লইয়া আইস।”

ক্ষণবিলম্বে বস্ত্রাবৃত-চক্ষু মাধব চট্টোপাধ্যায় কয়েকজন খোজা কর্তৃক তথায় আনীত হইলে, নবাব স্জাউদ্দৌলা তাহাকে সম্বোধন করিয়া কহিলেন,—“মাধব, তুমি বেগম সাহেবের বে মূর্তি নিৰ্ম্মাণ করিয়াছ, তাহা দেখিয়া, বড়ই সন্তুষ্ট হইয়াছি। তোমার উপযুক্ত পুরস্কার দেওয়া হয় নাই। কি পুরস্কার পাইলে সন্তুষ্ট হও, বল।”

মাধব। জাঁহাপনা, সে মূর্তি আমি নিৰ্ম্মাণ করি নাই। অনুর্য্যাপ্তগুরুপা বেগম সাহেবের মূর্তির দিকে দৃষ্টি করিবার অধিকার, জাঁহাপনা ব্যতীত দ্বিতীয় পুরুষের নাই ভাবিয়া, একটি বালিকার দ্বারা সে প্রতিমূর্তি নিৰ্ম্মাণ করাইয়াছি।

নবাব স্জাউদ্দৌলা প্রকুলদৃষ্টিে মাধব চট্টোপাধ্যায়কে লক্ষ্য করিয়া, বিস্ময়স্থকস্বরে জিজ্ঞাসা করিলেন, “বালিকা?”

মাধব। হাঁ, জাঁহাপনা।

নবাব। অদ্ভূত বালিকা! কে সে বালিকা?

মাধব। রাজা মণিমোহন রায়ের কন্যা।

নবাব। রাজা মণিমোহনের কন্যা? তোমার সঙ্গে রাজা মণিমোহনের কি সম্বন্ধ?

মাধব। আমি তাঁর ভৃত্য, তাঁহার দেওয়ান ছিলাম। নবাব মুরসিদকুলী খাঁ কর্তৃক তিনি কারাবদ্ধ হইবার পর অবধি তাঁহার সেবায় বঞ্চিত হইয়াছি।

নবাব। রাজা মণিমোহন কারাবদ্ধ? কেন? কি অপরাধে?

মাধব। যে অপরাধে বাঙ্গালা, বিহার ও উড়িষ্যার শত শত জমীদার কারাগারে নিষ্ফিষ্ট হইয়া, কেহ বা মৃত্যুপ্রায় জীবন ধারণ করিতেছেন, কেহ বা ইতঃপূর্বেই প্রাণত্যাগ করিয়াছেন; রাজা মণিমোহন রায়ও সেই অপরাধে কারাবদ্ধ হইয়াছেন।

নবাব। রাজা মণিমোহন পরম ধার্মিক লোক। তাঁহার সহিত আমার সৌহৃদ্য ছিল। আমি তাঁহাকে বিশেষ শ্রদ্ধা ভক্তি করি। তাঁর এ ছরবস্থার কথা আমি কিছুই শুনি নাই। আজ একথা শুনিয়া আমি

যার পর নাই দুঃখিত হইলাম। আমি এখন রাজা মণিমোহনকে স্বহস্তে কারাগুক্ত করিব। তুমি আমার সঙ্গে আইস।

এই বলিয়া নবাব স্জাউদ্দৌলা গাত্রোথান করিলেন। বিহার স্থান পরিত্যাগ করিয়া দরবার গৃহাভিমুখে অগ্রসর হইলেন। পথে যাইতে যাইতে মাধব চট্টোপাধ্যায়কে জিজ্ঞাসা করিলেন, “রাজা মণিমোহনের পরিবারবর্গের অবস্থা কিরূপ?”

মাধব। তাঁর পরিবারবর্গের মধ্যে এক ভাৰ্য্যা। তিনি স্বামীর অনুগামিনী হইয়া কারাগারে বাস করিতেছেন। আর একটিমাত্র কন্যা; তিনি আমার আশ্রিতা। সেই কন্যাই বেগম সাহেবের প্রতিমূর্তি নিৰ্ম্মাণ করিয়াছেন।

নবাব। তাঁর কন্যা বিবাহিতা?

মাধব। বিবাহের বয়স হইয়াছে, কিন্তু তিনি এখনও কুমারী।

নবাব। বিবাহ দাও নাই কেন?

মাধব। আমি তাঁহাকে লইয়া প্রচ্ছন্নভাবে আছি। অর্থাভাবে অতি কষ্টে দিন যাপন করিতেছি। অপরিচিত বলিয়া, এবং মূর্তি নিৰ্ম্মাণ ব্যবসায় উপজীবিকা বলিয়া, সমাজে বর্জিত হইয়া আছি। এ অবস্থায় রাজা মণিমোহনের কন্যার উপযুক্ত পাত্র জুটিবার সম্ভাবনা নাই; সেই জন্তই আমি তাঁহার বিবাহে মনোযোগী হই নাই। তবে মনে মনে পাত্র হির করিয়াছি। আশা আছে, আপনি রাজা মণিমোহনের ছরবস্থার কথা শুনিলেই তাহাকে উদ্ধার করিবেন। তখন কন্যার পরিচয় দিয়া বিবাহের প্রস্তাব করিব।

নবাব। কি দুঃখের বিষয়! রাজা মণিমোহনের কন্যার আজ এই অবস্থা! তাঁহাকে স্থপতিবিদ্যা তুমি শিখাইয়াছ? তুমি দেওয়ানি করিতে, তুমি এ বিদ্যা কিরূপে শিখিলে?

মাধব। একজন ইতালীর শিল্পীর নিকট হইতে এ বিদ্যা শিক্ষা করিয়াছিলাম। সখ করিয়া শিখিয়াছিলাম, এক্ষণে সে শিক্ষা আমার ও প্রভুকন্যার উপজীবিকা হইয়াছে।

নবাব স্জাউদ্দৌলা দরবার গৃহের সম্মুখে উপস্থিত হইয়া, তথায় প্রবেশ করিলেন এবং উজীরকে তথায় উপস্থিত হইবার জন্ত অনুমতি প্রদান

করিলেন। অনতিবিলম্বে উজীর তথায় উপস্থিত হইলে, নবাব বলিলেন, রাজা মণিমোহন কোথায় আবদ্ধ আছেন? আমায় এখনই তথায় লইয়া চল।" উজীর করযোড়ে কহিলেন, "রাজা মণিমোহন 'কালার্জুর্গে' আবদ্ধ। সংবাদ পাইলাম তাঁহার আসন্ন কাল উপস্থিত। হাকিম সাহেবকে তথায় এইমাত্র প্রেরণ করিয়া আসিলাম।"

মাধব চট্টোপাধ্যায়ের চক্ষের আবরণ তখনও মুক্ত হয় নাই। উজীরের কথা তাঁহার কর্ণে প্রবেশ করিবামাত্র তিনি উন্মত্তের ঞায় আবরণ-বস্ত্র ছিন্ন করিয়া উদ্ভ্রান্তদৃষ্টে উজীরের দিকে দৃষ্টি করিলেন।

নবাব সূজাউদ্দৌলা ব্যগ্রতার সহিত গাত্রোথান করিয়া, "এখন 'কালার্জুর্গে' চল" বলিয়া অগ্রসর হইলেন। পারিষদবর্গ তাঁহার অনুসরণ করিল।

গঙ্গা বা পদ্মার গর্ভ হইতে 'কালার্জুর্গ' গগন ভেদ করিয়া উথিত হইয়াছে। কৃষ্ণপাষাণে সে দুর্গ বিনির্মিত। জলদমালার ঞায় তাহার কৃষ্ণবর্ণ আকার, উর্দ্ধাকাশে সূদূর বিস্তৃত হইয়া যমপুরীর ঞায় বিরাজ করিতেছে। চারিদিকে ছুর্নিরীক্ষ্য প্রাচীর। প্রাচীরের উপরিভাগে স্বল্প ব্যবধান অন্তর বৃহৎ বৃহৎ কামান সজ্জিত। কামানশ্রেণীর পশ্চাৎভাগে বিশালদেহ দীর্ঘশত্রু-সসজ্জিত সৈনিকগণ বন্দুকসঙ্কে নিরন্তর পরিভ্রমণ করিতেছে। দুর্গের ভীষণমূর্তি দেখিয়া, চতুঃপার্শ্ববর্তী বৃক্ষশ্রেণী পর্য্যন্ত যেন শঙ্কিতভাবে অবস্থিতি করিতেছে। দুর্গের উর্দ্ধাকাশে বা আশেপাশে গগন-বিহারী পক্ষী পর্য্যন্ত ভয়ে অগ্রসর হইতেছে না। দুর্গের সম্মুখে গঙ্গার প্রবাহ যেন ভীত হইয়া মহুর গতিতে গমন করিতেছে। দূরে দূরে ছুই একখানি নৌকা অতি সন্তর্পণে ক্ষেপণী ফেলিয়া বাহিয়া চলিয়াছে। নাবিক বা আরোহী কেহই সাহস করিয়া দুর্গের দিকে দৃষ্টি করিতেছে না। গঙ্গার গর্ভে দুর্গ প্রবেশের একমাত্র ক্ষুদ্র তোরণ। তাহাও সর্বদা রুদ্ধ।

স্বর্ণপাতে বিমণ্ডিত নানা বর্ণের রত্নে খচিত, নবাব সূজাউদ্দৌলার তরণী সেই তোরণ সম্মুখে উপনীত হইল। তদুপরি বিচিত্র রত্নবিভূষিত মখমলের শয্যায় নবাব উপবিষ্ট। ভৃত্যবর্গ কেহ হীরকখচিত চন্দ্রাতপ ধারণ করিয়া আছে; কেহ স্বর্ণময় ব্যজনী লইয়া ব্যজন করিতেছে। কাহারও হস্তে স্বর্ণের গোলাপাশ ও আতরপাশ,

কাহারও হস্তে হৈমপানপাত্র। চতুর্দিকে বহুমূল্য বসনভূষণে সুসজ্জিত পারিষদবর্গ দণ্ডায়মান।

নবাবের সন্নিকটেই ছুশ্চিত্তার মূর্তিমান আকৃতি মাধব চট্টোপাধ্যায় একাগ্রদৃষ্টে দুর্গের দিকে চাহিয়া আছে।

ইঙ্গিতমাত্রে দুর্গের তোরণ উদ্ঘাটিত হইল। নবাব সূজাউদ্দৌলা পারিষদবর্গে পরিবেষ্টিত হইয়া তরণী হইতে অবতরণ করিলেন। মাধব চট্টোপাধ্যায় উন্মত্তের ঞায় দুর্গাভ্যন্তরে ছুটিলেন।

রাজা মণিমোহন মৃত্যুশয্যায় শায়িত। যন্ত্রণায় ছটফট করিতেছেন। রাণী অনপূর্ণা স্বামীর মস্তক অক্ষে ধারণ করিয়া, একাগ্রদৃষ্টে স্বামীর মুখের দিকে চাহিয়া আছেন এবং অতি সাবধানে প্রত্যেক বারে তাঁহাকে পার্শ্ব পারবর্তন করাইয়া দিতেছেন। একজন পরিচারিকা পাশে বসিয়া ব্যজন করিতেছে এবং নবাবের প্রধান চিকিৎসক অনতিদূরে বসিয়া ঔষধ প্রস্তুত করিতেছেন। রাণী অনপূর্ণা আজ লজ্জা ভুলিয়া গিয়াছেন। বদন অব-গুণ্ঠনশূন্য। সম্মুখে ভীষক উপবিষ্ট, তাহা লক্ষ্য নাই।

মাধব চট্টোপাধ্যায় উর্দ্ধ্বাশ্রমে ছুটিয়া সেই কক্ষে প্রবেশ করিলেন। রাজার তদবস্থা দেখিয়া বৃদ্ধ বালকের ঞায় ক্রন্দন করিয়া উঠিলেন। রাণী একবার চক্ষু তুলিয়া মাধবকে দর্শন করিয়া, তখনই দৃষ্টি আনত করিলেন। ঔষধ প্রস্তুত হইলে ভীষক রাণীকে সম্বোধন করিয়া বলিলেন, "মা এই ঔষধ এখনই সেবন করাইয়া দেন।" রাণী স্বহস্তে ভীষকের নিকট হইতে ঔষধ গ্রহণ করিয়া, রাজার অধরে চালিয়া দিলেন। মুহূর্ত্ত মধ্যে ঔষধের ফল ফলিল। যন্ত্রণার লাঘব হইল। রাজা মণিমোহনের অস্থিরতা দূর হইল। এমন সময় জনৈক প্রতিহারী দ্বারদেশে দাঁড়াইয়া সংবাদ দিল, "নবাব সাহেব গৃহে প্রবেশ করিতেছেন।" মাধব রোরুদ্যমানস্বরে রাণী-অনপূর্ণার দিকে দৃষ্টি করিয়া বলিল, "মা, আপনি পাশের ঘরে গমন করুন, নবাব সাহেব আসিতেছেন।" রাণী সে কথায় কর্ণপাতও করিলেন না, অবগুণ্ঠন পর্য্যন্ত মস্তকে তুলিলেন না। একাগ্রদৃষ্টে স্বামীর মুখের দিকে যেমন চাহিয়াছিলেন তেমনই চাহিয়া রহিলেন। মাধবের ইঙ্গিতে পরিচারিকা উঠিয়া রাণীর বদন অবগুণ্ঠনে আবৃত করিয়া দিল। নবাব সূজাউদ্দৌলা কেবলমাত্র উজীর সমভিব্যাহারে কক্ষে প্রবেশ করিয়া অতি

সাবধানে রাজা মণিমোহনের সম্মুখে উপস্থিত হইলেন, উভয়ের দৃষ্টি মিলিত হইবামাত্র নবাব বলিলেন, “রাজা আপনার ছুরবস্ত্রের কথা আমি বিন্দু বিসর্গও জানিতাম না। আজ মাধবের মুখে আপনার কারাবাসের কথা শুনিয়া আপনার নিকট ছুটিয়া আসিতেছিলাম, এমন সময় উজীরের নিকট আপনার পীড়ার সংবাদ পাইলাম। আপনি আমার বহুকালের সুহৃদ, আপনার কারাবাসের কথা শুনিয়াই মর্শ্মাহত হইয়া ছিলাম, বড়ই হর্ষ বিষাদে স্বহস্তে আপনাকে এই ক্লেশকর স্থান হইতে উদ্ধার করিয়া লইয়া যাইবার সাধ করিয়াছিলাম, আপনার বর্তমান অবস্থা দেখিয়া আমার হৃদয় ফাটিয়া যাইতেছে।”

রাজা ক্ষীণস্বরে জিজ্ঞাসা করিলেন “মাধব কোথায়?” মাধব অগ্রসর হইয়া, “প্রভো, গুরো, পিতঃ” বলিতে বলিতে ছিন্নবল্লীবৎ রাজার পদপ্রান্তে বসিয়া পড়িলেন। রাজা মুহূর্তকাল নীরবে থাকিয়া শেষে দীর্ঘনিশ্বাস ত্যাগ করিয়া অতি ক্ষীণস্বরে বলিলেন, “জাঁহাপনা, আপনার এ অপরিমেয় দয়ায় আমার মৃত্যু যন্ত্রণারও লাঘব হইতেছে। আমি জীবিত থাকিলেও আপনার এ দয়ার প্রতিদান কখনই দিতে পারিতাম না। তবে বাঁচিয়া থাকিলে সুখকর ক্রতজ্ঞতা হৃদয়ে বহন করিয়া জীবন আনন্দময় হইত, ভগবান আমার সে আনন্দে বঞ্চিত হইলেন।” বলিতে বলিতে রাজা মণিমোহনের দুই চক্ষে অশ্রু উথলিয়া উঠিল। রাণী বস্ত্রাঞ্চলে সে অশ্রু মোচন করিয়া দিলেন।

মাধবের দিকে দৃষ্টি করিয়া রাজা মণিমোহন ধীরে ধীরে বলিলেন, “মাধব, তুমি আসিয়াছ, আমার সুধাময়ী কোথায়?” বন্ধাজলি হইয়া মাধব সজলনেত্রে বলিলেন “সুধা গৃহে আছে, ভাল আছে।”

রাজা। গৃহে? তাহার আবার গৃহ কোথায়? মাধব অধোবদনে অশ্রু বিসর্জন করিতে লাগিলেন। নবাব সুজাউদ্দৌলার ও উপস্থিত ব্যক্তিগণও আপন আপন চক্ষু মুচিলেন।

রাজা। সুধার বিবাহ দাও নাই?

মাধব। পাত্র স্থির করিয়া আপনার অপেক্ষায় আছি।

রাজা। আমার অপেক্ষা আর করিও না, সত্বর সুধার বিবাহ দিও।

পাত্র কোথায় স্থির করিলে?

মাধব। দক্ষিণ পাড়ার রত্নেশ্বর সুখোপাধ্যায়ের পুত্র—ললিতকুমার। রাজা। অতি সুপাত্রই স্থির করিয়াছ। আমি এখানে থাকিয়াও তাহার বিস্তর গুণের কথা শুনিয়াছি। রাণীর দিকে চাহিয়া বলিলেন, “আশীর্বাদ কর সুধা যেন পতিসুখে সুখিনী হয়।”

রাণী নীরবে শুকনেত্রে পতির মুখের দিকে চাহিয়া রহিলেন, কোনই উত্তর করিলেন না। রাজার ললাটে ঘর্ষবিন্দু হইতেছিল, বস্ত্রাঞ্চলে তাহাই মুছাইয়া দিলেন।

রাজা আবার রাণীর মুখের দিকে চাহিয়া দীর্ঘনিশ্বাস ত্যাগ করিলেন। মুহূর্তকাল পরে নবাব সুজাউদ্দৌলার দিকে দৃষ্টি করিয়া বলিলেন, “জাঁহাপনা, আমার আসন্ন কাল উপস্থিত। আমি বুঝিতেছি আমার প্রাণ বিয়োগ হইবার আর অধিক বিলম্ব নাই। গঙ্গাতীরই আমার এখন উপযুক্ত স্থান। কারাগারে জীবনত্যাগ করিতে না হয় ইহাই আমার শেষ অভিলাষ। আপনি দয়া করিয়া অনুমতি করুন যেন সত্বর আমার এই হৃর্গের বাহিরে গঙ্গার কোন নির্জনতীরে লইয়া যাওয়া হয়।”

ভীষক কহিলেন, “গঙ্গার শীতল বায়ু আপনার স্বাস্থ্যের হানি করিবে, এ অবস্থায় আপনাকে তথায় লইয়া যাইতে সাহস হয় না, পীড়া বৃদ্ধি হইবার সম্ভাবনা। ঔষধ একবারমাত্র সেবন করিয়াছেন, তাহারই আশাতীত ফল দর্শিয়াছে। ক্ষণবিলম্বে আর একবার ঔষধ সেবন করাইব। আমার বিশ্বাস যে আপনি রক্ষা পাইবেন। এ অবস্থায় শীতল বায়ু অঙ্গে স্পর্শ করিলে অপকার হইবে। আপনি এখন গঙ্গাতীরে যাইতে নিরস্ত হন।” রাজা মণিমোহনের মুখে বিরক্তির ছায়া দৃশ্যমান হইল। নবাব সুজাউদ্দৌলার তাহা লক্ষ্য করিয়া ব্যগ্রতার সহিত উজীরকে ইঙ্গিত করিলেন। উজীর ক্রতপদে বহির্দেশে গমন করিলেন এবং মুহূর্তমধ্যে দিব্য পর্য্যাক্ষ গৃহের নধ্যে আনীত হইল। রাজা মণিমোহন কারাবদ্ধ ছিলেন বটে, কিন্তু তাহার সেবার ক্রত হিন্দু দাসদাসী নিযুক্ত ছিল। অনতিবিলম্বে কয়েকজন ব্রাহ্মণ উপস্থিত হইল। রাজা মণিমোহনকে সকলে অতি সাবধানে ধরাধরি করিয়া পর্য্যাক্ষে তুলিলেন, এবং ধীরে ধীরে তাঁহাকে হৃর্গের বহির্ভাগে গঙ্গাতীর অভিমুখে লইয়া চলিল। রাণী অরপূর্ণী রাজার শিরের একাগ্রদৃষ্টিতে পতিমুখ নিরীক্ষণ করিতে করিতে অনুগমন করিতে গ

লাগিলেন। মাধব চট্টোপাধ্যায় পাদদেশে খট্টাঙ্গ ধরিয়ে চলিলেন। নবাব সুজাউদ্দৌলার অনুচরবর্গে পরিবেষ্টিত হইয়া সাক্ষরেন্দ্রে তাঁহাদের পশ্চাত্বর্তী হইলেন। গন্ধাতীরে উপস্থিত হইলে রাজা গন্ধার দিকে চাহিয়া বন্ধাঙ্গলি হইয়া বারম্বার “গঙ্গে, গঙ্গে” উচ্চারণ করিতে লাগিলেন। পরিচারক ব্রাহ্মণেরা তুলসী গাছ আনিয়া তাঁহার শিরোদেশে স্থাপন করিল। রাণী অন্নপূর্ণা শিরোদেশে ভূমিতে জালু পাতিয়া গুফনেন্দ্রে স্বামীর মুখ অবিচল-দৃষ্টিতে দর্শন করিতে লাগিলেন। দেখিতে দেখিতে রাজার নেত্র নিশ্চল হইয়া আসিল। ওষ্ঠকম্পন স্থির হইল। মাধব চীৎকার করিয়া ডাকিল “প্রভো”। রাজার কর্ণে সে কথা আর প্রবেশ করিল না। নবাব সুজাউদ্দৌলার আদেশানুসারে পরিচারিকা রাণী অন্নপূর্ণাকে স্থানান্তরে লইয়া যাইবার জন্ত তাঁহাকে তুলিতে গেল। রাণী পরিচারিকাকে হস্ত দ্বারা নিষেধ করিয়া ধীরে ধীরে, “চুপ, ঘুমুচ্ছেন” বলিয়া অতি সাবধানে রাজার ললাটের ঘর্ষবিন্দু মুছাইয়া দিতে রত হইলেন। সে দৃশ্য দেখিয়া মাধব চট্টোপাধ্যায় আবার চীৎকার করিয়া কাদিয়া উঠিল। রাণী তাঁহার দিকে ক্রুদ্ধদৃষ্টি করিয়া, ধীরে ধীরে বলিলেন, “চুপ, গোল কোর’না, ঘুম এয়েচে।”

নবাবের আদেশে সত্বর চিতা প্রস্তুত হইল। ব্রাহ্মণগণ রাজা মণি-মোহনকে তুলিতে গেলেন। রাণী ক্রুদ্ধদৃষ্টিে তাহাদের দিকে চাহিয়া বলিলেন “কি কর, দেখ্‌চোনা, ঘুমুচ্ছেন।”

উপস্থিত ব্যক্তির সকলেই রাণীর অবস্থা দেখিয়া ক্রন্দন করিয়া উঠিল। ভীষক নবাবের আদেশে অগ্রসর হইয়া রাজা মণিমোহনের প্রতি ক্ষণকাল নিরীক্ষণ করিয়া, সজলনেন্দ্রে রাণী অন্নপূর্ণার দিকে নয়ন তুলিয়া বলিলেন, “মা, রাজা অনন্ত নিদ্রায় নিদ্রিত, আপনি পতিব্রতা হিন্দুরমণী, এক্ষণে পত্নীর ধর্ম পালন করুন; রাজার সংকার করিবার অনুমতি দিন।”

রাণী অন্নপূর্ণা তাঁহার গুফ ময়ন তুলিয়া, ভীষকের দিকে দৃষ্টি করিলেন। সে দৃষ্টি সাহারার মরুভূমি অপেক্ষাও গুফ, প্রশান্ত সাগর অপেক্ষাও অকুল, নিষ্কম্প দীপশিখা অপেক্ষাও স্থির। ভীষক সে দৃষ্টি সহ করিতে পারিলেন না। দূরে সরিয়া দাঁড়াইলেন।

তখন উজীর অগ্রসর হইয়া বলিলেন, “মা, আপনার স্বামী অনন্তধায়ে

চলিয়া গিয়াছেন, এ তাঁর আমার দেহমাত্র পড়িয়া আছে। এই জড় মাংস-পিণ্ডের সংজ্ঞা নাই, সুখ দুঃখ বোধ নাই। আপনি কাহাকে বল করিতেছেন? এক্ষণে শৈথল্য অবলম্বন করিয়া, আপনার স্বামীর ঐহিকের শেষ কার্য সম্পন্ন করুন। ঐ দেখুন চিতা প্রস্তুত, আর বিলম্ব করা বিধেয় নহে।”

রাণী উজীরের দিকে চাহিয়া তাঁহার সকল কথাগুলি শ্রবণ করিলেন। শ্রবণ করিয়া স্বামীর দিকে স্থিরদৃষ্টিে ক্ষণকাল চাহিয়া রহিলেন। একবার করতলে মৃত দেহের ললাট স্পর্শ করিলেন, একবার হৃদয় স্পর্শ করিলেন। শেষে গাত্রোথান করিয়া, শব চিতায় স্থাপন করিবার জন্ত ইচ্ছিত করিলেন।

রোদন-পরায়ণ ব্রাহ্মণগণ অশ্রুবিসর্জন করিতে করিতে রাজা মণি-মোহনের মৃতদেহ চিতায় স্থাপন করিয়া তাহার অগ্নি প্রদান করিলেন। রাণী চিতার পার্শ্বেই দাঁড়াইয়া গুফনেন্দ্রে মৃত দেহের প্রতি চাহিয়া ছিলেন। চিতা জলিয়া উঠিলে, রাণী চিতা প্রদক্ষিণ করিতে করিতে বারম্বার চিতাকে প্রণাম করিতে লাগিলেন। তখন মাধব চট্টোপাধ্যায় ছুটিয়া আসিয়া রাণীর সম্মুখে পতিত হইয়া ক্রন্দন করিতে করিতে বলিলেন, “মা, আপনি এ সঙ্কল ত্যাগ করুন। সুধাকে কাহার কাছে রাখিয়া, যাইতেছেন? আমি বৃদ্ধ হইয়াছি, আর ক’দিন বাঁচিব? আমি মরিলে সুধাকে কে রক্ষা করিবে? শৈশবাবধি সে মাতৃস্নেহে বঞ্চিত, একবার স্মরণ করুন, সে দারিদ্র্য দুঃখে কাতর, আপনাকে পাইলে সে সকল ক্লেশ তুলিয়া যাইবে। বৃদ্ধ ব্রাহ্মণের কথা রাখুন। আমার দুঃখে দয়া না হয়, আপনার গর্ভজাত কন্যার ক্লেশ স্মরণ করিয়া, সহগমনের সঙ্কল্প ত্যাগ করুন।” রাণী অন্নপূর্ণা মাধবের হস্ত ধারণ করিয়া তাঁহাকে তুলিলেন, তুলিয়া কণ্ঠে অঞ্চল বেষ্টন করিয়া, তাঁহাকে প্রণাম করিলেন এবং তাঁর পদধূলি মস্তকে ধারণ করিয়া বলিলেন, “আমি সুধার জন্ত এ সংসারে আসি নাই, স্বামী-সেবার জন্তই আসিয়াছিলাম। সুধার সঙ্গে আমার ইহকালের সম্বন্ধ; স্বামীর সহিত আমার ইহপরকাল উভয় কালেরই সম্বন্ধ। স্বামীর ইহকালের সেবা শেষ হইয়াছে, এখন পরকালের সেবা করিবার জন্ত তাঁর অনুগমন করিতেছি। আপনি ব্রাহ্মণ, আমার পূজ্য, আপনি আমার পতির অনুগমন করিতে নিষেধ করিবেন না।”

আবার বলিলেন, “সুধাকে গর্ভে ধারণ করিয়াছি মাত্র, দিন কতক স্তনপান করাইয়াছি মাত্র। কারাগারে তাহাকে ভাবিবারও অবসর পাই নাই। সুধার জন্ম আমি কাতর হইলে, পাছে স্বামী কাতর হন, সেই জন্ম সুধাকে ভুলিয়াছিলাম। তাহার দেহের কোন চিহ্নই আমার এখন মনে নাই।” বলিতে বলিতে কণ্ঠরুদ্ধ হইয়া আসিল। রানী ক্ষণকাল নীরব হইয়া রহিলেন। আবার বলিলেন, “এতদিন সুধাকে যিনি রক্ষা করিয়াছেন, এখনও তিনিই সুধাকে রক্ষা করিবেন। মালুঘ মালুঘকে রক্ষা করিতে পারে না। যদি তাহা পারিত, তাহা হইলে আপনি আমার স্বামীকে রক্ষা করিতে পারিতেন। আমিও তাঁহাকে রক্ষা করিতে পারিতাম। সুধাকে রক্ষা করিবার জন্ম আমি ভাবি না। সে জানে তাহার মা নাই, তাহার মা যে ছিল, এ কথা তাকে বলিবেন না। আমি সর্বাঙ্গ-করণে আশীর্বাদ করিয়া বাইতেছি যেন সে পতিব্রতা হয়। আমি পাপীমসী, তাই আমার বৈধব্য ঘটিল। সুধাময়ী যেন স্বামীর কোলে মস্তক রাখিয়া প্রাণত্যাগ করিতে পারে, এই আমার শেষ আশীর্বাদ।” বলিতে বলিতে চিতার কাষ্ঠদাহের শব্দ রানীর কণ্ঠে প্রবেশ করিল। “আর বিলম্ব করিতে পারি না, ঐ পতিদের ডাকিতেছেন” এই বলিয়া আবার মাধব চট্টোপাধ্যায়ের পদধূলি মস্তকে ধারণ করিয়া, রানী অন্নপূর্ণা প্রসন্নবদনে ধীরে ধীরে চিতার দিকে অগ্রসর হইলেন এবং চিতাকে প্রণাম করিয়া, জলন্ত অনলে প্রবেশ করিলেন। উপস্থিত ব্যক্তির “হাঁ—হাঁ” করিয়া চীৎকার করিয়া উঠিল। রানী কাহারও কথায় কণপাত না করিয়া, জলন্ত চিতার উত্তিয়া, স্বামীর পদপ্রান্তে বসিলেন ও তাঁহার পদদ্বয় হৃদয়ে ধারণ করিয়া, মুদ্রিতনয়নে পতির মূর্ত্তদেহের সহিত ভঙ্গীভূত হইলেন।

দর্শকমণ্ডলীর বিষয় অপনোদন হইলে, নবাব সাজাউদ্দৌলা রোকনুদ্দীন মাধব চট্টোপাধ্যায়ের নিকট অগ্রসর হইয়া তাঁহাকে হৃদয়ে ধারণ করিয়া, বলিলেন, “মাধব, তোমার স্ত্রীর প্রভুভক্তি বাহার, সে সংসারে দেবতা। আইস, তোমায় হৃদয়ে ধারণ করিয়া, আমার প্রাণ পবিত্র করি। আমার অপরাধ নার্জনা করিও। আমি রাজা মণিমোহনের ছুরবহার কথা বিদ্ব-বিসর্গও জ্ঞাত ছিলাম না। সে কথা আমার জ্ঞাত হওয়া উচিত ছিল। সে জন্ম আমি নিজের কাছেই অপরাধী। অনুতাপে আমার হৃদয় দহ

হইতেছে। এক্ষণে রাজা মণিমোহনের কণ্ঠা যাহাতে সুখে স্বচ্ছন্দে দিন যাপন করিতে পারেন, তাহাই আমার চিরদিনের ব্রত। রাজা মণিমোহনের বিষয় সম্পত্তি যাহা কিছু নবাব সরকারে আবদ্ধ আছে, সকলই প্রত্যর্পণ করিলাম। তদ্ব্যতীত তাঁহার কণ্ঠার বিবাহের যৌতুক স্বরূপ লক্ষ টাকা বার্ষিক আয়ের সম্পত্তি প্রদান করিলাম। তুমি অবিলম্বে দক্ষিণ পাড়ায় গিয়া, তাঁহাকে মুরসিদাবাদে লইয়া আইস। নবাব সরকার হইতে লোকজন ও উপযুক্ত যান লইয়া যাও, অতি সম্বরের সহিত তাঁকে এই স্থানে লইয়া আইস।”

মাধব চট্টোপাধ্যায় অশ্রুমোচন করিয়া বলিলেন, “জাহাপনা, আপনার এত দয়া রাখিবার স্থান আমার ক্ষুদ্র হৃদয়ে নাই। ভগবান আপনার মঙ্গল করুন। সুধাময়ীর বিবাহ দক্ষিণ পাড়াতেই স্থির করিয়াছি; আর বাল্যাবধি সে সেইখানে বাস করিতেছে, সেইখানে থাকিতে পাইলেই সে সুখী হইবে।”

নবাব তাহার আপত্তি না করিয়া, উজীরকে ডাকিয়া দক্ষিণ পাড়ায় সুধার বাসোপযোগী অট্টালিকা ও তাহার বিষয় সম্পত্তির ব্যবস্থা করিয়া দিবার অনুমতি দিয়া, সে স্থান হইতে কারাবাগে যাত্রা করিলেন।

ক্রমশঃ।

ভবের দৃশ্য।

আমি পথিক, বিচরণ করিতে করিতে একদিন সন্ধ্যাকালে একটা পর্বতের পাদমূলে আসিয়া উপনীত হইলাম। নিকটে কোন লোকের বসতি দৃষ্ট হইল না, এ কারণ পর্বতপথে ক্রমশঃ উঠিতে লাগিলাম। অনেক কষ্টে অবশেষে পর্বতের শিখর প্রদেশে আসিয়া উপস্থিত হইলাম।

সন্ধ্যার ছায়ায় পর্বতটী পরিবৃত হইয়া গম্ভীর ভাব ধারণ করিয়াছে। দূরদূরান্তরে সে ছায়া বাইয়া পড়িয়াছে। জগতের কোলাহল নিবৃত্ত হইয়া, শান্তির সমীর ধীরে ধীরে বহিতেছে। প্রকৃতি এখন যোগনিমগ্ন। আকাশতলে বিহঙ্গমগণ পূরবী রাগিনীর স্তন তুলিয়া সেই সঙ্গীতশ্রোতে ভাসিয়া বাইতেছে। সেই সঙ্গীতে মুগ্ধ হইয়া আমি এক ধণ্ড শিলাতলে উপবেশন করিলাম।

অপরিচিত প্রদেশে এমন সময়ে কোথায় যাইব—এই ভাবনা মনে উদ্ভিত হইল। অন্ধকারে পর্কত হইতে 'মিষ্করণ বিপদজনক, বিশেষ অবতরণ করিবার কোন পথ লক্ষিত হইল না, এ কারণ সেই স্থানেই রজনী যাপন করিব স্থির করিয়া মনে মনে ভগবানের নাম স্মরণ করিয়া সেই শিলাতলে শয়ন করিলাম এবং অনতিবিলম্বে নিদ্রাভিত্ত হইয়া পড়িলাম। তদবস্থায় একটা বিচিত্র স্বপ্ন দেখিলাম।

সহসা সেই পর্কতের দক্ষিণ দিক হইতে এক ভয়ঙ্কর শব্দ শুনিয়া চমকিয়া উঠিলাম। দ্রুতপদে তদভিমুখে যাইয়া দেখিলাম—নিম্নে এক প্রচণ্ডবেগা নদী ভীষণ গর্জনে বহিয়া যাইতেছে এবং তাহার মধ্য হইতে মনুষ্যের আর্তনাদ শ্রুত হইতেছে। বর্ষাকুলদয়ে পর্কত হইতে নামিয়া সেই নদীর তীরে আসিয়া দাঁড়াইলাম। এমন ভীষণাকৃতি নদী জীবনে কখনও দেখি নাই। রজনীর অন্ধকার নদীবক্ষে গাঢ়তর হইয়া অগাধ বাসিরশিকে ভয়ঙ্কর করিয়া তুলিয়াছে। সেই অন্ধকার ভেদ করিয়া মধ্য মধ্যে অগ্নি জলিয়া উঠিতেছে এবং তন্মুহূর্তে হৃদয়বিদারক আর্তনাদ উথিত হইতেছে। নদীবক্ষস্থিত ক্রুশাকৃতি পর্কতগহ্বর প্রতিধ্বনিত করিয়া সিংহ ব্যাঘ্র প্রভৃতি হিংস্র জন্তুর গর্জন শ্রোতনাদে মিশিয়া সম্রাস উৎপাদন করিতেছে।

এই ভয়ঙ্কর দৃশ্য দেখিয়া স্তম্ভিত হইয়া পড়িলাম। সহসা পশ্চাৎগের সেই পর্কত প্রজ্জ্বলিত হইয়া উঠিল। সেই প্রচণ্ড অগ্নির তাপ আসিয়া প্রাণকে ব্যাকুল করিয়া তুলিল। মহা বিপদে পড়িলাম। আকুলদয়ে নদীতীরে ছুটিতে লাগিলাম। অকস্মাৎ এক অলৌকিক রূপলাবণ্যবতী রমণী অবতীর্ণ হইয়া আমাকে আশ্বাসবচনে কহিলেন “ভয় নাই, তুমি আমার সঙ্গে আইস, আমি তোমাকে নদী পার করাইয়া নিশ্চিতপুরে পাঠাইয়া দিব।” এই বিপদের সময়ে এইরূপ সাহসনা পাইয়া মনে বল পাইলাম, তথাপি রজনীযোগে অপরিচিতা রমণীর সহিত যাইতে মন সঙ্কচিত হইল। রমণী আমার মনোগত ভাব বুঝিয়া সহাস্রবদনে গর্কিতবচনে কহিলেন “পথিক! তোমার শ্রায় এইরূপ বিপদে পড়িয়া কত লোক আমার শরণাপন্ন হইয়া উদ্ধার হইয়া গিয়াছে। এ বিপদে লালসাময়ী ভিন্ন তোমার উদ্ধার কে করিবে?” আমি সে মুখের দিকে তাকাইয়া সে রূপমাধুরীকে

বিমুগ্ধ হইয়া গেলাম। আর কিছুমাত্র বাক্যব্যয় না করিয়া তাঁহার অনুসরণ করিলাম।

কিয়দূর গমন করিয়া নদীবক্ষে এক বিচিত্র সেতু দেখিতে পাইলাম। ঐ সেতু যাইয়া নদীবক্ষস্থিত এক প্রশস্ত শৈলে মিশিয়াছে। লালসাময়ীর সঙ্গে সেতুপথে গমন করিয়া সেই শৈলে উপনীত হইবামাত্র পশ্চাদ্ধিক হইতে দ্বার রুদ্ধ হইয়া গেল, প্রতিনিবৃত্ত হইবার আর সম্ভাবনা রহিল না।

যে শৈলে আসিয়া উপস্থিত হইলাম তাহার নাম বিলাসশৈল। কস্মনাশা নদীর প্রবল স্রোত ভেদ করিয়া সেই বিচিত্র শৈল বিরাজ করিতেছে। একটা প্রশস্ত গহ্বর অপূর্ণ আলোকে সমালোকিত। কত অমূল্যরত্নরাজি তাহাতে সঞ্চিত রহিয়াছে। মধ্যস্থলে স্থাপিত মণিমুক্তাখচিত স্বর্ণ সিংহাসনে বিলাসময়ী সমাসীন, তদীয় চরণতলে নিদ্দিষ্ট আসনে আমি উপবেশন করিলাম। কত শত সহচরী বিচিত্র বেশভূষায় সজ্জিত হইয়া চামর ব্যাজন করিতে লাগিল। সেই প্রমোদাগারের প্রত্যেক প্রান্ত হইতে বীণা বাদিত হইতে লাগিল অমনি সঙ্গীতের মোহন মুচ্ছনায় একেবারে ডুবিয়া গেলাম। হান্ত প্রমোদ ও কোতুকে সকলেই প্রমত্ত হইয়া উঠিল। ক্রমে সকলে সুরাপানে মত্ত হইয়া নৃত্য করিতে লাগিল। সেই সময়ে গহ্বরের একটা দ্বার উদ্বাচিত হইয়া গেল এবং বিকটাকৃতি বহুতর পুরুষ আসিয়া রমণীগণের কেশাকর্ষণ করিয়া পলায়ন করিল। কি বীভৎস দৃশ্য। প্রাণ কাঁপিয়া উঠিল। পরক্ষণেই প্রমোদাগারের চারি পার্শ্বে সহস্র দ্বার উদ্বাচিত হইয়া গেল। যাহা দেখিলাম তাহাতে প্রাণ উড়িয়া গেল। কেহ কাহারও বক্ষে পদাঘাত করিতেছে। কেহ শাপিত অশির দ্বারা কাহারও মস্তক দ্বিখণ্ডিত করিতেছে। কেহ কাহাকে প্রজ্জ্বলিত অগ্নিতে নিক্ষিপ্ত করিতেছে। কেহ কাহাকে বান্ধিয়া কস্মনাশা নদীতে ফেলিয়া দিতেছে। কেহ অস্ত্রের বৃকের মাংস ছিড়িয়া খাইতেছে। কেহ ভীষণাকৃতি সর্প আনিয়া অস্ত্রের গলদেশে বান্ধিয়া দিতেছে। এই অসংখ্য লোকের মধ্যে ছয়টা পুরুষ বিষম অনর্থ ঘটাইতেছে। একজন লালসাময়ীকে স্বন্ধে করিয়া ভীষণবেগে ছুটিতেছে এবং সম্মুখে যাহাকে পাইতেছে তাহার মস্তক ছিন্ন করিয়া মালা গাঁথিয়া লালসাময়ীর গলায় পরাইয়া দিতেছে। একজন আনন্ডিমলোচনে যাহার দিকে চাহিতেছে সেই অজ্ঞান হইয়া পড়িতেছে।

একজন হস্তস্থিত সূক্ষ্ম জালে সকলকে বাঁধিয়া লইয়া যাইতেছে। একজন যাহাকে স্পর্শ করিতেছে সেই বিচেনন হইয়া পড়িতেছে। অপর দুই জন কাহাকেও গ্রাহ না করিয়া সকলকে পদদলিত ও বক্ষবিদারিত করিয়া চলিয়া যাইতেছে।

এই ভীষণ দৃশ্য দেখিয়া আমি প্রাণভয়ে পলাইবার উপক্রম করিতেছি, এমন সময়ে লালসাময়ীর ইঙ্গিতে সেই ছয় জন পাপপুরুষ আসিয়া আমাকে ধরিল এবং নিমেষমধ্যে আমাকে সেই ভয়ঙ্কর নদীবক্ষে নিক্ষিপ্ত করিল। সেই সময়ে শুভাদৃষ্ট বশতঃ আমি আকুলপ্রাণে পতিতপাবন শ্রীহরির নাম স্মরণ করিলাম এবং আমার হস্তে "যে হরিনামের কবচ ছিল তাহা স্মরণ করিয়া মনে সাহস পাইলাম। সেই নামের মাহাত্ম্যে আমি জলে নিক্ষিপ্ত না হইয়া একটা ক্ষুদ্র শৈলখণ্ডের উপর নিপতিত হইয়া অজ্ঞান হইয়া পড়িলাম। কিয়ৎক্ষণ পরে চেতনা পাইয়া আকুলপ্রাণে রোদন করিতে লাগিলাম। যখন হৃদয় অনুতাপের তীব্রদংশনে ব্যাকুল হইয়া উঠিল, তখন সম্মুখে একটা শৃঙ্খল দেখিতে পাইয়া তাহার আকর্ষণ করিবামাত্র অতি দ্রুতবেগে একটা ক্ষুদ্র তরণী আসিয়া সংলগ্ন হইল, তাহাতে আরোহণ করিবামাত্র চিত্ত আশ্বস্ত হইল। সেই তরণীতে তটপ্রদেশ হইতে বে লক্ষমান শৃঙ্খল সংযুক্ত ছিল তাহা আকর্ষণ করিবামাত্র আমি তটসন্নিকটে যাইয়া উপনীত হইলাম।

উৎসাহভরে তটে নামিয়া কৃতজ্ঞচিত্তে হরিনাম করিতে লাগিলাম। মুহূর্ত্ত মধ্যে সমুদয় ঘানি ও অবসাদ বিদূরিত হইল। এমন সময়ে এক অপূর্ণ দেবকন্যা আমার সম্মুখে আসিয়া কৃপাদৃষ্টিতে আমার দিকে চাহিয়া কহিলেন "পথিক! তুমি আমার অনুবর্তী হও, তোমাকে আর ক্রেশ পাইতে হইবে না, তুমি অবলীলাক্রমে এ নদী পার হইয়া অপর পারে যাইয়া নিষ্কৃতি পাইবে। এ পারে থাকিতে তোমার মঙ্গল নাই।" আমি কাতরভাবে কহিলাম "দেবি! আমি একবার প্রতারিত হইয়াছি—আমি আর পার হইতে চাহি না। এই খানেই এ ঘোর রজনী অতিবাহিত করিব।" রমণী প্রশান্তভাবে ধীরে ধীরে কহিলেন "এ স্থানে তুমি কখনও তিষ্ঠিতে পারিবে না। অচীরে ঐ কৰ্মনাশা নদীর প্লাবনে অনন্ত বিষাদ সাগরে ভাসিয়া যাইবে। এই বেলা পার হইয়া নিশ্চিন্তপুরে যাইয়া আশ্রয়

গ্রহণ কর। আমি সাধনা, আমার কথায় তুমি কখনও প্রতারিত হইবে না। যদি নিজেকে রক্ষা করিতে চাও, তবে আর বিলম্ব করিও না।"

সহসা সন্নিহিত নদীর তিমিরাবৃত বারিরাশি স্ফীত হইয়া গভীর গর্জনে নিনাদিত হইয়া সন্ত্রাস উৎপাদন করিল। আসন্ন বিপদ দেখিয়া প্রাণ উড়িয়া গেল। কাতরভাবে দেবী সাধনার চরণে নিপতিত হইয়া কহিলাম "দেবি! আমার রক্ষা করুন, আমি আপনার চরণে আশ্রয় লইলাম।" দেবীর চরণস্পর্শ মাত্র আমি যেন সম্পূর্ণ নবজীবন প্রাপ্ত হইলাম। অদম্য সাহস ও উৎসাহে হৃদয় স্ফীত হইয়া উঠিল। সগর্বে তখন নদীর দিকে চাহিয়া কহিলাম "কৰ্মনাশা! তুমি আমাকে আর কি ভয় দেখাইতেছ, আমি তোমার বক্ষে পদাঘাত করিয়া হাসিতে হাদিতে পার হইয়া যাইব।" দেবী সাধনা আমার উৎসাহদর্শনে পরিতুষ্ট হইয়া কহিলেন "পথিক! যদি পার হইবার ইচ্ছা থাকে, তবে আর বিলম্ব করিও না। তুমি যাহা সহজ মনে করিতেছ, প্রকৃত প্রস্তাবে তাহা সহজ নহে। যে উপায়ে পার হইতে পারিবে, আইস আমি দেখাইয়া দিব।"

তদনন্তর দেবী সাধনার সঙ্গে সঙ্গে নদীতট বাহিয়া চলিতে লাগিলাম। কিয়দূর গমনের পর নদীর বক্ষে একটা স্মৃদুট লৌহসেতু দেখিতে পাইলাম। সেই সেতুর সমীপবর্তী হইলে দেবী প্রসন্নভাবে কহিলেন "যদি ইচ্ছা কর তবে এই পথে গমন করিতে পার।"

উৎসাহহৃদয়ে সেতুপথে গমন করিবামাত্র সম্মুখে এক বিশাল দ্বার বিদ্যমান দেখিতে পাইলাম। সেই দ্বারদেশে এক মহাতেজস্বী মহাপুরুষ এক হস্তে এক খানি গ্রন্থ ও অপর হস্তে তীক্ষ্ণ তরবারি ধারণ করত উপবিষ্ট রহিয়াছেন। পবিত্রতার সে জলন্ত মূর্ত্তি দেখিয়া বিমুগ্ধ ভাবে তদীয় চরণতলে প্রণত হইয়া ভক্তিভাবে কহিলাম "দেব! দ্বার উন্মুক্ত করিয়া দিউন—আমি এই পথে এ নদী পার হইব।" মহাপুরুষ প্রসন্নভাবে কহিলেন "বৎস! অগ্রে প্রস্তুত হও, অগ্রে এই গ্রন্থ পাঠ করিয়া চিত্তকে দৃঢ় কর, তখন এই তরবারি হস্তে সকল বাধা বিপত্তি অতিক্রম করত পার হইতে পারিবে। এখন গমন করিলে বিপদে পড়িবে।" সেই অপরিচিত গ্রন্থ দেখিয়া তাহা যে আয়ত্ত করিতে পারিব অথবা নিজীব হইয়া যে তরবারি ধারণ করিতে পারিব সে আশা মনে স্থান পাইল না।

কাতরভাবে সজলনয়নে দাঁড়াইয়া ধূলিলাম। তখন মহাপুরুষ আমার মনোগত ভাব বুঝিয়া প্রীতবচনে কহিলেন “তুমি এই নদীর তট বাহিয়া যাও, তোমার স্বদেশবাসী এই নদীর উপর যে সেতু নির্মাণ করিয়াছেন, তাহা দিয়া পার হওরা তোমার পক্ষে সহজসাধ্য হইবে।” আমি ভক্তিতাবে তাঁহার চরণে প্রণিপাত করিয়া প্রতিনিবৃত্ত হইয়া দেখিলাম দেবী সাধনা নদীতটে দাঁড়াইয়া আছেন। তিনি আমাকে পুনরায় পথ প্রদর্শন করিয়া চলিতে লাগিলেন। পথে যাইতে যাইতে দেবী কহিলেন “এই নদীর উপর বহুতর সেতু আছে, সকলগুলি সমান দৃঢ় বা-প্রশস্ত নহে, তবে সকল গুলিই নিপুণ শিল্পীগণ কর্তৃক বিনির্মিত, সতর্কভাবে চলিলে প্রত্যেক সেতু দিয়াই পার হওয়া যায়। তবে অনেক সেতু আছে যাহারা অপর পার পর্যন্ত যায় নাই। তুমি সেইরূপ একটা সেতুপথে যাইয়া বিপদে পড়িয়াছিনো। সাবধান, সেরূপ পথে কখনও যাইও না।” আমি কাতরভাবে কহিলাম “দেবি! যে পথে অধিকাংশ লোকের গত্যাত, আমাকে সেই পথ দেখাইয়া দিউন।”

এই কথা বলিবামাত্র সম্মুখে এক সুরম্য সেতু দেখিতে পাইলাম। হৃদয় আনন্দে নৃত্য করিতে লাগিল, উৎসাহচিত্তে প্রবেশ করিয়া দেখিলাম দ্বারদেশে এক অনুপম মূর্তি প্রসন্নতা ও পবিত্রতা বিকিরণ করিয়া বসিয়া আছেন, তাঁহার চরণতলে একখানি সুরম্য গ্রন্থ শোভা পাইতেছে। সেই কমলীয় মূর্তি খানি দেখিলে তাঁহাকে দেবশিশু বলিয়া বোধ হয়। এ কি! হায় ঐ স্কুমার দেহ শোণিতলিপ্ত কেন? ঐ শোণিতরঞ্জিত হইয়া দেহের কি অপূর্ণ শোভা বিকসিত হইয়াছে। না, না, উহা শোণিত নহে, নতুবা উহার সৌরভে দিগ্দিগন্ত এতদূর আমোদিত হইবে কেন? তন্ত্রির উচ্ছ্বাসে উচ্ছ্বসিত হইয়া আমি তাঁহার চরণতলে বসিয়া কহিলাম “দেবি! আমি এই পথে গমন করিব, আপনি দ্বার উদ্ঘাটিত করিয়া দিন!” তখন সেই দেবশিশু প্রসন্নবদনে কহিলেন “তুমি ভারতবাসী হইয়া পুর হইবার জন্য এত ব্যাকুল হইয়া বেড়াইতেছ কেন? তোমার স্বদেশবাসী তোমাদের জন্য যে পথ প্রস্তুত করিয়া রাখিয়াছেন, তাহাই তোমার পক্ষে সুরম্য হইবে, তথাপি যদি তুমি এই পথে গমন করিতে চাও, তবে নিষেধ করি না, তুমি এই গ্রন্থ পাঠ করিলে কিরূপে যাইতে হইবে তাহা বুঝিতে পারিবে।” এই

বলিয়া তিনি সেই গ্রন্থখানি আমার হস্তে সমর্পণ করিলেন। আমি গ্রন্থের পৃষ্ঠাদি একে একে উদ্ঘাটিত করিয়া মোটামুটি বাহা দেখিলাম তাহাতে সকল কথা বুঝিতে পারিলাম না, বাহা বুঝিলাম তাহাতে যার পর নাই পরিতুষ্ট হইলাম। তথাপি যেন মনের আবেগ নিবৃত্ত হইল না। মনে আশঙ্কা হইল, এ গ্রন্থে যে ত্রিমূর্তির উল্লেখ আছে, তাঁহাদিগকে প্রসন্ন না করিতে পারিলে ত আমার উদ্ধার হইবে না। সেই তিন জনকে সমভাবে দেখা আমার পক্ষে দুঃসাধ্য, কোন প্রকার ক্রটি হইলে আমি পার হইতে পারিব না। ইহা অপেক্ষা কি সহজ পথ নাই? তখন প্রকাশ্বে সেই মহাপুরুষকে কহিলাম “দেব! আমার স্বদেশবাসী যে সেতু নির্মাণ করিয়াছেন, তাহা কোথায়? আমি সেই পথে পার হইব বলিয়া মানস করিয়াছি।” তন্মুহুর্তে দেবী সাধনা আসিয়া বলিলেন—“আইস আমি দেখাইয়া দিব।”

পুনরায় চলিতে লাগিলাম। কিয়দূর গমন করিলে কৰ্মনাশা নদী-বক্ষে এক বিচিত্র বিরাট সেতু দেখিতে পাইলাম। দেখিয়া বুঝিলাম অতি প্রাচীন কালের সেতু অথচ কেমন সুদৃঢ়ভাবে সন্তোজে দাঁড়াইয়া রহিয়াছে। গঠন প্রণালী দেখিয়া চিনিতে পারিলাম? গৌরবে হৃদয় নৃত্য করিতে লাগিল, নয়নে আনন্দাশ্রু উদ্গাত হইল।

অগ্রসর হইয়া দেখিলাম, সেতু প্রবেশের অনেকগুলি সুরম্য দ্বার রহিয়াছে। প্রথম সিংহদ্বারে যাইয়া দেখিলাম জটাজুটধারী মহাতেজস্বী ঋষিগণ ধ্যাননিমগ্ন রহিয়াছেন। মধ্যে মধ্যে প্রণবের সুরভীরাগিনি তৎ-প্রদেশকে প্রতিধ্বনিত করিয়া আকাশে বিদ্যমান হইয়া যাইতেছে। প্রতিভা ও পবিত্রতার কি সুরমধুর দৃশ্য! তাঁহাদের নখদর্পণে অনন্ত কোটি ব্রহ্মাণ্ডের প্রতিবিম্ব প্রতিফলিত রহিয়াছে, তাঁহারা নিমেষন্যে সমুদ্র প্রণিধান করিতেছেন। সেই বিশাল দ্বারের সম্মুখে একটা মনোহর তরুশাখায় দুইটা পিহঙ্গু বসিয়া আছে, একটা বিহঙ্গ তাপসগণের নিকট প্রণব সঙ্গীত শিখিয়া অপর বিহঙ্গকে তাহা শুনাইতেছে এবং আনন্দধারায় তাহার মর্দঙ্গীয় জতিষিক্ত হইতেছে। উত্তরের মধ্যে কি অপূর্ণ মিলন দেখিয়া মুগ্ধ হইলাম। অগ্রসর হইব কি—আমি সে স্থানের অপূর্ণ দৃশ্য ও গুরু গাণ্ডীয়া দেখিয়া স্তম্ভিত হইলাম, ধীরে ধীরে দেবী সাধনাকে কহিলাম

“আমি ক্ষুদ্র কীটানুকীট, আমার সাধ্য কি যে এই পথে পার হইব, আমি এ পথের অযোগ্য, আমাকে অত্র কোন সহজ পথে লইয়া চলুন।” তখন পাশ্ববর্তী দ্বিতীয় দ্বারে আসিয়া যাহা দেখিলাম তাহাতে চিত্ত পুলকিত হইল। দেখিলাম কত দেবতার প্রতিমূর্তিতে স্থানটী শোভিত রহিয়াছে। সেই দেবমূর্তির চরণতলে বসিয়া কত ব্রাহ্মণগণ পবিত্রভাবে পূজা অর্চনা করিতেছেন। পূজা পদ্ধতির বিবিধ মন্ত্র ও অনুষ্ঠান দেখিয়া বিস্মিত হইলাম। সে প্রকাণ্ড ব্যাপার দেখিয়া মনে মনে ভাবিলাম “ক্রিয়াকলাপের এ অগাধ সমুদ্রে সন্তরণ দিয়া পার হওয়া আমার সাধ্য নহে—সিংহদ্বারে যে ব্যাপার দেখিলাম, ইহা তাহারই অভিনয় মাত্র, এ পথে অগ্রসর হওয়া আমার সাধ্য নহে।” নিরাশভাবে প্রত্যাবর্তন করিয়া পার্শ্বে এক বিচিত্র বিশাল দ্বার অবলোকন করত উৎসাহিতচিত্তে অগ্রসর হইয়া এক দিব্যকান্তি মহাতেজস্বী যোগীকে দর্শন করিয়া মসজ্জমে স্তম্ভিত হইয়া দাঁড়াইলাম। শান্তসমাহিত স্থানে যেন বিষাদকে পদদলিত করিয়া প্রফুল্লতা হাসিতেছে। দ্বারের সম্মুখে “নির্কারণপথ” এই শব্দগুলি স্তবর্ণ অক্ষরে খোদিত রহিয়াছে। তদুপরি কি মনোহর চিত্র। একটা নদী বহিয়া যাইতেছে, তাহা হইতে অবিরত বাষ্প কুয়াটিকা উঠিতেছে, তাহারই মধ্য দিয়া বিছাৎরেখার জায় সেই মহাতেজস্বী যোগী প্রতিভা ও পুরুষকার সংযোজিত রথে আরোহণ করিয়া অমিতবেগে ছুটিতেছেন এবং তাঁহার পশ্চাৎ পশ্চাৎ অসংখ্য নরনারী মহোন্মাদে মহাযাত্রা করিতেছেন। আমি মুগ্ধভাবে সেই চিত্র অবলোকন করিতে লাগিলাম। আমার বিলম্ব দেখিয়া দেবী সাধনা আমাকে কহিলেন “তুমি যে সকল পথ দেখিয়া নিরাশ ভাবে ফিরিয়া আসিয়াছ, এ পথ তাহা অপেক্ষা সুগম নহে। তুমি আমার সঙ্গে আইস, তোমাকে সহজ পথ দেখাইয়া দিব।”

অনন্তর দগ্নিহিত হইবামাত্র ভাগীরথীর কোমল তরঙ্গায়িত ভাষায় সুমধুর সঙ্গীত শুনিয়া উন্মাদে উৎফুল্ল হইলাম। সম্মুখে দুইটা সুসম্য দ্বার পরিলক্ষিত হইল, মধ্যে একটা প্রাচীর ব্যবধান মাত্র। দক্ষিণ পার্শ্বস্থ দ্বারে কুমুমাস্তীর্ণ তুলসীমঞ্চ দিব্যকান্তি এক নবীন সন্ন্যাসী উন্নতনয়নে ভাবে বিভোর হইয়া কি অপরূপ মাধুরী নিরীক্ষণ করিতেছেন, হৃদয়ের সে ভাবোচ্ছ্বাস নয়নযুগলে বিভাসিত হইতেছে। দ্বারের উপরিভাগে “হরিনাম

সত্য; হরেনামৈব কেবলম্” ইত্যাদি কত কি কথা পরিখোদিত রহিয়াছে। তাঁহার বাম পার্শ্বস্থ দ্বারে কুমুমপরিশোভিত সমুন্নত বেদীর উপর প্রতিভার প্রত্যক্ষ প্রতিমূর্তিবৎ এক মহাপুরুষ রাজমুকুট ধারণ করিয়া ধর্মের পবিত্র ভূষণে সংবৃত হইয়া ভাবসাগরে নিমগ্ন রহিয়াছেন। সেই দ্বারের উপরি-ভাগে “ওঁ একমেবাদ্বিতীয়ম্, তস্মিন্ প্রীতি তন্ত্র প্রিয়কার্য সাধনম্” ইত্যাদি, কত কি মহামূল্য কথা সকল খোদিত রহিয়াছে। উভয়েই আমার স্বদেশী। উভয়েই পাশাপাশি বসিয়া আমার তায় পাতকী জনকে আহ্বান করিতে-ছেন। আমি উভয়ের চরণে প্রণিপাত করত সজলনয়নে ভক্তিভাবে দণ্ডায়মান রহিলাম। উভয়েই বাহুপ্রসারণ করিয়া আমাকে মধ্যস্থানে বসাইলেন এবং প্রীতবচনে কহিলেন “বৎস! যাহাতে লোকে এই কস্মিনাশী নদী পার হইয়া নিরাপদে নিশ্চিতপূরে যাইতে পারে তজ্জন্তু আমরা এই বিরাট সেতুর উপর এই দুইটা সহজগম্য পথ বিনির্মিত করিয়াছি। এই পথ সুগম ভাবিয়া আজ কাল অনেকেই ইহার পথিক হইতেছে। আমাদের এই দুই পথের মধ্যে যে ক্ষুদ্র প্রাচীর ব্যবধান আছে তাহা ভগ্নপূর্বক আমরা একটা প্রশস্ত পথ করিবার মানস করিয়াছি। যাহারা পঙ্গু বা অসক্ত তাহাদের জন্ত একটা দোলা প্রস্তুত হইতেছে, ভক্তগণ তাহার বাহক। অপেক্ষা কর এই প্রশস্ত পথ ও দোলা সম্পূর্ণ হইলেই তোমাকে পার করিয়া দিব।”

তনুহুর্ভে দেখিলাম শত শত ভক্তবৃন্দ আসিয়া হরিনামকীর্তনে প্রমত্ত হইয়া উৎসাহভরে সেই প্রাচীর ভগ্ন করিয়া নিম্নে নদীবক্ষে নিষ্কিপ্ত করিলেন, তাহাতে এক ভীষণ শব্দ উৎপন্ন হইল এবং তৎক্ষণাৎ আমার নিদ্রাভঙ্গ হইল। জাগ্রত হইয়া দেখিলাম সেই পর্বতের দক্ষিণ পার্শ্বস্থ এক খণ্ড বৃহৎ শিলা স্থলিত হইয়া অধঃপতিত হইয়াছে। এ দিকে রজনী অবসানপ্রায় হইয়াছে। সমস্ত শরীর কাঁপিতেছে, প্রাণ উড়িয়া গিয়াছে। নিজের হৃদশূন্য বিষয় ভাবিয়া তখন আকুলপ্রাণে রোদন করিতে লাগিলাম।

হিমাচল।

হিমাচল সম্বন্ধে অনেকের অনেক প্রকার ধারণা আছে। থাকিবারই কথা। হিমগিরির অসীম সম্পদ, অতুল সমৃদ্ধি, ‘অনন্তরত্নপ্রভব’। স্বয়ং

জগজ্জননী আদ্যাশক্তিই যাহার কণ্ঠা, 'তাঁহার অণু বিভবের কথা বলাই নিশ্চয়োজন। পৌরাণিক প্রবাদ গুরু রূপকরূপে ব্যবহৃত হইয়াছে ধরিলেও, বড় কম গৌরবের কথা নয়। এ ছাড়া, ভারতের কি প্রাচীন, কি আধুনিক, ছোট বড় সকল কবিই যথাসাধ্য গিরিবরের যশোগান করিয়া ধন্য হইয়াছেন ও হইতেছেন; আর ইহাও নিশ্চিত, মহতের গুণগান যতকাল পর্য্যন্ত কবিত্বের বিষয়ীভূত থাকিবে, ততকাল পর্য্যন্ত এই গুণকীর্তনের বিরতি হইবারও সম্ভাবনা নাই। পুরাণ ও জাতীয় সাহিত্যে যাহাদের আস্থা আছে, হিমাচল সম্বন্ধে তাঁহাদের এক অতি বর্ণনাতীত অত্যাচ্ছ ধারণা— হিমালয়ের নামেই তাঁহাদের মনে কেমন যেন বিশ্বাস ও ভক্তি স্বতঃই উদ্ভিক্ত হইয়া থাকে—কেমন যেন নয়নপ্রাপ্ত স্বতঃই জলভারাক্রান্ত হয়—গিরীশ্রেণীর পাদমূলে উপনীত হইয়া অতীত কাহিনী গুণিতে ও ভারতের মর্ম্মকথা জ্ঞাপন করিতে কেমনই যেন বাসনা জন্মে। তবু যে পৌরাণিক ও কবিগণের প্রসাদাৎ হিমালয়ের ঈদৃশ গৌরব প্রচারিত হইয়া আসিতেছে, তাঁহাদের মধ্যে অনেকেই আদৌ হিমগিরি দর্শন করিয়াছিলেন কি না বিলক্ষণ সন্দেহের বিষয়। চাক্ষুষ দর্শন না থাকায় সচরাচর উঁহাদের বর্ণনায় অসামঞ্জস্য পরিলক্ষিত হয়, স্থানে স্থানে অবাস্তব বিষয়েরও অবতারণা দেখিতে পাওয়া যায়। স্থল বিশেষে কাল্পনিক চিত্র সূকবির সৌন্দর্য্য-প্রসারিণী তুলিকায় অতি মনোহরভাবে অঙ্কিত হইয়াছে সত্য,—এই চিত্রগুলি জগতের সাহিত্যভাণ্ডারের অতি অমূল্যনিধি, তাহাতেও সন্দেহ নাই,—কিন্তু কল্পিত কথায় মনোমুগ্ধ হইলেও প্রকৃত জ্ঞানলাভ হয় না। এই কারণে অনেকের পক্ষে হিমালয় কেমন যেন চিরপ্রহেলিকাময়,— অজ্ঞেয়তারূপ গাঢ় কুজ্বাটীসমাচ্ছন্ন।

আরও একটি কথা আছে। ভূধরসমাজে উচ্চতায় সর্বশ্রেষ্ঠ বলিয়া হিমালয়ের বিলক্ষণ পশার ত আছেই—অধিকন্তু গিরিবর বিস্তৃতিতেও পৃথিবীর মধ্যে শ্রেষ্ঠ পর্তত। আসামের পূর্বপ্রান্ত হইতে সুদূর কাশ্মীরের সীমান্তপ্রদেশ পর্য্যন্ত সরলরৈখিকভাবে অন্ততঃ দ্বিমহস্র মাইল ইহার দৈর্ঘ্য, আর ১৫০ হইতে ৩০০ মাইল পর্য্যন্ত ইহার পরিসর। এই সুবিস্তীর্ণ ভূভাগের অতি স্থূলরূপেও সাধারণ বর্ণনা বা সাধারণ জ্ঞান হওয়া কষ্টসম্ভব। যিনি একবারমাত্র দার্জিলিং বা শিমলায় বেড়াইতে গিয়া মনে করেন—

“বস, হিমালয় দর্শন করিয়া লইলাম”—তাঁহার অন্ধের হস্তীদর্শনের ত্রায় একটা ভ্রমাত্মক ধারণা হয় মাত্র;—গিরিরাজের মহত্ব বা বৈচিত্র্য অত সহজে কাহারও ইন্দ্রিয়বিষয়ীভূত হইবার নয়।

আরও একটি কথা—জ্ঞানগর্ভিত পাঠকগণ দয়া করিয়া মার্জনা করিবেন, আমরা সকলেই কি দেখিতে জানি? মনে করুন আমি পল্লী-নিবাসী ভদ্রলোক, কার্য্যগতিকে একবার কলিকাতায় আসিয়াছি, দুইটি দিন মাত্র অবস্থান করিব। ইহার মধ্যে আমাকে বিষয়কর্ম্মাদি নিকর্ষ হইয়া হাইকোর্ট ও তুর্গাদিদর্শনান্তে ষাটঘর, পশুশালা ও শিবপুরের বৃক্ষ-বাটিকা দেখিতে হইবে। ট্রামের দক্ষিণা ও নৌকা ভাড়ায় নগদ টাকাটাক খরচ করিয়া দুই দিনের মধ্যেই 'আমার অভীক্ষিত দর্শনকার্য্য সুসম্পন্ন হইয়া গেল। কেহ যদি ষাইবার কারণ জিজ্ঞাসা করেন, তাঁহাকে সহুত্তর দেওয়া বড় সহজ ব্যাপার নয়। মুখে যাহাই বলি—'কলিকাতায় আসিলে ঐ সকল স্থানে ষাইবার রীতি আছে, নতুবা দেশে গিয়া পশার জমাইব কি প্রকারে'—ইহাই প্রকৃত হেতু। ঐ সকল স্থানে কিছু শিখিবার আছে কি না, সে কথা স্বপ্নেও মনে স্থান পায় না। অথচ এক ষাটঘরের কোনও এক ক্ষুদ্রতম প্রকোষ্ঠে আমাদের বিশ্ববিদ্যালয়ের শীর্ষস্থানীয়দিগেরও অবশিষ্ট জীবনের জ্ঞানক্ষুধানিবৃত্তির উপযোগী অপর্ষ্যাপ্ত আহাৰ্য্য নিহিত রহিয়াছে! তবেই দেখুন, 'দেখিলাম' বলা বেশই সহজ, কিন্তু দেখিতে জানা তত সহজ নয়, ফলতঃ দেখিতে শেখাই চরম শিক্ষা। দেখিতে জানিতেন বলিয়া ভারতে পূর্বমনীষিগণ পূর্ণাঙ্গ আয়ুর্বেদ ও সূক্ষ্মাদিপি সূক্ষ্ম জ্যোতীষ শাস্ত্রাদি প্রণয়ন করিয়া জগতের কল্যাণসাধন করিয়া গিয়াছেন, আর দেখিতে জানি না বলিয়া আমাদের মুষ্টিমধ্যগত অন্ন কোথায় চলিয়া যাইতেছে আমরা দেখিতে পাইতেছি না।

একটা আধুনিক দৃষ্টান্ত দিব কি? লাট ডালহৌসির শাসনকালে Sir Joseph Hooker নামক একজন উদ্ভিদবিদ পণ্ডিত ভারতবর্ষে অতি অল্পকাল অবস্থান করিয়া হিমাচলের অংশমাত্র পরিদর্শন করত Himalayan Journals নামক এক অতি উপাদেয় গ্রন্থ লিখিয়াছিলেন। এই গ্রন্থ এতই উৎকৃষ্ট হইয়াছে যে ইংরাজি সাহিত্যের অগ্রতম-রত্নরূপে পরিগণিত হইয়া থাকে। তবু হকার সাহেব গিরিবরের পৌরাণিক ও

সাহিত্যিক গৌরব আদৌ উপলব্ধি করিতে পারেন নাই। আমরাও ত অনেকে হিমালয় দর্শন করিয়াছি বলিয়া স্পর্ধা করিতে অত্যন্ত সমুৎসুক— কৈ তাদৃশ কোনও পুস্তক ত অদ্যাপি দেখিতে পাই নাই।

আমরা দেখিতেই যখন জানি না, তখন দেখিবার জন্ম যে একটা আগ্রহ বা কষ্ট স্বীকার, তাহাও স্মতরাং আমাদের নাই। রাস্তা, ঘাট, হাট, বাজার কিছুই নাই, পাড়ী পাকী চলে না, ব্যাঘ্র ভল্লুকাদির বিলক্ষণ প্রাচুর্য, খাদ্যাদি সঙ্গে থাকে ত উত্তম, নতুবা উপবাস, বাড়ীর পত্রাদি পাওয়া যাইবে না, এই সকল মহা অসুবিধা ও ষড়ঋতুর নিরক্ষুণ প্রকোপ সহ করিয়া, অতি বন্ধুর পার্শ্বত্যাগে বা স্নানিবিড় বনস্থলীতে দীর্ঘকাল পরিত্রমণ করিতে আমাদের মধ্যে কয়জন প্রস্তুত হইতে পারেন? তবেই দেখুন একদিকে হিমগিরি সুদূরব্যাপী অতি বিশাল ভূভাগ, বৈষম্য ও বৈচিত্র্যের লীলাভূমি স্মতরাং বিলক্ষণ ছুজের; অন্ম দিকে আমাদের না আছে শিক্ষা, না আছে কষ্ট সহিষ্ণুতা, না আছে ভাল গ্রন্থাদি; স্মতরাং যিনি বাল্যকালে ঠাকুরমায়ের কাছে যে রকমের উপকথা শুনিয়া রাখিয়াছেন, তাহার তদ্রূপই ধারণা হইয়া আছে।

আমার দৃঢ় বিশ্বাস আমাদের কোনও কীর্তিকুশল লেখক কিছুকাল হিমাচলে পরিত্রমণ করিয়া তৎসম্বন্ধে পুস্তক বা প্রবন্ধাদি লিখিলে দেশের ও সাহিত্যের বড়ই উপকার করা হয়। সাহিত্যের উপকার এই জন্ম বলিতেছি যে, আমাদের সাহিত্য এক্ষণে শৈশব অতিক্রম করিয়া কৈশোরে পদার্পণ করিয়াছে, এখন আর নবেলরূপ গোয়ালার ছুধে তাহার শরীর পোষণ হইবার সম্ভাবনা নাই, স্মতরাং একটু বেশী সারবান্ ও দাঁতে-লাগা-গোচ খাদ্যের শীঘ্রই আয়োজন করা আবশ্যিক হইয়া পড়িয়াছে। হিমাচল অবশু বহু জ্ঞাতব্য বিষয়ের অন্মতম মাত্র। ভারতবর্ষের সর্বত্রই কোথায় কি আছে না আছে, ভিন্ন ভিন্ন স্থানের অধিবাসীদিগের রীতিনীতি আচার ব্যবহার কিরূপ, ইত্যাদি নানা কথা উন্নতিকামীদিগের বিশদরূপে অবগত হওয়া নিতান্তই কর্তব্য। এই সকল বিষয়ে আমরা অনেকেই অতি লজ্জাস্কর ভাবে অনভিজ্ঞ, ইহা অত্যন্ত পরিতাপের বিষয়।

ক্রমশঃ।



মাসিক পত্রিকা ও সমালোচনী।

সূচী।

(প্রবন্ধের মতামতের জন্ম লেখকগণ দায়ী।)

বিষয়।	পৃষ্ঠা।
১। বিষাদ সঙ্গীত (পদ্য) (শ্রী অক্ষয়কুমার শূর, এম, এ, বি, এল)	১২৯
২। উড়িয়ায় মুসলমানের আধিপত্য (শ্রী আনন্দগোপাল ঘোষ) ...	১৩০
৩। কেটো না ঐ তরুটীয়ে (পদ্য) (শ্রী রামগোপাল ঘোষ, বি, এল)	১৩৬
৪। হিমাচল (শ্রী উপেন্দ্রনাথ কাজিলাল) ...	১৩৭
৫। রাসলীলা (শ্রী দীননাথ ধর, বি, এল)	১৪৪
৬। প্রণয় (পথিক) ...	১৫১
৭। প্রাপ্তগ্রন্থের সংক্ষিপ্ত সমালোচনা ...	১৫৯

ভাদ্র—

সাবিত্রী যন্ত্রে শ্রী হরিদাস পাল দ্বারা
মুদ্রিত ও প্রকাশিত।

ভাদ্র—১৩০১।

বিজ্ঞাপন।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিদ্য ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিকা যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতিনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ত ইহার অগ্রিম বার্ষিক মূল্য মাত্র ডাক মাসুল ১ এক টাকা মাত্র বার্ষিক হইল। ইহাতে ৮ পেজী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। একরূপ সুলভ মূল্যের কাগজ মফঃস্বল হইতে এ পর্য্যন্ত বাহির হয় নাই। এই পত্রিকা সম্বন্ধে চিঠি পত্র, প্রবন্ধ, মূল্যের টাকা, সমালোচনার জন্ত পুস্তক প্রভৃতি যাবতীয় বিষয় আমার নিকট পাঠাইতে হইবে, এবং আমাকে লিখিলে পত্রিকা সম্বন্ধে জ্ঞাতব্য বিষয় সকলে জানিতে পারিবেন। অতি সুলভ মূল্যে বিজ্ঞাপনাদি ইহাতে প্রকাশিত হইবে।

শ্রীযত্ননাথ কাঞ্জিলাল,
কার্য্যাধ্যক্ষ।
হুগলী।

পূর্ণিমা।

মাসিক পত্রিকা ও সমালোচনী।

২য় ভাগ।

ভাদ্র, সন ১৩০১ সাল।

৫ম সংখ্যা।

বিবাদ সঙ্গীত।

মনের যাতনা মরম বেদনা বলনা বলনা কাহারে কই।
(তাই) গহন কাননে ভ্রমি এক মনে নিরজন স্থানে বসিয়া রই ॥
কোকিলের গান সুললিত তান ব্যাকুল পরাণে লাগে না ভাল।
(সে যে) প্রেমিকের কথা প্রণয়ের গাথা গায় যথা তথা করে ব্যাকুল ॥
চাঁদের আলোকে ঝলকে ঝলকে খসিয়া পড়িছে সুষমারামি।
(ওই) সোহাগের ভরে প্রণয়ের ভোরে রাখিছে বাঁধিয়া কুমুদেশলী ॥
অতুলরূপিনী জিনি কুরঙ্গিনী তটিনী সঙ্গিনী কেমনে করি।
(ওষে) হেসে হেসে যায় পিছু নাহি চায় সাগর সঙ্গমে জাহা কি মরি ॥
মনের বাসনা হৃদয় যাতনা জলদে বলিতে দিলগো কই।
(পোড়া) চপলা আসিয়া থাকিয়া থাকিয়া মেঘেরে কহিছে পাপিনী ওই ॥
তাহারে নেহারি যদি ধিরি ধিরি চিত্তের আবেগ কহিতে যাই।
(বলে) খাও খাও খাও মুখ না দেখাও আলোকে তোমার নাহিক ঠাই ॥
শাষণে নির্মিত মানবের চিত্ত দয়া মায়া তাহে করে না খেলা।
(আমি) চাহি না কহিতে এ ছুঃখ বারতা কাঁদিয়া নিবাব প্রাণের জালা ॥
মানবের সাথে এ প্রাণ থাকিতে কবনা কবনা কবনা কথা।
(পাছে) সাধ যায় চিত্তে আবার সঁপিতে যা হ'তে পেয়েছি দারুণ ব্যথা।

শ্রীঅক্ষয়কুমার শূর।

উড়িষ্যায় মুসলমানের আধিপত্য।

খৃষ্টীয় ষোড়শ শতাব্দী ধীরে ধীরে কত রাজ্য, নগর, রাজ্য, প্রজা, ও ওমরাহদিগকে কালের করাল কবলে নিপাতিত করিয়া কোথায় ভাসিয়া গিয়াছে। এই পরিবর্তনশীল জগতে কতই সৃজিত ও লয়প্রাপ্ত হইতেছে, কে তাহার ইয়ত্তা করে। প্রাচীন কালে যে সকল হিন্দুরাজগণ স্বদেশ রক্ষার্থে বিপক্ষের শানিত অস্ত্রের সম্মুখে আপনার অমূল্য জীবনকে তুচ্ছজ্ঞান করিয়া দাঁড়াইতে কিছুমাত্র সঙ্কুচিত হন নাই, সে সকল বীর মহাত্মাগণ আজ কোথায়? কোথায় তাঁহাদের সে সহানুভূতি, সে দেশহিতৈষিতা, সে বীরত্ব, অনন্তকালের অদৃশ্য গহ্বরে নিহিত। আজ বহুদিন গত হয় নাই, যে উড়িষ্যা এক সময়ে আৰ্য্য সম্ভ্রানগণের পুণ্যময় নিকেতন ছিল, যে পুতসলিলা বৈতরণী নদীতট এক সময়ে পাণ্ডবদিগের বিশ্রাম স্থান ছিল, সে স্থান যখন দিগের অধিকারকালে বিধ্বংসিত ও অধুনা ইংরাজ রাজের অধিকারভুক্ত হইয়া অন্ততর রূপ ধারণ করিয়াছে, এই স্থলে সেই সকলের সংক্ষিপ্ত ইতিবৃত্ত কিয়ৎপরিমাণে সাধারণের গোচরণার্থে প্রবন্ধাকারে প্রকটিত হইল।

উড়িষ্যা ভারতবর্ষের মধ্যে একটি অতি প্রাচীন রাজ্য। ইহার নামোৎপত্তি সম্বন্ধে নানা প্রকার মত ভেদ দেখা যায়। উৎকল ইহার আর একটি নাম। অধ্যাপক ল্যাসেনের মতে ইহার অন্ততর নাম ওড়্রা ডাক্তার রাজেন্দ্রলাল মিত্র মহাশয়ের মতে উট+কোল কিম্বা ওড়্র জাতীয় কোল হইতে উৎকল হইয়াছে। কিন্তু আমাদের শাস্ত্রীয় মতে অতি প্রাচীন কালে সূদ্যমপুত্র উৎকল, স্বনামে এই রাজ্য স্থাপনা করেন।*

*“সূদ্যমশ্চতু দায়দাস্তয়ঃ পরমধার্ম্মিকাঃ

উৎকলশ্চ গয়শ্চৈব বিনতাশ্চ ভারত।

উৎকলশ্চোৎকলা রাজন্ বিনতাশ্চ পশ্চিমা।

দিকপূর্বা ভারতশ্চৈষ্ঠ গয়শ্চতু গয়পুরী ॥”

(হরিবংশ)

অতি পুরাকালে এই প্রদেশকে কলিঙ্গ বলিয়া অভিহিত করা হইত। উড়িষ্যা কলিঙ্গের অন্তর্গত। বৈতরণী নদী এই স্থানে প্রবাহিত হইয়া থাকে। ভগবান ধর্ম্ম এই স্থলে দেবগণের আশ্রম গ্রহণ করিয়া যোগালুষ্ঠান করিতেন। যোগীশ্বাষিগণ সংসার আশ্রম পরিত্যাগ করিয়া এই স্থানে সতত যোগালুষ্ঠানে রত থাকিতেন। যজ্ঞীয় নানা দ্রব্যাদি সংযুক্ত ও পর্বতমালায় পরিশোভিত থাকায় স্থানটি যোগিগণের অত্যন্ত রমণীয় ছিল। পুরাণাদি দ্বারা এইরূপ জানা যায় যে পাণ্ডবগণ যখন তীর্থযাত্রাকালে নানা দেশ পরিভ্রমণ করেন, সেই সময়ে ইহারা এই স্থানে আসিয়া বৈতরণীর নদীতটে কিয়ৎ দিবস বাস করেন।* পুরাকালে হইতে আৰ্য্য হিন্দুগণ তীর্থ করিবার মানসে তথায় আগমন করিয়া থাকেন। বাস্তবিকই ভারতবর্ষের মধ্যে উড়িষ্যা হিন্দুদিগের মহা তীর্থস্থান বলিয়া বিখ্যাত। এখনও কতশত নরনারী শত শত বিপদ উপেক্ষা করিয়া ও আপনার অমূল্য জীবনকে তুচ্ছজ্ঞান করিয়া এই মহা তীর্থ দর্শন করিতে আসিয়া জীবন সার্থক করিয়া থাকেন। এমন কি অনেক বৌদ্ধ সম্প্রদায়ও এই স্থানে আসিয়া বাস করিত, এখন স্থানে স্থানে তাহার নিদর্শন পাওয়া যায়।†

বৌদ্ধদিগের আধিপত্যকালে উড়িষ্যা যে বৌদ্ধ ধর্ম্মের একটি প্রধান স্থান ছিল বৌদ্ধদিগের গ্রন্থে তাহার অনেক প্রমাণ পাওয়া গিয়াছে। এমন কি বর্তমান জগন্নাথের মূর্তিকে অনেকে বৌদ্ধ কল্পিত ত্রিমূর্তি বলিয়া জল্পমান করেন। বৌদ্ধদিগের যেরূপ জাতিভেদ নাই, শ্রীক্ষেত্রধামে ব্রাহ্মণ ও চর্ম্মকার একত্র বসিয়া ভোজন করিতে কিছু মাত্র দ্বিধা করে না, এইরূপ সাম্যভাব বোধ করি ভারতের অত্র কোত্রাপি দৃষ্ট হয় না।

খৃঃ ৭ম শতাব্দীতে যখন চীন পরিব্রাজক হিউএনসঙ উড়িষ্যায় আগমন করেন সে সময়ে এস্থলে কেবল মাত্র পাঁচটি দেব মন্দির ছিল। তাহার অবস্থিতি কালে কলিঙ্গের দক্ষিণ পশ্চিম স্থিত পুষ্পগিরি (বর্তমান রাণী পুর গুহা) নামক পর্বতের একটি অত্যন্তার্ঘ্য ঘটনা তিনি বিবৃত করেন যে “পর্ব উপলক্ষে উপবাসের দিন এখানে পর্বত হইতে সহসা একটি উজ্জ্বল

*মহাভারত শান্তিপর্ব ৪ অঃ।

†Statistical Acct. (W. W. Hunter)

আলোক প্রজ্জ্বলিত হইয়া উঠে এবং কিয়ৎক্ষণ পরে আবার নির্কাপিত হইয়া যায়।”

পূর্বকালে আইওনিয়নগণও এই স্থানে গত্যাত করিত। ক্রমে যখন যবন পরাক্রম প্রবল হইয়া উঠিল সেই সময় উড়িষ্যার রাজা শোভন দেব জগন্নাথের মূর্তি লইয়া শোনপুরে পলায়ন করেন; যবন সেনাপতি রক্তবাহ অবলীলাক্রমে রাজ্য অধিকার করিলেন।*

কিছুকাল পরে উক্ত সেনাপতি একদা অনেক সৈন্যসহ স্থানান্তরে গমন কালে সমুদ্রে মগ্ন হন। উড়িষ্যার সিংহাসন শূন্য হইল দেখিয়া চন্দ্রদেব সিংহাসন অধিকার করিয়া রাজ্য শাসনের ভার স্বহস্তে লইলেন। কিন্তু যবন অত্যাচার কিছু পরিমাণে প্রশমিত হইল না, অধিকন্তু ক্রমে ক্রমে প্রবল হইল ও যবনেরা বিদ্রোহী হইয়া দাঁড়াইল।

এই সময়ে হিন্দুধর্ম পুনরুদ্ধারের জন্ত যযাতি কেশরী মগধ হইতে উড়িষ্যায় আগমন করেন; তাঁহার উৎসাহে ও যত্নে উড়িষ্যায় বৈষ্ণব ধর্ম প্রচারিত হয়, এবং স্থানে স্থানে তিনি শিব ও বিষ্ণুমূর্তি স্থাপন করেন। ৪৭৪ খৃঃ ইনি উড়িষ্যার রাজা হইলেন এবং জগন্নাথের মূর্তি আনিয়া পুরীতে পুনরায় স্থাপিত করেন।

অনন্তর ১২০৩ খৃঃ যখন আর্ঘ্যাবর্তের মুসলমানদিগের ক্ষমতা ক্রমশঃ উড়িষ্যায় বর্দ্ধিত হইতে লাগিল—মহম্মদ বক্তিয়ার খিলিজি যখন আগনার প্রভূত ক্ষমতা বলে সসৈন্তে বাঙ্গালা আক্রমণ করেন, সেই সময় হিন্দুদিগের শেষ রাজা লক্ষ্মণ সেন নদীয়া পরিত্যাগ পূর্বক সন্ন্যাসী বেশে ত্রিফেত্রে গিয়া আশ্রয় গ্রহণ করিয়া তাঁহার জীবনের অবশিষ্টাংশ কাল অতিবাহিত করেন। যদিও ঐ বিজয়ী মুসলমান সেনাগণ বাঙ্গালার চতুর্দিকে ব্যাপ্ত ছিল তথাপি তাহারা উক্ত পলাতক রাজার, উড়িষ্যার বর্ধীপ (Delta) পর্যন্ত, অগ্রসর করিতে সাহস করে নাই। অতঃপর ১২১৮ খৃঃ মুসলমানদিগের তৃতীয় অধিকারী দাউদ গয়াসুদ্দিন উড়িষ্যায় কর আদায়ের জন্ত ভূমূল বিদ্রোহ ও নানা ষড়যন্ত্র করেন কিন্তু কোন সফলই উৎপন্ন হইল না। অনন্তর ১২৪৩ খৃঃ বাঙ্গালার শাসনকর্তা, প্রতাপশালী তাতার বংশীয়

*Corpus inscription (বৌদ্ধ শিলালিপি)

তুগণ খাঁ উড়িষ্যায় আগমন করেন; তাঁহার অত্যাশ্চর্য্য পল্লি সংস্কার বিষয়ে উড়িষ্যাবাসিগণ বিদ্রোহী হইয়া উঠে এবং স্বকীয় দৃঢ় সাহস ও ক্ষমতা বলে মুসলমানদিগকে উড়িষ্যা হইতে বাঙ্গালায় দূরীকৃত করিয়া দেয়।*

এইরূপ কিছুকাল গত হইলে পর, প্রায় ১৫১০ খৃঃ বাঙ্গালার অন্ততর শাসনকর্তা হোসেন সার প্রধান সেনাপতি ইসমাইল গাজী সহসা উড়িষ্যা আক্রমণ করেন কিন্তু সে সময় মুসলমানগণ তাহাদের আধিপত্য স্থাপন করিতে সমর্থ হয় নাই সুতরাং ১৫৬৮ খৃঃ বাঙ্গালার নবাব সুলেমান তাঁহার প্রধান সেনাপতি কালাপাহাড়ের অধীনস্থ কয়েকজন সূদক্ষ সৈন্য সমভিব্যাহারে উড়িষ্যায় যাত্রা করিলেন। উড়িষ্যার স্বাধীন রাজা মুকুন্দদেব রাজ্য রক্ষার্থে নানা উপায় অবলম্বন করিলেন কিন্তু কিছুতেই সমর্থ হইলেন না; তাঁহার সমস্ত অধ্যবসায় ও চেষ্টা সকলই বিফল হইয়া গেল, অবশেষে তিনি পরাজিত হইয়া বন্দী হইলেন এবং জাজপুরে স্নেহের অন্ত্রে নিহত হন। অতঃপর উড়িষ্যা মুসলমানদিগের অধিকৃত হইল।

অনন্তর ১৫৭৪ খৃঃ মোগলদিগের সেনাপতি মুনি খাঁ ও রাজা জোদরমল্লের, বাঙ্গালা বিহার ও উড়িষ্যা লইয়া, আফগান নবাব দাউদ খাঁর সহিত জালাশ্বরের নিকট মোগলমুরীতে একটি তুমুল যুদ্ধ সংঘটিত হয়, তাহাতে দাউদ পরাস্ত হন। মুনি খাঁ কটকে নির্বিবাদে অগ্রসর হন। অতঃপর এই স্থলে উভয় দলে একটি সন্ধি স্থাপন হয়, তাহাতেই এই মীমাংসা হইল যে উড়িষ্যা ব্যতীত বাঙ্গালা ও বিহার আকবর সাহের অধিকার ভুক্ত থাকিবে, দাউদ কেবল মাত্র উড়িষ্যার নবাব থাকিবেন। কিন্তু মুনি খাঁর হঠাৎ মৃত্যু হওয়ার দাউদ খাঁ বিদ্রোহী হইয়া সসৈন্তে বাঙ্গালা আক্রমণ করিল। এই সময়ে (১৫৭৬খৃঃ) পাঠান ও মোগলে একটি ঘোরতর যুদ্ধ হয়। তাহাতে পাঠানেরা পরাজিত হয় এবং দাউদ খাঁ নিহত হন। অতঃপর ১৫৭৮ খৃঃ উড়িষ্যা ও আকবর সম্রাটের সাম্রাজ্যভুক্ত হইয়া পড়িল।

*Hunter's statistical acct. of Urisa.

এই সময় মোগল সম্রাটের প্রধান সচীব, রাজা তোদরমল্লের উপর উড়িষ্যার শাসন ভার দিয়া প্রত্যাগমন করিলে পর পাঠানদিগের কয়েকটি সৈন্য (যাহারা পর্তুগীজ লুণ্ঠায়িত ছিল) সহসা বহির্গত হইয়া নগর আক্রমণ ও মহা বিদ্রোহ সংঘটিত করিল। এবং যে পর্য্যন্ত না আকবর সাহ তাহার দ্বিতীয় হিন্দু সেনাপতি রাজা মান সিংহকে প্রেরণ করিয়াছিলেন সে পর্য্যন্ত যুদ্ধ বিগ্রহের কিছুমাত্র উপশম হয় নাই। ১৫৮০ খৃঃ রাজা মান সিংহ বাঙ্গালা ও বিহারের শাসনকর্তারূপে নিয়োজিত হইয়া উড়িষ্যা উদ্ধারের জন্ত অগ্রসর হন এবং বহু দিবসাবধি যুদ্ধ করিয়া অবশেষে উড়িষ্যা জয় করিলেন। রাজা মানসিংহ বাঙ্গালা বিহার ও উড়িষ্যার রাজপ্রতিনিধি স্বরূপ রহিলেন।

এইরূপে কিছুকাল গত হইলে পর ১৭২৪।৬ খৃঃ বঙ্গ বিহার ও উড়িষ্যার নবাব মুর্শিদকুলী খাঁ রাজপ্রতিনিধিদিগের নিকট হইতে কর আদায়ের জন্ত চেষ্টা করিতে লাগিলেন, কিন্তু উপায়ান্তর দেখিয়া উড়িষ্যার অন্তর্গত মেদিনীপুর জেলা স্বতন্ত্র করিয়া লইলেন। ১৭৪২ খৃঃ যখন বাঙ্গালায় বর্গীর হাঙ্গামা প্রবল হইয়া উঠে সেই সময়ে মুর্শিদকুলীর দেওয়ান মীরহবিব তাহাদিগকে প্রচ্ছন্নভাবে উড়িষ্যা আক্রমণ করিতে অনুযোগ করেন কিন্তু আলিবর্দী খাঁ জানিতে পারিয়া তাহাদের বিরুদ্ধে দেওয়ান হইলেন কিন্তু ফলে কিছুই করিতে পারিলেন না। এই সময় ছল্লভরাম উড়িষ্যার সুবেদাররূপে নিযুক্ত ছিলেন। মহারাষ্ট্রীয়েরা যখন দেখিলেন আলিবর্দী খাঁ কর প্রদানে অস্বীকৃত এবং তাহা আদায়েরও বিশেষ সম্ভাবনা নাই তখন তাহারা অগত্যা তাঁহার প্রিয়পাত্র ছল্লভ রামকে কয়েদ করিয়া নাগপুরে লইয়া যায়।

অনন্তর আলিবর্দী খাঁ অগ্রতর উপায় না দেখিয়া ১৭৫১ খৃঃ তিনি তাহাদিগকে উড়িষ্যা ছাড়িয়া দিতে বাধ্য হইলেন এবং বাঙ্গালার চৌধুরী হিসাবে বাৎসরিক ১২ লক্ষ মুদ্রা দিতে স্বীকার করিয়া ছল্লভ রামকে মুক্ত করেন।* উড়িষ্যা মহারাষ্ট্রীয়দিগের অধিকারভুক্ত হইলে পর শিবভট্ট শাস্ত্রী নামক জনৈক মহারাষ্ট্রী ১৭৫৬ হইতে ১৮০২ খৃঃ পর্য্যন্ত উড়িষ্যা

*Hunt. Statistical acct.

শাসন করেন; তাঁহার রাজত্ব সময়ে প্রজাবর্গ অত্যন্ত প্রপীড়িত হইয়া কেহ কেহ রাজ্য পরিত্যাগ করিয়া ইংরাজদিগের আশ্রয় গ্রহণ করিতে লাগিল।

ক্রমে মহারাষ্ট্রীয় অত্যাচার অত্যন্ত প্রবল হইয়া উঠিল, প্রজাবর্গ সকলেই যখন ইংরাজ রাজের আশ্রয় গ্রহণ করিতে লাগিল, দেখিয়া ইংরাজগণ কারণ অনুসন্ধান করিয়া দেখিলেন যে উড়িষ্যায় বাস্তবিকই অত্যাচার প্রবল হইয়া উঠিয়াছে।† এবং প্রজাবর্গের দুঃখ মোচনের জন্ত ইহার ১৪ অক্টোবর ১৮০৩ খৃঃ সসৈন্যে কটকের দুর্গম দুর্গ আক্রমণ করিলেন এবং যুদ্ধে পরাস্ত করিয়া উড়িষ্যা হইতে মহারাষ্ট্রীয়দিগকে তাড়াইয়া দিয়া রাজ্যের ভার আপন হস্তে লইলেন। মহারাষ্ট্রীয়দিগের প্রবল পরাক্রম সেই দিবস হইতেই বিলুপ্ত হইল। উড়িষ্যার অস্তোন্মুখ রবি আবার উজ্জল হইয়া উঠিল। রাজ্যে আবার প্রজাগণ সুখী ও সমৃদ্ধিশালী হইয়া বাস করিতে লাগিল। উড়িষ্যা পূর্বে যে রূপ সুখের স্থান ছিল ইংরাজদিগের সাহায্যে আবার তাহা বিকশিত হইয়া উঠিল।

†Mr. Sterling নামক একজন কমিশনার উড়িষ্যার এইরূপ অবস্থা দেখিয়া report করেন যে “The administration of the Marhattas in this as in other part of their foreign conquest was fatal to the welfare of the people and the prosperity of the country and exhibits a picture of misrule, anarchy, weakness, rapacity and violence combined which makes one wonder how society can have kept together under so calamitous a tyranny.”— (Asiatic Researches Vol. XV.)

শ্রীআনন্দগোপাল ঘোষ।

কেটো না ঐ তরুটীরে।

কেটো না ঐ তরুটীরে, শৈশবে উহার
নিজ হাতে করেছি রোপণ—
নিদারুণ কুঠারের ঘায়,
শাখা ওর করো না ছেদন।

বহু দিন হ'তে আছে উঠানের মাঝে,
সহিয়াছে কত শত ঝড় ;
দেখো যেন দেহে নাহি বাজে,
গায়ে যেন লাগে না আঁচড়।

নিদাঘে তপন তাপে পাদপ আমারে
দিত রোজ ছায়া সুশীতল ;
তাই বলি কেটোনা উহারে,
ছুঁওনাক পল্লব কোমল

অকাতরে বারিধারা ধরেছে মাথায়—
সহিয়াছে রবির উত্তাপ ;
কত গুণ কথা নাহি যায়,
উহারে কাটিলে হবে পাপ।

পিতা মাতা তরুটীরে বাসিতেন ভাল,
করিতেন কতই যতন ;
নিজ হাতে গয়ে আলবাল,
করিতেন সলিল সিঞ্চন।

প্রিয়া সহ এক দিন ঐ তরুতলে
করিয়াছি প্রণয়-সন্তায় !
কত দিন নয়নের জলে
নিভায়েছি হৃদয় উচ্ছ্বাস !

বিহঙ্গম বসি কত ঐ তরু'পরে
শুনায়েছে মধুর কাকলি ;
বড় মন বাজিরে অন্তরে
কেটো না উহারে যাও চলি।
শ্রীরামমোপাল ঘোষ।

হিমাচল।

২। গহনা হ্রদ।

গত বারের প্রবন্ধ যখন লিখিয়াছিলাম, তখন হিমাচল সংস্কৃত কতক-
গুলি সাধারণ কথা লিখিব এইরূপই সংকল্প ছিল। বিগত বৎসর ভাদ্র
মাসে গাজের উপত্যকায় যে অতি বিস্ময়কর ব্যাপার সংঘটিত হইয়া গিয়াছে,
সে দিন সে কথা জুলিয়া গিয়াছিলাম, অথচ ঘটনাটি বঙ্গীয় পাঠকের অবগু
জ্ঞাতব্য। সংবাদ পত্রে ইহার উল্লেখ প্রতিদিনই দেখিতে পাইতেছি, কিন্তু
দায়িক পত্রিকার পক্ষে তাহা গর্যাপ্ত নয়; বিশেষতঃ ভাদ্র সংক্রান্ত
উল্লেখ পাঠ করিয়া কেহ প্রকৃত ঘটনা বুঝিতে পারিতেছেন কি না সন্দেহ
করিবার যথেষ্ট হেতু আছে। এই প্রস্তুতি নিম্নে একটু বিস্তৃত বিবরণ
দিখিতেছি।

যে স্থানে এই ঘটনা ঘটিয়াছিল তাহার নাম গহনা। গহনা অতি
ছোট পল্লী, অতি স্বল্প সংখ্যক কৃষিজীবীদের আবাস স্থান। এই গিরি-
কন্দরশায়ী ন-গণ্য গ্রাম সহসা মহা বিপদগ্রস্ত হইয়া অক্ষয় প্রসিদ্ধি লাভ
করিয়াছে, এই মুহূর্ত্তে গহনায় কি হইতেছে জানিবার জন্ত গঙ্গাতীরবাসী
মুকুলেই উৎকণ্ঠিত, জানাইবার জন্ত ইংরেজরাজ তথা হইতে হরিদ্বার পর্য্যন্ত

টেলিগ্রাফের তার বসাইয়াছেন, ভ্রমাবধান করিবার জন্য এঞ্জিনীয়ারগণ নিয়োজিত হইয়াছেন, কেন একপ হইল নির্ণয় করিবার জন্য ভূতত্ত্ববিৎ পণ্ডিতেরা অনেক দেখিরা গুনিয়া এখন বাগ্‌বিতণ্ডা করিতেছেন, আর কখন কি হয় তাহার আলোকলেখ্য অঙ্কনোদ্দেশে একদল ফোটাগ্রাফার মোতায়েন হইয়াছে ; আজ গহনার প্রতি সকলেরই চক্ষুঃ নিয়োজিত, এমন কি সূদূর বিদ্যাতে পর্যন্ত নানা কল্পনা জল্পনা চলিতেছে ।

গহনা কোথায় এক কথায় বলা সুকঠিন, বোঝা আরও সুকঠিন ; সেই জন্য ভৌগলিক তত্ত্বটা একটু বিশেষ করিয়া বুঝাইতে হইল । হরিদ্বার কোথায় অন্ততঃ মেলাতন্ত্র মাহাত্ম্যে সে বিষয়ে অনেকের অল্পবিস্তর ধারণা থাকা সম্ভব । কিন্তু সঙ্গে সঙ্গে একটা ভ্রমাত্মক ধারণাও আছে । অনেকের বিশ্বাস—আমারও পূর্বে ছিল—যে হরিদ্বারই গঙ্গার উৎপত্তি স্থান । শ্রীহরির পাদপদ্ম হইতে গঙ্গাস্রোতঃ নির্গত, এবং সেই পাদপদ্ম হরিদ্বারে, এই ধারণাই বোধ করি উক্ত বিশ্বাসের মূলভিত্তি । বাস্তবিক কিন্তু ভাগীরথীর প্রকৃত উৎপত্তিস্থান হরিদ্বার হইতে নূনাত্মক একশত ক্রোশ উত্তরে চিরভূয়ারমণ্ডিত অত্যুচ্চ পর্বতশৃঙ্গ বিশেষে । এই শৃঙ্গবরের মৌকিক নাম বান্দরপুচ্ছ । বান্দরপুচ্ছ হইতে হরিদ্বার পর্যন্ত প্রায় নিরবচ্ছিন্ন পর্বতমালা মন্দাকিনীকে বক্র পথান্তর্ভূতিনী হইতে বাধা করিয়াছে । এই স্মরণীয় পথ কিন্তু স্মরণীয়কে একাকিনী আনিতে হয় নাই, ক্ষুদ্র ক্ষুদ্র গিরিশৃঙ্গ কত কে আসিয়া স্মরণীয়গিরীর পূতবারিতে নিজ নিজ ক্ষুদ্র প্রাণ চাখিয়া দিয়া কৃতার্থ হইয়াছে, তাহার ইয়ত্তা করা সুকঠিন । অধিকন্তু হরিদ্বার হইতে ত্রিশ ক্রোশ উত্তরপূর্বে দেবপ্রয়াগ নামক পবিত্র তীর্থস্থানে বাসস্থি হইতে প্রমত্তসখিলা অলকনন্দা আসিয়া জাহ্নবীজীবনে জীবন সমর্পণ করিয়াছে । অলকনন্দারও অতুল গৌরব । তীর্থকুল গরিষ্ঠ কেদারনাথ ও বদরিকাশ্রম হইতে দেবাদিদেবের চরণাবৃত ইহাতে সংগৃহীত ! শুপ্রকারী, ভূঙ্গনাথ, ভূপোবন প্রভৃতি আরও অনেকানেক তীর্থবারি অলকনন্দারি সংলগ্ন । ফলতঃ অলকনন্দার পূতবারি যাত্রিগণ কর্তৃক ভারতের সর্বত্র অতি সমাদরে নীত হইয়া থাকে । অপিচ যে যে স্থানে এক একটা পবিত্র নদীর অলকনন্দার সহিত সংযোগ হইয়াছে সেই সেই স্থান এক একটা প্রয়াগ বলিয়া বিখ্যাত । এইরূপ পাঁচটি প্রয়াগে অলকনন্দার তীরভূমি

দুশোভিত ও পবিত্রীকৃত হইয়াছে । এই প্রয়াগ পঞ্চের নাম যথাক্রমে বিষ্ণুপ্রয়াগ, নন্দপ্রয়াগ, কর্ণপ্রয়াগ, রুদ্রপ্রয়াগ ও (পূর্বোন্নিখিত) দেব-প্রয়াগ, পাঁচটি প্রয়াগ আছে বলিয়া এমন বুঝিতে হইবে না যে পাঁচটির অধিক নদী অলকনন্দায় আসিয়া মিশে নাই । বস্তুতঃ বামে ও দক্ষিণে ছোট বড় কতই যে নির্ঝরিনী ঝর ঝর হবে নগেন্দ্র কন্দর প্রতিধ্বনিত করিয়া, শিলাস্তূপে নৃত্য করিতে করিতে, অলকনন্দাকে সাদর আলিঙ্গন করিয়াছে, তাহার সংখ্যা মিরুপণ করা সহজ নয় । ইহাদের অশ্রুভ্রমের নাম “বিরহী” গঙ্গা । এই ক্ষীণা স্রোতস্বতী ত্রিশূল নামক অত্যুচ্চ পর্বতশৃঙ্গের পাদদেশ হইতে উৎপন্ন হইয়া পশ্চিমাভিমুখে প্রবাহিত, ও বিরহী নামক ক্ষুদ্র গ্রামের নিম্নে অলকনন্দায় সংমিলিত । ইহার দৈর্ঘ্য কিঞ্চিদধিক ২০ মাইল এবং যে ভূখণ্ড হইতে বৃষ্টিধারা আসিয়া ইহাকে পরিপোষণ করে তাহার বিস্তার অসূ্যন ৯ মাইল, অর্থাৎ প্রায় দ্বিশত বর্গ মাইল ভূমির বৃষ্টিজন্য বিরহী গঙ্গার নিকট হইতে অলকনন্দা করস্বরূপ গ্রহণ করিয়া থাকেন । বিরহীগঙ্গা-দোহিত এই ভূখণ্ডের উত্তর পূর্ব ও দক্ষিণে পর্বত প্রাকার, পশ্চিমে অলকনন্দা, পূর্ব সীমার ত্রিশূল শৃঙ্গ এবং উত্তরে প্রায় তত্তুল্য উচ্চ পর্বতশ্রেণী, দক্ষিণ সীমা তত উচ্চ নয় । পূর্ব ও উত্তরের পর্বত বেষ্টির উপরিভাগ চির-হিমালী মণ্ডিত ;—গ্রীষ্ম ঋতুতে নিরাংশের বরফ কিঞ্চিৎ গলিয়া যায়,—শীত সমাগমে আবার সে টুকু পূর্ববৎ হইয়া দাঁড়ায় । বিরহী গঙ্গার উভয় তটস্থ পর্বতশৃঙ্গের ঢাল অত্যন্ত অধিক, কোনও কোনও স্থানে প্রাচীরবৎ লম্বভাবে অবস্থিত । এই সকল স্থানে স্রোতস্বিনী অতি গভীর অথচ অপ্রশস্ত শিলাময় সংকীর্ণ পথে ক্ষুদ্র ক্ষুদ্র জলপ্রপাতে নাচিতে নাচিতে প্রবাহিত । এই প্রকার গিরিসঙ্কটকে ইংরাজী ভাষায় Gorge বলে ।

এতদ্ব্যতীত গহনা গ্রাম কোথায় কি ভাবে আছে, বলিবার সময় হইয়াছে । অলকনন্দা ও বিরহী গঙ্গার সঙ্গম স্থান হইতে চারি ক্রোশ পূর্বে শেবোক্ত নদীর উত্তর তটে এই ক্ষুদ্র গ্রাম অবস্থিত । এই গ্রাম পশ্চিমোত্তর প্রদেশীয় রাজপুত্রদিগের শৈতন্যবাস নাইনীতাল হইতে

প্রায় ৭০ ক্রোশ উত্তরে ও হরিদ্বার হইতে ৮০ ক্রোশ উত্তরান্ন-পূর্বে।
প্রসিদ্ধ তীর্থ কেদারনাথ ও বদরিকাশ্রম ইহা হইতে অধিক দূরে নয়।
শেবোক্ত তীর্থের যাত্ৰীগণ নন্দপ্রয়াগে মন্দাকিনী * দর্শনান্তেই চামোলী
চটির অন্ন পূর্বে বিরহী গঙ্গা দর্শন করিয়া থাকেন।

গহনার কিঞ্চিৎ পূর্বে একটি সুগভীর ও অতি সংকীর্ণ গিরিসঙ্কট বা
Gorge ছিল। ইহারই উত্তরে ময়স্থান নামক এক উচ্চ পর্বতচূড়া
করাল বেশে দণ্ডায়মান। কত সহস্র সহস্র, লক্ষ লক্ষ বৎসর ব্যাপিয়া
ক্ষুদ্রপ্রাণী বিরহী গঙ্গা ময়স্থানের গর্ভিত চরণ প্রান্তে কাতরকণ্ঠে বিনীত
নিবেদন করিয়াছে 'প্রভো, একটু সরিয়া দাঁড়াও, আমাকে একটু পথ
দেও, নতুবা প্রস্তর পেষণে মারা যাই যো।' হায় ময়স্থান সে কথায়
তুমি কর্ণপাত কর নাই, স্বীয় সহস্র গর্বে প্রমত্ত হওয়ার আন্তরোধনে
তোমার পাষণ হৃদয় গলে নাই। কিন্তু আজ তোমার কি দশা? সেই
রূপা ভিখারিণী বিরহী গঙ্গা অচিরে তোমার শব দেহকে উল্লঙ্ঘন করিবে,
অথবা তোমার বিপুল বপুকে সহস্র ক্রোশ নিক্ষেপ করিয়া অচ্যুত
ক্রিয়া সমাপন করিবে। ধনজনৈশ্বর্য্য মদগব্বীদের কি চমৎকার
শিক্ষাস্থল!

ভাদ্র মাস অতীত প্রায়। বর্ষা শেষ হইয়া আসিয়াছে। আকাশে
কিঞ্চিৎ দুই একখানি শুভ্র মেঘ দৃষ্ট হয়, নীলাবরের স্নিগ্ধরশ্মিতে জগৎ
বিভাসিত। এই সময়ে হিমাচল প্রদেশে প্রকৃতি দেবী পরম রমণীয় সুবন্দনা
ধারণ করেন। সেই অভুল রূপরাশির বর্ণনা করিতে প্রয়াস পাইয়া
হাস্যাস্পদ হইতে ইচ্ছা করি না। সে কাজ করিব—তা ও যে-সে-কবির মত।
তবে শুদ্ধ এইটুকু বলিব, যদি কেহ একই মুহূর্তে সৃষ্টিকর্তার মহৎ ও
বিধ্বরচনার বৈচিত্র উপলব্ধি করিতে ইচ্ছা করেন, যদি কেহ কঠোরতা ও
কোমলতার একত্র সমাবেশ দেখিতে চান, যদি কাহারও হর্ষ ও বিষম
যুগপৎ বিমুক্ত হইতে সাধ হয়; তিনি যেন একবার শরতের প্রারম্ভ কেদার
থণ্ডান্তর্গত হিমাচল প্রদেশ পরিদর্শন করেন।

* অলকনন্দা করদা নদী বিশেষ।

† মাপের বন্ধ: হইতে ১১১০২ ফিট।

আজ ২২শে ভাদ্র; বুধবার, কৃষ্ণপক্ষীয়া একাদশী তিথি। গহনার
প্রবীণ অধিবাসিগণ একত্রে বর্দিয়া পুনরায় বর্ষা পড়িবার সম্ভাবনা আছে
কি না, এবং কতদিনে লবণ আনিতে সহরে যাওয়া যাইতে পারিবে, সে
বিষয়ে তর্ক বিতর্ক করিতেছে; কখন কখন কাহার কোন ক্ষেত্রে কত শস্য
উৎপন্ন হইবে, কাহার কোন ছাগী কয়টি ছাগশিশু প্রসব করিয়াছে, আগামী
ফাল্গুনে কোন ছেলেটির কোন মেয়েটির সঙ্গে বিবাহ হইবে, পাটোয়ারীর
রাজস্ব সংগ্রহ করিতে কত দিনে আসিবার সম্ভাবনা ইত্যাদি নানা বিষয়ে
কথোপকথন চলিতেছে। বর্ষার পর রবিকিরণানুভব করিয়া সকলেই
হর্ষাশিত, সকলেরই বদনমণ্ডলে কেমন এক অক্ষুট সুখের শান্তিময় ছবি।
গ্রামবাসিগণ পূর্বাশ্বে উর্দ্ধদৃষ্টিতে চাহিয়া চাহিয়া দেখিতেছে ছোট ছোট
শাদা মেঘগুলি ময়স্থানের উচ্চ চূড়াকে বেষ্টন করিয়া অতি অলসভাবে
ঘুরিয়া বেড়াইতেছে, কখনও বা পিজিত ভূলার ত্রায় এক এক খণ্ড ক্ষুদ্র মেঘ
গিরিশৃঙ্গে আসিয়া গাঢ়তর শুভ্রে মিলিতেছে, আবার কদাচিৎ ঐরূপ ছোট
ছোট মেঘ অতি ধীরে ধীরে বিচ্ছিন্ন হইয়া বায়ুসাগরে গা ছাড়িয়া দিয়া
দেখিতে দেখিতে আকাশের স্নিগ্ধ নীলিমায় মিশিয়া যাইতেছে। সহসা ও
কি? শত বজ্রনিনাদের ত্রায় কিসের শব্দ ও? ঐ যা, ময়স্থান চূড়া ত
আর দেখিতে পাওয়া যাইতেছে না! এদিকে প্রকাণ্ড প্রকাণ্ড শিলাখণ্ড
গ্রামের দিকে, কোন দিকে নয়? প্রধাবিত হইতেছে! তনুহূর্তেই গ্রাম-
বাসিগণ যে যেখানে পারিল ছুটিতে লাগিল, মা শিশুর জন্ত অপেক্ষা করিল
না, কেহই স্ত্রী পুত্র পরিবারের মুখ চাহিল না, সকলেই উর্দ্ধশ্বাসে সমস্তাৎ
ধাবমান। আকাশমণ্ডল ধূলিধূষরিত হইল, কেহই আর কিছু ভাল দেখিতে
পায় না, ধূলিবৃষ্টিতে চক্ষুরম্মীলন করে কাহার সাধ্য? বড় বড় শিলাখণ্ড
নিম্নে পতিত হইয়া অপর পারে উর্দ্ধমুখে ভীমবেগে ছুটিতে লাগিল, এই
ভাবে অর্ধক্রোশ পর্যন্ত উঠিয়া পুনরায় কুস্তকার চক্রের ত্রায় ঘুরিতে ঘুরিতে
অবশেষে বিরহী বন্ধে আসিয়া যেন ক্লান্ত হইয়া শুইয়া পড়িয়া—পতন,
উত্থান ও পুনঃপতনে পর্বতস্কন্ধশোভী কত শত বনম্পতি যে উৎপাটিত
ও ভূপতিত হইল, কে তাহার সংখ্যা করিবে? পক্ষিকুল ভয়াকুলচিত্তে
বিকট স্বরে ডাকিতে ডাকিতে তীরবেগে ইতস্ততঃ উড়িয়া গেল। বহু
পশুগণ সম্ভ্রাসিত ভাবে চতুর্দিক প্রধাবিত, আজ আর খাদ্য খাদক বিচার

নাই; হরিণ শিশু শাব্দুলকুক্ষিতে শৃঙ্গাঘাত করিয়া চলিয়া গেল, ব্যাঘ্র তৎপ্রতি দৃকপাত না করিয়া স্বীয় গন্তব্য পথেই ছুটিতেছে। ওদিকে বিরহী গঙ্গা শুকাইয়া গিয়াছে, মৎস্যগণ নির্জল শিলাতলে কিয়ৎক্ষণ ধড়ফড় করিয়া মরিয়া যাইতেছে।

তিন দিন এই ভাবে মহাপ্রলয়ের অভিনয় চলিতে লাগিল। শরৎকালের সুশ্রামল তরুলতা শুন্নাদি ধূলি ধূষিত হইয়া বিকট শ্রী ধারণ করিল, বহুদূর পর্য্যন্ত সূর্য্যদেব ধূষর মেঘাস্তরালে প্রচ্ছন্ন ছিলেন, মেঘ গর্জনের শ্রায় শব্দ বহুদূর হইতে শ্রুত হইয়াছিল, তিন দিন পরে সকলে দেখিল ময়স্থানের উচ্চ চূড়া পুরাণ প্রসিদ্ধ মৈনাক পর্ব্বতের শ্রায় বিরহী গঙ্গায় আত্মবিসর্জন করিয়াছে, আর তাহার মৃতদেহ নদীর এক তট হইতে তটান্তর পর্য্যন্ত প্রায় দেড় মাইল দীর্ঘ, পূর্ব্ব কথিত গিরিসঙ্কট হইতে পূর্ব্বাভিমুখে প্রায় দুই মাইল বিস্তৃত এবং নদীর তলদেশ হইতে আট শত হস্ত উর্দ্ধ স্থলিত প্রস্তর ও মৃত্তিকা স্তূপরূপে পড়িয়া রহিয়াছে।

এই অভিনব ভীম কলেবর স্তূপের গুরুত্ব উপলব্ধি করিতে চান কি? ভারত সাম্রাজ্যের ২৮ কোটি ৭০ লক্ষ অধিবাসী যদি প্রত্যেকেই বাল-বৃদ্ধ-বনিতা নিব্বিশেষে প্রত্যহ স্তূপাঙ্গ হইতে এক মণ মৃত্তিকা বা প্রস্তর তুলিয়া লইয়া যায় তাহা হইলে ৩ মাস সময়ে সমস্ত স্তূপ নিঃশেষিত হইতে পারে। সম্মুখে এই বিকট মূর্ত্তি বিপুল স্তূপ পথ বন্ধ করিয়া পড়িয়া আছে, এখন গরীব বিরহী গঙ্গা যায় কোথায়? ইহাকে তখনই ঠেলিয়া ফেলা তাহার সাধ্য নয়। তাই গত বৎসরের সেই দিন হইতে একাল পর্য্যন্ত বিরহী ফোঁপাইয়া ফোঁপাইয়া ফুলিতেছে, আর গন্তব্য পথ বন্ধ হওয়ার অলকনন্দার রাজস্ব বকায়া ফেলিয়া নিজের তহবিলটি হ্রদে পরিণত করিতেছে। এই নিবিড় বর্ষায় হ্রদের জল হুঁ হুঁ বাড়িয়া যাইতেছে, আর অলকনন্দা তথা গঙ্গাতীরবাসিগণ প্রাণ লইয়া অতি দূরে পলায়ন করিতেছে। যাহারা স্বেচ্ছায় না যাইতেছে সরকার বাহাদুর তাহাদিগকে জবরদস্তিতে তুলিয়া দিতেছেন। নদীঘরের উভয় তটে যতদূর পর্য্যন্ত জল উঠিবার সম্ভাবনা তত উচ্চে স্থানে স্থানে প্রস্তর স্তূপ নির্ম্মিত হইয়াছে, আর ঢোল বাজাইয়া প্রজাগণকে বলিয়া দেওয়া হইয়াছে কেহই যেন কখনও স্তূপ

সমূহের নীচে না যায়। এদিকে নূতন বাঁধের পশ্চাতে, ৪ শত হস্তের অধিক গভীর, বাঁধ হইতে পূর্ব্বাভিমুখে ৩ মাইল দীর্ঘ ও স্থলবিশেষে প্রায় দেড় মাইল প্রশস্ত একটি হ্রদ ইতি মধ্যেই প্রস্তুত হইয়াছে। এক্ষণে সমস্তা দাঁড়াইয়াছে, বাঁধটি পশ্চাৎস্থিত জলের ভারে ভাঙ্গিয়া যাইবে—না, যতদিন পর্য্যন্ত হ্রদের জলে উচ্ছলিত না হইবে ততদিন পর্য্যন্ত এই ভাবেই থাকিবে?

শেষোক্ত অনুমানই সম্ভবপর বলিয়া বোধ হইতেছে, কেন না বাঁধ মহাশয় ত বড় সহজ নয় যে বিরহী তাহাকে ঠেলিয়া ফেলিয়া দিবে, কিন্তু ইহাতেও আশঙ্কা না আছে এমন নয়। বাঁধের উপরিভাগ সমতল নয়। দুই প্রান্ত অপেক্ষাকৃত উচ্চ ও প্রস্তর বহুল, আর মধ্যস্থল কিঞ্চিৎ নিম্ন ও মুগ্নয়। এই নিম্ন অংশ পর্য্যন্ত জল উঠিলেই বাঁধের উপর দিয়া জল চলিতে আরম্ভ হইবে। তখন সেই মুগ্নয় অংশ এই জল রাশির উদ্যম বেগ কতক্ষণ কি ভাবে সহ্য করিতে পারিবে তাহারই কল্পনা জল্পনা চলিতেছে উপরে যে মৃত্তিকা দেখা যাইতেছে, তাহার নীচেই যদি খুব বড় বড় পাথর থাকে, তাহা হইলে উপরের মাটি টুকু ধুইয়া গেলেই নদীর জল অনেকটা সহজভাবে নামিতে থাকিবে, আর বাঁধের পশ্চাদভাগে একটি সূচিরস্থায়ী স্মগভীর হ্রদ থাকিয়া যাইবে। কিন্তু যদি ঐরূপ পাথর না থাকে তাহা হইলে জলের ভোড়ে মাটি গলিয়া যাইতে বড় বেশী বিলম্ব হইবে না, অর্থাৎ কি না সমস্ত বকেয়া মালগুজারী একেবারে প্রথমে অলকনন্দায় এবং ক্রমে গঙ্গায় আসিয়া তুমুল কাণ্ড উপস্থিত করিবে, অল্পক্ষণ মধ্যেই হ্রদের হ্রদস্ত্র লোপ পাইবে, আর ময়স্থানের ভীমতনু রেণু রেণুরূপে বঙ্গোপসাগরাভিমুখে প্রধাবিত হইবে।

অনুমান করা হইয়াছে যে শ্রাবণ মাসের শেষভাগে বাঁধের উপর দিয়া জল চলিবে। যদি সে সময়ে আমাদের শাস্ত্র শিষ্ট বঙ্গীয় গঙ্গায় কোনও ভাবাস্তব উপস্থিত হয়, তবে জানিবেন গহনার নূতন হ্রদের স্থিতিকাগারেই গঙ্গালাভ হইয়াছে।

আমার প্রবন্ধটি ক্রমে দীর্ঘ হইয়া পড়িতেছে, নতুবা অভিনব হ্রদটি যে কি অনুপম শোভা ধারণ করিয়াছে তাহা বর্ণনা করিতে চেষ্টা করিতাম, তবু ভাবুক পাঠককে অনুরোধ করি, তিনি যেন কল্পনারগে আরোহণ

করিয়া এই সময় একদিন বাঁধের মধ্যস্থলে দণ্ডায়মান হইয়া প্রাচীদিকে দৃষ্টি সঞ্চালন করেন। দেখিবেন, পুরোভাগে অতি দূরে গুভ্রাশিরা ত্রিশূল-গিরি রবিকিরণে ঝক্ ঝক্ করিতেছে, তন্নিম্নে নীলাভ-নিবিড়-বনস্থলী-বিশোভিত ক্রমনিম্ন পৰ্ব্বতরাজি প্রকৃতি দেবীয় মনোজ্ঞ-দর্পণ-সদৃশ সেই নব-সরসীর চতুঃপ্রান্তে অর্দ্ধ নিমজ্জিত ভাবে দণ্ডায়মান, ঈষদ্-হরিদাভ-নীল-স্বচ্ছ-সালিলে তাহাদের বিপর্যস্ত প্রতিবিম্ব তরঙ্গ-হিল্লোলে তালে তালে নৃত্য করিতেছে; আর দেখিবেন, যদি প্রত্যুষে উঠিয়া গিয়া থাকেন, ত্রিশূল শিরে বালার্ক সিন্দূর তিলক, সরসী সলিলে বালারূপ লোহিত-রাগ, আর অনূচ্চ উর্শ্মিমালাসহ মরীচিমালীর বাল্য-সুলভ জলকেলি।

শ্রীউপেন্দ্রনাথ কাঞ্জিলাল।

রাসলীলা।

বাসুদেব শ্রীকৃষ্ণের ঈশ্বরত্বে বিশ্বাস করেন, বঙ্গীয় সুশিক্ষিতের মধ্যে একরূপ ব্যক্তির স্বভাব নাই। কিন্তু ইংরাজি শিক্ষিত অনেক নর নারীর হৃদয়ে আজ কাল এই জিজ্ঞাসা জাগিয়াছে যে অধর্মের উপাদানে বৈকুণ্ঠ ভবন রচিত হইয়াছে কেন? শেযোক্ত ব্যক্তির সচরাচর জিজ্ঞাসা করেন, পরদারাভিমর্ষণ দোষে দূষিত শ্রীকৃষ্ণকে কিরূপে ঈশ্বর বলিয়া গ্রহণ করা যাইতে পারে? রাসলীলা করিবার নিমিত্ত নন্দনন্দন শ্রীকৃষ্ণ এই সকল ব্যক্তি কর্তৃক ব্যতিচার অভিযোগে অভিযুক্ত। কিন্তু শাস্ত্র ভগবানের প্রতিনিধি। সেই শাস্ত্র শ্রামসুন্দর শ্রীকৃষ্ণকে এই অভিযোগ মুক্ত করিতে সম্পূর্ণ সক্ষম এবং তাঁহাকে নির্দোষ এবং অপাপ বিদ্ধ ও পরম পরিশুদ্ধ সাব্যস্ত করিতে পারগ।

রাস প্রভৃতি ব্রজলীলা শ্রীকৃষ্ণের মথুরা গমনের পূর্বেই হইয়াছিল। যদি কংসালয়ে যাওয়ার কালে তাঁহার বালকত্ব সপ্রমাণ হয় তাহা হইলে আমাদের বিপক্ষ পক্ষের অনেক পরিমাণে মুখবন্ধ হওয়া সম্ভব। বধিরের সঙ্গীত শ্রবণের আয় বালকের রমণী সন্তোগ একান্ত অসম্ভব এবং প্রকৃতি ও স্বভাব বিরুদ্ধ।

বিষ্ণুপুরাণের পঞ্চদশ অধ্যায়ের পঞ্চমাংশে কংস কহিতেছেনঃ—

(ছয়ের শ্লোক দেখ)

যাবন্ন বলসাক্ষ্যে রাম কৃষ্ণ সু-বালকৌ।

তাবদেব ময়াবধ্যাবসাদ্যা বৃঢ় যৌবনৌ ॥

অর্থাৎ যত দিন রাম কৃষ্ণ অভ্যস্ত বালক থাকিবে এবং বলপ্রাপ্ত না হইবে তত দিন তাহাদের বধ করিতে আমি সমর্থ। যৌবন প্রাপ্ত হইলে তাহারা আমার অবধ্য। ইহার পর কংস আবার বলিতেছেনঃ—

ঋক্ষতনয়ং সোহহম ক্রুরং যত্নপুঙ্গবং।

তরোরানয়নার্থায় প্রেষয়িষ্যামি গোকুলং ॥

অর্থাৎ তাদের দুই জনকে আনিবার জন্ত আমি যাদবশ্রেষ্ঠ অক্রুরকে গোকুলে প্রেরণ করিব। ইহাতে স্পষ্ট দেখা যায় যে বৎকালে কংসরাজ রাম কৃষ্ণকে মথুরায় আনিবার জন্ত অক্রুরকে ব্রজে পাঠান তখন তাঁহারা সুবালক অর্থাৎ সম্পূর্ণ বালক ছিলেন। এ বিষয়ের আরও প্রমাণ প্রদর্শিত হইতেছে।

মহাভারতের হরিবংশ পর্বের ৮১শ অধ্যায়ে লিখিত হইয়াছে, অক্রুর ব্রজে আসিয়া নন্দরাজ ভবনে প্রবেশান্তর “অব্যক্ত যৌবন সেই মহাত্মা কৃষ্ণকে পুনঃ পুনঃ অবলোকন করিয়া” কহিতে লাগিলেনঃ—“হে শ্রীকৃষ্ণ! আপনাকে প্রণাম করি। আপনি বালক নহেন, আদ্য পুরুষ।” হরিবংশ পর্বের ৮৬শ অধ্যায়ে কংস সহ সংগ্রামোপলক্ষে শ্রীকৃষ্ণ কহিতেছেনঃ—“আমি বালক—আমি বালক হইলেও নৎকর্তৃক যুদ্ধের কোন ব্যতিক্রম হইবে না।” ব্রজলীলা করণ কালে নন্দনন্দন শ্রীকৃষ্ণকে সুবালক ছিলেন, তাহা সংস্থাপন করণার্থ বোধ হয় এই সকল প্রমাণই যথেষ্ট।

রাসলীলায় শ্রীকৃষ্ণ যে রমণী সন্তোগ করেন নাই, তাহার অত্রবিধ প্রমাণ প্রদর্শন করা যাইতেছে। কোন কোন বৈকুণ্ঠগ্রন্থে প্রকাশ যে ১৬০০০ গোপিনীদের সহিত শ্রীকৃষ্ণ নিত্য বিহার করিতেন। যতই কোন ধারণা ও আনন্দশক্তি পরিবর্দ্ধিত করা হউক কোনও পুরুষের পক্ষে নিত্য ১৬০০০ রমণী সন্তোগ করা একবারেই অসম্ভব। আর এই ১৬০০০ ব্রজাঙ্গনাদের মধ্যে কাহারও সন্তান হওয়া প্রকাশ পায় না। বীজ ও ফেত্রের অথবা উভয়ের দোষে সন্তান সম্ভূত হয় না। সহস্র

সহস্র ক্ষেত্রের মধ্যে কোন একটিও উর্ধ্ব ছিল না ইহা একান্ত অসম্ভব। আর বীজের যে দোষ ছিল না তাহা একরূপ নিশ্চয়; কেননা শ্রীকৃষ্ণ বহু কোটি যুগবংশের জনয়িতা। এ সম্বন্ধে আর একটি কথা আছে, কথাটি শ্রীমদ্ভাগবতের ৩৩শ অধ্যায়ে প্রাপ্ত হওয়া যায় এবং তাহা এই:—“সত্য সঙ্কল্পে শ্রীকৃষ্ণ আপনাতে শুক্ররুদ্ধ রাখিয়া সেই সমস্ত রসের আশ্রয়িত্ত্ব নিশা সকল উক্ত প্রকারে সম্ভোগ করিয়াছিলেন।” বাসুদেব শ্রীকৃষ্ণ যোগীশ্বর মহাদেবের আয় উর্ধ্বরেতা হইয়া যে গোপীগণ সহ বিহার করিতেন, ভাগবতোক্ত উপরি কথিত বাক্যই তাহার প্রমাণ।

রাসলীলাধ্যায়ে বর্ণিত হইয়াছে “শ্রীগোবিন্দ সেই সকল স্ত্রীরত্নে বেষ্টিত হইয়া রাসলীলা আরম্ভ করিলেন। দুই দুই জনের মধ্যে প্রবেশ করিয়া গোপিকাদিগের কণ্ঠ ধারণ করিলেন।” অগণ্য রমণী লইয়া পুরুষ এই ভাবে রতিকার্য্য করেন কি না এবং এইরূপে তাহার তৎকার্য্য করা সম্ভব কি না ইহাও স্মবুদ্ধিদের বিচার্য্য।

শ্রীকৃষ্ণের প্রতি পরদারাভির্ঘবণ দোষ অর্পিত হইতে পারে কিনা এক্ষণে সে বিষয়ের বিচার করা যাউক। ভাগবতের গোপীগণের বন্দনরূপ অধ্যায়ে লিখিত হইয়াছে:—নন্দব্রজের কুমারীগণ কাত্যায়নীর অর্চনরূপ ব্রত আরম্ভ করিল। গন্ধ মাল্য নৈবেদ্য দ্বারা কাত্যায়নীর অর্চনা করত মহামায়ার স্থানে এইরূপ প্রার্থনা করিল:—“হে মহাযোগিনি! নন্দ গোপের পুত্রকে আমাদের স্বামী করিয়া দিউন।” কুমারিকাগণের উদ্দেশ্য জানিতে পারিয়া ভগবান জনার্দন তাহাদিগকে বলিয়াছিলেন “হে অবলাগণ! তোমরা ব্রজে গমন কর, সিদ্ধ হইয়াছ। সতীগণ! আগামিনী যামিনী সকলে তোমরা আমার সহিত বিহার করিতে পারিবে। আমাকেই উদ্দেশ্য করিয়া তোমরা ভগবতীর অর্চনরূপ ব্রত করিয়াছ।” কৃতার্থী কুমারিকাগণ ভগবানের আদেশ পাইয়া তাহার পাদপদ্ম চিন্তা করিতে করিতে অতি কষ্টে ব্রজে গমন করিয়াছিল। ইহাতে দেখা যায় যে, যে সকল স্ত্রীগণ লইয়া শ্রীকৃষ্ণ রাসলীলা করেন, তাহারা সকলেই কুমারিকা। শ্রীকৃষ্ণকে পতিরূপে পাইবার জন্ত তাহারা কাত্যায়নীর ব্রত করেন এবং তাহাদের মনোভিলাষও পূর্ণ হইয়াছিল অর্থাৎ নন্দনন্দন শ্রীকৃষ্ণকে তাহারা পতিরূপে পাই

হইয়াছিল। একরূপ অবস্থায় শ্রীকৃষ্ণের প্রতি ব্যভিচারাত্তিযোগ কিরূপে অর্পিত হইতে পারে? আর শ্রীকৃষ্ণ ব্রজকুমারীগণকে “তোমরা সিদ্ধ হইয়াছ” বলিয়াছিলেন। “সিদ্ধ” এই শব্দটি যোগ শাস্ত্রের। ইষ্টদেবকে লাভ করিলেই লোকে সিদ্ধ হইয়া থাকে। গোপীগণ বন্দনরূপে শ্রীকৃষ্ণকে পাইয়া সিদ্ধ, আশুকাম হইয়াছিল। অতএব দেখা যাইতেছে যে রাসলীলা সংশ্লিষ্ট ব্রজবাসীগণ কুলকণ্ঠক এবং নন্দনন্দন শ্রীকৃষ্ণ লম্পট ব্যভিচারী নন। কথিত গোপিকাগণ সিদ্ধ প্রকৃতিপুঞ্জ এবং যশোদানন্দন শ্রীমসুন্দর যোগীশ্বর, যোগফলদাতা পরব্রহ্ম।

ভাগবতাদি পুরাণে নন্দনন্দন কৃষ্ণ পরব্রহ্মরূপে কীর্তিত। ভগবানের স্বদার এবং পরদার নাই। তাঁহাকে জগৎস্বামীরূপে চিন্তা করিলে স্ত্রী মাত্রে তাঁহার পত্নী হইয়া পড়ে। এই তর্কানুসারে পরদারাভিগমন অভিযোগ তাঁহার প্রতি বর্ত্তে না। ভাগবতের দশম স্কন্ধের ২৯শ হইতে ৩৩শ অধ্যায় নিবিষ্ট চিত্তে পাঠ করিলে ইহাই প্রতীয়মান হয় যে তাঁহাদের আত্মাতে ব্রহ্মণ করিবার জন্ত গোপিকাগণ শ্রীকৃষ্ণকে তাহাদের পতিত্বে বরণ করেন।

গোকুল হইতে মথুরায় এবং তথা হইতে কুরুক্ষেত্রে শ্রীকৃষ্ণ গমন করেন। মহাভারতীয় সভাপর্বে অর্ঘ্যাহরণ প্রকরণে লিখিত হইয়াছে, শাস্ত্রতন্ত্রময় বীর্য্যবান ভীষ্ম বুদ্ধি দ্বারা নিশ্চয় করিয়া কৃষ্ণকে তখনগুণ মধ্যে প্রধান অর্চনীয় বিবেচনা করিলেন; কহিলেন “যেমন ভাস্কর সর্বাপেক্ষা তেজমান তদ্রূপ ইনি এ সমস্ত রাজগণের মধ্যে তেজ, বল এবং পরাক্রম দ্বারা সমধিক উদ্ভাসমান।” ইহার পর ভীষ্ম কর্তৃক অনুরূপ হইয়া সহদেব কৃষ্ণকে প্রধান অর্ঘ্য প্রদান করেন। কৃষ্ণ-চরিত ব্যভিচার অথবা চৌর্য্য দোষ সম্পৃক্ত হইলে রাজ্য রাজশোভিত সেই বিরাট সভায় শ্রীকৃষ্ণ একরূপ পূজা ও সমাদর কখনও প্রাপ্ত হইতেন না। বাসুদেবের প্রতি এই পূজা সহ করিতে না পারিয়া চেদিরাজ শিশুপাল তাঁহাকে অশেষবিধ ভৎসনা করেন, কিন্তু “তুমি ব্যভিচারী এবং চোর” এই গালি শ্রীকৃষ্ণ প্রতি চেদিরাজ বর্ষণ করেন নাই। শিশুপাল শ্রীকৃষ্ণের এই পর্য্যন্ত নিন্দা করিয়াছিলেন:—“এই বাসুদেব না ঋষিক, না আচার্য্য না রাজা, কিছুই নন। ইনি রাজ লক্ষণের অনধিকারী; পূর্বে মহাত্মা রাজা জরাসন্ধকে অত্যায়ে নিহত করেন।” ব্যভিচারী

হইয়া থাকিলে শ্রীকৃষ্ণের ব্যভিচারের কথা তৎকালে অবশ্যই কুক্ষণে রাষ্ট্র হইত এবং তাঁহার ব্যভিচারের উল্লেখ করত বাসুদেবকে দিচ্কা করিতে শিশুপাল কখনই স্ফান্ত হইতেন না। ভীষ্মদেব এবং শিশুপালের সেই বিরাট সভায় বাসুদেব প্রতি ব্যবহার দ্বারা তিনি যে ব্যভিচারী ছিলেন না ইহাই সপ্রমাণ হইতেছে।

এই সম্ভে এই কথাটিরও উল্লেখ অসঙ্গত হইবে না। কোন বৈষ্ণব গ্রন্থে লিখিত আছে যে একদা গোপীগণ যমুনাতে আসিয়া দেখিলেন যে শ্রীকৃষ্ণ দানী হইয়া যমুনার তটে বিদ্যমান। গোপীগণ তাঁহাকে পার করিয়া দিতে বলার অন্ত্যান্ত কথা পর শ্রীকৃষ্ণ তাঁহাদিগকে এই পরামর্শ দেন :—তোমরা যমুনাতে যাইয়া বল, হে যমুনে! শ্রীকৃষ্ণ যদি কখনও পরস্পী গমন না করিয়া থাকেন তবে তুমি আনাদিগকে পথ প্রদান কর, আমরা পার হইয়া যাই। কথিত বৈষ্ণব গ্রন্থে প্রকাশ যে গোপীগণ এই কথা যমুনাতে বলায় তিনি পথ ছাড়িয়া দেন এবং গোপবধূগণ পার হইয়া যান। শ্রীকৃষ্ণ যে ব্যভিচারী ছিলেন না এ ঘটনা দ্বারা কতক পরিমাণে সাব্যস্ত হয়।

“গীতাসু...ব্রহ্মস্বরূপিণী” শ্রীমদ্ভাগবদ্গীতা ব্রহ্মস্বরূপ। ইহা সর্বশাস্ত্রের সারস্বত এবং অতি বিগুহ। শ্রীকৃষ্ণ গীতা জ্ঞান দ্বারা অর্জুনকে সম্যক জ্ঞান বলিয়াছেন। যেমন তেমন ব্যক্তি অথবা ব্যভিচারী হইলে বাসুদেব শ্রীকৃষ্ণ কখন এই গীতার বক্তা রূপে মনোনীত হইতেন না। শান্তস্বতনর পরম জ্ঞানী মহাত্মারতীয় শাস্তি পরোক্ত যোগ মার্গের কথক ভীষ্মদেবকেও উপেক্ষা করত শ্রীকৃষ্ণকে এই গীতার বক্তা মনোনীত করার অবশ্য বিশেষ কারণ আছে। হয় শ্রীকৃষ্ণ পরব্রহ্ম পরমেশ্বর নতুবা পরম আদর্শ পুরুষ। তদপেক্ষা শ্রেষ্ঠ পুরুষ ত্রিকালজ্ঞ ব্যানদেবেরও পরিচিত ছিল না। পর প্রকার ব্যভিচার পরিশুষ্ঠ অসাপবিত্ত এবং পরম বিগুহ চিত্ত না হইলে বাসুদেব কৃষ্ণ গীতার বক্তারূপে কখন পরিগৃহীত হইতেন না।

বিষ্ণুপুরাণ এবং হরিবংশোপেক্ষা ভাগবত অধিকতর অভিনব পুরাণ। বিষ্ণুপুরাণে রাসলীলা এইরূপে বর্ণিত হইয়াছে, যথাঃ—“গোবিন্দ শরচ্ছ মনোরম রাত্রিতে গোপীজস কর্তৃক পরিবৃত্ত হইয়া রাসারম্ভরসে সমুৎসুক হইলেন।” হরিবংশে এই রাসলীলার বর্ণনা অন্তর্বিধ। “কৃষ্ণ রাতে

চন্দ্রমার নবযৌবন বিকাশ দেখিয়া এবং রম্যা শারদীয়া নিশা দেখিয়া ক্রীড়াভিলাষী হইলেন। কালজ্ঞ কৃষ্ণ আপনার কিশোর বয়সের সম্মানার্থ যুবতী গোপ কণ্ঠাগণের জন্ত কাল নির্ণীত করিয়া রাতে তাঁহাদিগের সহিত আনন্দানুভব করিলেন।” বিষ্ণুপুরাণান্তর্গত রাস শব্দের পরিবর্তে হরিবংশে হল্লীষ শব্দ ব্যবহৃত হইয়াছে। হেমচন্দ্রাভিধান এবং তারানাথ বাচস্পত্যের উল্লেখ করিয়া সুপণ্ডিত বাবু বঙ্কিমচন্দ্র চট্টোপাধ্যায় দেখাইয়া দিয়াছেন যে ‘হল্লীষ’ এবং ‘রাস’ একই কথা—নৃত্য বিশেষ। রাসের অর্থ কি তাহা শ্রীধর স্বামীও বুঝাইয়াছেন। তিনি বলেন স্ত্রী পুরুষে পরস্পরের হাত ধরিয়া গাইতে গাইতে মণ্ডলীরূপে ভ্রমণ করিতে করিতে যে নৃত্য করে তাহার নাম রাস। সুবালকের অবস্থাতেই শ্রীকৃষ্ণের সমস্ত ব্রজলীলা সম্পন্ন হয়, ইহা স্মরণ করিলেই স্বামীকৃত রাসের এই অর্থ সমীচীন বোধ হয়। ভারতবর্ষের কোন কোন স্থানে গ্রাম্য বালক বালিকারা অদ্যাবধি এইরূপ ক্রীড়া বা নৃত্য করিয়া সগয় সময় আনন্দে কাল কাটাইয়া থাকে।

লীলাএবং খেলা একই কথা। তবে লীলা ভগবান সম্বন্ধে এবং খেলা মানুষ সম্বন্ধে ব্যবহৃত হইয়া থাকে। যাহা স্বরূপতঃ মিথ্যা জানিয়াও নিজানন্দ প্রেরিত পুরুষের দ্বারা ক্ষণিক সত্যতার অভিনয়ে অনুষ্ঠিত হয় তাহারই নাম খেলা। ব্রজেন্দ্রকুমার শ্রীকৃষ্ণ অষ্টদশ-দশদশ পটীয়সী আপনার মায়ী কুহকে জড়িত হইয়া গোপবাল্য বেষ্টিত আপনাকে সামান্য গোপবালক বোধে তাহাদের সহিত নৃত্য করিয়াছিলেন। ভগবানের শক্তি সম্প্রসারণের নামই তাঁহার লীলা। ইহাই তাঁহার সংসার নাট্যাভিনয়। ইহাই তাঁহার ব্রহ্মানন্দ মহাসাগরের নিত্য উত্তালতরঙ্গমালা।

অনেক আর্য্য শাস্ত্রই দ্বার্থবোধক এবং রূপক রঞ্জিত। পুরঞ্জনোপাখ্যান রূপকের আধার ভাগবত পুরাণে রাসোপাখ্যানের রূপকাবৃত্তি অতি অপূর্ণ বর্ণনা দৃষ্ট হয়। ভাগবতের ২৯ ও ৩০শ অধ্যায়ে কথিত হইয়াছেঃ—“যোগমায়ামুপাশ্রিতঃ” ভগবান্ যোগমায়ী আশ্রয় পূর্বক স্ত্রীরত্ন সকলে বেষ্টিত হইয়া রাসলীলা আরম্ভ করিলেন। টীকাকারগণ এই যোগমায়াকে ভগবানের ছায়াদীনী শক্তির (আনন্দ-শক্তির) বিলাস লালসা প্রেরিত ক্রিয়া শক্তি বলিয়া নির্দেশ করিয়াছেন। ভগবান্ আনন্দ স্বরূপ

এবং পূর্ণানন্দময়। তিনি অত্ৰকে সেই আনন্দাংশ বিতরণেচ্ছা প্রেরিত হইয়া স্বীয় মায়িক শক্তি অর্থাৎ যোগমায়ার 'আশ্রয়ে রাসলীলারম্ভ করেন অর্থাৎ আপনি আনন্দভোগ করিতে এবং অত্ৰকে অর্থাৎ গোপিকাগণকে আনন্দ বিতরণ করিতে থাকেন। শ্রীকৃষ্ণ গোপিকা বিরচিত রাসমণ্ডলের মধ্যে অধিষ্ঠিত। সুধু তাই নয়, ছুই ছুই গোপিকার মধ্যে প্রবেশ পূর্বক তাহাদের কণ্ঠ ধারণ করিয়া যেন প্রত্যেকের নিকট পৃথক ভাবে অবস্থিত। রাসাধ্যায়ে রাসমণ্ডলে শ্রীকৃষ্ণের অধিষ্ঠান এইরূপ বর্ণিত। ভগবান ব্রহ্মাণ্ডের মধ্যে এবং বাহিরে থাকিয়া সকলকেই ধারণ করিয়া আছেন। মানুষ মাত্রেয় এই জ্ঞান যে সে একটি পৃথক আত্মায় রমণ করিতেছে। শ্রীকৃষ্ণকে মধ্যে রাখিয়া গোপিকাগণ রাসমণ্ডলে বিঘূর্ণিত। ভগবানের মায়ায় জীব সকলও সংসারচক্রে সেইরূপ ঘূর্ণায়মান। যেমন রাসচক্রে বিঘূর্ণিত উভয় শ্রীকৃষ্ণ এবং গোপিকাগণ পরমানন্দ রসপানে বিমোহিত, তদ্রূপ সংসার নাট্য-ক্ষেত্রে অনাসক্ত-চিত্ত ভগবান কথঞ্চিৎ উদ্বেলিত এবং ভবসংসারকে আন্দোলিত করিয়া নিজে আনন্দানুভব করেন এবং জীবগণকে আনন্দ ভুঞ্জাইয়া থাকেন। আর ব্রজের রাসলীলা যেরূপ নিত্য, সংসারও তদ্রূপ আদ্যন্ত বিরহিত। শ্যামসুন্দরের বংশীধ্বনি ব্রজ গোপীদের কর্ণে চিরশব্দিত এবং তাহারা চিরনৃত্যশীলা। ব্রহ্মাণ্ড-ব্যাপী শূন্যাকাশে "ঈশ্বরস্ত বাচকঃ প্রণবঃ" চিরধ্বনিত এবং প্রাণীবৃন্দ চিরস্পন্দনযুক্ত এবং ক্রীড়াবিশিষ্ট। ভগবানের ব্রজের রাসলীলা স্রোতঃ এবং সংসারপ্রবাহ চিরপ্রবাহিত।

ভাগবতকাবের কবিদের গভীরতার এবং তাহার চমৎকারিত্বের পরিসীমা নাই। ভগবানকে পাইবার জন্য পার্থিব সমস্ত পরিহার করিতে হয়। তাই কবি কহিয়াছেন যে শ্রীকৃষ্ণের আনন্দোদ্দীপক গীত শ্রবণ করিয়া রাসলোচনারা সর্বস্ব পরিত্যাগে তাঁহার নিকট উপস্থিত হইয়াছিলেন। কবি বলিয়াছেনঃ—কোন গোপী দুগ্ধ দোহন করিতেছিলেন ; কেহ শিশুকে স্তন্যপান করাইতেছিলেন ; কেহ ভোজন করিতে বসিয়াছিলেন ; কেহ গোধুমকণা পক করিতেছিলেন ; ইত্যাদি ইত্যাদি। কিন্তু শ্যামসুন্দরের বেণুরব শুনিবা মাত্র সেই সমস্ত কার্য পরিত্যাগে পিতা, পতি, ভ্রাতা এবং বন্ধুগণের নিবারণ না শুনিয়া গোপীরা শ্রীকৃষ্ণের সন্নিহিত

হইলেন। অহং বুদ্ধি দোষেই মানুষ ঈশ্বর দর্শনলাভে বঞ্চিত হয়। কবি আবার কহিয়াছেনঃ—ব্রজেন্দ্রকুমার ব্রজসুন্দরীদিগের বহুবিধ সম্মান এবং আদর করিলেন। ইহাতে তাহারা মানিনী হইয়া উঠিল এবং আপনা-দিগকে যাবতীয় স্ত্রীর শ্রেষ্ঠ মনে করিতে লাগিল। রমণীগণের সৌভাগ্য-গর্ব ও অভিমান দেখিয়া অচ্যুত অন্তর্হিত হইলেন।

পরম প্রেমিক প্রেমগুরু ও প্রেমসেবক চৈতন্যদেব রাসলীলা সম্বন্ধে নীরব থাকেন নাই। প্রিয় শিষ্য বংশীবদনকে অতি যত্ন সহকারে তাহা বুঝাইয়াছিলেন। শচীনন্দনের রাস বিষয়ক ভাব সমূহ প্রেমদাম ভাষায় পয়ারে নিবদ্ধ করিয়াছেন। পবিত্র রাস-রসসিক্ত শ্রীগৌরাস্বরের কথাগুলি এই স্থানে গৃহীত হইল। বিষ্ণুপ্রিয়াবল্লভ বলিয়াছেনঃ—সর্ব-আত্মারাম কৃষ্ণ ত্রিভুবনের এবং অপ্ৰাকৃত পতি। নিত্য বৃন্দাবন মন্মথ বিলাস শূন্য এবং প্রেমলীলা পরিপূর্ণ। গোপী সকল প্রাকৃতিক সতীত্ব পরিত্যাগে অনন্ত ভাবে নিরন্তর কৃষ্ণ ভজনা করেন। তাঁহারা নিজ স্মৃথ বাঞ্ছা করেন না, কেবল কান্তস্মৃথ প্রার্থিত। গোপীগণ কামগন্ধহীনা, কৃষ্ণ স্মৃথ মাত্র স্মৃথী এবং প্রেমস্বরূপ কৃষ্ণ সেবা মাত্র প্রবীণা। এই জন্ত সামর্থ্য পাত্রীদের মধ্যে গোপীরা অতীব গণনীয়।

শ্রীদীননাথ ধর।

প্রণয় ।

প্রকৃতি রাজ্যের একটি দৃশ্যে মন এত মুগ্ধ হয় কেন? আকাশে চাঁদ হাসিতেছে, তারাদল তাহাকে পরিবৃত করিয়া মুগ্ধভাবে তাকাইয়া রহিয়াছে। নিম্নে স্রোতস্বিনী সে ছবি বুকে করিয়া আনন্দে ভাসিয়া যাইতেছে। নলিনী দূর দূরান্তরে থাকিয়াও ক্ষোভ অভিমান সব ভুলিয়া আত্মহার হইয়া উন্নয়নে চাহিয়া রহিয়াছে, মধুকর আসিয়া কত ভুলাইবার চেষ্টা করিতেছে কিন্তু তাহার তৎপ্রতি কিছু মাত্র লক্ষ্য নাই। বিজন প্রদেশে ফুলটা ফুটিয়া আছে, মনে হয় তাহার দুঃখের অবধি নাই, কিন্তু সে যে উল্লাসময়ী—ঐ সমীর ধীরে ধীরে আসিয়া তাহাকে লইয়া কত কৌতুকই করিতেছে। কোমল লতিকা কেমন একান্তমনে ঐ তরুণকে

আশ্রয় করিয়া শোভা পাইতেছে। ক্ষুদ্র শ্রোতস্নিনীর উভয় তীরে বসিয়া ঐ দুইটী পাখী কেন এত কাতর প্রাণে পরস্পরকে ডাকিতেছে, রজনী অবসান হইতে চলিল তথাপি সে কাতরতার বিরাম নাই।

জগতের অনন্ত ব্যাপারের মধ্যে ঐ কয়েকটী দৃশ্য আমার প্রাণকে এত পরিতৃপ্ত করে কেন? উহা দেখিয়া আমি সময়ে সময়ে আকুল হই, অথচ না দেখিয়া থাকিতে পারি না কেন? কি এক শ্রোত এ হৃদয়ে প্রবাহিত হইতেছে, তাহার বিরাম নাই। কি এক বায়ু বহিতেছে, তাহার কখনও নিবৃত্তি হইল না। মহাসাগরের তরঙ্গের ত্রায় উহা কখনও প্রশমিত হইল না। হৃদয়তন্ত্রী সেই যে বাজিয়া উঠিয়াছে, তাহা সেই একই ভাবে অবিরত বাজিতেছে, কখনও থামিল না!

এ আবেগের কারণ কি? এ চঞ্চলা তরঙ্গিনীর উৎপত্তি স্থান কোথায়? কোন্ নিভৃত প্রদেশ হইতে এ সমীর আসিয়া হৃদয়কে এত আন্দোলিত করিতেছে? আমার শরীরের শোণিতপ্রবাহের ত্রায় এ ভাব প্রতিনিয়ত বহিতেছে, রোধ করিবার শক্তি আমার নাই। জানি যে এ ভাব আসিয়া মনকে আকুল করে, আবার ইহাও জানি যে এ মধুময় ভাব ভুলিয়া নীরস ভাবে জীবন লইয়া থাকা আমার পক্ষে অসম্ভব। আমি পতঙ্গ জানি যে ঐ অনলে পড়িলে দগ্ধ হইয়া যাইব, অথচ উহাতে পড়িবার জন্ত প্রাণ যারপর নাই অস্থির হইয়াছে।

যখন বালক ছিলাম, সকল বস্তুতেই কেমন পরিতৃপ্ত থাকিতাম। একটী পুতুল পাইলে আনন্দের পরিসীমা থাকিত না। পুতুলের নিকট কিছুই প্রত্যাশা করিতাম না, সে একটী কথাও কহিত না, অথচ আমার আনন্দ ধরিত না। একটী ফুল দেখিলে কত উৎফুল্ল হইতাম। আকাশে চাঁদ দেখিয়া তাহার হাসির সহিত হাসি মিশাইয়া আত্মহারা হইতাম। এখন সে সব দেখিয়া মন কাতর হইয়া পড়ে, ভাবি উহারা আমার হৃদয় ছাড়িয়া বাহিরে এতদূর চলিয়া গেল কেন? এখন যাহাতে আকৃষ্ট হই তাহাই হৃদয়ের অন্তস্তলে লুকাইয়া রাখিতে বাসনা হয়। সে সাধ পূর্ণ হয় না তাই কি মন এত কাতর হইয়া পড়িতেছে?

আমি পথিক, ভাবিয়াছিলাম এ বিশাল রাজ্যের অধিবাসী হইয়া কেন এক স্থানে আবদ্ধ থাকিব, কেন সংসারের দুই একটী ক্ষুদ্র জীব লইয়া

চিরদিন অতিবাহিত করিব? আগল গৃহ বা পরিজনের প্রয়োজন কি? এই বিশ্বসংসার আমার গৃহ, এই লোকজগৎ আমার পরিজন। এক দিন এই উদার ভাব লইয়া কত উৎসাহে বাহির হইয়াছিলাম। হায় আজ বে আমার এ চূর্ণদশা হইবে তাহা কে জানিত? আমার হৃদয় যেন কি চায়, কি একটা প্রধান অভাব রহিয়া গিয়াছে, তাহার পরিপূরণ না হইলে এ হৃদয়ের আবেগ প্রশমিত হইবে না।

কাস্তাবিরহে কাতর যক্ষের কথা একদিন প্রলাপবচন বলিয়া মনে হইত। আজ তাহার হৃদয়ের কথা বড়ই মধুর বলিয়া বোধ হইতেছে। মনে হয় বিধাতা আমাকে কেন বক্ষ করিলেন না? তাহা হইলে কাঁদিয়া কাঁদিয়া সুখী হইতাম—হৃদয়ের কথা প্রকাশ করিয়া সৃষ্টির হইতাম। অতীত জীবনের সুখস্বপ্নে ডুবিয়া রহিতাম এবং ভ্রাশার সুরম্য রথে আরোহণ করিয়া প্রাণস্নিনীর সন্নিধানে সমাগত হইতাম। এ জীবনে সে সৌভাগ্য ঘটে নাই, তাই কি মন এত উদাস হইয়া পড়িতেছে?

ঙনিয়াছিলাম সৌন্দর্য্যে না কি মন বড়ই আকৃষ্ট হয়। প্রকৃত কথা—আমি সুন্দর বস্তু দেখিতে বড় ভালবাসি। জগতের সৌন্দর্য্যভাণ্ডার আমার সম্মুখে আনিয়া দেও, দেখিয়া দেখিয়া আমি আবিষ্ট হইয়া যাই। স্বর্গের নন্দন কানন কেন এ ধরাতলে বিতাসিত হইল না? তথাপি এই অরণ্যে যে সৌন্দর্য্য সন্মাকীর্ণ রহিয়াছে, তাহা কি আমার পক্ষে যথেষ্ট নহে? কাবিনাসের তপোবন—এই পৃথিবীর তপোবন, একবার সেই স্থানে প্রবেশ কর। কি সুন্দর শোভা, ইহা কি নয়নের পক্ষে যথেষ্ট নহে? প্রকৃতি যে এমন ভুবনমোহন বেশে অবতীর্ণ, কৈ তাহা ত ছদ্মস্তের মনকে আকৃষ্ট করিতে পারিল না? সেই তপোবনের কোমলনৃতিকা যে এত ফুলদামে স্তমোভিতা তথাপি ত তাহার মনকে অধিকার করিতে পারিল না। তবে পারিল কে? পারিল সেই অনিন্দ্যক্রপিনী ভুবনমোহিনী শকুন্তলা। সে রূপমাধুরীদর্শনে ছদ্মস্ত বিমুগ্ধ হইয়া পড়িলেন, মর্কটই শকুন্তলাময় দেখিতে লাগিলেন। চরাচর বিশ্বের মধ্যে শ্রেষ্ঠতম সৌন্দর্য্য অনুভব করিয়া ছদ্মস্ত তাহাই হৃদয়ের মার মর্কট বলিয়া গ্রহণ করিলেন। প্রীতিধারা মর্কটে উৎসারিত হইয়া পড়িল। কি এক রমাঙ্গনে তাহার নয়নযুগল অল্পরঞ্জিত হইল, তিনি যাহা দেখিতেছেন তাহাই সুন্দর, যাহা ভাবিতেছেন তাহাই

মধুর, যাহা করিতেছেন তাহাই তৃপ্তিকর। তিনি বুঝিলেন কেন মনে আবেগ হয় এবং কিসেই বা তাহা প্রশমিত হয়।

যদি আর একটী দৃশ্য দেখিতে চাও তবে একবার হিমাচলের প্রত্যন্ত প্রদেশে গমন কর। দেখ সন্মুখে অচ্ছাদ সরোবর রমণীয় শোভায় শোভমান। অদূরে কিন্নরীকণ্ঠবিনিঃসৃত সুমধুর সঙ্গীতে সে প্রদেশ ভাসমান। তাপসকুমার পুণ্ডরীক পারিজাত কুসুমমঞ্জরী কর্ণে পরিয়া সেই সরোবরে অবগাহন করিতে আসিতেছেন। সৌরভে সে স্থান আমোদিত। এ কি? তাপসমন চঞ্চল হইল কেন? কাহার রূপমাধুরী দর্শনে আজ পুণ্ডরীক প্রমত্ত হইয়া উঠিলেন। মহাশ্বেতা আজ তাঁহার প্রাণ কাড়িয়া লইয়াছে। তিনি প্রমত্ত পতঙ্গের স্থায় সেই সৌন্দর্যালোকের অনুসরণ করিতে লাগিলেন। করতলস্থিত অক্ষমালা যে কোথায় গেল তাহার স্থিরতা নাই, এমন যে সুধাময় সঙ্গীত বহিয়া যাইতেছে, তাহা কর্ণকুহরে প্রবেশ করিতেছে না, এমন যে অতুলনীয় শোভা বিরাজিত রহিয়াছে, তৎপ্রতি লক্ষ্য নাই, আজ তাঁহার চিত্ত মহাশ্বেতাময়, তিনি সর্বত্র সেই একইরূপ অবলোকন করিতেছেন। তিনি জানিলেন কেন মনে এত চঞ্চল হয় এবং কিসেই বা সে ভাব তিরোহিত হয়?

সৌন্দর্যের বেরূপ আকর্ষণ, গুণেরও তদনুরূপ অথবা তদপেক্ষা অধিক আকর্ষণ আছে। যাহার গুণে আকৃষ্ট হই, তাহাতে প্রকৃত প্রস্থাবে সৌন্দর্য না থাকিলেও কেমন সুন্দর দেখায়। গুণের আভা সে মুখমণ্ডলে প্রতিভাত হইয়া অপূৰ্ণ সৌন্দর্যের বিকাশ করিয়া দেয়। এই জন্ত গুণবোধ হইলে মনে যে তৃপ্তি জন্মে তাহাই প্রকৃত অনুরাগের পক্ষে বশেষ হইয়া দাঁড়ায়। এই জন্ত শোভাময়ী ডেজুডোমিনা কাক্রী ওথেলোকে পতিত্ব বরণ করিয়া তদীয় চরণে প্রাণ মন সমর্পণ করিয়াছিলেন। অপর রমণী ওথেলোকে বেরূপ কুৎসিৎ দেখিতেন ডেজুডোমিনার পক্ষে বেরূপ কুৎসিৎ দেখা অসম্ভব। তিনি তদীয় গুণে এতদূর মুগ্ধ হইয়াছিলেন যে ওথেলোর সেই রূপই তাঁহার নয়নের অপার তৃপ্তি সাধন করিত। তিনি বুঝিয়াছিলেন কেন মনে এত আবেগ হয় এবং কিসেই বা সে আবেগ প্রশমিত হয়?

হৃদয় ও পুণ্ডরীকের মনে যে চঞ্চলতা ও আবেগ উঠিয়াছিল, তাহা

প্রথমতঃ সৌন্দর্যাদর্শনে উদিত হইয়া পরিশেষে লালসাকর্ষক প্রবন্ধ হইয়াছিল। নয়ন দেখিয়া যাহাতে মুগ্ধ হইল, হৃদয় তাহাকে ধারণ করিতে চাহিল। তোমাকে আমার হইতে হইবে ও আমাকে তোমার করিতে হইবে, তোমার প্রাণের কথা আমাকে কহিতে হইবে ও আমার প্রাণের কথা তোমাকে শুনিতে হইবে, আমরা দুইজনে অভিন্নহৃদয় হইয়া একত্রে থাকিব, বিচ্ছেদ কোন মতে হইতে দিব না, এই ভাব তখন প্রবল হইয়া উঠিল। সমুদয় ইন্দ্রিয় আনন্দে অধীর হইয়া ভাবিল এতদিন যাহা পাই নাই, আজ তাহা পাইয়াছি, এতদিন যে রত্ন চিনি নাই, আজ তাহা চিনিয়াছি। যখন এই ভাব প্রগাঢ় হইয়া উঠিল, তখন হৃদয় ও পুণ্ডরীক বুঝিলেন যে প্রণয় হৃদয়ের একটী অতি উচ্চ আকাঙ্ক্ষা। প্রণয় ভিন্ন প্রকৃত সুখ হইতে পারে না। প্রণয়ীজন পাইলে স্বর্গ ও পৃথিবীতে কোন প্রভেদ থাকে না। এই যে মনে এত আবেগ ছিল, মুখ শান্তি কিছু মাত্র ছিল না, তাহার কারণ এতদিন প্রকৃত প্রণয়ীজন পাই নাই। আজ এই প্রণয়সঞ্চারে হৃদয় উল্লাসতরঙ্গে উদ্বেলিত হইতেছে। তাঁহার বুঝিলেন মন কি চায় এবং কি পাইলে পরিতৃপ্ত হয়।

এই পরিতৃপ্তি, আনন্দ ও উল্লাসের ভাবই প্রকৃত অনুরাগ। এই অনুরাগ সঞ্চারিত হইয়া স্থায়ী হইলেই সুমধুর ও পবিত্র প্রণয়ে পরিণত হয়। যে অনুরাগ ক্ষণিক বিছাতের স্থায় বিলুপ্ত হইয়া যায়, তাহা প্রণয় নহে। যদি হৃদয় অভিজ্ঞানাসুরীক দর্শনে শকুন্তলার বিষয় পূর্কোপর অভিজ্ঞাত হইয়া আকুলভাবে অনুতপ্ত হৃদয়ে তাঁহার অনুসন্ধান বহির্গত না হইতেন, অথবা শকুন্তলা হৃদয়ের রাজধানী গমনের পর, তাঁহার সহিত নিজের বিবাহের কথা প্রকাশ না করিয়া তপোবনেই বাস করিতেন, তবে তাঁহাদের সে ক্ষণিক অনুরাগের কথা জগতে কদাপি প্রচারিত হইয়া মহাকবির কল্পনার প্রভাবে এতদূর সমুচ্ছল হইত না। লালসার নীচভূমি অতিক্রম করিয়া পবিত্র স্থায়ীভাব ধারণ করার সে প্রণয় এত সুমধুর হইয়াছে। স্বামিকর্ষক পরিত্যক্ত ও অপমানিত হইয়াও শকুন্তলা তাঁহাকে ছাড়িতে পারেন নাই, পিত্রালয়ে ফিরিয়া না যাইয়া স্বামিসম্মিলনের আশা হৃদয়ে পরিপোষণ করত গুরুচারিণী হইয়া জীবন অভিবাহিত করিতে লাগিলেন। এই জন্ত তাঁহাদের প্রণয় এত পবিত্র হইয়াছে। যদি

পুণ্ডরীকের তিরোভাবের পর মহাশ্বেতা সে শোক বিষ্মত হইয়া পিতৃশ্রমে আসিয়া বসবাস করিতেন, তবে তাঁহার সে লালসামিশ্রিত ঘৃণিত প্রণয়ের কথা শুনিয়া জগৎ এতদূর বিমোহিত হইত না। কিম্ব এই দেখ—অমোঘ সরোবরের লতাপত্রমণ্ডিত তটে বসিয়া যোগনিরতা মহাশ্বেতা প্রণয়সঙ্গীতে বনশ্রীকে শোকে ভাসাইয়া যে স্মৃতান ধরিয়াছেন, তাহাতে পরলোকগত পুণ্ডরীক আকৃষ্ট হইয়া পুনরায় দয়িতার সন্নিধানে উপগত হইয়াছেন। মহাশ্বেতা প্রণয়যোগে সিদ্ধ হইয়া পুনরায় স্বামিনহবাসে সিদ্ধকাম হইয়াছেন। যদি ওখেলোর দুর্ব্যবহারে উত্থল হইয়া ডেজডোমিনা কখনও স্বীয় অদৃষ্টকে ধিকার দিতেন অথবা কখনও ক্ষণকালের জন্ত এরূপ মনে করিতেন যে তাঁহাকে বিবাহ করিয়া তিনি বুদ্ধির পরিচয় দেন নাই, তবে তাঁহার প্রণয় পাশ্চাত্য মহাকবি লেখনীতে সমুজ্জ্বল হইয়া জগতে এতদূর প্রচারিত হইত না।

এই সকল বিবরণ পড়িয়া নিজের মানসিক আবেগের কারণ বুঝিতে পারিয়াছি। মনে যে কি চায়, কি পাইলে পরিতুষ্ট হয় তাহা বুঝিয়াছি। আমি পথিক হইয়া শূন্য হৃদয় লইয়া ইতস্ততঃ বিচরণ করিতেছি, অনুভবের কোন পাত্র জগতে নাই, তাই মনের ব্যাকুলতা অপনীত হইতেছে না। আমি তুণের ছায় ভাসিয়া যাইতেছি, শান্তির আশ্রয় পাইতেছি না। সংসার আশ্রম যে প্রণয়ের তপোবন, তাহা আগে জানিতাম না তাই আমার এই দুর্দশা। প্রণয়ে সিদ্ধ হইতে পারিলে যে মনুষ্য দেবত্ব পরিণত হয়, তাহা জানিতাম না তাই এতদিন অন্ধকারে ঘুরিতেছিলাম। মনে করিতাম পার্থিব প্রণয়ে মানুষকে আসক্তির অন্ধতম রূপে নিষ্কিপ্ত করিয়া মোহাচ্ছন্ন করিয়া রাখে, নিস্তারের আর সম্ভাবনা থাকে না। এখন সেই পার্থিব প্রণয়ের জন্ত মন ব্যাকুল। স্বর্গ রাজ্য হইতে যে প্রেমমন্দাকিনী বহিতেছে, তাহারই এক শাখানদী প্রণয়রূপে জগতের নরনারীর হৃদয়ে অবতীর্ণ হইয়াছে, সেই প্রণয়নদীতে যখন উজান বহিতে থাকে, তখন তাহাতে ভাসমান হইয়া কত সৌভাগ্যবান বসন্ত স্বর্গের অপূর্ণ মুক্তিঘাটে যাইয়া উপনীত হইয়েন। এ সন্ধান আগে জানিতাম না, প্রণয় মাহাত্ম্য বুঝিতাম না, তাই নিরাশ্রয় পথিক হইয়া সংসারের পথে ঘুরিয়া বেড়াইতেছি।

প্রণয়ের মূল অনুসন্ধান করিলে দেখিতে পাওয়া যায় যে উহার অন্তর্নিহিত দুইটি মহাভাবের সমাবেশ আছে। তুমিই আমার, ও আমিই তোমার, এই দুইটি ভাব প্রণয়ের ভিত্তিস্বরূপ। এই ভাব যত গাঢ়তর হইয়া স্থায়ী হয়, ততই প্রণয়ের মহিমা বিকসিত হইতে থাকে। সীতা, সতী, সাবিত্রী, দময়ন্তী ইহাদের প্রণয়ে এই দুইটি ভাবের সম্যক বিকাশ হইয়াছিল, এই জন্ত তাঁহারা জগতে আদর্শসতী বলিয়া প্রসিদ্ধিলাভ করিয়াছেন।

এই প্রণয়ের সূত্রপাত হইতে বিবাহ প্রণালী জগতে প্রচলিত হইয়াছে। প্রণয় সম্ভবপর, এই জন্ত বিবাহ সম্ভবপর। যতদিন প্রণয় সূখের মূল বলিয়া লোকে বুঝবে, ততদিন বিবাহ প্রথা সমাজে অমৃত ও শান্তিশ্রোত প্রবাহিত করিবে। বিবাহ প্রণয়ের বন্ধন। যাহার সে বন্ধনে প্রবৃত্তি বা সাহস হয় না, তাহার প্রকৃত প্রাস্তাবে প্রণয় হয় নাই। বিবাহ ভিন্ন স্ত্রী পুরুষের সম্পূর্ণ মিলন সম্ভবপর নহে। যে মিলনে শঙ্কা বা অনিচ্ছা, সে মিলন মিলনই নহে। যে মিলন বা প্রণয় লোকে জানিলে আমার শঙ্কা বা অপমান বোধ হয়, সে স্থানে প্রণয়ের উপর শঙ্কা আধিপত্য বিস্তার করে, সুতরাং প্রকৃত প্রণয় হইতে পারে না। প্রকৃত প্রণয়ে পবিত্রতা, মনের বিকারশূন্যতা। কর্তব্য জ্ঞান উহাকে সূদৃঢ় করিয়া তুলে। আত্মজ্ঞানহারা হইয়া যখন প্রণয়ীজন “তুমি আমার, আমি তোমার” এই ভাবে বিভোর হইয়া উঠে, তখনই প্রণয়ের মাহাত্ম্য প্রচারিত হইতে থাকে। প্রণয়ীযুগলের মনে এই ভাব স্থায়ীরূপে প্রবল হইয়া উঠিলে, প্রণয়ের পরাকাষ্ঠা প্রদর্শিত হয়।

মনের ক্ষণিক উচ্ছ্বাস বা বিদ্যাদিক্রম প্রণয় নহে। সৌন্দর্য্যে বা গুণের মোহে বা লালসার উত্তেজনায় অনুভব প্রকাশ করা প্রকৃত প্রণয় নহে। সে মোহ বা উত্তেজনার কারণ না থাকিলেও কিম্বা সে কারণকে প্রচ্ছন্ন করিয়া যখন অনুভবের জ্যোতির বিকাশ হইতে থাকে, তখনই তাহা প্রণয় নামে সমাদৃত হইয়া থাকে। কর্তব্যের, অনুরোধে স্নেহ বা যত্ন প্রকাশ অথবা দয়ার বশবর্তী হইয়া রূপার পাত্রী মনে করিয়া অনুগ্রহ প্রদর্শন প্রকৃত প্রণয়ের পরিচায়ক নহে। স্বার্থসিদ্ধির জন্ত বা আশঙ্কাহেতু বাধ্য হইয়া স্নেহের প্রকাশকে প্রণয় বলে না। প্রকৃত প্রণয়ে শ্রদ্ধা, প্রীতি,

পবিত্রতা ও একাগ্রতা। প্রণয়ে মানুষ আত্মহারা হইয়া যায়। প্রণয়শ্রোতে নামিয়া কেহ বলিতে পারেন না—আমি ভাসিব না, আমি বিবেচনা পূর্বক ইচ্ছাপূর্বক ইঙ্গিত স্থানে যাইব, ইচ্ছা হয় ফিরিয়া আসিব। যিনিই নামিবেন, তাঁহাকেই ভাসিতে এবং অবশেষে ডুবিতে হইবে। প্রণয় কবিত্ব, প্রণয় ভক্তি। প্রণয়ে চিত্তবৃত্তির সম্যক বিকাশ হইয়া থাকে, অন্তশুদ্ধি প্রস্তুত হয় এবং চরিত্রের মধুরতা সংবদ্ধিত হয়। প্রণয় স্বর্গাধিরোহণের পুষ্পরথ। সেই পুষ্পরথে আরোহণ করিয়া প্রণয়ীযুগল দেবলোকের অধিবাসী হইয়া ভগবদ্ভাবে বিভোর হইয়া চিরানন্দে মগ্ন হইয়েন। জগতের বিষাদমেঘ অতিক্রম করিয়া তাঁহারা চন্দ্রলোকে বিচরণ করিতে থাকেন। বিকটনিলাদ অশনিসম্পাত তাঁহাদের কর্ণে সুধাবর্ষণ করে। ভীষণ মরুভূমির প্রতাপ বালুকা লইয়া তাঁহারা আনন্দে ক্রীড়া করিতে থাকেন। পরস্পরকে দেখিলেই তাঁহাদের ক্ষুধা তৃষ্ণা নিবারিত হইয়া যায়। তাঁহারা বিষপান করিলে তাহা অমৃত হইয়া যায়। তাঁহারা কখন চকোর চকোরী হইয়া চাঁদের সুধাপান করেন, চাতক চাতকী হইয়া উল্লাসমনে মেঘের কোলে উড়িয়া যান, কপোত কপোতী হইয়া নয়নে নয়নে চাহিয়া থাকেন। তাঁহারা কখনও স্থলে, কখনও জলে কখনও বা অনন্ত আকাশে বিচরণ করিতে থাকেন। তাঁহাদের গতি অবিরাম, ইচ্ছা অপার, শক্তি অনন্ত। তাঁহাদের হৃদয় সুখের উৎস, শান্তির প্রবাহ ও পবিত্রতার প্রস্রবণ। তাঁহারা প্রকৃতপ্রস্তাবে নররূপী দেবতা।

প্রণয়সাধনা ভিন্ন মানবের নিস্তার নাই। এ জগতে আসিয়া সকলের ভাগ্যে সে সাধনা ঘটয়া উঠে না। সে সুযোগ সে অপূর্ব মিলন অতীব বিরল। তথাপি নিরাশ হইবার কারণ নাই। যে আদর্শ আমাদের সম্মুখে আছে তদনুসারে সাধনা করিলে অনায়াসে সিদ্ধকাম হইতে পারা যায়। প্রণয়ের পরাকাষ্ঠা আমরা হরগৌরী ও রাধাকৃষ্ণে সম্যক দেখিতে পাই। জ্ঞানযোগে জীবাত্মা ও পরমাত্মার যে প্রণয় ও মিলন তাহাই হরগৌরীরূপ, ভক্তিযোগে তাঁহাদের যে সংযোগ তাহাই রাধাকৃষ্ণরূপ, ইহাই প্রণয়ের সর্বোচ্চ আদর্শ। জ্ঞানরূপ শ্রীফল বৃক্ষতলে হরপার্বতী উপবিষ্ট। উভয়ের মধ্যে কত জ্ঞানচর্চাই হইতেছে। উজ্জ্বল জ্ঞানের সহিত প্রীতি মিশিয়া গিয়াছে। মর্ত্তজগতে এ যোগ সম্ভবপর নয় বলিয়া,

স্বর্গের উন্নত ভূমিতে উহা প্রদর্শিত হইয়াছে। দূরে কৈলাস পর্বতে এ যোগের সমাবেশ হইয়াছে। যাহারা এই যোগপথ অবলম্বন করিয়াছেন, তাঁহারা নিজে হিমাচলগহ্বরে যোগমগ্ন রহিয়াছেন। সকলই নীরব, শান্তিময়। জ্ঞানের অনন্ত আলোকে সে প্রদেশ বিভাসিত।

এ দিকে বৃন্দাবনে প্রেমের অপূর্ব লীলার অভিনয় হইতেছে। যাহারা সংসারে থাকিয়া প্রণয় শিথিতে সুযোগ পান নাই, তাঁহারা দলে দলে আসিয়া এই অভিনয় দেখিয়া প্রেমমাহাত্ম্য অনুধাবন করিয়া ধন্ত হইতেছেন। রাধাকৃষ্ণের প্রণয় অপেক্ষা উন্নত প্রণয় কল্পিত হইতে পারে না, সেই প্রণয়শ্রোতে যিনি ভাসিয়াছেন তাঁহার আর ভাবনা কি? সেই অভিনয় ব্যাপার ক্রমে ভারতবাসী ভুলিয়া যাইতেছিল, এমন সময়ে গৌরানন্দদেব আসিয়া প্রেমের অপূর্ব অভিনয় করিলেন। সে অভিনয় বৃন্দবাসী কখনও ভুলিবে না এবং ভুলিতে পারিবে না। যে অভিনয়ক্ষেত্রে অবতীর্ণ হইয়া জগাই মাধাই উদ্ধার হইয়াছে, সে প্রেমাভিনয় সাধন করিলে জগতের কাহাকেও নিরাশ হইতে হইবে না। আমি অভাগা পথিক, আমার উহা ভিন্ন অর গতি নাই। এ চঞ্চল হৃদয়ের ব্যাকুলতা বিদূরিত করিবার অস্ত্র উপায় নাই। এ হৃদয়-বৃন্দাবনে যে দিন রাধাকৃষ্ণের আবির্ভাব হইবে, সেই দিন আমি প্রণয়মাহাত্ম্য বুঝিয়া ভবযন্ত্রণা হইতে নিস্তার পাইব। আমার ভাগ্যে কি সে দিন আসিবে? পথিক।

প্রাপ্তগ্রন্থের সংক্ষিপ্ত সমালোচনা।

১। প্রয়াগধামে কুন্তমেলা। শ্রীযুক্ত বাবু মনোরঞ্জন গুহ প্রণীত। মূল্য চারি আনা মাত্র। ২১০নং কর্ণওয়ালিস স্ট্রীট, বেঙ্গল মেডিকেল লাইব্রেরী হইতে শ্রীযুক্ত বাবু গুরুদাস চট্টোপাধ্যায় কর্তৃক প্রকাশিত। এই পুস্তকখানি পড়িয়া আমরা যার পর নাই পরিতুষ্ট হইলাম। গত মাঘ মাসে প্রয়াগধামে ত্রিবেণীক্ষেত্রে কুন্তমেলার যে মহাধিবেশন হইয়াছিল, তাহাই লক্ষ্য করিয়া গ্রন্থখানি রচিত হইয়াছে। গ্রন্থকার স্বয়ং মেলার পবিত্রক্ষেত্রে উপস্থিত থাকিয়া যাহা স্বচক্ষে দেখিয়াছেন ও হৃদয়ে অনুভব করিয়াছেন তাহাই অতি দক্ষতার সহিত এই পুস্তকে বিবৃত করিয়াছেন।

তিনি শুদ্ধ বাহিরের বর্ণনায় পুস্তকখানি পূর্ণ করেন নাই। সংশ্লিষ্যের আয় তিনি সমবেত মহাপুরুষদিগের আভ্যন্তরিক পবিত্র দৃশ্বে মুগ্ধ হইয়া তাহাই চিত্রিত করিতে প্রয়াস পাইয়াছেন। সাধু মহাত্মাদের ভক্তি, উদারতা, সরলতা ও নির্ভরের ভাব অতি উজ্জ্বলভাবে চিত্রিত হইয়াছে। বাঁহারা মনে করেন সাধুরা অলসভাবে জীবন অতিবাহিত করিয়া সংসারের গলগ্রহ হইয়া পড়েন, লোকের হুঃখ বা অভাবে তাঁহাদের প্রাণ কাঁদে না, বিশ্ব-সংসার ডুবিয়া গেলেও তাঁহারা ক্ষতিবৃদ্ধি মনে না করিয়া উদাসীনভাবে নিজের ভাবেই মগ্ন থাকেন, তাঁহারা এই পুস্তকখানি পাঠ করিলে নিজেদের ভ্রম বুঝিতে পারিবেন। আবার বাঁহারা মনে করেন সাধুরা জগতের ব্যাপার অতি অল্পই জানেন, তাঁহাদের পরস্পরের মধ্যে একতা নাই, তাঁহারা কাহারও সুহিত মিশিতে জানেন না, কাহারও প্রতি সৌজাত্য প্রদর্শন করিতে জানেন না, শৃঙ্খলাপূর্বক কোন ব্যাপার সাধন করিতে অপারগ, তাঁহারা এই পুস্তক পাঠে উপকৃত হইবেন। সাধুদের বাহিরের দৃশ্বে কিছুই নয়নভূষিকর না থাকিতে পারে, বাহিরে তাঁহাদিগকে উন্মাদ-গ্রস্ত বা ভ্রান্তবৃত্ত বলিয়া মনে হইতে পারে, কিন্তু তাঁহাদের অন্তরাজ্যের যে অতুল শোভা তাহা যিনি পুণ্যফলে অনুধাবন করিয়াছেন তিনি চিরদিনের তরে মুগ্ধ হইয়া গিয়াছেন। মনোরঞ্জন বাবু সেই শোভায় আকৃষ্ট হইয়া ভক্তির উচ্ছ্বাসে এই পুস্তকখানি লিখিয়াছেন তাই ইহা এত সুন্দর হইয়াছে। ইহার ভাষা অতি সুমধুর ও হৃদয়গ্রাহী হইয়াছে। সংক্ষেপে বর্ণিত গেলে ইহা বেশ বলা বাইতে পারে যে এই পুস্তকখানি পাঠ করিলে “ক্ষণমহ সজ্জন সঙ্গতিরেকা, ভবতি ভবার্ণব তরণে নৌকা” এই কথার মাহাত্ম্য অনায়াসে হৃদয়ঙ্গম হয়।

২। দিশে পাগলা। শ্রীযুক্ত বাবু রামগোপাল মুখোপাধ্যায় কর্তৃক সংগৃহীত। মূল্য ১০/০ আনা। এই পুস্তকখানিতে হিন্দুধর্মের অনেক সার কথা বিবৃত হইয়াছে। দিশে ও নিশে নামে প্রবৃত্তিসমাজে পাগল বলিয়া পরিচিত দুই ব্যক্তির কথোপকথনচ্ছলে গ্রন্থকার হিন্দুধর্মের নানা কথার অবতারণা করিয়া তাহার সত্ত্বর দিতে চেষ্টা করিয়াছেন। এই পুস্তকখানি হিন্দুধর্মাসুরাগী ব্যক্তি মাত্রের নিকট বিশেষ সমাদৃত হইবে। ইহাতে অনেক সারগর্ভ উপদেশ আছে।

পূর্ণিমা

মাসিক পত্রিকা ও সমালোচনী।

সূচী।

(প্রবন্ধের মতামতের জন্ত লেখকগণ দায়ী।)

বিষয়।	পৃষ্ঠা।
১। সে ত চিনিল না (পদ্য) (শ্রীউপেন্দ্রনাথ কাঞ্জিলাল)	... ১৬১
২। সুধাময়ী (উপন্যাস) (শ্রীঈশানচন্দ্র বন্দ্যোপাধ্যায়)	... ১৬২
৩। কি সাধ? (পদ্য) (শ্রীচারুচন্দ্র বন্দ্যোপাধ্যায়)	... ১৭৪
৪। মন আমার কি চায়? (পদ্য) (শ্রীযতুনাথ কাঞ্জিলাল)	... ১৭৫
৫। কিসে আমাদের পরিত্রাণ সম্ভব? (শ্রীদীননাথ ধর, বি, এল)	১৭৭
৬। ব্রহ্মজ্ঞান (শ্রীআনন্দগোপাল ঘোষ)	... ১৮৩
৭। করুণাময়ী (পথিক)	... ১৮৭
৮। প্রাপ্তগ্রন্থের সংক্ষিপ্ত সমালোচনা	... ১৯২

ভূগলী,

সার্বিক বস্ত্রে শ্রীহরিদাস পাল দ্বারা
মুদ্রিত ও প্রকাশিত।

আশ্বিন—১৩০১।

এই সংখ্যার মূল্য ১/১০ দেড় আনা।

বিজ্ঞাপন ।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিদ্য ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিকা যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ম ইহার অগ্রিম বার্ষিক মূল্য মায় ডাক মাসুল ১ এক টাকা মাত্র ধার্য হইল। ইহাতে ৮ পেজী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। একরূপ সুলভ মূল্যের কাগজ মফঃস্বল হইতে এ পর্যন্ত বাহির হয় নাই। এই পত্রিকা সম্বন্ধে চিঠি পত্র, প্রবন্ধ, মূল্যের টাকা, সমালোচনার জন্ত পুস্তক প্রভৃতি যাবতীয় বিষয় আমার নিকট পাঠাইতে হইবে, এবং আনাকে লিখিলে পত্রিকা সম্বন্ধে জ্ঞাতব্য বিষয় সকলে জানিতে পারিবেন। অতি সুলভ মূল্যে বিজ্ঞাপনাদি ইহাতে প্রকাশিত হইবে।

শ্রীযত্ননাথ কাঞ্জিলাল,
কার্য্যাধ্যক্ষ।
হুগলী।

বিজ্ঞাপন ।

“ওলাউঠা চিকিৎসা” হুগলি “সাবিত্রী যন্ত্রে” ছুই পয়সা মূল্যে পাওয়া যায়।

“মনোভাব” পদ্য ও গদ্য। মূল্য ছুই আনা, ভ্যালুপেবেলে পাঠান হইয়া না। হুগলি “সাবিত্রী যন্ত্রে” ও “বিদ্যাসাগর” লাইব্রেরীতে পাওয়া যায়।

—০০:০০:০০—

পূর্ণিমা ।

মাসিক পত্রিকা ও সমালোচনী ।

২য় ভাগ । } আশ্বিন, সন ১৩০১ সাল । { ৬ষ্ঠ সংখ্যা ।

সে ত চিনিল না !

আজি এ নিকুঞ্জ বনে নিশীথের বিল্বীনে
মিলায়ে, বাঁশরি, তোর স্বর বিমোহন—
ভাবে নিমগন হয়ে, মধুরে স্মৃতান লয়ে,
এক মন এক ধ্যানে, কাঁপায়ে গগন—
বাজ না, দেখিব—তার বোরে কি না মন।
হায় বাঁশি ! বৃথা বিড়ম্বনা—
সে ত গুনিল না !

আয় রে সুরভি কুল আধ ফুল, সুমঞ্জুল—
গোলাপ বৃথিকা জাতি অতি মনোলোভা—
আয়,—গাঁথি ফুলহার দিব তারে উপহার,—
দেখিব—সে হাসে যদি—অধরের শোভা,—
(তার) সলাজ কপোলে চারু অলঙ্কৃত আভা।

হায় কুল ! আশা পূরিল না—
সে তোরে নিল না !

আয় নব-কিশলয় কচি, কোমলতাময়,
রচিব বকুল মূলে শয্যা মনোহর,
ফুলদলে শোভমান বিরচিব শিরোধান ;—

গোপনে লুকায়ে থেকে পাতার ভিতর
দেখিব—সে বসে যদি—শোভা কি সুন্দর ।

হায় শয্যা ! বৃথা এ কল্পনা—
সে ত বসিল না !

নীলাকাশে হাসি হাসি আয় দেখি, পূর্ণশশি,
শুভ্র জোছনায় ছেয়ে সুযুগ্ত ভুবন ;—
দেখি কেবা চারুতর—সে অথবা শশধর ।
আশঙ্কা—শশাঙ্ক যদি কলঙ্কী বদন
লাজভয়ে মেঘজালে করে আচ্ছাদন ।

(ভয় নাই)—হাসি শশি ! হ'ল না তুলনা—
সে দেখা দিল না !

কত দিন কত সাজে, দেখিতে গিয়েছি কাছে,—
দেখে দেখে “নয়ন না তিরপিত ভেল”—
বলি বলি কত কথা—রসনার কি জড়তা
বলিতে দিল না,—কথা মরমে রহিল,—
স্মৃতির একটি শুধু রেখা রয়ে গেল
এ জীবনে আশা মিটিল না—

সে ত চিনিল না !

শ্রীউপেন্দ্রনাথ কাঞ্জিলাল ।

সুধাময়ী ।

(উপভাস)

(পূর্ব প্রকাশিতের পর ।)

পঞ্চম পরিচ্ছেদ ।

রাজা মণিমোহন রায়ের সপ্তগ্রামের রাজপ্রাসাদ বহুদিন হইতে
পরিভ্যক্ত । প্রাচীরের গায়ে ছ্যাংলা, অটালিকার গায়ে ছ্যাংলা, কার্ণিসের
ছ্যাংলা । প্রাচীরের মুখায় কার্ণিসের উপরে বড় বড় তৃণ, মাঝে মাঝে

পাণ্ডের ছাতা । প্রাঙ্গণে বড় বড় তৃণ ও আগাছা । দেখিলেই মনে হয়,
প্রাসাদ বহুদিন হইতে জনমানবশূন্য হইয়া পতিত আছে ।

সকল কক্ষের গবাক্ষ বন্দ, কেবল একটি কক্ষের গবাক্ষ উন্মুক্ত ।

তখনও প্রভাত হয় নাই । উষার সূকুমার আভা ফুটিতেছে, দিবসের
আলোক ফোটে নাই । রজনীর ঘোর আছে, অন্ধকার নাই । স্থাবর
জগতের ছায়া দৃশ্যমান,—আকৃতি অদৃশ্য । জগতের নিদ্রা ভাঙ্গিয়াছে,—
নিদ্রার ঘোর যায় নাই । মনুষ্য জাগে নাই, পক্ষী জাগিয়াছে । পক্ষী
নীড় ত্যাগ করে নাই, পত্রান্তরাল হইতে প্রথম-প্রভাতের মাদুলিক
গীতধ্বনি করিতেছে । বিহঙ্গকণ্ঠ ব্যতীত অত্র কোন প্রাণীর কণ্ঠ শ্রুত
হইতেছে না ।

যে কক্ষের গবাক্ষ উন্মুক্ত, সেই কক্ষের অভ্যন্তরে পর্য্যঙ্কের উপরে
একটি ১৫। ১৬ বৎসরের বালিকা নিদ্রিতা । চূর্ণ কুন্তল অনিন্দ্য ললাটের
উপর নিপতিত, আলুলায়িত ঘন কৃষ্ণ কেশরাশি কতক উপাধানে, কতক
বক্ষোপরি বিস্তৃত । অঙ্গ অনাবৃত । বাহুদ্বয় উরসদ্বয়ের উপর গুস্ত ।
করদ্বয়ের বিকসিত কান্তি, উরসদ্বয়ের উদ্ভাসিত কান্তির সহিত মধুরে
আগ্নিকিত । নিমীলিত নেত্রের রোমাবলী ও জ্র যুগলের নিবিড় কৃষ্ণকান্তি,
উজ্জ্বল বর্ণে বিকসিত । ওষ্ঠাধর নববিকসিত অনাব্রাত ফুল শ্যামকুমুদ । তাহার
তখনও প্রণয়ের প্রথম চুষন স্পর্শ করে নাই । বালিকার বদনে অশান্ত
নিদ্রার লক্ষণ দৃষ্ট হইতেছে, যেন কোন হৃৎস্পন্দের ছায়া ফুটিয়া পড়িয়াছে ।
পর্য্যঙ্কের পার্শ্বে ভূতলে একটি প্রাচীনা অঞ্চল শয্যার শায়িতা, তিনিও
নিদ্রামগ্ন ।

কক্ষের গবাক্ষ বহুকাল রুদ্ধ ছিল । সহসা একটি পক্ষী মুক্ত গবাক্ষের
উপর আসিয়া বসিল । অগ্নিকাল গৃহের অভ্যন্তরে দৃষ্টি করিল, গবাক্ষ হইতে
নাগিয়া ধীরে ধীরে অভ্যন্তরে প্রবেশ করিল, ধীরে পর্য্যঙ্কের দিকে অগ্রসর
হইল, পর্য্যঙ্কের উপর উঠিল, বালিকার পার্শ্বে বসিয়া অনিমিষলোচনে
তাহাকে লক্ষ করিল, ধীরে ধীরে বালিকার চরণপ্রান্তে গিয়া প্রফুল্ল কমল
সদৃশ পদদ্বয়ে চক্ষু স্পর্শ করিল, আবার সরিয়া বদনের দিকে অগ্রসর হইল,
ধীরে করদ্বয়ে চক্ষু স্পর্শ করিল, ধীরে অগ্রসর হইয়া প্রশান্ত ললাটে চক্ষু
স্পর্শ করিল, আবার অনিমিষ দৃষ্টে বদন নিরীক্ষণ করিল, শেষে কণ্ঠ

বিস্তার করিয়া বালিকার ওষ্ঠে চক্ষু স্পর্শ করিল। বালিকা শিহরি
নেত্র উন্নীলিত করিলেন। পক্ষী উড়িল, পলাইল না, গবাক্ষের উপর গিয়া
বসিল, বহিমগ্রীবায় অনিমিষ লোচনে বালিকার দিকে চাহিয়া রহিল।

বালিকা উঠিয়া বসিলেন। বিস্মিতমননে গৃহের চতুর্দিক পর্যবেক্ষণ
করিতে লাগিলেন, বিস্মিত নেত্রে প্রাচীনা রমণীর দিকে দৃষ্টি করিলেন,
চিনিতে পারিলেন না। পর্যাক্ষ হইতে নামিয়া ধীরে ধীরে গবাক্ষের নিকটে
উপস্থিত হইলেন, পক্ষী গবাক্ষ ত্যাগ করিয়া অদূরে প্রাক্ষণস্থিত বৃক্ষের
শাখায় বসিয়া বালিকার মুখের দিকে চাহিয়া রহিল। সৌন্দর্য্যে কেবল
মনুষ্য মুগ্ধ নহে, পশু পক্ষীও মুগ্ধ, পতঙ্গও বহির মোহন মূর্তিতে বিমুগ্ধ।
সম্মুখে প্রাচীর বেষ্টিত বিস্তীর্ণ প্রাক্ষণ। প্রাক্ষণভূমি উদ্যানে পরিণোজিত।
মাঝে মাঝে লতাকুঞ্জ, মাঝে মাঝে শ্বেত মর্ম্মরের মূর্তি। কোথাও বা
লিঙ্গতোয়া পুরুষিণী। প্রাচীরের কোলে একপ্রান্ত হইতে অপর প্রান্ত
পর্য্যন্ত ঝিল। প্রাচীরের বহির্দেশে গড়খাই। গড় খাইয়ের পরপাশে
সুবিভীর্ণ নিবিড় আশ্রয়কানন। অট্টালিকার দিকে দৃষ্টি করিলেন, দেখিলেন
অট্টালিকা স্তম্ভ প্রসারিত। বহুক্ষণ স্থির দৃষ্টে দেখিতে লাগিলেন। দেখিতে
দেখিতে যেন স্মৃতির দ্বার খুলিয়া গেল। সকলি যেন পরিচিত বলিয়া মনে
হইতে লাগিল। ঐ গৃহ, প্রাক্ষণ, উদ্যান, তরু, লতা, পথ, ঘাট, পুরুষিণী,
ঝিল যেন ইতিপূর্বে কবে দেখিয়াছেন, বেশ মনে হইল যেন দেখিয়াছেন।
আবার মনে হইল, না ভ্রম হইতেছে। এ যে কোন রাজার অট্টালিকা,
তিনি আজন্ম দরিদ্রা, তিনি এ স্থানে কিরূপে আসিবেন। আবার ভাবিলেন,
হয় ত পিতার সঙ্গে কখন আসিয়া থাকিবেন। কবে আসিয়াছিলেন, কি
উপলক্ষে আসিয়াছিলেন, তাহা মনে পড়িল না, কিন্তু স্মৃতির কবচ খুলিয়া
গেল, তাহার অভ্যন্তরে সম্মুখের দৃশ্যগুলি ছায়াকারে ভাসিতে লাগিল।
সেই সঙ্গে কেমন একটা নূতন বিষাদে হৃদয় আচ্ছন্ন করিল।

পাঠক বুঝিয়াছেন যে বালিকা আর কেহ নহে—সুধাময়ী। বিগত
রজনীতে তাঁহার গৃহদাহ হইয়াছে, সিদ্ধেশ্বরী পাগলীর সহিত গৃহ ত্যাগ
করিয়া অদূর হইতে তাঁহার প্রজ্জ্বলিত গৃহ দেখিয়া মুচ্ছিত হইয়াছিলেন।
তাহার পরে তাঁর কি হইল, তাহা কিছুই স্মরণ নাই। ছুটিস্তার
তাঁর প্রাণ আকুল, তাহার উপর এই বিস্ময়—এই নূতন বিষাদ উপস্থিত

হইয়া বালিকাকে একান্ত কাতর করিয়া তুলিল। ভাবিলেন কোথায়
আসিলেন! সিদ্ধেশ্বরী পাগলী কোথায় গেলেন। মন বড় অস্থির হইল।
কাহাকে জিজ্ঞাসা করিবেন। নিদ্রিতা প্রাচীনাকে মনে পড়িল। উহাকে
জিজ্ঞাসা করিবেন ভাবিয়া গবাক্ষ ত্যাগ করিয়া তাঁহার দিকে অগ্রসর
হইলেন। দেখিলেন প্রাচীনা গাঢ় নিদ্রামগ্ন। নিদ্রাভঙ্গ করিতে সাহস
হইল না। আবার ফিরিলেন। গৃহের ভিত্তিতে দৃষ্টি পড়িল। দেখিলেন
একখানি বৃহৎ চিত্রপট বিলম্বিত। তাহার তিনটি মূর্তি চিত্রিত। একটি
সুন্দর পুরুষ, একটি নিরুপমা রমণী, ও উভয়ের মধ্যস্থলে একটি ৪ বৎসরের
কি ৫ বৎসরের বালিকা। দৃষ্টি মাত্রই সুধাময়ীর স্মৃতির অন্ধকারে সহসা
যেন এক আলোক জলিয়া উঠিল, সুধা দ্রুতপদে চিত্রপটের নিকটবর্তী
হইলেন। একাগ্রদৃষ্টে মূর্তিগুলি নিরীক্ষণ করিতে লাগিলেন। মনে পড়ে
পড়ে—পড়ে না। বালিকার মূর্তি কি তাঁহার নিজের মূর্তি নহে? রমণীর
মূর্তির সহিত কি তাঁর নিজের সৌন্দর্য্য নাই? আছে বৈ কি। অঙ্গে
অঙ্গে সৌন্দর্য্য। পুরুষ মূর্তির সহিত ও সৌন্দর্য্য রহিয়াছে। কে ইহারা!
ইহারা কি সুধার কেহ নহে? কেহ নহে যদি, তবে উহাদের দেখিয়া
এত মায়া হইতেছে কেন? কেন প্রাণ কাঁদিয়া উঠিতেছে, কেন চক্ষে
জল আগিতেছে? কেন সুধার মাকে এত মনে পড়িতেছে? সুধার
জননী জন্ম প্রাণ অস্থির হইয়া উঠিল, শুনিয়াছেন তাঁর মা নাই, শৈশবেই
মাকে হারাইয়াছেন। মায়ের আকার কেমন তাহা সুধার কিছুই মনে
নাই, তবু মনে হইতেছে, সম্মুখের রমণীমূর্তি তাঁর মায়ের মত। যত দেখিতে
লাগিলেন ততই প্রাণ অস্থির হইল, শেষে সুধাময়ীর ধৈর্য্য লোপ হইল,
“মা মা, আমার মা কোথায়” বলিয়া বালিকা চীৎকার করিয়া কাঁদিয়া
উঠিলেন। রোদন-শব্দে গৃহস্থিত প্রাচীনার নিদ্রাভঙ্গ হইল। প্রাচীনা
ব্রজে গাত্রোথান করিয়া সুধাময়ীর নিকটে গমন করিলেন।

প্রাচীনার যত্নে ও উৎসাহ বাক্যে সুধাময়ী কতক শান্ত হইলেন।
আনত বদনে প্রাচীনাকে জিজ্ঞাসা করিলেনঃ—

আমায় এখানে কে নিয়ে এল?

প্রাচীনা। সিদ্ধেশ্বরী ঠাকুরণ তোমায় এখানে পাঠিয়ে দিয়েছেন।
আমি, আর, কাজ কর্ম্ম করবার জন্তে আর একজন পুরুষ মানুষ সঙ্গে এয়েছি।

সুধা। কবে এয়েচি।

প্রাচীনা। কাল রাত্রে।

সুধা। আমার ঘর পুড়েছে কবে?

প্রাচীনা। কাল সন্ধ্যাবেলা।

সুধা। এ জায়গার নাম কি? এ বাড়ী কার?

প্রাচীনা। জায়গার নাম সাতগাঁ। বাড়ী রাজা মণিমোহন রায়ের।

সুধাময়ী বিষয়ে প্রাচীনার মুখের দিকে চাহিয়া বলিলেনঃ—

সাতগাঁ দক্ষিণপাড়া থেকে ৮।১০ ক্রোশ!

প্রাচীনা। বরং বেশী ত কম নয়। সিদ্ধেশ্বরী ঠাকুরণ বাবুদের মাঝিদের ব'লে কয়ে, তাঁদেরি ছিপে করে আমাদের পাঠিয়ে দিয়েছেন।

১৬টা দাঁড় ছিল। দেখতে দেখতে এসে পড়লো। তুমি অজ্ঞান হয়ে ছিলে, তার পর সিদ্ধেশ্বরী ঠাকুরণ তোমায় ছিপে শুইয়ে তোমার মুখের উপর খানিক ক্ষণ ধরে হাত নেড়ে, বললেন, যাও, এ রাত্রে সুধার আর ঘুম ভাঙবে না।” আসবার সময় আমাদের বেশ করে বলে কয়ে দিয়েছেন। তোমার কোন ভাবনা নেই। আমরা প্রাণ দিয়ে করবো। এখন ওঠ মুখ হাত ধোবে চল।

সুধা। সিদ্ধেশ্বরী ঠাকুরণ কোথা?

প্রাচীনা। তিনি দক্ষিণপাড়াতেই আছেন। আহা তাঁর বড় অসুখ গেলো। তোমার ঘরে আগুন লাগার সময় থেকেই তাঁর কাঁপুনি আরম্ভ হয়। সে কাঁপুনি ক্রমে খুব বাড়তে থাকে। তবু তোমায় বুক থেকে নাবান নি। তোমায় যখন ছিপে শুইয়ে দিলেন, তখন তাঁর পা টল্চে। ছিপ ছেড়ে দিলে, দেখলুম তিনি স্বরস্বতী নদীর তীরে ব'সে প'ড়লেন।

সুধার চক্ষু ছল ছল হইয়া উঠিল। জিজ্ঞাসা করিলেন “তাকে কে দেখা শুনা করবে? তেমন লোক তাঁর কেউ নেই কি?”

প্রাচীনা। তা আর নেই! যে দেখবে, যে শুনবে, সেই প্রাণ দিয়ে ক'রবে। তা তিনি কি কাকেও বলবেন, না জানতে দেবেন। কোথায় পড়ে থাকবেন কেউ জানতেও পারবে না।

সুধাময়ী। আনত বদনে ক্ষণকাল নীরবে রহিলেন। শেষে জিজ্ঞাসা করিলেনঃ—

আমার বাবার খবর কিছু শুনেচ?

প্রাচীনা। আসবার সময় সিদ্ধেশ্বরী ঠাকুরণ ব'লে দেছেন, তিনি মুক্‌সিদাবাদে আছেন। দক্ষিণপাড়ায় এলেই এখানে পাঠিয়ে দেবেন।

সুধাময়ী সাক্ষনেত্রে বলিলেনঃ—

তোমরা আমায় দক্ষিণপাড়ায় নে চল। আমার প্রাণ বড় ব্যাকুল হচ্ছে। আমার মা নেই। মা কেমন তা আমি জানি না। আমার বাবাই আমার মা ও বাপ। আজ অকস্মাৎ আমার মায়ের জন্তু প্রাণ কেঁদে উঠচে। বাবাকে না দেখলে আমার প্রাণ স্থির হচ্ছে না। বাবা ফিরে এসে, ঘরপোড়া দেখে, আমায় দেখতে না পেলে তখনি প্রাণত্যাগ করবেন। তোমাদের পায়ে পড়ি, আমায় শিগ্‌গির দক্ষিণপাড়ায় নে চল।

প্রাচীনা। সেখানে ঘর নেই, ঘোর নেই থাকবে কোথায়?

সুধা। গাছতলায় থাকবো।

প্রাচীনা। সিদ্ধেশ্বরী ঠাকুরণ বলেছেন, তোমার সেখানে এখন যাওয়া হবে না। বাবুরা তোমায় সেখানে দেখতে পেলে খুন ক'রবে।

সুধাময়ী আবার বদন অবনত করিলেন। দুই চক্ষে বিন্দু বিন্দু অশ্রু ঝরিতে লাগিল। ক্ষণকাল পরে দীর্ঘ নিশ্বাস ত্যাগ করিয়া বলিলেন “আমায় মুরশিদাবাদে বাবার কাছে পাঠিয়ে দেও।”

প্রাচীনা। সেখানে কে যাবে মা? আমরা পথ ঘাট চিনি। আমি ব্রাহ্মণের মেয়ে, কখন বাড়ীর বার হইনি। সিদ্ধেশ্বরী ঠাকুরণের কথায় তোমার সঙ্গে এয়েছি। সঙ্গে যে লোক এয়েচে, সে হাবা গোবা। চাষার ছেলে। সেও কখন সহরে যায় নি। তুমি এত উতলা হচ্ছ কেন? ঠাকুরণের অসাদি কাজ নেই। তিনি সব করবেন। এই দেখ না, তোমার বাবা এসে পড়েন বলে। উঠ, মুখ হাত ধোবে চল।

প্রাচীনা এই বলিয়া অঞ্চলে সুধাময়ীর অশ্রু নোচন করিয়া, তাঁহাকে তুলিলেন, এবং তাঁহার হাত ধরিয়া বহির্দেশে লইয়া চলিলেন। পথে সুধাময়ী একবার জিজ্ঞাসা করিলেন “এ বাড়ীতে আর কে আছে?”

প্রাচীনা। আর কেউ নেই, কেবল আমরা। শুনেচি রাজা মণিমোহন গুপ্তিশুদ্ধ কয়েদ হয়ে মুক্‌সিদাবাদে আছেন। আহা! কপাল দেখ।

ষষ্ঠ পরিচ্ছেদ ।

বেলা দুই প্রহর অতীত হইয়াছে। প্রথর সূর্য্যকিরণে ধরণী কাতর। বৃক্ষ লতা উত্তাপে ম্রিয়মাণ। পক্ষিগণ নীড়ে আশ্রয় লইয়াছে, পশ্বাদি বৃক্ষ ছায়ায় অঙ্গ ঢালিয়া চক্ষু মুদ্রিত করিয়া আছে। কীট পতঙ্গ পর্য্যন্ত তৃণছায়ায় বা লতার অন্তরালে বিশ্রাম করিতেছে। উগ্রমূর্তি রৌদ্র দিগন্ত দাহ করিয়া বেড়াইতেছে। উত্তাপের ছটা যেন জলিয়া উঠিতেছে। পথে জনপ্রাণী দৃষ্ট হইতেছে না। পৃথিবী নিস্তব্ধ। এমন সময় দক্ষিণপাড়ার দিঘীকার তীরে জনতা দৃষ্ট হইল। হস্তী, ঘোটক, শিবিকা, চালক, বাহক অনুচর প্রায় ৫০। ৬০ জন মনুষ্য দিঘীকার তীরে উপস্থিত হইল। কয়েকখানি শিবিকা ছিল। তাহার একখানি হইতে একটি বৃদ্ধ কিছু ব্যগ্রতার সহিত বহির্গত হইলেন। ভূতলে অবতীর্ণ হইয়াই সুধাময়ীর গৃহের দিকে দৃষ্টি করিলেন। দৃষ্টি করিবামাত্রই তাঁহার মুখমণ্ডল একেবারে শুষ্ক হইয়া উঠিল। বৃদ্ধ, সঙ্গীগণকে সেই স্থানে অবস্থিতি করিতে বলিয়া একাকী দ্রুতপদে অগ্রসর হইলেন। পাঠক বুঝিয়াছেন, এ বৃদ্ধ, মাধব চট্টোপাধ্যায়। যে রৌদ্রের উত্তাপে কাষ্ঠ পর্য্যন্ত ক্লিষ্ট হইতেছে, প্রস্তর পর্য্যন্ত শুষ্ক হইয়া উঠিতেছে, সলিলও কাতর হইতেছে, বৃদ্ধ মাধবের কেশশূন্য মস্তকে সে উত্তাপ আজ অল্পভূত হইতেছে না। বৃদ্ধ যতই অগ্রসর হইতে লাগিলেন, গতি ততই দ্রুত হইতে লাগিল।

মাধব নিকটবর্তী হইয়া তাঁহার দক্ষাবশিষ্ট গৃহের দিকে স্থির দৃষ্টিে চাহিয়া রহিলেন। স্থিরমূর্ত্তি—নিবাত নিষ্কম্প দীপশিখাবৎ। পাঠক, কখন স্থির সমুদ্র দেখিয়াছেন? কখন বৃক্ষ লতাদি শূন্য শৈলশৃঙ্গ দেখিয়াছেন? কখন চিতাপার্শ্বে প্রোথিত বংশখণ্ড দেখিয়াছেন? কখন বজ্রাহত মহীকুহ দেখিয়াছেন? যদি দেখিয়া থাকেন তবে মাধবের এই অবস্থার আকৃতি অনুধাবন করুন। মাধব দেখিতেছেন আচ্ছাদনশূন্য মৃগায় ভিত্তি—বিগত-জীবন—বিযুক্ত-ওষ্ঠাধর শবদেহের শায় অবস্থিত। গৃহের মধ্যে কৃষ্ণবর্ণ অঙ্গার রাশি, ভিত্তির উপরে অঙ্গার রাশি, সম্মুখের রকের উপরে অঙ্গার রাশি, প্রাঙ্গণে অঙ্গার রাশি, চতুর্পার্শ্বে অঙ্গার রাশি। মাধব যে দিকে দৃষ্টি করিতেছেন কেবলি অঙ্গার। প্রাঙ্গণে সুধাময়ীর স্বহস্ত রোপিত তরুগুলি শাখা প্রশাখা শূন্য হইয়া বিদগ্ধ দেহে দণ্ডায়মান, লতাগুলি বৃক্ষশাখা বিচ্যুত

দগ্ধ ও কুঞ্চিত দেহে ভূতলে পতিত। প্রাঙ্গণের এক স্থানে লৌহপিঞ্জর পতিত, তাহার ভিতরে সুধার শাখের পাখিটি দগ্ধ কলেবরে নিপতিত। অনতিদূরে সুধার বিড়ালটি বিমর্ষভাবে সেই দক্ষাবশিষ্ট গৃহের দিকে কাতর দৃষ্টিে উপবিষ্ট। অদূরে এক বৃক্ষছায়ায় কণ্ঠলগ্ন-রজ্জু গাভিটি দগ্ধগৃহাভিমুখে করুণাপূরিত দৃষ্টিে দণ্ডায়মান।

মাধব ক্ষণকাল স্থির দৃষ্টিে লক্ষ্য করিয়া নয়ন তুলিয়া একবার চতুর্দিক দৃষ্টি করিলেন। জনমানব দৃষ্ট হইল না, তখন চিৎকারে ডাকিলেন—“সুধাময়ী।” সে চিৎকার শুনিয়া জনৈক প্রতিবাসিনী গৃহবহির্ভূত হইয়া, তাঁহার গৃহের রকু হইতে মাধবকে দৃষ্টি করিয়া বলিয়া উঠিলেন,—“আর বাবা, সুধাময়ী; সুধাময়ী কি আর আছে? ঐ ছাইয়ের সঙ্গে ছাই হ’য়ে গেছে, আহা বুড়োর কি কষ্ট গা! এই বৃদ্ধ বয়সে সন্তানের শোক! বুড় আর বাঁচবে না আর কি?” এই কথা বলিয়া প্রতিবাসিনী গৃহাভ্যন্তরে প্রবেশ করিলেন। তাঁহার কথা মাধবের কর্ণকুহরে প্রবিষ্ট হইল। মাধব শিহরিয়া উঠিলেন। তখন ধীরে ধীরে দক্ষগৃহের দিকে অগ্রসর হইলেন, রকে উঠিলেন, গৃহের দ্বারে ভিত্তি অবলম্বন করিয়া দাঁড়াইয়া চিৎকার করিলেন—“সুধাময়ী।” গৃহের অভ্যন্তরে প্রবেশ করিলেন, চতুর্দিক দৃষ্টি করিয়া ডাকিলেন—“সুধাময়ী।” অঙ্গার রাশির দিকে একবার দৃষ্টি করিয়া ডাকিলেন—“সুধাময়ী।” শেষে দুই হস্তে অঙ্গার রাশি অপমৃত করিতে লাগিলেন।

সুধাময়ীর জন্ম মাধব বিপুল ঐশ্বর্য্য লইয়া আসিয়াছেন। রাজা মণিমোহনের যে বৈভব ছিল, নবাব সুজাদৌল্লা সকলই প্রত্যর্পণ করিয়াছেন; তদ্ব্যতীত নবাব বন্ধুর নিরাশ্রয়া কল্লার জন্ম বার্ষিক লক্ষাধিক মুদ্রা আয়ের সম্পত্তি দান করিয়াছেন। মাধব, প্রভু বিরোগ ও নিজের দুর্দশা সকলি ভুলিয়া, সুধাকে এই ঐশ্বর্য্যে প্রতিষ্ঠিত করিবার জন্ম হর্ষোৎকর্ষ জন্মে আসিয়াছেন। পথে কত সাধ মনে উদয় হইয়াছে। সুধার জন্ম কোন্ স্থানে কিরূপ অট্টালিকা নির্মাণ করাইবেন, কোন্ গহটি সুধার শয্যাগৃহ হইবে। শয্যা কিরূপ হইবে, গৃহসজ্জা কি কি হইবে, সুধার শয়নকক্ষের সম্মুখে কিরূপ উদ্যান হইবে, সুধার বসন ভূষণ কি কি প্রস্তুত করাইবেন, বিবাহের কথা কিরূপে সুধার নিকট

প্রণাম করিল এবং বলিল, “বড় বাবু একবার আপনার সঙ্গে দেখা করবার জন্তে বড় ব্যস্ত হ’য়েছেন। তিনি নিজেই আস্তেন, তবে নাকি এখনও বড় কাহিল ভাই আমাকে পাঠিয়ে দিলেন, যদি আপনি অনুগ্রহ করে একবার তাঁর কাছে যান ত বড়ই ভাল হয়।”

মাধব দৃষ্টি তুলিয়া ভৃত্যকে জিজ্ঞাসা করিলেন, “ললিতের কি হয়েছে?”

ভৃত্য। আপনার ঘরে আগুন লাগা শুনে, বড়বাবু আপনার মেয়েটিকে বাঁচাবার জন্তে ছুটে ঘরের ভিতর যাচ্ছিলেন, একটা বাঁশ পড়ে মাথা ভেঙে গেছে। বড় কষ্ট পাচ্ছেন। ক’দিন একেবারে অজ্ঞান হ’য়ে ছিলেন। খুব জ্বর, খুব বিকার। আজ দিন ২।৩ একটু ভাল আছেন।

মাধবের অনুচরবর্গ বিদায় লইল। একমাত্র অনুচর লইয়া মাধব ললিতের ভৃত্যের অঙ্গ রত্নেশ্বরের বাটীতে গমন করিলেন।

সপ্তম পরিচ্ছেদ।

দশ দিন হইল ললিতকুমার আঘাত প্রাপ্ত হইয়াছিলেন। এখনও তাঁহার মস্তকের ঘা শুষ্ক হয় নাই। শরীর এখনও শীর্ণ দুর্বল। এ কয়দিন অন্তঃপুরে ছিলেন, আজ মাধবের সহিত সাক্ষাৎ করিবার জন্ত বাটীর সম্মুখস্থিত উদ্যানবাটিকার বৈঠকখানায় আসিয়া অপেক্ষা করিতেছেন।

বেলা প্রায় অবসান হইয়াছে। ললিতকুমার ব্যাকুল চিত্তে গৃহের মধ্যে ইতস্ততঃ পরিভ্রমণ করিতেছিলেন, এমন সময় মাধব আসিয়া তথায় উপস্থিত হইলেন। মাধবকে দেখিয়া ললিত গৃহের ভিত্তি অবলম্বন করিয়া দুই হস্তে চক্ষু আবৃত করিলেন। মাধব ললিতকে তদবস্থায় দেখিয়া আনত বদনে নীরবে দাঁড়াইয়া রহিলেন। ললিত রোদন করিতেছিলেন, তাঁহার অক্ষুট রোদন মাধবের কর্ণে প্রবেশ করিল। মাধব উদ্ধৃষ্টে ইতস্ততঃ পরিভ্রমণ করিতে করিতে বলিলেনঃ—

ললিত শাস্ত হও, তোমাকে এ অবস্থায় দেখিয়া আমার যন্ত্রণা আরও বৃদ্ধি হইতেছে। আমি কাঁদিতে পারিতেছি না, আমার বুক কাটরা বাইতেছে তবু প্রাণ বাহির হইতেছে না। যদি কাঁদিবার কোন ঔষধ থাকে তবে আমায় দিয়া এ যন্ত্রণা হইতে মুক্ত কর।

ললিত রোদন সম্বরণ করিলেন, অঙ্গ মোচন করিয়া মাধবের পশ্চাত

পশ্চাত গৃহ পরিভ্রমণ করিতে লাগিলেন। মাধব পরিভ্রমণ করিতে করিতে কিয়ৎকাল পরে বলিলেনঃ—

ললিত, সুধা আমার জন্ত তাহার কোন চিহ্নই রাখিয়া যায় নাই। তাহার সকল নিদর্শনই তাহার সঙ্গে গিয়াছে। তাহার সাধের শ্রামা পাখিটি দক্ষ কলেবরে পিঞ্জরের মধ্যে প্রাঙ্গণে পড়িয়া রহিয়াছে, তাহার সাধের গ্রন্থগুলি ভষ্ম হইয়াছে, তাহার সাধের যন্ত্রগুলি ভষ্ম হইয়াছে। আমি এক এক খানি করিয়া অঙ্গার তুলিয়া দেখিয়া আসিলাম, তাহার বস্ত্রের একগাছি সূতা পর্যন্ত পাইলাম না, অলঙ্কারের একটু চূর্ণকণাও পাইলাম না, তাহার অস্থি বা মাংসের একটু কণামাত্রও পাইলাম না। সকলি ভষ্ম হইয়াছে। জগতে এত নিষ্ঠুরতা আছে, তাহা কখন ভাবি নাই।

মাধবের কথা শুনিয়া ললিত আবার রোদন করিয়া উঠিলেন। মাধব বলিলেনঃ—

ললিত শাস্ত হও। তোমায় অনেক কথা বলিতে আসিয়াছি। বাধা দিও না। এই বলিয়া ক্ষণকাল নীরবে পরিভ্রমণ করিতে করিতে বলিলেনঃ—

তাহার বাপ মা তাহাকে আপনাদের কাছে লইয়াগিয়াছেন। আমি পর বৈ ত নয়, আমার কাছে রাখিয়া তাঁহাদের তৃপ্তি হইবে কেন?

ললিত বিস্মিত বদনে মাধবের দিকে দৃষ্টি করিয়া স্থির পদে দাঁড়াইলেন। মাধব আবার বলিলেনঃ—“আমি ত তাঁদের সঙ্গেই যাইতেছিলাম, তাঁহারাই নিষেধ করিলেন, আমি ত সুধার জন্তই রহিলাম, সে সুধাকে — তাঁহার কাড়িয়া লইলেন।”

আবার বলিলেনঃ—

আমার অন্ন দাতা, শিক্ষা দাতা, জ্ঞান দাতা, ধর্ম্য দাতা, প্রাণ দাতা, প্রভু, ও প্রভুপত্নীর সঙ্গ ত্যাগ করিয়া সুধাময়ীকে রক্ষা করিবার জন্তই দক্ষিণ পাড়ায় ফিরিয়া আসিলাম। আমার সে সুধাময়ী কোথায়!

বৃদ্ধ মাধব আর দাঁড়াইতে পারিলেন না ভূতলে বসিয়া পড়িলেন। ললিত ত্রস্তে তাঁহাকে বক্ষে ধারণ করিলেন।

প্রণাম করিল এবং বলিল, “বড় বাবু একবার আপনার সঙ্গে দেখা করবার জন্তে বড় ব্যস্ত হয়েছেন। তিনি নিজেই আস্তেন, তবে নাকি এখনও বড় কাহিল ভাই আমাকে পাঠিয়ে দিলেন, যদি আপনি অনুগ্রহ করে একবার তাঁর কাছে যান ত বড়ই ভাল হয়।”

মাধব দৃষ্টি তুলিয়া ভৃত্যকে জিজ্ঞাসা করিলেন, “ললিতের কি হয়েছে?”

ভৃত্য। আপনার ঘরে আগুন লাগা শুনে, বড়বাবু আপনার মেয়েটিকে বাঁচাবার জন্তে ছুটে ঘরের ভিতর যাচ্ছিলেন, একটা বাঁশ পড়ে মাথা ভেঙে গেছে। বড় কষ্ট পাচ্ছেন। ক’দিন একেবারে অজ্ঞান হয়ে ছিলেন। খুব জ্বর, খুব বিকার। আজ দিন ২।৩ একটু ভাল আছেন।

মাধবের অনুচরবর্গ বিদায় লইল। একমাত্র অনুচর লইয়া মাধব ললিতের ভৃত্যের সঙ্গে রক্তেশ্বরের বাটীতে গমন করিলেন।

সপ্তম পরিচ্ছেদ।

দশ দিন হইল ললিতকুমার আঘাত প্রাপ্ত হইয়াছিলেন। এখনও তাঁহার মস্তকের ঘা শুষ্ক হয় নাই। শরীর এখনও শীর্ণ দুর্বল। এ কয়দিন অন্তঃপুরে ছিলেন, আজ মাধবের সহিত সাক্ষাৎ করিবার জন্ত বাটীর সম্মুখস্থিত উদ্যানবাটিকার বৈঠকখানায় আসিয়া অপেক্ষা করিতেছেন।

বেলা প্রায় অবসান হইয়াছে। ললিতকুমার ব্যাকুল চিত্তে গৃহের মধ্যে ইতস্ততঃ পরিভ্রমণ করিতেছিলেন, এমন সময় মাধব আসিয়া তথায় উপস্থিত হইলেন। মাধবকে দেখিয়া ললিত গৃহের ভিত্তি অবলম্বন করিয়া ছুই হস্তে চক্ষু আবৃত করিলেন। মাধব ললিতকে তদবস্থায় দেখিয়া আরম্ভ বদনে নীরবে দাঁড়াইয়া রহিলেন। ললিত রোদন করিতেছিলেন, তাঁহার অক্ষুট রোদন মাধবের কর্ণে প্রবেশ করিল। মাধব উদ্বুদ্ধে ইতস্ততঃ পরিভ্রমণ করিতে করিতে বলিলেনঃ—

ললিত শান্ত হও, তোমাকে এ অবস্থায় দেখিয়া আমার যন্ত্রণা আরও বৃদ্ধি হইতেছে। আমি কাঁদিতে পারিতেছি না, আমার বুক কাটরা বাইতেছে ভবু প্রাণ বাহির হইতেছে না। যদি কাঁদিবার কোন ওষধ থাকে তবে আমায় দিয়া এ যন্ত্রণা হইতে মুক্ত কর।

ললিত রোদন সম্বরণ করিলেন, অশ্রু মোচন করিয়া মাধবের পশ্চাত্ত

পশ্চাত্ত গৃহ পরিভ্রমণ করিতে লাগিলেন। মাধব পরিভ্রমণ করিতে করিতে কিয়ৎকাল পরে বলিলেনঃ—

ললিত, সুধা আমার জন্ত তাহার কোন চিহ্নই রাখিয়া যায় নাই। তাহার সকল নিদর্শনই তাহার সঙ্গে গিয়াছে। তাহার সাধের শ্রামা পাখিটি দন্ধ কলেবরে পিঞ্জরের মধ্যে প্রাঙ্গণে পড়িয়া রহিয়াছে, তাহার সাধের গ্রন্থগুলি ভগ্ন হইয়াছে, তাহার সাধের যন্ত্রগুলি ভগ্ন হইয়াছে। আমি এক এক খানি করিয়া অঙ্গার তুলিয়া দেখিয়া আসিলাম, তাহার বস্ত্রের একগাছি সূতা পর্যন্ত পাইলাম না, অলঙ্কারের একটু চূর্ণকণাও পাইলাম না, তাহার অস্থি বা মাংসের একটু কণামাত্রও পাইলাম না। সকলি ভগ্ন হইয়াছে। জগতে এত নিষ্ঠুরতা আছে, তাহা কখন ভাবি নাই।

মাধবের কথা শুনিয়া ললিত আবার রোদন করিয়া উঠিলেন। মাধব বলিলেনঃ—

ললিত শান্ত হও। তোমায় অনেক কথা বলিতে আসিয়াছি। বাধা দিও না। এই বলিয়া ক্ষণকাল নীরবে পরিভ্রমণ করিতে করিতে বলিলেনঃ—

তাঁহার বাপ মা তাহাকে আপনাদের কাছে লইয়াগিয়াছেন। আমি পর বৈ ত নয়, আমার কাছে রাখিয়া তাঁহাদের তৃপ্তি হইবে কেন?

ললিত বিস্মিত বদনে মাধবের দিকে দৃষ্টি করিয়া স্থির পদে দাঁড়াইলেন।

মাধব আবার বলিলেনঃ—“আমি ত তাঁদের সঙ্গেই যাইতেছিলাম, তাঁহারাই নিষেধ করিলেন, আমি ত সুধার জন্তই রহিলাম, সে সুধাকে — তাঁহার কাড়িয়া লইলেন।”

আবার বলিলেনঃ—

আমার অন্ন দাতা, শিক্ষা দাতা, জ্ঞান দাতা, ধর্ম্য দাতা, প্রাণ দাতা, প্রভু, ও প্রভুপত্নীর সঙ্গ ত্যাগ করিয়া সুধাময়ীকে রক্ষা করিবার জন্তই দক্ষিণ পাড়ায় ফিরিয়া আসিলাম। আমার সে সুধাময়ী কোথায়!

বৃদ্ধ মাধব আর দাঁড়াইতে পারিলেন না ভূতলে বসিয়া পড়িলেন। ললিত ব্রহ্মে তাঁহাকে বক্ষে ধারণ করিলেন।

ক্রমশঃ।

কি সাধ ?

একটু মধুর হাসি স্নেহের কথায়
নিরমিতে পারে স্বর্গ পাপের ধরায় ।
একদিন পড়ে মনে
নিরখি তাহার পানে
দেখিয়া ছিলাম স্বর্গ নয়নে তাহার ।
কিন্তু মম ভাগ্যদোষে
নিরদয় হইল শেষে
ভদবধি ছনয়নে হেরি অন্ধকার ।
শুষ্ক প্রাণে শুষ্ক মনে
সংসারের এক কোণে
প'ড়ে আছি, অঁধারেতে বাঁধিয়াছি বাসা !
এ অঁধার গুহা মুখে
করুণা-মমতা বুক
হাসিতে লইয়া আলো, অঁথিতে পিপাসা
কেহ ত আসে না কাছে
ছায়াটি পরশে পাছে,
ভয়ে ভয়ে দূরে দূরে ভ্রমে আনা হ'তে ।
কে তুমি কি সাধ ক'রে
এলে এ অঁধার ঘরে ?
বিহ্যতের প্রভা যেন নয়নের পথে !
এসেছ কি অভাগার
জীবনে যা' বাকী আর
ও হাসিতে ফাঁকি দিয়ে ভুলায়ে লইতে
অথবা এ শুষ্ক কণ্ঠে গরল ঢালিতে ?

শ্রীচারুচন্দ্র বন্দ্যোপাধ্যায় ।

মন আমার কি চায় ?

১।

কঁাদে মন অনিবার
চারি দিক অন্ধকার
বিষাদে মগন সদা হৃদয় আমার
হুহু করে সদা মন—
মরুভূমে সমীরণ
আকুল হৃদয়ে হেরি বিশৃঙ্খল সংসার ।

২।

ইচ্ছা ছাড়ি লোকালয়
বিভূতি মাথিয়ে গায়
নিভৃত পর্বতমূলে বসি নিরন্তর
ধ্যানমগ্ন স্থিরচিত্ত
সব কর্মে বিনিবৃত্ত
হরিনামে ডুবে রই প্রফুল্ল অন্তর ।

৩।

কবে হবে সেই দিন
অভিমান হবে ক্ষীণ
প্রেমভাবে আলিঙ্গিব জগৎসংসার
মোহ হবে অবসান
ধরিয়া মধুর তান
গাইব হরির নাম প্রেমের আধার ।

৪।

শূন্য চিত্ত লয়ে আর
গৃহে থাকা বড় ভার
তাই চাই চলি যাই কাটিয়া মায়ায়

নিঝরের পাশে বসি
আনন্দেতে সদা ভাসি
খুলে দি হৃদয়শ্রোত মিশিতে তাহার ।

৫।

দিনমণি অস্তাচলে
ভাসিছে বিহঙ্গদলে
মধুর সঙ্গীতে ভরা আকাশপ্রান্তর
হেসে হেসে চঞ্জি যাই
হরিগুণ সদা গাই
ভাবেতে বিভোর হয়ে প্রফুল্ল অন্তর ।

৬।

সরোবরে কমলিনী
আনন্দেতে প্রমোদিনী
ধ্যানে মগ্ন শান্তিনীরে শোভে অনিবার
ধীরে ধীরে তার পাশে
বসিয়া প্রেম উল্লাসে
যোগের মহিমা শিখি নিকটে তাহার ।

৭।

আঁধার আকাশে হায়
কত তারা ফুটে রয়
নিশানাথ বিনা তারা কাতর অন্তর
মর্ত্যালোক পরিহরি
উড়ে যাই ত্বর করি
শোভা পাই হয়ে চাঁদ তাদের ভিতর ।

৮।

তাহাদের সনে মিশি
আনন্দেতে দিবা নিশি
হরিগুণ গাই সবে তুলিয়া স্মতান

সেই তানে মত্ত হয়ে
ভক্তিপূর্ণ হৃদয়ে
জাগুক ভারতবাসী মোহেতে শয়ান ।

৯।

ভালবাসা পাবে বলে
ঘোরে নর ধরাতলে
মরীচিকা ভ্রম তার ঘুচিল না আর
মনে ভাবে পাবে সুখ
পায় কিন্তু শুধু দুখ
মোহেতে পড়িয়া তার নাহিক নিস্তার ।

১০।

দিন যায় ক্ষণ যায়
জল বুদ্ধদের প্রায়
জ্বলিছে সম্মুখে ঐ শ্মশান আমার
কি বল চাহিব আর
চাহি সেই সারাংসার
অস্তিত্বের সখা হরি চরণ তাহার ।

শ্রীযত্ননাথ কাঞ্জিলাল ।

কিসে আমাদের পরিত্রাণ সম্ভব ?

ভিন্ন ভিন্ন লোকে এই প্রশ্নের ভিন্ন ভিন্ন রূপ উত্তর প্রদান করেন । ইংরাজ পাদরী বলেন খৃষ্টধর্মাবলম্বনে দেশী বিলাত ফেরতারা বলেন বিলাত গমনে ও ইংরাজকে দেবভাবে পূজনে এবং নবদ্বীপবাসী ভট্টাচার্য্য বলেন হিন্দুশাস্ত্র শাসন ও ব্রাহ্মণের সম্মান এবং দেবগুরু সেবনে ।

ভারতবর্ষ বহু আফ্রিকা নয় । ভারতভূমি জগতে অভুল ধর্ম সংহিতা বেদের প্রসূতি । সেখানে বেদের গীতার ধর্ম রাজ্য ; সাংখ্যাদি দর্শনের আধিপত্য । ভারতভূমে ঈশ্বর ধর্মরাজ্য বিস্তারের আশা সূদূরপর্য্যন্ত । শাক্যসিংহের প্রতিষ্ঠিত উন্নতিবাদ যে ভারতভূমি হইতে বিতাড়িত হইয়াছে,

সেই পুণ্য ভূমিতে খৃষ্টধর্মের স্থান লাভ করা একান্ত অসম্ভব। মহারাষ্ট্র এলিজাবেথের সময় হইতে খৃষ্টান ইংরাজ বাইবেল হস্তে ভারতে গণাগতি করিতেছেন। কিন্তু কতগুলি হিন্দুকে সেই ইংরাজ স্বধর্মাবলম্বী করিতে পারিয়াছেন? কয়টি ভট্টাচার্য্য, কয়জন ব্রাহ্মণ পণ্ডিত, কয়জন প্রকৃত শিক্ষিত হিন্দু বাসুদেব ত্রীকৃষ্ণকে পরিত্যাগে জোসেফ্ খৃষ্টকে পরিত্রাতা বলিয়া পরিগ্রহ করিয়াছেন? নগণ্য সাঁওতাল, মেদিনীপুরের কৃষিজীবী অর্ধউড়ে খৃষ্টানদের কথা ধর্তব্যের মধ্যে নয়। বহু আফ্রিকার ছায় ভারত জর্ডন্ জলস্রাত হইতে পারে না। হিন্দু আর্ধ্যধর্ম সময়ে মুসা এবং ঈসার ধর্মকে তটস্থ হইতে হয়।

১২৭১ সালের আশ্বিনের ঝড়ে কলিকাতার অনেক স্মৃদৃঢ় ইমারত পতিত হয় কিন্তু ফোর্ট উইলিয়ম দুর্গের কোন কিছুই হয় না। কারণ এই দুর্গ অতীব স্মৃদৃঢ় ইহার অস্থি পঞ্জর সবিশেষ শক্ত। কথিত প্রবল বাত্যার ছায় হিন্দু ধর্ম সময়ে সময়ে প্রবল উৎপাত সহ্য করিয়াছে। বুদ্ধ দেব ইহার বিনাশ চেষ্টা করেন। মুসলমানেরা ইহার বিধ্বংশে বিশেষ ব্যগ্র হন। ইংরাজ পাদরী প্রভৃতি ইহার মূলোৎপাটনে ব্যস্ত। কিন্তু কেহই ইহার কোন কিছু করিতে পারেন নাই এবং পারিতেছেন না। উল্লিখিত দুর্গের মত অনেক ঝড় তুফান সহ্য করিয়াও হিন্দুধর্ম প্রায় অক্ষুণ্ণ রহিয়াছে। মহর্ষি বশিষ্ঠের কামধেনুর ছায় হিন্দুধর্ম আপনি আপনাকে রক্ষা করিতেছেন। ইহার অন্তরে অপূর্ণ মহানার্য্য ভাগবতী শক্তি বিরাজিত। সেই শক্তি গতিকে ইহার আত্মরক্ষা সুসম্পন্ন হইতেছে। বাইবেলের বেদ-স্থান পরিগ্রহ করার আশা ছরাশা মাত্র। ভারতে নন্দোৎসবই হইবে। ভারতবাসী হিন্দু কখন বিগুর জন্মদিনে উৎসব করিবে না, বশোদা ছুলালকে ছাড়িয়া জোসেফ্ নন্দনকে গ্রহণ করিবে না।

১৮৬০ খৃঃ অব্দ হইতে অনেক এদেশীয় বিলাত গিয়াছেন। ইহারই বিলাত ফেরতা। ইহাদের মধ্যে অনেকের কেবল তাহাদের নিজের মতে তাহাদের উন্নতি হইয়াছে বলিয়া বিশ্বাস। কিন্তু ভারতের পরিভ্রাণ পক্ষে তাহাদের দ্বারা কোন কিছুই হয় নাই, হইবারও সম্ভাবনা নাই। বিলাত ফেরতারা একটি পৃথক সম্প্রদায় হইয়া পড়িতেছেন। আমাদের সামুদ্রিক

বুদ্ধি যত দূর পরিগ্রহ করিতে সক্ষম, তাহাতে এইরূপ বুঝা যায় যে জনবলের সহিত তাহাদের প্রকৃত সমানুভূতি নাই। এদিকে আবার ইহার দেশীয়দের সহিত মিলিত হইতে অসম্মত এবং দেশীয়েরাও তাহাদের প্রতি বড় রাজী নন। কাজেই ইহাদের রাজ্য ত্রিশঙ্কুর অবস্থা, না স্বর্গে না মর্ত্যে। বিলাত গমনে, গঙ্গার পরিবর্তে তেমস নীর' পানে আমাদের পরিভ্রাণ অসম্ভব। আর সমস্ত ভারতবাসীর বিলাত গমন ও ফিরিঙ্গী হওয়া সুসাপ্য এবং সম্ভবপর নহে।

অনেক ইংরাজি শিক্ষিত ইংরাজকে দেবতারূপে ভক্তি করিবার জন্ত আমাদের অনুরোধ করেন। বিলাত ফেরতারা এই দলের অগ্রণী। আমাদের দেবতা এবং ইংরাজি gods' প্রায় একই পদার্থ। দেবতাদের প্রধান গুণ মনুষ্য প্রতি অলুকম্পা। ইংরাজ আমাদের প্রতি প্রায় সদয় নহেন। ইংরাজ কার্য্যতৎপর কার্য্যকুশল হইলেও সম্বন্ধার ও লোভী। লোভ পরতন্ত্র চিত্ত দেব চিত্ত নহে। দেবতা আমাদের প্রায় দিয়াই থাকেন। ইংরাজ কেবল লন, দেন অত্যন্ত। কাজেই ইংরাজ দেবতা নহেন। ইংরাজ বাহু জগৎ লইয়াই বিশেষ ব্যস্ত কাজেই তদপেক্ষা উচ্চ বিষয়ে ব্যাপৃত হিন্দুর চক্ষে ইংরাজ তেমন উচ্চ পুরুষ নহেন। আমরা ইংরাজকে সবিশেষ ভয় করি, তাহার সম্মান করি, কিন্তু তাহাকে পূজা, ভক্তি করিতে পারি না, করিতেও প্রস্তুত নহি।

ইংরাজের কার্য্য নাটক ভারতীয় কার্য্য নাটক হইতে শ্রেষ্ঠ নহে। হিন্দুর দর্শনের নিকট ইংরাজের দর্শন তেমন কোন কিছুই নহে। আমাদের নিজের কথা ধর্ম ও দর্শন সম্বন্ধে আমরা নিজে এ স্থানে কিছু বলিতে চাহি না। সার উইলেম্ জোফে, ভিক্টোর কুজিন, মেসেগেল, ম্যাকসমুলার এবং সোপেনহোর প্রভৃতি পরম পণ্ডিতগণ আর্ধ্যদর্শন এবং হিন্দু ধর্মের প্রভূত প্রশংসা করিয়াছেন। ম্যাকসমুলারের মতে আমাদের উপনিষদ অতি উচ্চ দর্শন শাস্ত্র। উপনিষদ নিহিত ধর্ম অতীব হৃদয়গ্রাহী ও চিত্ততৃপ্তিকর। সোপেনহোর বলিয়াছেন "উপনিষদ পাঠে যেকোন চিত্তের উৎকর্ষ সাধিত হয় উপনিষদ অধ্যয়ন যেমন উপকারী এমন আর কোন কিছুই নহে। ইহা আমাদের জীবন মরণের সহায় শাস্ত্র।" বৈজ্ঞানিক উন্নতির জন্ত ইংরাজ গর্বি করিয়া থাকেন। তাহার বৈজ্ঞানিক টেলিগ্রাফ,

বৈদ্যুতিক আলোক, মুদ্রা যন্ত্র, অনেক যুদ্ধের উপকরণ এবং আর আর অনেক যন্ত্র, তন্ত্র এবং অস্ত্র শস্ত্রাদি ইংরাজ অপরাপর জাতীয়দের হানে পাইয়াছেন। এই সমস্ত বিষয় স্মরণ করিলে, ইংরাজ প্রতি ভক্তি হইবার কারণ অল্পমাত্র থাকে।

তোমার কল্যাণার্থ পরিব্রাজ জ্ঞা ভট্টাচার্য্য মহাশয়েরা হিন্দু পণ্ডিতগণ তোমাকে হিন্দুশাস্ত্র পদে অবনতশিরা হইতে অনুরোধ করিতেছেন। তুমি ইংরাজি শিক্ষায় গর্বিত, তুমি বলিতেছ “আমি ভট্টাচার্য্যদের কথা মানি না।” আমরা বলিতেছি “ভাল! তা না শুনিতে, না মানিতে পার। তুমি পিতা মাতার কথা অগ্রাহ্য করিতে পার। কিন্তু তোমায় যুরোপীয়দের, ইংরাজের, মার্কিনদের কথা শুনিবার বাধা নাই। তুমি সতত তাহাদের কথায় শ্রদ্ধা করিয়া থাক। এমন যুরোপীয় জাতি নাই যাহাদের ভাষায় গীতা অনুবাদিত হয় নাই। সে দিন সাইকাগো নগরীতে মার্কিনেরা বিবেকানন্দ স্বামীর হিন্দুধর্মের কথার প্রতি কত না শ্রদ্ধা করিয়াছিলেন? প্রখ্যাত নারী ক্রীমতী আন বিশাস্ত সে দিনকার কুম্ভ মেলায় প্রয়াগনন্দে আপনাকে পবিত্র করেন। সোপেনহোর প্রভৃতি পরম পণ্ডিতগণের প্রশংসাপত্র পূর্বেই প্রদর্শিত করিয়াছি। জগন্নাথ তর্কপঞ্চাননের কথা তোমার অশ্রদ্ধা হইতে পারে। কিন্তু তাঁহার স্থানে শিক্ষালাভ করিয়া হিন্দু দায়ভাগাদি সম্বন্ধে কোলকাতক সাহেব যাহা বলিয়াছেন তাহা তোমার অবিস্থাপ্ত, অশ্রদ্ধেয় হইতে পারে না।”

ইয়ঙ্ বেঙ্গল বলিতেছেন “হিন্দুশাস্ত্র মানিতে পারি, কিন্তু বায়ুন মানিতে পারি না। বায়ুনরা শঠ, ধূর্ত, আমাদের সর্বনাশ করিয়াছে। ইহারা একান্ত স্বার্থপর, ইংরাজের মত উদার নহে।” ইংরাজ যেরূপ উদার তাহা তাহার দণ্ডবিধি ও ফৌজদারী কার্যবিধি দ্বারা সুপ্রকাশ। এই স্থলে একটি কথার উল্লেখপূর্বক ব্রাহ্মণ ধূর্ত এবং স্বার্থপর কি না তাহার বিচারে প্রবৃত্ত হইব। অল্পদিন হইল কোন একজন দেশীয় উচ্চকর্মচারীকে বহুসংখ্যক ভেড়ীওয়ালারা আক্রমণ করে। কর্মচারী মহাশয়ের কোট্ হ্যাট্ পরা ছিল। আক্রমণকারীরা গুরুতর প্রহারে প্রবৃত্ত হইলে তিনি গলদেশ হইতে যন্ত্রস্ত্রটি বাহির করিয়া ভেড়ীওয়ালাদের দেখান এবং তাহারা প্রহারে নিরস্ত হয় এবং বিপ্রেয় প্রাণ রক্ষা পায়। আমরা যতদূর

অধঃপাতে গিয়া থাকি না কেন, এখন পর্যন্ত আমাদের চিত্ত ব্রাহ্মণে ভক্তি শূন্য হয় নাই। শূদ্রের অস্থি, মজ্জা, শোণিত মধ্যে কি এক পদার্থ আছে যাহার গতিকে বিপ্র সম্মুখীন হইলেই সে তাহাকে করযোড়ে প্রণাম করে তাঁহার পায়ে পা লাগিলে চরণস্পর্শ পূর্বক তাঁহার পদধূলি লইয়া থাকে। ইংরাজ প্রদত্ত কে, সি, এস, আই প্রভৃতি উপাধি ব্রাহ্মণের যজ্ঞোপবীতের নিকট গণনীয় নয়।

মনুসংহিতায় দৃষ্ট হয় যে সেই “মহাভ্যুতি প্রভুর” মুখ হইতে ব্রাহ্মণের উৎপত্তি। মুখ বাগ্ যন্ত্র। ব্রাহ্মণের মুখ হইতে বেদাদি শাস্ত্র বহির্গত, তাই ব্রাহ্মণকে ব্রহ্মার মুখজাত বলা হইয়া থাকিবে। যজন যাজন অধ্যাপন অধ্যয়ন, দান ও পরিগ্রহ এই ছয়টি ব্রাহ্মণের কর্ম। কৃষি বাণিজ্য যদ্বারা অর্থাগম হইয়া থাকে তৎসমুদয় অল্প বর্ণের কার্য্য বলিয়া শাস্ত্রে উক্ত হইয়াছে। অধ্যাপনায় ব্রাহ্মণের প্রায় আয় ছিল না। অথথা পক্ষে ব্রাহ্মণকে স্বীয় শিষ্যগণের ভরণ পোষণ যোগাইতে হইত। যাজন ক্রিয়াতেও বিশেষ প্রাপ্তি ছিল না। প্রতিগ্রাহী বলিয়া তাঁহার বিশেষ প্রাপ্তি থাকিলে ব্রাহ্মণ চিরভিক্ষুক বলিয়া অভিহিত হইতেন না। অনেক অপরাধের, পাপ কর্মের শূদ্রাপেক্ষা ব্রাহ্মণের অতি কঠিন গুরুতর দণ্ড শাস্ত্রে বিহিত হইয়াছে। অনুলোম বিবাহ এইক্ষণ নিষিদ্ধ হইলেও ক্ষত্রিয়, বৈশ্যা এবং শূদ্রা ব্রাহ্মণের যোগ্য বলিয়া শাস্ত্রে নিষিদ্ধ ছিল না। ইহার পর শাস্ত্রকার ব্রাহ্মণগণকে শঠ ও স্বার্থপর বলা কতদূর সঙ্গত তাহা পাঠকগণ বিবেচনা করিবেন।

পদ্মপুরাণ এবং মহাভারতে লিখিত আছে:—

ন বিশেষো হস্তিবর্ণানাং সর্বং ব্রহ্মণ্যং জগৎ।

ব্রহ্মণাপূর্বসৃষ্টংহি কর্ম্মভিবর্ণতাং গতঃ ॥

আরবেদরূপ গীতা বলিতেছেন:—

ব্রহ্ম দ্বারা পূর্ব সৃষ্ট মনুষ্য সকল কর্ম্ম ও গুণ দ্বারা বর্ণ প্রাপ্ত হইয়াছেন। ঋক্ বেদোক্ত কবস উলুঘ ঋষি শূদ্র এবং বিশ্বামিত্র ঋষি ক্ষত্রিয় হইয়াও ব্রাহ্মণত্ব প্রাপ্ত হন। লোমহর্ষণ সূত জাতীয় হইয়াও ঋষিদিগের শ্রদ্ধেয় এবং তাঁহাদিগের দ্বারা মহাভারত ও পুরাণবক্তা পদে নিযুক্ত হইয়াছিলেন এই সকল ব্রাহ্মণদিগের পরম উদারতার দৃষ্টান্ত। এই সমস্ত দৃষ্টে ব্রাহ্মণকে

কখন শঠ ও স্বার্থপর বলা যাইতে পারে না। কয়েক বৎসর হইল দ্বার ভাঙ্গা মহারাজের ম্যানেজার বাবু চন্দ্রশেখর বসু কলিকাতার কোন স্থানে হিন্দু শাস্ত্রোক্ত প্রণয় বিষয়ে একটি অতি সুন্দর বক্তৃতা করেন। বক্তৃতা স্থলে ভট্টপত্রীর সুখ্যাত পণ্ডিত আনন্দচন্দ্র শিরোমণি উপস্থিত ছিলেন। বক্তৃতান্তে শিরোমণি মহাশয় দাঁড়াইয়া বলেন “আজ হিন্দু রাজা থাকিলে আপনাকে ব্রাহ্মণ করিয়া লইতাম।” গুণানুসারে শূদ্রকে শ্রেষ্ঠতর জাতি মধ্যে তুলিয়া লইতে ব্রাহ্মণেরা যে প্রস্তুত, কথিত ঘটনা দ্বারা তাহাও প্রকাশ। ব্রাহ্মেরা যজ্ঞোপবীত ফেলিয়া দিবার উপদেশ দেন। এরূপ না করিয়া কৰ্ম গুণানুসারে শূদ্রের যজ্ঞসূত্র ধারণের ব্যবস্থা করিলে তাহারা বুদ্ধিমানের কার্য্য করিবেন।

বেদের বিভক্তা ও অষ্টাদশ পুরাণের জনয়িতা মহর্ষি বেদব্যাস স্বীয় জন্ম বৃত্তান্ত মহাভারত এবং অশ্রাণ্ড পুরাণে বিবৃত করিয়াছেন। ব্যাস দেব জননী সত্যবতী ক্ষত্রিয়া এবং ব্যাস দেবের জন্ম সম্বন্ধ কতকটা কুৎসা পরিলক্ষিত হয়। ইচ্ছা করিলে পরাশর পুত্র এ সমস্ত গোপন রাখিতে পারিতেন। কিন্তু সত্যানুরোধে নিজের নিন্দার কথা প্রকাশে যাহারা মুক্তকণ্ঠ তাঁহাদিগকে শঠ, ধূর্ত বলা একান্ত অসঙ্গত। শাস্ত্রোদ্ঘাটন করিলে এইরূপ অশ্রাণ্ড দৃষ্টান্তও প্রাপ্ত হওয়া যাইতে পারে।

স্বীয় পিতৃ-দেব যাহাতে সত্যপালনে সক্ষম হন, তজ্জন্ম শ্রীরামচন্দ্র রাজত্ব পরিহার এবং বনগমন করেন। আপন সত্য রক্ষার্থে বলিরাজ এবং হরিশ্চন্দ্র পথের ভিখারী হন। দাতা কর্ণ স্বীয় সূতের শিরশ্ছেদন এবং যুধিষ্ঠির বনবাসাদি নানা ক্লেশ সহ করেন। সৰ্বস্ব ত্যাগে সত্য রক্ষা করা উচিত, পুরাণ কৰ্ত্তা ব্রাহ্মণেরা কথিত বিবরণ সকল দ্বারা উপদেশ করিয়াছেন। এই প্রকৃতির ব্রাহ্মণদিগকে শঠ বলা নিতান্ত অসঙ্গত।

ইংরাজ আমাদিগকে পরস্পর সমানুভূতি করিতে শিখাইতেছেন, দেশ বৎসল হইতে উপদেশ দিতেছেন। ইংরাজ এবং আমাদিগের মধ্যে মুসলমান এবং হিন্দুর মধ্যে সবিশেষ সমানুভূতি নাই। ইংরাজ ও মুসলমানের ধর্ম, ভাষা এবং আচার ব্যবহার আমাদিগের হইতে পৃথক তাই এই অভাব। সামান্য সামান্য বিষয়ে প্রভেদ থাকিলে ও অনেক ভারতবাসীর এক হিন্দু ধর্ম। অনেক ভারতবাসীই বেদ, তন্ত্র, মন্ত্র,

মহাভারত, রামায়ণ প্রভৃতির নিকট মস্তক অবনত করেন। সংস্কৃত ভাষাকে মধ্যবর্তিনী রাখিয়া বাঙ্গালা ও হিন্দি প্রভৃতি ভাষা সকলকে প্রেমবদ্ধা সহোদরা রূপে গ্রহণ করা যাইতে পারে। এই অবস্থায় হিন্দু শাস্ত্র শাসন স্বীকারে ব্রাহ্মণ ও দেব গুরু পূজনে আমাদের মধ্যে সমানুভূতি সম্ভবে আমাদের প্রকৃত পরিভ্রাণের উপায় হইতে পারে। ইংরাজের চরণ লেহন পরিবর্তে যাহাদের পূর্বপুরুষেরা বেদাদির সৃষ্টি ও সংগ্রহ এবং কেবল পরার্থ জীবন যাপন করিয়াছেন, আপন হিতার্থ মাত্র তাহাদের সম্মান, পূজা করিবার ক্ষতি কি? হিন্দুর, হিন্দু হওয়া ভিন্ন রক্ষা ও পরিভ্রাণের উপায়ান্তর নাই। জাতীয় প্রকৃত বিরোধী ইংরাজি শিক্ষা দিন দিন আমাদের হৃদয়ে যে বিলাস ও বাসনানল প্রদীপ্ত করিতেছে কেবল আর্ষ্য হিন্দু শাস্ত্র তাহা প্রদমিত করিয়া আমাদের রক্ষা সাধন করিতে পারে।

• • শ্রীদীননাথ ধর।

ব্রহ্মজ্ঞান।

যে জ্ঞান দ্বারা মানব ব্রহ্ম কি তাহা অনুভব করিতে পারে, যে জ্ঞান প্রভাবে জীবের অন্তরে ব্রহ্ম জ্যোতির বিকাশ হইয়া থাকে তাহাই ব্রহ্মজ্ঞান। কিন্তু আজ কাল নব্য তন্ত্রীয় মহোদয়দিগের নিকট ব্রহ্মজ্ঞান একটি কথার কথা হইয়া দাঁড়াইয়াছে; সকলকেই এই গুরুতর বিষয় লইয়া আন্দোলন করিতে দেখা যায়, পথে ঘাটে, যেখানে সেখানে লোককে উপদেশ দিতেছে, কিন্তু ছুঃখের বিষয় স্বয়ং উপদেষ্টাই ইহার প্রকৃত অর্থ ও ভাব কারণ বুঝেন কি না সন্দেহ। সকলেই অধ্যাপক হইতে চাহেন, স্তত্রাং ব্রহ্মজ্ঞানটিকে তাহারা এরূপ ভাবে পরিণত করিয়া ফেলিয়াছেন যেন তাহা অনায়াসসাধ্য; ফলতঃ ব্রহ্মজ্ঞান কথাটির সে মাধুর্য্যও অন্তর্হিত হইয়া গিয়াছে। এই সকলের মূল কারণের অনুসন্ধান করিলে এই বুঝা যায় যে প্রকৃত জ্ঞানের অভাবই ইহার এক মাত্র কারণ। প্রকৃত জ্ঞান না হইলে ব্রহ্ম কি তাহা বুঝা সুকঠিন, সহজে তাহা কি উপলব্ধি হয় না এবং ব্রহ্মজ্ঞান লাভ না হইলে মানবের মুক্তিলাভও হয় না। শাস্ত্রে বলেঃ—

“জ্ঞানাৎ সংঘায়তে মুক্তি”

জ্ঞান দ্বারা মুক্তিলাভ হয় এই জ্ঞান ধর্ম যজ্ঞাদি কর্মানুষ্ঠান দ্বারা সঞ্চিত হইয়া থাকে ।

এক্ষণে দেখা যাইতেছে যে ব্রহ্মজ্ঞান লাভ করিতে হইলে শাস্ত্রোক্ত কর্মের অনুষ্ঠান করা বিধেয় । জনকাদি ঋষিগণ কর্ম দ্বারা সিদ্ধ হইয়া ব্রহ্মজ্ঞান লাভ করিয়াছিলেন । মহামতি শ্রীকৃষ্ণ অর্জুনকেও এই উপদেশ দিয়া গিয়াছিলেন যে:—

“কর্মণৈব হি সংসিদ্ধিমাশ্রিতা জনকাদয়ঃ ।

লোক সংগ্রহ মে বাপি সংপশ্য কর্তুর্মহিসি ॥

(গীতা, ৩।২০)

অর্থাৎ জনকাদি মহাত্মারা কর্ম দ্বারা শুদ্ধ সত্ত্ব হইয়া সম্যক জ্ঞান প্রাপ্ত হইয়াছিলেন, লোক সকলের স্বধর্ম প্রবর্তনের প্রতি দৃষ্টি রাখিয়া তোমারও কর্মানুষ্ঠান করা উচিত, কেন না শ্রেষ্ঠ ব্যক্তি যাহা যাহা করেন তাহারই অনুসরণ করা বিধেয় । ফলতঃ জ্ঞান লাভ করিতে হইলে কর্ম ত্যাগ করা অকর্তব্য যেহেতু

“সদা ক্রিয়া প্রকর্তব্য ক্রিয়ায়াঃ সিদ্ধি মুক্তমাং

প্রাপ্নোতি সাধকঃ শ্রেষ্ঠ অতএব নচ ত্যজেৎ ।”

(মুণ্ডমালা তন্ত্রম)

সাধকের সর্বদা ক্রিয়াপর হওয়া উচিত কারণ ক্রিয়া দ্বারা বিশেষরূপে সিদ্ধিলাভ হইয়া থাকে ; সেই জন্ত সাধক অর্থাৎ ব্রহ্মজ্ঞানান্তিলাষীদিগের পক্ষে কর্ম বিহীন হওয়া কোন রকমে যুক্তিসিদ্ধ নহে ।

এক্ষণে দেখা যাক্ সেই সকল কর্মানুষ্ঠান কি? অধুনা সকল লোকই সংসারে জড়িত হইয়া নিজের পরিবারবর্গের সুখ সমৃদ্ধি বর্দ্ধন করা জীবনের এক মাত্র ধর্ম বিবেচনা করিয়া থাকেন সকলেই স্বার্থতৎপর হইয়া নিজের নিজের সুখানুসন্ধান বিব্রত ।

“স্বকর্ম্য সাধনে সর্বে ব্যগ্রাশ্চ জগতীতলে ।

ভাবাভাবং ন জানন্তি কেবলং স্বার্থতৎপরঃ ॥”

(ব্রহ্মাণ্ড পুরাণ)

ফলতঃ বিষয়াসক্ত কামিনী কাঞ্চনে মুগ্ধ ব্যক্তির পক্ষে প্রকৃত কর্ম বা জ্ঞান লাভ হওয়া অসম্ভব । সাংসারিক পক্ষে জ্ঞানের সূক্ষ্ম পথ অনুসন্ধান

করা ছুড়াই হইয়া পড়ে সুতরাং তাহার ব্রহ্ম আছেন এই সিদ্ধান্ত করিয়া “আমি ব্রহ্মজ্ঞ” ইহাই সাধারণের নিকট প্রকাশ করেন ; প্রকৃত জ্ঞান লাভ তাহাদের আর ঘটনা উঠে না । কারণ যাবৎ জীব কাম ও কামনাকে অন্তরে পরিপোষণ করেন তাবৎ তাহার অনিত্য বিষয়ে বিকার হওয়া অসম্ভব ।

“ন জাতু কামঃ কামনা যুগ ভোগেন শাম্যতি ।

হবিষা কৃষ্ণবর্ত্তোব ভূর এবান্তি বর্দ্ধতে ॥”

কাম ও কামনাকে যতই প্রথর দেওয়া যাইবে ততই তাহার আগ্রিতে যতাহতির ঞ্চায় প্রবল হইয়া প্রজ্জ্বলিত হইয়া উঠিবে কিছুতেই তাহার নিবৃত্তি হয় না । সেই হেতু যাবৎ এই অবিদ্যাক্রমী সায়র অলুচরণকে পরাভূত করা না যায় তাবৎ জীবের ব্রহ্মজ্ঞান লাভ আশা ছুড়াশা মাত্র । প্রকৃত জ্ঞান লাভ করিতে হইলে সংসারের অনিত্য সুখ সকল বর্জিত করিতে হইবে, কার্গানিপুণ, শুচি, সত্যভাষী, সংবর্তননাও জিতেন্দ্রিয় হইয়া কর্মে তৎপর হইবে ।

“দক্ষঃশুচিঃ সত্যভাষী জিতচিত্তো জিতেন্দ্রিয়ঃ ।

অপ্রমত্তো নিবালস্তঃ সেধারত্তো ভবেনরঃ ॥”

(মহানির্বাণ তন্ত্রম)

কারণ কর্ম বাস্তীত কোন জ্ঞান লাভ হয় না । শ্রীরামচন্দ্র বলিয়াছেন যে,

“—স্বর্গাশ্রম বর্ণিতাঃ ক্রিয়াঃ

কৃত্বা সমাসাদিতঃ শুদ্ধ মানসঃ ।

সমর্প্য তৎপূর্নমুপস্থি সাধনং

সমাপ্রয়েৎ সদৃশকর্ম্মান্ন বন্ধয়ে ॥”

(যাম গীতা)

শ্রীচ বর্ণাশ্রম বিহিত কর্ম্মানুষ্ঠান করত সেই সকল কীর্ত্তনে অর্পণ করিয়া তদন্তেতা হইবে তবে ব্রহ্মজ্ঞান লাভের জন্ত সদৃশকর্ম্ম আশ্রম গ্রহণ করিবে ; নতুংক বাস্তীত কোন কার্যই সিদ্ধ হয় না । সদৃশকর্ম্ম পূর্ণপ্রদর্শক স্বরূপ তাহাকে চালিত করিবে, প্রথমে শমদমাদি দ্বারা শিষ্যকে প্রবেশিত করিয়া পরে শুদ্ধ নির্মল কোমল স্বরূপ সর্গব্যাপী ব্রহ্মকে বোধ করাইবেনা

“আদৌ শমদম প্রায়শ্চৈঃ শিষ্যং প্রবোধয়েৎ ।

পশ্চাৎ সৰ্ব্বমিদং ব্রহ্ম শুদ্ধং খমিব বোধয়েৎ ॥”

অনন্তর বেদাদি শাস্ত্র বিহিত শ্রবণ মনন ও নিদিধ্যাসন দ্বারা শবীর মন-বুদ্ধি ও চিত্তশুদ্ধির চেষ্টা করিবে ; এবং

“কেদানুশাসনং যজ্ঞো ব্রহ্মচর্য্যং তপোদমঃ

শ্রাদ্ধোপবাস স্বাতন্ত্র্যমায়ানা জ্ঞান হেতবঃ ।”

যজ্ঞ, ব্রহ্মচর্য্যা, তপশ্চা, ইন্দ্রিয় দমন, উপবাস, ব্রতাদি এই সকল দ্বারা আত্মজ্ঞান লাভ করিবে কারণ এই সকল আত্ম জ্ঞানের হেতু ইহা না হইলে চিত্ত সংযম হয় না, চিত্ত সংযম করিতে না পারিলে ব্রহ্ম চিন্তন হয় না, যেহেতু শাস্ত্রকারেরা বলেন “মানব মাত্রেই ব্রহ্মসঙ্কুল” ভ্রমে পতিত হইয়া সহজে আত্মজ্ঞান হারাইয়া ফেলে এবং অতি ঘণিত কার্য্য করিতেও কুণ্ঠিত হয় না। অতএব যাবৎ না ভ্রম তিরোহিত হয়, তাবৎ তাহার অজ্ঞান অন্ধকার দূর হইলে, যেমন ভানুর উদয়ে তমোরাশি বিনষ্ট হইয়া জগতে প্রতিভাত করে সেইরূপ জ্ঞানের আলোক প্রদীপ্ত হয়, এবং সমস্ত বৈষয়িক কামনা সকল দূর হইয়া অন্তর্দৃষ্টি প্রভাবে শান্তি ও যোক লাভ করেন। শাস্ত্রে বলে

“বিহায় কামান্ য সৰ্ব্বান্ পুমাংশ্চরতি নিস্পৃহঃ ।

নির্ম্মমো নিরহঙ্কারঃ স শান্তিমধিগচ্ছতি ॥” (গীতা)

অর্থাৎ যে ব্যক্তি সমুদয় কাম্য বস্তু উপেক্ষা করিয়া নিস্পৃহ নিরহঙ্কার ও ভোগসাধনে মমতাস্বাদ হইয়া প্রারদ্ধবশে ভোগাদি করেন তিনি শান্তি প্রাপ্ত হন। এবং

“যস্ত বাঙ্গানসেশুদ্ধে সম্যগ্ গুপ্তেচ সৰ্ব্বদা ।

সৰ্ব্বঃ সৰ্ব্বমবাপ্নোতি বৈদান্তোপগতং ফলম্ ॥”

যাহার বাক্য মন পরিশুদ্ধ ও সতত সংযত তিনি বেদান্ত প্রতিপাদ্য সৰ্ব্বপ্রকার ফললাভ করেন ; তাহার আর কিছুই অভাব থাকে না। বিশুদ্ধান্তঃকরণ ব্রহ্মজ্ঞান-নিষ্ঠ ব্যক্তি ঈদৃশী পাইয়া সংসার মোহ প্রাপ্ত হন না ; মৃত্যুকাল পর্য্যন্ত এইরূপ অবস্থান করিতে পারিলে ব্রহ্মে লয় প্রাপ্ত হন, তাহার আর কিছু মাত্র সন্দেহ নাই।

শ্রীআনন্দগোপাল বোধ।

কল্পণাময়ী ।

সন্ধ্যা সমাগত, নিরাশ্রয় পথিক কোথায় যাইবে ? এই ভাবনায় আকুল হইয়া চলিতে লাগিলাম। কিয়দূর গমন করিয়া একজন বৃদ্ধকে দেখিতে পাইয়া আগ্রহসহকারে জিজ্ঞাসা করিলাম “এখানে রাত্রিতে থাকিবার কোন স্থান আছে কি ?” বৃদ্ধ আমার আপাদমস্তক নিরীক্ষণ করিয়া এবং একবার আমার হস্তস্থিত ব্যাগের দিকে তাকাইয়া কহিলেন “সে জন্ত ভাবনা কি, আমার সঙ্গে আইস, আমি থাকিবার উৎকৃষ্ট স্থান দেখাইয়া দিব।” তখন সানন্দমনে বৃদ্ধের সহিত একটি সঙ্কীর্ণ পথে চলিতে লাগিলাম।

অনেকক্ষণ পর্য্যটনের পর চতুর্দিক জঙ্গলাকীর্ণ একটি নির্জন স্থানে উপনীত হইলাম। সেই স্থানে একটি প্রাচীন বটবৃক্ষতলে একটি মন্দির এবং তাহার পশ্চাতে একটি বৃহৎ পুষ্করিণী দেখিতে পাইলাম। ঐ স্থানে প্রবেশের একটীমাত্র পথ আর চতুর্দিক কণ্টকী লতাজঙ্গলে পরিবৃত। মন্দিরের সন্নিহিত হইলে বৃদ্ধ সাষ্টাঙ্গ প্রণিপাত করিয়া উঠিয়া কহিলেন “এই মন্দির কালিকা দেবীর মন্দির, তুমি উহার ভিতর প্রবেশ করিয়া যেখানে ইচ্ছা শয়ন করিয়া থাক, প্রভাত হইলে তোমাকে সদয় রাস্তা দেখাইয়া দিব। তোমার কোন ভয় নাই। তোমার ভাগ্য ভাল তাই আজ দেবীর চরণদর্শন করিতে পারিলে। তুমি থাক, আমি এখন চলিলাম, তোমার আহ্বারের জন্ত দেবীর প্রসাদ কিছু পরে পাঠাইয়া দিব।” এই বলিয়া বৃদ্ধ চলিয়া গেলেন।

নির্জন স্থানে দেবমন্দির দেখিয়া হৃদয় আনন্দে পূর্ণ হইল। সন্নিহিত পুষ্করিণীতে হস্তপদাদি প্রক্ষালন পূর্বক ভক্তিভাবে মন্দিরে প্রবেশ করিলাম।

মুহূর্ত্তমধ্যে সর্বশরীর শিহরিয়া উঠিল। করালবদনার ভীষণ মূর্ত্তি দেখিয়া ভয়াকুল চিত্তে নয়ন মিনীলিত করিলাম, আবার দেখিলাম বিশাল-রসনা, বিকটদশনা, আরক্তিমলোচনা, খড়গধারিণী, মুগ্ধমালিনী ভীমা পতিবক্ষে সমাক্রুত হইয়া সন্ত্রাস উৎপাদন করিতেছেন। স্তম্ভিত হইয়া এক-
মুখে বসিয়া দেবীর চরণপ্রক্ষে চাহিয়া রহিলাম—সে ভয়ঙ্করী মূর্ত্তির দিকে

তাকাইতে আর সাহস হইল না। মন্দিরের ভিতর একটা ক্ষীণালোক জ্বলিতেছিল তাহাতে অন্ধকার নিরাকৃত না হইয়া সেই ভীম মূর্তিকে কতক প্রচ্ছন্ন রাখিয়া স্বীয় আধিপত্য বিস্তার করিতেছিল। একটা ভ্রমর গুণ গুণ করিয়া স্পর্ধাসহকারে বিচরণ করিতেছিল, সহসা দেবীর ললাটে আঘাত প্রাপ্ত হইয়া তৎক্ষণাৎ নিপতিত হইয়া পঞ্চপ্ৰাপ্ত হইল। ভাবিলাম এ সংহারিণী মূর্তির নিকট কাহারও নিস্তার নাই। আমিও ত স্পর্ধাসহকারে মন্দিরে প্রবেশ করিয়াছি, আমারও দশা কি ভ্রমরের দশা হইবে। ভাবিতে ভাবিতে শরীর রোমাঞ্চ হইল। কাতরভাবে কহিলাম “মা বিশ্বজননি! তোমার এ আকৃতি—এ বেশ শোভা পাইবে কেন? এই বিশ্বপ্রপঞ্চ রচনা করিয়া আবার তাহা সংহার করিতে উদ্যত—তোমার এ ভাব বুঝিবার সাধ্য আমার নাই। সন্তানের নিকট তোমার এ ভীষণ আকৃতি মানিবে কেন? একবার করুণাময়ী মূর্তিতে অবতীর্ণ হইয়া আমাকে অভয়দান কর, তোমার আনন্দময়ী মূর্তি দেখিয়া আমি মুগ্ধ হইয়া যাই।” তখনস্তর কাতর নমনে ভক্তিভাবে দেবীর দিকে তাকাইলাম। সমস্ত শরীর কাঁপিয়া উঠিল। বোধ হইল যেন দেবী অটহাত্ত করিয়া লোলজিহ্বা বিস্তার করত হস্তচিহ্ন ধ্বংস দ্বারা আমার শিরশ্ছেদন পূর্বক তাহা ধারণ করিতে উদ্যত। ভয়ে প্রাণ উড়িয়া গেল। মনন নিমীলিত করত কম্পিতকলেবরে কহিলাম “মা তোমার চরণে জীবন সমর্পণ করিলাম, তোমার যাহা ইচ্ছা হইয়া যাক।” ক্রমে শরীর অবসন্ন হইয়া আসিল এবং অচিরেই নিভ্রাভিত্ত হইয়া পড়িলাম।

সহসা বোধ হইল মন্দির যেন অপূর্ণ আলোকে উদ্ভাসিত হইল। সেই আলোক সমুচ্ছল করিয়া দেবী ভগবতী জগদ্ধাত্রীরূপে সমাসীনা হইলেন। করালবদনা অন্তর্হিত হইলেন, দেবী জগদ্ধাত্রী আনন্দময়ীরূপে মন্দিরের অভ্যন্তরে বিচরণ করিতে লাগিলেন। আমি যে মূর্তি দেখিব বলিয়া কত কাতর প্রার্থনা করিয়াছিলাম, সেই মূর্তির বিকাশ দেখিয়া আমার অন্তরায় আনন্দে মৃত্যু করিতে লাগিল, সে আনন্দবেগ সহ্য করিতে না পারিয়া, আমি চকিতের মধ্যে উঠিয়া বসিলাম এবং মনন উন্মীলন করিবামাত্র মন্দিরের অস্পষ্ট আলোকে সম্মুখে এক রমণী মূর্তি দেখিয়া বার পর বার বিস্মিত হইলাম। কেমন আপনা হইতেই আমার করণগুল অঙ্গসিদ্ধ হইল।

কেমন আপনা হইতেই আমি কাতরভাবে কহিলাম “মা জগদ্ধাত্রী! আমি তোমার চরণে আশ্রয় লইলাম, মা আমাকে রক্ষা কর।” রমণীর নয়নযুগল অশ্রুভারাক্রান্ত হইল, তিনি মধুর স্বরে বলিলেন “তুমি শীঘ্র আমার সঙ্গে বাহিরে আইস, তোমার জীবন সঙ্কটাপন্ন, আর দেরি করিও না।” আমি ভ্রান্তভাবে উঠিয়া দাঁড়াইলাম এবং অনতিবিলম্বে রমণীর সহিত মন্দিরের বাহিরে আসিলাম। রমণী কহিলেন “পলায়নের আর সময় নাই, তুমি ঐ পুষ্করিণীর মধ্যে নামিয়া পদ্ম পাতার নিকট গলা পর্যন্ত ডুবিয়া লুকাইয়া থাক, বিপদ গেলে আমি যাইয়া তোমাকে উঠাইয়া আনিব। খুব স্থিরভাবে থাকিবে, যেন কেহ টের না পায়।” এই বলিয়া রমণী পুষ্করিণীর একটা অংশ আমাকে দেখাইয়া চকিতের মধ্যে অন্তর্হিত হইলেন। আমিও তাহার আদেশ মতে পুষ্করিণীতে গলা পর্যন্ত ডুবিয়া কয়েকটা বৃহৎ পদ্ম পত্রের অন্তরালে লুকাইয়া রহিলাম।

অনতিবিলম্বে মন্দিরের প্রাঙ্গণভূমি হইতে “জয় কালী! জয় কালী!” শব্দ উথিত হইল। ক্রমে মন্দিরের ভিতর সেই ধ্বনি ভীষণরূপে প্রতিধ্বনিত হইল, পরক্ষণেই সকলে নীরব হইল। তখন গুনিতে পাইলাম “সর্দনাশ হয়েছে, লোকটা পালিয়েছে।” একরংগপরে কয়েকজন ভীষণাকৃতি পুরুষ এক হস্তে মশাল ও এক হস্তে তরবারি ধারণ পূর্বক পুষ্করিণীর চারি পাড় ভ্রম ভ্রম করিয়া অতুস্কান করিল পরে পুষ্করিণীর জলভাগও পরীক্ষা করিয়া দেখিল। মনে ভাবিলাম এইবার আর রক্ষা পাইব না। ভয়ে প্রাণ উড়িয়া গেল। নিতান্ত ভাগ্য গুণে আমি তাহাদের কাহারও দৃষ্টিপথে পড়িলাম না। তাহারা সকলে নিরাশমনে চলিয়া গেল। কিয়ৎক্ষণ পরে সেই বৃদ্ধের কণ্ঠধ্বনি গুনিতে পাইলাম। বৃদ্ধ কহিল “লোকটার ব্যাগ দেখিতেছি না, সে হয় ত অনেকক্ষণ পালিয়ে গেছে। আমার বুদ্ধির দোষে এই অনর্গল ঘটিল—আমি যদি সেই সময়ে কাজ নিকাশ করিয়া যাইতাম তবে আর বিপদ হইবে কেন? লোকটা হয়ত এতক্ষণ সদর রাস্তায় বাইয়া পড়িয়াছে, শীঘ্র বাইয়া ধরা যাক, ধরা না পড়িলে আমাদের কাহারও রক্ষা নাই।” ইহার পর আর কোন শব্দ গুনিতে পাইলাম না, স্থানটী নীরব হইল।

যখন বিপদাশঙ্কা কমিল, তখন সেই রমণীর কথা মনে পড়িল।

এ ভুবনমোহিনী কে? এ রজনীতে এ ষোড়শী এখানে কিরূপে আসিলেন। না, না, ইনি মানবী নহেন, ইমি জগদ্ধাত্রী। আজ আমার জীবন ধলু হইল, আমি স্বচক্ষে দেবীর অভয়চরণ দর্শন করিলাম। তখন অশ্রুপূর্ণনয়নে কাতরভাবে কহিলাম—“মা আমার রক্ষা কর, আমার শরীর শীতান্ত হইয়া অবসন্ন হইয়া আসিতেছে, মুহূর্ত্ত মধ্যে প্রাণ বায়ু নিঃশেষ হইবে, এই বেলা রক্ষা কর।” সেই বিষম রজনীতে নিদারুণ শীত পড়িয়াছিল, তাহার উপর প্রায় এক ঘণ্টাকাল জলে মগ্ন থাকায় আমি মৃতকল্প হইলাম। অবশেষে মা বলিয়া চীৎকার রোদন করত বিচৈতন হইয়া পড়িব এমন সময়ে কে যেন আমাকে ধরিলেন। মুহূর্ত্ত মধ্যে সাহস পাইলাম, দেখিলাম দেবী আসিয়া আমার হস্ত ধারণ করত আমাকে তীরের দিকে লইয়া যাইতেছেন। আমি পুঙ্করিণীর বকচরে যাইয়া বসিলাম, কিন্তু উঠিতে পারিলাম না। রমণী স্বীয় অঞ্চলে আমার শরীর উত্তমরূপে মুছাইয়া একখানি কস্থল আনিয়া দিলেন, তদ্বারা শরীর আবৃত করত আমি তথায় শুইয়া পড়িলাম। কিরংক্ষণ পরে দেখিলাম আমার পার্শ্বে অগ্নি প্রজ্জ্বলিত হইল, সেই আলোকে দেবীর প্রসন্নবদনের পরিত্র মাধুর্য্য দেখিয়া মুগ্ধ হইয়া তাঁহার চরণকমল ধারণ করত “মা, মা, মা” বলিয়া কাঁদিতে লাগিলাম, অত্র কোন বাক্যক্ষুব্ধ হইল না। করুণাময়ীর নয়নযুগল হইতে অশ্রু নির্গত হইতে লাগিল। আমি ভক্তিভাবে সেই চরণযুগলে মস্তক স্থাপন করিলাম। দেবী কহিলেন “আর বিলম্ব করিলে চলিবে না, এখনও বিপদ যায় নাই। তুমি একবার উঠিতে চেষ্টা কর।” আমি ধীরে ধীরে উঠিয়া বসিলাম। দেবী কহিলেন “তুমি আমার সঙ্গে আইস, আমি তোমাকে নিরাপদ স্থানে লইয়া যাইব।” এই বলিয়া তিনি চলিতে লাগিলেন, আমি সঙ্গে সঙ্গে চলিলাম।

তদানীন্তন আমার মনে যে ভাব হইয়াছিল তাহা প্রকাশ করা আমার সাধ্যাত্ত নহে। ভক্তি, বিশ্বাস ও কৃতজ্ঞতার আমার হৃদয় উদ্বেলিত হইল। আমার যেন বাল্যকাল ফিরিয়া আসিয়াছে, আমি কাঁদিতে কাঁদিতে জননীর অনুসরণ করিতেছি। জননীর চরণযুগল দেখিব বলিয়া প্রাণ ব্যাকুল, কিন্তু অন্ধকারে অথবা আমার হৃৎকৃতিনিবন্ধন সে সৌভাগ্য ঘটিল না। তথাপি নিজেকে পরম সৌভাগ্যবান মনে করিয়া ভক্তিপূর্ণ

হৃদয়ে ছায়াময়ীর পশ্চাৎ পশ্চাৎ চলিলাম। নয়নধারার নিবৃত্তি হইল না।

কিয়দূর গমনের পর পার্শ্বস্থিত জঙ্গল হইতে রমণী আমার ব্যাগটী বাহির করিয়া নিজে বহন করিয়া চলিতে লাগিলেন। আমি বিস্মিতভাবে কহিলাম “মা এ ব্যাগ এখানে আসিল কিরূপে, আমাকে দিন, আমি লইয়া যাইতেছি।” দেবী কহিলেন “জগদম্বার প্রসাদে তোমার কোন ক্ষতি হয় নাই ও হইবে না, তিনিই তোমাকে রক্ষা করিয়াছেন ও করিবেন।” আমি সে মধুর কথা শুনিয়া ভক্তির আবেগে মায়ের চরণযুগলে পড়িয়া গেলাম, কাতরভাবে কাঁদিতে কাঁদিতে কহিলাম “মা! আমি ঘোর পাপী, আমার উপর তোমার এত দয়া হইবে তাহা স্বপ্নের অগোচর।” দেবী স্নেহভরে কহিলেন “এত কাতর হইতেছ কেন? এখনও বিপদ যায় নাই। বিলম্ব করিও না, শীঘ্র শীঘ্র আমার সঙ্গে আইস। আমি, আর তোমার কি করিলাম? তুমি নিজের পুণ্যফলে রক্ষা পাইয়াছ।” তদনন্তর আবার চলিতে লাগিলাম। পথ আর ফুরায় না। অনুমানে বুঝিলাম প্রায় দুই ক্রোশ আসিয়াছি। জঙ্গলের মধ্য দিয়া অন্ধকার রজনীতে কত সঙ্কীর্ণ পথ দিয়া যে কোথায় যাইতেছি তাহার কিছুই স্থির করিতে পারিলাম না। অবশেষে একটি নদীর তীরে প্রকাশ্য রাস্তায় আসিয়া উপনীত হইলাম। রমণী সজলনয়নে স্নেহবচনে কহিলেন “বাবা! আর ভয় নাই, জগদম্বার রূপায় তোমার জীবন রক্ষা হয়েছে। আমার একটী কথা তোমাকে শুনিতে হইবে। যে স্থানে বিপদে পড়েছিলে তাহার অনুসন্ধান কখনও করিও না, এবং যাহারা তোমার প্রাণনাশে উদ্যত হয়েছিল তাহাদের অনিষ্টের চেষ্টা করিও না। আমি চলিলাম। রজনীর ব্যাপার ভুলিয়া যাও, কিন্তু বাবা! জগদম্বাকে কখনও ভুলিও না।” আমি আকুলভাবে তাঁহার চরণযুগল ধারণ করিয়া কাঁদিতে কাঁদিতে কহিলাম “মা তুমি আমার জগদম্বা, আজ আমার জীবন রক্ষা করিলে, যেন অন্তিমের মা তোমার চরণে স্থান পাই। না আমাকে তোমার পরিচয় দিতে হইবে, আমার মন হইতে সন্দেহ দূর করিয়া দেও। মা তুমি দেবী না মানবী? মা আমি কি আবার তোমায় দেখিতে পাইব?” রমণী সক্রমস্বরে কহিলেন “বাবা! আমার নাম করুণাময়ী, আমি দেবী জগদম্বার দাসী, আমার সহিত তোমার হয়ত ইহসংসারে

আর দেখা হইবে না, আমি আর কোন পরিচয় দিব না, আমি চলিলাম।” এই বলিয়া তিনি দ্রুতপদে সেই নিবিড় জঙ্গলে প্রবেশ করিয়া নিমেষমধ্যে অলক্ষিত হইলেন।

সেই রজনীতে আমি আর একপদ অগ্রসর হইতে পারিলাম না। সেই স্থানে বসিয়া মাতৃহীন সন্তানের স্থায় রোদন করিতে লাগিলাম। করুণাময়ীর সেই যে মূর্তি দেখিয়াছিলাম, ইহজীবনে আর তাহা বিস্মৃত হইতে পারিলাম না।

পথিক।

প্রাপ্ত গ্রন্থের সংক্ষিপ্ত সমালোচনা।

১। Aryan Traits, Part I. by Babu Kailas Chandra Mukhopadhyay, M.B., Physician, Chinsurah, Hooghly. পুস্তকখানি ইংরাজী ভাষায় লিখিত। ইহাতে হিন্দুর আচার ব্যবহার এবং অন্যান্য অনেক কথার উল্লেখ আছে। এ দেশের ধর্ম, আচার, ব্যবহার প্রভৃতি সম্বন্ধে ইংরাজদের যে ভ্রান্তি আছে তাহাই বিশদরূপে দেখাইবার জন্য গ্রন্থকার বিশেষ পরিশ্রম করিয়াছেন। এই পুস্তক পাঠে অনেক ইংরাজেরই ভ্রম দূর হইবে। গ্রন্থকারের যে নানা বিষয়ে দর্শন আছে তাহার পরিচয় এই গ্রন্থে পাওয়া যায়। এইরূপ পুস্তক বাঙ্গালা ভাষায় লিখিত হইলে, আমাদের অধিকতর আনন্দের বিষয় হইত।

২। মনোভাব। শ্রীযুক্ত মোহিতচন্দ্র রায় প্রণীত। হুগলী সাবিত্রী মন্ত্রে শ্রীহরিদাস পাল দ্বারা মুদ্রিত। হুগলী ছাত্র-সমিতি ও বিদ্যাসাগর লাইব্রেরী হইতে প্রকাশিত। মূল্য ১/০ আনা মাত্র। ডাক মাসুল ১/০। উক্ত মন্ত্রে প্রাপ্তব্য। এই খানি গদ্য পদ্যময় গ্রন্থ। কবিতাগুলি সুসুচিত এবং সুখপাঠ্য হইয়াছে। গ্রন্থে যে মনোভাব অঙ্কিত করা হইয়াছে— তাহাতে বৈরাগ্যের ঔদাসীন্দের সহিত ধর্মের প্রকল্পতার মিলন আছে। এরূপ পুস্তক সকলেরই আদরণীয় হওয়া কর্তব্য।



মাসিক পত্রিকা ও সমালোচনী।

সূচী।

(প্রবন্ধের নতামতের জন্য লেখকগণ দায়ী।)

বিষয়।	পৃষ্ঠা।
১। হিমাচল (শ্রীউপেন্দ্রনাথ কাঞ্জিলাল) ...	১৯৩
২। গীতা (পদ্য) (শ্রীকুমারনাথ মুখোপাধ্যায়) ...	২০১
৩। হিন্দুতীর্থ (শ্রীকুঞ্জবিহারী সেন) ...	২০৫
৪। শিক্ষিতা (পদ্য) (শ্রীসুরেন্দ্রনাথ ঘোষ, বি, এল্.) ...	১৭৫
৫। সুধাময়ী (উপন্যাস) (শ্রীঈশানচন্দ্র বন্দ্যোপাধ্যায়) ...	২১৩
৬। গুরু শিষ্য (শ্রীপ্যারীলাল চৌধুরী) ...	২২১
৭। প্রেমের নবানুভব (পদ্য) (শ্রীমঃ) ...	২২৩

হুগলী,

সাবিত্রী মন্ত্রে শ্রীহরিদাস পাল দ্বারা
মুদ্রিত ও প্রকাশিত।

কার্তিক—১৩০১।

এই সংখ্যার মূল্য ১/০ দেড় আনা।

বিজ্ঞাপন।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিদ্যা ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিকা যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ম ইহার অগ্রিম বার্ষিক মূল্য মায় ডাক মাসুল ১ এক টাকা মাত্র ধাৰ্য্য হইল। ইহাতে ৮ পেজী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। এরূপ সুলভ মূল্যের কাগজ মফঃস্বল হইতে এ পর্য্যন্ত বাহির হয় নাই। এই পত্রিকা সম্বন্ধে চিঠি পত্র, প্রবন্ধ, মূল্যের টাকা, সমালোচনার জন্ত পুস্তক প্রভৃতি যাবতীয় বিষয় আমার নিকট পাঠাইতে হইবে, এবং আনাকে লিখিলে পত্রিকা সম্বন্ধে জ্ঞাতব্য বিষয় সকলে জানিতে পারিবেন। অতি সুলভ মূল্যে বিজ্ঞাপনাদি ইহাতে প্রকাশিত হইবে।

শ্রীযত্ননাথ কাঞ্জিলাল,
কার্য্যাধ্যক্ষ।
হুগলী।

বিজ্ঞাপন।

হুগলীর চকে সাবিদ্রী যন্ত্র নামে একটি ছাপাখানা স্থাপিত হইয়াছে। ইহাতে বাঙ্গালা ইংরাজী বহু প্রকার নূতন অক্ষর আছে এবং কলিকাতার দরে পুস্তকাদি ছাপান হইতেছে। বিশেষ সুবিধা এই, গ্রন্থকার ইচ্ছা করিলে, প্রকৃত সংশোধনের ভার রীতিমত লওয়া হইয়া থাকে। চিঠিপত্র চেক দাখিল প্রভৃতি সর্ব প্রকার জবওয়ার্ক সুলভ মূল্যে স্বল্প সময়ের মধ্যে ছাপান হইয়া থাকে। আনাকে লিখিলে বিশেষ বিবরণ সকলে জানিতে পারিবেন।

শ্রীযত্ননাথ কাঞ্জিলাল,
ম্যানেজার।
হুগলী।

পূর্ণিমা।

মাসিক পত্রিকা ও সমালোচনী।

২য় ভাগ।

কার্তিক, সন ১৩০১ সাল।

৭ম সংখ্যা।

হিমাচল।

৩। ৬ গহনা হৃদ।

(পূর্ব প্রকাশিতের পর।)

হিমাচল সম্বন্ধীয় অনেক কথা যুগপৎ উপস্থিত হওয়ায় কোন্টি ছাড়িয়া কোন্টি বলি ইহাই সমস্তা দাঁড়াইয়াছে। অদ্য গহনা কাহিনী শেষ করিব, ইহাই মুখ্য উদ্দেশ্য, কিন্তু আনুসঙ্গিক দুই একটি কথাও না বলিলে চলিতেন না।

হিমাচলের প্রথম প্রবন্ধে বলিয়াছিলাম দেশের সাধারণ লোকের হিমালয় সম্বন্ধে অনেকানেক ভ্রমাত্মক ধারণা আছে, গহনা প্রসঙ্গে আমার কথা অতি বিশদরূপে প্রমাণিত হইয়াছে। সাধারণ লোকের ত দূরের কথা, লক্ষপ্রতিষ্ঠ সহযোগীদিগের মধ্যে কাহারও কাহারও হৃর্তাবনা হইয়াছিল যে, একে গঙ্গার স্থিতিকাল ফুরাইবার কথা রটিতেছে, এমন সময়ে গঙ্গা যদি গহনা হইতে অন্য পথে চলিয়া যান, অর্থাৎ দেবপ্রয়াগ, রিহাবার, কাণপুর, এলাহাবাদ, বারাণসী, যুদ্ধের প্রভৃতির প্রচলিত প্রবাহ বন্ধ হইয়া যায় (!)—তাহা হইলে পতিতোক্কারের কাজটা কাহাকে দেওয়া যাইবে। অনেক গবেষণার পর নূতন স্রোতকে একটিনী দেওয়া আবশ্যক করিয়া সম্পাদকীয় সর্বজ্ঞমস্তিষ্ক কথঞ্চিৎ প্রকৃতিস্থ হইয়াছিল। থিয়া আমরা সাতিশয় আনন্দিত হইয়াছিলাম। পূর্ণিমার পাঠকগণ কল্পিতের হৃশ্চিন্তা দেখিয়া নিশ্চয়ই হাসিয়াছেন।

ওদিকে কিছুদিন পূর্বে দেশীয় চালিত ইংরাজী বাঙ্গালা সংবাদপত্র মহলে একটা হলস্থল ব্যাপার চলিতেছিল। অক্সফোর্ড বিশ্ববিদ্যালয়ের এম, এ, পাস করা একটা বাবু হিমগিরি শিখরে কি প্রকারে সিদ্ধান্ত নামক পুণ্যাশ্রমের আবিষ্কার করিয়াছেন তাহারই কলম্বাসী ধরণে বিস্তৃত বিবরণের পত্র হইতে পত্রান্তরে লোফালুফি চলিতেছিল। এই আবিষ্কার প্রসঙ্গে অক্সফোর্ডী মহাশয় আমাদেরকে অনেক নূতন কথা শিখাইয়াছেন, সেগুলি কোনও সময়ে প্রিয় পাঠককে উপহার দিব ইচ্ছা আছে, অদ্য প্রস্তাবনা হইয়া রহিল মাত্র।

আমাদের পাঠকদিগের মধ্যে কেহ বাঙ্গালা সংবাদপত্রের সম্পাদক হইতে ইচ্ছুক আছেন কি? যদি থাকেন, আমি তাঁহাকে কিছুকাল দরজীর দোকানে—বিশেষতঃ যেখানে বাউলের সাজ তৈয়ার হয়, শিক্ষা নবিশী করিতে পরামর্শ দিই। সেখানে সম্পাদকের প্রাণধন, অনেকে অনন্ত শরণ্য কাঁচিরূপ মহাত্মের যথাযথ ব্যবহার শিক্ষা করিয়া তবে তাঁর উচ্চ পদবী প্রতি সলালস দৃষ্টি সঞ্চালনে অধিকারী হইতে পারিবেন বরং তাঁহার ষ্টেথোস্কোপ বিহনে, মাষ্টার “কি” ব্যতিরেকে, এঞ্জিনিয়ার মোলেস্‌ওয়ার্থ বিনা, আর নব্য গ্রন্থকার উপহারের স্বল্পজাল না পাতি স্বীয় স্বীয় ব্যবসায় প্রতাপিত লাভ করিতে পারেন, তথাপি হে কাঁচি তুমি প্রসন্ন না হইলে সম্পাদকত্ব নিতান্তই অ-চল। স্বল্পদর্শী পাঠকগণ অবশ্যই দেখিতে পাইয়াছেন, আমাদের গহনার বিবরণ “ঘোণা” নামে গা ঢাকা দিয়া কর্তাদের ঘানিগাছ নিঃসৃত ভ্রমনির্যাস কলুষিত হইবে কেমন বেমালুম ও বিক্ষিপ্তভাবে বাউলের সাজ বিশেষের পুষ্টিসাধন করিয়াছে। বলিহারি খলিফাগিরি!

গহনা হৃদ কি প্রকারে “গঙ্গালাভ” করিল সে পুরাতন কথা এত সবিস্তারে বলিবার প্রয়োজন নাই, সুতরাং অতি সংক্ষেপে বলিতেছি।

শ্রাবণ মাসেই বাঁধ ভাঙিত, কিন্তু বাঁধের গা দিয়া এত জল পরিমাণে জল চুঁইয়া পড়িতোছিল যে হৃদের জলের যে হিসাবে বাড়িয়া সম্ভাবনা ছিল, সে হিসাবে বৃদ্ধি হয় নাই। এই জন্ত আনুমানিক সময়ে প্রায় এক পক্ষ পরে ১১ই ভাদ্র তারিখে বাঁধ ভাঙিয়াছিল। হৃদের জল যাবৎ উপরে না উঠিয়াছিল বাঁধ ততক্ষণ অটলভাবেই দণ্ডায়মান ছিল।

গহন্যহীন হৃদের অন্তিমকাল জন্ম সময় অপেক্ষাও সমধিক ভীতিব্যঞ্জক হইয়াছিল। কয়েক দিন ধরিয়া অনবরত বৃষ্টি হইতেছিল। আকাশের সব আর হৃদোখিত কুজ্জাটিকা উভয়ে মিশিয়া একাকার হইয়া গিয়াছিল। এই ভাদ্র শনিবার, নন্দোৎসবের রাত্রি, সেদিন আর্য্যাবর্তের প্রায় সর্বত্রই বৃষ্টি হইয়াছিল। আজ গহনা রঙ্গমঞ্চে প্রকৃতি দেবীর অতি ভয়ঙ্করী মূর্তি প্রকটিত। মধ্যে মধ্যে বিকট নির্যোষে বৃজপাত হইতেছে, সহচরী ক্ষণপ্রভার উল্হাসি মধ্যরজনীর গাঢ় অন্ধকারকে গাঢ়তর প্রতীয়মান করিতেছে। মনে মনে উন্নতস্বক পর্বতাজ হইতে স্বস্থানভ্রষ্ট প্রস্তরখণ্ড সমূহ তৈরবনাদে হৃদগর্ভে নিমজ্জিত হইয়া বৃষ্টিবিক্ষোভিত বারিরাশিকে তরঙ্গাকুল করিতেছে। এমন সময়ে অকস্মাৎ কৃষ্ণানবমীর প্রায়ার্দ্ধচন্দ্র মেঘান্তরাল হইতে নিমেষার্দ্ধের নিমিত্ত মুমূর্ষু হৃদের ম্লান হৃদয়ে প্রতিবিম্বিত হইল, স্মৃতিকারিত্ব আসন্নকাল শিশুটি যেন একবার এ জন্মের মত শেষ “দেয়ালা” করিল, নির্ঝাণোমুখী দীপশিখা যেন নিবিবে বলিয়াই দপ্ করিয়া জলিয়া উঠিল, ওদিকে সহসা এঞ্জিনিয়ারগণপ্রতিষ্ঠাপিত সাক্ষেতিক ঘণ্টা গভীরে অথচ ধীরে ধীরে বাজিয়া উঠিল—খৃষ্টানদিগের প্রেতভূমির অন্ত্যেষ্টিক্রমক ঘণ্টারবের ত্রায় উহার প্রতিনির্ঘোষে শ্রোতৃমাত্রেরই হৃদয়ের সাহস ও দাঁড়াই বালকে বালকে অন্তর্হিত হইতে লাগিল। কি ভীষণ মুহূর্ত্ত! আর কেন? সকলে বল, “হরি হরি বোল, হরি বোল”! নিমেষ মধ্যে বাঁধের উপর হইয়া জল চলিতে আরম্ভ হইল।

বাঁধ ধবসিল না, কিন্তু জলস্রোতে শীঘ্র শীঘ্র কাটিয়া যাইতে লাগিল। ঘণ্টাতে বিপুল জলরাশি, সুতরাং অল্পক্ষণ মধ্যেই বিরহী বহিয়া প্রলয়স্রোতঃ নক্ষত্রবেগে ছুটিতে লাগিল। কল্লোলকোলাহলে দূরদূরান্তর পর্য্যন্ত মানব ও উদ্ভেদের জীবগণ প্রমাদ গণিয়া জাগিয়া উঠিল। অনেকের তখনও চক্ষে নিষ্কার আবির্ভাব, তখনও বুঝিতে পারে নাই কি হইয়াছে। দাহমান গহনায়িত ব্যক্তি সহসা স্তম্ভোখিত হইয়া যেরূপ ইতিকর্ষব্যতাবিধানে নিতান্ত অপারগ হয়, সকলেরই সেইরূপ অবস্থা।

এই ঘণ্টা একরূপ কোশলে রক্ষিত হইয়াছিল যে বাঁধের উপরিভাগ পর্য্যন্ত জল উঠিলেই তরঙ্গহিল্লোলে বাজিতে থাকিবে। এইরূপ কোশল তিরেকে হৃদের তাৎকালিক অবস্থা জ্ঞাত হইবার অন্য উপায় ছিল না।

পার্বত্য অংশে প্রতি ঘণ্টায় অনূন ২০ ক্রোশ হিসাবে জল
চলিয়াছিল। গভীরতা দূরত্বের বিপর্যয়পাতে দ্বিশত হস্ত হইতে পঞ্চাশ
বিংশতি হস্ত পর্যন্ত হইয়াছিল। যেখানে গভীরতা অল্প, সেখানে আবার
পরিসরাধিক্য। পাঠক একবার কল্পীয় গঙ্গার সহিত এই বিরাট জল
স্রোতের তুলনা করিয়া দেখুন। হুগলী ও কলিকাতার মধ্যে কোথাও
২০ হাতের অধিক গভীরতা আছে কি না, আর প্রবল বন্যার সময় প্রতি
ঘণ্টায় ৪ ক্রোশের অধিক স্রোতবেগ হয় কি না, সন্দেহের বিষয়। জলস্রোত
বলিতেছি, কিন্তু কর্দমস্রোতঃ বলাই উচিত। আমরা দেশে যে বন্যার জল
দেখিতে পাই, সে ত ইহার তুলনায় 'ক্ষটীকজল'। উপরিভাগ মাত্র
দেখিয়া জল বা কর্দম স্থির করা নিতান্ত সহজ ছিল না। ভাসমান লতা
গুল্মফ্রমরাজি, গো, মেঘ, মৃগ, মহিষ ও কপি, দ্বীপি, ব্যাঘ্র, ভল্লুকাদি
জীবগণ, গৃহাদির ভগ্নাবশেষ এবং দেবমন্দির সমূহের কারুকার্যখণ্ড
কবাট, গবাক্ষ, চূড়াদণ্ড ও কাষ্ঠস্তম্ভ প্রভৃতি স্রোতবক্ষ ছাইয়া তীরবর্তী
ছুটিতেছিল। প্রকৃতির সেই গতিশীল মহাশ্মশান যিনি স্বচক্ষে
দেখিয়াছেন তাঁহার সে ভীষণ দৃশ্যের সম্যক উপলব্ধি হওয়া অসম্ভব।

ধ্বংসকার্য রাত্রির মধ্যেই প্রায় নিঃশেষিত হইল। গহনা গ্রামে
কিয়দংশ ভাসিয়া গিয়াছে। চামোলী, নন্দপ্রয়াগ, কর্ণপ্রয়াগ, রুদ্রপ্রয়াগ
শ্রীনগর, দেবপ্রয়াগ প্রভৃতি স্থানের গৃহাদির চিহ্ন মাত্র অবশিষ্ট নাই।
কেবল শ্রীনগরের দুইটি মাত্র দেবমন্দির অতি আশ্চর্য্যরূপে রক্ষা পাইয়াছে।
দেবপ্রয়াগের পুলের ভিত্তি পর্যন্ত বিলুপ্ত। ব্যাসঘাট ও হুসীকেশের কত
কতক গৃহাদি ভাসিয়া গিয়াছে। শেষোক্ত স্থানের অগ্রতম গৌরব স্বরূপ
বিখ্যাত চন্ডেশ্বর মন্দির প্লাবন কবলিত হইয়াছে। কলিকাতার সুবিখ্যাত
ধনকুবের স্মরণমল বুনবুনওয়ালার অগ্রতম কীর্তিকेतু লছমন বোনাল
পুল প্লাবনপীড়নে বিধ্বস্ত হইয়াছে। পরদিন (১১ই ভাদ্র) বেলা
এক প্রহরের সময়, হরিদ্বারে বন্যা আসিল সহরের উপর দিয়া। প্রায় ৪ হাত
জল চলিয়া গেল, লোকের গৃহপ্রাঙ্গণ বালুকা ও কর্দমে পরিপূরিত হইল।
নদী সন্নিহিত গৃহাদির ও কয়েকটি পুলের অগ্নাধিক হানি হইয়াছে।
কনথলে ও ঐরূপ অগ্নাধিক অনিষ্ট হইয়াছে। তন্মিমে, অর্থাৎ সমস্ত
প্রদেশে কোথাও উল্লেখযোগ্য অনিষ্টপাত হয় নাই। জলস্রোতঃ আরো

বাধের কিয়দংশ মাত্র কাটিয়া ধীরে ধীরে বর্দ্ধিতায়তন হইয়াছিল, হ্রদের
সমস্ত জলরাশি একেবারে আসিতে পারে নাই; নতুবা আরও অধিক
অনিষ্ট হইত, ইহা বলাই বাহুল্য।

এ স্থলে গবর্ণমেন্টের সুবন্দোবস্তের সুখ্যাতি না করিয়া থাকা যায়
না। রাজপুরুষদিগের সতর্কতাগুণে সকলেই প্রাণে বাঁচিয়াছে। স্থানে
স্থানে কার্য্য বিশেষে বেশ একটু রহস্তও আছে। শুনিতে পাই, মিরোট,
সাহারনপুর প্রভৃতি জেলার গ্রামে গ্রামে দুই টিন করিয়া কেরোসিন তৈল
দেওয়া হইয়াছিল, আর গ্রামের দুই প্রান্তে কাষ্ঠাদি স্তুপাকৃত করিয়া
রাখিতে আদেশ দেওয়া হইয়াছিল। বন্যার সূচনা জানিবা মাত্র গ্রাম-
বাসিগণ কাষ্ঠস্তুপে কেরোসিনের সাহায্যে অগ্নি প্রজ্জ্বলিত করিবে, এই
অগ্নি দর্শনে পার্শ্ববর্তী গ্রামের লোক সতর্ক হইবে এবং আপন আপন
স্তুপে ঐরূপে আগুন লাগাইবে, এইরূপে সঙ্ঘর্ষই সমগ্র জেলার লোক
বন্যার আগমনবার্তা অবগত হইবে, এবিধ একটা বিরাট আয়োজন
হইয়াছিল। বাঁধটি "বে-রসিক" ভাবে অল্পে অল্পে ভাঙায় কর্তারা একটু
অপ্রতিভ হইয়াছেন বৈ কি? কেরোসিন টিনগুলো ফেরত লওয়া হইয়াছে
কি না জানিতে পারি নাই।

অনিষ্টপাত অল্প হওয়ার আরও একটি বিশিষ্ট কারণ আছে।
হ্রদ মরিয়াছে বটে, কিন্তু নির্বংশ হয় নাই। বাঁধের মৃদংশ স্রোতসহ
ভাসিয়া গিয়াছে, ক্ষুদ্র ক্ষুদ্র প্রস্তরখণ্ডও অনেক চলিয়া গিয়াছে, এখন
অবশিষ্ট রহিয়াছে দৃঢ়প্রোত বিশাল শিলাখণ্ড সমূহের অল্প অথচ অটল
স্তুপ। তৎপশ্চাতে—দ্বিশত হস্ত গভীর, প্রায় ক্রোশৈক দীর্ঘ ও স্থল বিশেষে
প্রায় সহস্রধনুঃ বিস্তৃত একটি স্থায়ী হ্রদ—গহনার চিরজীবী বংশধররূপে
বিরাজমান। হ্রদের সমস্ত জল নিঃশেষিত হইয়া চলিয়া গেলে কেরোসিন
তৈল ও কাষ্ঠস্তুপের কীর্তিকাহিনী সরকারী রিপোর্টে অবশ্যই উচ্চ স্থান
অধিকার করিতে পারিত।

বর্তমান হ্রদকে "চিরজীবী" বলিয়াছি, কিন্তু বাহার জন্ম হইয়াছে
তাহার মৃত্যু অনিবার্য্য প্রকৃতির এ নিয়মের কোথাও ব্যতিক্রম নাই।
গহনার ক্ষুদ্র হ্রদটিও কালে বিলয়প্রাপ্ত হইবে, কিন্তু পৈত্রিক রোগে নয়।
ইহার উত্তরে পূর্বে ও দক্ষিণে যে সকল পর্বতমালা উচ্চ প্রাচীরবৎ

দণ্ডায়মান তাহাদিগের বিপুলঙ্গ হইতে প্রস্তুতখণ্ড ও মৃত্তিকাকণা বৃষ্টিবারি চালিত হইয়া ক্রমশঃ হ্রদগর্ভে সঞ্চিত হইতে থাকিবে ; তন্নিবন্ধন ক্রমশঃ হ্রদের গভীরতার হ্রাস ও অন্তিমে হ্রদত্বের বিলোপ সংঘটিত হইবে ।

তথাপি কিন্তু গহনা নির্বংশ হইবার নয়, কেননা “ইহার একটা বংশ আছে।” গহনা হ্রদ প্রকৃতির উচ্ছৃঙ্খল পুত্র ধূমকেতুর স্থায় অজ্ঞাত কুলশীল একাকী “জীব” নয়। গহনা না অদ্বিতীয়, না অপূর্ব পদার্থ। এই শ্রেণীর হ্রদের পুরাতন স্মৃতিচিহ্ন হিমাচল প্রদেশে বিরল নয়, আর নূতন হ্রদের জন্মগ্রহণের সম্ভাবনাও বহুস্থানে সর্বদা বিদ্যমান। ইহার কারণ এই যে—হিমগিরি—পৃথিবীর মানদণ্ড সদৃশ, জগজ্জননী জনক স্মৃতরাং জগতের “দাদামহাশয়”রূপী ত্রিকালদর্শী এই হিমগিরি, পর্বত সমাজে কতকটা আধুনিক। এটা নিতান্ত অসহনীয় ধৃষ্টতার কথা হইয়া পড়িল, অনেকে হয় ত পড়িয়া ক্রোধে অধীর হইয়া উঠিবেন ; তাহাদিগের নিকট করযোড়ে বিনীত নিবেদন, একটু ধৈর্য্যাবলম্বন করুন, যথাসময়ে ইহার সম্ভোষণজনক কৈফিয়ৎ দিতে চেষ্টা করিব। আপাততঃ আমার অনুরোধে স্বীকার করুন, হিমগিরি আধুনিক। আধুনিক বলিয়া এখনও ইহার অঙ্গসৌষ্ঠব অসম্পূর্ণ রহিয়াছে, এইজন্ত ভূস্তরের অস্বাভাবিক সংস্থান বহুস্থানে দৃষ্ট হইয়া থাকে, ভূমিকম্প প্রায়ই অনুভূত হয়, নদীগণের স্রোতপথ অদ্যাপি প্রয়োজনানুরূপ সুপরিসর বা সুনিয়ন্ত্রিত হইতে পারে নাই, এক কথায়, গিরিবরের গঠনোপাদানের সংযোগ বিয়োগ এখনও চলিতেছে, কে বলিতে পারে আরও কত লক্ষ বৎসর ব্যাপিয়া চলিবে ? এই সংযোগ বিয়োগই ময়স্থানের পতন এবং গহনা ও তৎসহোদর অন্তঃস্থ হ্রদের উৎপত্তির মৌলিক কারণ।

ময়স্থানের পতনের সাক্ষাৎ সম্বন্ধেও কতকগুলি কারণ আছে, সেগুলি একটি নিদর্শন দ্বারা সমষ্টিভাবে বুঝাইতে চেষ্টা করিব। মনে করুন দুই খণ্ড কাচ ও ততুল্য দৈর্ঘ্য বিস্তার বিশিষ্ট দুই খণ্ড তক্তা পৃথকরূপে উপর্য্যধোভাবে কোনও সমতল স্থানে রাখিলাম। এখন কাচ ও গুরুত্ব খণ্ডদ্বয়কে যদি একদিকে কিয়ৎ পরিমাণে উঁচা করি, তাহা হইলে উপরের খণ্ড অথবা প্রতিবন্ধক না পাইলে পূর্ক্ৰাবস্থ না থাকিয়া সরিয়া পড়িবে। কাষ্ঠখণ্ডদ্বয়কে একদিকে ঠিক অতটুকু উঁচা করিলে উপরের তক্তা খানি

সরিতে না, সরাইতে হইলে আরও অনেক উঠাইতে হইবে। যে গুণ থাকিতে তক্তা সরিল না, আর যাহার অভাব বা অল্পতা হেতু কাচ সরিয়া গেল, তাহাকে বন্ধুরতা * বলা যাইতে পারে। উক্ত উদাহরণে ইহাও বুঝা গেল যে স্থল বিশেষে অসামতলিকতা দ্বারা বন্ধুরতার কার্যকারিতা বিনষ্ট হয় ; অর্থাৎ বন্ধুরতা যতই অধিক হউক না কেন, ঢাল অধিক হইলে উপরের দ্রব্য নিশ্চয়ই সরিয়া পড়িবে ; অথবা কোন শক্তির সাহায্য ব্যতিরেকে একা বন্ধুরতা কিছুতেই তাহাকে স্বস্থানে ধরিয়া রাখিতে সমর্থ হইবে না। এখন মনে করুন নিম্নের তক্তা খানির উপর পৃষ্ঠে কিঞ্চিৎ কলিচূণ ভাল করিয়া পিটিয়া ততুপরি দ্বিতীয় তক্তা খানি বসাইয়া দিলাম, ইহাতে বন্ধুরতার কার্যকারিতা চূণের সহায়তা বলে বাড়িল বৈ কমিল না, স্মৃতরাং ইতিপূর্বে যে পরিমাণে উঁচা করিলে উপরের তক্তা খানি সরিয়া যাইতে পারিত, এখন তদপেক্ষা কথঞ্চিৎ অধিক উঁচা করিলেও সরিবে না। মনে করুন এইরূপ বহু তক্তা চূণ সংযোগে স্তূপকৃত করিলাম, প্রত্যেক তক্তারই এক প্রান্ত অপর প্রান্ত হইতে এ. পরিমাণে উঁচা যে চূণের সাহায্য ব্যতিরেকে উহা নিম্নস্থ তক্তা হইতে নিশ্চয়ই সরিয়া পড়িবে। এখন যদি তক্তাস্তূপের উপরিভাগে অনবরত জল সেচন করা যায়, আর দুই একটা নর্দামার জলও ক্রমে আসিয়া কলি চূণের সঙ্গে মিশিতে থাকে, তাহা হইলে পরিণাম ফল কি দাঁড়াইবে ? জল পাইয়া ক্রমে কলিচূণ ফুলিয়া উঠিবে, স্মৃতরাং তক্তাগুলিকে নিম্ন হইতে ঠেলিতে থাকিবে, ওদিকে কতক চূণ জলের সঙ্গে ক্রমে ধুইয়া যাইতে থাকিবে, চূণের স্তরে জল শোষিত হওয়ায় তক্তাস্তূপের উপরের অংশ ক্রমশঃ “মাথাভারী” হইয়া গড়িবে, ফলে তক্তাগুলি যথা সময়ে সরিয়া পড়িবে।

ময়স্থানের পক্ষে কতকটা এইরূপ ঘটনাই ঘটিয়াছিল, ভূস্তরগুলি উচ্চ পর্বত শৃঙ্গ হইতে বিরহী গঙ্গার দিকে হেলিয়া ছিল। যে প্রস্তুত সমূহে † স্তর সংগঠিত তাহাদের বন্ধুরতা বা কাষ্ঠিত্ব অধিক নয়। স্তরগুলির

*ইংরাজী Friction.

†Carbonaceous shales, dolomitic marls. tale-schist tale, ইত্যাদি।

ব্যবধানে সংযোজক ভাবে যে সকল দ্রব্য * ছিল জল সংযোগে ও পর্বত-পেষণে শ্লথ ও বিকৃত হওয়াই তাহাদের ধর্ম। উপরে বৃষ্টি ত আছেই, অধিকন্তু পশ্চাতে উচ্চতর পর্বত থাকায় অন্তরে অন্তরে বহু প্রস্রবণ (দৃষ্টান্তের নর্দামা) অবশ্যই প্রবাহিত ছিল। এই সকলের ফল সমষ্টিই ময়স্থানের পতন ও গহনার জন্ম।

গহনা হ্রদতত্ত্বে ভূতত্ত্ববিদ মহলে একটা নূতন সমস্তা উপস্থিত হইয়াছে, প্রবন্ধ পরিসমাপ্তির পূর্বে সে কথাও পাঠকদিগকে বলিয়া রাখি। ইহারা সকলেই একবাক্যে স্বীকার করেন যে আনুমানিক আট দশ হাজার বৎসর পূর্বে পৃথিবীর কোন ও কোন অংশ বরফ + মণ্ডিত ছিল। এই বরফরাশি উন্নতভূমি হইতে নিম্নভূমি অভিমুখে ধীর অথচ অবিরাম ভাবে প্রবাহিত হইত। এই বরফ প্রবাহের ‡ নিম্ন স্তরে ও দুই পার্শ্বে অসংখ্য তীক্ষ্ণধার প্রস্রবণও দৃঢ়নিবন্ধ হইয়া যাইত। চলনশীল প্রবাহে দৃঢ়প্রোত প্রস্রবননিচয়ও অবশ্যই চলনশীল। সুতরাং যে যে স্থান হইয়া প্রবাহ চলিয়া গিয়াছে, সেই সেই স্থানের স্থায়ী প্রস্রব সমূহে সমান্তরালভাবে রেখানিচয় অঙ্কিত হইয়া গিয়াছে। হিমালয়ের চিরবরফমণ্ডিত উচ্চতমাংশে এবং অন্তর্গত উচ্চ পর্বতে, আধুনিক বরফ প্রবাহ দৃষ্ট হয়, সেই সকল প্রবাহের গতি ও কার্য পর্যালোচনা করিয়া উক্তরূপ অভিজ্ঞতা লাভ করা হইয়াছে। সুতরাং যেখানেই ঐরূপ রেখা দৃষ্ট হয়, ভূতত্ত্ববিদেরা উহা বরফপ্রবাহের কার্য বলিয়া প্রায়ই ধরিয়া লয়েন। এখন মনে করুন ময়স্থানের গ্রায় পর্বতশৃঙ্গ নদীপ্রবাহে আড় হইয়া পড়িয়াছিল, ইহাতেও বরফ প্রবাহের গ্রায় বহুতীক্ষ্ণধার প্রস্রব উপরিভাগে নিম্নে ও পার্শ্বদেশে সূদৃঢ়নিবন্ধ হইয়া ছিল। সুতরাং সমগ্র বাঁধ যদি একই মুহূর্তে পশ্চাৎস্থ জলরাশি পেষণে স্বস্থানচ্যুত হইয়া যাইত, তাহা হইলে তদঙ্গীভূত প্রস্রবননিচয় গতিশীল

*Carbonates of lime and Magnesia, iron pyrites, clay, ইত্যাদি। (Mr. Holland's Report on the Ghona Landslip).

†ইংরাজী Ice, snow নয়।

‡ইংরাজী Glacier।

হইয়া নদীগর্ভনিবন্ধ বহু প্রস্রবপৃষ্ঠে পূর্বোল্লিখিতবৎ রেখা অঙ্কিত করিতে পারিত। যে ভাবে অল্পে অল্পে বাঁধ ভাঙ্গিয়াছে, তাহাতেও স্থান বিশেষে ঐরূপ রেখা খোদিত হওয়া অসম্ভব নয়। তবেই দেখুন, রেখা দেখিলেই বরফ প্রবাহের কার্য বলিয়া ধরিয়া লওয়া সুসঙ্গত নয়। পূর্বে বলিয়াছি গহনাকাণ্ডের অভিনয় হিমাদ্রি রঙ্গমঞ্চে বহুবার হইয়াছে, আরও কতবার হইবে কে ইয়ত্তা করিবে? সুতরাং অত্র যেমন হটক, অন্ততঃ হিমা-লয়াংশে বরফ প্রবাহের অবস্থান ও বিস্তার সম্বন্ধে এ পর্য্যন্ত যেরূপ অভিজ্ঞতা আছে, তাহা সংশোধনসাপেক্ষ বলিয়া সহজেই উপলব্ধি হইতেছে।

গহনা কথার এখানেই 'ইতি'।* পরিশেষে সহিষ্ণু পাঠক! সুদূর পার্বত্য প্রদেশে আদ্যন্ত প্রস্রবাকীর্ণ খরস্পর্শ দুর্গম পথে কঠোর কষ্টভোগ করিয়াও আপনি অনেকক্ষণ পর্য্যন্ত আমার সাহচর্য্য করিয়াছেন, তজ্জন্ত আপনাকে আন্তরিক ধন্যবাদ দিয়া অদ্য বিদায় গ্রহণ করিলাম।

শ্রীউপেন্দ্রনাথ কাজিলাল।

শ্রীতা ।

(১)

(মর্মানুবাদ)†

প্রথম অধ্যায়—অর্জুন বিষাদ যোগ।

ধৃতরাষ্ট্র কহিলেনঃ—

ধর্মক্ষেত্র কুরুক্ষেত্রে একত্র হইয়া

আমাদের পাণ্ডবের যোদ্ধাগণ গিয়া

*কৃতজ্ঞতার সহিত স্বীকার করিতেছি যে পাইওনিয়ার, স্টেটসম্যান, মর্নিংপোস্ট, ইণ্ডিয়ান এঞ্জিনিয়ারিং প্রভৃতি সংবাদপত্র এবং মেডিকলট্ ও ব্লানফোর্ডের "জিওলজী অব ইণ্ডিয়া" নামক প্রসিদ্ধ গ্রন্থ ও "রেকর্ডস্ অব দি জিওলজিক্যাল সারবে অব ইণ্ডিয়ার" সপ্তবিংশতি বালমের দ্বিতীয় খণ্ডে হল্যাণ্ড সাহেব লিখিত গহনা বিবরণ হইতে এই প্রবন্ধের অনেক তত্ত্ব সংগ্রহ করিয়াছি।

†সংস্কৃতানভিজ্ঞের নিকট খাটি অনুবাদ হুকৌধ্য হয়।

কি করিল, হে সঞ্জয় কহ বিবরণ,
শুনিতে ব্যাকুল বড় হইয়াছে মন । ১ ।

সঞ্জয় কহিলেনঃ—

পাণ্ডবের সৈন্ত ব্যুহ করি দরশন
দ্রোণাচার্য্যে কহিলেন রাজা দুর্ঘোষন ;
দেখ আর্ষ্য, অরিসৈন্ত করিয়া বেষ্টন,
রক্ষা করে তব শিষ্য দ্রুপদনন্দন । ২. ৩ ।
রহিয়াছে ধনুর্ধর মহাশূরগণ,
ধৃষ্টকেতু কুন্তি ভোজ শৈব চেকিতান,
ভীমার্জ্জুন সমযোদ্ধা বিরাটদ্রুপদ
পুরুজিৎ কাশিরাজ অতুল সম্পদ । ৪, ৫ ।
উত্তমৌজা যুধামন্যু সৌভদ্র দ্রৌপদ
সকলেই মহারথ যুদ্ধবিশারদ । ৬ ।
আমাদের শুরশ্রেষ্ঠ মহাবীর্য্যবান
সৈনিক নায়ক যত কর প্রবিধান ; ৭ ।
আপনি সমিতিজয় ভীষ্ম কৃপ আর
বহু শূর মোর লাগি মরণে স্বীকার !
অশ্বখামা সৌমদত্তি কর্ণ ও বিকর্ণ
যুদ্ধবিশারদ সবে অস্ত্র শস্ত্রে পূর্ণ । ৮, ৯ ।
অসীম মোদের সেনা ভীষ্মের রক্ষণে,
পর্যাপ্ত পাণ্ডব সেনা ভীমের অধীনে ; ১০ ।
করুন ভীষ্মের রক্ষা ব্যুহদ্বারে গিয়া
বিভাগানুসারে সবে একত্র হইয়া । ১১ ।
কুরুবৃদ্ধ পিতামহ ভীষ্ম শঙ্খ ধরি
সিংহনাদে দুর্ঘোষনে হরষিত করি,
রাজান গভীর নাদে ; চৌদিকে অমনি
হইল পণব তেরী পটহের ধ্বনি । ১২, ১৩ ।
উঠিল তুমুল শব্দ । কৃষ্ণ ধনঞ্জয়
বাজান শ্বেতাশ্ব রথে দিব্য শঙ্খদ্বয় । ১৪ ।

পাঞ্চজন্ম হৃষিকেশ বাজান গভীরে,
বৃকোদর গোপু, দেবদত্ত পার্থকরে । ১৫ ।
অনন্ত বিজয় বাজাইলা যুধিষ্ঠির,
বাজান মণিপুষ্পক সহদেব বীর,
নকুল সুঘোষ শঙ্খ বাজান ছরায় । ১৬ ।
ধনুর্ধর কাশিরাজ ধৃষ্টদ্যুম্ন তায়
অপরাজিত সাত্যকি শিখণ্ডী সুরথ
বিরাট দ্রুপদ আর দ্রৌপদ তাবৎ
মহাবাহু সুভদ্রার তনয়, তখন
পৃথক পৃথক শঙ্খ করিলা বাদন । ১৭, ১৮ ।
সেই শব্দ ক্ষিতি ব্যোগ ধ্বনিত করিয়া
বিদারণ করে যত কৌরবের হিয়া । ১৯ ।
রাজন্, অর্জ্জুন হেরি শাস্ত্র উত্তোলন
ধনু তুলি কৃষ্ণ প্রতি কহিলা তখন ; ২০ ।

অর্জ্জুন কহিলেনঃ—

এই রণোদ্যমে যুদ্ধ কার সনে করি ?—
কৌরব হিতার্থী দলে যাবত নেহারি,
তাবত অচ্যুত মোর রথ রাখ তুমি
উভয় সেনার মধ্যে ;—স্থির করি আমি । ২১, ২২, ২৩ ।

সঞ্জয় কহিলেনঃ—

হে ভারত অর্জ্জুনের এই বাক্য শুনি
হৃষিকেশ দিব্যরথ রাখিলেন আনি ২৪ ।
ভীষ্মাদি প্রমুখ রাজগণের সম্মুখে ;
কহিলেন,—অরিসৈন্ত ওই দেখ সখে ! ২৫ ।
হেরিলেন পার্থ পরে, উভয় পক্ষীয়
পিতৃব্য আচার্য্য ভ্রাতা বান্ধব আত্মীয়,
পিতামহ পুত্র পৌত্র শ্বশুর মাতুলে
সবে মিলি অবস্থিত সেই রণস্থলে । ২৬ ।

নিরখি কৌন্তেয় তবে সেই বন্ধুগণ,
কহিলেন, কৃপাবিষ্ট অবসন্ন মন,—২৭ ।

অর্জুন কহিলেন:—

হে কৃষ্ণ, যুদ্ধার্থী এই যতক স্বজনে
শুষ্কমুখ অবসন্ন হই দরশনে !
হইতেছে রোমহর্ষ, কম্প মোর দেহে,
গাণ্ডীব স্থলিত হস্তে, মনস্থির নহে । ২৯ ।
রহিতে না পারি গাত্রে দাহ উপস্থিত
দেখিতেছি যে লক্ষণ, সব বিপরীত ! ৩০ ।
এ যুদ্ধে স্বজনগণে নিধন করিয়া
শ্রেয় নাই হে কেশব কি হবে বাঁচিয়া ; ৩১ ।
কি হইবে রাজ্যভোগে ? চাহিনা বিজয় !
গোবিন্দ ! যাদের জন্ত রাজ্য বাঞ্ছা হয় ; ৩২ ।
তঁাহারাই করেছেন সবে আগমন
পিতামহ পুত্র পৌত্র শ্যালক স্বজন,
আচার্য্য পিতৃব্য আর শ্বশুর মাতুলে ;
ধন প্রাণ বিসর্জনে প্রস্তুত সকলে !
যদ্যপি ইহারা করে মোদের নিধন,
পৃথিবী কি ? পাই যদি এ তিন ভুবন
এ সবে নাশিতে নারি শ্রীমধুসূদন ;
কি সূত্র সংহার করি ধার্ত্তরাষ্ট্রগণ ? ৩৩, ৩৪, ৩৫ ।
আমি ত নাশিতে নারি ধার্ত্তরাষ্ট্রকুলে
বিনাশ করিলে এই আততায়ী দলে,
আনাদিগকেই পাপ করিবে আশ্রয় ;
মাধব ! স্বজন বধে কিবা সুখোদয় ?
যদিও ইহারা লোভে জ্ঞানশূন্য সবে,
কুলক্ষয়ে মিত্রদ্রোহ দোষ নাহি ভাবে,
জানিয়াও আমাদের কিন্তু জনাৰ্দ্দিন,
কেননা হইবে পাপবুদ্ধি নিবারণ ? ৩৬, ৩৮ ।

সনাতন কুলধর্ম্ম কুলক্ষয়ে নাশ,
অধর্ম্ম সমস্ত কুলে হয় সুপ্রকাশ ! ৩৯ ।
তাহাতে কুলস্ত্রী ছুঁটা হয় নিঃসংশয় ;
বাষ্কোর, বর্নসঙ্কর তাহ'তে উদয় ! ৪০ ।
কুলস্নগণের আর কুলের নিশ্চয়
নরকের তরে এই সঙ্কর উদয়,
পিতৃপুরুষের পিণ্ডোদক বিলোপন,
তাতেই পতিত হন যত পিতৃগণ । ৪১ ।
যর্ণাশ্রম কুল ধর্ম্ম—সকলি বিফল
কুলস্নগণের এই দোঁষেতে কেবল ! ৪২ ।
কুল ধর্ম্ম সমুৎসন্ন হয় যাহাদের,
শুনেছি নিবাসী তারা হয় নরকের ! ৪৩ ।
হায় ! মোরা মহাপাপ করিতে উদ্যত,
রাজ্যলোভে করিব এ স্বজন নিহত ! ৪৪ ।
শস্ত্রশূন্য করি মোরে—কি কহিব আর !
মারে যদি কোরবেরা, মঙ্গল আমার ! ৪৫ ।

সঞ্জয় কহিলেন ;—

এত বলি রথে পার্থ—বসিলা তখন
ফেলিয়া সশর চাপ, শোকাকুল মন । ৪৬ ।
ইতি প্রথম অধ্যায়—অর্জুনবিষাদযোগ ।

শ্রীকুমারনাথ মুখোপাধ্যায় ।

হিন্দুতীর্থ ।

চিত্রকূট ।

উত্তর পশ্চিম প্রদেশের অন্তর্গত বান্দা জেলার মধ্যে করই নামক
একটা উপজেলা আছে, চিত্রকূট সেই করাইয়ের অধীন । এলাহাবাদ
হইতে জব্বলপুর পর্য্যন্ত ইষ্ট ইণ্ডিয়া রেলওয়ের যে লাইন গিয়াছে, সেই

লাইনের মধ্যবর্তী মাণিকপুর নামক একটি স্টেশন হইতে আর একটি লাইন ঝান্সী পর্যন্ত গিয়াছে, করই সেই লাইনের অন্তর্গত একটি স্টেশন। করই হইতে চিত্রকূট ৪ মাইল দূরে অবস্থিত।

চিত্রকূট অতি প্রাচীন স্থান। এই স্থান অতিশয় নির্জন ও রমণীয় বলিয়া প্রাচীন কাল হইতে অনেক যোগী তপস্বী সাধুপুরুষগণ এখানে একান্ত চিত্তে আপনাপন ইষ্টদেবতার সেবাসে নিযুক্ত থাকিতেন। সেই জন্ত এই স্থান একটি প্রধান তপভূমি বলিয়া প্রসিদ্ধ। রামায়ণে বর্ণনা আছে মহাত্মা রামচন্দ্র পিতৃসত্য পালন জন্ত বনভ্রমণ কালে এই স্থানে কিছুদিন অবস্থান করিয়া ছিলেন। ধর্মাত্মা হিন্দুগণ এই স্থান পুণ্যক্ষেত্র বলিয়া অনেক ক্রেশ স্বীকার পূর্বক দেখিতে গিয়া থাকেন। স্থানটি অত্যন্ত রমণীয়, প্রায় চতুর্দিকে পাহাড়। ইহার মধ্যে মধ্যস্থলের একটি পাহাড়ের পাদদেশ দিয়া একটি ক্ষুদ্র নদী প্রবাহিত হইতেছে, স্থানীয় অধিবাসিগণ এই নদীকে গঙ্গা বলিয়া অভিহিত করেন। এই নদীর অপর পারে একটি ক্ষুদ্র পাহাড়ের উপর চিত্রকূট সहर অবস্থিত। এই চিত্রকূটে ছোট বড় প্রায় ৫০। ৬০টা দেবালয় আছে, প্রায় সকল দেবালয়েই রাম সীতার মূর্তি। এই সকল দেবালয়ের অধিবাসিগণ সকলেই শ্রীসম্প্রদায়ভুক্ত বৈষ্ণব, মহাত্মা রামানুজাচার্য এই বৈষ্ণব সম্প্রদায়ের প্রবর্তক। ইঁহারা সকলেই রাম সীতার উপাসনা করিয়া থাকেন, এইজন্ত ইঁহাদিগকে রামায়ণ কহে। এই রামায়ণ বৈষ্ণবগণ সাধারণতঃ দুই ভাগে বিভক্ত। ১ম আচারী; ২য় সাধারণী। ইঁহারা সকলেই প্রধানতঃ সাধু তুলসীদাস কৃত রামায়ণকে বিশেষ ভাবে মাগ্ন করিয়া থাকেন। এখানকার কোন সাধু ব্রহ্মচারীর সহিত আমার এক দিন বিচার হয়, তাহাতে তিনি সাধু তুলসী দাসের বচন সকল উদ্ধৃত করিয়া প্রমাণ দিতে লাগিলেন। আমি মহাত্মা তুলসী দাসের উক্ত প্রমাণ খণ্ডন করিতে লাগায়, ব্রহ্মচারী বলিলেন যে “আপনি স্বামীজীকে (তুলসী দাসকে) কি মানেন না? যিনি স্বামীজীকে মানেন না, আমরা তাঁহার সহিত বিচার করিতে চাহি না” বলিয়া বিচার বন্ধ করিলেন। যাহা হউক এখন পাঠকবর্গের নিকট উক্ত শ্রী সম্প্রদায়ের আচারী ও সাধারণী বৈষ্ণবগণের বিবরণ কিঞ্চিৎ নিবেদন করিতেছি।

১ম, আচারী। ইঁহারা দেবালয়ে বাস করেন ও রামসীতার মূর্তি পূজা করেন। ইঁহাদের মধ্যে আবার দুই শ্রেণী; ১ম গৃহী, ২য় বৈরাগী। গৃহীগণ শ্রী পুত্র পরিবার লইয়া ঠাকুর বাড়ীর মহন্তরূপে অবস্থিতি করিয়া শিষ্যাদি করিয়া থাকেন ও রাজা রাজড়া প্রদত্ত যায়গীর ইত্যাদি দ্বারা জীবিকা নির্বাহ করেন।

বৈরাগীগণের দেবালয়ে শ্রীলোক বাস করিতে পারেন না। ইঁহারা চিরকাল অবিবাহিত থাকিয়া কেবল ধর্ম চর্চাতেই নিযুক্ত থাকেন। বৈরাগীদের আচার ব্যবহার অতি সুন্দর; প্রায় সকলেই প্রত্যহ প্রাতে, মধ্যাহ্নে ও অপরাহ্নে তিন বার স্নান করিয়া থাকেন, ডোর কোপীন পরিধান করেন ও নিজ সম্প্রদায়ের প্রচলিত কণ্ঠী ও বিশেষ তিলক ধারণ করেন। ইঁহাদের মধ্যে বাঁহারা একটু বয়স্ক তাঁহারা সর্বদা মালা জপ করেন। রাম নামই ইঁহাদের জপের বিষয়। ইঁহারা সাধারণতঃ বৈকালে একত্র হইয়া শাস্ত্রালোচনা ও সংপ্রসঙ্গ করিয়া থাকেন। ইঁহারা সকলেই দয়ালু প্রকৃতি, প্রাণিহিংসা করেন না। অনেকেই দিন রাত্রির মধ্যে মধ্যাহ্নে একবার মাত্র আহার করেন। ইঁহাদের মধ্যে জাতিভেদ পূর্ণ মাত্রায় রহিয়াছে, ব্রাহ্মণ বৈষ্ণবের হস্তে (অর্থাৎ পূর্বে জাতিতে ব্রাহ্মণ ছিলেন এক্ষণে বৈষ্ণব হইয়াছেন) আহার করিতে কাহারও আপত্তি নাই কিন্তু অল্প জাতির হস্তে আহার করেন না। যে স্থানে ব্রাহ্মণ বৈরাগী না পাওয়া যায় সে স্থানে স্বহস্তে পাক করিয়া থাকেন। ইঁহাদেরও অনেক শিষ্য সেনক আছে এবং রাজা রাজড়া প্রদত্ত যায়গীরও অল্পাধিক পরিমাণে সকলেরই আছে।

২য়, সাধারণী। বৈরাগীদিগের স্নানাহার ঐক্যপই। ইঁহারা মালা তিলক ধারণের তত পক্ষপাতী নহেন এবং অনেকে তাহা ধারণও কবেন না। ইঁহাদিগের মধ্যে জাতিভেদ নাই, কিন্তু এই সাধারণী জাতিভেদ অস্বীকারের একটু বিশেষত্ব আছে, তাহা এই যে, ব্রাহ্মণ, ক্ষত্রিয়, বৈশ্য ও শূদ্র এই চারি জাতির হস্তে ইঁহারা আহার করেন কিন্তু তাহা ছাড়া অল্প জাতি যথা—খৃষ্টান, মুসলমান বা কোন ইতর জাতির হস্তে আহার করেন না।

এই সাধারণীগণ দেবালয়বাসী নহেন। চিত্রকূট সहर হইতে প্রায়

দেড় মাইল দূরে জানকীকুণ্ড নামক একটি অতি নির্জন স্থান আছে, (এই স্থান বশেল খণ্ডের রাজার অধীন) সেই স্থানের পর্বতের পাদদেশে স্থানীয় গঙ্গা কুল কুল ধ্বনি করিতে করিতে প্রবাহিত হইতেছে, তাহারই নিকট কতকগুলি পর্বত গুহা, সেই গুহা সকলের মধ্যে এই সমস্ত সাধুগণ বাস করিয়া নির্জনে সেই মহান পুরুষের তপস্যায় ও ধ্যানে নিযুক্ত আছেন। ইহাদের মধ্যে কেহ কেহ চির কুমার ও কেহ কেহ গৃহত্যাগি।

এই স্থানের প্রাকৃতিক দৃশ্য অতি সুন্দর। গুহাগুলির সম্মুখে পাহাড় ভেদ করিতে করিতে নদী প্রবাহিত হইতেছে এবং সেই নদীর পর পারে বৃক্ষরাজি পরিপূর্ণ বড় বড় পাহাড়। এই সমস্ত পাহাড়ে বিচিত্র রঙ্গের বিবিধ পক্ষী সর্বদাই বিহার করিতেছে; বিশেষতঃ ময়ূর ময়ূরীগণের কেকারবে সর্বদাই স্থানটিকে একটি অপূর্ণ মাধুর্য্যভাবে পরিপূর্ণ করিয়া রাখিয়াছে। এক দিকে নদী প্রবাহের উচ্চ ও গন্তীর শব্দ, নানা শ্রেণী পক্ষিগণের বিবিধ স্মৃষ্টি কণ্ঠধ্বনি ও ময়ূরগণের কেকারব, এবং অপর দিকে বৃক্ষরাজী সুশোভিত পাহাড় সমূহ; এইরূপ সুন্দর রমণীয় নির্জন স্থানে যাইলে সকলেরই মন স্বভাবতই সেই বিশ্বপিতার চরণ পূজার জন্ত ব্যাকুল হইয়া পড়ে। ঈশ্বর রূপায় আমি এই স্থানের একটি গুহাতে কয়েক দিন বাস করিয়া বিশ্বপিতার অপার রূপা অনুভব করিয়া কৃতার্থ হইয়াছিলাম।

এই সমস্ত গৃহত্যাগী গুহাবাসী রামোপাসক বৈষ্ণবগণের চরিত্র অতি সুন্দর। ইহাদের ভগবানে বিশ্বাস ও জীবে দয়া দেখিয়া আমি আশ্চর্য্য হইয়াছি। আমি যে গুহাতে ছিলাম সেই গুহাতে অল্প দুইটী সাধু আছেন। এক দিন রাত্রে অত্যন্ত ঝড় বৃষ্টি হয় এবং তজ্জন্ত আমার অত্যন্ত শীত করিতে থাকে, কিন্তু আমার নিকট কম্বল বা অল্প কোন গাত্রবস্ত্র না থাকায় শীত নিবারণের কোন উপায় ছিল না! আমি শীতে কষ্ট পাইতেছি জানিতে পারিয়া উক্ত সাধু দ্বয়ের মধ্যে রামধী দাস নামক একটি সাধু, আপনার নিজের গাত্রের লুই খানি আমার গাত্রের উপর ফেলিয়া দিয়া হিন্দি ভাষায় বলিলেন “সঙ্গে একখানি গরম কাপড় রাখার প্রয়োজন, তুমি এই খানি কাহাকেও দিও না।” আমি বলিলাম “আপনি আমাকে নিজের গাত্রের কাপড়

খানি দিলেন, আপনার কি হইবে?” প্রত্যুত্তরে তিনি কহিলেন যে তোমার ছুখ দেখিয়া সীতাপতি তোমাকে এই কাপড় দিলেন, আমি দি নাই। আমাকে আবার সীতাপতি দিইয়ে দিবেন, ইহাতে তুমি কিছু মনে করিও না।” আমি তাঁহার দয়া ও স্বার্থত্যাগ দেখিয়া অবাক হইয়া রহিলাম। পাঠক বিবেচনা করিয়া দেখুন, আমরা নিজে সুখ স্বচ্ছন্দে থাকিয়াও ২।৪টা পয়সা কাহাকেও দিতে হইলে আমাদের কত মমতা হয়, আর এই নিঃস্বপন সাধু পুরুষ নিজে শীত ভোগ করিয়া গাত্রবস্ত্র খানি আর একজনের শীত নিবারণ জন্ত অম্লানবদনে দিলেন, আবার বলিলেন যে “আমি দি নাই, তোমার ছুখ দেখিয়া সীতাপতি তোমাকে দিলেন।” ইহাতে তাঁহার ঈশ্বর পরায়ণতা ও নিঃস্বার্থতা দেখিয়া আমাদের জীবনের দুর্গতি কতদূর হইয়াছে তাহা একবার চিন্তা করুন। বাস্তবিক ভগবানে বিশ্বাস ও নির্ভর না হইলে মানুষ এইরূপ দঙ্গালু ও নিঃস্বার্থ হইতে পারে না।

এই সমস্ত গুহাবাসী বৈষ্ণব সাধুগণের মধ্যে একটি গুহায় একজন বৈদান্তিক অদ্বৈতবাদী সাধু আছেন, তাঁহার নাম রূপাল নাথ। তিনি উলঙ্গ থাকেন, মৌনী, কাহারও সহিত কথা কহেন না; বিশেষ আকর্ষণ হইলে স্নেহে হিন্দি ভাষায় লিখিয়া দেন। এইরূপে তাঁহার সহিত আমার কিছু কথাবার্তা হয়। তিনি প্রশ্ন করিলেন “তুমি কে?” আমি উত্তর করিলাম “আমি অতি দীন মনুষ্য।” তাহাতে তিনি বলিলেন “আপনার এখনও দিব্য জ্ঞান হয় নাই।” পরে প্রশ্নোত্তরে জানিলাম যে “আমি সেই পরমাত্মা” এইরূপ জ্ঞান না হইলে অল্প জ্ঞানকে দিব্যজ্ঞান বলিয়া তিনি মনে করেন না। তাঁহার সাধনের বিষয় জিজ্ঞাসায় বলিলেন যে “আম্মায় পরমাত্মায় এক বলিয়া চিন্তন করাই আমার সাধন।” পাঠক মহাশয়গণের মধ্যে কেহ কেহ হয় ত এই অদ্বৈতবাদী সাধুর পক্ষ সমর্থন করিবেন, আর কেহ কেহ হয় ত ইহা গ্রাহ্য করিবেন না। কিন্তু আমার জ্ঞানে ইহার মধ্যে কিছু সত্যও আছে আর কিছু ভ্রান্তিও আছে বলিয়া বোধ হয়। সত্য এই যে এক পরমাত্মা ভিন্ন জগতে অল্প কোন পৃথক বস্তুর অস্তিত্ব নাই, সকলই তাঁহার অস্তিত্বে অস্তিত্ববান। জীবাত্মাও তাঁহারই স্বরূপ বটে কিন্তু জীবাত্মা পূর্ণ নহে। তিনি জ্ঞান, প্রেম, ইচ্ছাময় পূর্ণপুরুষ; আর জীব জ্ঞান প্রেম

ইচ্ছা শক্তি বিশিষ্ট পরিমিত পুরুষ। সূত্রাং একত্ব,—জ্ঞান,—প্রেম ও ইচ্ছাতে, এইটুকু সত্য। আর জ্ঞান এই যে জীবকে পরমাত্মা কখনই বল যাইতে পারে না, কেননা পরমাত্মা পূর্ণ, অনাদি ও অনন্ত। জীব তাঁহার সহিত জ্ঞানেতে, প্রেমেতে ও ইচ্ছাতে এক হইলেও সীমাবদ্ধ, পরিমিত জীবের আমিত্বরূপ (অহঙ্কার মূলক আমিত্ব নহে, কিন্তু বিশুদ্ধ সেব্য সেব্য ভাব রূপ আমিত্ব) সীমা নির্দিষ্ট থাকায় তাঁহার সহিত ভাবেতে পূর্ণ প্রকাশ পাইতেছে। সেই জন্তই পরমাত্মা ও জীব সেব্য সেব্যক মধ্য সম্ভব হইয়াছে। একদিকে পরমেশ্বরের সহিত জীবের একত্ব ও অন্য দিকে সেব্য সেব্যকরূপ দ্বিত্বভাব থাকায়, পরমাত্মার সহিত জীবের এক নিরবচ্ছিন্ন অভেদ্য ভাব প্রকাশ করিয়া উপাস্ত্র উপাসকরূপ পরম সধক-নিত্যকাল প্রতিষ্ঠিত হইয়া রহিয়াছে। ইহা গভীর দার্শনিকতত্ত্ব, অল্প কথায় বিস্তারিতরূপে প্রকাশ করা সম্ভব নহে, তবে প্রসঙ্গক্রমে কিঞ্চিৎ এই ক্ষুদ্র প্রবন্ধে আভাস দেওয়া গেল মাত্র।

এইরূপে এই সমস্ত গুহাবাসী সাধুদিগের সহিত প্রায় প্রতিদিন বৈকালে ধর্মালোচনা করিতাম। এই সমস্ত গুহার মধ্যে ২০।২২ জায়গায় সাধু আছেন, ইহাদের মধ্যে দুই জন সাধু বেশ শাস্ত্রজ্ঞ ও বিচারক্ষম এখানকার বর্তমান সাধুগণের মধ্যে রামা বাবা নামক সাধুকেই সর্বশ্রেষ্ঠ স্থান দেন, তিনি বেশ শাস্ত্রজ্ঞ ও বিচারশীল, তাঁহার সহিত আমার অনেক বিষয়ের আলোচনা হইয়াছিল। তিনি আমাকে খুব ভাল বাসিতেন ও আমার সুখ স্বচ্ছন্দতার দিকে দৃষ্টি রাখিতেন। এই সমস্ত সাধুকেই শিষ্য সেব্যক করেন না, আগন্তুক ব্যক্তি ধর্মালোচনা করিয়া আসিলে তাহাদের সহিত ধর্মালোচনা ও উপদেশাদি দিয়া থাকেন। ইহাদের নিকট গুণিলাস এখানে যমুনা দাস নামক একটা সাধু ছিলেন তিনি ৬।৭ বৎসর হইল পরলোক প্রাপ্ত হইয়াছেন। তাঁহাকে দর্শন সিদ্ধপুরুষ বলিয়া মাত্ৰ করিতেন, লোকে উপদেশাদি পাইবার জন্ত দর্শন তাঁহাকে বিরক্ত করিত বলিয়া তিনি কয়েকটা কুকুর পুষ্টি করিতেন। তাঁহার গুহার নিকট কাহাকেও যাইতে দেখিলে তিনি সেই কুকুরগুলিকে নেলাইয়া দিতেন, কোন ব্যক্তি সেই কুকুরগণের বাধা অতিক্রম করিত

তাঁহার নিকট যাইতে পারিলে তবে তিনি তাঁহার সহিত ধর্মালোচনা করিতেন বা উপদেশ দিতেন।

এই নির্জনপ্রিয় উদাসীন গুহাবাসী সাধুগণের মধ্যে কাহাকেও সাধারণ মূর্তি পূজা করিতে দেখি নাই ও ইহাদের গুহার কোন সাধারণ দেব দেবীরও মূর্তি নাই। মূর্তি পূজার কথা জিজ্ঞাসিলে কহিতেন যে আমরা নিজে কোন মূর্তি পূজা করি না ও তাঁহার আবশ্যকও নাই, তবে দেবালয় আদিত্যে যাইলে অল্পদূর ছায়া মূর্তির নিকট প্রণামাদি করিয়া থাকি। রাম নাম জপ করাই আমাদের প্রধান সাধন ইহারা আরও বলেন যে মূর্তি পূজা অজ্ঞানীদের জন্ত, আমাদের জন্ত নহে।

ইহাদের আহারাদি চারি প্রকার নিয়মে উপার্জিত হয়। ১ম, অজগর বৃন্তি বা আকাশ বৃন্তি। এই বৃন্তিধারিগণ কাহারও নিকট কিছু চাহেন না বা আহারের অন্বেষণে অস্ত্র বান না, আপনি হইতে যাহা আইসে তাহাই ভোজন করেন। ২য়, মাধুকুরি বৃন্তি। ইহারা মধ্যাহ্ন কালে গৃহস্থদের বাড়ী বা দেবালয়ে যাইয়া ডাল রুটী ভিক্ষা করিয়া আহার করেন। ৩য়, চুটকি অর্থাৎ প্রাতে ৮।৯ ঘটিকার সময় গৃহস্থদের বাড়ী বাড়ী যাইয়া ময়দা ভিক্ষা করিয়া আনেন ও তাহাই স্বহস্তে রুটী প্রস্তুত করিয়া আহার করেন। ৪র্থ, বৃন্তিভোগী। ইহাদিগকে কেহ কেহ কিছু কিছু করিয়া বৃন্তি দেন, তাহারা ইহারা জীবিকানির্ভর করেন।

এই স্থান হইতে এক মাইল দূরে কান্তারনাথ নামক একটা পাহাড় আছে। সেই পাহাড়ের পরিধি ৬ মাইল। এই ছয় মাইল পরিধিবেষ্টিত পাহাড়ের পাদদেশ দিয়া ৫।৬ ফিট পরিসর পাঁকা ও আগাদের দেশের ছাদের ছায়া পিটিনা বাঁধান একটা রাস্তা আছে এবং তাহার ধারে ধারে দেবালয় ইত্যাদি দ্বারায় রাস্তাটির শোভা বৃদ্ধি করিতেছে। তীর্থযাত্রীগণ এই স্থানে আনিয়া এই রাস্তা দিয়া এই পাহাড় প্রদক্ষিণ করাকে অতি পুণ্যকার্য্য বলিয়া মনে করেন। এখান হইতে ৫।৬ মাইল দূরে অল্পহুয়া নামক পাহাড়ে অত্রি মুনির আশ্রম নামে একটা স্থান আছে, সেখানেও দুই এক জন সাধু থাকেন। এই সমস্ত স্থান নির্জন সাধনের উপযোগী বলিয়া স্থানে স্থানে অনেক সাধু বাস করেন। ছুঁতগ্য ক্রমে সকলের মুহিত আমার আলোচনা করিবার সুবিধা হয় নাই। এই সমস্ত স্থানের

অনেক লিখিবায় বিষয় আছে কিন্তু প্রবন্ধ দীর্ঘ হইয়া পড়িল বলিয়া অস
এই খানেই ক্ষান্ত হইলাম। ভবিষ্যতে অন্যান্য তীর্থেও বিবরণ পাঠকবর্গকে
জানাইবার ইচ্ছা রহিল।

শ্রীকুঞ্জবিহারী সেন।

শিক্ষিতা।*

সুশিক্ষায় রমণীর কাজ আছে বটে,
কুশিক্ষায় বড় যে গো পরমাদ ঘটে।
প্রতি পত্রে প্রতি ছত্রে প্রত্যেক অক্ষরে,
প্রণয় পীযুষ কিবা অবিরত ঝরে।
বসন্ত, মলয় আর কোকিল কুজন,
নাটক নবেল হায় সরবস্ত্র ধন।
শিক্ষার চূড়ান্ত ফল নভেলিয়ান চাল,
গৃহকার্যে মন মাই সংসার জঞ্জাল।
কর্তব্য মহৎ জ্ঞান উপভাস পাঠ,
স্বামীরে খাটান যেন ভারতের লাট।
শ্বশুর শাশুড়ী আর ননদ দেবর,
তারা সব নহে কেহ সার 'সহোদর'।
আত্মজ্ঞান যোল আনা বড় স্বার্থপর,
পর চর্চা নিন্দা কার্যে বড় তৎপর।
বচনে প্রবীণা সম বিষম বিভ্রাট,
আত্মনেপদটী আছে বিলক্ষণ পাঠ।
পেটে বড় খেতে হয় না খেতে হয় পিঠে,
অস্থির করিয়া তোলে মুখের দাপটে।
এই কি চরম ফল রমণী শিক্ষার?
বাস্তবীর মেয়ে ধরে বিবির আকার!

*১৩০১ সালের জ্যৈষ্ঠ মাসের 'ভারতী'তে 'অশিক্ষিতা' নামক পদ্যপাঠ
লিখিত।

“কোথা হ’তে আসি কিম্বা কোথা ভেসে যাই”
কাজ কি কোমল প্রাণে ভাবনা সদাই।
কি কর্তব্য সাধিয়াছে পুণ্যবানগণ,
জানিতে হইলে ইচ্ছা পড় রামায়ণ।
কি অমূল্য নিধি আছে যে মহাভারতে,
ভেবেছ কি একবার সন্নিবিষ্ট চিতে!
তোমরাত শিখিয়েছ পাছকা বহিতে,
তোমরা ত শিখিয়েছ 'দাসখত' লিখিতে।
টঙ্কা না হইলে এত ডঙ্কা হ’ত কিসে?
যত দোষ করিয়াছে হুলভাগ্য মিন্বে।
তোমাদের কত্মা যবে হবেন গৃহিনী,
শিখিবে গুরুপ চাল যেমন জননী।
শত উপদেশ হায় ভেসে যাবে সব,
নারিবে বলিতে কিছু থাকিবে নীরব।
বঙ্গনারী হ’য়ে যদি থাক বঙ্গনারী,
শিখাইব লেখা পড়া অতি যত্ন করি।
সন্তান পালনে যত্ন ভক্তি গুরুজনে,
'গৃহকল্মী' সম সেবা কর একমনে।
কেহ নাহি নিবারিবে হইতে শিক্ষিতা,
বিপরীত ঘটে তাই চাই 'অশিক্ষিতা'।

শ্রীসুরেন্দ্রনাথ ঘোষ।

সুধাময়ী।

(উপভাস)

(পূর্ব প্রকাশিতের পর।)

মাধব কিয়ৎকাল পরে আত্মসম্বরণ করিয়া কহিলেন, “ললিত,
আমারই উপর দক্ষিণ পাড়ার লোকের আক্রোশ ছিল। নিরপরাধিনী
সুধাময়ীর প্রতি তাহাদের এত নিষ্ঠুরতার কারণ কি বুঝিলাম না।

তাহারা ইচ্ছা বা চেষ্টা করিলে যে সুধাময়ীকে রক্ষা করিতে পারিত না, সে কথা আমি বিশ্বাস করি না।

ললিত। কে রক্ষা করিবে? যে রক্ষা করিতে যাইত তাহারি আমার দশা ঘটত। আপনি বোধ হয় শুনিয়াছেন, মাথায় বাঁশ পড়িয়া আমি আঘাত পাইয়াছিলাম। প্রকৃত কথা তাহা নহে। আমি দেখিয়াছি আমার মাথায় একজন লাঠি মারিয়াছে। আমি সে লোককে চিনিতে পারি নাই, কিন্তু আমার স্থির বিশ্বাস যে সুধাময়ীকে হত্যা করাই লোকের উদ্দেশ্য ছিল।

মাধব ললিতের কথা শুনিতে শুনিতে তীব্রদৃষ্টিে তাহার দিকে চাহিয়া ছিলেন। ললিতের কথা সমাপ্ত হইলে মুহূর্তের জন্ত তাঁহার চক্ষু আরক্ত হইয়া উঠিল, শীর্ণ দেহ খর খর কম্পিত হইয়া উঠিল। মাধবের ক্রোধ কেউ কখন দেখে নাই, সুধাময়ী তাঁহার এ অবস্থা দেখিলে বিস্মিত হইতেন। কিন্তু মাধবের সে ভাব মুহূর্ত পরেই অপনীত হইল। মাধব অভিমান করিতে জানিতেন, কাঁদিতে জানিতেন, সহ্য করিতে জানিতেন, কিন্তু রাগ করিতে জানিতেন না, রাগ করিতে পারিতেন না। দীর্ঘ নিশ্বাস ত্যাগ করিয়া আনত দৃষ্টিে বলিলেনঃ—

এই দক্ষিণপাড়ায় অনেকের হিংসা বহন করিয়াছি, প্রতিহিংসা করিতে কখন ইচ্ছা হয় নাই। সুধাময়ীর সঙ্গে এই দক্ষিণপাড়ার সহিত আমার সকল সম্পর্ক ঘুচিয়া গিয়াছে, আমার জীবনের সকল কর্তব্য কুরাইয়াছে। নতুবা আমার নিজের জন্ত না হউক, রাজা মণিমোহনের অনাথা কন্ডার প্রতি এই পাশবাধিক অত্যাচারের প্রতিবিধান করিতাম। রাজা ও রাণী সুধাময়ীকে আমারি হস্তে অর্পণ করিয়া নিশ্চিন্ত হইয়া পরলোক গমন করিয়াছেন। যদি বুদ্ধিতাম প্রতিহিংসা করিলে সুধাকে ফিরিয়া পাইব, তাহা হইলে এখন সে জন্ত প্রস্তুত হইতাম, কিন্তু বধন দক্ষিণপাড়াবাসী সমস্ত লোকের জীবনের পরিবর্তেও সুধাময়ীর একগাছি কেশ পর্যন্ত ফিরিয়া পাইবার সম্ভাবনা নাই, তখন আর প্রতিহিংসা কেন? ছুঁইতে দমন ভগবান করিবেন, আমার এ জীবনের কার্য শেষ হইয়াছে।

ললিত বিস্মিতের ছায় মাধবের মুখের দিকে চাহিয়া ছিলেন। মাধবের কথা সমাপ্ত হইলে জিজ্ঞাসা করিলেন।

“আপনি রাজা মণিমোহনের নাম দুই বার উল্লেখ করিলেন। আমি কিছুই বুঝিতে পারিতেছি না।, আপনি খুলিয়া বলুন, সুধাময়ী কে?”

তখন মাধব ধীরে ধীরে তাহার আপনার ও সুধাময়ীর পরিচয় প্রদান করিলেন। রাজা মণিমোহনের পরলোক প্রাপ্তি ও রাণী অন্তর্পুরীর সহগমন এবং নবাব সুজাদৌলার বদাশ্চর্য্যের কথাও উল্লেখ করিলেন। শেষে বলিলেন, “ললিত, আমার জীবনে একটি কার্য্য বাকি আছে; কিন্তু আমি হইতে আর সে কার্য্য সম্পন্ন হইবে না। আমার জীবনীশক্তির মেরুদণ্ড ভাঙ্গিয়া গিয়াছে, আমার দেহ, মন, প্রাণ, সকল নিতান্ত অবসন্ন হইয়া পড়িয়াছে। আমি লোকালয় পরিত্যাগ করিয়া কোন নির্জন তীর্থে গিয়া জীবনের অবশিষ্ট কাল যাপন করিব। তুমি আমার সেই শেষ কার্য্যটির ভার লইয়া আমার ইহসংসারের কর্তব্য হইতে উদ্ধার কর।”

ললিত রোহুদ্যমানস্বরে বলিলেন “আপনি আমার ত্যাগ করিয়া যাইবেন না। আপনি আমার পরিত্যাগ করিলে আমি সুধাময়ীর শোকের সাস্থনা হারাইব।”

বৃদ্ধ মাধবের দুই চক্ষু জলে ভরিয়া গেল। আগ্রহে ললিতকে অঙ্কে তুলিয়া লইয়া তাঁহার ললাট চুষন করিলেন। সম্মুখে তাহার মুখের দিকে চাহিয়া বলিলেন “তুমি কি আমার সুধাকে এত ভাল বাসিতে?”

এইবার ললিতকুমার বালকের ছায় রোদন করিতে লাগিলেন। রোদনপরায়ণ মাধব গদ গদ কণ্ঠে কহিলেন “ললিত! আমার চিরদিনের সাধ ছিল, সুধাকে তোমার হস্তে সমর্পণ করিয়া আমি সংসার হইতে অবসর লইব। রাজা মণিমোহনও অন্তিমকালে আমার সে অভিপ্রায় শুনিয়া পরম শান্তিতে ইহলোক ত্যাগ করিয়াছেন। আমার চিরদিনের সে সাধ অপূর্ণ রহিল।”

ললিতকুমার মাধবের অঙ্ক হইতে অবতীর্ণ হইয়া কাঁদিতে কাঁদিতে বলিলেন, “আপনারা পুণ্যাত্মা আপনাদের বাসনা অপূর্ণ হয় নাই, আপনার অনুপস্থিতি কালে সিদ্ধেশ্বরী পাগলিনী আপনার ইচ্ছা পূর্ণ করিয়াছেন। কিন্তু আমি পাপিষ্ঠ, আমার ভাগ্যে অত সুখ সহিবে কেন? আমি অমূল্য রত্ন পাইয়াও কণ্ঠে ধারণ করিতে পারিলাম না। আমি অপেক্ষা হতভাগ্য জগতে আর কাহাকেও দেখিয়াছেন কি?”

মাধব বিস্মিতনেত্রে ললিতকুমারের দিকে দৃষ্টি করিলেন। ললিত ধীরে ধীরে সিদ্ধেশ্বরী পাগলিনী সংক্রান্ত সকল কথা বিবৃত করিলেন। মাধব দীর্ঘনিশ্বাস ত্যাগ করিয়া বলিলেন, সিদ্ধেশ্বরী অদ্ভুত মানবী, ভূত ভবিষ্যৎ তাঁহার চক্ষে বর্তমানের স্থায় প্রতীয়মান। তিনি তোমাদের ভবিষ্যৎ দেখিয়া ছিলেন কিন্তু শুধাময়ীর আসন্ন বিপদ কেন দেখিতে পান নাই, ইহাই আশ্চর্য্য। যাহোক, আমি তাঁর সহিত একবার সাক্ষাৎ করিয়া এ স্থান ত্যাগ করিব। এক্ষণে শুন আমি মনস্থ করিয়াছি, শুধাময়ীর বিষয় সম্পত্তি সকলি ভিখারী সেবায় উৎসর্গ করিব। তত্ত্বাবধারণ করিবার জন্ত একজন উপযুক্ত ও বিশ্বাসী লোকের আবশ্যক। তুমি ব্যতীত এমন কোন লোক দেখিতে পাই না, যাহার উপর সে কার্যের ভার অর্পণ করিয়া আমি নিশ্চিন্ত হইতে পারি। তুমি এই ভার গ্রহণ করিয়া আমার সংসারের বন্ধন হইতে মুক্ত কর।

ললিত। আপনার আদেশ লঙ্ঘন করিবার সাধ্য আমার নাই। কিন্তু আমিও এই ঘটনা হইতে সংসারের প্রতি স্পৃহাশূন্য হইয়াছি, আর কোন বিষয়ে লিপ্ত থাকিতে আমার ইচ্ছা করে না।

মাধব। স্বপ্নের অনুরোধে এই কার্যের ভার গ্রহণ কর।

ললিত। আপনার আদেশ আমার শিরোধার্য্য, আমি ভার গ্রহণ করিলাম।

মাধব সম্মুখে ললিতের মস্তকে কর স্থাপন করিয়া তাঁহাকে আশীর্বাদ করিলেন এবং বলিলেন “তবে আমি বিদায় হই, তোমার শরীর সুস্থ নাহে, তুমিও অন্তঃপুরে গমন কর। আমি সত্বর মুরশিদাবাদ যাইব, তথা হইতে তোমার নিয়োগ পত্র ও আবশ্যকীয় কাগজ পত্রাদি তোমার নিকট প্রেরণ করিব।”

ললিত। সন্ধ্যা হইয়া আসিল, আজ এই খানেই অবস্থিতি করুন।

মাধব। না ললিত, আমি অদ্যই এই স্থান পরিত্যাগ করিব।

ললিত। মুরশিদাবাদে আপনি কত দিন অবস্থিতি করিবেন, তাহার পর কোথায় যাইবেন? আমি কি আর আপনার সাক্ষাৎ পাইব না।

মাধব। মুরশিদাবাদে কত দিন থাকিতে হইবে, তাহা ঠিক বলিতে পারি না, তবে মনস্থ করিয়াছি, অতি সত্বর তথা হইতে সীর্থ পর্য্যটনে

বহির্গত হইব। সকল তীর্থই দর্শন করিবার কল্পনা আছে। বোধ হয় সে কার্যে বৎসরাধিক অতিবাহিত হইবে। তাহার পর ইচ্ছা আছে, হরিদ্বারের সন্নিকট কঙ্কালে অবস্থিতি করিয়া জীবনের অবশিষ্টাংশ যাপন করিব। সংসারে আর ফিরিব না।

ললিত। আমি মধ্যে মধ্যে কঙ্কালে গিয়া আপনার চরণ দর্শন করিয়া আসিব।

এই বলিয়া ললিতকুমার সজলনেত্রে মাধবকে প্রণাম করিলেন। মাধব সিন্ধুনেত্রে ললিতের মুখচুম্বন করিয়া প্রস্থান করিলেন। ললিত অন্তঃপুরে গমন করিলেন।

তখন সন্ধ্যা অতীত হইয়াছে, তথাপি মাধব সিদ্ধেশ্বরীর অনুসন্ধানে বহির্গত হইলেন। প্রথম কালী বাড়ীতে গমন করিলেন, তথায় শুনিলেন, সিদ্ধেশ্বরীর কাল হইয়াছে। মৃত্যুকালে তিনি মাধবের অনেক সন্ধান করিয়াছিলেন, তাঁহার কোন সংবাদ না পাইয়া হারাধন নামক জনৈক কৃষককে গোপনে তাঁহাকে বলিবার জন্ত কি বলিয়া গিয়াছেন। মাধব তখন হারাধন কৃষকের বাটীতে গমন করিলেন, তথায় শুনিলেন হারাধন কার্যোপলক্ষে কোন দূর গ্রামে গিয়াছেন, আসিতে বিলম্ব হইবে। মাধব হারাধনের অপেক্ষা করিতে না পারিয়া সেই রাত্রিতেই দক্ষিণপাড়া ত্যাগ করিয়া মুরশিদাবাদ গমন করিলেন।

অষ্টম পরিচ্ছেদ ।

মাধব মুরশিদাবাদে উপস্থিত হইয়া শুনিলেন যে নবাব সূজাউদ্দৌলা তাঁহার সন্ধান করিয়াছেন এবং তাঁহার সহিত সাক্ষাৎ করিবার জন্ত ব্যগ্র হইয়াছেন। মাধব অবিলম্বে নবাবের নিকট গমন করিলেন। নবাবের সম্মুখে উপস্থিত হইলে মাধবের অকল্পিত শোকবেগ উথলিয়া উঠিল, তাঁহার বাক্য নিঃসরণ হইল না, কম্পিতদেহে ভূতলে বসিয়া পড়িলেন। নবাব সূজাউদ্দৌলা ত্রস্তে মসনদ হইতে উঠিয়া মাধবের কর ধারণ করিয়া তাঁহাকে তুলিলেন এবং আপনার আসনের পার্শ্বে তাঁহাকে বসাইয়া বিস্তর সাত্বনা করিলেন। অবশেষে বলিলেন—“মাধব, দুর্ঘটনার কথা আমি সকলি জানিয়াছি। তোমার অনুচরবর্গের মুখে যে বিবরণ শুনলাম, তাহাতে

আমার সন্দেহ হইয়াছিল যে হয় রত্নেশ্বর, নয় তাহার পক্ষের লোকেরা, তোমার প্রতি আক্রোশ বশতই হউক, বা রত্নেশ্বরের পুত্র সুধাময়ীর অভিলাষী হইয়াছিল, সেই কারণেই হউক, ষড়যন্ত্র করিয়া অগ্নিদ্বারা সুধাময়ীকে হত্যা করিয়াছে। নতুবা দক্ষিণপাড়ার ঞায় বহুতর লোকের বাসস্থান মধ্যে গৃহদাহে সে বালিকার মৃত্যু হইল, অথচ কেহ তাহাকে রক্ষা করিতে পারিল না, আমি সে কথা বিশ্বাস করিতে পারি নাই। সেই জন্ত আমি উজীরের উপর এ বিষয়ের তদন্ত করিবার ভার দিয়াছিলাম। উজীর তোমার অনুচরবর্গের নিকট স্থানীয় লোকের কথাবার্তা ও তাহাদের আপনাপন কর্তব্য জ্ঞাত হইয়া স্থির করিয়াছেন, যে গ্রামের লোকেরা ষড়যন্ত্র করিয়াই সুধাময়ীকে হত্যা করিয়াছে, এবং রত্নেশ্বর সে বিষয়ে একজন প্রধান উদ্যোগী। আমি স্থির করিয়াছি, যে রাজা মনিমোহনের “অনাথা কন্তার হত্যাকাণ্ডের বিচার আমি নিজে করিব, এবং অপরাধিগণকে যোরতর দণ্ড প্রদান করিব। এক্ষণে তোমার কি ধারণা আমার বল।”

মাধব! জাহাপনা, আপনি দেশের রাজা। আমাদের শাস্ত্রে বন্দে রাজা ভগবানের প্রতিনিধি। পাপ পুণ্যের বিচারকর্তা আপনি, পাপীর দণ্ড এবং পুণ্যবানের রক্ষণের ভার আপনারই উপর হস্ত। সুধাময়ীকে হত্যা করিয়াছে ও তাহাকে হত্যা করিবার উদ্দেশ্যই বা কি ছিল, সে বিষয়ে বিশেষরূপ তদন্ত করিতে আমি পারি নাই, করিবার ইচ্ছাও আমার নাই। সমস্ত দক্ষিণপাড়াবাসীর শিরশ্ছেদন করিলেও আমার সুধাময়ীকে আর ফিরাইয়া পাইব না। সুতরাং হত্যাকাণ্ডের তদন্ত করিয়া আমার কোন ইষ্টলাভ হইবে না। সুধাময়ী আমার জীবনের একমাত্র অবলম্বন ছিল, তাহার সঙ্গে আমার জীবনের সকল কার্য শেষ হইয়াছে। দক্ষিণপাড়ার অদূরবর্তী জঙ্গলে সিদ্ধেশ্বরী পাগলিনী বলিয়া এক স্ত্রীলোক বাস করিতেন। লোকে তাঁহাকে পাগলী বলিত, কিন্তু তিনি অদ্ভুত রমণী। তাঁহার অসাধারণ ঐশী শক্তির পরিচয় আমি নিজে জানিতাম, এবং অনেক স্থানীয় লোকেও জানিতেন। রত্নেশ্বরের জ্যেষ্ঠ পুত্র ললিতের মুখে শুনিলাম যে আমি ইতিপূর্বে যখন মুরশিদাবাদে ছিলাম, সেই সময়ে সিদ্ধেশ্বরী পাগলিনী আমার গৃহে উপস্থিত হইয়া আমার সুধাকে ললিতের হস্তে

সমর্পণ করিয়াছিলেন এবং বলিয়াছিলেন যে উভয়ের অদৃষ্টলিপি দেখিয়াই তিনি তাহাদের পরিণয় স্থলে আবদ্ধ করিতেছেন। আমি সিদ্ধেশ্বরীর অনুসন্ধান করিয়াছিলাম, কিন্তু শুনিলাম যে আমার গৃহদাহের কয়েক দিবস পরেই তাঁহার মৃত্যু হইয়াছে, এবং মৃত্যুকালে আমাকে কি বিশেষ কথা বলিবার জন্ত আমার বিস্তর সন্ধান করিয়াছিলেন, কিন্তু কোন সন্ধান না পাইয়া জন্মক কৃষককে সেই কথা গোপনে আমাকে বলিবার জন্ত, বলিয়া গিয়াছেন। আমি সে কৃষককে বিস্তর অনুসন্ধান করিয়াছিলাম, কিন্তু সে স্থানান্তরে গিয়াছে, কবে আসিবে কেহ বলিতে পারিল না। অবশেষে ভাবিলাম যে সুধাময়ী যখন নাই, তখন আর সংসারের আবশ্যকীয় বা অনাবশ্যকীয় কথায় আমার আর কোন প্রয়োজন নাই। আমি সে কৃষকের অপেক্ষা না করিয়াই চলিয়া আসিয়াছি। আপনি আপনার রাজধর্ম্য পালন করুন, পাপের শাস্তি বিধান করুন। আমি আমার বক্তব্য নিবেদন করিয়া বিদায় হইব। সুধাময়ীর হত্যাকারী যেই হউক, আমি তাহার মুখদর্শন করিব না, বা তাহার পাপ কার্যের বিবরণ শুনিব না। এক্ষণে আমার নিবেদন শ্রবণ করুন। সুধাময়ীর পৈত্রিক সম্পত্তি, সকলি অতিথী সেবায় অর্পণ করিবার মানস করিয়াছি। বিষয় সম্পত্তি ও অতিথিশালা তত্ত্বাবধারণ জন্ত একজন উপযুক্ত লোকও স্থির করিয়াছি। এ সংসারে আমার সুধাকে আর একজন ভাল বাসিত—সে রত্নেশ্বরের জ্যেষ্ঠপুত্র ললিত। ললিত সর্বশুণ্যস্থিত এবং আমার পরলোকগত প্রভুর ও আমার উভয়েরই বাসনা ছিল যে ললিতকেই সুধাময়ী অর্পণ করিব। পাত্রাহুসারে না হউক, দৈব ঘটনায়, সিদ্ধেশ্বরী কর্তৃক উভয়ে পরিণয় স্থলে আবদ্ধ হইয়াছিল। আমার চক্ষে ললিত কুমারই সুধাময়ীর স্বামী। অতএব আমি ললিত কুমারকেই অতিথিশালার ও সুধাময়ীর সম্পত্তির তত্ত্বাবধারণ করিবার মনস্থ করিয়াছি। ললিতকে আমার অভিপ্রায় জ্ঞাত করিয়াছি। সুধাময়ীর শোকে সেও উদাসীন হইয়াছে, তবে আমার অমুরোধে ও সুধার কার্য বলিয়া, উভয় কার্যের ভার গ্রহণ করিতে ললিত সন্মত হইয়াছেন। এক্ষণে আমার প্রার্থনা, আপনি আমার অভিপ্রায় অনুমোদন করিয়া ললিতের নিয়োগ প্রেরণের সম্বন্ধ আদেশ প্রদান করুন। আমিও আমার উপদেশ পত্র ললিতকে প্রেরণ করিয়া সংসার হইতে অব্যাহতি গ্রহণ করি।

নবাব। তোমার এ সাধু অভিপ্রায় সম্বন্ধে আমার কোন আপত্তিই নাই। ললিতের নিয়োগপত্র অচিরে প্রেরণ করা হইবে। কিন্তু তুমি আমাদের পরিত্যাগ করিয়া কোথায় যাইবে? তোমাকে আমার নিকটে থাকিতে হইবে।

মাধব বন্ধাজলি করিয়া কহিলেন—“জাহাপনা, আমাকে মার্জনা করিবেন, আমি অন্ধ হইয়াছি। এ যে চক্ষু দেখিতেছেন ইহা দৃশ্যমান মাত্র, আমি আমার চক্ষের মণি হারাইয়াছি, আমার হৃদয়পঞ্জর চূর্ণ হইয়াছে, আমার পিণ্ড ছিন্ন ভিন্ন হইয়াছে, আমার আকৃতি মাত্র অবশিষ্ট আছে, আমার প্রাণ এ দেহ ত্যাগ করিয়া পলায়ন করিয়াছে। আমার দ্বারায় জগতের আর কোন কাজই হইবে না। আমি জীবনের অবশিষ্ট কাল কোন নির্জন তীর্থে গিয়া বাস করিব। সংসার আমার চক্ষে শ্মশান। এ শ্মশানে আমি তিষ্ঠিতে পারিতেছি না, আমায় অব্যাহতি দিন।

নবাব। দেখিতেছি তুমি বড়ই কাতর হইয়াছ। এক্ষণে তীর্থ পর্যটন করাই তোমার পক্ষে সুপরামর্শ। অবশ্য এখন তুমি তীর্থদর্শনে গমন কর, কিন্তু আমার একান্ত অনুরোধ রহিল যে তুমি একটু সুস্থ হইলে আমার আশ্রয় নিকট আসিও। সুধাময়ীর হত্যার প্রতিবিধানের ভার আমার উপর রহিল, আমি অচিরে তাহার বিহিত করিব। এক্ষণে তুমি বিদায় হও।

এই বলিয়া নবাব সুজাউদ্দৌলা মাধবকে বিদায় করিলেন। এবং উজীরকে ডাকিয়া ললিতের নিয়োগপত্র প্রেরণের অনুমতি দিয়া আদেশ করিলেন যে রত্নেশ্বর ও আর আর যে সকল ব্যক্তির সম্বন্ধে সুধাময়ীর হত্যায় লিপ্ত থাকার সন্দেহ হয়, সে সকল ব্যক্তিই যেন এক গন্ধের মধ্যে নবাব দরবারে উপস্থিত হয়। পক্ষান্তে নবাব নিজে তাহাদের বিচার করিবেন।

ক্রমশঃ।

গুরু শিষ্য।

(১)

গুরু দ্বিবিধ, শিক্ষা গুরু ও দীক্ষা গুরু। গুরু বিনা এই সংসারে একটা ক্ষুদ্রাতিক্ষুদ্র তুণেরও ভালরূপ পরিচয় সহজে জানিতে পারা যায় না। পশু, পক্ষী, তরু, লতা, গুল্মাদি হইতেও আমরা অনেক সময় অনেক শিক্ষা পাই, সুতরাং শিক্ষা গুরু অনেকেই, শিক্ষা দীক্ষার অনুকুল হওয়া চাই, শিক্ষা দ্বারা চিত্ত সংস্কৃত, মার্জিত ও দিব্যদৃষ্টিযুক্ত হয় এবং দীক্ষা দ্বারা জীবনের পরমারাধ্য পরম দেবতাকে দর্শন ক্রমে জীব কৃতার্থ হয়। উপযুক্ত গুরু ব্যতীত শিক্ষা ও দীক্ষা দিবার অধিকারী কেহই নয়। যিনি সৎগুরু সমীপে শিক্ষিত হইয়া দীক্ষিত হইলেন, তিনিই ধন্যজন্মা।

আমরা শিক্ষা গুরু নিয়া আর কালক্ষেপ করিতে চাহি না, দীক্ষা গুরুর কথাই এখন বক্তব্য। গুরু বলিলে সাধারণতঃ আমরা দীক্ষা গুরুই বুঝি, গুরুকে মনে করিলেই জ্ঞানী বা অজ্ঞানী হইবে; সকলেই আপনাই হইতে অতি উচ্চ সোপানে অধিকৃত স্বর্গীয় পথ প্রদর্শক কোন এক মহৎ পুরুষ বলিয়াই বুঝিয়া থাকেন, এইক্ষণে এই গুরুতার অধিকারী কে তাহাই শাস্ত্র সাহায্যে বিচারের চেষ্টা করিব। শাস্ত্রে আছে—

“সর্বশাস্ত্রপরোদক্ষঃ সর্বশাস্ত্রার্থবিৎ স্তদা।

সুবচঃ স্তন্দরঃ স্তন্দঃ কুলীন শুভ দর্শনঃ ॥

জিতেন্দ্রিয়ঃ সত্যবাদী ব্রাহ্মণঃ শাস্ত্রমানসঃ।

পিতৃ মাতৃহিতে যুক্তঃ সর্ব কৰ্ম পরায়ণঃ।

আশ্রমী দেশবাসী চ গুরুরেবং বিধীয়তে ॥”

কই! আজ কালের গুরু দলের মধ্যে শাস্ত্রোক্ত গুণের মধ্যে কয়টা পাওয়া যায়!

গুরু ঠাকুর! একটা কথা করবোড়ে বলি, রাগ করিও না, এখন শিষ্য বলেঃ—

“অজ্ঞান তিমিরান্ধ্র জ্ঞানাজন শলাকয়া।

চক্ষুরমীলিতং যেন তস্মৈ শ্রীগুরবে নমঃ ॥”

তখন তোমার গুরুতার মার্থকতা হয় কিরূপ। তুমি ত তাহার অজ্ঞান চক্ষু উন্মীলিত করিতে গিয়া তীক্ষ্ণ শলাকাতে উৎপাটিত করিয়া বসিয়া আছ।

শিষ্য যখন গুরুকে প্রণাম কালে বলেঃ—

“অথগু মগুলাকারং ব্যাপ্তং যেন চরাচরং ।

তৎপদং দর্শিতং যেন তস্মৈ শ্রীগুরবে নমঃ ॥

তখন কি তুমি প্রবঞ্চনা দোষে অপরাধী হও না? তুমি ত তাহাকে চরাচরব্যাপী অথগু মগুলাকার পুরুষ দেখাইতে পার নাই (তুমি ত নিজেই দেখ নাই, তখন আর পরকে কিরূপে দেখাইবে!) তবে সঙ্গুর প্রাপ্য প্রণামটা চুপি চুপি চুরি করিতেছ কেন?

অধুনা চাকুরী বাণিজ্যাদির ত্রায়, গুরুতা ও একটি অর্গোপার্জনের উপায় স্বরূপ হইয়া দাঁড়াইয়াছে, যখন কোন গুরু নুতন একটি শিষ্য জুটাইতে যান, তখন তিনি সর্বাগ্রে তাহার সাংসারিক অবস্থা কেমন, কোন চাকুরী আছে কি না, এই সব অনুসন্ধান নিয়া থাকেন। তাহার বেদে, দ্বিজ্ঞে কিরূপ ভক্তি, শাস্ত্রবাক্যে কিরূপ বিশ্বাস, এই সব সংবাদ গ্রহণ করিতে কিন্তু ঠাকুর মহাশয়ের সময়াভাব। এইরূপ দক্ষিণা লাভই বাহাদের লক্ষ্য, তাঁহারা কি কখনও সঙ্গুর পদবাচ্য হইতে পারেন।

শিষ্যের মাথায় পা দিয়া পরস্পর লইবার গুরু অনেকই, কিন্তু শিষ্যের ত্রিতাপহারী শান্তিদাতা সঙ্গুর বড়ই হ্রাস। কুলগুরু ত্যাগ না করার প্রথাই, আমাদের এ হৃদশার কারণ। আমরা স্বীকার করি কুলগুরু মধ্যেও অনেক সুশিক্ষিত ব্রহ্মনিষ্ঠ আছেন, তাঁহারা অবশ্য সঙ্গুর বসিয়া পরিগণিত, আমরা তাঁহাদিগকে সর্বাঙ্গতঃ করণে শ্রদ্ধা করি। অনেক লোক আজ কাল কুলগুরুগণের প্রতি বীতশ্রদ্ধ হইয়া দীক্ষা গ্রহণেও পরায়ণ হইয়াছেন, ইহা তাঁহাদের ভ্রম। গুরু হাট বাজারে স্খু অবেষণ করিলেই পাওয়া যায় না, সংশিষ্য হইলে ভগবানের রূপায় সঙ্গুর লাভ হইয়া থাকে। ক্রব পদপলাশলোচন দর্শনাভিলাষে কাতর হইলেন, ভগবান অমনি নারদকে তাঁহার গুরু স্বরূপ প্রেরণ করিলেন। মহারাজ পরীক্ষিত ভগবান দর্শনার্থ ব্যাকুল হইয়া উঠিলেন, দয়াময় অমনি গুরুদেবকে তাঁহার সমীপে প্রেরণ করিলেন, ভগবদ্বিরহে কাতর হইলে সঙ্গুর আসিয়া আপনিই দেখা দিবেন। নতুবা তুমিও যেমন শিষ্য গুরুও তোমার তেমনি জুটিবে।

শিষ্যের লক্ষণ যথাঃ—

“অলুরু স্থিরনাত্রশ্চ আক্রাকারী জিতেন্দ্রিয়ঃ ।

আস্তিকো দৃঢ় ভক্তিশ্চ গুরৌ মন্ত্ৰেচ দৈবতে ।

এবম্বিধোভবেৎ শিষ্য ইতরো ছঃখ কুদভয়োঃ ॥”

উপসংহার কালে ইহাও বলা আবশ্যক যে গুরু যেমনই হউন না কেন, শিষ্যের তাঁহার প্রতি ভক্তি থাকিলে, দীক্ষামন্ত্রেও ভগবানে দৃঢ় বিশ্বাস থাকিলে, শিষ্য পরম ধামের অধিকারী হইবেন, তাহাতে সন্দেহ নাই।

শ্রীপ্যাঙ্গীলাল চৌধুরী ।

প্রেমের নবাকুর ।

নবীন অক্ষরে প্রেমসীর প্রেম,
মরি কিবা সুধা মাখা হেরিলাম,
প্রেম লজ্জা মাখা, পুষ্পপত্র ঢাকা,
কহিলুর যেন বিজড়িত হেম ।

হৃদয়ে না ধরে মধুর মাধুরী,
প্রকৃতি তনয়া না জানে চাতুরী,
হৃদয়ের আশা, পূর্ণ ভালবাসা,
সযতনে রাখে হৃদয়ে আবরি ।

না দেখিয়ে সদা পাগলিনী প্রায়,
দেখা হলে গিয়ে অন্তরে লুকায়,
নয়নে নয়ন, পড়িলে কখন
আনত আননে অস্থ দিকে চায় ।

দেখিব দেখিব মনে থাকে আশা,
দেখে নাহি মিটে দেবার পিপাসা,
দেখা হ'লে পরে, দেখিতে না পারে
পয়োনিধি পারে কি দারুণ তৃষা ।

৫
ফাঁকে ফাঁকে থাকে ফাঁকে ফাঁকে দেখে,
বিরলে গোপনে প্রেমপত্র লেখে,
মনে মনে পড়ি, ফেলি দেয় ছিড়ি
কুড়াইয়া পুন মিলাইয়া দেখে ।

৬
অন্তরে হেরিয়ে মনে সাধ হয়,
নিকটেতে যেয়ে ছুটি কথা কয়,
কিষে ছুটি কথা, মরমের ব্যথা
ভাবিতে অমনি ব্যাকুল হৃদয় ।


৭
একদিন তুলে কুমুম কলিকা।
গেঁথে ছিল সাধে চিকণ মালিকা,
যতন করিয়ে, হৃদয়ে ধরিয়ে
কেঁদে ছিল যেন অবোধ বালিকা ।

৮
আর এক দিন নিদ্রার সময়,
অশ্রুবিन्दু মম কপোলে উদয়,
মুছিতে যতনে, গোপনে গোপনে
গিয়াছিল কিন্ত কাঁপিল হৃদয় ।

৯
কত ভালবাসা ! ছোট প্রাণে আর,
ধরিতে পারে না, প্রেম পারাবার,
উঠিলে উথলি, আকুলী বিকুলি
নয়নের কোণে নিশানা তাহার ।

১০
বিরহে ব্যাকুল দিশা নাহি পায়,
মিলনেতে যেন আরো ম'রে যায়,
বুকে মাথা গুঁজি, আঁখি ছুটি বুজি
প্রাণে কথা কয় নীরব ভাষায় ।

শ্রীমঃ



মাসিক পত্রিকা ও সমালোচনী ।

সূচী ।

(প্রবন্ধের মতামতের জন্ত লেখকগণ দায়ী ।)

বিষয় ।	পৃষ্ঠা ।
১। মধুময়ী গীতা (পদ্য) (শ্রীকুমারনাথ মুখোপাধ্যায়) ...	২২৫
২। কোন্ ধর্ম্মে ঈশ্বর সেবা, ঈশ্বর পূজার সর্বোৎকৃষ্ট সহজ বিধি বিহিত হইয়াছে? (শ্রীদীননাথ ধর, বি, এল্) ...	২২৯
৩। ছুটি (শ্রীদঃ) ...	২৩৪
৪। মৃত্যু (পদ্য) (শ্রীউপেন্দ্রনাথ কাঞ্জিলাল) ...	২৩৯
৫। হিন্দুতীর্থ (ওঁ কারনাথ) (শ্রীকুঞ্জবিহারী সেন) ...	২৪১
৬। সুধাময়ী (উপন্যাস) (শ্রীঈশানচন্দ্র বন্দ্যোপাধ্যায়) ...	২৪৭

ভূগলী ।

সাবিত্রী যন্ত্রে শ্রীহরিদাস পাল দ্বারা
মুদ্রিত ও প্রকাশিত ।

অগ্রহায়ণ—১৩০১ ।

এই সংখ্যার মূল্য ১/১০ দেড় আনা ।

বিজ্ঞাপন।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিক্রম ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিক যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ম ইহার অগ্রিম বার্ষিক মূল্য মায় ডাক মাসুল ১ এক টাকা মাত্র ধার্য হইল। ইহাতে ৮ পেজী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। একরূপ সুলভ মূল্যের কাগজ মফঃস্বল হইতে এ পর্য্যন্ত বাহির হয় নাই। এই পত্রিকা সম্বন্ধে চিঠি পত্র, প্রবন্ধ, মূল্যের টাকা, সমালোচনার জন্ত পুস্তক প্রভৃতি যাবতীয় বিষয় আমার নিকট পাঠাইতে হইবে, এবং আমাকে লিখিলে পত্রিকা সম্বন্ধে জ্ঞাতব্য বিষয় সকলে জানিতে পারিবেন। অতি সুলভ মূল্যে বিজ্ঞাপনাদি ইহাতে প্রকাশিত হইবে।

শ্রীযত্ননাথ কাঞ্জিলাল,
কার্য্যাধ্যক্ষ।
ভগলী।

বিজ্ঞাপন।

ভগলীর চকে সাবিত্রী যন্ত্র নামে একটা ছাপাখানা স্থাপিত হইয়াছে। ইহাতে বাঙ্গালা ইংরাজী বহু প্রকার নূতন অক্ষর আছে এবং কলিকাতার দরে পুস্তকাদি ছাপান হইতেছে। বিশেষ সুবিধা এই, গ্রন্থকার ইচ্ছা করিলে, প্রফ সংশোধনের ভার রীতিমত লওয়া হইয়া থাকে। চিঠিপত্র চেক দাখিল প্রভৃতি সর্ব প্রকার জবওয়ার্ক সুলভ মূল্যে স্বল্প সময়ের মধ্যে ছাপান হইয়া থাকে। আমাকে লিখিলে বিশেষ বিবরণ সকলে জানিতে পারিবেন।

শ্রীযত্ননাথ কাঞ্জিলাল
ম্যানেজার।
ভগলী।

পূর্ণিমা।

মাসিক পত্রিকা ও সমালোচনী।

১ম ভাগ।

অগ্রহায়ণ, সন ১৩০১ সাল।

৮ম সংখ্যা।

মধুময়ী গীতা।

দ্বিতীয় অধ্যায়—সাংখ্য যোগ।

সঞ্জয় কহিলেনঃ—

কুপাবিষ্ট বাস্পাকুল বিষাদিত মন—

অর্জুনে কহেন তবে শ্রীমধুসূদনঃ—১

শ্রীভগবান কহিলেনঃ—

অকীর্ষিকর অধর্ম অনার্য্য সেবিত

এ মোহ কেমনে তব হইল উদিত ? ২

কাতর হ'য় না, এত তব যোগ্য নয়,

তুচ্ছ দুর্জলতা ত্যাজি উঠ ধনঞ্জয়। ৩

অর্জুন কহিলেনঃ—

অরিন্দম, করি আমি কিরূপে তা' কহ

বাণযুদ্ধ, পূজনীয় ভীষ্ম দ্রোণ সহ ? ৪

গুরুবধ না করিয়া ভিক্ষার ভোজন

ইহলোকে শ্রেয়ঃ ; করি গুরুর নিধন

অর্থকামাত্মক ভোগ, কৃধির সংযুত,

এ লোকে করিতে হ'বে উপভোগ যত ! ৫

জয়ী হই কিম্বা মোরা হই পরাজিত ?

বুঝিতে না পারি কিবা শ্রেয়ঃ সমুচিত।

যাদের নিধন করি বাঁচিতে না চাই,
সম্মুখে সে ধার্ত্তরাষ্ট্র দেখিতে যে পাই ! ৬
চিত্তের দীনতা আর কুলঙ্কল দোষে
অভিভূত, ধর্ম্মমূঢ় আমি ! সবিশেষে
কহ মোরে, শিষ্য আমি, কি শ্রেয়ঃ বিধান ?
আমি ত শরণাগত, কর শিক্ষাদান । ৭
যদ্যপি ধরায় পাই রাজ্য নিষ্কণ্টক,
অথবা দেবাধিপত্য শোক সংহারক,
ইন্দ্রিয় শোষক এই শোকাপনয়ন,
করিবে, কিছুই হেন করি না দর্শন ! ৮

সঞ্জয় কহিলেন:—

এত কহি গুড়াকেশ হৃষিকেশ পাশে
“করিব না যুদ্ধ” বলি মৌনী অবশেষে । ৯
হে ভারত, কৃষ্ণ তবে প্রসন্ন বদনে
কহিলেন সেনা মধ্যে বিষয় অর্জুনে— ১০

শ্রীভগবান কহিলেন:—

যাহাদের তরে শোক উচিত না হয়,
শোকার্ভ তাদের লাগি হ'তেছ নিশ্চয় !—
কিস্ত জ্ঞানী সম কথা ! কভু নাহি গুনি,
মৃত কি জীবিত লাগি শোক করে জ্ঞানী ! ১১
না ছিলাম আমি পূর্বে, এমন ত নয়;
হেন নহে ছিল না এ নৃপতি মণ্ডল ;
পরেও নিশ্চয় মোরা থাকিব সকল । ১২
কৌমার যৌবন জরা জীবের যেমন
অবস্থা অন্তর মাত্র, মরণ তেমন ;
পণ্ডিতেরা কভু নাহি মুগ্ধ হন তা'তে । ১৩
কৌন্তেয়, ইন্দ্রিয়যুক্ত হ'লে বিষয়েতে
শীতোষ্ণাদি স্মৃথ ছুঃখ করে উৎপাদন,
অনিত্য, উৎপত্তি নাশ রয়েছে যখন ।

অন্তায়ী সে স্মৃথ ছুঃখ উল্লাস বিষাদ,
সহ কর ; বশীভূত হ'লেই প্রমাদ । ১৪
সমভাবে স্মৃথ ছুঃখ করিয়া বহন,
হে ভারত, যেই জন ব্যথিত না হন,
তঁাহারই মোক্ষলাভ হয় সুনিশ্চয়,
অনিত্য মোহিত যেই তাহার বিলয় ! ১৫
অনিত্য বস্তুর সার দেখিতে না পাই ;
নিত্য আত্মা, তাঁর কভু বিনাশ ত নাই ।
আত্মা নিত্য, অত্ন যত অনিত্য কেবল ;—
দেখেছেন তত্ত্বদর্শী পণ্ডিত সকল । ১৬
অনিত্য দেহাদি ব্যাপ্ত রয়েছেন যিনি,
জানিবে জগতে মাত্র অবিনাশী তিনি ।
উৎপত্তি বিলয়-শূন্য অব্যয় আত্মার
বিনাশ করিতে পারে, হেন সাধ্য কার ? ১৭
নিত্য আত্মা, দেহ তাঁর অনিত্য নিশ্চয় ;
হে ভারত, যুদ্ধ কর, দেহাস্তে কি ভয় ? ১৮
এই আত্মা হস্তা যেই করে বিবেচনা,
এই আত্মা হত হয় যাহার ধারণা,
জানেনা উভয়ে তা'রা ! আত্মা সর্ব্বময়
কখনো করে না হত্যা, হত নাহি হয় । ১৯
জন্মে না মরে না আত্মা ; জন্ম একবার
হইবে না সমুৎপন্ন কিম্বা পুনর্কার ।
পরিণাম শূন্য আত্মা, নাহি বৃদ্ধি ক্ষয়,
শরীর হইলে নষ্ট, দিনষ্টে না হয় । ২০
অজ নিত্য এই আত্মা, জানেন যে জন,
না করান হত, নাহি করেন হনন । ২১
জীর্ণবাস ভাগ করি মানুষে যেমন
অপর নূতন বস্ত্র করয়ে গ্রহণ,

সেইরূপ এই আত্মা নবদেহ ধরে,
 পুরাতন জীর্ণ দেহ পরিত্যাগ ক'রে । ২২
 শক্ত নাহি পারে আত্মা করিতে ছেদন,
 নাহি পারে বহি তাঁ'রে করিতে দহন । ২৩
 জলেতে ভেজেনা, নাহি বাতাসে শুকায়,
 অনাদি অচল নিত্য স্থির সৰ্ব্বময় ! ২৪
 অনিত্য অব্যক্ত আত্মা কৰ্ম্ম অগোচর,
 জানিলে শোচনা নাহি হয় অতঃপর । ২৫
 নিত্য জ্ঞাত নিত্য মৃত মনে যদি হয়,
 তথাপি করিতে শোক পারনা নিশ্চয় ; ২৬
 মরিলেই জন্ম হয়, জন্মিলে মরণ,
 অনিবার্য্য এই কার্য্যে শোক কি কারণ ? ২৭
 আদিতে অব্যক্ত জীব, অব্যক্ত নিধনে,
 স্বপ্ন মধ্যে ব্যক্ত,—তা'তে দুঃখ কি কারণে ? ২৮
 কি আশ্চর্য্য ! কেহ দেখে, কেহ বলে, শুনে,
 আত্মার আশ্চর্য্য ভাব তথাপি না জানে ! ২৯
 ভারত, অবধ্য আত্মা ; সৰ্ব্বদেহে আছে ;
 সৰ্ব্বভূত লাগি শোক দুঃখ করা মিছে ! ৩০
 তোমার স্বধৰ্ম্ম দেখ, ধৰ্ম্মযুদ্ধ হ'তে
 ক্ষত্রিয়ের শ্রেয়ঃ কিছু নাই এ জগতে । ৩১
 অযাচিত হেন যুদ্ধ মুক্ত স্বৰ্গদ্বার,
 ধন্য সে ক্ষত্রিয় ভিন্ন কে লভিবে আর ? ৩২
 যদি এ ধৰ্ম্মের যুদ্ধ না করিতে চাও,
 ছাড়িয়া স্বধৰ্ম্ম কীর্ত্তি পাপভাগী হও । ৩৩
 চির অপবশ তব ঘোষিবেক লোকে ;
 তা'হতে মরণ শ্রেয়ঃ কহিলু তোমাকে । ৩৪
 ভীকু তুমি, জানিবেন মহারণ যত ;
 সামান্য লোকের কাছে হইবে ঘণিত । ৩৫

কোন ধর্মে ঈশ্বর সেবা, ঈশ্বর পূজার সর্বোৎকৃষ্ট সহজ বিধি বিহিত হইয়াছে ?

বৌদ্ধ, মুসলমান, খৃষ্ট এবং হিন্দুধর্ম্মের কথা লইয়াই এই প্রবন্ধ গঠিত হইবে। আনুষ্ঠানিকরূপে ইহাতে মাসডিসম্ অর্থাৎ পার্শ্বদেব ধর্ম্মের দুই একটি কথা থাকিবে। সংক্ষেপে বৌদ্ধাদি ধর্ম্মের কথা কহিয়া হিন্দুধর্ম্ম এবং তদন্তর্গত বৈষ্ণবধর্ম্মের স্থূল স্থূল দুই চারিটি কথার উল্লেখ করিয়া প্রবন্ধের উপসংহার করিব।

আমরা যতদূর বুঝি বুদ্ধ নিরীশ্বর। “ধম্মপদ” বৌদ্ধদের অতি প্রধান গ্রন্থ। ইহার কোনও স্থানে ঈশ্বর শব্দ লক্ষিত হয় না। কোন কোন স্থানে এইরূপ কথা আছে, যথাঃ—“অনায়াস বিশ্বাসশীলতা শূন্য অসৃষ্ট পরিষ্কাতা পুরুষ অতি শ্রেষ্ঠ এবং মহান। যিনি জাগ্রত, সৰ্ব্বজ্ঞ এবং অননুসরণীয় (the trackless) অর্থাৎ যাহার অনুসরণ অসাধ্য এবং যিনি বাসনাজাল জড়িত নহেন, তাঁহাকে কি উপায়ে অবগত হইবে।” কিন্তু অসৃষ্ট, সৰ্ব্বজ্ঞ, শব্দের অর্থের ব্যাখ্যা “ধম্মপদে” কিছু নাই। এই সকল শব্দ ঈশ্বরবাচক হইলেও ঈশ্বর সেবা, ঈশ্বর পূজার বিধান এই গ্রন্থে দৃষ্ট হয় না। বুদ্ধদেবের মতে, মানুষ জাগ্রত, পূর্ণ জ্ঞানী এবং সত্যবিধি পরিষ্কাত হইলে বুদ্ধত্ব প্রাপ্ত হন। বুদ্ধের কথা, দেহই সকল দুঃখের কারণ। দেহ বিবর্জিত, জন্মরহিত এবং নিৰ্ব্বাণ প্রাপ্ত হইলে মানুষ বুদ্ধ হন বা বুদ্ধত্ব লাভ করেন। “ধম্মপদে” উক্ত হইয়াছে যে নিৰ্ব্বাণই পুরুষের পরম গতি। জলে সাঁতার দিতে, খেলা করিতে, জল খাইতে আমোদ আছে, আনন্দ হয়। কিন্তু জলে একবারে তলাইয়া যাইলে, ডুবিয়া আর না উঠিলে কি সুখ কি আনন্দ তাহা আমরা বুঝিতে পারি না। সাধকশ্রেষ্ঠ রামপ্রসাদ সেনের কথায় আমরা বলি “চিনি হওয়া ভাল নয়, চিনি খেতে ভাল বাসি।”

মুসলমানদের মতে কোরাণ স্বয়ং ঈশ্বরের বাক্য। কোরাণ পায়গম্বর মহম্মদের কণ্ঠে পরিস্ফুটিত হয়। কোরাণের প্রধান আদেশঃ—(১) ঈশ্বর এবং মহম্মদকে পরিগ্রহ এবং বিশ্বাস কর (২) পাঁচ ওয়াক্তা নমাজ পড় (৩) খয়রাত উপবাস এবং হজ্জ কর। ইস্লামিয জুডেইস্মের ছায়া হইলেও,

“ঈশ্বরে প্রেম কর” কোরাণে এরূপ কথার বিরলতা দৃষ্ট হয়। “ঈশ্বর এবং মহম্মদকে ভয় কর” কোরাণে এই আদেশেরই বিশেষ ছড়াছড়ি। মহম্মদকে সমর করিতে হইয়াছিল। সমরপ্রিয় জাতির ঈশ্বর বজ্রমুষ্টি, রুদ্রমূর্তি, শাস্তারূপে প্রায় বর্ণিত হইয়া থাকেন। মারিবার, শাসন করিবার নিমিত্ত ঈশ্বর নিয়ত বেত্রহস্তে অধিষ্ঠিত, ভগবানের এই ভাবটি আমাদের কেমন কেমন লাগে। গোবেড়েন করা গুরু মহাশয়ের পাঠশালে অনেক ছেলে যেতে চায় না।

খৃষ্টধর্মের প্রধান পুঁথি বাইবেল। ইহার দুই অঙ্গ, নূতন এবং পুরাতন টেস্টামেন্ট। অরেব্ গিরিশিরঃস্থিত আকাশ সমুত্ত আদেশ সমূহ বাইবেলের মজ্জা স্বরূপ। “ঈশ্বরকে ভয় করিবে” এইটিও ঈশ্বরাদেশ। ইহাও অরেব অচল হইতে মোসেসের শ্রুতি দ্বারা আঘাত করিয়াছিল। “ঈশ্বর ভীতিই জ্ঞানের মূল।” (The fear of God is the beginning of wisdom) বাইবেল এবং ইংরাজের অন্যান্য পুস্তকে এই বাক্যেরও বিস্তার ছড়াছড়ি। কিন্তু “ঈশ্বরে প্রেম কর” এ কথাও উভয় টেস্টামেন্টে দেখা গিয়া থাকে। “হে ইস্রাএল্! সর্বান্তঃকরণে, নিজের সমূহ শক্তি সহকারে, ঈশ্বরে প্রীতি কর।” এই বাক্য ঈশ্বর প্রেরিত বলিয়া ষষ্ঠ ডিউট্রনমিতে উক্ত হইয়াছে। “কোনটি শ্রেষ্ঠতর আদেশ” কোন ফ্যারাসিস্ ব্যবহারজীবের প্রশ্নের উত্তরে ঈশা বলেন “সমস্ত মন, হৃদয় এবং আত্মাসহ ঈশ্বরে প্রেম কর।” ইহাই সর্বোচ্চ, সর্বশ্রেষ্ঠ আদেশ। বোধ হয় আমরা দেখাইতে পারিব যে গীতা, ভাগবত এবং শ্রীচৈতন্যদেব কথিত ঈশ্বর পূজা, সেবা বিষয়ক বিধি সকল ইহা অপেক্ষা উচ্চ, বিমল, এবং হৃদয়গ্রাহী।

পারসিদের মূল গ্রন্থ জেন্দাবস্তা। ইহা ঈশ্বর বাক্য, এবং জোরেষ্টার মুখে লোকমাঝে প্রকাশিত হয়, পারসিরা এই প্রকার বলিয়া থাকেন। আবস্তায় দুইটি শক্তির (principle) উল্লেখ দৃষ্ট হয়, আহুরা মাস্দা (Ahura Mazda) এবং আঙরা মায়াহু (Angra Mainyu) এ দুটি পরস্পর বিরোধী শক্তি। প্রথমটি জগতের শিব, দ্বিতীয়টি অশিব সাধন করিতেছে। ইহারা কিন্তু সাংখ্যের প্রকৃতি পুরুষের আয় নহে। দৃষ্টতঃ জগতে অনবরত একটি দ্বন্দ্ব, প্রতিযোগিতা চলিতেছে। ইহাই বুঝাইবার জন্য বোধ হয় এই শক্তি দ্বয়ের অবতারণা। জেন্দাবস্তানুসারে পবিত্রতা

লাভই মানুষের প্রধান লক্ষ্য হওয়া উচিত। মৃত্যুই অপবিত্রতা উৎপাদন করে এবং তাহা “সাগদিদ” (Sagdid) দ্বারা দূরীভূত হয়। “সাগদিদ” শব্দে কুকুরের দৃষ্টি বলা হইয়াছে। জেন্দাবস্তায় উক্ত হইয়াছে, যে জড় জগৎ স্রষ্টা আহুরা মাস্দাকে জোরেষ্টার জিজ্ঞাসা করেন “পবিত্র বাক্য মধো-কোনটি প্রবল, কিসে অসুর নাশ, প্রকৃষ্ট আরোগ্য সাধিত, এবং জড় জগতের বাসনা সিদ্ধ হইতে পারে এবং কি করিলে হৃদয় ভাবনাশূন্য হইয়া থাকে। মাস্দা উত্তর করেন “পবিত্র বাক্য মধো আমাদের নামই অতি প্রবল, বিজয়ী, মহান এবং ফলদায়ী।” তৎপরে আহুরা মাস্দা স্বীয় বিংশতি নাম প্রকাশ করত জলাদি উপহার দ্বারা দিবা রাত্রি তাঁহার পূজা করিবার জন্য জোরেষ্টারকে আদেশ করেন। মোটামুটি মাজী ধর্মের ঈশ্বরাদেশের এই পদ্ধতি ও নিয়ম। “আমার” না বলিয়া “আমাদের” নাম আহুরা মাস্দা কেন প্রয়োগ করিলেন, তাহা আমরা বুঝিতে পারি নাই।

হিন্দু ধর্মের অতি প্রাচীন, মূল এবং প্রধান গ্রন্থ বেদ। ছান্দগ্য উপনিষদের, ১ম কাণ্ডের ১ম শ্লোকে উক্ত হইয়াছে “মানুষ ওঁ অথবা উদ্যোক্ত শব্দ চিন্তা করিবে।” ওঁ শব্দ অবিদ্যার ব্রহ্ম বাচক এবং বেদের শীর্ষ স্বরূপ। ওঁ চিন্তা দ্বারা ত্রিধা জ্ঞান উৎপন্ন, মানুষ আপ্তকাম হইয়া থাকে। ইহাই উপনিষদের প্রধান কথা।

ইহার পর পুরাণাদির কথা। পরাশর নন্দন ব্যাসদেব বহুবিধ পুরাণাদি প্রণয়নে তৃপ্তিলাভে অসমর্থ হইয়া অবশেষে দেবর্ষি নারদের উপদেশ মত ভগবদ্গুণ বর্ণন পূরিত পবিত্র শ্রীমদ্ভাগবত গ্রন্থ প্রণয়ন করেন। অন্যান্য পুরাণাদিতে যে রূপ হউক না কেন, এই পরম পবিত্র গ্রন্থের ২য় শ্লোকে উক্ত হইয়াছে। “ধর্ম প্রোজ্জ্বলিত কৈতব।” অর্থাৎ ইহাতে প্রকৃষ্টরূপে অকৈতব ধর্ম বর্ণিত হইয়াছে। নিজ গুণ অভিপ্রায় পরিত্যাগের নাম অকৈতব। শ্রীধর স্বামী বলিয়াছেন, প্র শব্দের অর্থে মোক্ষাভিসন্ধি, মোক্ষাভিলাষ পর্যন্ত কৈতব অন্তর্গত। তাহাও ভাগবতোক্ত ধর্মে পরি-
ত্যাগ। ভাগবতে ধ্রুব এইরূপে ভগবানের স্তব করিয়াছিলেন “নিকাম হইয়া যাহারা আপনার আনন্দ স্বরূপ মূর্তিকে পুরুষার্থ জানিয়া ভজনা করেন, তাহাদের পক্ষে আপনার পাদপদ্ম পরম অর্থাৎ ধ্রুব মোক্ষ ইচ্ছা করেন

নাই, স্বীয় গুঢ় অভিপ্রায় ত্যাগে ভগবানের ভজনা করিয়াছিলেন। সৰ্ব শাস্ত্রের সারভূতা ব্রহ্মস্বরূপিনী বিশুদ্ধা গীতাতেও এই নিষ্কাম ধর্মের কথা। গীতা এবং ভাগবত বলিতেছেন “সর্বকামনাশূন্য বাসনা বিবর্জিত এবং একবারে লক্ষ্যবিহীন হইয়া ভগবানের ভজনা করিবে।” কি উচ্চ, কি বিমল কি মহান উপদেশ। স্বার্থের, নিজের নাম গন্ধ মাত্র নাই। ব্রহ্ম-গোপিকাগণ আত্ম বিস্মৃতা হইয়া কেবল শ্রীকৃষ্ণের তৃপ্তি জন্ম তাঁহাকে বসন ভূষণ পরাইতেন এবং ভোজন করাইতেন, তাঁহার নিকট নৃত্য গীত এবং তাঁহার পদ সেবা করিতেন।

“সোহং” জ্ঞান বলে মানুষ সেই পরব্রহ্ম হইতে পারেন, অদ্বৈতবাদীরা এইরূপ বলেন। সুখ দুঃখ ভাব শূন্য হইয়া পবিত্র জ্ঞানযোগে মানুষ “সেই” হইতে সক্ষম। সুখ দুঃখ বিরহিত, এটি আত্মার কি অবস্থা বুঝা দুষ্কর। আৰ্য্য মুনি ঋষির ঈশ্বর সচ্চিদানন্দ স্বরূপ। অথচ সর্ববিধ জ্ঞান শূন্য এই জড় লেখনীর অবস্থা অদ্বৈতবাদীদের বাঞ্ছনীয়। আমাদের বিবেচনায় ভক্তি বিহীন জ্ঞান শুষ্ক ইক্ষু দণ্ডের স্বরূপ। তাই ভগবানের স্তব কালে ধ্রুব বলিয়াছিলেন “আপনার পাদপদ্ম ধ্যান অথবা আপনার ভক্তজনের কথা শ্রবণে যে সুখ হয় ব্রহ্ম সাক্ষাৎকারেও তাহা হয় না। যে সকল সাধু পুরুষ আপনার প্রতি ভক্তি করেন তাহাদের সহিত যেন আমার সাহচর্য্য হয়।” ভক্তিসূত্র গ্রন্থে ভক্তি এইরূপ ব্যাখ্যাত হইয়াছে:—“ভক্তি পরানুরক্তিরীশ্বরে” অর্থাৎ ঈশ্বরে ঐকান্তিকী অনুরাগের নাম ভক্তি। যাহাতে সেই ভক্তি অবাভিচারিণী এবং ভগবান প্রতি-নিয়ত বিদ্যমান থাকে ধ্রুব প্রহ্লাদ সেই বরই তাঁহার নিকট প্রার্থনা করিয়াছিলেন। তাঁহার নিৰ্কাণ, সম্পূর্ণ আত্মলোপেচ্ছা করেন নাই। পরম পবিত্র অমৃতময় সেই আনন্দ নদীতে থাকিয়া তাহার জল পানে অনন্ত কাল প্রাপ শীতল করিবার জন্ম ভগবান পাদ মূলে দীন ভাবে প্রার্থী হইয়াছিলেন।

দেবর্ষি নারদ ধ্রুবকে যমুনা তটস্থ মধুবনে যাইতে বলিয়াছিলেন। বলিয়াছিলেন, ভগবান হরি তথায় নিত্য অবস্থিতি করেন। আরও বলিয়া-ছিলেন, ভগবান শ্রীহরি দেবগণ মধ্যে পরম সুন্দর। বাস্তবিক সৌন্দর্য্যই আনন্দের উৎস। যথায় সৌন্দর্য্য নাই তথায় আনন্দ কোথায়? এই জন্ম নাস্তিক শ্রেষ্ঠ জন ষ্টুয়ার্ট মিলও বলিয়াছেন “ঈশ্বরের ভাব অত্যাচ্চ

সৌন্দর্য্যের”। বৈষ্ণবের হরিও সৌন্দর্য্যময়, পরম শোভার ভাণ্ডার। তাঁহার হরি, শ্রাম সুন্দর মদনমোহন। শান্তের শ্রামাও পরম শোভাময়ী, সৌন্দর্য্যের আধার। শ্রামসুন্দর গোকুলে শ্রামা হইয়াছিলেন। অসৎ হইতে সৎ উৎপন্ন হয় না। শ্রামসুন্দর হইতে সমুৎপন্ন শ্রামা সৌন্দর্য্যময়ী ভিন্ন ভয়ঙ্করী হইতে পারেন না। কালীর ধ্যান সুখপ্রসন্নবদনা, স্নেহাননা, হসনুখী ইত্যাদি শব্দ জড়িত। কবিরঞ্জন ভক্তপ্রবর রামপ্রসাদ সেন নৃত্যশালিনী কালী মূর্ত্তিকে লক্ষ্য করত উপসংহারে বলিয়াছেন “মম মানস নৃত্যতি, রূপ কি ধরে নয়নে।” প্রকৃতি স্বরূপা কালী দেবী সৌন্দর্য্যধার বলিয়া, করুণাময়ী আনন্দময়ী এবং দক্ষিণা কালী রূপে উক্ত। আর কালী বরাভয় দাত্রী। কাজেই কালী দেবী শাসনকর্ত্রী বজ্রপাণিনী ভক্ত-হৃদে ভয় সঞ্চারকারিণী নন।

গীতা ও ভাগবত কীর্ত্তিত নিষ্কাম ধর্ম শ্রীগৌরাঙ্গ প্রভু, হৃদে অধিকতর পরিমার্জিত এবং পরিষ্কৃটিত হয়।

মহাপ্রভু মাধুর্য্যরসায়ণে এইরূপ করিয়াছিলেন। জগৎপতি হইয়া ভক্ত ভাবে আপনাকে নারী করনা করত শ্রীকৃষ্ণকে প্রাণনাথ বলিয়া সম্বোধন পূর্বক উন্মত্তের স্থায় ভ্রমণ করিতেন। বলিতেন “হে জীবন শ্রীহরি! আমার প্রাণ মন চুরি করিয়া কোথায় গেলে। এই যে তোমাকে পাইয়াছিলাম, আবার কোথায় লুকাইলে।” কখন কৃষ্ণ কৃষ্ণ বলিয়া রোদন করত বাড়ীর অঙ্গন অশ্রুজল পূর্ণ করিতেন। প্রেমাবেশে প্রভুর মুখে কৃষ্ণ কৃষ্ণ রব সতত বাহির এবং অবিরল ধারায় নয়নজল বিগলিত হইত। কৃষ্ণ কৃষ্ণ বলিয়া কখন হাসিতেন, কখন কাঁদিতেন এবং কখনও বা নৃত্য গীত করিতেন। মধ্যে মধ্যে কঠোর আছাড় খাইতেন কিন্তু কখনও ব্যাথা কি ক্রেশ বোধ করিতেন না। এইরূপে প্রেমের বন্তা আনিয়া শ্রীগৌরাঙ্গ প্রভু জগৎ ভাসাইয়াছিলেন।

শ্রীগৌরাঙ্গ প্রভু আর এক উপায়ে লোককে কৃষ্ণানুরক্ত করিতেন। বলিতেন “তোমরা হরিনাম, কৃষ্ণনাম জপ কর, কলিতে “হরিনাম ভিন্ন জীবের উপায় নাই।” কৃষ্ণ কৃষ্ণ, কৃষ্ণ কৃষ্ণ, কৃষ্ণ কৃষ্ণ, হে কৃষ্ণ কেশব কৃষ্ণ কেশব ত্রাহিমাং এই শ্লোক পাঠ করত প্রভু পথে চলিয়া যাইতেন এবং লোক দেখিলেই “হরি বল” এই কথা বলিতেন। অনেকেই প্রভুর

কথা মত শ্রীনাম জপ করত ধনু হইয়াছিলেন। দেখা গিয়াছে যে শ্রীনামের গুণ মাহাত্ম্য এমনই যে জড় জিহ্বায় মাত্র উচ্চারিত হইয়া ক্রমে কণ্ঠগত হইয়া অবশেষে হৃদয়ে বসিয়া যায়। তখন অভ্যাস বশতঃ নাম জপ ব্যতীত লোকের তৃপ্তি হয় না। পরিণামে নাম জপ এত মধুর হইয়া উঠে যে স্নানাহার ছাড়িয়া সাধক কেবল হরে কৃষ্ণ হরে কৃষ্ণ করিয়া কালান্তিপাত করিতে থাকে। শুককে “রাধা কৃষ্ণ” পড়াইয়া গণিকা পর্য্যন্ত ত্রাণ লাভ করিতে পারে, মীরা বাইএর এই কথাটি নিরর্থক নহে।

এখন পাঠক বোধ হয় বুঝাছেন, যে বৈষ্ণব ধর্ম বিহিত এক শ্রীগৌরান্দ্র প্রভু দ্বারা উপদিষ্ট ঈশ্বর সেবার ঈশ্বর পূজার বিধিই সর্বোৎকৃষ্ট সহজ এবং বিমল প্রেমময়।

শ্রীদীননাথ ধর।

ছুটি ।

আমার ছুটির কিছুই প্রয়োজন ছিল না। যথা সময়ে অর্থাৎ দশ ঘটিকার সময় সুষত্রপাচিত ভক্ষ্য উদরস্থ করিয়া, এই দেহখানিকে চাপকান চোকা পাগড়িতে যথাযত স্মৃশোভিত করিয়া কক্ষস্থলে দৈনিক হাজির হইতাম, আর ভাদ্রের সেই উত্তপ্ত দীর্ঘ বেলাটা আকাশমার্গে ভাসমান সংসার বীতস্পৃহ গৃধীর ছায় এ কামরা ও কামরা করিয়া বেড়াইতাম। তখন বাস্তবিক কিছু অশান্তি বোধ হইত। কিন্তু ইহা ব্যতীত অন্য কোনই কার্য ছিল না। তাই বলিতেছিলাম যে আমার ছুটির কিছুই প্রয়োজন ছিল না। কিন্তু ছুটি যখন হইল তখন ভাবিলাম ইহার সদ্যবহার করিতেই হইবে। বড়লোকে ছুটিতে নানা দেশে বায়ু সেবন করিতে যায়। আমি বড়লোক না হইলেও ইচ্ছা হইল, আমিও কাহ্নুজংসন পর্য্যন্ত হাওয়া খাইতে যাইব। তাহার অধিক দূর পারিব না, গুদ্র হাওয়া ভক্ষণ করিলেই ত চলিবে না—রেল কোম্পানিকেও কিছু দিতে হইবে, তা না হইলে ষ্ট্রীম চলিবে না, আর উদর কোম্পানিকেও কিছু না দিলে পঞ্চ কর্মচারিই একে-বারেই জবাব দিবে। কিন্তু একটু স্বেচছ হওয়াতে আরও দূরে যাইবার সুবিধা ঘটিল।

এই সহরে সত্বৎসর বহুলোক কল্মোপলক্ষে বাস করে। ছুটি হওয়ার ষাটিকাহত বৃক্ষের ছায় এই সহরকে নেড়া মুড়া করিয়া তাহারা স্ব স্ব আবাস-ভূমে চলিয়া গেল। আমিও যথা সময়ে তলুপী লইয়া বাহির হইয়া পড়িলাম। পশ্চিমে আসিয়া একটী সহরে আড্ডা স্থাপন করিলাম। বাঙ্গালী সর্কত্রই আছে। এই সহরেও বিস্তর বাঙ্গালী, অনেকেই সঙ্গতিপন্ন লোক। কিন্তু আশ্চর্যের বিষয় এই যে কাহারও বাটীতে পূজাদি নাই। ইহার দুইটী কারণ হইতে পারে। হয় এই সহরের বাঙ্গালীরা অধিক মার্জিত নীতির ব্যক্তি, দেব দেবীর অকিঞ্চিৎকর উপাসনায় তাহাদের বিগুদ্র চিত্তের স্ফুর্তি হয় না, ধর্মজ্ঞান প্রশস্ত হয় না; নয় তাহারা হিন্দুস্থানীর মধ্যে পড়িয়া নিজ জাতীয়ত্ব হারাইয়াছে। সাহেবদিগের জাতীয়ত্ব বড়ই প্রবল, যেখানে সাহেবের আবাস সেই খানেই তাহাদের জাতীয়ত্বের ভূরি ভূরি লক্ষণ দৃষ্ট হয়। লনটেনিসগ্রাউণ্ড, ক্লাব, ঘোড় দৌড়ের মাঠ, চার্চ আর কত উল্লেখ করিব। এই জাতীয়ত্বের দরুণই ইংরাজ স্বীয় স্বাতন্ত্র্য বজায় রাখে। কিন্তু বাঙ্গালীর জাতীয় ভাব বড়ই দুর্বল। বাঙ্গালী দেশভেদে জাতীয়ত্ব পরিবর্তন করে। যাই হউক এই—সহরে কতিপয় বঙ্গসন্তান মিলিয়া একখানি দুর্গা মূর্তি গড়িয়া পূজা করিয়াছিল। পূজা বাঙ্গালীর জাতীয়ত্বের একটী বিশেষ লক্ষণ। সাকার নিরাকার উপাসনা সম্বন্ধে বহুতর আলোচনা হইয়াছে, আমি তৎসম্বন্ধে কোন মতামত প্রকাশ করিতেছি না। কিন্তু এই কথাটী বলিব যে বাঙ্গালী জাতির যদি কিছু জাতীয়ত্বের লক্ষণ থাকে তাহা পূজা পার্বণে। বিগুদ্র নৈতিক! তুমি যদি এই সকলকে কুমস্কার জ্ঞানে উচ্চ উপাসনার অনুপযুক্ত মনে কর, তাহা হইলে এই সকল পূজা পার্বণকে গরীব সেবী বিগুদ্র আমোদে পরিণত করিতে পার। কিন্তু বাঙ্গালীর এই জাতীয়ত্বের লক্ষণকে ত্যাগ করিও না। আঙ্গুরিক ইংরাজও গির্জায় যায়।

দশমী দিন—ডাক্তার বাবুর গাড়ী চড়িয়া ভাসান দেখিতে গেলাম। রাস্তায় বড় ভিড় হইয়াছিল। আমরা ভিড় ঠেলিয়া ঘাটে আসিয়া দাঁড়াইলাম। জাহ্নবীর কুলে ক্রোশাধিক ব্যাপিয়া সরকারি গুদাম চলিয়াছে, তাহার মধ্যে এই ষাটটী,—অপ্রশস্ত, রাস্তা হইতে অনেক নিম্নে আসিয়া জল স্পর্শ করিয়াছে। একে ষাটটী নিচু, তাহার উপর আবার

গুদামের উচ্চ প্রাচীর, তদগ্রাভ্রে বৃহৎ বৃহৎ বৃক্ষ জন্মিয়াছে, তাহাদের শাখা ঘাটের মাথার উপর ঝুলিয়া পড়িয়াছে। জলের নিকট দাঁড়াইয়া উর্দ্ধে চাহিলে মনে হয় যেন পাতালতলে আসিয়াছি।

আমরা ক্রমে ক্রমে জলের নিকট আসিয়া দাঁড়াইলাম। দেখিলাম সম্মুখে অনন্ত প্রসারিণী ভাগিরথী—বর্ষার প্লাবনে একাকার হইয়াছে; অগাধ বারি দৃষ্টির সীমা অতিক্রম করিয়া ব্যাপ্ত রহিয়াছে। তাহার প্রশস্ত বক্ষে একখানিও তরণী ভাসিতেছে না। কেবল অনন্ত জলস্রোত আকাশস্থলিত নক্ষত্রের ত্রায় বেগে ছুটিতেছে। প্রণয়ের প্রথম উচ্ছ্বাসের ত্রায় সেই খরধারা সম্মুখে যাহা পাইতেছিল তাহাই ভাসাইয়া লইয়া যাইতেছিল। সেই প্রবল আবেগে এখনও আলস্ত ঔদাস্ত আসে নাই, কুল কুল করিয়া কুলের সহিত আলাপ পরিচয় করিয়া নাচিয়া নাচিয়া চলিয়া যাইবার বুদ্ধি এ সময় নহে। বঙ্গদেশের জাহ্নবীর শাস্ত্র মূর্তি যে নিয়তই দেখে তাহার নিকট এই খরধারার ভীষণ মূর্তি এক প্রকার ভীতি মিশ্রিত আনন্দময় বলিয়া অনুভূত হইতে লাগিল। তখন জ্যোৎসনা মিশ্রিত অন্ধকারের ছায়া আসিয়া জল স্থল আবৃত্ত করিয়াছিল। আমাদের পশ্চাতে বহুদূর ব্যাপিণী জনতা,—সেই মানবস্রোত গমনাগমনে তরঙ্গায়ত হইতেছিল, উল্লাসের কল কল ধ্বনিতে গন্তীর গর্জিতোচ্ছল। আর সেই জনতা হইতে ধূমোদগারী মসালদিপীত আলোক রশ্মি আকাশমার্গে সঞ্চারিত হইয়া বৃক্ষচূড়া প্রভৃতিকে স্বর্ণমণ্ডিতের ত্রায় শোভমান করিয়া তুলিয়াছিল। সেই আলোক রশ্মির ভিতরে বহুসংখ্যক শক্তির প্রতিমা। আ মরি! কি চারু শোভা!

বহুসংখ্যক প্রতিমা! এখানে কথাটী একটু খুলিয়া বলতে হইল। হিন্দুস্থানীরা কোথাও প্রতিমা গড়িয়া দুর্গা পূজা করে না। তাহারা অনেক স্থলে শ্রীরামচন্দ্রের লীলা করিয়া থাকে; তাহার মধ্যে দুর্গোৎসব একটা বিশেষ অঙ্গ নহে। বীর জাতি বীরত্বের ক্রীড়া করে, বীরত্বের উৎসব করে। দুর্বল বাঙ্গালী নিরীহ আমোদটুকু গ্রহণ করে। তাই 'রামচন্দ্রের সমস্ত লীলার মধ্যে দুর্গোৎসব বাঙ্গালীর চিত্তকে আকর্ষণ করিয়াছে। পশ্চিমের হিন্দুরা আরও একটা আমোদ করে। তাহারা মুসলমানের সহিত একত্র হইয়া মহরম করিয়া থাকে। এলাহাবাদ, পাটনা প্রভৃতি বড় বড় সহরে অনেক ধনবান হিন্দু

তেজিয়া গড়িয়া মহা ধুমধামের সহিত মহরম করিয়া থাকে। ইহাতে কি বুঝায়?—যে বহুদিন হিন্দু মুসলমান জাতির মধ্যে প্রতিবেশী স্বত্রে একটা দৃঢ় সৌহৃদ্য জন্মিয়াছিল, যে সৌহৃদ্যবলে হিন্দু মুসলমানে এক হইয়া আমোদ করিতে পারে। ইংরাজকৃত ইতিহাস আমরা জন্মাবধি পড়িতেছি, তাহা হইতেই জানিয়াছি যে মুসলম নের পক্ষপাতী শাসনে হিন্দু প্রজারা জর্জরিত হইয়াছিল, এবং সহদয় নিরপেক্ষ ইংরাজ শাসন যদি ধীরে ধীরে স্বপ্রভাব বিস্তার করিয়া অত্যাচারী মুসলমানদিগকে সিংহাসন হইতে বিচ্যুৎ না করিত তাহা হইলে মুমূর্ষ হিন্দু জাতি এতদিনে ইতিহাসের পৃষ্ঠা হইতে লুপ্ত হইত। কিন্তু যখন দেখি যে পশ্চিমাঞ্চলের তেজস্বী হিন্দু ধর্মোন্মাদী মুসলমানের সহিত একত্রে মুসলমান ধর্ম উৎসবে মাতিয়া উঠে তখন আমাদের সেই বাল্যপঠিত ইতিহাসের বিগুহ সত্যতা সম্বন্ধে কেমন একটা সংশয় জন্মায়। শতাব্দিক বৎসরের অধিক হইল, ইংরাজের সূশাসনে ভারত সুসভ্য হইয়া উঠিয়াছে, ইংরাজের নিরপেক্ষ শাসনে হিন্দু মুসলমান সমান সুখী। এমন সূশাসন ও সভ্যতার মধ্যে হঠাৎ হিন্দু মুসলমানের সেই পুরাতন সৌহৃদ্য স্বত্র ছিন্ন হইল কেন? কেন আজ উদ্ধত মুসলমান হিন্দুর ধর্ম প্রাণে আঘাত করিতে উদ্যত হইয়াছে। কেনই বা হিন্দু মুসলমানের মহরম ছাড়িয়া তাহাদের ধর্মোচরণের প্রতিবন্ধকতা করিয়া গৃহ বিবাদের বিষম যীজ ভারতের ভবিষ্য ভাগ্যক্ষেত্রে রোপিত করিতেছে। এত দিনের উদার শিক্ষার পর হঠাৎ এই প্রবল ধর্মোচ্ছ্বাসের কারণ কি? কে এই দারুণ নমস্তার অন্তঃচ্ছেদ করিবে? সত্যের ইতিহাস কবে লিখিত হইবে?

এই সহরের হিন্দুস্থানী এ বৎসর মহরমে যোগ দিবে না সঙ্কল্প করিয়াছে। তাই তাহারা বাঙ্গালীর দেখা দেখি দুর্গা প্রতিমা গড়িয়া পূজা করিয়াছে। আমোদ করিবার জন্য হিন্দুস্থানীদের পূজা। কেহ কেহ দুর্গার প্রতিমা না গড়িয়া কালীর মূর্তি গড়িয়াছে। ভাসানে প্রায় শতাব্দিক প্রতিমা আসিয়াছিল, তাহার মধ্যে বিস্তর কালী মূর্তি ছিল। গঠনের কোন সৌন্দর্য্য নাই। সাজ সজ্জার আধিক্য আছে, পারিপাট্য নাই। শুনিলাম অনেক দেবীই পূজা পর্য্যন্তও পান নাই। পাঠক আর একটা কথা শুনিলে বিশ্বাস করিবেন কি? পূজার সময় নাকি পুলিশের মহাপুরুষেরা একটা

ফরম লইয়া যেখানে যেখানে পূজা হইয়াছিল সেইখানে সেইখানে গিয়া লিখিয়া লইয়াছে যে এ পূজা কাহার, নূতন না পুরাতন, এই পল্লীর মুসলমানেরা ইহাতে সন্তুষ্ট কি অসন্তুষ্ট! বাঙ্গালীর বারারি পূজাস্থলেও ঐরূপ জুলুম হইয়াছিল। কিন্তু জনৈক ব্যক্তি সংবাদ পত্রে ঐ কথা প্রচার করিব বলায় শান্তির (?) অনুচরবর্গ সরিয়া পড়েন।

কিন্তু আমার এই পলিটিকস তত্ত্বের প্রয়োজন? ভাসানের কথা বলিতে ছিলাম, সেই কথাই বলি। এক এক খানি প্রতিমা আসিতে ছিল, সঙ্গে ক্ষুদ্র ক্ষুদ্র বাদকের দল। বঙ্গদেশে ঢোলের ও কাঁসির অসংলগ্ন কর্কশ বাদ্য শুনিয়া কণ্ঠ যেমন পীড়িত হয় এখানে সেরূপ নয়। এখানে ফুট বংশী বাদিত হইতেছিল। বিদায়ের সেই মৃদু বিষাদময়ী গীতি আমরা! কি কোমল, কি মর্ম্মস্পর্শী! বংশী যেন বিদায়ের অসহ যন্ত্রণায় মরমে মরমে গুমরিয়া ফোঁপাইয়া ফোঁপাইয়া কাঁদিয়া উঠিতেছিল। বুঝি দর্শক-দিগকেও সেইরূপ আকুল করিয়া কাঁদাইতেছিল। ঐ নিঃস্রীব নিঃশব্দ একখণ্ড কাষ্ঠের এমন কি শক্তি যে এই সুসংস্কারে মার্জিত অঁটা সঁটা প্রাণটাকেও দ্রবীভূত করিতেছিল। উহার স্বর আশায় এত মিষ্ট লাগে কেন? ওহো বুঝিয়াছি, ঐ কাষ্ঠখণ্ড এখন আর নিঃস্রীব নিঃশব্দ কাষ্ঠখণ্ড নয়। উহা যে গায়কের আবেগপূর্ণ প্রাণের ঐন্দ্রজালিক স্পর্শে সজীবতা লাভ করিয়াছে, তাই আপনি কাঁদিয়া প্রাণের উচ্ছ্বাস আমার প্রাণের ভিতরে ঢালিয়া দিতেছে। এখন বুঝিলাম জড়ে অজড়ে কি স্মৃষ্টি অবিচ্ছিন্ন সম্বন্ধ! ইহাই ত পৌত্তলিকতা।

প্রতিমা বিসর্জিত হইল। আলোও আসিয়াছিলাম, অন্ধকারে ফিরিলাম, হাঁসি প্রাণে আসিয়াছিলাম, বিষাদ মনে ফিরিলাম। বাটীতে সিদ্ধি মুখ করিয়া মৌলিক প্রথানুসারে যথাযথ প্রণাম নমস্কার আলিঙ্গন করিয়া হৃদয়তা করিলাম।

এখন, বিসুদ্ধ নৈতিক! তুমি আমাকে কুসংস্কারক বলিয়া ঘৃণা করিতে পার, অনন্ত শক্তিকে শাস্ত ও সীমাবদ্ধ করিয়াছি বলিয়া ক্রুদ্ধ হইতে পার, কিন্তু ভাই এস, আজ এই মধুর মিলনের দিন, তোমায় আমায় প্রাণে প্রাণে মিশাইয়া 'শান্তের' বিশ্বব্যাপী 'অনন্তত্বের' শিক্ষা দেই। শ্রীদ

মৃত্যু।

শিশির-শীতলা, ভূরি পরিমলা,
সুবাস-সুলভা, সহাস মুখী,
প্রকৃতি-ললাম ফুল কুল রাণী
পত্রাবগুণ্ঠনে বদন ঢাকি,—
সুনীল আকাশে, তারা চেয়ে চেয়ে,
রজনীর কোলে মাথাটি রাখি,—
আই যে ঘুমায়ে,——ঘুমন্তে হাসিছে
পবন-হিল্লোলে হেলায়ে আঁখি;—
হায় কি বিচিত্র এ বিধি বিধির,
তারো হাসি মাঝে,—সুখান্তরালে—
মরণের বীজ প্রচ্ছন্ন নিহিত!
হাসিছে,—অচিরে মরিবে বলে।

* * *
বসন্ত আগমে বনস্পতিশিরে
শ্রামল বিকচ উজ্জ্বল অতি
কত অগণিত পত্র উপজিত,—
নববাসাবৃত প্রকৃতি সতী।

সঙ্গে সঙ্গে নানা ফুলের সস্তার,—
সুন্দর সুর্য্যাম চারুভূষণ—
আনি ঋতুপতি দেন পরাইয়া,
গায় পিক অলি, নাচে খঞ্জন।

ক'দিনের তরে কিন্তু এ সুষমা?
নিদাঘ-নিশ্বাসে শুকায় ফুল,
গায় না কোকিল, নীরব ভ্রমর,
শিশির-পরশে ঝরে মুকুল।

* * *

এ পরিবর্তন নয়-কি মরণ ?
শাস্ত্রত সৃষ্টির অভিব্যক্তিবৎ
ষড়ঋতু ঘোরে কালচক্র পথে,
জন্মে, মরে,—তাই চলিছে জগৎ ।

* * *

অই যে স্ববির শতবর্ষ বয়স,
স্তিমিত চৈতন্য, জঁরাজারিত,
অপগত স্মৃতি, বল বিরহিত,
পরমুখাপেক্ষী, শিশুর মত ;—

মরে নাই আজো—যে বলে, সে মূঢ়,—
মরিতে মরিতে এ দশা তার ।

‘কল্যেয়’-মৃত্যুতে ‘অদ্যেয়’ জনম
‘অদ্য’ মরে’ কল্য আসে আবার ।

* * *

শত বর্ষ পূর্বে ছিল এ স্ববির
হেন দস্তহীন অক্ষুটভাষী ;—
কিন্তু, তখন তাহার ও মুখ মণ্ডলে
খেলিত স্বর্গীয় স্মৃতিষ্ট হাসি ।

জননী উহার কতনা আদরে
চুষিতেন চাকু নিটোল মুখে ;
আধ আধ বাণী অমৃত-সিঞ্চিত
গুনিয়া তুলিয়া নিতেন বুক ।

‘শৈশব’ মরিলে, ‘কৈশোর’ আসিলে,
কত খেলেছে সবয়া সনে ।

‘কৈশোর’—মরণে, নবীন যৌবনে,
কত নবভাব পুষেছে মনে ।

কত না সুন্দরী রূপের মাধুরী
হেরে বিমোহিত হ’ত তখন,

কত রঙ্গ রসে, হাত্ত পরিহাসে
কেটেছে সুখের গত-জীবন ।

‘যৌবন’ মরিলে, প্রবীণে সাজিয়া,
বিতরেছে কত ‘সহপদেয়’ ;

একে একে শেষে খসেছে দশন,—
পেকেছে, পড়েছে মাথার কেশ ।

‘প্রৌঢ়ত্ব’ মৃত্যুতে এ দশা বার্কিক্যে,
তদন্তে শৈশব আসিবে আশু ।

শুধু শেষের মৃত্যুকে মৃত্যু বলে লোকে,
কিন্তু, ভেদাভাব দেখে তত্ব-জিজ্ঞাসু ।

কায়া-বিনিময় শুধু মৃত্যু নয়,
দশান্তর প্রাপ্তি মৃত্যু লক্ষণ ;—

দিনে দিনে দেহী, প্রতি পলে পলে,
পূর্বভাব ত্যাজি, — হয় নূতন ।

যথা আলো-ছায়া, অনল-অনিল,
জোছনা যামিনী, — চির দোসর, —

জীবন মরণে তেমনি মিলনে ;—
না ম’লে, নবতা না লভে নর ।

মরিতে মরিতে মিলন অমৃতে ;
অমৃত লভিতে যে পথে গতি,

রেখেছেন তাহে দূরত্ব জানা’তে,
মৃত্যু-কাষ্ঠদণ্ড* জগতের পতি ।

শ্রীউপেন্দ্রনাথ কাঞ্জিলাস ।

হিন্দু তীর্থ ।

ওঁ কারনাথ ।

মধ্য প্রদেশের অন্তর্গত নিমার অথবা খাণ্ডোয়া জেলার মধ্যে মান্দাতা নামক একটি স্থান আছে। ওঁ কারনাথ সেই মান্দাতার নিকট নন্দাদা

*Mile-Post.

নদীর অপর পারে অবস্থিত। খাণ্ডোয়া হইতে ওঁকারনাথ যাইতে হইলে হোলকার ষ্টেট রেলওয়ে যাইয়া নর্মদা নদীর তীরবর্তী খেঁড়িঘাট নামক একটা ষ্টেশনে নামিতে হয়। সেই ষ্টেশন হইতে ওঁকারনাথ ৭ মাইল। খেঁড়িঘাট হইতে ওঁকারনাথ যাইবার বেশ পাকা রাস্তা আছে, যাওয়া আসার জন্ত গরুর গাড়ীও পাওয়া যায়।

খেঁড়িঘাটে নর্মদা তীরে একটা বাঙ্গালী ব্রহ্মচারী আছেন, তাঁহার বয়স প্রায় ৬০ বৎসর হইবে। তাঁহার সহিত কথাবার্তায় জানিলাম যে তিনি প্রায় ২৫ বৎসর হইল ঐ অঞ্চলে আছেন। ৩। ৪ বৎসর হইল তিনি খেঁড়িঘাটে নর্মদার তীরে একটা ধর্মশালা প্রস্তুত করিয়া সেখানে বাস করিতেছেন। সাধু সামন্ত বা অল্প কোন আগন্তুক তথায় উপস্থিত হইলে তিনি তাঁহাদিগকে আহাতি দিয়া সেবা করিয়া থাকেন। ব্রহ্মচারী মহাশয় নিজের আশ্রমে কোন প্রকার দেবতার মূর্তি প্রতিষ্ঠা করেন নাই ও তাঁহার আবশ্যকতাও স্বীকার করেন না, প্রণবাণি মন্ত্র জপ করিয়া থাকেন। ব্রহ্মচারীজীর খুব দয়ালু প্রকৃতি, নানা প্রকার কঠিন পীড়ার ঔষধাদি জানেন এবং তদ্বারা সে দেশের অনেক লোকের উপকার করিয়া থাকেন। একজন সেদেশীয় ধনী বণিককে কোন কঠিন পীড়া হইতে আরোগ্য করায় সেই বণিক তাঁহাকে বহু টাকা খরচ করিয়া এই সুন্দর আশ্রমটী প্রস্তুত করিয়া দিয়াছেন। ব্রহ্মচারীজীর জন্মস্থান এই হুগলী জেলাতে, ব্রাহ্মণের সন্তান। নাম ধামাদি বিশেষ করিয়া জিজ্ঞাসায় কহিলেন যে এখন আর সে পরিচয় দিবার ইচ্ছা করি না।

এই ব্রহ্মচারীজী কহিলেন যে ওঁকার নামে ওঁকারনাথ নামক একটা মহাদেব আছেন কিন্তু সেই মহাদেবের নামানুসারে ওঁকারনাথের নাম ওঁকারনাথ হয় নাই, ওঁকারনাথ ঐ পাহাড়ের নাম। বাস্তবিক আমি ঐ পাহাড়ের চারি দিক ঘুরিয়া বিশেষরূপে পর্যবেক্ষণ করিয়া দেখিয়াছি যে পাহাড়টির আকার ও গঠন কতকটা ওঁ এর মত।

এই ওঁ আকৃতি পাহাড়টির দৈর্ঘ্য প্রায় দুই মাইল, প্রস্থে সিকি মাইল ও উচ্চ প্রায় ১০০০ হাজার ফিট হইবে। ইহার সম্মুখ দিয়া পূর্ববাহিনী নর্মদা নদী গন্তীর শব্দ করিতে করিতে অতি খরতর বেগে প্রবাহিত হইতেছে এবং এই পাহাড়ের মস্তকদেশ হইতে নর্মদার একটা শাখা

বহির্গত হইয়া (এই শাখাকে স্থানীয় অধিবাসীরা কাবেরী কহে) পাহাড়টীকে বেঠন করিয়া আনাব পাহাড়ের পাদদেশে মূল নদীর সহিত মিলিত হইয়াছে। ইহাতে পাহাড়টীকে একটা দ্বীপের মত দেখা যায়।

এই পাহাড়ের উপরে উঠিলে চতুর্দিকের প্রাকৃতিক দৃশ্য অতি সুন্দর দেখায়। সেই স্থানের চতুর্দিকেই পাহাড়। নর্মদা নদীর উভয় কূল আমাদের দেশের নদীর বাঁধের মত মস্তক উন্নত করিয়া শোভা পাইতেছে। ইহাতে উক্ত স্থানের সৌন্দর্য্য ও গাম্ভীর্য্য সাধকের প্রাণে বিশেষ ভাবে প্রবেশ করিয়া সেই অনন্ত বিশ্ব নিস্মিতা মহান পুরুষকে স্মরণ করাইয়া দেয়। সেই জন্তই বোধ হয় এই স্থান হিন্দু সাধকদিগের একটা পবিত্র তীর্থ বলিয়া নির্দিষ্ট হইয়াছে।

এই পাহাড়ের পাদদেশে একটা ছোট ফুহরের মত বাজার আছে, সেই বাজারের মধ্যস্থলে ওঁকারনাথ নামক মহাদেবের মন্দির। এই মহাদেব দর্শনের জন্ত নানা দেশ হইতে হিন্দুতীর্থ যাত্রীগণ আসিয়া মহাদেব দর্শন ও তাঁহার পূজাদি দিয়া থাকেন। এ দেশের লোকেরা শ্রাবণ মাসকে খুব পুণ্য মাস মনে করেন, সেই জন্ত এই মাসে এখানে যাত্রীগণের অত্যন্ত ভীড় হইয়া থাকে। অধিক পুণ্য লাভের প্রত্যাশায় এই স্থানে অনেক সামন্ত শ্রাবণ মাস বাস করিয়া থাকেন।

এই ক্ষুদ্র বাজারের পূর্দিকে কিছু দূরে ঐ পাহাড়ের মধ্যদেশে কয়েকটা গুহা আছে তাহাতে কয়েকজন সাধু বাস করিয়া থাকেন। এই অল্প সংখ্যক সাধুদের এক এক জন এক সম্প্রদায় ভুক্ত, সকলের গুহাতেই দেব দেবীর মূর্তি আছে এবং প্রায় সকলেই গাঁজা ভাঙ্গা দি খাইয়া থাকেন।

এইরূপ একটা গুহাতে তথায় মোনী বাবা বলিয়া খ্যাত আমার একটা শ্রদ্ধেয় ব্রাহ্ম বন্ধু সাধু প্যারিলাল ঘোষ মহাশয় থাকেন। তিনি কোন প্রকার নেশাদি করেন না এবং তাঁহার গুহাতে কোন দেব দেবীরও মূর্তি নাই। আমি তাঁহার গুহাতেই কয়েক সপ্তাহ ছিলাম।

প্যারিলাল এই ওঁকারনাথ আসিবার পূর্বে চিত্রকূটের একটা গুহাতে (১১০) দেড় বৎসর ছিলেন, তাহার পর প্রায় (৩১০) সাড়ে তিন বৎসর হইল

ওঁকারনাথে আসিয়াছেন। (এখানে বলা আবশ্যিক যে ১ বৎসর ৪ মাস গত হইল অর্থাৎ গত বৎসর শ্রাবণ ও ভাদ্র মাসের কয়েক দিন পর্য্যন্ত আমি তাঁহার গুহাতে একত্রে ছিলাম) এই ওঁকারনাথে আসিয়া তিনি সাধনের কঠোরতা এতদূর বৃদ্ধি করিয়াছেন যে দেখিলে আশ্চর্য্য হইতে হয়। তাঁহার কঠোর বৈরাগ্য ও সাধন ভজন দেখিয়া আমার মহাত্মা বুদ্ধদেবের কথা স্মরণ হইত, বাস্তবিক তাঁহার বৈরাগ্য ও সাধন দেখিলে তাঁহাকে দ্বিতীয় বুদ্ধদেব বলিয়া বোধ হয়। তিনি বঙ্গ দেশের কোন মাইনর স্কুলের হেড মাস্টার ছিলেন, ইংরাজী ও বাঙ্গালা লেখা পড়া বৈশিষ্ট্য জানেন। তাঁহার স্ত্রী নাই কিন্তু একটা কন্যা আছে এবং ভ্রাতা ভগ্নি প্রভৃতি আত্মীয় স্বজন অনেকেই আছেন। তিনি এই সকলের মায়া ও সাংসারিক সুখাভিলাষ তুচ্ছ করিয়া ভগবানকে পাইবার উদ্দেশে এই স্থানে কঠোর সাধনাতে প্রবৃত্ত হইয়াছেন। তাঁহার সাধনের নিয়ম এই,—তিনি ভোরে উঠিয়া শৌচাদি করিয়া একটা বিশেষ আসনে বসিয়া ধ্যানে নিমগ্ন হন, তাহার পর মধ্যাহ্ন সময়ে ১০।১৫ মিনিটের জন্ত একবার উঠিয়া স্নানাদি করিয়া আবার ধ্যানে নিমগ্ন হন। ঠিক সন্ধ্যার পূর্বে উঠিয়া এক পোয়া আন্দাজ ছুধু ও কিঞ্চিৎ বেলপত্র বাটা আহার করিয়া পুনরায় ঘণ্টা খানেক বাদে সাধনাতে নিযুক্ত হন। রাত্রে দুই তিন ঘণ্টা মাত্র নিদ্রা যান, কোন কোন দিন আরও কম নিদ্রা যান বলিয়া বোধ হয়। এইরূপে তিনি আহার নিদ্রা পরিত্যাগ করিয়া কঠোর সাধনাতে নিযুক্ত আছেন। কিন্তু অতি সামান্য মাত্র ছুধু পান করেন বলিয়া তাঁহার শরীর অত্যন্ত শীর্ণ হইয়া গিয়াছে। এত শীর্ণ হইয়া গিয়াছেন যে দেখিলে একটা মাংসহীন কঙ্কালদেহ একখানি পাতলা চশ্মে আবৃত রহিয়াছে বলিয়া বোধ হয়। ইহাতে স্থানীয় অন্যান্য সাধুগণ অত্যন্ত দুঃখিত, তাঁহারা আমাকে কহিলেন যে “আহার না করিলে শরীর কখনও থাকিবে না, তুমি আহার করিবার জন্ত মৌনী বাবাকে বিশেষ ভাবে বল ও গীতার বচন উদ্ধৃত করিয়া দেখাও।” বাস্তবিক আমিও প্যারি বাবুর শরীরের অবস্থা দেখিয়া আহার বৃদ্ধির জন্ত বিশেষ অনুরোধ করিয়াছিলাম, তদন্তরে তিনি লিখিয়া বলিয়াছিলেন যে “ঈশ্বরের আদেশে বাধ্য হইয়া আমাকে আহার ত্যাগ করিতে হইয়াছে, আমি ইচ্ছা করিয়া

আহার ত্যাগ করি নাই, তিনি আদেশ করিলে পুনরায় আহার বৃদ্ধি করিব। আমি আসিবার সময় দেখিয়া আসিয়াছি তিনি ছুধুর পরিমাণ কিছু বৃদ্ধি করিয়াছেন। তিনি বাক্য বন্ধ করিয়া আছেন বলিয়া সেখানে তাঁহাকে মৌনী বাবা বলিয়া সকলে অভিহিত করেন। আমার সহিত তাঁহার লেখা লেখি দ্বারা সাধন ভজন সম্বন্ধীয় কিছু কিছু কথা হইত।

তিনি এখন যোগ সাধন করেন, কোন মানুষ গুরুর নিকট কোন দিন কোন উপদেশ লাভ করেন নাই। কিন্তু তিনি ইহাও বলিয়াছেন যে যদিও তিনি এ পর্য্যন্ত কোন মানুষ গুরু স্বীকার করেন নাই বা সাধন ভজন সম্বন্ধীয় কোন কথা এ পর্য্যন্ত কোন মানুষকে জিজ্ঞাসা করেন নাই বটে, কিন্তু স্মৃদ্ধদেহারী আত্মাগণ তাঁহার নিকট উপস্থিত হইয়া সাধনাদি সম্বন্ধে তাঁহাকে উপদেশাদি দিয়া থাকেন। প্রশ্ন করিয়া জানিয়াছি যে মহাত্মা শঙ্কর অর্থাৎ মহাদেব তাঁহাকে বিশেষ ভাবে উপদেশাদি দেন। মহাদেবকে তিনি একজন খুব বড় যোগী পুরুষ মনে করেন ও মানবাত্মা যে শ্রেণীর আত্মা মহাদেব সে শ্রেণীর আত্মা নহেন কিন্তু মানবাত্মা হইতে উন্নত আর এক শ্রেণীর আত্মা বলিয়া বিশ্বাস করেন।

তাঁহার সাধনাদি সম্বন্ধে প্রশ্ন করায় যে সমস্ত কথা আমাকে লিখিয়া জানাইতেন তাহা আমার নিকট আছে, পাঠকদিগের গোচরার্থ তাহার কোন কোন স্থল উদ্ধৃত করিয়া দিতেছি। “কাহারও নিকট কোন দিন কিছু জিজ্ঞাসা করি নাই, কেবল ভগবানের নিকট কাঁদিয়াছি, তিনি বাধ্য করিয়া আসন প্রাণায়াম মনসংযম করিয়া দিয়াছেন। অদ্য কয়েক দিন হইল দেখিতেছি আর নিদ্রার প্রয়োজন নাই। কারণ নিদ্রা গেলেই এমন এক প্রকার অনুভূতি হয় যাহাতে যোগের নাশ হয়। এক কথায় ভগবান জীবন্ত জাগ্রত, যে তাঁহার শিশু সন্তান হইতে পারে তাহার অন্তর বাহিরে কোন অভাব থাকে না।” আর এক স্থানে—“কি বলিব এই অহংকারের বিনাশ জন্ত কি যাতনা না আমি পাইয়াছি। এইরূপ দিন গিয়াছে এই স্থানে পড়িয়া যাতনায় ছটফট করিয়াছি। * * * এক কথায় আমি একবার বিকলাঙ্গ হইয়া গিয়াছিলাম। সমস্ত কেবদানী ছাড়িয়া দিয়া যতই পিতার চরণে আত্ম সমর্পণ করিতে পিতা দিতেছেন ততই দিন দিন যেন পিতা আমাকে উচ্চ হইতে উচ্চতর রাজ্যে উঠাইয়া

লইতেছেন। কিন্তু শিশু হওয়া সহজ ব্যাপার নয়, তাঁহার অপার রূপা ভিন্ন এই প্রকার হয় না। * * * এ সকল বলিবার সময় নাই। জাগ্রত জীবন্ত পিতার কথা, যদি কখন পিতার আদেশ গ্রহণ করিতে পারি প্রতিদ্বারে বলিব। এখন দয়াময়ের রূপায় আমি। আমি আর ইহলোকবাসী নয় পরলোকবাসী। আমি পিতার চরণে ডুবিয়া রহিয়াছি।” আর একস্থানে “যেমন, চিত্ত এবং যুদ্ধিকে তোমরা জ্ঞান বলিয়া থাক, তাহা জ্ঞান নয়। জ্ঞান আত্মার স্বাভাবিক সম্পত্তি। এই তিনের বিনাশ আছে জ্ঞানের কখন কোন অবস্থায় বিনাশ নাই। এই তিন জাতীয় গুণ। জ্ঞান ভগবানের অপার রূপায় উৎপন্ন হয়।” ইত্যাদি, তাঁহার এই সমস্ত উক্তিতে চিন্তাশীল ও সাধনশীল পাঠকগণ তাঁহার ধর্মজীবনের ও সাধন ভজনের গভীরতা কতদূর তাহা অনায়াসে বুঝিতে পারিতেছেন।

প্যারি বাবুর বর্তমানে পৃথিবীর সহিত কোন সম্বন্ধ নাই, আমি এতদিন তাঁহার গুহাতে ছিলাম কিন্তু আমাকে আমাদের সমাজ সম্বন্ধে কি কলিকাতায়, কি তাঁহার ভ্রাতা ভগ্নি বা বন্ধু বান্ধব প্রভৃতির কাহারও কোন কথা কোন দিন জিজ্ঞাসাও করেন নাই। কেবল একমনে সর্বদাই ধ্যানে নিমগ্ন আছেন। আমি মাঝে মাঝে তাঁহার সহিত যে সাধন ভজন সম্বন্ধীয় কথা কহিতাম শেষে তাহাও তিনি ঠেঁচা করিতেন না। একদিন স্পষ্ট লিখিয়া দিলেন যে “ভাই! আমার সময় এখন বড় অমূল্য, এখন আমার একরূপ অবস্থা যে ধর্মালোচনা বা ধর্মগ্রন্থ পাঠ ইত্যাদি করাকেও সময় নষ্ট বলিয়া বোধ হয়, সুতরাং এখন এ সমস্ত কথা বলিবার সময় নাই, যদি ভগবান কখন দিন দেন, তবে তাঁহার করুণার কথা দ্বারে দ্বারে বলিব।”

এখানকার সকল লোকেই ইঁহাকে খুব বড় মহাপুরুষ বলিয়া মনে করেন। স্থানীয় গুহাবাসী সাধুরা আমাকে বলিয়াছেন যে “আমরা অনেক সাধু দেখিয়াছি কিন্তু এমন সাধনাতে নিমগ্ন কোন সাধুকে কখনও দেখি নাই।” সাধারণ লোকের ত কথাই নাই, তাহারা সকলে এই মৌনী বাবার দর্শন প্রত্যাশী হইয়া গুহা দ্বারে বসিয়া থাকে, সকালে সন্ধ্যায় যখন শৌচাদির জন্ত মৌনী বাবা বহির্গত হন তখন তাহারা ইঁহাকে দর্শনও প্রণাম করিয়া আপনাদিগকে মহা পূর্ণাবান মনে করে। বিশেষ একাদশীর

দিন বহু সংখ্যক লোক বেলা ৪টা হইতে ইঁহার গুহা দ্বারে বসিয়া থাকে, সন্ধ্যার প্রাক্কালে ইনি বাহির হইলে ইঁহাকে দর্শন করিয়া যাইয়া জল গ্রহণ করিবে।

এখন একজন স্থানীয় শেঠ (মহাজন) মৌনী বাবার সেবাদি করিয়া থাকেন। মৌনী বাবার প্রতি এই শেঠের এতদূর শ্রদ্ধা ও ভক্তি যে এক দিন শেঠ কথায় কথায় আমাকে বলিয়াছিলেন যে “আমি মৌনীর জন্ত নিজের জীবন পর্যন্ত দিতে পারি।” এই শেঠের সংসারিক অবস্থা পূর্বে অত্যন্ত খারাপ ছিল, ইনি মাসে মাসে মৌনী বাবাকে আহারাদি দ্বারায় তুষ্ট করিতেন। ক্রমে ক্রমে এখন সেই শেঠের সাংসারিক অবস্থার এত উন্নতি হইয়াছে যে তিনি তথাকার লোকের মধ্যে একজন গণ্য মান্য লোক হইয়া দাঁড়াইয়াছেন। সাধারণের বিশ্বাস এবং সেই শেঠেরও বিশ্বাস যে মৌনী বাবার রূপাতেই তাহার অবস্থা ফিরিয়া গিয়াছে। এই শেঠ প্যারি বাবুর গুহাটিকে ১০০। ১৫০ টাকা খরচ করিয়া সুন্দর করিয়া প্রস্তুত করিয়া দিয়াছেন এবং একজন ব্রাহ্মণ নিযুক্ত করিয়া দিয়াছেন যে সে গুহাদি পরিষ্কার করে এবং ছুফ ও বেলপত্র প্রভৃতি মৌনী বাবার আবশ্যকীয় সমস্ত আনিয়া দেয়।

আমি এই মৌনী বাবার গুহাতে পাঁচ সপ্তাহ ছিলাম। ঐ শেঠই আমাকে অযাচিত ভাবে প্রত্যহ বেলা ২।৩ টার সময় উক্ত ব্রাহ্মণের দ্বারায় ডাল রুটী পাঠাইয়া দিতেন, আমি তাহাই পরম সুখে আহার করিতাম। আমি আর নিজের কি লিখিব, এক কথায় এখানে ভগবানের রূপায় আমি আমার অভিপ্সিত বিষয় লাভ করিয়া কৃতার্থ হইয়া, অগ্রান্ত স্থান ভ্রমণ করিতে বহির্গত হই। প্রবন্ধ দীর্ঘ হইয়া পড়িল, পাঠকগণ হয়ত বিরক্ত হইতে পারেন সুতরাং অদ্য এই স্থানে ইতি। ‘শ্রীকুঞ্জবিহারী সেন।

সুধাময়ী।

(উপন্যাস)

(পূর্ব প্রকাশিতের পর।)

সুধাময়ীর দিনও চলিয়া যাইতেছে। দুঃখের দিনও চলিয়া যায় বটে, কিন্তু সকলকার দিন যেমন করিয়া চলিয়া যায়, দুঃখের দিন তেমন করিয়া

যায় না। তুমি কাষ শেষ করিবার সময় পাও না, ছুঃখী সময় শেষ করিবার কাষ পায় না। তোমার মূর্ত্ত, পল, দণ্ড কখন আসে কখন যায়, তাহা তুমি জানিতেই পার না, কিন্তু ছুঃখীর পল, দণ্ড, মূর্ত্ত তাহার চক্ষের মণির উপর দিয়া যাতায়াত করে, তাহাদের প্রতি পদক্ষেপে তাহার হৃদয়-পঞ্জর ভাঙ্গিয়া যায়। সময় যে অনন্ত, কালের গতি যে ভীষণ কালের কার্য যে সর্ববিধবংশী, তাহা এ সংসারে যে ছুঃখী, সেই কতক অনুভব করিতে পারে, যে সুখী সে কালের কোন পরিচয়ই রাখে না।

সুধাময়ীর দৈনিক কার্য বিশেষ কিছুই ছিল না। দক্ষিণপাড়ায় তাহাকে সংসারের সকল কার্যই করিতে হইত। তবে ক্ষুদ্র সংসারের ক্ষুদ্র কাষ। একজন পরিচারিকাও ছিল। আপন কার্য করিয়া সুধাময়ীর অবসর বিস্তর থাকিত। সে অবসর কালে সুধাময়ী মূর্ত্তি নির্মাণ কার্যে ব্যাপ্ত থাকিত, এবং সে কার্যে পরিশ্রান্ত হইলে, তাহার শ্রামা পাখীটি লইয়া বসিত, কখন সাহিত্য আলোচনা করিত, কখনও বা বৃক্ষলতাদির পর্যবেক্ষণ করিত। আজ সুধার সে মূর্ত্তি নির্মাণ কার্যও নাই, তাহার সে প্রিয় গ্রন্থগুলিও নাই, তাহার সাধের সে পাখীটিও নাই, স্বহস্ত রোপিত সে তরু লতাও নাই। যে সুরম্য অট্টালিকায়, মনোরম উদ্যানে সুধা আজ বাস করিতেছে, তাহাতে আনন্দকর অনেক বস্তুই রহিয়াছে, কিন্তু তাহার আনন্দ-প্রস্রবণের মুখে পাষণ চাপা পড়িয়াছে, সেই জানে যে সুধা আজ এই আনন্দ পুরীতেও কেন এত উদাসীনা। সুধাময়ী সর্বদাই একাকিনী গৃহচূড়ে শূন্যদৃষ্টে বসিয়া থাকে।

প্রায় এক পক্ষ অতীত হইল সুধা পিতার কোন সমাচার পায় নাই, ললিতকুমারেরও কোন সংবাদ জ্ঞাত হয় নাই। ললিতের জন্ম তাহার তত চিন্তা নাই, বৃদ্ধ পিতার জন্মই সুধা অধিকতর কাতর হইয়াছে। তাহার অভিভাবিকা ব্রাহ্মণ কন্তাকে, পরিচারিকাকে, ও তাহাকে সঙ্গে করিয়া মুরশিদাবাদ লইয়া যাইবার জন্ম সকাতরে বারংবার অনুন্নয় করিয়াছে, কিন্তু কেহ সম্মত হয় নাই। তাহারাও সুধার প্রতি দিন দিন বীতস্পৃহ হইতেছে। সুধার সে বিষয়ে লক্ষ্য করিবার অবসর ছিল না। কিন্তু অতঃপর উপস্থিত থাকিলে ব্রাহ্মণ কন্তা ও পরিচারকের ভাবান্তর সহজেই লক্ষ্য করিত। সিদ্ধেশ্বরী তাহাদের যে পাথেয় দিয়াছিলেন, তাহা

দিন দিন স্বল্প হইয়া আসিতেছে। নিঃশেষ হইবার বিলম্ব অধিকও নাই। জায় এক পক্ষ, কি দিন কুড়ি চলিবে, তাহার পর তাহারা নিঃসম্বল হইবে, তখন তাহারা সুধাকে লইয়া কি করিবে এ চিন্তা এখন সর্বদাই তাহাদের মনে উদয় হইতেছে। ব্রাহ্মণকন্তা ও পরিচারক এখন প্রায় প্রতিদিন গোপনে সেই সেই বিষয়ের কথাবার্তা কহে। সুধা তাহা জানে না। ব্রাহ্মণকন্তা পরিচারককে একবার একবার সিদ্ধেশ্বরীর সন্মানে দক্ষিণ পাড়ায় যাইতে বলে, পরিচারক বলে সে তথায় যাইলে আর সহজে আসিতে পারিবে না। তাহারও ঘরসংসার আছে। সে সপ্তগ্রামে আর অধিক দিন থাকিতে পারিবে না, সপ্তাহকালের মধ্যে যদি সিদ্ধেশ্বরী কোন উপায় না করেন, তবে সে চলিয়া যাইবে। ব্রাহ্মণকন্তা বলেন, পরিচারক চলিয়া গেলে তিনিও চলিয়া যাইবেন। সুধার কি হইবে তাহা পরিচারক ভাবে না, কিন্তু ব্রাহ্মণকন্তা তাহা ভাবেন। একদিন দুইজনে এই বিষয় অনেকক্ষণ ধরিয়া পরামর্শ করিল যে, সিদ্ধেশ্বরী নিশ্চয়ই দক্ষিণ পাড়ায় নাই, তিনি তথায় থাকিলে, অবশ্যই সুধার একটা কিছু উপায় করিতেন। হয় তাঁর কোন বিপদ ঘটয়াছে, নয় তিনি স্থানান্তরে গিয়া কোন কার্যে আবদ্ধ আছেন। নয় তাঁহার কাল হইয়াছে। যদি শেষের অনুমানই সত্য হয়, তাহা হইলে সুধার পিতার নিকট যাওয়া ব্যতীত আর ত কোন উপায়ই নাই। কিন্তু কে লইয়া যাইবে, সম্বল কই? শেষে দুজনে পরামর্শ করিয়া স্থির করিল, পরিচারকের দক্ষিণ পাড়ায় যাওয়াই কর্তব্য। যদি তথায় সুধার পিতার সন্ধান পায় ত ভালই, নতুবা গোপনে ললিতকুমারকে সুধার অবস্থার কথা জ্ঞাত করিবে। ললিত যদি সম্বল কোন উপায় না করে, তবে পরিচারক আর একবার আসিয়া ব্রাহ্মণকন্তাকে লইয়া যাইবে। সুধাকে সপ্তগ্রামের কোন গৃহস্থের বাটীতে পরিচারিকা স্বরূপ রাখিয়া যাইবে। ব্রাহ্মণকন্তার কয়েকজন প্রতিবেশীর সহিত বিশেষ পরিচয়ও হইয়াছিল, সুধার সহিতও তাহাদের কতক পরিচয় হইয়াছিল, কিন্তু সুধার প্রকৃত পরিচয় কেহই অবগত নহেন।

এইরূপ পরামর্শ স্থির করিয়া, পরিচারকের দক্ষিণ পাড়া যাইবার পূর্বেদিন ব্রাহ্মণকন্তা সুধাকে বলিল, “মুকুন্দ একবার দক্ষিণ পাড়া যাবার জন্ম ব্যস্ত হয়েচে, এর ঘরসংসার আছে, কোন খপবই পায়নি, উচারদিনের

জন্ম যেতে চায়। তা যাক, শীঘ্র আসতে বোলে দিছি, অমনি তোমার বাবার সখাদ নিয়ে আসবে। তা তুমি বাচ্চা লিখতে পড়তে জান, চিঠি পত্র যদি কিছু লিখতে চাও, ত লিখে দেও।” সুধাময়ীর হৃদয়ের অন্ধকারে সহসা আলোক ফুটিয়া উঠিল, বিষণ্ণ মুখ ঈষদ্ প্রফুল্ল হইল, আগ্রহের সহিত বলিল, “ওদের বাড়ী থেকে আমায় একটু কাগজ কলম কালী এনে দাও গো।” ব্রাহ্মণকন্যা উপাদান আনিয়া দিলেন। সুধাময়ী পত্র লিখিতে বসিলেন। পিতাকে লিখিলেন:—

বাবা, আমি সপ্তগ্রামে রাজা মণিমোহনের পত্নিত বাড়ীতে রহিয়াছি। সিন্ধেশ্বরী আমার এখানে পাঠাইয়াছেন। আপনি কোথায় জানি না, আপনার কাছে বাইবার জন্ম আমার প্রাণ অস্থির হইতেছে। আমার সঙ্গে লোকেরা আমায় দক্ষিণ পাড়ায় বাইতে দিবে না, মুরসিদাবাদেও লইয়া বাইতে চাহে না। তাহারা আমার শত্রুতা কি মিত্রতা করিতেছে, তাহা আমি জানি না, আমার বোধ হয়, তাহারা আমার শত্রু নহে, আমাকে এখানে খুব যত্ন করিতেছে।

আপনার স্নেহের কথা,

সুধা।

পিতাকে পত্র লেখা সমাপ্ত হইলে, ললিতকে একখানি পত্র লিখিতে ইচ্ছা হইল। আবার ভাবিল, “না, তাঁহাকে পত্র লিখিব না—আমার জন্ম তাঁহাকে তাঁহার পিতার নিকট না জানি কত তিরস্কার কত লাঞ্ছনাই ভোগ করিতে হইয়াছে, তাহাতে তাঁহার কত ক্রেশ হইয়াছে! তিনি এত দিনে অবশ্যই স্থির করিয়াছেন যে আমি গৃহদাহে ভস্ম হইয়াছি। আমার জন্ম তাঁহার কষ্ট হইয়াছে বৈকি, কষ্ট খুবই পাইয়াছেন, হয় ত এখনো সে কষ্ট ভুলিতে পারেন নাই। হয় ত? তবে কি তিনি আমায় ভুলিয়া যাইবেন? সেই ত ভাল, তিনি আমায় ভুলিলেই ত তাঁর মঙ্গল। তা ত জানি, কিন্তু আমার প্রাণ কেঁদে ওঠে কেন? না, তিনি এ হতভাগিনীকে ভুলিয়া যান, আমিই তাঁর যত অনিষ্ঠ, যত অমঙ্গলের হেতু, আমার কথা আর তাঁকে স্মরণ করিয়ে দেবো না। কিন্তু আমার দশা কি হইবে? আমি যে তাঁকে দেখিতে না পাইলে বাঁচিব না। নাই বাঁচিলাম, কি এত সুখের জীবন! সুখের বৈকি, “তিনি আমার” এ সুখ যে আমার বুকে

ধরে না, এ সুখ রাখিবার স্থান যে আমি খুঁজিয়া পাই না। এত আপনার লোককে কি না দেখিয়া থাকা যায়!, কি করিয়া তাঁহাকে দেখিব। বাবা আসিলে ত আমায় আর দক্ষিণপাড়ায় লইয়া যাইবেন না, সেখানে বাইবার আর উপায়ও নাই। তবে তাঁকে কেমন করিয়া দেখিব! নাই দেখিলাম, যেখানেই থাকি, তাঁর সংবাদ লইব, তিনি সুখ স্বচ্ছন্দে আছেন সেই কথা শুনিয়া জীবন ধারণ করিব। ইহার অধিক আশা করিবার আমি কে? তিনি আমায় পত্নী বলিয়া গ্রহণ করিয়াছেন, আমার এই হাত তাঁর স্পর্শে পবিত্র হইয়াছে, আমার এই দেহ তাঁর প্রেমদৃষ্টিতে বিশুদ্ধ হইয়াছে, আমার নাম তাঁর স্নেহ সন্তাষণে সার্থক হইয়াছে, তিনি তাঁহার অপার্থিব হৃদয়ে আমায় স্থান দিয়াছেন তাহাতেই আমার জীবন সফল হইয়াছে! আর কামনা কিসের, কিসের আর কামনা? ইহার অধিক সুখ নারী জীবনে আর কি আছে? দেখুচি এ হৃদয়ের ছবি ত মুছিব না, সেইখানে তাঁহাকে অনুক্ষণ ত দেখিতেছি। বাহিরের চক্ষু দিয়াই নাই দেখিলাম, প্রাণের চক্ষু দিয়া ত সদা সর্লক্ষণ দেখিতেছি। কিন্তু আমাকে দেখিলে যে তিনি সুখী হইবেন—তাত বটে। তিনি যে বড় সুখী হইবেন। ছার আমি, আমাকে দেখিয়া তাঁর এত সুখ—আমি তাঁর সে সুখের বিপ্ন করিতেছি। আমি কি তাঁর দেখিবার যোগ্য? আমি তাঁর দাসীর দাসী হইবার উপযুক্ত নহি, সেই আমাকে দেখে তিনি সুখী হবেন, আর আমি সেই সুখে বাধা দিতেছি! আমি কি নিষ্ঠুর!” এইরূপ চিন্তা করিতে করিতে সুধাময়ী ললিত কুমারকে একখানি পত্র লেখাই স্থির করিলেন। কলম হাতে লইল—কি লিখিবে—কেমন করিয়া পত্র আরম্ভ করিবে—কি বলিয়া সম্বোধন করিবে—তাহাই ভাবিতে লাগিল। শেষে ভাবিল “ছি! আমি আমার তাঁকে লিখিব? আমি কি লিখিতে জানি যে তাঁকে পত্র লিখিব! তাঁর বিদ্যার গৌরবে দেশ পুরিয়া উঠিয়াছে—তাঁর কাছে আমার এ ছাই ভঙ্গ কোন্ মুখে পাঠাইব! না পত্র লিখিব না। মকুন্দ তাঁর সঙ্গে দেখা করিয়া আমার কথা বলিবে, তাহা হইলেই তিনি যাহা ভাল বোঝেন তাই করিবেন।” আবার ভাবিল, তাঁকে ত পূর্বে পত্র লিখিয়াছি, বাবার কাজের জন্ম কতবার যে তাঁকে পত্র লিখিয়াছি, আজ কেন লজ্জা করি? আমার হাতের লেখা দেখিয়াও ত তিনি সুখী হইবেন, সে সুখে তাঁকে

বঞ্চিত করি কেন? আমার কাছে তাঁর সুখ হইবে ইহাতে নিজেকে ভাগ্যবতী না ভাবিয়া আবার সঙ্কুচিত হইতেছি, ধিক আমাকে!” সুধা আবার কলম তুলিয়া লইয়া পত্র লিখিতে আরম্ভ করিল।

দেব,

এ হতভাগিনীকে আর আপনার স্মরণ করাইয়া দিতে ইচ্ছা হয় না। অভাগিনীর জন্ম না জানি আপনাকে কত লাঞ্ছনাই ভোগ করিতে হইয়াছে, কত ক্লেশই পাইয়াছেন। কিন্তু তবু মনে হয়, আমার জন্ম বড় কাতর হইয়াছেন, তাই এ পত্র লিখিতেছি।

আমার এমনি অদৃষ্ট যে, যে মুখ দেখিলে আপনার সকল কষ্ট দূর হইত, সে মুখ আপনাকে একবারে দেখাইতে পারিতেছি না। দক্ষিণ পাড়ায় যাইবার আমার আর উপায় নাই। আমার গৃহদাহের পূর্বে সিদ্ধেশ্বরী আমায় গৃহে বহিস্কৃত করিয়া আনিয়া ছিলেন, আমার সংজ্ঞাহীন অবস্থায় আমায় সপ্তগ্রামের রাজা মণিমোহনের পরিত্যক্ত বাটীতে পাঠাইয়া দিয়াছিলেন, আমি এখন সেই খানেই আছি। সঙ্গে একজন ব্রাহ্মণকণ্ঠ আর একজন পরিচারক আছে। সেই পরিচারক এই পত্রবাহক।

পিতার এখনো কোন সংবাদই পাই নাই। সে জন্ম যেক্রপ উৎকণ্ঠিত হইয়া আছি তাহা আপনি সহজেই বুঝিবেন। আপনি যদি তাঁহার কোন সংবাদ পাইয়া থাকেন তবে আমাকে জানাইয়া প্রাণদান করিবেন। পিতার সংবাদ না পাইলে আমি এ ভাবে এখানে তিষ্ঠিতে পারিব না, আমার এ বিপদে উপদেশ দিবার উপযুক্ত লোকও কেহ নাই। আমার দশা কি হইবে।

আপনার দাসী,
সুধা।

সুধাময়ী পরিচারককে ডাকিয়া যেখানি পিতাকে দিতে হইবে দেখাইয়া দিল, অন্তথানি বাবুদের বাড়ীর বড় বাবুকে গোপনে দিতে বলিল। ভৃত্য চলিয়া গেলে সুধাময়ী ভূতল শয়্যার পড়িয়া কাঁদিতে লাগিল। ললিত কুমারের কাছে তাহার হস্তাক্ষর যাইতেছে—সে যাইতে পারিল না, এই মনে হইতে লাগিল—আর সুধা কাঁদিতে লাগিল।

নবম পরিচ্ছেদ ।

মুরসিদাবাদ হইতে নিয়োগ পত্র আসিবার দুই এক দিবস পরেই ললিত কুমার স্থির করিলেন, সপ্তগ্রামে রাজা মণিমোহনের বাটীতেই অনাথ আশ্রম প্রতিষ্ঠা করিবেন। তদ্বিষয়ে পিতার পরামর্শ জিজ্ঞাসা করিলেন।

রত্নেশ্বর কহিলেন, আমার বিবেচনায় দক্ষিণ পাড়াতেই “অনাথ আশ্রম” স্থাপন করা কর্তব্য। বাটী প্রস্তুত করিতে অর্থ ব্যয় হইবে সত্য, কিন্তু বিপুল ঐশ্বর্য—অর্থের অনাটন ত নাই। বিশেষত তুমি গৃহে থাকিয়াই সর্বদা তত্ত্বাবধারণ করিতে পারিবে। আর এক কথা, দক্ষিণ পাড়ায় সেইরূপ একটা অতীথশালা স্থাপিত হইলে, গ্রামেরও গৌরব খুব বৃদ্ধি হইবে, এবং তোমাদের আধিপত্য বিস্তারও প্রচুর হইবে। অতএব আমার পরামর্শ শুন, এইখানেই “অনাথ আশ্রম” স্থাপন কর।

ললিতকুমার কহিলেন বাবা, আপনি এরূপ অহুমতি করিবেন না। সুধার আপন বাসস্থান থাকিতে, ভিন্ন গ্রামে কেন তাঁর কীর্তি স্থাপিত হ'বে। সপ্তগ্রামে রাজা মণিমোহনের নাম লুপ্তপ্রায় হইতেছে,—সেখানে সুধাময়ীর অনাথ আশ্রম হইলে তাঁহার বংশের গৌরব রক্ষা হইবে। দক্ষিণ পাড়া সুধাময়ীর প্রতি যেক্রপ নিষ্ঠুরতা, অত্যাচার প্রদর্শন করিয়াছে, তাহাতে দক্ষিণপাড়া সুধাময়ীর বদাচুতা লাভ করিবার উপযুক্ত স্থানও নহে। বোধ হয় নবাবও এ স্থান অহুমোদন করিবেন না।

রত্নেশ্বর। কেন, দক্ষিণপাড়া সুধার প্রতি কি অত্যাচার করিয়াছে? এখানে মাধব চট্টোপাধ্যায় যেক্রপ অবস্থায় ছিল, যেক্রপ কার্য করিত, তাহার উপযুক্ত ব্যবহারই দক্ষিণপাড়াবাসীরা তাহাদের প্রতি প্রদর্শন করিয়াছিল। দক্ষিণপাড়াবাসীরা ত আর অন্তর্যামী নহে, যে তাহারা বুঝিবে, সুধাময়ী রাজা মণিমোহনের কন্যা, আর মাধব তাঁহার মন্ত্রী। সে পরিচয় দিতে মাধবকে কে নিষেধ করিয়াছিল? সে পরিচয় পাইলে, আমিই ত তাহাদের মাথায় করিয়া রাখিতাম।

ললিত। বাবা, আপনার সহিত সে বিষয়ে তর্ক করা আমার উচিত নহে। আমি নিজের কথা বলিতেছি, দরিদ্র বলিয়া মানুষকে স্নেহ মায়া দিয়া বঞ্চিত করিতে নাই, লোকে নীচ কি ভদ্র তাহা তাহাদের আচরণেই

বুঝা যায়। মাধব চট্টোপাধ্যায় ও সূধাময়ী উভয়ের আচরণেই এমন একটু মহত্ব দেখা যাইত, যে তাহা লক্ষ্য করিলেই, তাহাদের সম্ভ্রান্ত বংশীয় বলিয়া বোধ হইত। সে যাহা হউক, এক্ষণে আপনি অনুমতি দেন, আমি সম্ভ্রান্তে গিয়া অনাথ-আশ্রম স্থাপন করিয়া আসি।

রত্নেশ্বর। তুমি তবে, বাপ, মা, ভাই, ঘর দোর ছেড়ে সম্ভ্রান্তেই বাস করতে চলে ?

ললিত। সেখানে বাস করিব কেন ? সম্প্রতি গিয়া আবশ্যকীয় বন্দোবস্ত করিয়া আসিব, পরে মধ্যে মধ্যে গিয়া তত্ত্বাবধান করিব।

রত্নেশ্বর। তবেই হইল, তুমি উহাদের ব্যাপার লইয়াই উন্নত রহিলে কোন লাভ নাই, অথচ পরের ব্যাগার খাটিয়া সময় নষ্ট করিবে। তোমার নিজের উপার্জন করিবার বয়স হইয়াছে, সে চিন্তা তুমি একবারও কর না। উপার্জন করা দূরে থাক, আমার যে বিষয় সম্পত্তি রহিয়াছে তাহাও যথেষ্ট— তাহার দিকে মনোযোগ করিলে, বিষয় আশয়ের উন্নতি হয়, সে দিকেও তোমার কিছুমাত্র লক্ষ্য নাই। আমিও বৃদ্ধ হইতে চলিলাম, আমি আর কতদিন খুটিতে পারিব ? আমি গেলে এ বিষয় রক্ষা করিবে কে ?

ললিত। মোহিত করিবে। মোহিত আপনার নিকট বৈষয়িক ব্যাপার অতি উত্তমরূপে শিখিয়াছে।

রত্নেশ্বর। মোহিত খাটিবে, বিষয় আশয় রক্ষা করিবে, আর তুমি পায়ের উপর পা দিয়া বসিয়া থাকিবে, আর বাবুগিরি করিবে, ক্যামন ? মোহিত জমীদারীর আন্দ সন্দি সব বুঝিয়া লইয়াছে, তা জান ? তুমি সে সব কিছুই শেখ নাই। ও মনে করিলে তোমায় সব ফাঁকি দিতে পারে, তা জান ?

ললিত। সহোদর ভাই, যদি বিষয়ের জন্ত ভাইকে ফাঁকি দেয় ত তেমন বিবরে আমার প্রয়োজন নাই।

রত্নেশ্বর। পেট চলিবে কি করে ?

ললিত বলিতে যাইতেছিলেন, যে সূধার অনাথ-আশ্রমে তাহার অন্ন জুটবে, কিন্তু পিতার সমক্ষে সে কথা বলিতে পারিলেন না। বলিলেন—

আমার উদরান্ন আমি করিয়া লইব।

রত্নেশ্বর। তবু পৈতৃক বিষয় কর্ম দেখিবে না ? দেখ, ললিত তুমি

চিরদিনই আমার অবাধ্য। আমি তোমার প্রতি বড়ই অপ্রসন্ন। এখনও যদি, আমার কথা রাখ, তবে শোন, রাজা মণিমোহনের বিষয়াদির এক্ষণে ওয়ারিসন নাই, বলিতে গেলে তুমিই সে বিষয়ের সর্কেসর্কা। নবাব সরকারে উহার হিসাব কেতাব কিছুই দিতে হইবে না। মনে করিলে, কালে, সে সমস্ত বিষয়ই আমাদের সম্পত্তি করিয়া লইতে পারা যায়। তোমার সে বুদ্ধি নাই। এইখানে অনাথ-আশ্রম কর, আমার পরামর্শ মত কাজ কর। পরে বুঝিবে কেন এরূপ করিতে বলিতেছি। মোহিত এ সকল বেশ বোঝে, তুমি না পার মোহিতকে তত্ত্বাবধারক করে দেও।

ললিত পিতার কথা শুনিতে শুনিতে শিহরিয়া উঠিলেন। বলিলেন, পিতা, আমি আপনার এ কথা ভুলিয়া যাইব, মনে করিব আপনার মুখ হইতে এরূপ কথা কখন নির্গত হয় নাই। সূধাময়ীর সম্পত্তির এক কপর্দকও অতীথ সেবা ব্যতীত অল্প কোন কার্যে ব্যয়িত হইবে না, ইহা আমার দৃঢ় প্রতিজ্ঞা। এজন্ত যদি আমায় আপনার বিরাগভাজন হইতে হয়, তাহাতেও আমি প্রস্তুত রহিলাম।

রত্নেশ্বর। আমিও প্রতিজ্ঞা করিলাম, আমার বিষয়ের এক কপর্দকও তোমায় দিব না। দুই এক দিনের মধ্যেই উইল করিব, আমার সমস্ত বিষয়াদি, এমন কি বাস্তব ভিটা পর্যন্ত সকলি মোহিতকে লিখিয়া দিব। দেখি, তোমার অহঙ্কার চূর্ণ হয় কি না।

এই বলিয়া রত্নেশ্বর সে স্থান পরিত্যাগ করিয়া চলিয়া গেলেন। ললিতকুমার ক্ষণকাল অধোবদনে বসিয়া রহিলেন, শেষে দীর্ঘ নিশ্বাস ত্যাগ করিয়া আপন কক্ষে গমন করিলেন। এবং খাজাজিকে ডাকিয়া সম্ভ্রান্তে পাঠাইবার জন্ত একজন উপযুক্ত কর্মচারী স্থির করিলেন। কর্মচারী উপস্থিত হইলে তাহাকে বলিলে “আগামী কল্য টাকা কড়ি লোক জন লইয়া তুমি সম্ভ্রান্তের রাজা মণিমোহনের বসত বাটীতে যাইবে। সে বাটী কি অবস্থায় আছে জানি না। যদি অল্প কেহ তথায় বাস করে, রাজা মণিমোহনের সম্পর্কীয় কেহ না হইলে, তাহাদের সে বাটী ত্যাগ করিতে বলিবে। রাজার সম্পর্কীয় কেহ হইলে, তাহার জন্ত উপযুক্ত বাসস্থান প্রস্তুত করিয়া দিবে। রাজা মণিমোহনের বাটীতে অনাথ আশ্রম হইবে। আমি গিয়া অনাথ আশ্রম প্রতিষ্ঠা করিব। এক্ষণে তুমি

আবশ্যকীয় আয়োজন সমস্ত প্রস্তুত করিয়া রাখগে। বাড়ী পরিষ্কার করা, জঙ্গল সাফ করা ইত্যাদি যেন আমি যাইবার আগেই হইয়া যায়। আর এক কথা—কোন উপযুক্ত কারিকর দ্বারা একখান বড় শ্বেত প্রস্তর ফলকে “সুধাময়ীর আশ্রম” এই কয়টি কথা বড় বড় অক্ষরে লিখাইয়া রাখিও, কারিকর যেন উপস্থিত থাকে। আমি পৌঁছিলে তাহাকে বিদায় করা হইবে।

এই বলিয়া, ললিত কুমার সে কর্মচারীকে যথেষ্ট অর্থ দিয়া বিদায় করিলেন এবং বলিয়া দিলেন যে তিনি সপ্তাহের মধ্যে সপ্তগ্রামে উপস্থিত হইবেন।

আবশ্যকীয় দ্রব্যাদি সংগ্রহ করিতে কর্মচারীর দিন দুই বিলম্ব হইবে জানিয়া, কর্মচারী কয়েকজন নগ্দী নিযুক্ত করিয়া, পর দিন প্রত্যুষেই সপ্তগ্রামে প্রেরণ করিলেন। তাঁহাদের প্রতি যেরূপ আদেশ দিলেন, তাহারাও যে সে আদেশের অতিরিক্ত কার্য করিল, তাহা পাঠক অবগুই বুঝিয়াছেন। সপ্তগ্রামে রাজা মণিমোহনের প্রাসাদের নিকটবর্তী হইয়াই, তাহারা লোকের প্রতি অত্যাচার আরম্ভ করিল, গাছ পালা কাটিতে লাগিল, লাফালাফি, চিংকার বিষম গুণ্ণগোল তুলিল। সেই দিন প্রত্যুষে সুধাময়ীর পরিচারক তাঁহার পত্র লইয়া দক্ষিণপাড়ায় গিয়াছে। সুধাময়ী শূন্যদৃষ্টে সান্নিধ্য প্রাসাদ চূড়ে বসিয়া ছিল। দূরে কোলাহল শুনিয়া সেই দিকে দৃষ্টি করিল। এমন সময় ব্রাহ্মণকণ্ঠাও কোলাহল শুনিয়া সুধার নিকটে উপস্থিত হইল। উভয়েই শুনিল, কোলাহলকারীরা বলিতেছে, “রাজা মণিমোহনের বাটী দখল করিতে যাইতোছ।” পাশ্চাত্য লোকেরা জিজ্ঞাসা করিতেছে “কে দখল করিতেছে।” নগ্দীরা বলিতেছে, “যাহার টাকা আছে সেই দখল করিতেছে, রত্নেশ্বর বাবু রত্নেশ্বর বাবু আর কে? অত টাকা আর কার আছে?”

ব্রাহ্মণ কণ্ঠা সজল নেত্রে সুধাময়ীর হস্ত ধারণ করিয়া তাঁহাকে বলিলেন—“আর মা, এ বাড়ীতে আর থাকি নয়, উহারে আমাদের দেখিলেই উপদ্রব করিবে, এই বেলা পলাই চ।”

সুধাময়ী দীর্ঘ নিশ্বাস ত্যাগ করিয়া গাত্রোত্থান করিল। ব্রাহ্মণকণ্ঠা তাহার হস্ত ধারণ করিয়া খিড়কির দ্বার দিয়া রাজা মণিমোহনের প্রাসাদ হইতে বিহগত হইল। নিরাশ্রয় সুধাময়ী আজ অকূল সমুদ্রে ভাসিলেন।

পূর্ণিমা

মাসিক পত্রিকা ও সমালোচনী।

সূচী।

(প্রবন্ধের মতামতের জন্ত লেখকগণ দায়ী।)

বিষয়।	পৃষ্ঠা।
১। মধুময়ী গীতা (পদ্য) (শ্রীকুমারনাথ মুখোপাধ্যায়)	... ২৫৭
২। ছুইটী মুসলমান রমণী (শ্রীযোগেশচন্দ্র মিত্র)	... ২৬১
৩। মৃত্যু ও মৃত্যু ভয় (শ্রীদীননাথ ধর, বি, এল)	... ২৬৯
৪। ১লা জানুয়ারি—১৮৯৫ (ঐ)	... ২৭৪
৫। প্রফুল্ল (উপন্যাস) (শ্রীদঃ)	... ২৭৬
৬। সাধন (পদ্য) (শ্রীহেম)	... ২৮৬
৭। প্রাপ্ত গ্রন্থের সংক্ষিপ্ত সমালোচনা	... ২৮৭

ছপালী,

সাবিত্রী যন্ত্রে শ্রীহরিদাস পাল দ্বারা

মুদ্রিত ও প্রকাশিত।

পৌষ—১৩০১।

বিজ্ঞাপন।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিদ্য ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিকা যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ম ইহার অগ্রিম বার্ষিক মূল্য মায় ডাক মাসুল ১ এক টাকা মাত্র ধার্য হইল। ইহাতে ৮ পেঞ্জী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। এরূপ মূল্যের পত্রিকা গজ মফঃস্বল হইতে এ পর্য্যন্ত বাহির হয় নাই। এই পত্রিকা সম্বন্ধে বিকল্প পত্র, প্রবন্ধ, মূল্যের টাকা, সমালোচনার জন্ত পুস্তক প্রভৃতি যাবৎ কবিষয় আমার নিকট পাঠাইতে হইবে, এবং আলিখিলে সে সম্বন্ধে জ্ঞাতব্য বিষয় সকলে জানিতে পারিবেন। অগ্রিম মূল্যের স্থাপনাদি ইহাতে প্রকাশিত হইবে।

শ্রীযত্ননাথ কাজিলাল
কার্য্যাধ্যক্ষ।
হুগলী।

বিজ্ঞাপন।

হুগলীর চকে সাবিত্রী যন্ত্র নামে একটি ছাপাখানা স্থাপিত হইয়াছে। ইহাতে বাঙ্গালা ইংরাজী বহু প্রকার নূতন অক্ষর আছে এবং কলিকাতার দরে পুস্তকাদি ছাপান হইতেছে। বিশেষ সুবিধা এই, গ্রন্থকার ইচ্ছা করিলে, প্রকৃত সংশোধনের ভার রীতিমত লওয়া হইয়া থাকে। চিত্রিত্র চেক দাখিল প্রভৃতি সর্ব প্রকার জবওয়ার্ক মূল্যে স্বল্প সময়ের মধ্যে ছাপান হইয়া থাকে। আমাকে লিখিলে বিশেষ বিবরণ সকলে জানিতে পারিবেন।

শ্রীযত্ননাথ কাজিলাল
ম্যানেজার।
হুগলী।

পূর্ণিমা।

মাসিক পত্রিকা ও সমালোচনী।

২য় ভাগ।

পৌষ, সন ১৩০১ সাল।

৯ম সংখ্যা।

মধুসূদনী গীতা।

দ্বিতীয় অধ্যায়—সাংখ্য যোগ।

(পূর্ব প্রকাশিতের পর।)

শত্রুকুল নিন্দা করি সামর্থ্য ভোমার
কহিবে অবাচ্য! দুঃখ কিবা আছে আর? ৩৬
পৃথিবী ভুঞ্জিবে যদি জয়ী হও রণে,
অথবা কোন্তের ভূমি ভাবি দেখ মনে,
স্বর্গলাভ ধর্মযুদ্ধে যায় যদি প্রাণ!
নিঃসন্দেহে ধনঞ্জয় ধর ধলুকরণ। ৩৭
সুখ দুঃখ লাভালাভ জয় পরাজয়
সম ভাবি যুদ্ধ কর, নাহি পাপ ভয়। ৩৮
কহিহু যা' আত্মতত্ত্ব। করহে শ্রবণ
কর্মযোগ, যাহে হবে বিমুক্ত বন্ধন। ৩৯
কর্ম যোগারম্ভ কল ফলিবে নিশ্চয়,
বিলম্ব নাই, স্বল্প মাত্রে পরিভ্রাণ হই। ৪০
ব্যবসায়িক বুদ্ধি হয় ত একান্ত,
অব্যবসায়ীর বুদ্ধি বহুধা অনন্ত। ৪১
হে পার্থ বেদার্থবাদে পরিতুষ্ট মন,

“অনুভব আর নাই” বলে যেই জন,
 স্বর্গ পরায়ণ মূঢ়, কামনার ভাগী,
 জন্ম কর্ম ফলপ্রদ ভোগৈশ্বর্যা লাগি,
 আপাততঃ রমণীয় বিষয়তা মত
 স্বর্গাদি ফলের কথা শুনি বিমোহিত
 হয় যারা, তাহাদের পুন ধনঞ্জয়
 কামনা চঞ্চলা বুদ্ধি সমাধি না পায়! ৪২, ৩৩, ৪৪,
 সকাম সাধক যারা পায় কর্মফল;
 ষেদের ব্যবস্থা এই—কামনা কেবল।
 অর্জুন, নিষ্কাম হও, স্মৃথ দুঃখাদিতে
 দ্বন্দ্বহীন সমভাব। সর্ব অবস্থাতে
 সর্ব গুণাশ্রিত হও; পাও নাট যাহা,
 ব্যাকুল হ’য়না আর লভিবারে তাহা।
 আছে যা, থাকুক তাহা;—না থাকে, কি হ’বে?—
 প্রমত্ত হ’য় না পার্থ কিছুতেই হবে। ৪৫
 বর্ষা জলে মাঠ ঘাট প্লাবিত যখন,
 সানাত্ন গর্ভের জলে কিবা প্রয়োজন?—
 সেইরূপ ব্রাহ্মণের ব্রহ্মজ্ঞানোদয়
 হইলে, সমস্ত বেদ অকর্মণ্য হয়। ৪৬
 কর্মে তব অধিকার, নহে কর্মফলে;
 ফলাগী হ’য় না, কর্ম কর সর্বকালে। ৪৭
 ছাড়িয়া কর্তৃত্ব বুদ্ধি সিদ্ধি অসিদ্ধিতে
 সমভাবে কর্ম কর, থাকিয়া যোগেতে।
 “ননত্ব”ই যোগ নামে উক্ত ধনঞ্জয়; ৪৮
 এক বুদ্ধি কর্মযোগ সর্বশ্রেষ্ঠ হয়।
 জ্ঞানপ্রায়ে কর্মযোগ কর অনুষ্ঠান;
 কিম্বা ঈশ্বরেতে দিয়া দেহ মন প্রাণ
 বুদ্ধিযোগে রত হও; ফল কামী যারা
 স্বার্থপর, এ সংসারে নীচ মতি তারা! ৪৯

পাপ পুণ্য ভাগ করে একনিষ্ঠ জন;
 কর্ম কুশলতা যোগ, যোগে দেহ মন। ৫০
 বুদ্ধিযুক্ত মনীষিরা ফল নাহি চান,—
 জন্মবন্ধ মুক্ত হন, যোগ্যপদ পান। ৫১
 তব বুদ্ধি মোহতর্গ ছাড়িবে যখন,
 শ্রোতব্য শ্রুতার্থে হবে বিরাগ তখন। ৫২
 লৌকিক বৈদিক কথা শুনিতে শুনিতে
 বিক্ষিপ্ত ভোমার বুদ্ধি; পুনঃ ঈশ্বরেতে
 অভ্যাসে হইবে স্থির; এক নিষ্ঠমন
 হইলে যোগের তত্ত্ব জানিবে তখন। ৫৩

অর্জুন কহিলেন:—

হে কেশব, যোগস্থিত স্থিত প্রজ্ঞজন
 কেমন, কহতা শুনি; কি তাঁর লক্ষণ? ৫৪

ভগবান কহিলেন:—

আপনাতে পরিতুষ্ট যেজন আপনি,
 সমস্ত কামনা ছাড়ি, স্থিতপ্রজ্ঞ তিনি। ৫৫
 দুঃখেতে উদ্বেগ শূন্য, স্পৃহাশূন্য স্মৃথে,
 নীরাগ, স্থিতধী বলে নির্ভয় মুনিকে। ৫৬
 সর্বত্র মমতা শূন্য, শুভাশুভ যত
 সমজ্ঞান যার, তাঁর বুদ্ধি প্রতিষ্ঠিত। ৫৭
 ইন্দ্রিয়াকর্ষণে সদা ক্ষমাবান যিনি
 কূর্মের অঙ্গের মত, স্থির বুদ্ধি তিনি। ৫৮
 ইন্দ্রিয়ের কার্যা নাই,—জিতেজ্জির জানে
 অভিমানী অজ্ঞজন বিষয় গ্রহণে
 কেবল নিবৃত্ত থাকে, ভোগ অভিলাষ
 থাকে মনে গুপ্তভাবে না হয় বিনাশ!
 কিহু সেই পরমাশ্রা করিয়া দর্শন
 ভোগ বাঞ্ছাপূর্ণ হয় স্থিত প্রজ্ঞ মন। ৫৯

যত্নশীল মোক্ষার্থীয়ে বল করি ধরি,
 তুরন্ত ইঞ্জিয়গণ মন করে চুরি ! ৬০
 ইঞ্জিয় সংযম করি মহাবোগী বত
 অবপিত, তাঁহাদের প্রজ্ঞা প্রতিষ্ঠিত । ৬১
 বিষয়ে ভাবনা যার আসক্ত সে হয় ;
 আসক্তিতে অচিরাৎ কামনা উদয় ;
 কামনাতে ক্রোধ জন্মে যেই বাধা পায় ; ৬২
 ক্রোধে মোহ ; মোহে ভ্রম ; ভ্রমে বুদ্ধি যায় ;
 বুদ্ধি নাশে তুল্য হয় জীবন মরণ ! ৬৩
 “সংযত ইঞ্জিয়-ভোগ” শান্তির সদন । ৬৪
 সর্প দুঃখ যার হ’লে চিত্তপ্রসাদন ;
 স্থির বুদ্ধি হয় শীঘ্র সুপ্রসন্ন মন । ৬৫
 জিতেঞ্জিয় নহে যে, সে আত্ম বুদ্ধি হারা,
 আত্মগাম শূন্য সেই ; ধ্যান শূন্য যা’রা,
 তাহাদের শান্তিলাভ আশা করা বৃথা !
 শান্তিহীন হৃদয়ের দুঃখ আশে কোথা ? ৬৬
 সমুদ্রে তুফান তুলি প্রচণ্ড পনন
 যেমতি ডুবায় তরী, সেইরূপ মন
 যে তুরন্ত ইঞ্জিয়ের সাথে সাথে ধায়,
 সে তাঁরে সংসারনীরে অচিরে ডুবায় !! ৬৭
 হেন সে ইঞ্জিয় যা’র হয় নিগৃহীত
 সকল বিষয়ে, তাঁ’র প্রজ্ঞা প্রতিষ্ঠিত । ৬৮
 সর্বভূতে দেখে বাহ্য নিশান মতন,
 জিতেঞ্জিয় জন তাহে করে জাগরণ ;
 সর্বভূতে যে বিষয়ে থাকে জাগরিত,
 আত্মদর্শী মূনি তাহে থাকেন সিদ্ধিত । ৬৯
 পূর্ণকার অর্গবতে বহুবারি ধায়,
 ত্রাস বুদ্ধি হীন কিন্তু সমুদ্রের কাষ ;
 তেমতি কামনা যার প্রবেশে অন্তর,

কিন্তু অচঞ্চল ভাব থাকে নিরন্তর,
 অন্তর্দৃষ্টি স্থির যা’র সেই শান্তি পায় ;
 সে শান্তি ভোগাভিলাষী পাইবে কোথায় ? ৭০
 উপেক্ষিয়া কাম্য বস্তু, অহঙ্কার হীন,
 নিস্পৃহ মমতাশূন্য যিনি চিরদিন,
 কেবল প্রারব্ধ বশে ভোগাদিতে রত,
 শান্তিসুখ লাভ তিনি করেন নিয়ত । ৭১
 ব্রহ্মজ্ঞান নিষ্ঠা এই গুণ পার্থ বীর,
 ইহা লভি শুদ্ধ মন পুরুষ সূধীর
 মোহ বন্ধ ছাড়ি পান পরব্রহ্মে লয় ।
 অন্তিমেও নিষ্ঠা হ’লে ব্রহ্মপ্রাপ্তি হয় । ৭২
 ইতি দ্বিতীয় অধ্যায়—সাংখ্যযোগ । ক্রমশঃ ।

দুইটি মুসলমান রমণী ।*

নবাব কতলু খাঁর রাজবাটীতে সুপ্রশস্ত কক্ষ । কক্ষ—সুশোভিত
 “গাদস্পর্শ সুখজনক গালিচায় আবৃত,” নীল পরদা শোভিত দ্বার বিশিষ্ট ও
 মানাবিধ “লিঙ্ক সোয়াক্কে আমোদিত”—নীরব । এই রাজ বাটীর রাজ
 অট্টালিকায় “রাজ রাজমোহিনী” আয়েসার সহিত আমাদের প্রথম সাক্ষাৎ ।
 আর এক স্থান—দিল্লীর সম্রাটের বেগম মহল । অতিশয় সুরম্য
 কুঠার । কুঠার—সুন্দর স্বেত প্রস্তর নির্মিত,—সুবর্ণ শায়দানোপরি সুগন্ধ
 দীপ প্রজ্জ্বলিত,—স্বর্ণ রৌপ্য-খচিত ও সুগন্ধে আমোদিত । বাদসাহের
 বেগম মহলের এই উজ্জ্বল কক্ষে ভুবন উজ্জ্বলকারিণী জেলেখার সহিত
 আমাদের পরিচয়ের আরম্ভ ।

আয়েসা দয়াবতী, জ্ঞানগস্তীরা, সুমধুর মাধুরীময়ী যুবতী, নিরাশ-
 প্রেমিকা । জেলেখা—“তনুঙ্গী”—সুন্দরী, অসামান্য “তেজস্কর ও গোরব-
 বিকারিত্ত অবয়ব” বিশিষ্টা তরুণী-প্রেমভঙ্গহৃদয়া ।

* আয়েসা ও জেলেখা । বঙ্কিমচন্দ্রের “দুর্গেশনন্দিনী” ও রমেশচন্দ্রের
 “মাধবী কঙ্কণ” ।

“আয়েসার সৌন্দর্য্য নবরবিকরফুল জলনলিনীর ঞায়, সুবিকাশিত, সুবাসিত রস পরিপূর্ণ, রৌদ্র প্রদীপ্ত, না সঙ্কুচিত না বিস্কম্ব, কোমল অথচ প্রোজ্জল” জেলেখার সৌন্দর্য্য শীত কালের পূর্বাহ্নিক সূর্য্যের ঞায়, আরামপ্রদ, মাধুর্য্যময়, সুবিমল, সকলের প্রীতিদায়ক অথচ তেজস্বরিপূর্ণ-চক্ষু মেলিয়া সহসা দৃষ্টি করা যায় না, আবার চক্ষু ফিরাইতেও ইচ্ছা হয় না ।

আয়েসার অবস্থা—নিদাঘকালীন সুপরিষ্কৃত গস্তীর নিশীথের মলয়মাকুৎসেবিত মাধুর্য্যময়ি চন্দ্রাগোকের ঞায় ।

জেলেখার অবস্থা—ঘোর নিস্তন্ধ, ভীতি উৎপাদক অথচ উজ্জ্বল্যময় শারদীয় গস্তীর নৈশ জ্যোৎস্নার অনুরূপ ।

আয়েসা—উড়িষ্যার নবাব পাঠানি বংশীয় কতলু খাঁর কন্যা, নম্র ধীর ও শান্ত প্রকৃতির মুসলমান বাল্য ।

জেলেখা—তাতারবাসী উচ্চরক্ত সৈনিক পুরুষের তেজোময়ী চহিতা, উগ্রস্বভাবা, সুললিত সুকুমার অবয়বী তাতার “দেওয়ানা” ।

উভয় চরিত্রেরই মূল উপাদান প্রেম । এই প্রেম ভিত্তির উপর দণ্ডায়মান হইয়াই ইহারা জগতের নিজ নিজ সৌন্দর্য্য বিস্তার করিয়াছে ।

উভয়ের প্রেম কিন্তু বিভিন্ন প্রকারের ।

আয়েসার প্রেম—অতিশয় কোমলতাময়, হৃদয়স্নিগ্ধকারী, সুউজ্জ্বল । প্রেম পাত্রের সুখেই কৃপাময়ী আয়েসার এক মাত্র কামনা, প্রেমের জন্ত তিনি শত্রুতনয়া স্বীয় প্রতিদ্বন্দ্বিনীকে মুচ্ছাবস্থায় কারাগারে ক্রোড়ে করিয়া অশ্রুপাত করেন, আবার স্বীয় প্রেম পাত্রের সুখের জন্ত তাঁহার গণ্ডে তাঁহার প্রেম পাত্রিকে উপহার দিয়াও তাঁহার সুখে কৃতার্থ হইয়েন । প্রেমবলে আত্মসুখ বিসর্জন দিয়া তাঁহার প্রাণেশ্বরের সুখেই নিজেকে সুখী করেন ।

জেলেখার প্রেম—অতিশয় প্রখরতাময়, মাধ্যাহ্নিক সূর্য্যের ঞায় সুউজ্জ্বল ও হৃদয়ে ভীতি উৎপাদক, প্রেম পাত্রের জন্ত তিনি “দেওয়ানা” সাজিয়া ভৃত্য বেশেও পরতে পরতে তাঁহার সঙ্গে সঙ্গে ফিরেন আবার তাঁহারি ঐদায়ে তাঁহার হৃদয়তন্ত্রীতে আশাহীন হইয়া উন্মাদিনীর ঞায় তাঁহারই বক্ষে ছুরিকাঘাত করিতে প্রবৃত্ত হইতেও সঙ্কুচিত হইয়েন না ।

এই দুই রমণীই তাহাদের অসামান্য হৃদয়ভার ও অমানুষিক প্রেম লইয়া দুই জনকে আত্ম সমর্পণ করিল—তাঁহাদের নাম জগৎ সিংহ ও নরেন্দ্রনাথ ।

এই দুই জনই অবশেষে তাহাদের হৃদয়ে কালকূট স্বরূপ হইল এবং এই বিষে উভয়েই জর্জরীভূত হইলেন, তবে একজন বঙ্গদেশবাসীসুলভ সহিষ্ণুতা গুণে চির জর্জরিত ভাবেও বৃন্তে সংলগ্ন রহিলেন, আর একজন স্বীয় উষ্ণ রক্তের তীব্র তাড়নার স্রোতে কিছুতেই আত্মরক্ষা করিতে না পারিয়া আঁচরেই বৃন্তচ্যুত হইয়া পড়িলেন ।

আয়েসা রমণীরত্ন । আয়েসার সৃষ্টিকর্তাই বলিয়াছেন “সেমন উদ্যান মধ্যে পদ্মফুল এ আখ্যায়িকা মধ্যে তেমন আয়েসা ।” সত্যই দুর্গেশনান্দিনীর কাব্যোদ্যানে আয়েসা একটী পদ্মফুলের মতই শোভা পাইয়াছেন, কৃপাময়ীর সকরণ দৃষ্টি চারি দিকে ছড়াইয়া পড়িয়া গ্রন্থখানিকে আরও মনোরম করিয়া তুলিয়াছে । যে পরিচ্ছেদটীতে আয়েসার ছায়া পড়িয়াছে সেটীতেই যেন সৌন্দর্য্য ফুটিয়া উঠিয়াছে ।

আয়েসার সাহিত্য জগৎ সিংহের প্রথম দেখা আয়েসার পিতৃভবনে, নবাব কতলু খাঁর আবাস হুর্গে । যুদ্ধে আহত অবস্থায় জগৎ সিংহ এখানে আনীত, আয়েসা তাঁহার পরম দয়াময়ী গুণ্ধ্যাকারিণী । এই দেখাতেই আয়েসা তাঁহাকে তাঁহার প্রাণ মন সমর্পণ করিলেন ; মনে মনে প্রতিজ্ঞা করিলেন, পৃথিবীতে আর দ্বিতীয় ব্যক্তির মুখ এ ভাবে দেখিবেন না । আয়েসা নবাব কতলু খাঁর এক মাত্র আদরের কন্যা হইয়াও দেবদালার ঞায় তাহার পিতৃবৈরীর সেবা গুণ্ধ্যায় নিযুক্ত থাকিতেন, কেন থাকিতেন তাহার এ ভাব আসিল কোথা হইতে ? আয়েসা চিরকালেই স্নেহ প্রবণ হৃদয়া, পরের সামান্য দুঃখও তাহার সহ হয় না, তাহার মন চির কোমলতাময় ; উপযুক্ত পাত্র দেখিলেই তাহার এই কোমল মঙ্গলময় দয়া ভাবের উদয় হইত । জগৎ সিংহের প্রতি আয়েসার যে ভালবাসা তাহা এই বৃত্তিরই পরিণতি । উচ্চহৃদয়া স্নেহকোমলা আয়েসা যে তাহাকে একরূপ মন প্রাণ সমর্পণ করিলেন তাহা কুমার জগৎসিংহও তখন জানিতে পারেন নাই । আয়েসা নিজ মুখেই বলিয়াছেন যে এ কথা তিনি প্রাণ থাকিতে প্রকাশ করিতেন না, চিরকাল মানসপটে জগৎ সিংহের মূর্তি অঙ্কিত

করিয়া তাহার পূজা করিতেন কাহাকেও জানাইতেন না, কিন্তু বিধির বিড়ম্বনায় প্রকাশ হইয়া পড়িল। আয়েসা জগৎ সিংহকে কারাগার হইতে পলায়নের অনুরোধ করিলেন, জগৎ সিংহ কিন্তু স্বীকার করিলেন না। কথায় বার্তায় অনেক রাত্রি হইল, আয়েসার স্বীয় কক্ষে প্রত্যাগমনের বিলম্ব ঘটিল; সন্ধান পাইয়া ওসমান সেখানে হঠাৎ উপস্থিত হইলেন, কহিলেনঃ—

“নবাব পুত্রী ; এ উত্তম !”

স্তির স্বরে আয়েসা উত্তর করিলেন “কি উত্তম ওসমান ?”

ওসমান পূর্ববৎ ভঙ্গিতে কহিলেন,—

“নিশীথে একাকিনী বন্দী সহবাস নবাব পুত্রীর পক্ষে উত্তম। বন্দীর জন্ত নিশীথে কারাগারে অনিয়ম প্রবেশও উত্তম।”

গর্কিত স্বরে আয়েসা কহিলেনঃ—

এ নিশীথে একাকিনী কারাগার মধ্যে আসিয়া এই বন্দীর সহিত আলাপ করা না করা আমার ইচ্ছা, আমার কৰ্ম্ম উত্তম কি অধম সে কথায় তোমার প্রয়োজন নাই।”

ওসমান নিস্তত ও ক্রুদ্ধস্বরে কহিলেন,—

“প্রয়োজন আছে কি না কাল প্রাতে নবাবের মুখে শুনিবে।”

আয়েসা পূর্ববৎ কহিলেনঃ—

“যখন পিতা আমাকে জিজ্ঞাসা করিবেন আমি তখন তাহার উত্তর দিব। তোমার চিন্তা নাই।”

ওসমান পূর্ববৎ ব্যঙ্গ করিয়া কহিলেন,—

“আর যদি আমিই জিজ্ঞাসা করি ?”

“ওসমান, যদি তুমিই জিজ্ঞাসা কর তবে আমার উত্তর এই যে বন্দী আমার প্রাণেশ্বর।”

ওসমান নিরুত্তর হইয়া রহিলেন।

আয়েসা পুনরপি কহিতে লাগিলেন,—

“শুন ওসমান আবার বলি, এই বন্দী আমার প্রাণেশ্বর, যাবজ্জীবন অল্প কেহ আমার হৃদয়ে স্থান পাইবে না। কাল যদি বধাভূমি ইহার শোণিতে আর্দ্র হয়”—বলিতে বলিতে আয়েসা শিহরিয়া উঠিলেন—“তথাপি

দেখিবে হৃদয়-মন্দিরে ইহার মূর্তি প্রতিষ্ঠা করিয়া অন্তকাল পর্য্যন্ত আরাধনা করিব। এই মূর্ত্তের পর হইতে যদি চিরন্তন ইহার সহিত দেখা না হয়, কাল যদি ইনি মুক্তিলাভ করিয়া শত মহিলার মধ্যবর্তী হন, আয়েসার নামে ধিক্কার করেন তথাপি আমি ইহার প্রেমাকাঙ্ক্ষিণী দাসী রহিব।

আয়েসার চিত্রটি, আয়েসার নির্ম্মল প্রেমের ছবিটি, এই স্থানে বড় সুসধুর ভাবে প্রকাশিত হইয়া পড়িয়াছে, এজন্ত আমরা এই স্থানটির কতক অংশ উপরে উদ্ধৃত করিবার প্রলোভন ত্যাগ করিতে পারিলাম না।

আয়েসা এক প্রকার জানিতেন তাহাদের মিলন অসম্ভব, মিলনের আশাও তিনি বড় একটা করিতেন না। চিরদুঃখময় অনন্ত বিরহের মধ্যে যে একটা গভীর, গভীর অথচ উৎকট সুখ আছে তাহার ধ্যানে জীবন পাত করাই তাঁহার উদ্দেশ্য হইয়াছিল। অনেকে বলেন মিলনাশা বিহীন বিরহ ভালবাসার পথে কণ্টক স্বরূপ কিন্তু এ কথা সর্বত্র স্বীকার্য্য নহে। চিরদুঃখিনী হিন্দুবিধবা হৃদয়পটে একটা মূর্ত্তি অঙ্কিত রাখিয়া, চিরকাল এক গভীর স্মৃতিময় বিরহ সুখে কাল কাটাইয়া যায়। বাস্তবিক উভয়ের মধ্যে যদি এই স্মৃতি সংযোজন টুকু না থাকিত তাহা হইলে বিধবার ক্লেশ বোধ হয় আরও শতগুণে পরিবর্দ্ধিত হইয়া উঠিত। স্বর্গলোকবাসী স্বামীর ইহলোকে মিলনাশা সম্পূর্ণ অসম্ভব হইলেও এই বিরহ বিধবার স্বামী প্রেমের পথে কণ্টক হইতে পারে না। এ ভালবাসার ভিত্তি নিজের নিজস্ব পরের করিয়া দেওয়া—“আমিহু ভুলিয়া অস্তুর সহিত একত্ব সংস্থাপন। বিধবা জানে স্বামীকে আর পাইবে না, কিন্তু এই চিরবিরহের মধ্যে সে স্বামীর মূর্ত্তি কল্পনা করিয়া হৃদয়-দর্পণে প্রতিফলিত তাহার ছায়ার প্রতি দৃষ্টি রাখিয়া এই অনন্ত বিরহের মধ্যেও এক গভীর মিলন সুখ অনুভব করিয়া থাকে।*

*বালিকা বিধবাদিগের প্রতি এ স্থানে লক্ষ্য করা হয় নাই। যাহারা স্বামীকে রীতিমত চিনিয়া বিধবা হইয়াছে তাহাদিগের সম্বন্ধেই বলা হইয়াছে। প্র, লে!

আয়েসার প্রণয়ও এইকপ মিলনাশা বর্জিত ছিল। যখন তিনি জগৎ সিংহের মনোভাব বুঝিতে পারিলেন তখন তিনি তাহার প্রেমের প্রতিদানের আশা ত্যাগের সহিত তাহার হৃদয়ের প্রেম আশা বিসর্জন দিলেন না, পরন্তু ক্রমাগত প্রণয়পাত্রকে ধ্যান ও ভক্তির সামগ্ৰী করিয়া কেবল তাঁহার কল্পিত চরণে প্রেমাক্রম উপহার দিতে থাকিলেন এবং এই স্বর্গীয় আনন্দ উৎফুল্লিতা হইয়া স্বর্গীয় দেববালার আয় শুদ্ধচিত্তে তাহার রোপিত প্রণয় বৃক্ষে জল সেচন করিয়া তাহার পুষ্টিসাধন করিতে লাগিলেন।

জেলেখার প্রণয় ঠিক এ প্রকারের নয় কিন্তু সে প্রেম আরও হৃদয় উন্মত্তকারী আরও গভীর। এই প্রেমের জন্ত তিনি তাতার দেওয়ানা সাজিয়া ভৃত্যবেশে রাজস্থানের পর্কতে পর্কতে ভ্রমণ করিয়া বেড়াইয়াছেন। ভয়ানক বনশুলী, গম্ভীর কন্দর সমূহ, বিভীষিকাময় রাজপুতানার দেব-মন্দির সকল, কোথায়ই যাইতে তিনি বাকি রাখেন নাই, ছায়ার আয় সর্পত্র তিনি নরেন্দ্রের অনুগামী হইয়াছেন।

রাজা জয় সিংহের শিবিরে আহত অবস্থায় নরেন্দ্র প্রথমে জেলেখার চক্ষুতে পড়েন। সেই দিন হইতেই অভাগিনী নিজ হৃদয় পরকে দান করিয়া জন্মের মত আত্ম সুখ বিসর্জন দিলেন। আহত রোগীর সঙ্গে সঙ্গে তিনি দিল্লীতে আসিলেন এবং একরূপ গোপনে নরেন্দ্রকে সম্রাটের বেগম মহলে পর্য্যন্ত লইয়া রাখিলেন। যে দুঃসাহসিক কার্যের নিশ্চিত পরিণাম—প্রাণদণ্ড, অভাগিনী নরেন্দ্রের জন্ত তাহা করিতেও কুণ্ঠিত হইলেন না।

এখানে আসিয়াও পাপিষ্ঠ মসরুব জন্ত তিনি স্থিরচিত্ত হইতে পারিলেন না। দহমান নগরে অসমর্থ বৃদ্ধ পক্ষীকে লইয়া নিকুপায় পক্ষীর যে দশা ঘটে, নরেন্দ্রকে এখানে আনিয়া জেলেখারও সেই দশা ঘটিল।

তার পর জেলেখা বন্দী হইলেন। সকল যন্ত্রণা তিনি সহ করিতে পারিতেন কিন্তু নরেন্দ্রকে না দেখিয়া তিনি কিছুতেই থাকিতে পারিতেন না। দ্বার রক্ষক ও মসরুবকে অনেক তোষামোদের পর তিনি নরেন্দ্রকে এক এক বার দেখিতে পাইতেন, কিন্তু বাক্যালাপ করিতে পাইতেন

না। আপন মহলে ফিরিয়া যাইতেন, যাইয়া সেই দেবকান্তির চিন্তা করিতেন।

নরেন্দ্রও এখানে কাহাকেও দেখিতে পাইতেন না, কেবল জেলেখার সক্রমণ মুখ খানিই তাহার সেই বিস্মৃত ইন্দ্রালয় তুল্য পুরীতে এক মাত্র শান্তিপ্রদ ছিল। আয়েসার ব্যাধির সময়ে জগৎ সিংহের সেবা করিয়াও পরিতৃপ্ত হইতে পারিতেন, কিন্তু জেলেখার অদৃষ্টে সে সৌভাগ্যও ঘটে নাই। সজল, উজ্জল চক্ষু দুইটি আরও উজ্জল করিয়া তিনি কেবল নরেন্দ্রের মুখের দিকে চাহিয়া থাকিতেন, আর অমনি পদ্মচক্ষু দুইটি ভাঙ্গিয়া আসিত। তাহার সেই গভীর প্রেম পূরিত হৃদয় কেবল মাত্র নরেন্দ্র প্রাপ্তির উপায়ই অন্বেষণ করিত। মৃত্যুর পূর্কক্ষণ ভিন্ন তিনি এ কথা নরেন্দ্রের নিকটও প্রকাশ করেন নাই।

নরেন্দ্র যখন বন্দীভাবে বাদসাহের বেগম মহলে ব্যাধিতে অভিভূত থাকিতেন, তখন মসরুব ও জেলেখা ভিন্ন আর কেহই তাহাকে দেখিতে আসিত না। তিনি মসরুবের আচরণে ভীত ও জেলেখার ব্যবহারে বিস্মিত হইতেন। এ দেবী মূর্তি কে? নরেন্দ্র কিছুই বুঝিতে পারিতেন না। একদিন বিস্ময়ে জিজ্ঞাসা করিলেনঃ—

“সুন্দরী আমার বোধ হইতেছে আমি কোন বিপদে পড়িয়াছি, আমার হৃৎকম্প হইতেছে—আমি অভাগা, জনাবধি অভাগা। আমাকে একটা কথা বলিয়া রক্ষা করুন, আমি কি নিরাপদে আছি।”

জেলেখা ওষ্ঠে অঙ্গুলি স্থাপিত করিয়া সহসা মুখ ফিরাইল, নরেন্দ্রের বোধ হইল যেন তিনি জেলেখার উজ্জল চক্ষুতে জল দেখিতে পাইলেন, আর কোন প্রশ্ন করা বিফল বিবেচনায় নীরব হইয়া পড়িলেন, দীর্ঘ নিশ্বাস ত্যাগ করিয়া বলিলেন—“হায় আমার মত কে অভাগা!”

অস্পষ্ট প্রতিধ্বনির মত একটা শব্দ শুনিতে পাইলেন, “জেলেখা অভাগিনী” এ কথা কি জেলেখা উচ্চারণ করিল? তাহা ত বোধ হয় না, জেলেখা ধীরপদ-সঞ্চারণে সেই ঘর হইতে নিষ্ক্রান্ত হইয়াছে। তবে কি নরেন্দ্রনাথের আপনার মুখোচ্চারিত কথার প্রতিধ্বনি হইল? “জেলেখা অভাগিনী!”

সত্যই জেলেখা অভাগিনী। তাহার গভীর প্রেমের তিনি একটুও

প্রতিদান পান নাই! কিন্তু আয়েসা যেরূপ জগৎ সিংহের হৃদয় অস্ত্রের জানিয়াও তাহার প্রেমানুরাগ জলন্ত রাখিয়াছিলেন। সে হৃদয় আপনার করিবার চেষ্টা করিয়াছিলেন; জেলেখা সেরূপ পারিলেন না, যখন তিনি জানিলেন তাহার পৃথিবীর মধ্যে রম্য নিকেতন নরেন্দ্রের হৃদয় কন্দর তাহার নহে তখন তিনি ত্যক্ত বাঘিনীর ন্যায় একবার ভয়ানক হইয়া উঠিলেন। তাহার উষ্ণ রক্ত শ্রোত তাহার প্রতি ধমনীতে থাকিল। কাল সর্পের ন্যায় হঠাৎ ক্রোধাবেশে তিনি নরেন্দ্রকে দংশন করিতে উদ্যত হইলেন। কিন্তু শেষে ক্রোধ কমিল। এইটুকু জেলেখার প্রেমের বিশেষত্ব। আয়েসা ধীর, শান্ত, সৌম্যমূর্তি, প্রেমে সহজেই নমনীয়। জেলেখা স্বইচ্ছার বিপরীত কার্যে প্রচণ্ড, উগ্র, ক্রমমূর্তি কিন্তু সামান্ত প্রেমেই একবারে দ্রবনীয়।

আয়েসার প্রেম—বঙ্গ বালার প্রেম।

জেলেখার প্রেম—ভাঁতার দেওয়ানার প্রেম।

নরেন্দ্র তাহার হইবে এই জেলেখার ইচ্ছা, তিনি মনে করিতেন নরেন্দ্র যে ভাঁহার হইতে চাহেন না, এটা রড়ই অন্য়। বাস্তবিক তিনি ভাঁহার প্রেমের আবেগ বুঝিতেন—বিশ্বসংসারে তাহার হৃদয়ের সহিত তুলনা করিয়া বুঝিলেন—মনে করিতেন এই বিশাল ব্রহ্মাণ্ডের নিয়ম চক্রের তাহার সেই গভীর প্রবলতাময় প্রেমবর্তের সহিত সামঞ্জস্য রাখিয়া না চলাটা একটা মহা অন্য়।

আয়েসা নিয়ন্তার কঠিন নিয়মে বাধ্য হইয়া তাহার প্রদত্ত ফল মাথা পাতিয়া লইয়াছেন কিন্তু জেলেখা আত্ম নির্ভরতার উপর দাঁড়াইয়া প্রেমের আবেগে স্ববিজয়ী হইতে চেষ্টা করিয়াছেন। যখন তিনি দেখিলেন নরেন্দ্রের হৃদয় ভাঁহার নহে তখন তিনি তাহার উদ্দেশ্য সিদ্ধির উপায়ান্তর অবলম্বন করিলেন, কিন্তু কোনই ফল হইল না, হায়! “জেলেখা অভাগিনী!”

ক্রমশঃ।

মৃত্যু ও মৃত্যু ভয়।

পাশ্চাত্য শিক্ষা ও সভ্যতা গুণে চাকচিক্য, আমোদ প্রমোদ ভিন্ন লোকে প্রায় অল্প কিছু ভাল বাসে না। আজ কাল প্রজাপতি জীবনই লোকের প্রিয়। তাই রঙ্গভূমে হাশুরসের ছড়াচড়ি, লোকের ঘর দ্বার চাকচিক্যশালী আড়ম্বর-পদার্থপূর্ণ এবং লোকে নাচিতে গাইতেই রত। তুলসী দাসের অথবা রামপ্রসাদের দুই চারিটা গান গাইলেই, শ্রোতৃবর্গের কেহ না কেহ বলিয়া থাকেন “গঙ্গাযাত্রা করা ছাড়, মজা ধর।” এই প্রবন্ধের শিরোভাগ প্রতি দক্ষ্য করিয়াই হয় ত অনেকেই “পূর্ণিমার” অল্প প্রবন্ধের অনুসরণ করিবেন।

মৃত্যু কি অদ্যাবধি কেহ ঠিক করিতে পারেন নাই। “আলো আধারী”র ন্যায় লোকের জীবন ও মৃত্যু জ্ঞান অপরিষ্কৃত। ঐ টেবিলের উপর যে বাতিটি জ্বলিতেছে তাহা জীবনের এবং তথায় নির্ঝাপিত যে অল্প একটি বাতি রহিয়াছে, তাহা মৃত্যুর প্রতিকৃতি। কিন্তু বস্তুতঃ জীবন কি, মৃত্যু কি, তাহা বলা সহজ নহে।

আর্য্য ভাষায় পঞ্চম মৃত্যুর অপর নাম। মৃত্যুতে মানুষ পঞ্চম কি না পঞ্চভূত প্রাপ্ত হয়। “পাঁচের” মিশ্রণে জীবন এবং মৃত্যুতে তাহার বিয়োগ অর্থাৎ সেই যোগের বিশ্লেষ হয়। মরণে পাঁচে পাঁচ মিশাইয়া যায়। মোটামুটি মৃত্যুর এই সংজ্ঞা মন্দ নয়। পাশ্চাত্য বিজ্ঞান জীবন ও মৃত্যুর ভাবটি এইরূপে প্রকাশ করেন। ইংরাজের চিকিৎসা শাস্ত্র জীবন ও মৃত্যু এই প্রকার বর্ণন করিয়া থাকেনঃ—

“Life is the harmonious action of the cells and death their want of harmony and failure of the nervous system.”

জীবদেহের ভৌতিক কোষ সকলের সমঞ্জসীভূত কার্যের নাম জীবন এবং তাহার অভাব এবং স্নায়ু মণ্ডলীর প্রয়োজনীয় কার্যের বিলোপকে মৃত্যু বলে। ইংরাজের চিকিৎসা শাস্ত্রানুসারে মস্তিষ্কের বিপর্য্যে ফুস্কুসের হৃদয়ের কার্য বন্ধ হইয়া মৃত্যু ঘটিয়া থাকে। অল্প দিন হইল আমার একটি প্রদ্বাস্পদ বন্ধ অনেকগুলি স্বীয় বন্ধু এবং একজন এল, এম, এস,

উপাধিধারী ডাক্তার সহ এই ঘটনাটি কাশীতে প্রত্যক্ষ করেন। দুইটি শিষ্য সহ একটি হটযোগী তাঁহার কোন বন্ধুর ভবনে উপস্থিত হইলে তথায় তিনি এবং তাঁহার অগ্রাণ্ড সূত্র এবং উক্ত ডাক্তার সমবেত হন। যোগী প্রথমতঃ নিজ দক্ষিণাঙ্গ নিঃস্পন্দ পরে বামোঙ্গ ঐরূপ করেন। তৎপরে সমুদয় শরীর স্পন্দন রহিত করিয়া একবারে চেতনাশূন্য হইয়া ভূতলে মৃতের স্থায় শয়ন করেন। উক্ত ডাক্তার বাবু যোগীর হাত দেখিয়া বলেন, নাড়ি নাই; হৃদয়ে হৃদযন্ত্র সংযোগে অনেক ক্ষণ ধরিয়া দেখিয়া শুনিয়া বলেন, হৃদকার্য্য স্থগিত হইয়াছে, নিশ্বাস প্রশ্বাস মাত্র হইতেছে না, আমাদের চিকিৎসাশাস্ত্র মত এই ব্যক্তির মৃত্যু হইয়াছে। যোগী এই অবস্থায় অর্ধ ঘণ্টা পর্য্যন্ত থাকেন। পরে তাঁহার শিষ্যদ্বয় অনেক যত্ন করিয়া তাঁহার সংজ্ঞা উৎপাদন করেন। অল্প দুগ্ধ পান করিয়া অনেক ক্ষণের পর যোগী সুস্থ হন। এই সঙ্গে পাঠক বিখ্যাত হরিদাসের কাহিনী স্মরণ করিবেন। হরিদাসকে গোর দিয়া গোরের উপরি ভাগ মাটি দিয়া পূর্ণ করা হইয়াছিল এবং গোরের উপরে যব গজাইয়াছিল। হরিদাস গোরের মধ্যে অনেক দিন থাকেন এবং পরে গোর খুঁড়িয়া তাঁহাকে বাহির কবা হইলে তিনি সংজ্ঞা প্রাপ্ত হইয়া কথা বার্তা কন। হরিদাস ঘটত এই অদ্ভুত ব্যাপারের সাক্ষী কয়েকটি সুখ্যাত ইংরাজ সৈনিক-পুরুষ। তাই আবার বলি, মৃত্যু কি, তাহা আমরা জানি না।

জগৎ অর্থে যাহা গমনশীল, যাহা পরিবর্তনময় এবং যাহা নিত্য ও সং নহে। জগতে সংযোগ বিয়োগ নিয়ত ঘটতেছে। জড়বাদীরা ঘটনার পশ্চাৎ যাইতে, তাহার অগ্র ভাগে “উকি” স্মারিতে অসম্মত। আধ্যাত্মবাদীরা কেবল ঘটনার প্রতি লক্ষ্য করিয়াই মনুষ্ট নহেন। তাহাদের মতে প্রত্যক্ষ ঘটনাদির পশ্চাৎ কোন কিছু আছে, যাহার জগৎ জাগতিক ঘটনার সংঘটন হইতেছে। এই “কোন কিছু” লইয়া দার্শনিকগণ আবহমান কাল ব্যস্ত। আত্মজ্ঞান লইয়া পণ্ডিত প্রবর হাঙ্কিলীর মানসও বিষম আত্মোড়িত। কিন্তু আজি পর্য্যন্ত এই “কোন কিছু” কিছু স্থির সিদ্ধান্ত হয় নাই। মৃত্যু কি? ইহার সত্ত্বের অদ্যাবধি কেহ দিতে পারেন নাই। অদূরে ঐ যে একটি প্রশ্নের খণ্ড পড়িয়া রহিয়াছে তাহা জীবনময় অথবা একবারে মৃত তাহা কে বলিতে পারে?

আজ কাল ইউরোপীয়েরা প্রত্যক্ষ, উপস্থিত বিষয় লইয়াই প্রায় ব্যস্ত। মৃত্যু পথ দিয়া মানুষ কোন্ অপ্রত্যক্ষ স্থানে নীত হয় তাহার নিশ্চয় নাই। ইউরোপের ইংরাজ এক দিকে বীরপুরুষ হইলেও মৃত্যুকে ভয় করিয়া থাকেন। ওলাউঠা, বসন্ত, ডিপথিরিয়া রোগাক্রান্ত আত্মীয়ের সন্নিহিত হইতেও ইংরাজ কুঞ্জিত। অদৃষ্টবাদী পরমাণুবিদ্যাসী আর্ঘ্যসুত ইংরাজের স্থায় মৃত্যুভয় ভীত নহে। বিষয় ইংরাজী নবিস দেশী ফিরান্দী ভিন্ন হিন্দু ঐরূপ স্থলে আত্মীয়কে পরিত্যাগ করেন না, অথবা পক্ষে তাহার পার্শ্বে থাকিয়া তাহার সেবা শুশ্রুষায় ব্যাপ্ত হন। আমাদের শিশিরকুমার ঘোষ অক্ষয়চন্দ্র সরকার প্রভৃতি বঙ্গসুত, হয় ত একটি বাধকে গুলি করিতে অগ্রসর হইবেন না, একটি বিষম অরাতির মস্তকচ্ছেদনে সঙ্কুচিত হইবেন, কিন্তু মৃত্যুমুখ দর্শনে ইহাদের ভীত হওনের সম্ভাবনা কম। ইহারা প্রকৃত শৌর্য্য বিশিষ্ট, বিশ্বাসী আর্ঘ্য তনয়। কেবল প্রত্যক্ষ, উপস্থিত বিষয়েই ইহারা ব্যাপ্ত নন। অক্ষুট ক্ষীণ স্বরে হরিসংকীর্ণনে যোগ দিয়া অনেক বৃদ্ধ হিন্দু গঙ্গাযাত্রা করেন। পূর্বে আর্ঘ্যানারীরা মঙ্গলধ্বনি করিয়া সহমৃত্যু হইতেন। প্রকৃত হিন্দুর বিশ্বাস জন্ম মৃত্যু নূতন বসন ধারণ এবং পুরাতন বস্ত্র পরিত্যাগ মাত্র।

ঘানষ্টতা, অভ্যাস দ্বারা শ্রদ্ধা ভয় কমিয়া যায়। (Familiarity breeds contempt.) বুনোরা ব্যস্ত ভল্লুক ভয় করে না, শবসাধনকারীদের ভূতের ভয় নাই। তুমি আমি আমরা যেক্রপ আশঙ্কা করি, তারকেশ্বরের মাহান্তের বাবা তারকনাথকে সেক্রপ ভয় করা সম্ভবপর নয়। দেবাদিদেব মহাদেব শঙ্কর মৃত্যু ও মৃত্যুচ্ছায়া পরিবৃত। শঙ্কর, শ্মশানবাসী, চিতা-ভয়ধারী। তাঁহার ভূষণ কাল-সর্প এবং কর্ণে হলাহল। কাল স্বরূপিনী শ্রামামূর্তি তাঁহার হৃদয়াকুড়া। মৃত্যুভয়হারী ব্রহ্মনাম শিবের কর্ণে ও গণ্ডে নিয়ত শব্দিত। মহাদেব মৃত মৃত্যু অভ্যস্ত এবং নিয়ত মৃত্যু সন্নিহিত। শঙ্কর তাই মৃত্যু বিবর্জিত, তাই তাঁহার নাম মৃত্যুঞ্জয়। আর্ঘ্যশাস্ত্র রূপকময়। রূপকাশ্রয়ে সেই শাস্ত্র মৃত্যুভয় এড়াইবার কি সুন্দর উপদেশই প্রদান করিতেছেন।

এই স্থানে এবং এ সম্বন্ধে আর্ঘ্য পুরাণ শাস্ত্রের আর একটি কথার উল্লেখ করিব। কুরুক্ষেত্র যুদ্ধে মহাজ্ঞানী পরম যোগী ভীষ্মদেব শরশয্যাগত।

তীক্ষ্ণ শীর্ষ শর সমূহ উপরি ভীষ্মের শরীর সংস্থিত। মৃত্যু ভীষ্মের সম্মুখস্থ। কিন্তু ভীষ্মদেব অবিচল চিত্ত, উদ্বেগ পরিশূন্য। অর্জুন প্রভৃতি পাণ্ডবগণকে শান্তি-কথনে নিযুক্ত। মৃত্যু সম্মুখে দেখিয়া ও ভীষ্মের মৃত্যুভয়ে ভীত না হইবার কারণ কি? কারণ, যোগাভ্যাস, আজীবন মৃত্যুচিন্তা, মৃত্যুভয়হারী ভগবান চিন্তা। ভীষ্মদেব তাই মৃত্যুভয় শূন্য।

ঘোর বিষয়ীরই সমধিক মৃত্যুভয়। যে ধন ধাত্ত মাত্রের পূজা করে, দারী স্ত্রী মাত্রের যার প্রীতি প্রধাবিত, মৃত্যু তাহার পক্ষে অতি ভয়ানক। মৃত্যু হস্তে তিনি এই সমস্ত হইতে বিচ্ছিন্ন হইবেন। তাহার সকল সুখের শেষ হইবে, এই চিন্তায় তিনি মৃত্যুমুখ দর্শনে এককালে বিহ্বল এবং বিষম ব্যাকুল। সুখের ঘর দ্বার, পরিবার হইতে মৃত্যু তাহাকে কোথায় লইয়া যাইতেছে এই ভাবনায়, তাহার প্রাণ শুকাইয়া যায়, প্রাণের যাতনা যার পর নাই বৃদ্ধি হইয়া থাকে। তাই বলি, ঘোর বিষয়ীর বিষম মৃত্যুভয়। তাহার ভাগ্যে সুখ-মৃত্যু অসম্ভব।

এইক্ষেণে একটি পরম জ্ঞানী, সন্ন্যাসীর বিষয় চিন্তা করা যাউক। ইনি বেদাদি অধ্যয়নে ব্রহ্মচর্য্য সাধ করিয়া, দার পরিগ্রহ ও সম্ভান উৎপাদন পূর্নক সংসার পরিত্যাগ করিয়া বনে যাত্রা করেন। পরিশেষে সন্ন্যাসী হন। সংসার বাসনা-শূন্য এবং পরব্রহ্মে একান্ত অনুরক্ত হওয়ায় অল্প সমস্ত তাঁহার পক্ষে-পর এবং পরমেশ্বর মাত্র তাঁহার আপন হইয়া পড়ে। মৃত্যু উপস্থিত হইলে সন্ন্যাসীর ভয় ভাবনা মাত্র উদয় হয় না। পরব্রহ্ম ভিন্ন অল্প কিছুই তিনি “আমার” বলিতেন না। কোন প্রিয় বস্তু ছাড়িয়া তাঁহাকে লোকান্তরে যাইতে হইতেছে না। তবে তাঁহার ভয় ভাবনা কিসের? তিনি জানেন দেহ ধ্বংসশীল এবং মৃত্যুর অধীন। আজীবন তিনি মৃত্যু চিন্তা করিয়াছেন এবং বুঝিয়াছেন যে মৃত্যু তাঁহাকে অমৃততে লইয়া যাইবে। কাজেই পরম জ্ঞানী সন্ন্যাসীর পক্ষে মৃত্যু কোনরূপে ভয়াবহ নহে। বিদেশ হইতে স্বদেশ গমনের অায় সন্ন্যাসী ইহলোক হইতে লোকান্তরে গমন করেন। “মলে বাঁচি” এ কথা কেবল সন্ন্যাসীর মুখেই সাজে।

মৃত্যু একান্ত ভয়াবহ হইলেও অনেক সময়ে অনেক স্থলে ওভ সাধন করিয়া থাকে। খ্যাতিনামা জটনক ইংরাজ প্রহকার বলিয়াছেন,

Sorrow is a privilege শোক দুঃখ এক প্রকার সৌভাগ্য। শোক দুঃখ, আপদ বিপদ, জরা মৃত্যু মানুষের দুর্বৃত্ততা, ধৃষ্টতা এবং অহঙ্কারাদি চূর্ণ করিয়া তাহাকে বিনয়ী এবং প্রশমিত করিয়া থাকে এবং ধর্ম্ম এবং যথাযথ পথে রক্ষা করে। অতি সঙ্গত রূপে কুন্তীদেবী ভগবান বাসুদেবের নিকট বিপদ মাত্র প্রার্থনা করিয়াছিলেন। দেবী বলিয়াছিলেন “হে ভগবন্ বিপদে তোমার শরণ লইতে আমরা বাধ্য হইব। নিয়ত বিপৎপাতে আমরা প্রতিনিয়ত তোমার শরণাগত থাকিব।” দাবাগ্নির অায় নিপো-লিয়ান বনাপাটী মানবমণ্ডলীর সর্বনাশ করিতে থাকেন। ওয়াটারলুর যুদ্ধে তাঁহার অধঃপতন হয় এবং তৎপরে তিনি ধর্ম্ম, পরকাল চিন্তায় ব্যাপৃত এবং কথঞ্চিৎ প্রশমিত হন।

আর্য্য ভাষায় মৃত্যুর আর একটা নাম শমন। শমন অর্থে যাহা শান্ত অথবা প্রশমিত করে। যৌবনে দুর্বৃত্ত, উদ্ধত থাকিলেও লোকে বার্কক্যে শান্ত, বিনয়ী এবং ধর্ম্মনিষ্ঠ হইয়া থাকে। বার্কক্যে কেশ শ্বেত হয়, দাঁত পড়িয়া যায় এবং চক্ষু কর্ণের শক্তির হ্রাস হইয়া থাকে। এই সমস্তে যমের মৃত্যুর সমাগম অনুসূচিত হয় এবং যমের অদূরে আগমন দৃষ্টে মানুষ সংযত, শান্ত হইয়া থাকে। সংস্কৃতে যম অর্থে যাহা সংযত করে। অহঙ্কারপূর্ণ, উচ্ছৃঙ্খলতাময় জগতে মৃত্যুর, যমের আবশ্যিকতা আছে।

আর্য্য মুনি ঋষিরা গ্রহণী জনিত মৃত্যু ইচ্ছা করিতেন। গ্রহণী রোগে দৈহিক শক্তির এবং যন্ত্র সমূহের অল্পে অল্পে হ্রাস এবং বিকলতা হইয়া ও ঘটয়া থাকে। বালক যেমন মাতৃ-ক্রোড়ে ঘুমাইয়া পড়ে, গ্রহণী-রোগীও তদ্রূপ ইহলোক হইতে আশ্বে আশ্বে অপমৃত হয়। অল্পাল্প পীড়ার প্রথম প্রথম যন্ত্রণাদি হইলেও শেষ অবস্থায় রোগীর বেশী যন্ত্রণা না হইবারই সম্ভাবনা। নিদানকালে স্নায়ু সকলের শক্তির ও কার্য্যের বিলোপে ক্লেশানুভব না হইতে পারে।

“হরি ভজ, কি হর ভজ, মোর্ত্তে জানলে হয়।” এই বাক্যটির গভীর অর্থ আছে। যে সুখে স্বচ্ছন্দে, নির্ভয়ে মরিতে পারে সেইই মহান। হিন্দু সোরসার করিয়া গঙ্গা তীরে যাইয়া মরে। তাঁহার মৃত্যু দেখিয়া লোকে বুঝিতে পারে, ব্যক্তিটা কিরূপ ছিল। আমরা ইহ সংসারে আপন কার্য্য, বর্তব্য করিয়া থাকি এবং কালে কাল মুখে পতিত হই। “প্রভে!

সাধ্যমত আমি স্বকার্য্য ও তোমার সেবা করিতে আশ্রয় করি নাই, তব পদে আশ্রয় সমর্পণ করিলাম।” এই কথা বলিয়া যে ভবলীলাস্থল হইতে নিষ্ক্রান্ত হইতে পারে, সেই প্রকৃত পুরুষ।

মৃত্যু-শয্যাপার্শ্বে দারা স্নাতকে রোদন করিতে দেখিয়া কোন ব্যক্তি জিজ্ঞাসা করিয়াছিলেন “আমি চিরদিন ইহ সংসারে থাকিব, বোধ হয়, তোমরা এরূপ কখন মনে কর নাই, তবে কান্না কেন?” এনিও যে সে লোক নন।

ফুল বাবুরা ঘোর বিলাসীরা যাহাই বলুন, সময়ে সময়ে শ্মশানভূমে গমনে লাভ আছে। প্রজ্জ্বলিত শবাচিত্তা গম্ভীর শব্দে অনেক সহুপদেশ দিয়া থাকে।

শ্রীদীননাথ ধর।

১লা জানুয়ারি—১৮৯১।

আর একটি বৎসর গত হইল। গলায় গাঁদার মালা এবং খুঁটমাস কেঙ্ক (পিটা) দিয়া ইংরাজ পুরাতন সন ১৮৯৪ শালকে বিদায় করিয়াছেন। ১৮৯৪ শাল চলিয়া গিয়াছে। শাল কি কাল—কোথা গেল? জলে যেমন জলবিধ মিশায় কাল কি তেমনি কোন কিছতে মিশাইল? কেহ কেহ বলেন, কাল অনন্তকালে মিশাইয়া যায়। জিজ্ঞাসা করি, অনন্ত কালটা কি? পৃথিবীর উত্তর দক্ষিণ, পূর্ব পশ্চিমে অনন্ত জলরাশি রহিয়াছে। তাহাতে তরঙ্গ উঠিয়া আবার তাহাতেই মিশাইয়া যায়। মহাসমুদ্রের ত্রায় অনন্তকাল কি কোথায় অবস্থিত?

মনুষ্যভাষায় কালান্তর বৎসরকে নূতন পুরাতন বলা হইয়া থাকে। অদ্য ১লা জানুয়ারি ১৮৯৫ সাল—ইনি নূতন সন। ৩১শে ডিসেম্বরের রাত্রি ১২টার পর ইনিই আবার পুরাতন, বুড়ো হবেন, এই সনের তখন শপ—দাড়ি হবে। কালের আবার নূতন পুরাতন কি? কাল ধরিয়াই ত অশ্রু সমস্ত নূতন পুরাতন। ইহার আদি অন্ত কি তাহা মানব বুদ্ধির অগম্য। “অনন্ত কাল” আমাদের পক্ষে বাক্য মাত্র, নরবুদ্ধির গোচর নয়।

কালে সকলই নষ্ট হয়, কালকে তাই সর্বসংহর্তা বলে। শুধু তাই

কেন? কাল ত জনয়িতাত্ত। বাপই ত আবার ছেলে। ক্ষয়েই বৃদ্ধি, বিনাশেতেই ত জন্ম। সংহার মূর্তি কালীর পদতলে শিব, সংহারমূলে মঙ্গল। কথাটি গভীর অর্থযুক্ত। কাস্তেতে ধান কাটে। কালও সা কাটে। তাই ইংরাজী ভাষায় এইরূপ একটি বাক্য আছে sickle of time কালরূপী কাস্তে। কিন্তু কাস্তে যেমন ধান কাটে, সেইরূপ লাঙ্গলেও ধান জন্মায়। কালও জনয়িতা! তবে ploughshare of time কাল-লাঙ্গল, ইংরাজ এ প্রকার কোন বাক্যের সৃষ্টি করেন নাই কেন? আমরা যতদূর দেখছি ইংরাজ “একচোকো”।

শুনা যায় সাপে স্বীয় বাচ্ছা খাইয়া থাকে। কালের স্বভাবও সেইরূপ। কালও জীবজন্তু উৎপাদন করিয়া উদরসাৎ করে। মাকড়ের মত মহাকালও বমন এবং বমিত পদার্থ ভক্ষণে রত। সাপের বিধে লোক মরে এবং বাঁচে। কার্য্যগতিকে বিষ সূধা ও গরল। সময় ভাঙ্গে ও গড়ে, রাখে ও মারে। কাল সর্প, এ বাক্যটি, বেশ সঙ্গত। হিন্দুর কথাটা ত প্রায়ই সঙ্গত। তবে হিন্দু আজকাল সঙ্গতিহীন, দীন, এবং খেতে না পেয়ে ক্ষীণ।

১৮৯৪ সালে আমাদের দেশে দুইটি দিকপালের পতন হইয়াছে, ভূদেব মুখোপাধ্যায় অথবা প্রমুখ এবং বঙ্কিমচন্দ্র অথবা সাহিত্য কেন্দ্র। আর যুরোপে কৃষিয়ার মহীপাল এবং বিজ্ঞানহাল টিগুাল কালকীলাল মগ্ন হইয়াছেন। কার্পাস হইতে সূত্র হইয়া থাকে। ১৮৯৪ সালের শেষে কার্পাস-করের (Cotton-duty) সূত্রপাত হইয়াছে। ইহাতে ভারতের পাতে ভাত পড়িবে কি তাহার শিল্পের সম্পাত হইবে তাহা আপাত বলা দুষ্কর।

কাল নাকাল ও আসান দেয়। বর্ষায় ভিজিয়ে মারে কিন্তু বসন্তে মন প্রাণ শীতল করে। যৌবনে যে দাঁত খাদ্য চর্কণে সূখ প্রদান করে, বার্দ্ধক্যবশে কফযোগে তাহা যাতনা দিয়া থাকে। যে কাল লক্ষ্মীরা'র লাভণ্য ও মোহিণী শক্তির বিকাশ করিয়াছিল সেই কালই কালে তাহার জীবনের প্রদোষে তাহাকে বিশ্রী হাড়গড় ভাঙ্গা “দ” করে।

কালের কীর্তি কিন্তুুতকিমাকার, লীলা বোঝা ভার। কাল জলকে স্থল এবং স্থলকে জল করিয়া থাকে। কালবলে বালুকা বিন্দু পর্কত এবং

পূর্ণিত বালুকাবিন্দুতে পরিণত হয়। কাল তোমার ধন আমাকে এবং আমার ধন তোমায় দেয়। ভারতের ভারত ইংরাজকে দিয়াছেন এবং রণজিতের কহিনুর মহারাজ্ঞী করে সমর্পণ করিয়াছেন।

শ্রীদীননাথ ধর ।

প্রফুল্ল ।

(উপন্যাস)

গ্রামের মুখ্যেরা বেশ ধনী লোক। কর্তা কলিকাতায় হউসে কর্ম করিয়া বেশ দশ টাকা উপায় করেন। জমি বাগানও কিছু আছে। কর্তার মাতা এখনও জীবিত আছেন। বৃদ্ধা দিন রাত্রিই হরি নামের মালা লইয়া বসিয়া থাকে। প্রফুল্ল বলিয়া কর্তার একটা মাত্র পুত্র সন্তান। সে বৃদ্ধার মালাজপায় বড়ই বিরক্ত, ঠাকুর মা রূপ কথা না বলিয়া কেনইবা সূতা গাঁথা কাঠের বড়ি লইয়া রাত্রি দিনই বিড় বিড় করিয়া বকে বালক তাহা বুদ্ধিতে পারে না, তাহার তাহা সহ্য হয় না। আমাদের গল্প এই প্রফুল্লকে লইয়া। স্মরণ্য প্রফুল্ল চন্দ্রের গত জীবনের একটু ইতিহাস পাঠককে বলিতে হইতেছে।

প্রফুল্লকুমারের মাতার যখন বিশ বৎসর বয়স্ক তখন তিনি মুখ্যেরদের স্মরণ্য সংসারে আশা ভরসার মূর্তির স্বরূপ ভূমিষ্ঠ হন। প্রফুল্ল জন্মবার পূর্বে বৃদ্ধা বধুর বয়োবৃদ্ধি হইয়াছে, এখনও সন্তানাদি হইল না দেখিয়া বড়ই উৎকণ্ঠিত হইয়াছিলেন। গৃহে বাগ্ যজ্ঞ করান, বধুকে সঙ্গে লইয়া হুৎসস্বরী, সিদ্ধেশ্বরী, পাঁচুঠাকুর প্রভৃতি দেবতার পূজা দেওন ও বধুকে ঔষধ ধারণ করান ইত্যাদি বিবিধ অনুষ্ঠান করিয়াছিলেন। দেবতার অনুগ্রহেই হউক অথবা প্রকৃতির নিয়মানুসারেই হউক কিম্বা দিন পরেই বৃদ্ধার মনস্কামনা সিদ্ধ হইল, বধু একটা পুত্র সন্তানকে ভূমিষ্ঠ করিলেন। পিতা মাতার যত্নে ও ঠাকুর মাতার আদরে নবজাত শিশু দিন দিন শশিকলার ছায় বাড়িয়া উঠিল। চিকণ ঈষদ্ দীর্ঘ কেশ গুচ্ছের মাঝে কমল শিশু মুখ থানিতে যখন মূছ হাতের লহরী তুলিয়া বালক মাতার কোড়ে হইতে ঠাকুর মাতার কোড়ে ঝাঁপাইয়া পড়িত তখন বধু ও শশু

ঠাকুরাণী যে স্বর্গীয় উল্লাস অনুভব করিত তাহা বর্ণনা করা দুঃসাধ্য। ঠাকুরমাতা শিশুর ফুল আনন দেখিয়া অন্তপ্রাসনে প্রফুল্ল নাম রাখিলেন।

মা, ঠাকুরমার ও দাস দাসীর কোড়ে ফিরিয়া প্রফুল্ল বাড়িয়া ক্রমে পঞ্চম বর্ষের হইল। মুখ্যের মহাশয় সন্তানের হাতে খড়ি দিয়া পাঠশালায় পাঠাইবার উদ্যোগ করিলেন। বেত্রদণ্ড পরিশোভিত গ্রাম্য গুরুমহাশয়কে দেখিয়াই বালক ছুটিয়া ঠাকুরমার কোড়াশ্রয় গ্রহণ করিল। ঠাকুরমাতা যত্নের পোত্রকে উৎপীড়ক গুরু মহাশয়ের পাঠশালায় পাঠাইতে স্বীকৃত হইলেন না। প্রফুল্লকে স্মরণ্য গুরু মহাশয়ের যষ্টি স্মরণ্য অনুভব করিতে হইল না।

প্রফুল্লচন্দ্রের গত জীবনের সব কথা পুঙ্খানুপুঙ্খরূপে বলিতে গেলে আমাদের গল্প বড় বাড়িয়া উঠিবে।

স্বচ্ছন্দ সংসারে এক মাত্র সন্তানের যে সকল লক্ষণ হয় বাল্যকালে প্রফুল্লের তাহার অনেক গুলীন্ ছিল। প্রফুল্ল আছরে, আবদারে, ক্রোধী, অভিমানী প্রভৃতিপ্রিয় ছিল বটে, কিন্তু সে কখন দুঃস্থ ছিল না; ছুটিমি কাহাকে বলিত তাহা সে জানিত না। কেবল ছুটিমির মধ্যে এই ছিল যে ঠাকুরমা যখন তখন গল্প না বলিলে বৃদ্ধার হরিনামের বুলি মায় মালা অস্থানে কুস্থানে লুকাইয়া রাখিত, আর বুদ্ধিকে রাগাইত। কিন্তু তথাপিও বার্ক্যে ও শিশুত্বের বেশ গাঢ় প্রণয় ছিল।

প্রফুল্ল যখন দ্বাদশ বৎসরের তখন হঠাৎ একদিন বাড়ীতে নহবৎ বাজিতে লাগিল। অনেক আত্মীয় কুটুম আসিয়া মুখ্যেরদের বাটী পূর্ণ করিয়া ফেলিল। তৃতীয় দিবসে রাজপোষাকে শোভিত হইয়া চতুর্দোলে প্রফুল্ল বিবাহ করিতে গেল। বৃদ্ধা কাঠের মালা গুনিয়া ঠিক করিয়া ছিল যে ইহ সংসারে তাহার দিনও 'গুণতির' মধ্যে আসিয়াছে। অতএব ইতিনধ্যেই প্রৌত্রবধুর মঙ্গলময় মুখপানি না দেখিলে মরণে ত শান্তি হইবে না। তাহার আদরের প্রফুল্লের বধুকে কোড়ে না লইলে কি বৃদ্ধা মরিয়া স্মরণ্য পাইবে? বৃদ্ধার আদেশেও গৃহিণীর উৎপীড়নে মুখ্যের মহাশয় সন্তানের বিবাহ দিতে বাধ্য হইলেন।

যথা সময়ে বাজনা বাজাইয়া প্রফুল্ল বিবাহ করিয়া আসিল। একটা পঞ্চম বৎসরের দিবা ফুটফুটে মেয়ে দাসীর কোড়ে বসিয়া ফ্যাল ফ্যাল

করিয়া চাহিতে চাহিতে পাকী সমেৎ অন্তরে প্রবেশ করিল। বৃদ্ধা হরি-
নামের মালা ফেলিয়া পৌত্র ও পৌত্রবধুকে একে একে ক্রোড়ে লইয়া
মুখ চুম্বন করত মস্তকস্থিত কেশ সমষ্টির হিসাবধরিয়া নবদম্পতীর পরমাশু
সম্বন্ধে আশীর্বাদ করিলেন। বিবাহ হইয়া গেলে নবোঢ়া যে ক'দিন
শুশুরালয়ে ছিল, বৃদ্ধার ক্রোড়ে বেড়াইত, আর খেলাগৃহে বসিয়া বালক
পতির সহিত জুজুর ও পরীর গল্প শুনিত।

মুখ্যে মহাশয় সাংসারিক লোক। তিনি দেখিলেন মাতার মিকট
রাখিয়া দিলে তাহার পুত্রের বিদ্যাাদি সম্বন্ধে গুরুতর আশঙ্কার কারণ
আছে। তিনি প্রফুল্লকে পর বৎসরে কলিকাতায় লইয়া গিয়া স্কুলে ভর্তি
করিয়া দিলেন।

এইটুকু প্রফুল্লর গত জিবনী। তার পর আরও ষষ্ঠ সপ্ত বৎসর
অতিবাহিত হইয়া ফিরাছে। বৃদ্ধা ঠাকুরমাতা হরিনামের ঝুলি
ফেলিয়া ইহসংসারে হইতে বিদায় লইয়াছেন। প্রফুল্ল ও বালকত্বের সীমা
ছাড়াইয়া যৌবনের আদি রেখায় উপনীত হইয়াছে। আরও কত কি
ঘটনা সংঘটিত হইয়াছে, তাহার সবিশেষ বিবরণ আমাদের জানা নাই।
তবে আমরা শুনিয়াছি যে ছয় সাত বৎসর পূর্বে যে ক্ষুদ্র বালিকাটি
মুখ্যেদের বাটীতে আসিয়া গৃহআলো করিয়াছিল সেও বাড়িয়া উঠিয়াছে
এবং গোপনে গোপনে নাকি প্রফুল্লকে পত্রের উত্তরও লিখিতে শিখিয়াছে।

* * * *

শীতের পর ফাল্গুন মাসে প্রথম যেদিন স্নিগ্ধ দক্ষিণ মলয় প্রবাহিত
হয়, সেই দিন যেমন সর্কশরীর এক সুখতরঙ্গে উৎফুল্লিত হইয়া উঠে,
মানুষ প্রথম যৌবনে পদার্পণ করিয়া সেইরূপ উৎফুল্লিত হইয়া উঠে।
বিবাহের পর প্রফুল্ল একবার মাত্র শুশুরালয়ে গিয়াছিল, সেও অনেক দিন।
ইহা ব্যতীত পত্নীর সহিত তাহার সাক্ষাৎ সম্বন্ধ আর কখনও হয় নাই।
বাটীতে পরস্পরে তত্বাদি হইত বটে কিন্তু বালকের তাহাতে কোন সম্বন্ধই
ছিল না। সে কলিকাতায় পড়িত, বেড়াইত, খেলাইয়া সময় অতিবাহিত
করিত। দাম্পত্যপ্রেমের কোন কথাই তাহার মনে উদিত হইত না।
কিন্তু এই সরল বালকত্ব ক'য় দিনের জন্ত। যৌবনের প্রথমভাগেই প্রফুল্লের
বিকাশোন্মুখ হৃদয়বৃত্তি প্রেমপ্রবণ হইয়া উঠিল। নিদ্রা ত্যাগ করিয়া

প্রফুল্ল যেন কোন সুখ রাজ্যে জাগরিত হইল। যে কবিতা প্রফুল্ল অগ্রে
বুঝিতে পারিত না তাহার অর্থ এখন যেন মলিলের ত্রায় স্বচ্ছ বোধ হইতে
লাগিল, যে কাব্যে তাহার ঘৃণা ছিল এখন তাহা আদরের হইল। কবির
কোকিলের স্বরের মিষ্টতায় মোহিত হয়, পদ্যের পার্শ্বে মধুকরের গুণ-
গুণানিতে কবিত্ব উপলব্ধি করে, চন্দ্রের জ্যোৎস্নায় উত্তাপিত হয় এই
সকলের জন্ত প্রফুল্ল কবিদিগকে পাগল বলিয়া উপহাস করিত। কিন্তু
এখন দেখিল কোকিলের স্বর অপেক্ষা এ জগতে এত মিষ্ট বৃষ্টি আর কিছু
নাই। পদ্যের পার্শ্বে মধুকর অপেক্ষা কাব্যময় চিত্র বৃষ্টি আর অঙ্কিত
হইতে পারে না। চন্দ্রের জ্যোতি অপেক্ষা দক্ষকারি রশ্মি আর বৃষ্টি
বিজ্ঞানে নাই। সে যে এতদিন এই সহজ কথাগুলিন বুঝে নাই তাহাতে সে
আপনার বুদ্ধির প্রতি আশ্চর্য্য হইত।

একদিন পরোপলক্ষে আফিস স্কুল বন্ধ হইয়াছে, মুখ্যে মহাশয়
প্রফুল্লকে কলিকাতায় রাখিয়া বাটী গিয়াছেন। দশটার সময় হরকরা
আসিয়া প্রফুল্লকে একখানি পত্র দিল। প্রফুল্ল দ্রুত গৃহে প্রবেশ করিয়া
হর্ষান্বিত বদনে পত্র খানির আবরণ ছিড়িয়া ফেলিল, খুলিয়া পড়িল:—

স্বামিন্, আপনার পত্র পাইয়া যে কি পর্য্যন্ত আনন্দিতা হইয়াছি, তাহা
এই ক্ষুদ্র লিপিতে বলিতে পারি না। আপনার মধুমাখা হরপগুলিন
যত বারই পড়ি, তত বারই নূতন আনন্দ পাই। আপনি আমাকে
দেখিবার জন্ত উৎসুক হইয়াছেন জানিয়া বড়ই সুখী হইলাম। কিন্তু এ
পোড়ার মুখিকে দেখিয়া কি আপনার পরিতৃপ্তি হইবে। আমি আপনার
শ্রীচরণ দেখিবার জন্ত চাতকিনীর ত্রায় উৎকণ্ঠিত আছি। জগদীশ্বর
যে আমাদের কবে মিলন করাইবেন তাহা তিনিই জানেন। আমি ভাল
আছি, আপনি কেমন আছেন লিখিবেন। পত্রের উত্তর শীঘ্র
দিবেন, দেখিবেন যেন দেরি করিবেন না, পত্রই এ দাসীর সম্বল।
ইতি

আপনারই একান্ত অনুগতা,

বসন্ত কুমারী!

পাঠক! ইহার উপর আর কিছু কি বলিতে হইবে? প্রফুল্ল পত্র
খানি যে কতবার পাঠ করিল, কতবার চুম্বন করিল তাহা আমরা গনণা

করিয়া উঠিতে পারি নাই। কিন্তু এমন সময় কি কাহারও হয় নাই? তবে বেশী কথার প্রয়োজন কি?

কুপনের ঐশ্চর্যের মতন প্রফুল্ল অতি সংগোপনে যেখানে আরও কতকগুলি লুক্কায়িত ছিল সেইখানে এই পত্র খানি রাখিয়া দিল। পরে দ্রুতপদে কিয়ৎক্ষণ ইতঃস্তুত পদচারণ করিল। একবারে পিতৃগৃহে প্রবেশ করিল, পিতা বাটী গিয়াছেন জানিগেও প্রফুল্ল তাঁহার বস্ত্র অনুসন্ধান করিল দেখিল বস্ত্র নাই, পাছুকা অনুসন্ধান করিল দেখিল পাছুকা নাই, শর্য্যা শূন্য রহিয়াছে। পুনরায় কিয়ৎকাল ইতঃস্তুত ভ্রমণ করিল। প্রফুল্লের মস্তিষ্ক হর্ষমদে বিঘূর্ণিত হইয়াছিল, তাহার প্রত্যেক ধমণী দিয়া উল্লাসস্রোত তীব্রবেগে চালনা হইতে ছিল। “জগদীশ্বর যে আমাদের কবে মিলন করাইবেন তাহা তিনিই জানেন।” প্রফুল্ল এই কথাগুলিন আলোচনা করিতেছিল আর তাহার হৃদয় উল্লাসে বিকম্পিত হইতেছিল।

তদবস্থায় কিয়ৎকাল অতিবাহিত হইল। সহসা প্রফুল্ল নিজ ট্রাঙ্ক খুলিয়া বস্ত্রাদি বাহির করিল। সৌগন্ধ দ্রব্যের শিশি খুলিয়া সেই সকল বস্ত্রাদিতে সিঞ্চন করিল।

সে দিবস আহার করিতে বেলা হইল। আহার করিয়া একটু বিশ্রামান্তর বেশ ভূষায় সজ্জিত হইয়া প্রফুল্ল বাসা হইতে বাহির হইল। যাইবার সময় ভৃত্যকে বলিয়া গেল যে তাহার অদ্য অত্র স্থানে নিমন্ত্রণ আছে, কল্যা প্রাতেও নিমন্ত্রণ আছে। মনে মনে ভাবিল বাবারও দু’দিন আফিস বন্দ।

(২)

প্রফুল্লের শ্বশুরালয় রেল সন্নিকটস্থ গ্রামে। সূত্রাং কলিকাতা হইতে দুই ঘণ্টার মধ্যেই প্রফুল্ল সেই গ্রামে আসিয়া পহঁছিল। কিন্তু এখন একটা বিষম গোল বাধিল। পত্র পড়িয়া শোণিতের যে উষ্ণতা হইয়াছিল যাহার প্রভাবে সকল দিক্ ভাবিয়া কার্য্য করিবার ক্ষমতা ছিল নহ, এখন সে উষ্ণতা ত আর ততোধিক নাই। এখন মানসিক বৃত্তি প্রাকৃতিক অবস্থা পুনঃপ্রাপ্ত হইয়াছে সূত্রাং সেই সকল রম্য কল্পনার উত্তেজনা এখন মস্তিষ্কে আলোড়িত করিতেছে না। এই শাস্ত অবস্থায় প্রফুল্লের আর পূর্বের সাহস নাই। এখন সেই সাহসের স্থানে দারুণ লজ্জা

জুটিয়াছে। শ্বশুরের গ্রামে আসিয়াছে, কিন্তু শ্বশুরালয় আদৌ জানা নাই। নিতান্ত বাল্যকালে একবার মাত্র প্রফুল্ল তথায় আসিয়াছিল, কিন্তু এখন ত কিছুই পরিচিত বোধ হয় না। অবাচিত হইয়া শ্বশুরালয়ে প্রথম গমন, শ্বশুরালয়ও অপরিচিত! প্রফুল্ল লজ্জায় ঘৃণায় এতটুকু হইয়া গেল; মনে করিল এখান হ’তে প্রত্যাগমন করি। কিন্তু প্রাণের ভিতর হইতে উত্তর হইল, ‘ছি! তাও কি হয়!’ প্রফুল্লের আর চরণ উঠিল না। কি বিষম দায়! মানুষ কি কখন এমন দায়ে পড়ে গা?

মনে মনে অনেক তর্ক বিতর্ক করিয়া লজ্জাকে জোর করিয়া ভাড়াইয়া প্রফুল্ল সাহস ভরে অগ্রসর হইল—পথে ছোট বালক বালিকা দেখিয়া শ্বশুর বাটীর সন্ধান করিয়া যাইতে লাগিল। এক স্থানে একটা গলির মাথায় কতকগুলি বালক বালিকা ক্রীড়া করিতেছিল। একটা বালিকা—সে বড় সুন্দরী—“বুড়ি” হইয়া বসিয়া আছে, আর অপর বালক ও বালিকাগুলি ছুটাছুটি করিয়া তাহাকে স্পর্শ করিতেছে। প্রফুল্ল একটু শাস্ত হইয়াছিল, সেইখানে দাঁড়াইয়া শিশুদের ক্রীড়া দেখিতে লাগিল। একটা বালক যেমন ছুটিয়া “বুড়িকে” ছুঁইতে আসিবে অমনি প্রফুল্লের গাত্রে ‘ধাক্কা’ লাগিয়া পড়িয়া গেল। আঘাত যত না লাগুক ‘বুড়িকে’ যে সে ছুঁইতে পারিল না বালকের তাহাই কোথ—উঠিয়া প্রফুল্লের গাত্রে ধুলা নিক্ষেপ করিয়া কটু বাক্য প্রয়োগ করিতে লাগিল এবং তাহা সমাপ্ত হইলে “দাঁড়াও না যাকে বলে দিই গে, কোথা হতে এক ছোড়া এসে আমাকে ফেলে দিয়ে মেরেচে” এই সুর তুলিয়া ক্রন্দন করিতে করিতে গৃহাভিমুখে ছুটিয়া গেল।

এই অভূতপূর্ব ঘটনায় প্রফুল্ল একটু অপ্রস্তুত হইয়া গেল, মনে ভাবিল এসে কি ঝকঝকিই কার্য্য করিয়াছি। কিন্তু তখন উপায়ান্তর। প্রফুল্ল মাত পাঁচ ভাবিয়া সেই বালিকাকে শ্বশুর বাটীর সন্ধান জিজ্ঞাসা করিল। কথাটী শুনিয়া বালিকা প্রস্ফুটকারী মুখের প্রতি দুইটী বড় বড় চক্ষু স্থাপন করিয়া ক্ষণেক চাহিয়া রহিল। তার পরে বলিল “এখানে, আমার সঙ্গে এন” এই বলিয়া বেদিকে সেই বালক ছুটিয়া গিয়াছিল বালিকা সেই দিকে চলিল। প্রফুল্ল বালিকার পশ্চাৎ পশ্চাৎ কম্পিত হৃদয়ে যাইতে লাগিল।

পশ্চাৎ হইতে খেলিদের মধ্যে একজন ডাকিল,—“বসন্ত আর খেলবিনে ভাই?”

“না ভাই, এখন বাড়ী যাই।”

বসন্ত!—নাম শুনিয়া প্রফুল্লের হৃৎপিণ্ড দপ্ করিয়া উঠিল। শরীর কম্পিত হইতে লাগিল। ধমনী দিয়া রক্ত উষ্ণ প্রবাহিত হইল। বালিকা একটা বাটার নিকট উপস্থিত হইয়া—প্রফুল্ল এতক্ষণে বাটা চিনিতে পারিয়াছে—ফিরিয়া দাঁড়াইয়া বলিল “এই বাড়ী। তুমি কি চাও?”

প্রফুল্লের মুখে বাক্য নাই। সে তখন ভাবিতেছিল এই কি সেই? সেই অনেক দিনের কথা মত, আবছায়ার মতন যে দুইটা চক্ষু মনে পড়িতেছে সেই দুইটা চক্ষু এই দুইটা চক্ষুর মতন নয় কি? সেই ভঙ্গিমার সহিত এই ভঙ্গিমার কি কিছু মিল নাই? এমন সময়ে বালিকা পুনরায় জিজ্ঞাসা করিল, “তুমি কি চাও?”

প্রফুল্ল কি উত্তর করিবে কিছু খুঁজিয়া পাইল না, কেবল চাহিয়া রহিল। এমন সময়ে বাটার ভিতর হইতে একজন স্ত্রীলোক বাহিরে আসিল। সে এই বাড়ীর পুরাতন দাসী, কুটুম্ব বাড়ীতে তত্ত্বতাবাস উপলক্ষে তাহার বিশেষ গতিবিধি আছে। সেই দাসী প্রফুল্লকে দেখিয়াই চিনিতে পারিল, ব্যস্ত হইয়া বলিল,—“ও বসন্ত! ও যে তোর বর লো! কোথা হ’তে ধরে নিয়ে এলি? এস, এস, জামাই বাবু রাস্তায় দাঁড়িয়ে কি কনের সহিত আলাপ করিতে হয়?”

বর! বালিকা এক দৌড়ে একেবারে বাটার ভিতর গিয়া গৃহে কবাট বন্ধ করিয়া লুকাইল। যে বালকটী পড়িয়া গিয়াছিল সে দুষ্ট আগন্তুককে শাসন করিবার জন্ত এই দাসীকে ডাকিয়া আনিতেছিল। প্রফুল্লকে নিজের বাড়ীতে প্রবেশ করিতে দেখিয়া বালক দাসীকে বলিল—“ঐ! ঐ ছোঁড়া আমাকে ফেলে দিয়েচে।” ভূতর মা বালকের মুখ চাপিয়া ধরিয়া বলিল—“ছি! ছোঁড়া বলিতে নাই, উনি যে তোমার বোনাই।” বালক ক্রুদ্ধ হইয়া জোর করিয়া বলিল “ও আমার বোনাই নয়, বসন্তদির বোনাই।”

শ্রীলোক বাবুর সহিত প্রফুল্লের এইরূপ প্রথম পরিচয় হইল।

(৩)

রাত্রে যথাকালে প্রফুল্ল শয়্যাগৃহে নীত হইল। বাহির হইতে দ্বার বন্ধ হইল। গৃহে উদ্ভল আলোক জ্বলিতেছিল। পালঙ্কে শয়্যার এক প্রান্তে আপাদ মস্তক বস্ত্রাবৃত করিয়া একটা ক্ষুদ্রকায় মূর্তি শয়ন করিয়াছিল।

প্রফুল্ল সেই পালঙ্কে বসিল। দুইটা হৃদয়ের এই প্রথম মিলনের রজনী কি কবিতাময়! এই মিলনের স্তূথের বেদনা কি গভীর, কি মর্ম্মস্পর্শী! প্রফুল্লের জীবনের এই মুহূর্ত্ত কি অর্থপূর্ণ? ইহা কি আর বুঝাইতে হইবে?

যে এতদূর সাহস করিয়াছে সে এখন আর পশ্চাদ্গত হইবে কেন! প্রফুল্ল পালঙ্কে উঠিয়া বসিল, ধীরে ধীরে হস্ত প্রসারণ করিয়া শায়িতা মূর্তির গাত্রে দিয়া ডাকিল—বসন্ত!

অমনি খিলখিল করিয়া চতুর্দিক হইতে হাশ্বের ধ্বনি উঠিল। যে শয়ন করিয়াছিল সেই লাফাইয়া উঠিয়া বলিল “কেমন বোনাই! তোমায় ঠকিয়েছি?” প্রফুল্ল চাহিয়া দেখে, এ যে সেই শ্রীলোক বাবু। তখন পালঙ্কের নিম্ন হইতে আরও দুই চারিজন গুপ্তচর বাহির হইয়া হাসিতে যোগ দিল। প্রফুল্ল ভারি অপ্রতিভ হইল।

তামাসা সমাপ্ত হইল। তখন অলঙ্কারপরিশোভিতা স্তূতরাং বিবিধ বাদ্যকারিণী বস্ত্রাবৃত্তা একটা বালিকাকে পাঁচ জনে সেই গৃহে প্রবেশ করাইয়া দিয়া বাহির হইতে দ্বার বন্ধ করিয়া দিল।

প্রফুল্ল পালঙ্কে বসিয়া। বসন্তকুমারী বস্ত্রাবৃত্তা হইয়া শয়্যার অপন্ন প্রান্তে শয়না। কোন বাক্যালাপের স্বর ত শ্রুত হইতেছে না? এত আগ্রহের এত উৎসাহের পর এমন নিষ্কীবর্তা কেন ঘটে? প্রফুল্ল যে কেন কথা কহিতেছিল না তাহা বলিতে পারি। সে ভাবিতে ছিল আমি এতটা করিয়াছি, যে সামান্য টুকু বাকি আছে, তাহা কেন বসন্ত করিবে না। আমি এত লজ্জনা ভুগিয়া আসিয়াছি আমি কেন প্রথমে সন্তুষ্টের আদর পাইব না? যে মিলনের জন্ত জগদীশ্বরকে দায়ী করিতেছে সে কেন প্রথমে মিলন জাচিবে না? বিজ্ঞ পাঠক! তুমি ইহাকে ‘ছেলেমানুষি’ বলিয়া হাঁসিতে পার? কিন্তু প্রফুল্ল ত ছেলেমানুষি! আর সেই নবস্বামী-সমাগতা বালিকা যে কি ভাবিতে ছিল তাহা আমি বলিতে পারি না। ক্ষুদ্র হৃদয়ে যে কত বড় ভাব থাকে তাহা আমি কখনই ঠিক করিয়া উঠিতে পারি নাই।

তা যাইহাই হউক, ধৈর্য্যে রমণীকে কেহ কখন পরাজিত করিতে পারে নাই। বালিকা যেমন শয়ন করিয়াছিল তেমনই রহিল। এদিকে প্রফুল্লের

আবেগ পূর্ণ হৃদয়ে অশান্তি হইতে লাগিল। বালকের একবার বড়ই অভিমান হইল।—সে অভিমান কত ক্ষণের? আর একবার ক্রোধ হইল—সে ক্রোধও কতক্ষণের। অভিমান গেল, ক্রোধ গেল; এবার লজ্জা আসিল, কিন্তু তাহাও কি থাকে গা?

তখন প্রফুল্ল বলিল—“ছি! বসন্ত! এত কষ্ট করিয়া তোমাকে দেখিতে আসিলাম, তুমি একটা কথাও কহিলে না?”

বালিকা কোন উত্তরই করে না।

প্রফুল্ল আবার বলিল—“তুমিই ত আমাকে আসিতে লিখিয়াছিলে।”

এবারও কোন উত্তর আসিল না।

“তুমি যদি না কথা কও তবে আমি বাহিরে যাই?” এই বলিয়া প্রফুল্ল উঠিল, পাছকা পরিধান করিতে লাগিল। কিন্তু তখনও কেহ তাহাকে ত যাইতে বাধা করিল না! এমন বিষম দায়ে পাঠক কখন পড়িয়াছেন কি? কাজেই প্রফুল্ল পুনরায় বসিল। পত্নীর হস্ত ধরিয়া বলিল—“বসন কথাটা কবে না কি? তোমার মুখের দুটা কথা শুনিবার জন্য এতদূর আসিয়াছি তাহা কি শুনাইবে না। আমার কি অপরাধ হইয়াছে বল?”

কে উত্তর করিবে! বালিকা হস্ত টানিয়া লইয়া বস্ত্র মধ্যে লুকাইত করিল। টানিবার সময় অলঙ্কারের ঘর্ষণে প্রফুল্লের হস্ত ক্ষত হইয়া গেল। স্বামীকে সোণার আঁচড় খাওয়াইতে বস্ত্র বামাদের এত অভিলাষ কেন তাহা বুঝিতে পারি না! নতুবা সজারু সাজিয়া শয্যায় শয়নে কি প্রয়োজন?

এবারও প্রফুল্ল নিষ্ফল মনোরথ হইল। তখন বালক প্রফুল্ল (বিজ্ঞ ও কি করিত না) আর একটা উপায় অবলম্বন করিল। প্রফুল্ল পত্নীর নবপ্রেম-বিকাশিকা পত্রিকাগুলি সঙ্গে আনিয়াছিল। এক এক খানি খুলিয়া পড়িতে আরম্ভ করিল।

প্রথম খানি—স্বামীমুখ দর্শনে বালিকা যে কতদূর উৎসুক ইহাতে কেবল সেই সকল প্রশংসা কথা।

দ্বিতীয় খানি—শীর্ষে এই ছই ছত্র কবিতা—

শিশিরে কি ফুটে ফুল বিনা বরিষণে।

চিঠিতে কি ভুলে মন বিনা দরশনে ॥

প্রফুল্ল পত্র পড়িতে লাগিল। বালিকা বস্ত্র আরও টানিয়া গাত্র আবরিত করিল। ইহাতে বেচারি স্বামীর একটু আশা বাড়িল।

তৃতীয় খানি—ইহার শেষে একটা গান, তাহার প্রথম দুই ছত্র এই—

ভালবাসার কথা প্রভু আর মুখে তুলনা

তোমার প্রেমের দৌড় সবই গেছে জানা।

প্রফুল্ল যেমন ঐ দুই ছত্র পাঠ করিয়াছে; অমনি বালিকা তীব্রবেগে প্রফুল্লের হস্ত হইতে পত্রখানি ছিনাইয়া লইয়া খণ্ড খণ্ড করিয়া পালঙ্কের নিম্নে নিক্ষেপ করিল।

প্রফুল্ল বুঝিল বাঁধ ভাঙ্গিয়াছে। বলিল—“আমার চিঠি কেন ছিড়িলে?”

কোন উত্তরই নাই।

“তবে আমি ফের চিঠি পড়ি” এই বলিয়া প্রফুল্ল আর এক খানি পত্র খুলিয়া পড়িতে লাগিল—“জগদীশ্বরই জানেন আমাদের কবে মিলন হইবে।”

প্রফুল্ল সাবধানে এই পত্র খানি পড়িতেছিল, স্মরণে বসন্তকুমারী যখন সহসা পত্রখানি ছিনাইয়া লইতে উঠিল তখন প্রফুল্ল পত্রখানি সরাইয়া ফেলিল। বালিকা পরাজিত হইয়া শয্যায় শুইয়া পড়িয়া ক্রুদ্ধস্বরে বলিল—“ও সব বুঝি আমি লিখেছি?”

বাঁধ ত ভাঙ্গিয়াছিল এবার জল ঝাপাইয়া পড়িল, প্রফুল্ল হাসিয়া বলিল—“তুমি নও ত কে লিখিয়াছে?”

বালিকা (সেইরূপ স্বরে)—“আমার গরজ পড়ে গেছে? ও বাড়ীর বউ লিখেছে?”

প্রফুল্ল আশ্চর্য হইয়া বলিল—একি তোমার হাতের লেখা নয়?

বালিকা (সেই স্বরে)—“ঐ সব বউয়ের লেখা। আমি লিখতে জানি না কি।”

হরি! হরি! স্বর্গের মাঝে প্রফুল্লের যে রম্য কল্পনাকুটির নিশ্চিত হইয়াছিল তাহা যুপ করিয়া ভাঙ্গিয়া পড়িল! যে প্রেমপত্রিকাগুলি লইয়া বালক তাহার আশার কুঞ্জ তৈয়ার করিতেছিল তাহা জাল হইয়া গেল? প্রফুল্ল কি কঁাদিবে গা?

তার পর প্রফুল্ল দুই চারিটা কথা কহিল বসন্ত কোনটার উত্তর দিল না, কোনটার একটা ক্ষুদ্র হুঁ করিয়া সারিয়া দিতে লাগিল।

তাহাতেও বালকের কিছু সুখ ছিল। সেই সুখের মাঝে কিন্তু তাহার হৃদয় একতন্ত্রছিল বীণার স্বরের আয় যে সর্বদাই খ্যাৎ খ্যাৎ করিতেছিল তাহা আর কেহ কি বুঝিলেন? শ্রীদঃ

সাধন ।

সারা দিন থাকি দূরে দেখা হলে তার পরে
 কথাটী কহিতে যদি আগে হয় ভুল ।
 সহসা নয়ন কোলে মুক্তাফল আসি কোলে
 মুখানি শুখায় যেন দ্বিদাঘের ফুল ॥
 মেঘ ঢাকা চাঁদ প্রায় হাসিটী লুকায় তায়
 অভিমান বিষভরে হয় সে আকুল ।
 উপাদানে মুখ রাখি করে চাপে ছুটি আঁখি—
 নীরব নয়ন ধারা করে গো ব্যাকুল ॥
 মরম ভেদিয়ে ব্যথা সে বুঝি পেয়েছে তথা
 অনাদর ছল বুঝি মানিনীরে দহে ।
 তাই সে করেছে মান রমার অমোঘ বান
 দারুণ প্রহার তার হৃদে নাহি সহে ॥
 সযতনে অতি ধীরে ভূজপাশে বাঁধি তারে
 মুখানি তুলিয়া লই মুখানি উপর ।
 আদর মাখান স্বরে সাধি তারে সিঁপ্ট করে
 হাসি হাসি চুমি চুমি (ও) প্রেমের আকর ॥
 আদরে চুমিতে উঠে প্রেমভরা হাসি ফুটে
 হাসিতে হাসিতে মিলে অপূর্ক মিলন ।
 রবির কিরণ মাখি উজলিছে যেন শাখী
 ধৌত করে যায় যবে বরিষা বর্ষণ ॥
 ভাঙ্গিলে প্রণয় মান পুলকে পুরিত প্রাণ
 দৃঢ়তর হয়ে যায় প্রেমের বাঁধন ।
 কবি কহে রসজ্ঞ যে জন হবে কুসুমের পীুষ পাবে
 জীবনের করে ব্রত রমণী সাধন ॥

ত্রিহেম

প্রাপ্ত গ্রন্থের সংক্ষিপ্ত সমালোচনা ।

১। শ্রীশ্রী চৈতন্য দব ও প্রেমধর্ম । শ্রীযুক্ত চন্দ্রবিনোদ পাল
 চৌধুরী কর্তৃক প্রণীত । মূল্য ১০ চারি আনা মাত্র । এই পুস্তক খানি
 পড়িয়া আমরা যার পর নাই পরিতুষ্ট হইলাম । গ্রন্থকারের রচনাশক্তি
 প্রশংসিত । তিনি ভক্তির উচ্ছ্বাসে যাহা লিখিয়াছেন তাহা উপাদেয়
 হইয়াছে ।

২। সত্য সঙ্গীত । প্রথম খণ্ড । শ্রীযুক্ত কমলাকান্ত ব্রহ্মদাস কর্তৃক
 প্রণীত । মূল্য ১০ চারি আনা মাত্র । ধর্ম সঙ্গীত দেশে যতই সমাদৃত হয়
 ততই দেশের মঙ্গল । আমরা পুস্তক খানি পড়িয়া সুখী হইয়াছি ।

৩। পুরোহিত । মাসিক পত্র ও সমালোচন । শ্রীযুক্ত মহেন্দ্রনাথ
 বিদ্যানিধি সম্পাদিত । এই মাসিক পত্র খানি অতি উপযুক্ত ব্যক্তি কর্তৃক
 সম্পাদিত হইতেছে । আমরা যে কয়েক সংখ্যা প্রাপ্ত হইয়াছি, তাহা
 পড়িয়া সুখী হইয়াছি । পুরোহিত যেরূপ দক্ষতার সহিত স্বীয় কর্তব্য
 সাধন করিতেছেন, তাহাতে তাঁহাকে সমাদর করা সকলের কর্তব্য ।

৪। জ্যোতিঃ । মাসিক পত্র ও সমালোচন । সম্পাদকের নাম
 নাই, তবে বিখ্যাত লেখকগণের প্রবন্ধ ইহাতে ইহাতে সন্নিবেশিত হইয়াছে ।
 জ্যোতির প্রথম বিকাশ দেখিয়া আমাদের আশা হইতেছে যে ইহা স্থায়ী
 হইলে বঙ্গ সাহিত্যের গৌরব বৃদ্ধি হইবে ।

৫। সংসঙ্গ । মাসিক পত্র ও সমালোচন । এই মাসিক পত্র খানি
 বহরমপুর, গোরাবাজার হইতে শ্রীযুক্ত সাতকড়ি বন্দ্যোপাধ্যায় কর্তৃক
 সম্পাদিত । সাতকড়ি বাবুর এই উদ্যম অতীব প্রশংসনীয় । স্থানীয়
 লোকের বিশেষ কর্তব্য, যাহাতে এই মাসিক পত্র খানি স্থায়ী হইয়া
 বহরমপুরের গৌরব বৃদ্ধি হয় । যেরূপ ভাবে সংসঙ্গ পরিচালিত হইতেছে
 তাহাতে ইহা স্থায়ী হইলে আমরা সুখী হইব ।

৬। ইন্দুমতী । সামাজিক উপন্যাস । শ্রীযুক্ত যশোদালাল তালুকদার
 প্রণীত । মূল্য ১ এক টাকা । ইন্দুমতী সম্বন্ধে বঙ্গের খ্যাত নামা লেখক
 শ্রীযুক্ত বাবু অক্ষয়চন্দ্র সরকার মহাশয় বলিয়াছেন “যশোদার প্রতি আমার

বেশ একটু স্নেহ আছে। স্নেহের চক্ষে সকলই ভাল-সুতরাং ইন্দুমতীও ভাল লাগিয়াছে। আর ইন্দুমতীকে ভালবাসি তাহার কবিত্বময়ী বেশ ভূষা ও লালিত্যময়ী ভক্তির জগৎ। তবে যশোদার বয়োবৃদ্ধির সহিত জ্ঞান ও গুণপনার বৃদ্ধি হইলে, যে তাহার উপভাস আরও ভাল হইবে তাহা অবশ্য না বলিলেও চলে। কালে যে সেইরূপই হইবে এমন আশাও করি ও আশীর্বাদ করি।” পুস্তক খানি ক্রিষ্ণপ হইয়াছে, উপরোক্ত কথা দ্বারা পাঠক তাহার অনেকটা আভাস পাইবেন। আমরা অধিক কিছু বলিতে চাহি না। দুই এক স্থলে যে ভ্রান্তি রহিয়াছে তাহা দ্বিতীয় সংস্করণে সংশোধিত হইবে একপ আশা করি।

৭। ঠগী-কাহিনী প্রথম ও দ্বিতীয় খণ্ড মূল্য দুই খণ্ড একত্র ১১০ টাকা। শ্রীযুক্ত প্রিয়নাথ মুখোপাধ্যায়ের লিখিত। প্রিয়নাথ বসু দারোগার দপ্তর লিখিয়া প্রবিখ্যাত হইয়াছেন। তাঁহার ঠগী-কাহিনী অতীব মধুর হইয়াছে। পড়িতে পড়িতে বড়ই আনন্দ হয়। বঙ্গীয় পাঠক সমাজে এই পুস্তক যে আদৃত হইবে তদ্বিষয়ে আমাদের সন্দেহ নাই।



মাসিক পত্রিকা ও সমালোচনী।

সূচী।

(প্রবন্ধের মতামতের জন্ত লেখকগণ দায়ী।)

বিষয়।	পৃষ্ঠা।
১। মধুময়ী গীতা (পদ্য) (শ্রীকুমারনাথ মুখোপাধ্যায়)	... ২৮৯
২। জৈনদিগের সংক্ষিপ্ত ইতিবৃত্ত (শ্রীজানন্দগোপাল ঘোষ)	... ২৯৪
৩। রাজগির বা রাজগৃহ (শ্রীবিহারীলাল চট্টোপাধ্যায় বি, এল)	... ২৯৮
৪। ডেলিগেটের ডালি (শ্রীবিষ্ণুপদ চট্টোপাধ্যায় এম, এ, বি, এল)	... ৩০৫
৫। কুমারের সরস্বতী পূজা (পদ্য) (শ্রী—)	... ৩১১
৬। রামায়ণ আখ্যানের মহাকাব্য এবং মূলতঃ বাণ্যীকি কৃত কি না? (শ্রীদীননাথ ধর বি, এল)	... ৩১৩
৭। হিন্দুতীর্থ (শ্রীকুঞ্জবিহারী সেন)	... ৩১৭

ভূগলী,

সার্বিত্রী যন্ত্রে শ্রীহরিদাস পাল দ্বারা
মুদ্রিত ও প্রকাশিত।

মাঘ—১৩০১।

বিজ্ঞাপন।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিদ্য ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিকা যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ত ইহার অগ্রিম বার্ষিক মূল্য মায় ডাক মাসুল ১ এক টাকা মাত্র ধাৰ্য্য হইল। ইহাতে ৮ পেজী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। এরূপ সুলভ মূল্যের কাগজ মফঃস্বল হইতে এ পর্য্যন্ত বাহির হয় নাই। এই পত্রিকা সম্বন্ধে চিঠি পত্র, প্রবন্ধ, মূল্যের টাকা, সমালোচনার জন্ত পুস্তক প্রভৃতি যাবতীয় বিষয় আমার নিকট পাঠাইতে হইবে, এবং আমাকে লিখিলে পত্রিকা সম্বন্ধে জ্ঞাতব্য বিষয় সকলে জানিতে পারিবেন। অতি সুলভ মূল্যে বিজ্ঞাপনাদি ইহাতে প্রকাশিত হইবে।

শ্রীযত্ননাথ কাঞ্জিলাল,
কার্য্যাধ্যক্ষ।
হুগলী।

বিজ্ঞাপন।

হুগলীর চকে সাবিত্রী যন্ত্র নামে একটি ছাপাখানা স্থাপিত হইয়াছে। ইহাতে বাঙ্গালা ইংরাজী বহু প্রকার নূতন অক্ষর আছে এবং কলিকাতার দরে পুস্তকাদি ছাপান হইতেছে। বিশেষ সুবিধা এই, গ্রন্থকার ইচ্ছা করিলে, প্রফ সংশোধনের ভার স্বীকৃত লওয়া হইয়া থাকে। চিত্রিত্র চেক দাখলা প্রভৃতি সর্ব প্রকার জব ওয়ার্ক সুলভ মূল্যে স্বল্প সময়ের মধ্যে ছাপান হইয়া থাকে। আমাকে লিখিলে বিশেষ বিবরণ সকলে জানিতে পারিবেন।

শ্রীযত্ননাথ কাঞ্জিলাল
ম্যানেজার।
হুগলী।

পূর্ণিমা।

মাসিক পত্রিকা, ও সমালোচনী।

২য় ভাগ।

১ মাঘ, সন ১৩০১ সাল।

১০ম সংখ্যা।

মধুময়ী গীতা।

তৃতীয় অধ্যায়—কর্ম্মযোগ।

(পূর্ব প্রকাশিতের পর।)

অর্জুন কহিলেনঃ—

হে কেশব, বুঝিলাম তব অভিপ্রায় ;—

কর্ম্ম হ'তে বুদ্ধি যোগ শ্রেষ্ঠ যদি হয়,

কেন তবে মোরে কৃষ্ণ ছাড়ি বুদ্ধিযোগ,

হিংসাত্মক যুদ্ধ-কর্ম্মে করিছ নিয়োগ ? ১

কভু কর্ম্ম, কভু জ্ঞান প্রশংসা তোমার,

বিবিধ বচনে বুদ্ধি মোহিত আমার ;

সব(ই) জান তুমি, মোর কি প্রশ্ন এখন,—

সংক্ষেপে একটি কথা কহ জনাৰ্দন। ২

শ্রীভগবান কহিলেনঃ—

অনঘ, দ্বিবিধ নিষ্ঠা ইহলোকে হয়,

ইতিপূর্বে যাহা আমি কহি নু তোমায়।—

জ্ঞানযোগে লভে মোক্ষ যত সাংখ্যগণ,

কর্ম্মযোগে যোগিগণ মোক্ষপরায়ণ। ৩

কর্ম্মে হয় চিত্ত শুদ্ধি, তাহে জ্ঞানোদয় ;

কেবল সন্ন্যাসে সিদ্ধি কভু নাহি হয়। ৪

কর্ম ছাড়ি ক্ষণকাল থাকা নাহি যায়,
 স্বাভাবিক গুণে কর্ম আপনি করায় । ৫
 ইন্দ্রিয় চাপিয়া রাখি, বিষয় স্মরণ
 যেই করে, বিমূঢ়াত্মা কপটী সেজন । ৬
 মনের শাসন করি কামশূত্র যিনি,
 কিন্তু কর্মে রত সদা, প্রশংসিত তিনি । ৭
 অবশ্য কর্তব্য যাহা করিয়া তা চল,
 কর্ম ত্যাগ হ'তে পার্থ কর্ম করা ভাল ।
 সর্ব কর্ম শূত্র হ'লে ক্রমে দিন দিন,
 জীবিকা নির্বাহ হ'য়া হইবে কঠিন । ৮

কর্ম কি ? তা শুন, মাত্র ঈশ প্রীতিতরে
 কর যাহা, তাই কর্ম । হায় এ সংসারে
 অত্র যাহা কর তাহা কেবল বন্ধন !
 কোন্তেয়, নিষ্কাম কর্ম কর অনুক্ষণ । ৯
 যজ্ঞ সহ প্রজাসৃষ্টি করি প্রজাপতি,
 কহিলেন—যজ্ঞে প্রজা বৃদ্ধি হবে অতি ;
 ঈশপ্রীতি লাগি যজ্ঞ হইবে মহীতে,
 প্রজার অভিষ্টলাভ হইবে তাহাতে । ১০
 কহিলেন প্রজাপতি,—যজ্ঞে প্রজাগণ
 দেব সংবর্দ্ধন কর, আর দেবগণ—
 করুন প্রজার হিত দিয়া বৃষ্টিজল,
 পরস্পর বৃদ্ধি হবে পরম মঙ্গল । ১১
 দেবদত্ত বাহা তাহা দেবগণে দান
 না করিলে হয় সে ত তঙ্কর সমান । ১২
 যজ্ঞ শেষ-ভোজী সাধু পাপমুক্ত হন ;
 নিজার্থে পাক ভোজন করে পাপিগণ । ১৩
 অনহতে সমুৎপন্ন ভূত সমুদয় ;
 অন জন্মে বৃষ্টি হ'তে ; যজ্ঞে বৃষ্টি হয় ; ১৪

কর্মে যজ্ঞ ; বেদে কর্ম ; বেদ ব্রহ্ম হ'তে ;—
 সর্বব্যাপী ব্রহ্ম তাই আছেন যজ্ঞেতে । ১৫
 এই চক্রে আবর্তন না করে যে জন,
 স্বেচ্ছাচারী পাপময় বৃথা সে জীবন !
 আত্মানন্দে প্রীত সেবা, পরিতৃপ্ত হয়,
 তাহার কর্তব্য কিছু নাই স্ননিশ্চয় ; ১৭
 ইহলোকে নাই তার পাপ পুণ্য-ভার ;
 মোক্ষার্থে আশ্রয়নীর কেহ নাই তার । ১৮
 নিষ্কাম অন্তরে কর কর্ম, অনুষ্ঠান,
 ফলাসক্তিশূত্র যাঁরা তাঁরা মোক্ষ পান । ১৯

জনকাদি ঋষি যত কর্মযোগ করি,
 করিলেন জ্ঞান লাভ । লোকধর্ম'পুরি ২০
 দৃষ্টি রাখি কর্ম করা উচিত তোমার,
 শ্রেষ্ঠানুকরণে দেখ চলিছে সংসার । ২১
 কি অভাব আছে মোর ? কর্তব্যও নাই ;
 কিন্তু দেখ রত আমি কর্মেতে সদাই । ২২
 আমি যদি না দেখাই কর্মশীলতার
 পরিচয়, কর্মহীন হইবে সংসার । ২৩
 কর্মলোপে ধর্মলোপ, লোক নষ্ট হবে ;
 বর্ণসঙ্করেতে ম্লান হ'বে প্রজা সবে । ২৪
 অজ্ঞানীর কর্ম যথা অনাসক্ত জন
 স্বধর্মে রাখিতে লোকে করেন তেমন । ২৫
 “কর্মাঙ্গু অজ্ঞানীর কর্ম যে নিষ্ফল,—
 হেন বলি উচ্ছ্ জ্ঞান মানব মণ্ডল
 করিবে না কভু পার্থ । জ্ঞানিগণ ভবে
 আপনি করিয়া কর্ম শিক্ষা দেন সবে । ২৬
 প্রকৃতির গুণ যত — ইন্দ্রিয় সকল
 সর্বকর্ম সম্পাদন করিছে কেবল ;

অহঙ্কারে বিমূঢ়াত্মা মায়ামুক্ত নর
 “আমি কর্তা” বলি যুদ্ধ করে নিরন্তর ! ২৭
 গুণ হ’তে কৰ্ম হ’তে আত্মার বিভাগ -
 তত্ত্ব জানি মহাবাহো, যত মহাভাগ
 “ইন্দ্রিয় বিষয়ে রত, আমি কিছু নই”
 ধ্রুব জানি হয়েছেন অহঙ্কার জয়ী । ২৮
 ইন্দ্রিয় বিষয়াসক্ত মুক্তমতি যার,
 বিচলিত চিত্ত কভু করিবে না তার । ২৯
 সৰ্বকৰ্ম সম্প্রিয়া আত্মার উপর,
 নিষ্কাম অন্তরে যুদ্ধ কর ধনুর্ধর । ৩০
 মম বাক্যে শ্রদ্ধাবান দোষ দৃষ্টিহীন
 যেই জন অনুষ্ঠান করে চিরদিন
 এই মত, মুক্ত হন কৰ্মবন্ধ হ’তে ; ৩১
 যে না করে সে বিমূঢ় নষ্ট হয় তা’তে । ৩২
 প্রকৃতির অনুগত প্রাণী জ্ঞানিগণ, -
 ইন্দ্রিয় নিগ্রহ করা অসাধ্য সাধন ! ৩৩
 প্রতি ইন্দ্রিয়ের পার্থ স্বভাব বিশেষ -
 “অনুকূলে অনুরাগ প্রতিকূলে দ্বেষ” ;
 তা’তে কভু বশীভূত হ’বেনা নিশ্চয়,
 মুমুকুর প্রতিপক্ষ সে অবস্থা দয় । ৩৪
 দেখ পার্থ, স্নসম্পন্ন পরধৰ্ম হ’তে
 অঙ্গহীন স্বীয় ধৰ্ম শ্রেষ্ঠ এ জগতে ।
 কহি পুনঃ ধনঞ্জয়, জানিবে নিশ্চয়
 স্বধৰ্মে নিধন শ্রেয়ঃ পরধৰ্মে ভয় । ৩৫ *

অর্জুন কহিলেনঃ -

অনিচ্ছায় কহ কৃষ্ণ কেবা পুরুষেরে
 বলে ধরি পাপ-পথে নিয়োজিত করে ? ৩৬

*স্বধৰ্ম = আত্মার ধৰ্ম, প্রাণায়ামাদি ।

পরধৰ্ম = আত্মা ভিন্ন অপরের, অর্থাৎ ইন্দ্রিয়ের কার্য ।

শ্রীভগবান কহিলেনঃ -

সেই ত ছুপ্পূর্ণীয় রজোজাত কাম
 আর ক্রোধ, পথে বৈরী যেতে মোক্ষধাম । ৩৭
 জরায়ুতে গর্ভাবৃত, বহি যথা ধূমে,
 ধূলিতে দর্পণ, - তথা জ্ঞানাচ্ছন্ন কামে । ৩৮
 কৌন্তেয়, অপূর্ণীয় কামাগ্নি অন্তরে -
 জ্ঞানীদের চিরশত্রু - জ্ঞানাচ্ছন্ন করে । ৩৯
 মনো, বুদ্ধি ইন্দ্রিয়েতে কাম অধিষ্ঠান,
 মানবে মোহিত করে আবিরিয়া জ্ঞান । ৪০

প্রথমে ভরতর্ষভ, ইন্দ্রিয় সকল
 সংযত করিয়া, পরে এই মহাবল
 আত্মজ্ঞান, শাস্ত্রজ্ঞান, সৰ্বনাশকারী,
 বধকর মহাপাপ কাম চির অরি । ৪১
 দেহ হ’তে শ্রেষ্ঠ পার্থ ইন্দ্রিয় সকল ;
 ইন্দ্রিয়ের শ্রেষ্ঠ মন ; বুদ্ধিই কেবল
 মনের অপেক্ষা শ্রেষ্ঠ ; কিন্তু বুদ্ধি হ’তে
 শ্রেষ্ঠ যিনি আত্মা তিনি, জান ভাল মতে । ৪২
 হেনরূপে মহাবাহো আত্মাকে জানিয়া,
 এক বুদ্ধি দ্বারা মন নিশ্চয় করিয়া,
 কামরূপ মহাশত্রু কর পরাজয় ! -
 কৰ্মযোগ গূঢ়তত্ত্ব কহিহু তোমায় । ৪৩

ইতি তৃতীয় অধ্যায় - কৰ্মযোগ ।”

শ্রীকুমারনাথ মুখোপাধ্যায় ।

জৈনদিগের সংক্ষিপ্ত ইতিবৃত্ত ।

জৈনদিগের উৎপত্তি যে কোন সময় হইতে আরম্ভ হয় ভারত ইতিহাসে সে বিষয়ে কিছু স্থির মীমাংসা নাই। বিখ্যাত লেখকগণ যাহা অনুমান করিয়া গিয়াছেন তাহাতে এই মাত্র জানা যায় যে খৃষ্টীয় ৬ষ্ঠ কিম্বা ৭ম শতাব্দী হইতে ১০ম শতাব্দীর মধ্যে ইহাদিগের অভ্যুত্থান হয়। কেহ কেহ বলেন জৈন তীর্থঙ্কর ধার্মিক প্রবর মহাবীর বৌদ্ধ সম্প্রদায়ের আদি শিক্ষক ছিলেন। বহু তর্ক বিতর্কের পর কেহ কেহ মীমাংসা করিয়া গিয়াছেন, যে বৌদ্ধেরা বলে “মহামুনি গৌতমের পূর্বে ২৪ জন বৌদ্ধ ধর্ম প্রচারক ছিলেন এবং তৎকালীন ২৪ জন জৈন তীর্থঙ্করও থাকেন।” এই সকল মীমাংসা করিয়াও কিছুই বিশ্বাস যোগ্য বলিয়া স্থিরীকৃত হয় নাই, কারণ জৈন ধর্মের ইতিবেত্তাদিগের বৃত্তান্ত বিশ্বাসযোগ্য নহে, যেহেতু তাহাদিগের স্বভাব বশতঃ তাহার স্বধর্মের বৃত্তান্ত বহুলরূপে ব্যাখ্যা করিয়া গিয়াছে; ফলতঃ তাহাদিগের উপর নির্ভর করিয়া কিছু স্থির মীমাংসা হইতে পারে না। তবে কল্যাণী বংশোদ্ভূত চালুক্যের লিপি দৃষ্টান্তে যাহা পাওয়া যায় এবং যাহা বিশ্বাসযোগ্য বলিয়া প্রতীয়মান হয় যে খৃঃ ৪৮৫ হইতে ৫৯০ শতাব্দীর মধ্যে যখন পলকেশী নামক রাজা রাজত্ব করেন সেই সময় হইতে জৈনেরা প্রতিপত্তি লাভ করিতে থাকে। কিন্তু ইহাদিগের উৎপত্তি যে কোন সময় হইতে হয় তাহা একাল পর্য্যন্ত কিছুই স্থির হয় নাই, কিন্তু গভীর গবেষণা দ্বারা এই মাত্র বুঝা যায় যে ইহারা বৌদ্ধদিগের সমসাময়িক এবং বহুকাল হইতে চলিয়া আসিতেছে তাহার আর কিছু মাত্র সন্দেহ নাই। এবং বৌদ্ধদিগের সহিত যে ইহাদিগের অনেক সোসাদৃশ্য আছে তাহারও অনেক প্রমাণ পাওয়া যায়। ১ম বুদ্ধ ও মহাবীর উভয়েই ইক্ষ্বাকু বংশোদ্ভূত, উভয়েরই এক জনক, বুদ্ধের যশোধরা নাম্নী পত্নী ছিল মহাবীরেরও পত্নীর নাম যশোদা ছিল। বিহারের অন্তর্গত পাউয়া গ্রামে ৫২৭ খৃঃ মহাবীরের মৃত্যু হয় এবং ইহার অত্যন্ত দিবস পরে ৫৪৩ খৃঃ উক্ত গ্রামের সন্নিকটে বুদ্ধেরও মৃত্যু হয়। অতএব ইহাদিগের সম্পর্ক সর্ব বিষয়ে যে এত নৈকট্য তাহাতে ইহারা

যে এক ধর্ম হইতে দুইটি সম্প্রদায় হইয়াছে তাহার আর কোন সন্দেহ নাই। অদ্যকার এই প্রবন্ধে তাহা যথাসাধ্য দেখাইতে ক্রটি করিব না।

জৈনদিগের সাধারণ নাম শ্রাবক। জৈন ও বৌদ্ধ উভয় সম্প্রদায়ের লোকেরা তাহাদিগের শিক্ষককে ঈশ্বরের ত্রায় পূজা ও মাগ্ন করিয়া থাকে, এবং তাহার কল্পিত প্রতিমূর্ত্তি মন্দিরে স্থাপনা করিয়া রাখে। “অহিংসা পরম ধর্ম” দুই সম্প্রদায়েই প্রচলিত এবং তাহা বিশেষরূপে পালন করিয়া থাকে। কোন বিষয় বিশেষরূপে অনুসন্ধান দ্বারা প্রকাশ করিতে উভয় দলই অত্যন্ত নিপুণ, ইহাদিগের বিষয় এইরূপ দেখা যায় যে, যে সকল শিক্ষক বা সাধু ব্যক্তি অল্পায়ু কিম্বা গঠন প্রণালী খর্ব তাহাদিগকে অত্যন্ত মাগ্ন করিত। এক্ষণে জৈন ও বৌদ্ধদিগকে তুল্য করিয়া এই বুঝা যায় যে জৈনেরা কেবল বৌদ্ধদিগের নিয়ম প্রণালী ও সংস্কার সকল বহুলরূপে অলঙ্কৃত করিয়াছে মাত্র।

দুইটি অবস্থার স্থায়িত্ব লইয়া জৈন দর্শন শাস্ত্র আরম্ভ হয় তাহাদের একটি এই যে সমস্ত পদার্থ বা মনুষ্যকে তাহারা জীব ও অজীব বিষয়কে অজীব বা জড় বলিয়া আখ্যায়িত করে, অর্থাৎ যে সমস্ত জ্ঞান রহিত, জীবংশের প্রতিকূল এবং অজ্ঞ সমস্ত বিষয়ের দ্বারা সংযুক্ত হয় তাহাই অজীব; অতএব এই সকল পদার্থ এক একটি সমষ্টিগত সূক্ষ্ম পরমাণু মাত্র; এতদুভয়েই অমৃত ও অমর, যদিও তাহারা ভিন্ন ভিন্ন আকারে ও বিভিন্ন প্রকার মানবের অবস্থায় উপগত হইয়া থাকে। এইরূপে এই বুঝা যায় যে জীবন অপরিবর্তনশীল নিশ্চিত পদার্থ এবং প্রারম্ভ বশতঃ ক্রমাগত নিম্নতম সোপান হইতে অতি উচ্চতম সোপান পর্য্যন্ত—যাবৎ না মোক্ষ অর্থাৎ শেষ নিক্রাণে উপগত হয়, তাবৎ এক হইতে অপর অপর হইতে অপর এইরূপে ভ্রমণ করিয়া বেড়ায়। ইহাদিগের মোক্ষ ধর্ম ব্যাখ্যা বড় সুন্দররূপে প্রকাশিত যথাঃ— একটা পক্ষীকে পিঞ্জর হইতে ছাড়িয়া দিলে পক্ষীটি জল নিমজ্জিত হইয়া বহু দিনার্জিত ক্লেশ সকল বিধৌত করিয়া ফেলে এবং উঠিয়া আতপ তাপে তাহার পক্ষ সকল শুষ্ক করিয়া শূন্যে উড়িয়া যায় আর কখন সেখানে প্রত্যাগমন করে না, সেইরূপ এই অন্তরস্থিত আত্মা বহুকালাবধি হইয়া যখন স্মৃতি ফলে হৃদপিঞ্জর হইতে মুক্ত হয় তখন ঐরূপে মূল পদার্থে গিয়া মিশিয়া যায় আর তথায় প্রত্যাগমন করে না।

“জৈনদিগের কর্ম দুইপ্রকার, যথা ঘাতি ও অঘাতি কর্ম; যে কর্ম মুক্তির বিঘ্নকর তাহাই ঘাতি কর্ম। এই ঘাতি কর্ম আবার চারি প্রকারে বিভক্ত যথা জ্ঞানাবরণীয় দর্শনাবরণীয়, মোহনীয় ও আন্তর্য্য। তত্ত্বজ্ঞান দ্বারা যাহার মুক্তি হয় না তাহাই জ্ঞানাবরণীয়, আইত দর্শন অধ্যয়নাদি দ্বারা যাহার মুক্তি হয় না তাহাই দর্শনাবরণীয়, কোনটী মুক্তির প্রকৃত কারণ এই বিষয়ের অনবধারণকে মোহনীয় ও মোক্ষ পথের প্রবৃত্তির বিঘ্ন করাকে আন্তর্য্য কর্ম বলে। অঘাতি কর্মও চারি প্রকার যথা বেদনীয়, নামিক, গোত্রিক ও আয়ুক। ঈশ্বরতত্ত্ব আমার জ্ঞাতব্য এই অভিমানকে বেদনীয়, আমি অমুক নাম বিশিষ্ট রূপ অভিমানকে নামিক, অমুক বংশে আমার জন্ম, এই অভিমানকে গোত্রীয় ও শরীর রক্ষার জন্ত যে কর্ম করা যায় তাহাকে আয়ুক কর্ম বলে। উক্ত কয়েক প্রকার কর্ম মুক্তির কোনরূপে বিঘ্নকাণ্ডী হয় না বলিয়া ইহাকে অঘাতি কর্ম বলে।”

জ্ঞান দ্বারা কোন বস্তুকে বিশেষরূপে জানা কিম্বা গভীর গবেষণা দ্বারা, দার্শনিক ও শাস্ত্রবিৎদিগের শিক্ষা প্রণালী আলোচনা দ্বারা ও তৎক্রিয়ামুঠান দ্বারা বন্ধন হইতে আত্মার মুক্তির লাভ করা যায়, ইহা বৌদ্ধদিগের এমন কি সমস্ত ভারতবাসীদিগের ধর্ম ও শিক্ষা প্রণালী। বৈশ্বিক বিদ্যালয়ের শিক্ষা যে, পদার্থ সকল সূক্ষ্ম পরমাণুর সমষ্টিতে গঠিত। এই শিক্ষা ও জ্ঞান বহু পূর্বে জৈনদিগের সাধু কণ্ড কর্তৃক বহুলরূপে প্রচারিত হইয়াছিল।

বৌদ্ধদিগের ছায় জৈনেরা প্রাণীবধে অপক্ষপাতী, ইহারা এমন কি বৃষ্টির সময়, অন্ধকারে বা অনাবৃত স্থানে পান ভোজন করে না; পাছে কোন কীট পতঙ্গ তক্ষণ করিয়া ফেলে। পানীয় জল তিনবার বস্ত্রপূত করিয়া লয়। প্রতিকূল বাতাসে ইহারা ভ্রমণ করে না পাছে কোন কীট তাহাদের বক্ষঃস্থলে পড়িয়া আঘাত প্রাপ্ত হয়। প্রার্থনার সময় ইহাদের মুখে একখানি করিয়া সূক্ষ্ম বস্ত্র আবরণ স্বরূপ থাকে।

জৈনেরা সাধারণতঃ দুই ভাগে বিভক্ত। ১ম দিগম্বর, ২য় শ্বেতাশ্বর। দিগম্বর বা নির্গ্রহি যাহারা সংসারের সমস্ত বন্ধন হইতে মুক্ত। শ্বেতাশ্বর ইহারা শ্বেত বস্ত্রাদি পরিধান করিয়া থাকে। এই সকল তারতম্য কেবল মাত্র যতিদিগের মধ্যেই পরিলক্ষিত হয়, সাধারণের নিষিদ্ধ।

এক্ষণে হিন্দুদিগের সহিত ইহাদিগের কতদূর সৌসাদৃশ্য তাহা দেখা যাউক! প্রথমতঃ ইহারা ব্রাহ্মণের চতুর্বিধ বর্ণ সম্বন্ধে এবং ব্রাহ্মণেরা যেরূপ ক্ষত্রিয় বৈশ্য ইত্যাদিকে আপনাদিগের সেবার্থে গ্রহণ করিয়া থাকে তাহা তাহারা স্বীকার করে এবং তদ্রূপ করিয়া থাকে; কেবল মাত্র ইহাদের ধর্মে জাতিভেদ প্রথা নাই। জৈনদিগের মন্দিরে দেবতা সকলের পূজা ও ক্রিয়া কলাপ হিন্দু ব্রাহ্মণ পুরোহিত দ্বারা হইয়া থাকে, ধর্মশাস্ত্র পাঠ কেবল যতিদিগের দ্বারাই সম্পন্ন হয়। আশ্চর্য্যের বিষয় যে তাহাদের আপনার কোন পুরোহিত নাই। জৈনেরা শঙ্করের ১০টি প্রধান ক্রিয়া কয়টি বিশেষরূপে লক্ষ করে এবং কতকগুলি, হিন্দু ব্রাহ্মণদিগের, গার্হস্থ্য দেব দেবীকে পূজা করে।*

জৈনদিগের পর্ক সকলের মধ্যে পর্ষ্যসন পর্কই সর্বাধিক প্রধান। এই সময়ে তাহারা তাহাদের গুরু নিকট জ্ঞান ও অজ্ঞান জনিত দোষ সকল স্বীকার করে এবং পর্কারন্তের পূর্বে একবার ক্রিয়া বৎসরের এই সকল দোষ স্বীকার করিয়া পূর্বকৃত দোষ হইতে মুক্ত হয় এবং উক্ত কারণে নানা প্রকার দ্রব্য আহরণ ও তদ্বারা সকলকে পরিতৃপ্তরূপে ভোজনাদি করাইয়া পাপের প্রায়শ্চিত্ত করে।

উক্ত পর্ক ব্যতীত ইহারা কয়েকটি হিন্দু পর্কও লক্ষ করিয়া থাকে যথা—বসন্তপঞ্চমী, অক্ষয় তৃতীয়া, ঘটস্থাপনা ইত্যাদি। ইহারা হিন্দুদের দেবীর স্থায়িত্ব স্বীকার করে এবং আপন ধর্মের মত হিন্দু-পূজা-পদ্ধতির মাত্র করিয়া থাকে। ইহাদের মন্দিরাভ্যন্তরে, শঙ্কর, সরস্বতী দেবী ভবানী, হুম্মান, ভৈরব ও গণেশ এই সকলের প্রতিমূর্তি দেখা যায়। অতএব গর্য়্যালোচনা করিয়া এই দেখা যায় যে হিন্দুদিগের ধর্ম, বৌদ্ধধর্ম ও উভয়ের আচার ব্যবহারের সহিত ইহাদের অনেক সৌসাদৃশ্য আছে এবং অনেক স্থলে যে উভয় ধর্মের মতাবলম্বী হইয়া কর্ম করে তদ্বিষয় স্পষ্টই প্রতীয়মান হয়।

শ্রী আনন্দগোপাল ঘোষ।

*Statistical Account (W. W. Hunter.)

রাজগির বা রাজগৃহ।

ভারতবর্ষের অনেক স্থানে উষ্ণ প্রস্রবণ আছে। মুঙ্গেরের সীতাকুণ্ডের বিষয় অনেকেই অবগত আছেন। চট্টগ্রাম জেলায়, বীরভূম জেলায় ও পাটনা জেলায় কতকগুলি উষ্ণ প্রস্রবণ আছে। আমরা পাটনা জেলার উষ্ণ প্রস্রবণ দেখিতে গিয়াছিলাম তাহা আজ বর্ণনা করিব। ৩ অক্ষয়কুমার দত্ত মহাশয়ের উষ্ণ প্রস্রবণ নামক প্রবন্ধে পাটনা জেলার অন্তর্গত রাজগির বা রাজগৃহের উষ্ণ প্রস্রবণের কথা উল্লেখ আছে মাত্র, তথাকার উষ্ণ প্রস্রবণের বিশেষ বিবরণ বা তথ্য যাইবার পথের বিষয় কিছুই উল্লেখ নাই। ইষ্ট ইণ্ডিয়ান রেলওয়ে স্টেশন বকতিয়ারপুর হইতেই রাজগৃহ যাইবার সুবিধা। উক্ত স্টেশন হইতে রাজগৃহ ৩২ মাইল পথ, তন্মধ্যে প্রথম ১৮ মাইল বেশ পাকা রাস্তা আছে ও ঘোড়ার গাড়ি পাওয়া যায় শেষ ১৪ মাইল পথ কাঁচা রাস্তা ও ঘোড়ার গাড়ি চলে না, গো-যান বা পাকী অথবা ডুলির দ্বারা যাইতে হয়।

বকতিয়ারপুর হইতে রাজগৃহ যাইতে হইলে বেহারের মধ্য দিয়া যাইতে হয়। বেহার একটি সমভূমিস্থান। এখানে অনেক লোকের বাস আছে ও ইহা পঞ্চানন নামক একটি ক্ষুদ্র নদীর তীরে অবস্থিত।

বকতিয়ারপুর স্টেশন হইতে পশ্চিম মুখে ক্রোশ খানেক যাইলে কাঁচ মেঘের মত রাজগৃহের পাহাড় দেখতে পাওয়া যায়। বেহারেও একটি পাহাড় আছে, তাহাতে গাছ পাল্লা কিছুই নাই; কেবল প্রস্তরময়।

বেহার হইতে রাজগৃহ ৭ ক্রোশ দূর। পথে দুইটি মাত্র বড় গ্রাম দেখিলাম একটি ১ ক্রোশ ও অপরটি ৫ ক্রোশ দূরে। ইহা ছাড়া কেবল মাঠ ধূ ধূ করিতেছে একটিও পর্ণকুটীর দেখিতে পাইলাম না। পথে চোর ডাকাতির ভয়ও আছে শুনিলাম। আমাদের বেহারার রাত্রিতে আমাদের লইয়া যাইতে সাহস করিল না। যে গ্রাম দুইটির কথা বলিয়াছি তাহার প্রথমটির নাম দ্বীপনগর ও দ্বিতীয়টির নাম সীলাও। গ্রাম দুইটি বেশ বড় অনেক লোক জনের বাস আছে। সীলাও হইতে রাজগৃহ দুই ক্রোশ পথ; এখানে ডাকঘর ও থানা আছে। আমাদের পত্রাদি সীলাও

হইতেই বিলি হইত। সীলাওয়ে অনেকে স্ত্রীলোকদিগের চুড়ি তৈয়ার করিয়া জীখনযাত্রা নিরীহ করে। এখানকার খাজা (মিষ্টান্ন) অতিশয় সুখাদ্য ও সীলাও এই নিমিত্ত বেহার অঞ্চলে বিখ্যাত।

রাজগৃহে ১৫০ ঘর পাণ্ডার বাস আছে। পাণ্ডারা উপাধ্যায়, কাণ্ডকুঞ্জের ব্রাহ্মণ এ ছাড়া গোয়ালারই বাস অধিক। রাজগৃহ মুঙ্গের জেলার অন্তর্গত হাউসেনাবাদ গ্রামের নবাবের জমিদারী। নবাব সাহেব প্রজাদের নিকট বাসগৃহের তলস্থ জমির কোন কর লয়েন না তবে তাঁহার আবশ্যক হইলে বিনা বেতনে কার্য করিতে হয়। আমরা যেদিন ফিরিয়া আসিব তাহার পূর্ব দিন পাক্কির বেহারাদের অগ্রিম কিছু মূল্য দিয়া আমাদেরকে বেহার লইয়া যাইবার বন্দোবস্ত করিলাম ও কহিয়া দিলাম যে কল্যা প্রত্যুষে তোমরা যান লইয়া আসিও। পর দিবস বেলা ৭টা বাজিল কিন্তু বেহারারা আসিল না দেখিয়া আমরা আশ্চর্য হইলাম ও অল্পসন্ধ্যানে জানিলাম যে নবাব সাহেবের পুত্রের বিবাহোপলক্ষে বেহারার আবশ্যক ও রাজগির গ্রামের যাবতীয় বেহারাদের অগ্ৰত্ব যাইতে নিষেধ করা হইয়াছে। অন্তোপায় হইয়া আমরা নবাব সাহেবের কর্মচারীর শরণাপন্ন হইলাম ও তাঁহার কৃপায় আমরা নিরাপদে বেহারে পৌঁছিয়াছিলাম।

রাজগৃহ গ্রামটী অতিশয় অপরিষ্কার তাহার কারণ এখানে অনেক গো, মহিষ আছে। প্রাতঃকালে শত শত গো মহিষ পাহাড়ে চরিতে যায় ও সন্ধ্যাকালে সেই সকল গ্রামে ফিরিয়া আসে। ফসলের সময় গো মহিষ ভেড়া ও ছাগল পালে পালে দিবা রাত্র পাহাড়েই থাকে ফাল কাটা হইলেই তাহারা গ্রামে ফিরিয়া আসে।

রাজগির গ্রাম হইতে পাহাড় প্রায় অর্ধ ক্রোশ হইবে। দুর্গন্ধপূর্ণ রাজগিরের বসতি মধ্য দিয়াই পাহাড়ে যাইবার রাস্তা গিয়াছে। বসতি পার হইয়াই সম্মুখে ক্ষুদ্র পাহাড়ের মত একটা উঁচু মৃত্তিকার ঢিপি দেখা গেল, তাহার উপরে গিয়া দেখিলাম যে পুরাতন ইটের কাঁড়ি রাহিয়াছে উহা বস্তুতঃ পাহাড় নহে প্রাচীন কালের কোন রাজার গড় ছিল।

মৃত্তিকার ঢিপি পার হইয়াই রাজগির পাহাড়ের সুন্দর দৃশ্য দেখিতে পাইলাম। পর্বতের উপরিভাগে ও নিম্নতলে অনেকগুলি মন্দির দেখিতে পাওয়া গেল। আমরা পাহাড়ের মনোহর দৃশ্য দেখিতে দেখিতে পশ্চিম

দিকে একটি আশ্রয় বাগানের মধ্যে অতি সুন্দর একটি গৃহে প্রবেশ করিলাম ও দেখিলাম আমাদের কয়েকটি বন্ধু সেখানে পূর্বেই পৌঁছিয়াছেন। স্থানটি অতিশয় রমণীয়; অদূরে সরস্বতী নামী একটি ক্ষুদ্র নদী কুলুকুলু শব্দে প্রবাহিত হইতেছে। নদীতে মাছ অপৰ্য্যাপ্ত। সেখানকার ভদ্র জাতিতে কেহ মাছ খায় না সেই নিমিত্ত নদীতে বড় একটা মাছ ধরা হয় না; কখন কখন ইতর লোকে মাছ ধরে।

রাজগিরে পৌঁছিয়াই আমরা সকলে উষ্ণ প্রসবণ দেখিতে যাইলাম। সরস্বতী নদী পার হইয়া পাহাড়ের নিম্নতলে পৌঁছিলাম। সেখানে গিয়া দেখিলাম যে কিছু উপরে কয়েকটি মন্দির আছে তাহাতে উঠিবার জন্য সুন্দর সিঁড়ি রহিয়াছে। ৪০ ধাপ উঠিবার পর একটি সমতল স্থানে পৌঁছিলাম ও সেখানে দুইটি প্রধান উষ্ণ প্রসবণ দেখিতে পাইলাম।

রাজগৃহে উষ্ণ প্রসবণগুলিকে কুণ্ড কহে। কুণ্ডগুলি ছোট পুকুরিনীর স্থায়। প্রথমে আমরা সপ্তধারা কুণ্ডে নামিলাম। দেখিলাম পাহাড় হইতে ৭টি ধারা ঐ কুণ্ডে পড়িতেছে। কুণ্ডটির চারি পাড় প্রস্তর দিয়া বাধান। উহা ৬০ হাত দীর্ঘ ও ১২ হাত প্রস্থ। কুণ্ডে জল সামান্যই আছে এক হাঁটুর অধিক হইবে না কিন্তু অতিশয় গরম।

সাতটি ধারা সাত জন ঋষির নামে সংকল্প করা আছে যথা,—গৌতম, ভরদ্বাজ, বিশ্বামিত্র, জামদগ্ন্য, তুর্কাসা, পরাশর ও বশিষ্ঠ। এই সাতটি ধারার মধ্যে বিশ্বামিত্র ও জামদগ্ন্য ধারা অতিশয় প্রবল অপর অপরগুলি তত প্রবল নহে। সব ধারাগুলি হইতেই গরম জল পড়িতেছে কিন্তু গরম কোনটায় কিছু অধিক ও কোনটায় কিছু কম। এই কুণ্ডের এক পার্শ্বে একটি গুহা আছে তাহাতে ঐ সাতটি ঋষির প্রস্তর নির্মিত প্রতিমূর্তি আছে।

রাজগৃহে পাঁচটি পাহাড় আছে কিন্তু বৈভার ও বিপুল বলিয়া যে দুইটি পাহাড় আছে তাহার নিম্ন তলেই অনেকগুলি উষ্ণ প্রসবণ আছে। উষ্ণ প্রসবণগুলি সরস্বতী নদীর উভয় কূলে। বৈভার পাহাড়ের নিম্নে সাতটি এবং বিপুল পাহাড়ের তলদেশে ছয়টি উষ্ণ প্রসবণ আছে। কুণ্ডগুলির জলের উষ্ণতা ৭৪ ডিগ্রি ফ্যারানহাইট হইতে ১১০ ডিগ্রি পর্য্যন্ত। সূর্য্য কুণ্ড বলিয়া একটি

কুণ্ডের জল ১০৩ ডিগ্রি উষ্ণ কিন্তু আশ্চর্য্য যে তাহাতে ভেক সকল খেলা করিতেছে। আর অত্র কোন গরম জলের কুণ্ডে ভেক দেখিতে পাই নাই।

রাজগৃহে আমরা সর্বসমেত বিংশতিটি কুণ্ড দেখিয়াছিলাম তন্মধ্যে ১৩টি উষ্ণ জলের ও ৭টি শীতল জলের। ১৩টি উষ্ণ জলের কুণ্ডগুলির নাম যথা—ব্রহ্মকুণ্ড, সপ্তধারা, কাশিধারা, অনন্তঋষি, গঙ্গা-যমুনা, ব্যাস, মার্কণ্ড, সূর্য্যকুণ্ড, সীতাকুণ্ড, সৌমকুণ্ড, গণেশ, রামকুণ্ড, সিংরি ঋষি। এই কুণ্ডগুলির মধ্যে ব্রহ্মকুণ্ডের জল সর্বাপেক্ষা উষ্ণ, ইহাতে কোন ধারা নাই। নিম্ন হইতে জল উঠিয়া কুণ্ডকে পরিপূর্ণ করিতেছে ও অতিরিক্ত জল বাহির হইয়া যাইতেছে। তৎপরে সপ্তধারাকুণ্ড। রামকুণ্ডে বড় আশ্চর্য্য দেখা গেল তাহাতে দুইটি ধারা পাশাপাশি বহিতেছে তন্মধ্যে একটির জল উষ্ণ ও অপরটির জল শীতল।

অপরায়ণ কুণ্ড হইতে অর্দ্ধ পোয়া দূরে বিপুল পর্বতের তলদেশে সিংরিঋষিকুণ্ড অবস্থিত। ইহার জল অতি সামান্য গরম ৯৭ ডিগ্রির উপর হইবে না কিন্তু ইহার গুণ অতি শীতল এক দিন স্নান করিলে সর্দি বোধ হয়। ইহা এক্ষণে মুসলমানগণের অধিকারে আছে ও এক্ষণে ইহা মুকদ্দমকুণ্ড বলিয়া খ্যাত। মুকদ্দমকুণ্ড নাম হইল কেন? তাহার কারণ অনুসন্ধান করিয়া জানিলাম যে আনুমানিক হিজরি ৭১৫ অব্দে মুকদ্দম সা সেখ সরিফ উদ্দিন আহম্মদ নামক একটি মুসলমান রাজগৃহে বাস করিতেন। তিনি অতিশয় ধর্ম্মশীল ও শুদ্ধচেতা ছিলেন। তাহাকে হিন্দু মুসলমান সকলেই সমভাবে ভক্তি করিত। তিনি সর্বদাই ঐ কুণ্ডের নিকটবর্তী স্থানে বাস করিতেন ও অনেকানেক মুসলমান স্ত্রী পুরুষ তাহার নিকট ধর্ম্মোপদেশ লইতে আসিত ও ঐ কুণ্ডের পার্শ্ববর্তী স্থানে পাকশাক করিয়া খাইত ও কুণ্ডে স্নান করিত এইরূপে ক্রমশঃ ঐ কুণ্ডটি মুসলমানদের অধিকৃত হইয়াছে ও উহা ফকির মুকদ্দম সার নামানুসারে মুকদ্দম কুণ্ড বলিয়া থাকে। ঐ কুণ্ডের পার্শ্বে সুন্দর মসজিদ নির্মিত হইয়াছে ও সময়ে সময়ে দেশ দেশান্তর হইতে মুসলমানগণ আসিয়া সমবেত হয়। ঐ কুণ্ডের সন্নিকটে একটি অতি সঙ্কীর্ণ গুহা দেখিলাম তাহা অতিশয় অন্ধকার। গুলিলাম ঐ গুহার মধ্যে ফকির মুকদ্দম সা

৪০ দিন অনাহারে থাকিয়া ভগবানের উপাসনা করিয়াছিলেন। রাজগৃহের ১২ মাইল দক্ষিণে গয়া জেলার অন্তর্গত “তপোবন” নামক স্থানে ৪টি গরম জলের প্রস্রবণ আছে। স্থানটি অতিশয় জঙ্গলপূর্ণ ও পথে হিংস্রক জন্তুর ভয় আছে। মকর সংক্রান্তির দিন বৎসর বৎসর এখানে একটি মেলা হয় সে সময় দেশ দেশান্তর হইতে বিস্তর লোক আসে ও এমন নিবিড় জঙ্গল আনন্দের ধ্বনিতে পরিপূর্ণ হয়।

রাজগৃহের দক্ষিণ পূর্ব কোণে “অগ্নিধারা” নামক আর একটি উষ্ণ প্রস্রবণ আছে তাহার জল “ব্রহ্মকুণ্ড” হইতেও উষ্ণ। এখানে বৈশাখ মাসে অক্ষয় তৃতীয়ার দিবসে একটি মেলা হয়।

রাজগৃহের বিবরণ পৌরাণিক ইতিহাসেও পাওয়া যায়। ইহার পাঁচটি পাহাড়ের উপত্যকায় মগধরাজ জরাসন্ধের রাজধানী ছিল। জরাসন্ধের জন্ম বৃত্তান্ত অতিশয় অদ্ভুত। তিনি মগধের একজন প্রবল পরাক্রান্ত রাজা ছিলেন। তাহার পিতা বৃহদ্রথ রাজা কাশী রাজের যমজ কন্যাদ্বয়কে বিবাহ করিয়া ছিলেন ও তাহাদের সহিত নিজ্জনে এইরূপ নিয়ম করিয়াছিলেন যে, তোমাদের উভয়ের প্রতিই আমি সমান অনুরক্ত থাকিব, কদাচ বৈষম্যাচরণ করিব না। ঐ রাজা পত্নীদ্বয়ের সহিত সুখে কালাতিপাত করিতে লাগিলেন বটে কিন্তু অনেক যজ্ঞ হোম করিয়াও বংশধর একটি পুত্র সন্তান হইল না দেখিয়া শোকসাগরে নিমগ্ন হইতে লাগিলেন। একদা যজ্ঞকৌসিক নামক এক মুনি যদৃচ্ছাক্রমে আগমন পূর্বক এক বৃক্ষমূলে উপবিষ্ট আছেন, শ্রবণ করিয়া রাজা বৃহদ্রথ তৎসমীপে উপস্থিত হইয়া মুনিজন সমুচিত অনেক উৎকৃষ্ট দ্রব্য প্রদান দ্বারা মুনিবরকে পরিতুষ্ট করিলেন। ঋষিবর যজ্ঞকৌসিকরাজার প্রতি সন্তুষ্ট হইয়া তাহাকে একটি আম্র ফল প্রদান করিলেন ও কহিলেন তোমার মনোরথ সিদ্ধ হইবে এক্ষণে স্বস্থানে প্রস্থান কর। রাজা স্বগৃহে প্রত্যাবর্তন করিলেন ও পূর্বকৃত প্রতিজ্ঞা স্মরণ করিয়া পত্নীদ্বয়কে ঐ এক ফল প্রদান করিলেন। তাহারাও উভয়ে ঐ ফল অংশ করিয়া ভক্ষণ করিলেন। অনন্তর উভয় পত্নীই গর্ভবতী হইলেন ও দশ মাস পূর্ণ হইলে ঐ দুই রাজমহিষী দুই খণ্ড শরীর প্রসব করিলেন এবং উহাদের প্রত্যেকের এক চক্ষু, এক বাহু, এক চরণ, অর্দ্ধ মুখ, অর্দ্ধ উদর অবলোকন করিয়া উভয়ে ভয়ে কম্পিত

হইতে লাগিলেন। ভগ্নীদ্বয় তখন নিতান্ত উদ্ভিগ্ন হইয়া পরস্পর পরামর্শ পূর্বক ঐ জীবিত শরীরখণ্ডদ্বয় অতি দুঃখে পরিত্যাগ করিলেন। উহাদিগের দুই জন ধাত্রী ঐ শরীরখণ্ডদ্বয় সুন্দররূপে আবৃত করিয়া দূরে নিক্ষেপ করিয়া আসিল।

তদনন্তর মাংস-শোণিত-ভোজিনী “জরা” নামে একজন রাক্ষসী পথে দেহখণ্ডদ্বয় দেখিয়া তাহা গ্রহণ করিল ও সহজে বহন করিবার আশয়ে যেমন দেহখণ্ডদ্বয় একত্র করিণ অমনি অর্দ্ধ কলেবর যুগল পরস্পর সংযোজিত হইয়া বীরকুমার হইল। রাক্ষসী রাজকুমারকে নষ্ট না করিয়া রাজাকে উহা প্রদান করিল। রাজা “জরা রাক্ষসী ইহাকে সন্ধি অর্থাৎ সংযোজিত করিয়াছে অতএব ইহার নাম জরাসন্ধ হউক।” এইরূপ স্থির করিয়া বালকের নাম করণ করিলেন।

বৃহদ্রথ রাজা বনগমন করিলে প্রবল পরাক্রান্ত জরাসন্ধ রাজা মগধ রাজ্যে অভিষিক্ত হইলেন ও অবশেষে ভীম সেন কর্তৃক সংগ্রামে নিহত হন। রাজগৃহের পাঁচ পাহাড়ের উপত্যকায় যেখানে মহাবল পরাক্রান্ত জরাসন্ধ রাজার রাজধানী ছিল এক্ষণে তাহা হিংস্রক জন্তু পূর্ণ নিজ্জন বন হইয়াছে। স্থানটি এত জঙ্গলময় যে দিবসেও আমাদের মনে ব্যাত্ত ভল্লুকের ভয় হইয়াছিল। জরাসন্ধ রাজার মল্লভূমির এখনও স্পষ্ট চিহ্ন রহিয়াছে। রাজগৃহের লোকেরা তাহাকে “রঙ্গভূম” কহে ও অনেকে সেখান হইতে মৃত্তিকা লইয়া আসে ও গাত্রে লেপন করে। সেখানকার প্রবাদ এই যে ঐ মৃত্তিকা অঙ্গে লেপন করিলে শরীর বলিষ্ঠ হয়। রঙ্গভূমের মৃত্তিকা দেখিলে স্পষ্টই বোধ হয় যে বিশেষ যত্ন সহকারে ঐ মৃত্তিকা তৈয়ার হইয়াছিল, মৃত্তিকাতে একটি কাঁকর কি বালি নাই। রঙ্গভূম রাজগৃহ হইতে এক ক্রোশ দূরে। রঙ্গভূম যাইবার পথে একটি গুহা দেখিলাম তাহাকে সেখানকার লোকে “সোনভাণ্ডার” কহে। সেখানে জনপ্রবাদ আছে যে “সোনভাণ্ডার”ই জরাসন্ধ প্রভৃতি মগধরাজগণের ধনাগার ছিল। গুহাটি বেশ প্রশস্ত ও চারিদিকের ভিত্তি বেশ পরিষ্কার পরিচ্ছন্ন।

রাজগৃহের পাহাড়গুলির উপর অনেকগুলি জৈনদিগের মন্দির আছে। জৈনেরা মাঘ মাস হইতে চৈত্র মাস পর্যন্ত দলে দলে রাজগৃহে আসে ও পাঁচটি পাহাড়ের মন্দিরগুলি দর্শন করিয়া বেড়ায়। আমরা অনেকগুলি

মন্দির দেখিতে গিয়াছিলাম। মন্দিরগুলির মধ্যে জৈনদের প্রস্তর নির্মিত দেবমূর্তি সকল রহিয়াছে। পাহাড়গুলি এত উচ্চ ও উপরে উঠিবার রাস্তা এত মন্দ যে আমরা ডুলি না হইলে উপরে উঠিতে অত্যন্ত কষ্ট বোধ করিতাম কিন্তু সেখানকার বেহারাদের এতদূর সামর্থ্য যে দুই দুই জনে আমাদের এক এক জনকে ডুলি চড়াইয়া অনায়াসে স্কন্ধে করিয়া পাহাড়ের উপরিভাগে লইয়া গেল। রাজগৃহের বেহারারা মাঘ মাস হইতে চৈত্র মাস পর্যন্ত জৈনদের পাঁচটি পাহাড়ে ডুলি করিয়া উঠাইয়া ও বৎসরের বাকি সময় চাষ আবাদ করিয়া জীবনযাত্রা নিরীহ করে।

বৈভার পর্বতের সর্বোচ্চ শৃঙ্গে একটি ভগ্ন শিবমন্দির আছে তাহার চতুর্দিকে নিবিড় জঙ্গল হইয়াছে। আমরা জঙ্গল ভেদ করিয়া মন্দিরের ভিতরে যাইয়া দেখিলাম যে শিবলিঙ্গ এখনও রহিয়াছেন কিন্তু তাঁহার দৈনিক পূজা কে করে? কোন হিন্দুভক্ত দৈবাৎ পাহাড়ের উপর যাইলে ঐ ভগ্ন মন্দিরে শিবপূজা করিয়া আসে। মন্দিরটি প্রস্তর নির্মিত বলিয়া এখনও দণ্ডায়মান আছে নচেৎ কোন্কালে ভূমিসাৎ হইয়া যাইত। রাজগৃহের জল বায়ু স্বাস্থ্যের পক্ষে অতিশয় হিতকর। বাঙ্গালী, বেহার, উড়িষ্যার মধ্যে ওরূপ স্বাস্থ্যকর স্থান আর নাই। রাজগৃহ যদি রেলের ধারে হইত তাহা হইলে মধুপুর ও বৈদ্যনাথের এত গৌরব থাকিত না। সমুদ্রার কুণ্ডের জল অজীর্ণ রোগের পক্ষে অত্যন্ত হিতকর। ইহার জল বেহারের ধনাঢ্য লোক ও রাজপুরুষেরা পান করেন। রাজগৃহের বৈভার পর্বতের কুণ্ডগুলির পাশ্বে কয়েকটি শিবমন্দির আছে ও তাহার নিকটেই যাত্রীদিগেয় থাকিবার নিমিত্ত প্রস্তর নির্মিত একটি সুন্দর অট্টালিকা আছে। এই বাড়ীটি বেহার নিবাসী জমিদার বৈদ্যনাথ সিং নির্মাণ করাইয়াছেন। বিদেশীয় লোক জন এখানে বিনা অনুমতিতে আশ্রয় পাইতে পারে। এখানে সময়ে সময়ে অনেক সাধু লোকের সমাগম হয়।

শ্রীবিহারীলাল চট্টোপাধ্যায়।

ডেলিগেটের ডালি।

আর্য্যদর্শন বাক্বেবের জীবন জোয়ার যখন খমখমে তখন আমরা বসন্তে নিদাঘে শরতের শারদীয়া আগমনী পাঠ করিতাম। পূর্ণিমার সে কলঙ্ক নাই। সে কলঙ্ক কেনই বা হইবে? মাঘের উত্তরায়ণে পৌষের পিষ্টকের জের বাঙ্গালায় সর্ব্ববাদী সম্মত, আর আমি যখন এই পৌষ পুরা ত্র্যাহস্পর্শে বড়দিন মাথায় করিয়া প্রবাস পহ্নায় পদক্ষেপ করি। পাঠক পাঠিকা না হয় শুক্ণা গাঁদার মালা ছড়াটা ফেলিয়া দিবেন।

আমার এক স্বর্গীয় বন্ধু গাহিয়াছিলেন—

“নীরে, ধীরে কর পার

আমরা বাঙ্গালী জাতি না জানি সাতার

(অথবা পাঠান্তর) নাহি সীমার।”

শিবাদহ হইতে ডায়মণ্ডহারবার অভিমুখে লৌহপথে লৌহতুরঙ্গ যতই প্রধাবিত হইতে লাগিল, ততই স্পিরিটুয়ালিষ্টের মুক্তাঙ্গার শ্রায়, কর্ণকুহরে কে যেন ঐ গান ঘন ঘন গাহিতে লাগিল। সামান্য হাঁচি টিক্‌টিকী না মানিলেই হিন্দুর আচার পিনাককোড অনুসারে রাসভ শ্রেণীতে পরিগণিত হইতে হয়—ত্র্যাহস্পর্শের কথা দূরে থাকুক। হাতে হাতে ফল। পূর্ব সঙ্কেতানুসারে ডায়মণ্ডহারবারে অভিসারে গমন করিয়াছি—বিপ্রলঙ্কার শ্রায় ফিরিতে হইল

গৃহ ছাড়ি ঘন বন, করিলাম আরোহণ

সিন্দু তরিষু ধরি ভেলা

হরি হরি মরি মরি উহ উহ হরি হরি

তবু নহে হরি সনে মেলা

পর দুখ পর শ্রম পর জনে জানে কম

অপকুপ খল জন খেলা।

যখন ডায়মণ্ডহারবারে খাঁড়ি পার হইয়া—সিন্দু তরিষু ধরি ভেলা—টেলিগ্রাফ আফিসেও “হাজারী” জাহাজের শ্বেতাঙ্গমুখেও কোন সংবাদ পাইলাম না তখন বাস্তবিকই আতঙ্গ হইল। তখন অনন্তোপায় হইয়া

বকুসহ (শিবাদেহে একজন সঙ্গী মিলিয়া ছিল) ফিরিয়া কলিকাতায় বাবু ঘাটে অতি প্রত্যুষে পঁহুছিলাম সম্মুখে দেখিলাম একখানা ষ্টীমার তাড়িতা-লোকে উদ্ভাসিত। একখানা ডিঙ্গি করিয়া তাহারই উপর উপনীত হইলাম। সংবাদ পাইলাম যে সে জাহাজ খানা রেসুন মেল কিন্তু তাহারই অনতিদূরে "কারাগোলা" জাহাজ আছে। সেই খানি "বাবু" লইয়া মাদ্রাজ যাইবে।

তখন নিমেষের মধ্যে—নিমেষ বই কি—দেখিলাম কারাগোলার পাশে ডিঙ্গিতে দাঁড়াইয়া আমি "ডেলিগেট" "ডেলিগেট" শব্দে তারস্বরে ডাকিতেছি। কারাগোলা তখন ছাড়ে ছাড়ে। আবার নিমেষের মধ্যে, পরস্পর সন্তাষণ,—সোপান ক্ষেপণ—জাহাজ আরোহণ—অপর ডেকে দণ্ডায়মান।

তখন,

দেখিয়া তাহার মুখ অতুল হইল সুখ
পাসরিহু যত দুঃখ আছিল যে ভয় হে
যত কাল জীয়া রই তাহা ছাড়া যেন নই
নিতান্ত করিয়া কই মনে রয় হে।

বলিতে হইবে কি, আমি "ডেলিগেট" হইয়া মাদ্রাজে কংগ্রেসে যাইতেছি? তখন ভাসিলাম। কারাগোলা সবাঙ্গ-চীৎকারে নগরবাসী ও জাহাজী-হৃদয়বাসীকে কি কথা কহিল। অমনি পোষ্টাফিসের গুম্বজ, হাইকোর্টের চূড়া, ফোর্ট উইলিয়ম দুর্গ আর জাহাজের গুণবৃক্ষাবলী - বাগবাজার অভিমুখে ধীরে ধীরে চলিতে লাগল। জাহাজ এখন হারবার মাষ্টার কর্তৃক চালিত। জাহাজের নিয়ম এই যে, জাহাজ কলিকাতা বন্দর হইতে ছাড়িলে প্রথমে গার্ডেনরীচ অর্থাৎ মেটেবুকজ পর্যন্ত জাহাজ বন্দরাধিপতি-গণের (পোর্ট কমিশনারস) কর্মচারী হারবার মাষ্টারের অধীনে থাকে। তথা হইতে সাগর সঙ্গম পর্যন্ত (যাহাকে ইংরাজীতে স্মাগু হেড্‌স্ বলে) জাহাজ পাইলটের কর্তৃত্বাধীনে থাকে। তৎপরে কালাপানিতে অর্থাৎ সমুদ্রে পড়িলে জাহাজের কাপ্তেন জাহাজ চালাইয়া থাকেন। আমরা ভাগীরথীর উভয় তট বাইনোকুলার সাহায্যে দর্শন করিতে করিতে ও নানাবিধ কথা প্রসঙ্গে সন্ধ্যার প্রাক্কালে সাগর সঙ্গমে উপনীত হইলাম। জাহাজ একখানি ক্ষুদ্র নগর বিশেষ; সমুদ্র যাত্রার প্রয়োজনোপযোগী যাহা চাহিবেন প্রায় তাহাই প্রাপ্ত হইবেন। জাহাজে আহালাদিকর সুব্যবস্থা

ছিল—হিন্দু মতে ও অহিন্দু মতে। অহিন্দুর পার্থিব সুখ চিরকাল, জাহাজে আরও বেশী। "পক্ষ মাংস মৃগ মাংস যেরূপে রুচি হয়, আজ্ঞা কর কোন মাংস আনি মহাশয়"—এ কথা যুক্ত করে শ্বেতশ্রু গলিত-দর্শন "বয়" (boy) যেন সর্বদাই বলিতেছে। আহাৰ বিহার ব্যবহারে যাহাদের সাহেবী আনা রকম যোল আনা অভ্যাস নাই তাঁহাদের যাতনা দেখিয়া ষ্টীমারীয় হস্ত (hands) সমস্তের অধর প্রান্তে ক্ষণে ক্ষণে বিজলী বিকাশের ত্রায় ক্ষিপ্র হাসি প্রকটিত হইত। বেহায়া ব্যক্তিবৃন্দ সেই হাসি মঞ্জুর করিয়া লইয়া ও তাহাতে যোগদান করিয়া কেবল মাত্র স্বকীয় ধৃষ্টতার পরিচায়ক হইতেন মাত্র। উদ্ভিজ্জভোজীরা কেবল মাত্র ডিষ আহার করিতেন। জাহাজে অপর প্যাসেঞ্জার ছিল না কেবল ডেলিগেট বৃন্দ—তাঁহাদের মধ্যে অনেকে গল্প মাগু ধনু বদাণু; বহু ভ্রাতাও যে তন্মধ্যে ছিলেন না ইহা নিঃসংশয়ে কে বলিতে পারে? আসিতে আসিতে আমরা এক স্থানে "হাজারা" জাহাজ (যাহাতে প্রথমে ডায়মণ্ডহারবার হইতে আমাদের মাদ্রাজ যাইবার কথা হয়) চড়ায় বালিতে লাগিয়া রহিয়াছে দেখিয়া আসিয়াছি। আমরা সাগর সঙ্গমে উপনীত হইলাম।

যাহারা হিন্দুর সমুদ্রযাত্রা আন্দোলনে যোগ দিয়াছেন তাঁহাদের জন্ত আমার অত্যন্ত দুঃখ হয়। কেহ যেন মনে করিবেন না আমি রহস্য করিতেছি। তাঁহারা ভাল ভাল প্রমাণ থাকিতে তাহার ব্যবহার করেন না। এই যে হিন্দুর মধ্যে ব্রাহ্মণের ত্রিসন্ধ্যা, এই সন্ধ্যার মধ্যে এমন প্রমাণ আছে যে হিন্দুরা পূর্বে সমুদ্রযাত্রা করিতেন। অনেকেই জানেন সন্ধ্যা বেদ হইতে লওয়া। তাহা ছাড়া এখন হিন্দু ধর্মের পুনরুত্থানের সময় গীতায়ুগ। গীতাতে এমন কথা আছে যাহাতে, ঐরূপ সমুদ্রযাত্রার প্রমাণ পাওয়া যায়। তাহা ছাড়া সুদূর সাগরসঙ্গম হইতে যিনি "তমালী-তালী বনরাজি লীলা" দেখিয়া দেখিয়া ক্রমে "ধরা নিবন্ধ কলঙ্ক রেখেব" দেখিয়াছেন তাঁহাকে স্বীকার করিতেই হইবে যে কালিদাস সমুদ্রযাত্রা করিয়াছিলেন। ততদূরে—সমুদ্র বক্ষ হইতে স্থলভাগ স্বচক্ষে না দর্শন করিলে, ধরা নিবন্ধ কলঙ্ক রেখেব এ কথা, কেবল মাত্র কল্পনার সাহায্যে দেখা মনুষ্যের সাধ্যায়ত্ত নহে। অতএব প্রমাণ হইল প্রাচীন হিন্দুরা সমুদ্রযাত্রা করিতেন ও আমরাও সচ্ছন্দে সমুদ্র পথে যাইতে পারি।

সাগর সঙ্গমের জল দেখিবার বটে। এই কর্দমময়ী আবিল জাহ্নবী বারি এক দিকে—এই অপর দিকে, মসীর খায় নীল-কৃষ্ণ (কোথাও কোথাও সূর্য্য কিরণে সবুজও দেখায়) স্বচ্ছ পয়োনিধি—আর মধ্যস্থলে হর গৌরী মিলন! ভাঁটার টানে ভাগীরথীর বারি সমুদ্র মধ্যে অনেক ক্রোশ চলিয়া যায় আবার জোয়ারের সময় সমুদ্র বারি নদীর জলকে মোহানা মধ্যে ঠেলিয়া দেয়—সেও ও অনেক ক্রোশ। স্মরণ্য উপযুক্ত সময়ে এই জল-মিলন দর্শন সকলের ভাগ্যে ঘটে না। দৃশ্য অতীব নয়ন আনন্দ দায়ক। বলা বাহুল্য, যাহারা ৩গঙ্গাসাগর তীর্থ দর্শন করিতে যাত্রা করেন তাঁহাদের ভাগ্যে এ জল দর্শনের আদৌ কোন সম্ভাবনা নাই।

এই স্থলে তিন খানি জাহাজ পথের দক্ষিণ বাম উভয় পার্শ্বে আনুমানিক ৭ মাইল অন্তর নঙ্গর করিয়া সর্বদাই আছে। পাঠক পাঠিকা পথ ভ্রম ক্রমে লিখি নাই। জাহাজ যাইবার বাস্তবিকই পথ আছে। আমাদের চক্ষুচক্ষে যখন জাহাজ নদীর মধ্যে বা মোহানায় থাকে তখনই উভয় পার্শ্বের রং বিরংএর বরা দেখিয়া বুঝিতে পারি। সমুদ্রের উপর বুঝিতে পারি না। এই পথ ছাড়া বিপণে যাইবার যো নাই—কি জানি, যদি চড়া; চোরাবালি বা শৈল থাকে—তাই মধ্যে মধ্যে জাহাজে জাহাজে টকর লাগিবার কথা শুনা যায়। যে তিন খানি জাহাজের কথা বলিতে ছিলাম উহাদের নাম অপর গ্যাস্পার, মিডিল গ্যাস্পার, আর লোয়ার গ্যাস্পার। তিন খানির রং আলাদা। উহার উপর আলোক-স্তম্ভ আছে। এই জন্ত উহাকে Channel Light-house বলিয়া থাকে। ইহা দেখিয়া জাহাজ সকল আপনাদের গন্তব্য পথ অবধারণ করে। এই জাহাজে রীতিমত একটি অফিস আছে, ডাক্তার আছে, পাইলট আছে ইত্যাদি। সমুদ্রগামী জাহাজের পাইলট নামিয়া এই গ্যাস্পারে থাকে, আবার পোতগামী জাহাজের উপর আরোহণ করিয়া ফিরিয়া আইসে। জাহাজ বন্দরে প্রবেশ করিতে পারিবে কি না তাহার পরীক্ষা এই স্থলে হয়। যদি জাহাজে কাহারও ওলাউঠা বা বসন্ত হয় তবে এই খানে জাহাজকে গতিশক্তি হীন হইয়া থাকিতে হয়। ইংরাজিতে এই সকল নিয়মকে কোয়ারিণ টাইন বলে।

প্রথম দিন আমাদের নব অনুরাগের আশার ভঙ্গ পতিত হইল।

সূর্যাস্ত দেখিতে পাইলাম না। এংলো-ইণ্ডিয়ান মেঘ সকল আদিয়া সূর্য্যদেবকে নিবিড় আবরণে আচ্ছাদিত করিল। পরে কিন্তু প্রাণ তরিয়া উদয় অস্ত ছুই-ই দেখিয়াছিলাম।

জাহাজের উপর, কেবল উপর নীচে করিয়া, আর জাগরণ নিদ্রায় বা নিদ্রা জাগরণে সময়ক্ষেপ করিতাম। না, অপলাপ করিয়াছি। বাঙ্গালির অস্থি মজ্জায় প্রবেশ করিয়াছে যে গ্রাবু তাহা কোথায় যাইবে? সাগর বক্ষে একবার শতরঞ্চ সূখ সাগরেও সাঁতার না দিলে চলিবে কেন? তাহা ছাড়া দেশী বিলাতী নৃত্য গীত ছিল। অধ্যাপনা, গবেষণা, কল্পনা, জল্পনা, সারিকথা বক্তৃতা, হিসাব, নিকাশ সকলই ছিল। থাকিবে না কেন? আমরা তখন কি?—

“অমরবৃন্দ কল্পিত যার ভুজ বলে”

কাপ্তেন পেক্‌হাম আমাদের জাহাজ চালান শিখাইয়া ছিলেন ও ইঞ্জিনিয়ার সাহেব কল কারখানা দেখাইয়া দেন। বড়দিনে রামপাল সিংহ উঁহাদিগকে ভোজ দিয়াছিলেন। উঁহারাও নৃত্য গীতে আমাদের তুষ্ট করেন। রাজা রাম পালের বিশ্বাস চতুরঙ্গ ক্রীড়ায় তিনি অদ্বিতীয়; কিন্তু, রেভঃ চন্দ্রনাথ বন্দ্যোপাধ্যায় ও বাবু বৈকুণ্ঠনাথ সেনের হস্তে তাঁহার গরিমার লঘিমা-প্রাপ্তি হইয়াছিল। পণ্ডিতবর (“বর” শ্রেষ্ঠার্থে, বিষ্ঠার্থে নয়; যথা, গো-বর) কালীপ্রসন্ন কাব্যবিশারদের কাব্যে আজাহাজ সমস্ত প্রাণীর প্রাণকে মায় Flying fish অর্থাৎ উড়নশীল মৎস্যকেও কুক্ষিগত হইতে হইয়াছিল। জাহাজের উপর রবিবারে রেভঃ কালীচরণ বন্দ্যোপাধ্যায় সার্মণ দিয়াছিলেন। জাহাজের উপর কংগ্রেসের ও প্রিন্সিপ্যাল কন্ফারেন্সের ভাবী উন্নতির জন্ত ইতিকর্তব্য স্থির করিবার সভাও হইয়াছিল। ব্যভিচার দোষে পতিত মাদ্রাজী নর্টন সাহেবকে জাহাজে দিবার সংকল্পও হইয়াছিল। পুঁথী বাতিয়া যাইতেছে। শনিবার প্রাতে (২২শে ডিসেম্বর। ৯৫) কলিকাতা ত্যাগ করিয়াছিলাম। মঙ্গলবার শেষ রাত্রিতে মাদ্রাজ হাইকোর্টের চূড়ার উপর যে আলোক-স্তম্ভ আছে তাহার আলোক দেখিতে পাইলাম।

অনরবেল চারু চন্দ্র মিত্রের কার্য্য কুশলতা দেখিয়া অনেক সাহেব চমৎকৃত হইয়াছেন। ডেলিগেট সম্প্রদায়কে ও ডেলিগেটের লগেজ

সম্প্রদায়কে তিনি যে রূপ শৃঙ্খলাময়ী নীতি অনুসারে প্রণালী পূর্বক তীরে আনয়ন করেন তাহা বাস্তবিকই একরূপ অসম্ভব। পূর্বে মাদ্রাজে জাহাজ হইতে নামিতে বিশেষ কষ্ট হইত—এতই তুফান। এক্ষণে হয় না। কারণ মাদ্রাজের সুমুখের সমুদ্র খানিকটা পাথরের প্রাচীরের বেড়া দিয়া কাল্পনিক পোতাশ্রয় রচনা করা হইয়াছে। উহাকে বকিংহাম পিয়ার কহে। বকিংহাম সাহেব মাদ্রাজের একজন গবর্নর ছিলেন। জলের ত্রায় অর্থ ব্যয় করিয়া এইরূপে এই উন্নতি সংসাধিত হইয়াছে। মাদ্রাজের কুলীরা বড় চোর। জাহাজ আসিলেই তাহারা দলবদ্ধ হইয়া জাহাজে আসিয়া উঠে ও মালামাল চুরি করিয়া পলায়ন করে। এই জন্ত আমরাদিগকে অত্যন্ত সাবধান হইতে হইয়াছিল ও চাকর বাবুকে তাহাদিগকে তাড়াইতে বিশেষ কষ্ট পাইতে হইয়াছিল। আমরা অস্তোনিধির নিকট আপাতত বিদায় হইয়া তীরে অবতীর্ণ হইলাম।

“বীচ” ষ্টেশনে (সার্ডিথ ইণ্ডিয়ান রেলওয়ে) বাষ্পীয়-যান আরোহণ করিলাম। ডেলিগেটের জন্ত স্পেশিয়াল ট্রেন, প্রথম শ্রেণীর টিকিট বিনা মূল্যে। মাদ্রাজের অপর প্রান্তে কংগ্রেস ক্ষেত্র; সুতরাং আমরাদিগকে ৭ মাইল ট্রেনে মাদ্রাজ পার হইয়া যাইতে হইল। চীৎপাৎ ষ্টেশনে নামিলাম। সম্মুখে বড় তোরণ। তাহাতে লেখা welcome বাগানের ভিতর দিয়া রাস্তা। ক্রমে চলিতে চলিতে রঙ্গিয়া নায়াডুর বাগানে উপস্থিত হইলাম। রঙ্গিয়া নায়াডু একজন বড় মহাজন ও মাদ্রাজ লেজিস্লেটিভ সভার সভ্য। এই বাগানে বাঙ্গালা, উত্তর-পশ্চিম ও পঞ্জাবের ডেলিগেটগণের থাকিবার স্থান হইয়াছিল। আমরা বাগানে পঁহুছিলাম। আমাদের লগেজ কুলীরা (স্ত্রী পুরুষ) মাথায় করিয়া পঁহুছিয়া দিল। ধ্বজ-পতাকায় ফুলের মালায় বাগান বাড়ী সাজিয়া ছিল ভাল। আমরা আপন আপন স্থান অধিকার করিয়া বেশ পরিবর্তন করিলাম। ইতি মাদ্রাজে বেঙ্গল ডেলিগেটগণের আবির্ভাব।

(বারান্তর)

শ্রীবিষ্ণুপদ চট্টোপাধ্যায়।

কুমারের সরস্বতী পূজা।

(১)

বসন্ত যামিনীযোগে নিদ্রিত কুমার
লক্ষ্মীসম মাতৃ কোলে—
লতায় কুমুম দোলে—
ভবানীপুরের বাসে সুখের আগার।

(২)

ফুলদলে সুশোভিতা ভুবন মোহিনী
বীণাপাণি বীণাকরে
আসি তথা ধীরে ধীরে
শয্যাপাশে বসিলেন মানস মোহিনী।

(৩)

মধুর বাজিল বীণা ললিত সূতানে
বসন্তে বসন্তরাগে—
হৃদয়ের অনুরাগে—
দেবীর সুকণ্ঠ স্বর—উঠিল বিমানে।

(৪)

“কে বলে লক্ষ্মীর সঙ্গে বিবাদ আমার?
লক্ষ্মী আমি ছুই বোন
এক প্রাণ এক মন
“প্রেমের বন্ধনে বাঁধা থাকি অনিবার।

(৫)

“লক্ষ্মীর সন্তান তুমি উঠহে কুমার!
সাজায়ে বিদ্যার বেশে—
যশ গুণ—সমাবেশে—
যুচাব প্রতিজ্ঞা মম—কলঙ্ক আমার।

(৬)

“ছুঃখীর সন্তান ছিল বিপ্র একজন
আমার কুপার গুণে
থেকে তোমাদের সনে
তোমাদের অন্তরঙ্গ হয়েছে এখন ।

(৭)

“আমার আদেশে সেই সাজাবে তোমার
বিদ্যার কুসুম দলে
সাজাবে তোমার গলে
এই কথা মনে রেখো—ভুল না আমার ।

(৮)

ভাঙ্গিল সুখের স্বপ্ন—জাগিল কুমার
স্মিলি সব ভ্রাতৃগণ
হলো আনন্দিত মন
দেবীর পূজার তরে উৎসাহ অপার

(৯)

বসন্ত পঞ্চমী দিনে অতি শুভক্ষণে
দেবীর পূজার তরে
মহা সমারোহ করে
কুমার করিল পূজা আনন্দিত মনে ।

(১০)

জননী হৃদিরঞ্জন তুমি হে কুমার !
চিরজীবী ধর্মের মতি
বিদ্যাপথে সদা গতি
অতুল বৈভব সুখে থাক অনিবার ॥

শ্রী—

রামায়ণ আখ্যানের মহাকাব্য এবং মূলতঃ

বান্দীকি কৃত কি না ?

রামায়ণ ও মহাভারতের তুল্য মহাকাব্য বোধ হয় ইহ সংসারে আর নাই। ভবভূতি বলেন, শ্রীরাম চরিত্র, চরিত্র—পঞ্জিকা স্বরূপ। শ্রীরাম চরিত্র সর্বদা নয়নাগ্রে রাখিয়া সংসার ক্ষেত্রে বিচরণ করিলে পদস্থলনের সম্ভাবনা বিরল। চরিত্র বর্ণনে, কাব্যগুণে এবং ভাষা মাধুর্যে রামায়ণ জগতে অতুল্য।

Ecce homo (be hold the man) ঐ পুরুষ প্রতি দৃষ্টি কর, আখ্যাত এক খানি ইংরাজি পুস্তক আছে। ইহার উল্লিখিত পুরুষ ঈষুখুষ্ট। ইহাতে ঈষুকে আদর্শ পুরুষ বলা হইয়াছে। আমাদের অল্প বুদ্ধিতে এটি ঠিক বলিয়া বোধ হয় না। আমরা সাংসারিক জীব এবং স্ত্রী পুত্র লইয়া সংসার। ঈষুখুষ্টের দারা স্মৃত ছিল না। তিনি চিরকুমার ছিলেন। একপ স্থলে মেরী স্মৃত আমাদের পক্ষে আদর্শ-পুরুষ হইতে পারেন কি না, তাহা সুবুদ্ধি পাঠকবৃন্দের বিবেচ্য। শ্রীরামচন্দ্র বীর, ধীর, বাগ্মী, পতি, পিতা নিয়ন্তা এবং সর্দ সর্দগুণের আধার ছিলেন। সকলেরই তিনি আদর্শ হইতে পারেন।

শ্রীরাম চরিত্র নব্বন্ধে এই স্থানে দুইটি কথা বলিয়া পরে প্রবন্ধ শীর্ষ-স্থিত বিষয়ের বিচারে প্রবৃত্ত হইব। ইংরাজী শিক্ষা গুণে পবিত্র শ্রীরাম চরিত্রে কেহ কেহ প্রধানতঃ দুইটি দোষ দৃষ্টি করেন, সীতা বর্জন ও বান্দী বধ। রাজা শব্দ রনজ্ ধাতু মূলক। প্রজারঞ্জক ভূপতিই কেবল রাজা নামের যোগ্য। শ্রীরাম রাজার প্রজারঞ্জন করাই প্রধান লক্ষ্য ছিল এবং তিনি তাহাই করিতেন। এ কারণ কোন রাজ্য সুখের রাজ্য হইলে আজিও তাহাকে লোকে রাম রাজ্য বলে। শ্রীরামচন্দ্র গৃচ রাজ-নীতিজ্ঞ ছিলেন। প্রজারঞ্জনের জন্ত তিনি সীতাবর্জনে বাধ্য হন। কিন্তু সীতাকে তিনি শাঙ্গীল সঙ্কুল বন মধ্যে নিক্ষেপ করেন নাই। সীতা দেবী মহর্ষি বান্দীকির আশ্রমে রক্ষিত হন। কুলপ্রথানুসারে রঘুনন্দন সীতাকে

নির্কাসিত করিয়া অশ্রু দার পরিগ্রহ করিতে পারিতেন। কিন্তু তিনি তাহা করেন নাই। জানকী দেবী অযোধ্যা হইতে বহু দূরে অবস্থিতা হইয়াও রঘুনন্দনের চিত্তবাসিনী, হৃদয় রাজ্ঞী ছিলেন। হিরণ্যগী সীতা মূর্ত্তি সহ শ্রীরামচন্দ্র অশ্বমেধ যজ্ঞ সম্পাদন করেন। দাশরথি সীতা ভিন্ন অশ্রু কোন রমণীকে মনোমধ্যে কখন স্থান দিতেন না এবং স্থানও দেন নাই। যে পুরুষ পর্য্যঙ্কে স্বীয় পার্শ্বে আপন সহধর্ম্মিনীকে রাখিয়াও অশ্রু নারীর চিত্তা করেন, তিনি স্বীয় স্ত্রীকে গুণে রাখিয়াও তাহাকে নির্কাসন করিয়াছেন বলিলে বোধ হয় অযথা উক্তি করা হয় না। সীতাপ্রাণ শ্রীরাম কখন একরূপ করেন নাই।

বালীবধ কীর্ত্তিবাসে ষেরূপ বর্ণিত হইয়াছে বাস্কীকির রামায়ণে সেরূপ নহে। মূল গ্রন্থে এই ঘটনার বর্ণন এইরূপঃ—বালী ও সুগ্রীব যুদ্ধরত, এমন সময় দাশরথি, দূর হইতে বালীর বক্ষে ভয়ঙ্কর শর নিক্ষেপ করেন। শরাঘাতে নিপতিত হইয়া বালী সীতাপতিকে সম্বোধন করিয়া এইরূপ অনুরোধ করেনঃ—“আমি তোমার কোন হিংসা করি নাই, তুমি বিনা অপরাধে কেন আমার হিংসা করিলে?” বালীর কথা শুনিয়া দাশরথি বলেন “ধর্ম্ম রক্ষা করা আমার কর্ত্তব্য এবং ব্রত। তুমি ধর্ম্মভ্রষ্ট, ঘোর পাপাচারী, স্বীয় অল্পজ সুগ্রীবের জীবিত কালে তাহার পত্নীতে উপগত হইয়াছ, তৎকালে তোমাকে ঈদৃশ দণ্ড প্রদান করিলাম।” এই কথার পর এবং উৎরাজ কর্ত্তক বন্দাদি বুদ্ধের বিবরণ স্মরণে অনেকের নীরব হইবার সম্ভাবনা। হৃদয়প্রিয় তর্কিকদের জন্ত এ সম্বন্ধে আর একটি কথা বলিয়া প্রবন্ধের এই অংশের উপসংহার করিব।

প্রোফেসার বিবর সাহেবের মতে রামায়ণ একাধিক কবি দ্বারা সংগৃহীত। একথা সম্ভবপর হইলে সময়ে সময়ে ভিন্ন ভিন্ন কবির হস্তে নিজ নিজ মতানুসারিক বিষয়াদি সন্নিবেশিত করাও অসম্ভব নহে। ইহ জগতে যাহা কিছু বর্ত্তমান, যাহা কিছু দৃষ্ট হইয়া থাকে তৎসমুদ্রের জ্বলের বিভূতি, অর্থাৎ শাস্ত্রের প্রায় এই মত। নর চক্ষে যাহা ভাল মন্দ সেই সমস্তই জ্বলে আছে। এই মতাবলম্বী কবির দ্বারা বালীবধ যত্নান্ত রামায়ণে প্রাক্ষিপ্ত হওয়া অসম্ভব নহে। বঙ্কিম বাবুর মতে মহাভারতীয় “অশ্বখামা হত ইতি গজঃ” কাণ্ডও এইরূপে শ্রীকৃষ্ণ চরিত্তে

বিষ্ণু হইয়া অনেক ইংরাজি পিঙ্কিতের চক্ষে শ্রীকৃষ্ণ চরিত্ত অল্পসংখ্যের অযোগ্য হইয়াছে।

প্রোফেসার বিবরাদি পণ্ডিতদের মতে হোমারের ইলিয়ড্ দৃষ্টে বাস্কীকির রামায়ণ লিখিত। ইহার আরও বলেন বৌদ্ধদের পুরাতন পুঁথি অবলম্বনে বাস্কীকির রামায়ণ রচিত। বৌদ্ধ ভারতীয় মহাপুরুষ। বদেশস্থ ব্যক্তির স্থানে বাস্কীকি স্থান হইয়া থাকিলে বিশেষ দোষের নহে। বস্তুতঃ বাস্কীকি বৌদ্ধদের নিকট ঋণী কি না তাহার বিচার করিবার অগ্রে তিনি হোমারের অধর্মণ কি না তাহার আলোচনা করা যাউক।

মেনিলেয়সের স্ত্রী হেলেনকে ট্রয় রাজ কুমার পারিস হরণ করিয়া আনিলে, মেনিলেয়স আগমেগনন প্রভৃতি গ্রীক ভূশালেরা ট্রয় আক্রমণ করেন। সীতা হরণ এবং লক্ষ্মী আক্রমণের সহিত ইলিয়ডের এই অংশের সাদৃশ্য থাকায় এবং সেকেন্দার সাহ ভারতবর্ষে আগমন করায় বিবর প্রভৃতি ইউরোপীয় পণ্ডিতবর্গ বলেন, বাস্কীকির রামায়ণ ইলিয়ডের অনুরূপ মাত্র।

ইউরোপীয়দের অনুমান শক্তি চমৎকার। কোন সময়ে একটি জেলার ইংরাজ জজ সাক্ষীর জবানবন্দী করিতেছিলেন। অনেকগুলি সাক্ষী বলিল “আমার পিতা মৃত অমুক”। বারম্বার এই কথা শুনিয়া উকিল সরকারকে সম্বোধন করিয়া জজ সাহেব বলিলেন “এ জেলার মৃত্যু সংখ্যা অত্যন্ত বেশী, কোন লোকেরি প্রায় পিতা বর্ত্তমান নাই।” চড়ক পাছ ক্রেস কি না চেরার মত। চড়ক পূজা ও Good Friday প্রায় এক সময়ে হইয়া থাকে। চড়ক গাছে ও চড়কে ভক্তেরা অনেক যন্ত্রণা ও কষ্ট সহ করে। ঈষুখৃষ্টও ক্রেসে অনেক যন্ত্রণা সহ করেন এবং Easter holiday এবং তদন্তর্গত Good Friday ঈষুখৃষ্টের মৃত্যু ও যন্ত্রণা সহনের দিবস। এই সকল দৃষ্টে চড়ক পূজা “নব সমাচার” উক্ত Crucifixion এর নকল, মিসনারি ভায়াদের একরূপ বলা বিচিত্র নহে। “আমাদের দুর্গা এবং মুসলমানের দর্গা, আমাদের মোক্ষদা ও মুসলমানের খোলা একই।” আমরা একরূপ উক্তি করিলে যেন কেহ আমাদের বিক্রপ না করেন।

কথিত পণ্ডিতবর্গের বিচিত্র অনুমানের কথা ছাড়িয়া উক্ত রূপ অভিপ্রায় প্রকাশের সম্ভবতঃ কারণ কি, ক্ষণকাল তাহার পর্যালোচনা

করিয়। তাহাদের মতের বিচারে প্রবৃত্ত হইব। হোমরের প্রতি সবিশেষ শ্রদ্ধা এবং বৌদ্ধ ধর্মের প্রতি সান্তিশয় অনুরাগ কথিত মতের জনয়িতা হইতে পারে। ভারতের গৌরব হ্রাস করার যত্ন ও কারণ গণ্য হওয়া সম্ভব। নূতন প্রকারের এক আধ ধূয়া উঠাইয়া বাহবা লওয়ার ইচ্ছা ও উক্তরূপ মতের কারণ হওয়া অসম্ভব হইতে পারে না।

বাল্মীকির রামায়ণ যে ইলিয়ডের নকল নহে, তাহা বুঝিবার জন্ত বিশেষ প্রয়াস পাইতে হয় না। ভারতবর্ষের যে আর্য্যংশ মধ্যে বাল্মীকির রামায়ণ প্রচারিত তথায় যে সেকেন্দার সাহ আসিয়াছিলেন, এমন বুঝা যায় না। ১৬০০ খৃঃ অব্দ হইতে ইংরাজ আমাদের দেশে রহিয়াছেন। কিন্তু আমাদের মধ্যে কয় জন মিল্টান্ কাব্য-বিষয় অবগত? গ্রীকেরা পঞ্জাবে আসিয়া যুদ্ধার্থে কিছু কালের জন্ত অবস্থিতি করিল, আর বাল্মীকি তাহাদের ইলিয়ডের বিষয় অবগত হইয়া সপ্তকাণ্ড রামায়ণ রচনা করিয়া ফেলিলেন! হাব ভাব বিলাসিনী হেলেন এবং স্বর্গীয় পবিত্রতাময়ী সীতার সহিত কোনরূপ সাদৃশ্য নাই। পারিস একটা “মেয়েমুখো” — খোস-পোষাকী বাবু। কিন্তু রাবণ জনৈক বীর পুরুষ। মেনিলেয়সের সহিত মহাবীর পরম ধার্মিক শ্রীরামচন্দ্রের তুলনাই হইতে পারে না। রামায়ণের ব্যক্তি সমস্ত আর্য্য আচার, ব্যবহার, ভাব ও ধর্ম সম্পন্ন। ইহার নারীগণ আমাদের কুলস্ত্রী সাক্ষীগণের আদর্শ। রামায়ণের বর্ণিত, বিশ্বামিত্রাদি মুনিগণ ইলিয়ডের কোন্ ব্যক্তির কাপি বা ছায়া। তাহা স্থির করা দুঃসহ। জিয়ান্ এবং জুনোর অস্তি মজ্জা লইয়া বাল্মীকি রামায়ণের হর পার্বতী গঠিত হইয়াছে একান্ত অসুস্থমনা ভিন্ন অত্বে একরূপ ভাবিতে পারে না। অতুল্য দেবোপম শ্রীরামচন্দ্র এবং অতুল্য স্বর্গীয়া সীতাদেবী গ্রীক উপাদানে সৃষ্ট কি না তাহা স্থির করিবার ভার মোক্ষমূলার প্রোফেসর স্মৃতিস্মার এবং শ্রীমতী আনি বিশাস্ত প্রভৃতির হস্তে অর্পণ করা হইল।

ক্রমশঃ।

শ্রীদীননাথ ধর।

হিন্দুতীর্থ।

উজ্জয়িনী।

আমি ওঁকারনাথ হইতে উজ্জয়িনী যাই। ওঁকারনাথ হইতে উজ্জয়িনী যাইতে হইলে ইন্দোর হইয়া যাইতে হয়। ইন্দোর হইতে উজ্জয়িনী ২৭।২৮ মাইল দূর হইবে। রাজপুতানা ও মালয় রেলওয়ের একটা শাখা উজ্জয়িনী পর্য্যন্ত গিয়াছে। এই স্থান সিদ্ধিয়া বা গোয়ালিয়রের মহারাজার অধীন, এখানে ইংরাজ রাজত্ব না থাকায় সহরটা সম্পূর্ণ দেশীয় ভাবে অবস্থিত করিয়া আপনার প্রাচীনত্বের গৌরব প্রচার করিতেছে।

এই উজ্জয়িনী সহর দাক্ষিণাত্যবাসীদিগের একটা প্রধান তীর্থ। এখানে অনেক সাধু শান্ত বাস করিয়া থাকেন। ইহার আর এক নাম অবন্তিকাপুরী। এই স্থানই প্রসিদ্ধ মহারাজা বিক্রমাদিত্যের রাজধানী ছিল। সহরটা একটা উচ্চ ও প্রশস্ত প্রাচীর বেষ্টিত, একটা ক্ষুদ্র নদীর কিনারায় অবস্থিত। এই স্থানের দৃশ্য অতি মনোহর; সম্মুখে প্রাচীর বেষ্টিত সহর, অদূরে ক্ষুদ্র ক্ষুদ্র পাহাড় শ্রেণী ও মধ্য স্থলে রোপ্য স্ত্রবৎ নদী প্রবাহিত হইতেছে। নদী কিনারাটা প্রশস্ত ভাবে ইট ও প্রস্তর দ্বারা বাধান। তাহার মধ্যে স্থানে স্থানে ক্ষুদ্র ও বৃহৎ দেবালয় সমূহ শোভা পাইতেছে।

এই সহরের মধ্যে মহারাজা বিক্রমাদিত্যের কুল দেবতা “মহাকাল” নামক শিবলিঙ্গ অবস্থিত। ইহারই দর্শন জন্ত বহুতর যাত্রী সময়ে সময়ে এখানে আসিয়া থাকেন। স্থানীয় ভূমির সমতল ক্ষেত্র হইতে অনেক নিম্নে এই মহাদেবের স্থান। মহাদেবের দর্শনেচ্ছু যাত্রীদিগকে অত্যাশ্রু তীর্থের তায় এখানেও পাণ্ডাদের হস্তে অনেক ভুগিতে হয়। তাহারা পুষ্প, পুষ্পমালা ও বিল্বপত্র প্রভৃতি লইয়া যাত্রীদিগকে বড় ব্যতিব্যস্ত করিয়া তুলে। যাহা হউক এই মহাদেব দেখিতে হইলে কতকগুলি ঘন অন্ধকারময় সোপান সমূহ ভেদ করিয়া নিম্নে অবতরণ করিতে হয়। সেখানে পুরোহিতগণ প্রদীপ জালিয়া, ধূপধূনার গন্ধ বিস্তার করিয়া, আতব চাউল পুষ্প ও বিল্বপত্র দ্বারা মহাদেবের পূজা করিতে করিতে উচ্চৈশ্বরে গভীর ভাবে তাহারা স্তব পাঠ করিতেছেন। যাত্রীগণ সেই স্থানে টাকা পয়সা

ও সোণা রূপার বিশ্বপত্রাদি প্রদান করিয়া নিজ নিজ ইষ্ট সিদ্ধির জন্ত প্রার্থনাদি করিতেছেন। স্থানটির গাভীর্ঘ্য দেখিয়া মনে একটা অপূর্ব ভাবের উদয় হয় বটে, কিন্তু ইহার সহিত আরও মনে হয় যে সেই অপূর্ব বিশ্বনির্মাতা দেব দেব মহাদেবকে এই সামান্য প্রস্তুতকৃত কল্পনা করিয়া মনুষ্যেরা কেমন এই অদ্ভুত ভ্রান্তিতে পড়িয়া রহিয়াছে। যাহারা প্রতিমাকে ব্রহ্মজ্ঞানের সোপান বলেন তাঁহারা ইহা দেখিতেছেন না যে লোকে এই সোপানকেই আদত বস্তু মনে করিয়া ইহাতেই আবদ্ধ রহিয়াছে! কোটা কোটা লোকের মধ্যে কয়জন লোক এইরূপ সোপান অতিক্রম করিতে পারিয়াছেন বা পারিতেছেন?

এই মন্দিরের প্রাচীরের মধ্যে একজন মধ্য বয়স্ক বাঙ্গালী সন্ন্যাসিনী দেখিলাম, তিনি মারহাট্টা রমণীদিগের মত কাপড় পরেন। আলাপ করিয়া জানিলাম তাঁহার বাড়ী গোবরডাঙ্গায় ছিল। তিনি বলেন পৃথিবীর সমস্ত পুরুষ মহাদেব ও আমি একাই পার্শ্বতি। এই কথাটির ভাবার্থ সুন্দর হইলেও তাঁহাকে পবিত্র চরিত্রা বলিয়া বোধ হইল না। এখানে ২।৪ জন সন্ন্যাসী বাস করেন, তাঁহাদের কাহারও কাহারও অবস্থা ভাল বলিয়া বোধ হইল।

এই সহরের প্রায় এক মাইল দূরে নদী কিনারায় “ভর্তৃ হরির গুহা” নামে একটা প্রকাণ্ড গুহা আছে। তাহা এখন মাটির নীচে অতি অন্ধকার মধ্যে অবস্থিত। সেখানে দুই জন সন্ন্যাসী বাস করেন, আমরা গুহা দেখিতে যাওয়ায় তাঁহাদের মধ্যে একজন প্রদীপ জ্বালিয়া আমাদের সঙ্গে লইয়া গুহার সংকীর্ণ পথ দিয়া নিবিড় অন্ধকার মধ্যে প্রবেশ করিলেন। গুহাটা বড় বড় প্রস্তরের দ্বারায় নির্মিত, তাহার মধ্যে ১০।১২টা ছোট ছোট কুঠরি আছে, সেখানে প্রবেশ করিলে পৃথিবীর সহিত কোন সম্বন্ধ থাকে না, বোধ হয় যেন পৃথিবী ছাড়িয়া কোন এক নির্জন গভীর অন্ধকারময় স্থানে আসিয়াছি। গুনিলাম মহারাজা বিক্রমাদিত্যের ভর্তৃ হরি নামে এক ভ্রাতা ছিলেন, তিনি রাজবাড়ী পরিত্যাগ করিয়া এই গুহার মধ্যে পরমাত্মার ধ্যান নিমগ্ন থাকিতেন। সেই জন্তই এই গুহার নাম “ভর্তৃ হরির গুহা” নামে পরিচিত হইয়াছে। এই গুহার পাশাপাশি একরূপ অন্ধকারময় আর একটা গুহা আছে তাহাও ঐ নামে পরিচিত।

এখানে এক দিন বৈকালে নদীতীরে বেড়াইতে যাইয়া দেখিলাম, তথায় দলে দলে স্থানীয় মারহাট্টা রমণীগণ মারহাট্টা ভাষাতে সঙ্গীত করিতে করিতে পরস্পরের হাত ধরাধরি করিয়া একটি পিঠালীর নৈবেদ্যের চারি ধারে নাচিয়া নাচিয়া ঘুরিয়া বেড়াইতেছেন। অনুসন্ধানে জানিলাম ইহারা সকলেই ভদ্র মহিলা, অদ্য নাগ পঞ্চমী, এই নাগপঞ্চমীর দিনে ইহারা এইরূপ করিয়া কোলিক প্রথা অনুসারে সঙ্গীত ও নৃত্যাদি করিয়া থাকেন। শ্রীকৃষ্ণের প্রেম বিষয়ক সঙ্গীত ইহারা গাহিতেছেন। এখানে স্ত্রীলোকদিগের অবরোধ প্রথা নাই সুতরাং তাঁহারা স্বাধীন ভাবে আপনাপন কার্য্যাদি সম্পাদন করেন এবং পাল পর্বণ উপলক্ষে কোলিক প্রথানুসারে প্রকাশ্য স্থানে সংস্কীত ও নৃত্যাদি করিয়া থাকেন এবং আবশ্যকানুসারে পরিচিত অপরিচিত প্রভৃতি সকল পুরুষের সহিত কথাবার্তা কহিয়া থাকেন। স্ত্রীলোকেরা আমাদের দেশের পুরুষের আয় কাছা দিয়া কাপড় পরেন। এবং গাত্রে পিরাণাদি পরেন, পেছন হইতে দোঁথলে পুরুষ বলিয়া ভ্রম হয়।

পঞ্চবটী।

উজ্জয়িনী হইতে পুনরায় ওঁকারনাথ যাই, তথা হইতে পঞ্চবটী যাই। গ্রেড ইণ্ডিয়ান পেলুনসুলা রেলওয়ের নাসিক নামক ষ্টেশন হইতে এই পঞ্চবটী যাইতে হয়। নাসিক ষ্টেশন হইতে নাসিক সহর প্রায় ৬ মাইল হইবে। এই ৬ মাইল রাস্তা যাইবার জন্ত ট্রামওয়ে ও ঘোড়ার গাড়ী উভয়ই পাওয়া যায়। ইংরাজ-রাজত্বে নাসিক এখন একটা সহর ও জেলায় পরিণত হইয়াছে। কিন্তু পূর্বে এই স্থান জঙ্গল ও পাহাড়ময় ছিল। কথিত আছে এখানে লক্ষ্মণ কর্তৃক রাবণ-ভগ্নি স্থপ্ননথার নাক কাটা হইয়াছিল বলিয়া এই স্থানের নাম নাসিক হইয়াছে। আমাদের দেশের লোকদিগের কাশী যেমন মহাতীর্থ, দাক্ষিণাত্যবাসীদিগের নাসিকও তেমনি মহাতীর্থ। এই নাসিক সহর “গোদাবরী” নামক প্রসিদ্ধ নদীর তীরে অবস্থিত, ইহার অপর পারে পঞ্চবটী নামক স্থান। এ পঞ্চবটী দেখিয়া রামায়ণে উল্লিখিত পঞ্চবটীর কথা মনে হয় না, কেন না এ পঞ্চবটী এখন একটা সহর হইয়াছে। বড় বড় প্রস্তরনির্মিত মন্দির সমূহ ও মারহাট্টা ধনিদিগের অট্টালিকা পুঞ্জ পরিপূর্ণ। যাহা হউক এই স্থানের এই গোদাবরী নদীর দৃশ্যটি অতি সুন্দর, এক পারে নাসিক ও অপর পারে

পঞ্চবটী, মধ্যখান দিয়া গোদাবরী নদী প্রবাহিত হইতেছে এবং নদীর গর্ভমধ্যে ক্ষুদ্র ক্ষুদ্র দেবালয়াদি নির্মিত হওয়ার অতি সুন্দর দৃশ্য হইয়াছে। এখান হইতে এক মাইল দূরে তপোবন, তাহাও প্রায় সহরের স্থায়, তবে সেখানে বহুল পরিমাণে রামসীতার মন্দির ও তথায় সন্ন্যাসীগণই থাকেন। বলা বাহুল্য এখানকার পাণ্ডারা সীতামাইর কুঠির, লক্ষ্মণের কুঠির, সুপ্ন-নখার নাক ইত্যাদি বলিয়া যে সমস্ত স্থান ও দ্রব্যাদি দেখান তাহা বিশ্বাস-যোগ্য বলিয়া বোধ হইল না। এখানে আমি অল্প সময় ছিলাম বলিয়া স্থানীয় সন্ন্যাসীদিগের সহিত আলাপ পরিচয় করিবার সুযোগ হয় নাই। পরে এখান হইতে বোম্বাই যাই।

পুষ্কর।

বোম্বাই সহরে কয়েক দিন থাকিয়া বরদা যাই এবং বরদা হইতে আজমীর আসি। এই আজমীর সহর হইতে পুষ্কর তীর্থ ৬।৭ মাইল হইবে। এখান হইতে পুষ্কর যাইতে হইলে একা নামক গাড়ী পাওয়া যায়। আজমীর হইতে পুষ্কর যাইবার পথে প্রায় ১ মাইল ব্যবধান একটা পাহাড় অতিক্রম করিতে হয়, এই পাহাড়ের উপর হইতে আজমীর সহর অতি মনোহর দেখায়।

যে স্থানে পুষ্কর তীর্থ অবস্থিত তাহার প্রায় চারি দিকেই পাহাড়, সেই পাহাড় সমূহের কয়েকটা আবার বালুকাময়। এখানকার প্রাকৃতিক দৃশ্য অতি সুন্দর। পুষ্কর তীর্থ আর কিছুই নহে, চারি দিকে দেবালয় পরিপূর্ণ একটা বিস্তীর্ণ সরোবর। এই সরোবর কাহারও কর্তৃক খোদিত নহে, ইহা পাহাড় পরিবেষ্টিত একটা স্বাভাবিক ক্ষুদ্র হ্রদ। এই পাহাড় ও মরুময় নিৰ্জন প্রদেশ মধ্যে এইরূপ একটা স্বাভাবিক ক্ষুদ্র হ্রদ থাকায় স্থানের সৌন্দর্য্যতা বৃদ্ধি হইয়াছে এবং সেই কারণেই বোধ হয় ইহা একটা হিন্দুতীর্থ বলিয়া প্রসিদ্ধ হইয়াছে। এই হ্রদের জলে স্নান করিবার জন্তই নানাদেশ হইতে হিন্দু যাত্রীগণ এই স্থানে উপস্থিত হইয়া থাকেন। এক্ষণে হ্রদের জল দুর্গন্ধময় ও তাহার মধ্যে সবুজ বর্ণের ক্ষুদ্র ক্ষুদ্র ডিম্বের স্থায় পদার্থে পরিপূর্ণ। স্থানীয় পাণ্ডাগণ যাত্রীদিগের নিকট হইতে অর্থ লইয়া মন্তোচ্চারণ পূর্বক এই হ্রদে স্নান করাইতেছেন এবং যাত্রীগণ আনন্দ ও উৎসাহ সহকারে স্নান করিয়া আপনাদিগকে কৃত কৃতার্থ মনে করিয়া প্রত্যাগত হইতেছেন। আমি এখানে অল্প সময় ছিলাম, ইহার মধ্যে কোন সাধু সন্ন্যাসীকে দেখিলাম না, ফলে এখানে স্থায়ীভাবে কোন সাধু সন্ন্যাসী অবস্থিত করেন না।

শ্রীকুঞ্জবিহারী সেন।



মাসিক পত্রিকা ও সমালোচনী।

সূচী।

(প্রবন্ধের মতামতের জন্ত লেখকগণ দায়ী।)

বিষয়।	পৃষ্ঠা।
১। মধুময়ী গীতা (পদ্য) (শ্রীকুমারনাথ মুখোপাধ্যায়)	১... ৩২১
২। রামায়ণ আখ্যানের মহাকাব্য এবং মূলতঃ বাস্তবিক কৃত কি না তদ্বিষয়ে দ্বিতীয় প্রবন্ধ (শ্রীদীননাথ ধর বি, এল) ৩২৫
৩। বড়দিনে বঙ্গ-সাহিত্য (শ্রীপাঁচকড়ি ঘোষ) ৩৩০
৪। উচ্ছ্বাস (পদ্য) (শ্রীনরেন্দ্রনাথ মিত্র) ৩৩৬
৫। ডেলিগেটের ডালি (শ্রীবিষ্ণুপদ চট্টোপাধ্যায় এম, এ, বি, এল) ৩৩৮
৬। হিন্দু তীর্থ (শ্রীকুঞ্জবিহারী সেন) ৩৪৬
৭। পঞ্চানন্দ-পাকড়াসির গাঁজার পুটুলি (শ্রীদীননাথ ধর বি, এল) ৩৫১

ভূগলী।

সাবিত্রী যন্ত্রে শ্রীহরিদাস প্যাল দ্বারা
মুদ্রিত ও প্রকাশিত।

ফাল্গুন—১৩০১।

এই সংখ্যার মূল্য ১/১০ দেড় আনা।

বিজ্ঞাপন।

পূর্ণিমা প্রতি মাসে পূর্ণিমার দিন প্রকাশিত হয়। কয়েকজন কৃতবিদ্য ব্যক্তি মিলিত হইয়া ইহার উন্নতিকল্পে মনোযোগী হইয়াছেন। যাহাতে ইহা স্থায়ী হয় তদ্বিষয়ে তাঁহাদের বিশেষ যত্ন আছে। এই পত্রিকা যাহাতে সকলের সুখপাঠ্য হয় তদ্বিষয়ে বিশেষ যত্ন প্রকাশ করা হইবে। খ্যাতনামা লেখকগণের প্রবন্ধাদি মধ্যে মধ্যে ইহাতে সন্নিবেশিত হইবে। যাহাতে সকল অবস্থাপন্ন লোকেই ইহার গ্রাহক হইতে পারেন তজ্জন্ম ইহার অগ্রিম বার্ষিক মূল্য মায় ডাক মাসুল ১ এক টাকা মাত্র ধার্য হইল। ইহাতে ৮ পেজী ফরমার ৪ ফরমা অর্থাৎ ৩২ পৃষ্ঠা করিয়া থাকিবে। এরূপ সুলভ মূল্যের কাগজ মফঃস্বল হইতে এ পর্য্যন্ত বাহির হয় নাই। এই পত্রিকা সম্বন্ধে চিঠি পত্র, প্রবন্ধ, মূল্যের টাকা, সমালোচনার জন্ত পুস্তক প্রভৃতি যাবতীয় বিষয় আমার নিকট পাঠাইতে হইবে, এবং আমাকে লিখিলে পত্রিকা সম্বন্ধে জ্ঞাতব্য বিষয় সকলে জানিতে পারিবেন। অতি সুলভ মূল্যে বিজ্ঞাপনাদি ইহাতে প্রকাশিত হইবে।

শ্রীযত্ননাথ কাজিলাল,
কার্য্যাধ্যক্ষ।
হুগলী।

বিজ্ঞাপন।

হুগলীর চকে সাবিত্রী যন্ত্র নামে একটি ছাপাখানা স্থাপিত হইয়াছে। ইহাতে বাঙ্গালা ইংরাজী বহু প্রকার নূতন অক্ষর আছে এবং কলিকাতার দরে পুস্তকাদি ছাপান হইতেছে। বিশেষ সুবিধা এই, গ্রন্থকার ইচ্ছা করিলে, প্রুফ সংশোধনের ভার রীতিমত লওয়া হইয়া থাকে। চিত্রিত্র চেক দাখিল প্রভৃতি সর্ব প্রকার জবওয়ার্ক সুলভ মূল্যে স্বল্প সময়ের মধ্যে ছাপান হইয়া থাকে। আমাকে লিখিলে বিশেষ বিবরণ সকলে জানিতে পারিবেন।

শ্রীযত্ননাথ কাজিলাল
ম্যানেজার।
হুগলী।

পূর্ণিমা।

মাসিক পত্রিকা ও সমালোচনী।

২য় ভাগ।

ফাল্গুন, সন ১৩০১ সাল।

১১শ সংখ্যা।

মধুময়ী গীতা।

চতুর্থ অধ্যায়—জ্ঞানধোগ।

শ্রীভগবান কহিলেনঃ—

আদিত্যে অক্ষয় যোগ কহিলাম যাহা,

স্বপুত্র মনুকে সূর্য্য কহিলেন তাহা ;

পুত্র ইক্ষ্বাকুকে মনু বসিলেন পরে ; ১

রাজর্ষিরা এই যোগ পান পরম্পরে।

সেই যোগ পরম্পর নষ্ট কালবশে। ২

ভক্ত তুমি, সখা মোর, তাই ভাবাবেশে

সেই যোগ কহিলাম তোমায় স্মৃতি,

অত্মাত্মম গুণতত্ত্ব পুরাতন স্মৃতি ! ৩

অর্জুন কহিলেনঃ—

আদিত্যের জন্ম পূর্বে, তব জন্ম পরে,

সূর্য্যকে কহিলে কৃষ্ণ যোগ কি প্রকারে ? ৪

শ্রীভগবান কহিলেনঃ—

তোমায় আমার পার্থ বহু জন্ম গত,

আমার বিদিত, তুমি অবিদ্যা আবৃত। ৫

জন্মহীন অবিনাশী জীবের ঈশ্বর।

হইয়াও হই আমি আত্ম মায়া পর,
জন্ম গ্রহণ করি আত্ম-প্রকৃতিতে ;
প্রকৃতিতে আমি পার্থ, প্রকৃতি আমাতে । ৬
ধর্মনাশ পাপবৃদ্ধি যখন বখশ,
তখনই করি আমি শরীর ধারণ । ৭

পুণীর প্রলয় আর সাধুর উদ্ধার
করিবারে, যুগে যুগে হই অবতার । ৮
স্বৈচ্ছাকৃত জন্ম এই, পালন-কৌশল,
জানিলে আমার, পার্থ, পায় মোক্ষফল । ৯

বীতরাগ ভয়-ক্রোধ আত্ম পরায়ণ
অনেকে আমার ভাব করেছে গ্রহণ । ১০
আমারি ভজনা কিন্তু যে যে ভাবে করে ;
সেই ভাবে অনুগ্রহ করি আমি তারে ।
আমারি ভজন মার্গে আসিছে সকল । ১১
ফলাকাজ্জী পূজে দেব শীঘ্র পায় ফল । ১২

সৃষ্টিয়াছি চতুর্ভুজ্য কর্ম অনুসারে ;
অব্যয় অকর্তা আমি কিন্তু এ সংসারে । ১৩
কর্মাশক্তি ফলাকাজ্জী নাহিত আমার,
যেজন শিথিল হয় কর্ম বন্ধ তার । ১৪
অহঙ্কার শূন্য কর্মে না হয় বন্ধন,—
জানিয়া জনক আদি বত ঋষিগণ
করেছেন কর্ম তাঁরা ; ভূমিও এখন
কর তা' বা' করেছেন পূর্নতনগণ । ১৫

কিবা কর্ম, কি অকর্ম? বিবেকী সকল
না পারি করিতে পিত্র বিহ্বল কেবল !
যে কর্ম জানিলে হবে বিমুক্ত বন্ধন,
সে কর্ম তোমায় পার্থ বলিব এখন । ১৬

বিহিত, নিষিদ্ধ কর্ম, অবিহিত আর—
ছুজেয়া কর্মের গতি,—এ তিন প্রকার । ১৭

আরাধনা কর্ম নব ঙ্গ বন্ধ শূন্য বলি ;
বিহিত কর্ম না করা অকর্ম সকলি,—
অকর্মেই বন্ধন হয় ; অকর্মেই কর্ম !*
আরাধনাদির কর্মে মগ্ন যোগীজন,
সর্বদাই কর্ম শূন্য কর্ম পরায়ণ । ১৮

ফলাকাজ্জী নাই যার, কহে বুধগণ,
জ্ঞানাগ্নি-বিদগ্ধ কর্মী পণ্ডিত সেজন । ১৯
নিরাশ্রয় তৃপ্ত তিনি, যে কর্ম ধরেন,—
বিহিত বা স্বাভাবিক—কিছু না করেন । ২০
করিয়া সামান্য কর্ম নিষ্কাম বেজন—
দেহযাত্রা উপযোগী পাপভাগী ন'ন । ২১
যদৃচ্ছালাভ সমুপ্তে মহিফু যেজন,
সিদ্ধাসিদ্ধি সমজ্ঞানে কর্ম পরায়ণ ; ২২
তাঁর কর্মে বন্ধ নাই । নিষ্কাম যে হয়,
ঈশ্বরার্থে কর্ম করে, কর্ম পায় লয় । ২৩
যজ্ঞ পাত্র ব্রহ্ম যার, যত ব্রহ্মজ্ঞান,
ব্রহ্মাগ্নিতে ব্রহ্ম হোম, ব্রহ্ম তিনি পান । ২৪
দৈব যজ্ঞ করে কর্মী জ্ঞানযোগীগণ
করে সদা ব্রহ্মাগ্নিতে যজ্ঞ সম্পাদন ; ২৫
নিষ্ঠাবান ব্রহ্মচারী করে অবস্থান
ইন্দ্রিয় নিরোধ কারি, সংবন প্রধান ;
গৃহস্থ বিষয় ভুঞ্জে অনাসক্ত মনে ; ২৬
ধ্যাননিষ্ঠ প্রাণেন্দ্রিয় রত সমমনে । ২৭
দান-তপ-যজ্ঞ কেহ যোগ-যজ্ঞকারী,
কেহ বা স্বাধায়-জ্ঞান-যজ্ঞ-সমাচারী । ২৮
কেহ বা অপানে প্রাণ করেন সমাধি ;
কেহ প্রাণে করে হোম প্রাণাপান রোষি । ২৯

আহার সংঘম করি, কোন কোন জন
 প্রাণে হোম করে, দিয়া জীর্ণেন্দ্রিয়গণ ।
 এই সব যজ্ঞবিদ যজ্ঞ-অনুষ্ঠানে
 মুক্ত হন, পুণ্য লভি যজ্ঞান্ন ভোজনে । ৩০
 ধর্ম কর্ম শূন্য হয় যজ্ঞহীন নরে
 না পায় ঐহিক সুখ, পারত্রিক দূরে । ৩১
 বেদব্যক্ত বহুযজ্ঞ, কর্মজ সকল,—
 হেন জানি জ্ঞান নিষ্ঠ-বিমুক্ত কেবল । ৩২
 জ্ঞান যজ্ঞ শ্রেষ্ঠ পার্থ দ্রব্য যজ্ঞ হতে,
 ফল সহ সর্ব কর্ম রয়েছে জ্ঞানেতে । ৩৩
 প্রণিপাত প্রশ্ন সেবা করি লভ জ্ঞান,
 তত্ত্বজ্ঞেরা উপদেশ করিবেন দান । ৩৪
 হে পাণ্ডব সেই শিক্ষা হ'লে এক বার,
 পুনঃ হেন মোহ প্রাপ্তি হবে না তোমার ;
 আত্মাতে হইবে সব অভেদ দর্শন,
 আত্মাতে তোমার আত্মা হইবে মিলন । ৩৫
 সর্বপাপী হতে যদি মহা পাপী হও,
 জ্ঞান পোতে পাপার্ণব পথে চলি যাও । ৩৬
 জ্ঞানাগ্নিতে কর্ম কাষ্ঠ ভস্মসাৎ করে, ৩৭
 পবিত্র জ্ঞানের তুল্য নাই এ সংসারে,
 যোগ্য পাত্র আত্মজ্ঞান যথাকালে পায়,
 কর্ম যোগে ; কর্ম কর জ্ঞান অপেক্ষায় । ৩৮
 শ্রদ্ধাবান জিভেন্দ্রিয় একনিষ্ঠ জন
 জ্ঞানলাভ করি শীঘ্র মোক্ষ প্রাপ্ত হন । ৩৯
 অনন্দিজ্ঞ শ্রদ্ধাহীন, সন্দেহ যাহার,
 উহ পরলোকে সুখ কিছু নাহি তার । ৪০
 যোগপথে কর্ম যার ঈশ-সমর্পিত,
 নিঃসংশয় আত্মজ্ঞান যাহার উদিত,
 কর্ম্মেতে আবদ্ধ তাঁরে নাহি করে আর । ৪১

যে সংশয় ধনঞ্জয় করিছে আত্মার
 আচ্ছাদন, জ্ঞান খড়্গে তারে ছিন্ন কর ;
 উঠ পার্থ, তত্ত্বোপায় কর্ম্মযোগ ধর । ৪২

ইতি ৪র্থ অধ্যায়—জ্ঞানযোগ ।

শ্রীকুমারনাথ মুখোপাধ্যায় ।

রামায়ণ আর্ষ্যদের, যজ্ঞকাব্য এবং মূলতঃ বাণ্মীকিকৃত কি না তদ্বিষয়ে দ্বিতীয় প্রবন্ধ ।

প্রায়শ্চ পুত্র পারিস । গ্রীক রাজ মেনিলিয়সের গৃহে আতিথ্য সংকার
 গ্রহণে তথায় অবস্থিতি কালে তাঁহার অনুপস্থিতরূপ স্মরণে পাইয়া তাঁহার
 পত্নী হেলেন সহ ট্রয়ে পলায়ন করেন । দারৌদ্ধার এবং বিশ্বাসঘাতীর
 দণ্ডবিধান করিবার জন্ত মেনিলিয়স্ প্রভৃতি গ্রীক ভূপালগণ ট্রয় আক্রমণ
 করেন এবং দশ বৎসর যুদ্ধের পর ট্রয় বিধ্বস্ত হয় । আখ্যানাংশে রামায়ণের
 ইলিয়ড সহ এইটুকু সাদৃশ্য থাকা হেতু কতকগুলি ইউরোপীয় পণ্ডিত
 প্রথমোক্ত কাব্য দ্বিতীয়ের নকল মাত্র এইরূপ বলেন । যাহারা এই অদ্ভুত
 মতের পক্ষপাতী তাহাদের বিষয় ভাবিলে হৃদয়ের বিষয় রস প্রায়
 বিগুহ হয় । আমি কোন সময়ে জেলা বগুড়ায় ওকালতি করিতাম ।
 তথায় শশধর বন্দী নামক জনৈক মুসলমান মোক্তার ছিলেন । আমার
 নাম দীননাথ ধর । আমি কি জাতি, কয়েক ব্যক্তির মধ্যে ইহার আন্দো-
 লন উপস্থিত হইলে, এক ব্যক্তি বলেন “শশধর আর দীন ধর” একই
 জাতি । এই ব্যক্তি পূর্বোক্ত পণ্ডিত মণ্ডলীর মধ্যে আসন পাইবার যোগ্য ।

শ্রীরামচন্দ্রের অন্তর বাহ্যে গ্রীক ও স্লেচ্ছ কোন কিছুই নাই । তাহাতে
 যা কিছু দৃষ্ট হয়, সমুদয় ভারতীয় ও বেদ পুরাণ সম্মত । মেনিলিয়স এগেমেমন
 হেকটর । এবং একিলিসেসের মূর্তি নয়নাগ্রে রাখিয়া বাণ্মীকি দাশরথির সৃষ্টি
 করিয়াছেন, একান্ত বীতচিৎ ভিন্ন অস্ত্রে এরূপ কখন মনে করিতে পারেন
 না । হেলেনা অন্তঃকীট কর্তিত, পক্ষে পতিত, সৌরভ বিরহিত পচা, বিকৃত

গোলাপ; আর সীতা চন্দন-চর্চিত বিশুদ্ধ সৌরভশালী প্রফুল্ল-দল খেত পারিজাত পুষ্প। মেনিলিস্ মহিলা পাপ পূতিগন্ধ পূর্ণী, জনক ছহিতা স্বর্গীয় সৌরভ ও পরম পবিত্রতার আধার। মৈথিলীর হস্ত পদের নখাগ্র মাত্র লইয়া এক একটি আদর্শ নারী বিরচিত হইতে পারে। স্নেহ মহিলার কোন কিছুই লব মাতার দেহ মনে নাই। তাঁহারও অন্তর বাহ্য কেবল পবিত্র আর্ধ্য উপাদানে নির্মিত। হেক্টার পত্নী এণ্ডামাকী তাঁহার পদতলে বসিবার যোগ্যা, কিন্তু হেলেন অলঙ্কর রসে তাঁহার সেই পদ রঞ্জিত করিবার ও অনধিকারিণী। কপির কটির নিরুদেশস্থ লাল গোলাকার ভাগের আদর্শে পূর্ণ বিধুর স্বজন সম্ভবপর হইলে ও হইতে পারে, কিন্তু হেলেনকে লক্ষ্য করিয়া পরম দেবোপম স্বর্গীয়া সীতা মূর্তি ও সীতা চরিত্রের গঠন একান্ত অসম্ভব।

শ্রীরামচন্দ্র ভারতীয় আর্ধ্য মহাপুরুষ। তিনি কবি কল্পিত পরাকৃত (ideal) ব্যক্তি নহেন। তিনি অযোধ্যায় দশরথের গৃহে অবতীর্ণ হইয়া স্বকার্য সম্পাদন পূর্বক নরদেহ বর্জন করেন। রামায়ণের আদি কাণ্ডে উক্ত হইয়াছে যে বান্দীকি কর্তৃক জিজ্ঞাসিত হইয়া ঋষিবর নারদ তাঁহাকে বলেন:—“তোমার জিজ্ঞাসিত সমস্ত গুণ যুক্ত ও অশ্রান্ত বহু গুণ বিশিষ্ট এক ব্যক্তি ইক্ষ্বাকু বংশে সম্ভূত হইয়াছেন, তাহার নাম রাম।” দশরথি যে ভারতীয় এবং আমাদের ঋয় রক্ত মাংসের শরীর বিশিষ্ট ছিলেন, রামায়ণ তাহার অশ্রুতর প্রমাণ। তিনি যে সরযু তীরে জন্মগ্রহণ করিয়া তথায় রাজত্ব করিয়াছিলেন তাহারও ভূরি ভূরি প্রমাণ পাওয়া যায় এবং হিন্দু মাত্রে এ কথা বিশ্বাস করেন। তোমার আমার পূর্ব পুরুষেরা জন্ম গ্রহণ পূর্বক ভবতলে লীলাখেলা করিয়া গিয়াছেন, আমরা যেরূপ স্থির ও নিশ্চিত রূপ বিশ্বাস করি, শ্রীরামচন্দ্র এবং জানকীর কথা হিন্দু নর নারী মাত্রে সেইরূপ বিশ্বাস করেন। চিত্রকূট পঞ্চবটী নাসিক সৈতবন্ধ রামেশ্বর এবং সিংহুলে দাশরথি জীবন ঘটত অনেক কথা আজিও তৎ তৎ স্থানীয় লোকে প্রকৃত ব্যাপারের ঋয় সন্ধ্যা সকালে কহিয়া থাকে। বস্তুতঃ শ্রীরামচন্দ্র মানব শরীর ধারণ পূর্বক রামায়ণ কীর্তিত প্রদেশ এবং স্থান সমূহে আমাদের ঋয় জন্ম গ্রহণ করিয়া কার্যাদি না করিলে, এরূপ হইবার সম্ভাবনা ছিল না। ব্রহ্মেন্দ্রনন্দন শ্রীকৃষ্ণ এবং দশরথ সূত শ্রীরামচন্দ্র

যে ভবতলে অবতীর্ণ হইয়া তথায় লীলাখেলা করত সময়ে স্বধামে গমন করেন তাহাতে সন্দেহ মাত্র নাই।

রামায়ণের উত্তর কাণ্ড পাঠে অবগত হওয়া যায়, শ্রীরাম তনয় কুশ কোশল এবং লব উত্তর কোশল রাজ্য প্রাপ্ত হন। কোশল খাস অযোধ্যা এবং উত্তর কোশল নেপালের নিম্ন প্রদেশ। শ্রীরাম কনিষ্ঠ ভারতের পুত্র তক্ষক তক্ষশিলা দেশ প্রাপ্ত হন। এই তক্ষশিলা হইতেছে ট্যাক্সিলা (Taxila)। সেকেন্দার সাহ ভারতবর্ষের এই পর্যন্ত আসিয়াছিলেন এবং ক্যানিংহাম সাহেব এই প্রদেশে তাঁহার বিউসিফিলাস্ অধের সমাধি স্থান আবিষ্কার করিয়াছেন, এইরূপ প্রবাদ। উদয়পুরের রাণা সূর্যবংশ সম্ভূত। শ্রীরাম-চন্দ্রের বংশধর বলিয়া ইনি আপনাকে দৃঢ় বিশ্বাস করেন। ভারতীয় ভূপাল বৃন্দের মধ্যে তাঁহাকে সর্বোচ্চ আসন প্রদানে ইংরাজ অসম্মত হওয়ায় রাণা সাহেব ১৮৭৭ খৃষ্টাব্দের বিখ্যাত দিল্লী দরবারে উপস্থিত হন নাই। রাণা সাহেব কলিকাতায় আগমন করিলে তাঁহার সম্মানার্থে ফোর্ট উইলিয়ম্ দুর্গ হইতে কয়েকটি তোপধ্বনি হইত। কথিত দরবারে উপস্থিত না হওয়ায় ঐ সময় হইতে রাণা সাহেব উক্তরূপ সম্মানে বঞ্চিত হইয়াছেন। আপনাকে শ্রীরাম বংশধর ভাবিবার রাণা সাহেবের গূঢ়তর কারণ না থাকিলে, তিনি উক্তরূপ কার্য করিবেন কেন? এই সকল এবং অশ্রুত কারণেও বুঝা যায় যে বান্দীকি বর্ণিত শ্রীরামচন্দ্র বস্তুতঃ সরযু তীরবাসী এবং রাবণ বিধ্বংসী ছিলেন, কবি কল্পিত চরিত্র মাত্র নহে রক্ত মাংসের শরীরে অবতীর্ণ হইয়া অযোধ্যা হইতে সিংহল অবধি স্বীয় কার্য গরিমায় লোককে চকিত এবং ঐ সমস্ত দেশ চরণ স্পর্শে পবিত্র না করিলে হিমালয় হইতে কুমারিকা এবং পঞ্জাব হইতে ব্রহ্মপুত্র তীর পর্যন্ত নররাজি মানবাবতাররূপে শ্রীরামচন্দ্রকে কখন বিশ্বাস করিত না।

হিন্দু শাস্ত্রের দশ অবতারের কথা কল্পনা প্রসূত অথবা গল্প মাত্র নহে। গল্প হইলে ভগবান অতি নিকৃষ্ট পশু বরাহ হইয়াছিলেন, শাস্ত্র-কারেরা এরূপে আপনাদের কল্পনা শক্তির কখন সঞ্চালন করিতেন না। সৃষ্টি এবং সমাজের ক্রম স্পষ্ট প্রকাশমান। আমাদের শাস্ত্রানুসারে সৃষ্টান্ত-ক্রমে আবশ্যিক মত ভগবান আপনাকে নানারূপে প্রকাশ করিয়াছেন। ডাকুণের মতে তুমি আমি একবারে মানুষ হই নাই। দশ অবতारेও

এই তত্ত্বের বিকাশ। সৃষ্টি করণেচ্ছু এবং সৃজনশীল ভগবান প্রথম মংত্র, পরে কুর্ম, তৎপরে বরাহ তাহার পর নরসিংহ এবং তদন্তে খর্কাকৃতি বামন হইয়াছিলেন। ভগবান বামন হইয়া পরে কুঠারধারী পরশুরাম, তাহার পর ধনুধারী রাম এবং তৎপরে হলধারী বলরাম হইয়াছিলেন। ইংরাজ পণ্ডিতের দোহাই দিলেই আমাদের কথার আদর হইবার সম্ভাবনা সেজন্য বলিতেছি যে এই সমস্ত কথা ডারুণের ও অন্ত্যন্ত ইংরাজ বিজ্ঞান-বিতের আভিপ্রায় সম্মত। ডারুণের মতে সৃষ্টির ক্রম এইরূপ এবং একান্ত অসম্ভাবন্য হইতে মানব উপস্থিত সম্ভাবন্য উপস্থিত হইয়াছে, ইহাও ইউরোপীয় পণ্ডিতদিগের মত। পরশুরাম কুঠারধারী বুনো পুরুষ, শ্রীরামচন্দ্র ধনুধারী তীরেন্দাজ শিকারী, এবং বলরাম লাঙ্গলধারী কৃষক বুদ্ধ কিন্তু পরম জ্ঞান সম্পন্ন সমাজ সংস্কারক। ভগবানের এই সকল অবতारे মানব সমাজের অবস্থার ক্রম অনুস্থচিত হইয়া থাকে। অতএব দেখা যাইতেছে যে দশ অবতারের কথা প্রকৃত ঘটনা মূলক ও পরাকৃত (ideal) নহে। প্রবন্ধের এই সকল কথাতেও রামায়ণ যে ইলিয়ডের প্রতিচ্ছায়া নহে তাহাও প্রতীয়মান।

রাজতরঙ্গিনীতে লিখিত ইয়াছে যে অশোক বংশ সম্ভূত দামোদর ভূপাল অভিষিক্ত হইলে শাপ মুক্ত হইবার কারণ এক দিনে সমস্ত রামায়ণ শুনবার জন্ত উপদিষ্ট হন। গোল্ডষ্টুকার প্রভৃতি পণ্ডিতগণের মতে রাজা দামোদর খৃষ্টের ১৭৫ বৎসর পূর্বে বর্তমান ছিলেন। ভাগবতাদি পাঠ শ্রবণে পাপ ও কঠোর পীড়া মুক্ত হওয়া যায়, লোকের এই বিশ্বাস। রামায়ণ রাজা দামোদরের বহু পূর্বে রচিত হইয়া প্রচলিত থাকাই একান্ত সম্ভব। কয়েক দিন মধ্যে তাহা বেদ পুণ্য সম পবিত্র ও অঘ নাশকারী ধর্ম সম্পন্ন হয় নাই। শত শত বৎসর সমাজে থাকিয়া তৎপরে যে রামায়ণ উক্তরূপ পবিত্রতা লাভ করে এবং পাপ তাপ হর্তা হইয়া উঠে, ইহাই একান্ত সম্ভব। খৃষ্টের ৩২৭ বৎসর পূর্বে সেকেন্দার সাহ আটকে উপস্থিত হন এবং কয়েক মাস মাত্র উৎপ্রদেশে থাকেন। গ্রীক সহ আর্ষ্যদের এই প্রথম সংমিলন। সেকেন্দার সাহ তক্ষশীলা প্রদেশে অবস্থিতি কালে লড়াই ঝগড়া লইয়াই ব্যস্ত ছিলেন। তথাপি বিবরাদি পণ্ডিতবর্গ আমাদের বারম্বার বলিতেছেন:—

“বাণ্মীকি সেকেন্দার সাহের সভাপণ্ডিত ছিলেন। গ্রীক ভাষায় ইলিয়ড পাঠ হইত এবং তিনি তাহা শ্রবণ করিতেন এবং বুঝিতেন। সাহ মজকুরের ভারতবর্ষ পরিত্যাগের পরই তিনি সপ্ত কাণ্ড রামায়ণ রচনা করেন এবং অনতি বিলম্বে তাহা শাপ ও পাপ মোচনের মহৌষধ স্বরূপ হইয়া উঠে এবং রাজা দামোদর তাহার পাঠ শ্রবণে শাপ মুক্ত হন।” এ কথার পর আমাদের চুপ থাকাই বিধেয়।

এই সঙ্গে আর একটি কথা না বলিয়া থাকিতে পারিলাম না। জয় বিজয় বৈকুণ্ঠের দ্বারী স্বর্গবাসী ছিলেন। ব্রাহ্মণকে উপেক্ষা করায় তাঁহারা অধঃপতিত হইয়া মানবযোনি প্রাপ্ত হন। এই জয় বিজয়, রাবণ কুলুকর্ণ রূপে লক্ষ্মী দ্বীপে জন্ম গ্রহণ করেন। আমাদের রামায়ণের এই একটি মূল কথা। মহারাজ্ঞী এলিজাবেথের সময় হইতে ইংরাজ আমাদের দেশে আছেন। ইংরাজের (Paradise Lost) মহাকাব্যে বর্ণিত হইয়াছে যে সয়তান (Satan) ও পূর্বে স্বর্গবাসী ছিলেন। সয়তান অহং জ্ঞানে স্বর্গচ্যুত হইয়া প্রথমতঃ নরক তৎপরে ধরাতলে আসিয়া মানব জাতির অনিষ্ট সাধনে ব্যাপৃত হন। রাবণ ভগবান শ্রীরামচন্দ্রের অনিষ্টে রত হইয়াছিলেন এবং আমাদের শাস্ত্রানুসারে মানব সমষ্টি ভগবান ছাড়া নহে। এই সকল কারণে অতি প্রাচীন পুরাণোক্ত জয় বিজয় আখ্যান (Paradise Lost) মহাকাব্যের নকল, বিবরের আয় কোন পণ্ডিত মুখে এইরূপ কথা বাহিব হওয়াও বিচিত্র নহে।

যে সকল তর্ক দ্বারা বিবরাদি পণ্ডিতগণ রামায়ণ ইলিয়ডের নকল ইহা সংস্থাপনে যত্নশীল তাহা একান্ত অসার এবং বালকোচিত। দুইটি বিভিন্ন ব্যক্তির একরূপ ভাবনা এবং চিন্তা করা বিচিত্র নহে। এক রূপ দুইটি ঘটনা একই অথবা ভিন্ন ভিন্ন সময়ে ভিন্ন ভিন্ন স্থানে কিম্বা ভিন্ন ভিন্ন জাতি নব্যে ঘটতে না পারার কোনও কারণ নাই। ভারতবর্ষে রাবণ কর্তৃক সীতা হৃত হইলে মুনিবর বাণ্মীকি সেই ব্যাপার অবলম্বনে রামায়ণের সৃষ্টি করেন। হেলেনকে পারিস্ চুরি করিয়া লইয়া গেলে এই ঘটনাশ্রয়ে কবিবর হোমরের ইলিয়ড রচিত হয়। বাণ্মীকি ও হোমর নিজ নিজ দেশস্থ ঐ ঐ ঘটনা অবলম্বনে আপনাদের রচনা শক্তির সঞ্চালন করিয়াছিলেন। এই সহজ

স্বাভাবিক ও সঙ্গত সিদ্ধান্ত না করিয়া অতি পবিত্র চরিত্র জনৈক মুনি ও মহাকবির প্রতি চৌরাপবাদ দেওয়া অতীব অশ্রীয়ায় ।

বিবরাদি পণ্ডিতদের দ্বিতীয় কথা এই যে রামায়ণ বৌদ্ধ গ্রন্থ ও গল্প বাঙ্গালীক মুনির নহে । বৌদ্ধ ও ব্রাহ্মণদের মধ্যে সর্প নকুলের ভাব । পরম শত্রু পক্ষের কোন ব্যক্তিকে আশ্রয় করিয়া বিপ্রবর বাঙ্গালীর রামায়ণ রচনা করা কোনও প্রকারে সম্ভবপর নহে । দেখা যায় বৌদ্ধদের সীতা রামের ভগ্নী । ভগ্নী সহ ভ্রাতার বিবাহ হিন্দু শাস্ত্র নিষিদ্ধ । এই বিবাহ পাপকর্ম বসিয়া ঋকবেদে কথিত হইয়াছে । বৌদ্ধ রাম সীতা মধ্যে একরূপ শাস্ত্র বিরুদ্ধ সম্বন্ধ থাকায় বৌদ্ধ রাম যে ব্রাহ্মণদের একান্ত অস্পৃশ্য তাহা বলিবার আবশ্যক নাই । এ সম্বন্ধে পণ্ডিতবর টেলিগের কথাই সঙ্গত বলিয়া বোধ হয় । রাম সীতার আখ্যান অতি প্রাচীন এবং রামায়ণ আর্য্য ব্রাহ্মণদের পুঁথি । বৌদ্ধেরা ভারতবর্ষ ছাড়িয়া যাওয়া কালে অতি পবিত্র রাম সীতা আখ্যান আপনাদের সঙ্গে লইয়া যাওয়াই সম্ভব এবং সঙ্গত অনুমান । বৌদ্ধ সীতা রামচন্দ্রের ভগ্নী এইরূপ হওয়া সম্ভব । বাঙ্গালীর সীতা জনক দুহিতা । শ্রীরামচন্দ্র জনক দুহিতাকে বিবাহ করেন । এই কথা ধরিয়া কালে এবং স্থানান্তরে সীতা রামের সহোদরা হইয়া থাকিবেন ।

শ্রীদীননাথ ধর ।

বড়দিনে বঙ্গ-সাহিত্য ।

['শিল্প সাহিত্য-সভা'র সমালোচনী শাখা হইতে নির্গত ।]

বড় দিনের 'বাহবা' লইতে প্রতি বৎসর বিলাসিতার বিপুল আয়োজন হইয়া থাকে । তাহা বরং বিবি-সাহেব অপেক্ষা বাবু-সাহেব মহলেই বেশী বেশী । পূজনীয় 'পঞ্চানন্দ' মহাপ্রভু 'প্রাচীন' বয়সে, সম্ভবতঃ, বিকৃত মস্তিষ্ক হইয়া পড়িয়াছেন, তাই সেই পুরাতন প্রথানুসারে শারদীয় দুর্গোৎসবের সময়েই সাদার উপর কালি চড়াইয়া কতকগুলো 'বেয়াদবি' করিয়া বসেন, উনবিংশ শতাব্দীর শেষ ভাগের 'বড় দিন' নামক এই মহা পর্বেই খোঁজ খবর বড় রাখেন না । তিনি না রাখুন বড় দিনের 'বেজায় আওয়াজ'

দিগন্তব্যাপী সহর মফস্বল সর্বত্রই এই সুবোগে হাদির ভরা, গানের গরুরা, আর উৎসবের ফোয়ারা ছুটিয়া থাকে । রাজা-রাজড়া হইতে হাক্‌নী ক্যারেজের কোচম্যান পর্য্যন্ত কেহই এই শীতোৎসবের রস-তরঙ্গে বিভোর হইতে পশ্চাৎপদ হইবেন না । কলিকাতাতেই এই কলি যুগে ধর্ম্মগর ভারত ভূমির কর্ম্মক্ষেত্র, ইহাই সে কারণ কলির এই প্রধান ধর্ম্মোৎসবের কেন্দ্রস্থল ; রাজা, মহারাজা, মুন্সেফ, মাজিষ্ট্রেট, কোন্সিলের মেম্বর, মফস্বলের কেরাণী সকলেই সামন্দে এই সন্ধিস্থলে সমাগত হইবেন এবং "গ্রেট ঈষ্টারণ" নামক মহামন্দিরের সারাফ-শোভা সন্দর্শন করিয়া চরিতার্থতা লাভ করেন । মদ্য হইতে ম-কারের চূড়ান্ত, 'কচুরি হইতে কেক পর্য্যন্ত, পূজার সমগ্রীর সুবন্দোবস্ত প্রচুর পরিমাণে হইয়া থাকে, সূচিক্রম কাঞ্চন মূল্যে ভদভাবে রজত খণ্ডে দক্ষিণাস্ত করিয়া মহাভোগ উপভোগ করিলেই হইল । পূজাস্তে নৃত্য গীতের আয়োজনও অগণন ;— বোড়ার নাচ হইতে ব্যায় ভরুক ও হস্তীর নাচ, সাহেব-বিবি-মহলে কাপ্তানী ট্রেসের সুন্দর নাচ, আর রাস-রসিক প্রেমিকের প্রসোদ উদ্যানে রাশি রাশি বিলাসিনীর নাচ । এই নৃত্য গীতের স্রোত রঙ্গ-ক্ষেত্রেও প্রবল ভাবে প্রবহমান,— এই স্রোত প্রবাহে মৃতপ্রায় 'মকরত' ও সঞ্জীবিত 'আবু হোসেনের' উত্তট লীলার রঙ্গ-রস উৎসারিত, আর মিনার্ভার 'মজ্জাতবাসে' রুচিবর্জীদিগের মুখ-কমল মলিনীভূত । এই মহাপূজার মূলমন্ত্র একাকার ! ভক্তগণ ভক্তিভরে অনুক্ষণ ভিক্ষা করিতেছেন 'একাকার' এই একাকারের আভিধানিক সাধুভাষা 'সামা' ; সাম্য-মন্ত্রে দীক্ষিত হইয়া ষাধীনতা রক্ষার সুচেষ্টাই এই পূজার উদ্দেশ্য । হিন্দু, বৌদ্ধ, খৃষ্টীয়ান, ধোবা, কলু, মুসলমান, বালক, বৃদ্ধ, বিবিজান, সকলে সমস্ত্রে মিত্রতাবদ্ধ হইয়া শয়ন ভোজন উপবেশন করুন, প্রেমময়র রাজ্যে অবাবে বিচরণ করুন, সম্বন্ধনির্কির্শেষে সোদরত্ব সংস্থাপন করুন, আপনার মহাপূজার মহোদ্দেশ্য সফল হইবে, নির্বিকল্পে নিরাকারের নবীন চরণে নিমজ্জিত হইতে পারিবেন, বিপর্যায় যন্ত্রণা সহ্য করিয়া আর লক্ষ্যোনি পরিভ্রমণ করিতে হইবে না । প্রাচীন মহাজনেরা বলিয়াছেন—(Out of evil cometh good) কাল বিপর্যয়ে এখন দেখিতেছি, ইষ্ট হইতেই অনিষ্টের উৎপত্তি হইয়া থাকে । কুক্ষণে এই মহাপূজার মূলমন্ত্র আরসিক

অমৃতলালের কর্ণকুহরে প্রবিষ্ট হইল, তিনি দিগ্বিদিক্ জ্ঞান শূন্য হইয়া তারস্বরে বলিয়া উঠিলেন—সব একাকার! তাঁহার মস্তিষ্ক ঘুরিয়া গেল, ঘোড়া-তাড়া দিয়া গড়িয়া বসিলেন—একাকার!!! তাহাতেও মন প্রবোধ মানিল না, বড় দিনের আসরেই জীবন্ত ছবি দেখাইলেন একাকার!!! এখন এই একাকারের মোহন চিত্রে আমরাও ‘দিশেহারা’ হইয়া পড়িয়াছি, তাই কালি কলম নষ্ট করিয়া আসনের উপর ‘কারসাজি’ করিতে প্রবৃত্ত হইয়াছি।

বহুদিন হইল, ১২৯৬ বঙ্গাব্দের বৈশাখ মাসে, বঙ্গের জনৈক রসজ্ঞ বিজ্ঞ লেখক বলিয়াছিলেন—

“আমার মনটা ‘মেকি’। মমের ভাব গুলার অনেক গুলাই আদম নয়, নেহাত নকল। আমার এ যুগের জীবনটা সাড়ে পনের আনা রকম জাল। আমি একটা জীবন্ত পদার্থ সন্দেহ নাই; কিন্তু কোন কালেই আমি জীবন্ত নাটক নহি। সকল সময়েই আমি জীবন্ত ‘প্রহসন’। আমি Test, কাজেই আমি প্রহসন। যদি Earnest হইতাম, তবেই নাটক হইতাম। আমাকে চিত্রিত করুন, নিম্ন শ্রেণীর নাটক হইবে না; কিন্তু উচ্চ শ্রেণীর প্রহসন হইবে। হইতেছেও তাই। “সধবার একাদশী” হইয়াছিল, “বিবাহ-বিভ্রাট” হইয়াছে। যেমন গতক এখনও অমন অনেক হইবে।”

লেখক পরিণামদর্শী বটে,—অনেকে না হউক, দুই এক মাস উচ্চ শ্রেণীর প্রহসন আমরা মধ্যে মধ্যে দেখিতে পাই; আরও যে কামতের পাইব না, কে বলিতে পারে? একাকার এইরূপ প্রহসনের অন্তরঙ্গ আমরা অবস্থাগতিক ‘মেকি’ হইয়া দাঁড়াইয়াছি, কোন আঘাতই আদম ভাবে মর্ম স্পর্শ করে না, কাজেই প্রতিঘাত পূর্ণ মাত্রায় হয় না, নাটকও জন্মে না। “প্রাচ্য ও পাশ্চাত্য ভাবের প্রতিদ্বন্দ্বিতা” আজ কাল আমরা দিগের প্রধান উপকরণ হইয়া দাঁড়াইয়াছে; এই পরস্পর বিরোধী ভাবের মধ্যে আপনাদ্বিগকে একটা সামঞ্জস্য করিয়া লইতে হইতেছে, নচেৎ সংসার অচল হইয়া দাঁড়ায়। কাজেই যে জানা জন্মে, তাহা গাত্রজালা মধ্যে—মর্মজালা নহে; যেটুকু নেহাৎ অসহ হইয়া উঠে, তাহাই প্রহসনে ফুটে, নাটকে বড় জুটে না। বড় দিনের যে ছবি আমরা পূর্বে জীব

দেখাইয়াছি, তাহাতেই ভরসা করি বুঝা যাইবে, প্রাচ্য মস্তিষ্কে পাশ্চাত্য শিক্ষা এই উৎসবেই জলন্ত ভাবে কার্য্য করে; এই সূত্রেই সূত্রাং প্রতি বৎসর প্রহসনের উৎপত্তি ঘটে—প্রত্যেক রঙ্গক্ষেত্রেই এক এক খান অভিনব হাস্যনাটকের অবতারণা হইয়া থাকে। তবে যে হৃদয়ে চিন্তা-শীলতা অধিক, শুভাশুভের বিচার নিরপেক্ষতা প্রবল, সেই হৃদয়েই প্রাচ্য পাশ্চাত্যের ঘাত প্রতিঘাত একটু অক্ষুট, তাঁহার প্রহসনের মধ্যেও নাটকত্ব একটু প্রচ্ছন্ন। এই চিন্তাশীলতার ফল বর্তমান একাকার!

ব্যঙ্গোক্তি সময়ে সময়ে বিরক্তিকর হইয়া উঠে, কখনও শীলতার সীমা অতিক্রম করিয়া বসে। কিন্তু আমরা এরূপ অসাঁড় হইয়া গিয়াছি, যে অতিরঞ্জনের চাক্চিক্য না থাকিলে কোন চিত্রই মানস-পটে অঙ্কিত হওয়া দূরে থাকুক চর্মচক্ষুতেও প্রতিভাত হয় না। কাজেই চিত্রকরকে তুলি ধরিলেই, এক আঁচ রঙ চড়াইয়া দিতে হয়। একাকারে ও অতিরঞ্জনের একটু প্রয়োজন হইয়াছে, অথবা দোষ দাঁড়াইয়াছে। ঐ টুকু বাদ দিলে যে চিত্রটি নিখুঁট খাটি জিনিস হয়, তাহা বোধ করি, সকল পক্ষই নিঃসংশয়ে স্বীকার করিবেন। এই দারুণ একাকারের দিনে যে একজন হৃদয়েও উহা উচিত মত আঘাত করিতে পারিবে, আমরাদিগের এমন আশা নাই; বরং বড় দিনের রঙ্গরসের সঙ্গে আনুসঙ্গিক নাট্য রসেরও চিরাবসান হওয়াই অধিকতর সম্ভাবনা। অমৃতলাল এই প্রসঙ্গে অনেকের বিষদৃষ্টিতে পড়িবেন, তাহাও বড় বিচিত্র নহে। তবে তিনি ইহা দ্বারা বিষবড়ি বানাইয়াছেন, ভক্তিপূর্নক তাহা গলাধঃ করিতে পারিলে নিশ্চয়ই অমৃতের ত্রায় কার্য্য করিবে, সমাজের শিরায় শিরায় শান্তি ও সুমঙ্গল সঞ্চারিত হইবে।

এই বৈষম্যময় জগতে সাম্যোব দোহাই দিয়া সকলে জাতিভেদ উঠাইতে উনুখ। একাকারের কবি সেই সাম্যের সুগভীর অর্থ আর জাতিভেদের উদ্দেশ্য ও ফলাফল জলন্তভাবে ব্যাখ্যা করিতে চেষ্টা করিয়াছেন, এবং আমরাদিগের বিশ্বাস, সম্পূর্ণরূপে সফলকাম হইয়াছেন। এই সাম্য হইতেই একাকারের উৎপত্তি—

“সাম্য সাম্য রব তোলে, নাহি বোঝে অর্থ,

বিপ্লব প্লাবন আনি, ঘটায় অনর্থ।

সাম্যের না বুঝে তত্ত্ব করে একাকার,
একাকারে ঘরে ঘরে উঠে হাহাকার।”

তাই “স্ববৃত্তাবলম্বী শিক্ষিত যুবা রাধানাথ কৰ্ম্মকার” বেশে স্বয়ং গ্রন্থকার
বিকৃত মস্তিষ্ক “গ্রাজুয়েট যাদবচন্দ্র পাল”কে সাম্যের সুন্দর অর্থ বুঝাইয়াছেন—

“কাজ ভাগাভাগি ক’রে নিতেই হ’বে শরীর খাটাইতেই হ’বে ;
তবে আজ বা ভট্টাচার্য মহাশয়ের হাতে লাঙ্গল দিবে তুমি ঘটা নাড়;
আবার তোমার ছেলে কাল জুতো সেলাই ক’র্ত্তে বসুক, আমার ছেলে
অনের অভাবে বিহারীলাল কৰ্ম্মকার নাম ব’দলে বিহাবানন্দ স্বামী হ’য়ে
গেকুয়া প’রে ধর্ম্ম প্রচার ক’র্ত্তে বেরিয়ে য’ান। এই রকম পোড়া ধরা
খিচুড়ি চ’লতেই থাকবে। কিন্তু বংশগত জাতিভেদের বন্দোবস্ত ভারি
পাকা, ভারি কায়েমি। এই জাতিভেদই সাম্য ; সাম্য মানে তোমারও
ঘটা আছে, আমারও ঘটা আছে—নয়, তোমার না হয় ঘটা আছে, আমার
না হয় বাটা আছে। যেমন পরকালে তরবার জন্তু তাঁতিকে ব্রাহ্মণের
কাছে ষোড় হাত ক’রে দাঁড়া’তে হ’বে, তেমনি ব্রাহ্মণদের ইহকালের
লজ্জা নিবারণের জন্তু তাঁতির দ্বারস্থ হ’তেই হবে। প্রত্যেক জাতিরই
নিজের নিজের সম্মান আছে, জোর আছে। আমি প্রত্যেক জাতিকেই
সম্মান করি ; তবে কাক কাকের মধ্যেই সুন্দর, তিনি যদি ময়ূরপুচ্ছ পেরেন,
তবে আমি শ্রীদাঁড়কাকচন্দ্র রায় তাঁ’কে একটু ঠোকরাব। * * * এই
ভেদাভেদই সাম্য, এই গুণের তারতম্য ভেদ ক’রেই জগদীশ্বর সৃষ্টির সাম্য
রক্ষা ক’রেছেন। এটা বেশ মনে রেখ মেয়েদের গোঁপ রেবুলেই আর
পুরুষেরা ঘোমটা দিলেই সাম্য হয় না।” স্ববৃত্তি অবলম্বন করিয়া চলার
সমাজের ও সংসারের কিরূপ মঙ্গল, আর তদ্বিপরীতে কি দারুণ অধোগতি,
রাধানাথের প্রত্যেক কথায় তাহা সুস্পষ্ট ভাবে পরিব্যক্ত। কেরাণীগিরির
কঠোরতার মধ্যে কি নীচতা, কি কাপুরুষতা, তাহা গদাধর দত্তের কার্যে,
এবং বেকার কেরাণী বাবুও এলে পাশ করার পিতা ব্রাহ্মণঠাকুরের
ব্যবহার বিশদভাবে বর্ণিত। কিন্তু এ বর্ণনায় কি হইবে? স্বয়ং ভুক্তভোগী
হইয়াও ত শিক্ষালান্ত হইতেছে না। বি-এ পাশ করিয়াও ত কুড়ি টাকা
বেতনের কেরাণীগিরির লালসায় এই বিদেশে বিজাতীয় শীতের মধ্যে
বাসাবাটা পরিত্যাগ করিতে পারিতেছি না। তাই সেই বিজ্ঞের কথা মনে

পড়ে,—আমরা কেবল Jest, Earnestness আদৌ আমাদিগের হৃদয়ে
নাই ; আমরা গ্রাজুয়েট পুস্তক যাদবচন্দ্রের মত মুখের জোরে জগৎ মারিতে
পারি, “চাকরি দিলে না” বলিয়া Patriotism, Independence, Lec-
ture, Meeting, কাগজে Article ইত্যাদি লইয়া কাঁছনি গাহিতে
পারি, কিন্তু বিদ্যাভিনোদ হইয়াও ব্যাকরণ শিক্ষা দিতে, অথবা চাষার
ছেলে হইয়াও লাঙ্গল ধরিতে পারি না। কত দিনে আমাদিগের মতি গতি
ফি রবে, অমৃতলালের অমৃতময় কথা গুলি মর্ম্মস্পর্শ করিবে, তাহা সর্কান্তর্য়ামী
বিধাতাই বলিতে পারেন।

‘একাকার’ উপলক্ষ্য করিয়া গ্রন্থকার সমাজের অনেক অঙ্গের প্রতি
দ্রকুটী বিক্ষিপ্ত করিয়াছেন। মিউনিসিপ্যালিটির ময়লা, অনাহারী মাজি-
ষ্ট্রেটের মজলিস ও মর্যাদা মুচির যোগ্যতা ও জাত্যাভিমান কিছুই তাঁহার
দৃষ্টি সীমা অতিক্রম করে নাই। মধু বাবুর ছায় সাহেবের চাপরাসী
বাবুজানের উপাসক, পরস্থ আশ্রিত ভদ্র সন্তানের প্রতি অবশ্য উৎপীড়ক,
বড় বাবুও সনাজে আজ কাল বিরল নহে। তবে পূর্কেই বলিয়াছি,
হাসির ছটায় বিচিত্র এই ইঙ্গিত কয়জনের হৃদয়ে উচিত মত আঘাত
করিবে, কেই বা তাহা ভাবিয়া আপনাপন কর্ত্তব্যের প্রসার বৃদ্ধি করিতে
সচেষ্টি হইবে? যেকোন দিন কাল পড়িয়াছে, আমাদিগের যেকোন দুর্ম্মতি
উপস্থিত হইয়াছে, তাহাতে ‘একাকারের’ ছায় সহস্র চিত্রও বর্তমান
একাকার দূর করিতে পারিবে কি না, সন্দেহ ; প্রবীণ নট তাহা বুঝিয়াছেন,
তাই প্রাণের কথা বলিয়াছেন—

“শোবার ঘরে শাসন হ’লে তবে যাবে একাকার।”

তবে সেখানেও অধুনা ‘কান্দালমণি’ ও ‘নীলাধরী’ ভগিনীর ছায় অনেকেই
‘সুশিক্ষিতা’ তাই আমাদিগের সে পক্ষেও বড় চিন্তা। বাহা ইউক,
আমরাও উদাস প্রাণে হতাশ মনে—

“বর দিয়ে যাই নরের যেন হয় সুমঙ্গল।”

.. শ্রীপাচকড়ি ঘোষ।

উচ্ছ্বাস ।

১।

ডেকে লও দয়াময় এই গুধু চাই
বৃথা স্মৃথ অন্বেষণে
কি নগরে কি কাননে
ভ্রমিষ্ঠু সকল স্থানে আর কাষ নাই
ডেকে লও দয়াময় এই গুধু চাই ।

২।

ডেকে লও দয়াময়, আর কাজ নাই
ঘুরে ঘুরে নিশি দিন
হইয়াছে তলুক্ষীগ
দাঁড়াতে শকতি হীন, বসিয়াছি তাই ।
ডেকে লও দয়াময়, আর কাষ নাই ।

৩।

প্রাণের পিরাসা নাথ মিটেনি আমার
কাতর উদাস মনে
এই চাই ও চরণে
আঁধারে আঁধারে বিভো ঘুরাওনা আর ।
প্রাণের পিরাসা নাথ মিটেনি আমার !

৪।

ঘুরিতে ঘুরিতে (নাথ!) একদিন একবার
ক্ষীর্ণ আলোকের রেখা
দূরে দিয়েছিল দেখা
আলোকিত করেছিল হৃদয় আমার,
ঘুরিতেছি সে অবধি পশ্চাতে তাহার ।

উচ্ছ্বাস ।

৩৩৭

৫।

আর একদিন বিভো, আর একবার
বিমলিন মগচিত
সে আলোকে আলোকিত
হয় নাই । হইবে কি এ জনমে আর
ঘুরিতেছি সে অবধি উন্মাদ আকার !

৬।

শারদ পূর্ণিমাকাশে সুধাংশু যখনি হায়
হাসিয়া অধুর হাসি
ভুড়ায় জ্যাছনারাশি
আলোকিত করিয়াছে সমগ্র ধরায়
তখনি সে আলো আমি খুঁজেছি সৈথায়

৭।

সে আঁধারে চিরকাল—সে আঁধারে হায়
ছিলনা সে আলো রেখা
আর একবার দেখা
নিরাশার অন্ধকারে বুক ফেটে যায়
রে বিধাতঃ আর কেন রাখ অভাগায় ।

৮।

তোমার জগতে নাথ স্মৃথ কিগো নাই
গুধু হেথা ঘুণা দ্রেষ
গুধু হেথা রেবারেষ
কারো প্রাণে শান্তি বেশ খুঁজিয়া না পাই,
তোমার জগতে নাথ স্মৃথ কিগো নাই ।

৯।

তোমার জগতে নাথ একি হেরি হায়
নাই হেথা মেশামিশি
নাই ভাল বাসাবাসি

ভাই ভাই পর পর কেউ কারো নয়,
তোমার জগতে নাথ একি হেরি হয়।

১০।

ডেকে লও দয়াময় এই শুধু চাই
পরবাসে এ বিদেশে
যায় দিন বড় ক্লেশে
এখন আপন দেশে যেতে আমি চাই,
ডেকে লও দয়াময়, আর কাঁদ নাহি।

শ্রীনরেন্দ্রনাথ মিত্র।

ডেলিগেটের ডালি ।

২।

‘অহিন্দু-মতচারীদিগের দোতালার উপর থাকিবার স্থান হইয়াছিল। সেই খানেই কমোড ছিল, হিন্দু বাবুর্চি (মাদ্রাজে হিন্দু বাবুর্চি মেলে) ছিল। আর আমাদের স্থান হইয়াছিল নীচের তালায়। বড় হলের মেজে সুন্দররূপে ম্যাটিং করা। এক এক খানি খট্টা তাহার উপর গদী ও ছুইটা করিয়া বালিশ। সকলই নূতন। ঠিক যেন শ্রাদ্ধ বাড়ীর উৎসর্গের দান সাজান রহিয়াছে। আমাদের একজন রহস্যপ্রিয় বন্ধু সহসা ঐরূপ সাজান দেখিয়া কর্তৃপক্ষীয় একজন বাঙ্গালী বাবুকে বলিয়াছিলেন যে “মহাশয় একটা করিয়া নূতন মশারি খাটাইয়া দিন তাহার ভিতর শুইয়া শ্রাদ্ধ বাড়ীর দান উৎসর্গ হইয়া যাই।” একটি একটি ছোট ছোট টেবিল নার আয়না, মধ্যে মধ্যে ছিল। সন্ধ্যার পর প্রত্যেকে এক একটি কেরোসিন ল্যাম্প পাইত। ডেলিগেট গণের জন্ত দুই বেলা (মাদ্রাজে Evening paper আছে) মংবাদ পত্র আসিত। এক এক জন ভলন্টিয়ার (প্রায়ই মাদ্রাজ বিশ্ববিদ্যালয়ের উপাধিধারী যুবক) ডেলিগেটের কার্যক্রম নিরাকরনার্থ খবরদারী করিত। তাহার উপর তত্ত্বাধারক ছিলেন। কাগজ কলমে নালিশবন্দ হইবার প্রথা ছিল ভলন্টিয়ারগণ সর্বদা সশস্ত্র। নামাডুর

বাগানটি খুব বড়। মধ্যস্থলে অনেকগুলি কলের জলের উৎস (Hydrant) বসান হইয়াছিল। বাগানের একদিকে উত্তর পশ্চিমাঞ্চলীয় ডেলিগেটদিগের রন্ধন স্থান। যিনি স্বহস্তে পাক করিবেন তাহারও স্বতন্ত্র বন্দোবস্ত ছিল। বাগানের আর এক দিকে ভাণ্ডার ও তৎপার্শ্বে বাঙ্গালীদের হিন্দু মতে রন্ধন ও আহার করিবার স্থান। কলিকাতা হইতে বাচালি ব্রাহ্মণ গিয়াছিল, তাহারা রন্ধন করিত। আমাদের ব্যবস্থা মত তাহারা রন্ধন করিত। মাদ্রাজের হিন্দুরা মৎস্য ব্যবহার করেন না। বাঙ্গালীদের জন্ত তথাপি বড় বড় সমুদ্র মৎস্য আনা হইত। রীতিমত ছাগ মাংস সরবরাহ করা হইত। আমরা ইচ্ছামত পোলাও, কালিয়া, আতপ তণ্ডুলের অন্ন, বাজান, লুচি, মোহনভোগ আহার করিতাম। ডুকের বড় সুখ হইয়াছিল। ৩৪টি ভৃগুবতী গাভী সবংসে আসিয়া প্রাতে দুগ্ধ দিয়া বাইত। আহারান্তে আমরা পান সুপারি পাইতাম। মাটির খাইতে হইত। রীতিই এইরূপ। মাদ্রাজে হিন্দুরা তামাকটুকুও সেবন করেন না; মুসলমানেরা ও উত্তর জাতীয় হিন্দুরা তামাক খাইয়া থাকে। আমাদের জন্ত তামাকও আসিয়াছিল। বাগানের অপর প্রান্তে শৌচের সুবন্দোবস্তও ছিল। একেবারে ৫০ জন লোক গমন করিতে পারে। ৮১০ জন মেথর সর্পদা দণ্ডায়মান ও ক্রমাগত পরিষ্কার করিয়া নূতন বালুকা ছড়াইয়া দিতেছে। পরিষ্কার পরিচ্ছন্ন জল ও জলাধার যথেষ্ট। নিকটেই আবার পুকুর ছিল। লোকজনের সঙ্গে কথা কহা অসম্ভব হইলেও সম্ভব হইয়াছিল কেবল ইংরাজীর গুণে,— মাদ্রাজে দোকানী পসারি, কুলীরা, অনেক স্ত্রীলোকেও ইংরেজী বুঝে; কারণ ইংরেজ মাদ্রাজে প্রায় দুই শত বৎসর আসিয়াছেন। কলের জল ও শৌচাগারের সুব্যবস্থা মাদ্রাজ মিউনিসিপালিটির কল্যাণে হইয়াছিল। ভলন্টিয়ারগণকে আমরা যখন বাহা আদেশ করিতাম তখনই তাহা সুন্দররূপে সম্পাদিত হইত। রজনীতে সমস্ত বাগান আলোকমালায় আলোকিত হইত।

কংগ্রেস ক্ষেত্র হইয়াছিল ল্যাণ্ডেন বাগান। বাগানটি সুবৃহৎ। মধ্যস্থলে একটি সুন্দর বাড়ীতে কংগ্রেস সভাপতি ওয়েব সাহেব ও অপর বড় বড় লোক থাকিতেন। চাক বাবু রাজা রামপাল সিংহ মর্গান ব্রাউন সাহেব ও কংগ্রেসের মাদ্রাজী সেক্রেটারীরাও এই ভবনে থাকিতেন। কংগ্রেস

ক্ষেত্রে যাইতে দুই পাশ্বে বস্ত্রাবাস শ্রেণী ছিল। বাম দিকে—ক্যারিজ (শকট) কমিটির সেক্রেটারীর তাম্বু, প্রতিসন (খাদ্য) কমিটির তাম্বু, ধনাধ্যক্ষের তাম্বু, সাধারণ সেক্রেটারীর তাম্বু, ডেলিগেট রেজিষ্টারীর তাম্বু, সকল প্রকার সংবাদ পাইবার তাম্বু (intelligence department), বিখ্যাত দর্শকের তাম্বু, ডেলিগেটের টিফিন করিবার তাম্বু, ডেলিগেটের জন্ত দাতব্য ডিস-পেন্সারি। দক্ষিণ দিকে—পুলিস, টেলিগ্রাফ, ডেলিগেটের হাঁসপাতাল, মিস্‌মুলরের তাম্বু, ইণ্ডিয়া সংবাদ পত্রের আফিস, সংবাদ পত্রের রিপোর্টারগণের তাম্বু কংগ্রেসের প্রধান রিপোর্টারের তাম্বু, রিফ্রেশমেন্টের তাম্বু ইত্যাদি ইত্যাদি। মধ্যস্থলে কংগ্রেস মহানমিতির বৃহৎ পটমণ্ডপ—ছয় হাজার লোক বসিতে পারে। এক দিকে সভাপতি ও আবাহন সভার সভ্যগণের বসিবার বেদী। আলোকের সুবন্দোবস্তের জন্ত কতকগুলি বড় বড় ঝাড় ছিল। প্রতি বাত্রিতেই বাগানটি আলোকমালায় বিভূষিত হইত। কংগ্রেসের সভাপতি যখন সভায় আসিতেন বা যাইতেন তখন সঙ্গে সঙ্গে ব্যাণ্ড বাজিত। মান্দ্রাজের বড় বড় লোক ও ভদ্রলোক স্বীয় স্বীয় শকট ডেলিগেটগণের ব্যবহারের জন্ত দিয়াছিলেন। ডেলিগেটেরা বদুচ্ছা চেরেট, ক্রহান, কিটন, ল্যাপ্তা প্রভৃতি আরোহণ করিতে পারিতেন কিন্তু মূল্য দিতে হইত। মধ্যাহ্নকালে টিফিন হইলে ডেলিগেটেরা টিফিন করিতেন। কংগ্রেসে কি হইয়াছিল না হইয়াছিল তাহা সংবাদ পত্রের সামগ্রী ও তাহা যথা সময়ে প্রকাশিত হইয়াছে সে বিষয়ে কিছু বলিব না ও তাহা লিখিবার স্থানও আমাদের নাই। প্রথম দিন সভাপতি নির্ধারিত হয়, পরে তিন দিন কংগ্রেসের কার্য হয়। কংগ্রেস বসিত মধ্যাহ্নে, সন্ধ্যা পর্যন্ত কার্য হইত। তৎপরে সর্বজেষ্ট কমিটি বসিত এবং পরদিন কি কার্য হইবে তাহা স্থির করিয়া দিত। সর্বজেষ্ট কমিটির মেম্বর শতাধিক। মিস্‌মুলর সংক্রান্ত রহস্য ভেদ করিবার উচ্চা ছিল, স্থানাভাবে হইল না।

কংগ্রেস কুরাউয়া গেল কিম্ব “রেবা” জাহাজ আসিয়া পৌঁছিল না। কলিকাতায় তাহা সংবাদ দিয়া জানা গেল যে রেবা জাহাজ লণ্ডন হইতে আসিতেছে ও ২রা জার্জিয়ারি তারিখে আনাদিগকে মান্দ্রাজ হইতে তুলিয়া লইবে। আমরা ফরাশিশ মেল “এরিডন” জাহাজে আসিবার জন্ত “মেসাজেরিয় মেরিটাইম” আফিসে গমন করিয়াছিলাম কিন্তু সেখানে শুনিলাম

যে যে দিন রেবা ছাড়িবে সেই দিন এরিডনও ছাড়িবে, সুতরাং নায়াডুর আতিথ্যে নির্ভর করিয়া সবাক্বে দৃশ্য দর্শনে বহির্গত হইলাম।

প্রথমেই মান্দ্রাজ সহর। সহর দেখিয়া মন উঠিল না। ট্রাম নাই। গ্যাস নাই,—তাই বুঝি মান্দ্রাজকে “তিমিরাবৃত (benighted) বলে? অদ্রভেদী সৌধমালা নাই। কৃষ্ণ সহর (black town) আমাদের কলিকাতার উত্তর বিভাগ অপেক্ষা অনেক নিকৃষ্ট, উত্তরে তুলনাই হয় না। থম্বু শেঠী ষ্ট্রীটে যা একটু ঘন বসতি। সমুদ্র তীরে যা কয়টী ভবন, রবিবার বন্দ বলিয়ু হাইকোর্ট দেখা হইল না। একবার প্রাণ ভরিয়া অর্ধ বৃত্তাকৃতি নীলোক্ষি স্কুল পয়োনরি দর্শন করিয়া ফোর্ট সেন্ট জর্জ কেল্লা দর্শন করিতে গমন করিলাম। ইতিহাস পাঠক জ্ঞাত আছেন যে দুই শত বৎসর পূর্বে মান্দ্রাজ পত্তনের রাজা এই কেল্লা ইংরাজকে দান করিয়াছিলেন। নিজ কেল্লা কলিকাতার কেল্লা অপেক্ষা বড় এবং সামরিক রীত্যনুসারে একরূপ ভাবে সাজিত, বাহা, গুনিয়াছি, কলিকাতার কেল্লায় সম্ভবপর নহে। আমরা আর্দ্রক ব্যবসায়ী আমাদের অর্ণব পোতের সংবাদ রাখিবার প্রয়োজন নাই। আনুন্ন একবার দূরবীক্ষণ সাহায্যে সমুদ্রাদি দর্শন করি। কেল্লায় ঢুকিয়াই গেটের একতালার ছাদে গিয়া দেখিলাম ভীমার্জুন দুইটি দূরবীক্ষণ যন্ত্র রহিয়াছে ও দুই জন প্রহরী দিন রাত্রি তাহাতে নয়ন সংযোগ করিয়া বসিয়া আছে;—দেখিতেছে শত্রু আসিতেছে কি না? ভীম দূরবীক্ষণে ৪১ মাইল দূরে সমুদ্রে কি হইতেছে দেখা যায়। জাহাজাদি উল্টা দেখায়, মান্দ্রালের আলো ও জাহাজের ধ্বজা দেখাই উদ্বেগ কি না?—তাহা দেখিয়া শত্রু মিত্র নিকৃপণ হইবে। ছোটটিতে সমস্ত পুঞ্জাপুঞ্জ-রূপে দেখা যায়, অবশ্য অত দূরে নহে। দেখিলাম অনেক দূরে জালিকেরা মৎস্য ধরিতেছে—ভেলায় ভাসিতেছে—সমুদ্র তরঙ্গে এক একবার ডুবিয়া যাইতেছে আবার তরঙ্গ চলিয়া গেলে ভাসিয়া উঠিতেছে। তাহার মধ্যে জ্বীলোক দেখিয়া আমরা আশ্চর্য হইয়াছিলাম। দূরবীক্ষণ সাহায্যে আর্কটের নবাবের বাড়ী ও একটি বৃহৎ হিন্দু মন্দিরও দেখিয়াছিলাম। কেল্লা হইতে বাহির হইয়া মান্দ্রাজের লাট ভবন দেখিলাম। খোলার ছাদ। বোম্বাই সহরেও খোলার ছাদের লাট ভবন দেখিয়াছিলাম। সওদাগরী দোকানপাটও নাম মাত্র। যে কলিকাতা দেখিয়াছে তাহার

চক্ষে কিছুই লাগে না। মাদ্রাজে সহরের মধ্যে একটি কেনাল আছে। পিপল্‌স্‌ পার্কে ডিক্টোরিয়া হল দেখিয়া আমরা বাসায় ফিরিলাম। এক ব্যক্তি পার্ক হইতে বেলুনে উঠিলেন, আমরা কিন্তু তাহা দেখিবার জন্ম রহিলাম না। মাদ্রাজ সহরে অনেক বড় বড় অতিথিশালা আছে, কাল-কাতা সহরে তাহা নাই। অতিথিশালাকে “চোলটি” বলে। মাদ্রাজে ট্রাম হইবে তাড়িত সাহায্যে চলিবে। সমস্তই প্রস্তুত পরীক্ষা হইয়া গিয়াছে, খুলিলেই হইল। বলিতে ভুলিয়াছি মাদ্রাজের হিন্দুরানি সজীব ও সতেজ।

পর দিন প্রত্যুষে মাদ্রাজ রেলওয়ে স্টেশনে গিয়া ত্রিবিলায়ের টিকিট কিনিলাম। ত্রিবিলায় একটি তীর্থস্থান। প্রায় ২৪ মাইল দূরে। প্লাটফরমে একজন বালক আসিয়া বলিল “পচ্চা ওড় আড়ম্” একটি বালিকা আসিয়া বলিল “কাল্কানি” “কাল্কানি”। চাহিয়া দেখিলাম বালক রস্তা ও বালিকা মিছরী বিক্রয় করিতেছে। মরুভূমি সদৃশ উভয় পার্শ্বের তরঙ্গায়িত ক্ষেত্র শ্রেণী দেখিতে দেখিতে বেল সাড়ে দশটার সময় ত্রিবিলায় আসিয়া পঁহুছিলাম। একা আরোহণ করিয়া ছুই ক্রোশ তফাতে ত্রিবিলায় পুণ্য ক্ষেত্রে পঁহুছিলাম। অতি সুন্দর রাস্তা—একেবারে সমতল উভয় পার্শ্ব ঘন বিটপীশ্রেণী, রাস্তায় আতপ সস্তাপ নাই। ত্রিবিলায়ে, ক্ষীরোদ সমুদ্রে অনন্ত শয্যায় শায়ী ভগবানের মূর্তি। সর্প ফণাগুলি প্রায় পাঁচ ছয় হাত উচ্চ। মন্দির ত নয় দুর্গ বিশেষ। শুনিলাম মুসলমানদের অত্যাচারের ভয়ে ঐরূপ ভয়ানক অন্ধকার গৃহে বিগত রাখা হইয়াছিল। প্রদীপ না জ্বালিয়া যাবার বা দেখিবার ঘো নাই। তাহাটী ঘোর অন্ধকারের প্রকোষ্ঠে জ্বালিয়া না করিলে ঠাকুরঘরে যাইবার ঘো নাই। নারিকেল উদক ও শকরা দিয়া বিগ্রহের পূজা করিতে হয়। অনেক অতিথিশালা আছে। মন্দিরের বাহিরে অনেক বড় বড় পিতলের দেবদেবীর মূর্তি আছে। মন্দির পাশ্বে একটি অতি বৃহৎ পুষ্করিণী। চতুর্দিকে প্রস্তর গ্রথিত সোপানশ্রেণী ও মধ্যস্থলে একটি প্রস্তরের মন্দির, যাহারা অমৃতসরে গুরুদরবার দেখিয়াছেন তাঁহারা সহজেই বুঝিতে পারিবেন তবে প্রভেদ এই যে সমস্তরূপ ভিন্ন যাইবার উপায় নাই। পুষ্করিণীর জল খারাপ; আমরা তাহাতেই স্নান করিয়াছিলাম। পূজা অন্তে আমরা একজন ধনী মহারাষ্ট্র ব্রাহ্মণের অতিথিশালায় দক্ষিণা দিয়া ভোজন করিয়াছিলাম। আতপ তণ্ডল। মৎস্যের সংস্রব নাই।

গোল মরিচের ঝোল ও আহাৰাস্তে গরম জল পান উল্লেখযোগ্য। আসিবার সময় ত্রিবিলায়ের সবডিভিসানাল অফিস ও মুন্সেফের কাছারী দেখিয়া আসি। আমাদের দেশের মত নহে, অতি সুন্দর বাড়ী, বলা বাহুল্য এদেশে স্ত্রী-স্বাধীনতা পূর্ণ মাত্রায়। বাসায় আসিতে সন্ধ্যা হইল।

পর দিন প্রত্যুষে সাউথ হাঁড়িয়ান রেলওয়ের চীংপাং স্টেশনে গিয়া প্রথমে চিঞ্জিলিপট পর্যন্ত টিকিট লইলাম। এই দিকেই ম্যাডাম বাভেটস্কী ও কণেল অলকট পরিচালিত থিওজোফিস্ট দিগের মুখ্য-ক্ষেত্র পুণ্যতীর্থ “আদিয়ার” গ্রাম। অবকাশ অভাবে যাইতে পারিলাম না। মরুভূমি ও ছোট ছোট পাহাড়ের মধ্য দিয়া রেল চলিয়াছে। দশ ঘটিকার সময় চিঞ্জিলিপট পঁহুছিলাম। এখান, হইতে চারি দিকে রেল গিয়াছে—সুতরাং স্টেশনটি একটি বড় জংসন। এখান হইতে পণ্ডীচারী যাওয়া যায় সেতুবন্দ রামেশ্বর যাওয়া যায় স্টেশনের অতি সন্নিকট একটি পাহাড়ের পাদদেশে একটি প্রকাণ্ড হ্রদ আছে। এখান হইতে কাজিতিরামের টিকিট লইলাম। কাজিতিরামের নামান্তর কাঞ্চীপুর।

বর্ধমান কাঞ্চীপুর ছয় মাসের পথ।

ছয় দিনে উত্তরিল অশ্ব মনোরথ ॥

মনে পড়িয়া গেল। নগর দেখিয়া আরও মনে হইয়াছিল “নগরেষু কাঞ্চী”। কিন্তু সুন্দরের বাটী খুজিয়া পাই নাই। অতি প্রশস্ত অতি সুন্দর রাস্তা ঘাট। ছুই পাশ্বে সমোচ্চ নারিকেল বৃক্ষের শ্রেণী থাকায় রাস্তায় আতপ সস্তাপ একেবারে নাই। এখানেও অনেক অতিথিশালা আছে। আর গোলমরিচের ঝোল ও ভোজনাস্তে উষ্ণ জল পান এ রীতিও এখানে দেখিলাম। নগরটি প্রধানত তিন ভাগে বিভক্ত। তিনটি দেব মন্দির লইয়া তিনটি নাম, শিব কাঞ্চীপুরী, বিষ্ণু কাঞ্চীপুরী ও কাঞ্চীশ্বরপুরী। শিব মন্দিরের তুল্য এত বড় প্রস্তর মন্দির আমি আর কখনও দেখি নাই। তাহা বর্ণনা করা দুঃসাধ্য। প্রায় চৌদ্দ তলা উচ্চ হইবে। গেটের উচ্চতা প্রায় ১০০ হাত। পূর্বে যাহা বলিয়াছি মন্দির নয় একটি প্রকাণ্ড দুর্গ। বিষ্ণু মন্দিরও তদ্রূপ তবে অত উচ্চ নহে। মন্দিরের গাত্রে নানা দেব দেবীর প্রস্তর মূর্তি। একরূপ ভাস্কর কার্য অতুলনীয় বলিলেই হয়। কেন সাহেব তাহার Picturesque India নামক পুস্তকে ইহার ভূয়সী প্রশংসা

করিয়াছেন। আমরা বিষ্ণু মন্দিরে বিষ্ণুমূর্তি ব্যতীত, লক্ষ্মী মন্দিরে লক্ষ্মী মূর্তি ও নৃসিংহ মন্দিরে নৃসিংহ মূর্তি দর্শন করিলাম। মন্দিরে হোম হইতেছে তাহা'র সঙ্গত চতুর্দিক ব্যাপিয়াছে। সেরূপ হোমগন্ধ আমাদের দেশে কখনও নাসারক্ত তৃপ্ত করে নাই। প্রস্তরময়ী নাট্যশালা দর্শন করিলে হতবুদ্ধি হইয়া থাকিতে হয়। আমি ইলোরার গুহা দর্শন করিয়াছি। এই পর্যন্ত বলিতে পারি যে এই সকল মন্দিরে ও ভাস্কর স্তপতি কাঞ্চোর চরম সীমার পরাকাষ্ঠা দেখান হইয়াছে। মন্দিরের মধ্যে বড় বড় পুষ্করিণী আছে। সাদৃশ্য ত্রিবিলোরের মত। অনেক তীর্থযাত্রী দর্শন করিলাম। এখানকার লোক কংগ্রেস কি তাহা জানে। পরিচয়ে আনাদিগকে বাঙ্গালার ডেলিগেট জানিয়া পরম সমাদর করিয়াছিল। ভারতবর্ষের ভিন্ন ভিন্ন স্থানের অনেক ডেলিগেট ও এই সমস্ত মন্দির দর্শন করিতে গিয়াছিলেন। রেলওয়ে ষ্টেশনেও উষ্ণ জল পানের ব্যবস্থা দেখিয়া কৌতূহলাক্রান্ত হইয়া জিজ্ঞাসা করিয়াছিলাম “গিনি কীটের ভয়ে কি আপনারা একপ সর্পদা উষ্ণ জল পান করেন?” (নিজাম রাজ্যে গিনি কীটের জন্ত এইরূপ উষ্ণ জল পান আমি দেখিয়াছি।) ষ্টেশন মাষ্টার সহায়্যে বলিলেন “না তাহা নহে স্বাস্থ্য রক্ষার জন্ত দেশের সর্বত্র এইরূপ উষ্ণ জল পান ব্যবস্থা।” আমি শুনিয়া অবাক হইলাম।

বাসায় ফিরিতে একটু রাত হইল। আমরা গুনিলান নায়াডুর বাড়ীতে নিমন্ত্রণ হইয়াছে। যথা সময়ে দলবলে নিমন্ত্রণ রক্ষা করিতে গেলাম। মাদ্রাজী ধরণের আহা'র। কলাপাতা সোজা করিয়া পাতা আর তাহাতে পোলাও কালিয়া প্রভৃতি আহা'রীয়। খাইব কি? “ধরা ভেসে যায় নরন জলে” বাল—বাল—বাল। যাহা মুখে দিই তাহাতেই—ফল, মূল, ছানা পর্যন্ত—জিহ্বায় ঘেন খাণ্ডব দাহন হইতেছে। ইহার উপর, রাজা রামথাল সিংহ, চাকু মিত্র ও জানকী ঘোষাল মহাশয়ের মধ্যে হাঁসিতে কাঁদিতে বাজি হইল “পাতে কিছু রাখা হইবে না সব খাইতে হইবে, আর পাতে কিছু দিলে “না” বলা হইবে না।” উহাদের বাজি আর আমাদের প্রাণ নিয়ে টানাটানি। এক ঘণ্টার পর বস যন্ত্রণা শেষ হইল। বরফের কুচিতেও, সে অগ্নি থামে নাই। আহা'রান্তে সংস্কীত হইল ও যথারীতি আতর পান বিতরণের পর আমরা বিদায় লইয়া বাসায় আসিলাম।

পর দিন আবার মধ্যাহ্নে মাদ্রাজ মিউনিসিপালিটির ভাইস চেয়ারম্যান কৃষ্ণ স্বামী'র বাটীতে আমাদের নিমন্ত্রণ হইল। স্নেহের বিষয় এই যে নিমন্ত্রণের সঙ্গে সংবাদ আসিল ঝালের ভয় নাই। গিরা দেখি ব্রাহ্মণ মহোদয়েরা সে কথা কর্ণবিবরে স্থান দান করেন নাই। আজ কিন্তু এক নতুন দৃশ্য। ঘরের বাহিরে এক স্থানে মর্গান ব্রাউন সাহেব (বৃটিস কংগ্রেস কমিটির সেক্রেটারী) স-প্যাটালুন আসনপীড়ি হইয়া কলাপাতায় বসিয়া গিয়াছেন। কাঁটা চামচ নাই শালপাতার ঠোঁংরায় একটু একটু সুরা চলিতেছে। আর সাহেবের নরন উৎস ভাসিয়াছে। কৃষ্ণ স্বামী'র তিন পুত্র একজন ব্যারিষ্টার, একজন, সিভিলিয়ান, একজন সদাগর। বড়ই সম্ভাপের বিষয় প্রথম দুইটি জায়গায় হইয়াছে নাই। কৃষ্ণ স্বামী'র নিজে হিন্দু। আহা'রান্তে কৃষ্ণ স্বামী'র অষ্টাদশী কত্রা পিয়ানো বাজাইয়া সঙ্গীত করিলেন ও তৎপরে মাদ্রাজী সঙ্গীত হইল। আমরা বিশ্রাম করিয়া বেলা ৪টার সময় মাদ্রাজ পোতাশ্রমে আসিয়া রেবা জাহাজে আরোহণ করিলাম। অরুণগিরি, রঙ্গিয়া নায়াডু প্রভৃতি ব্যক্তিগণ আমাদের সঙ্গে সঙ্গে জেটী পর্যন্ত আসিয়াছিলেন। নায়াডু বড় সজদয় ব্যক্তি। বিদায়ের সময় চক্ষে জলধারা পড়িতে লাগিল। আমাদের জন্ত যত্ন করিয়া বুড়ি বুড়ি ফল মূল দিয়াছিলেন।

জাহাজে বেহারীলাল গুপ্ত জজ (ইনি বিলাত হইতে আসিতে ছিলেন) মহোদয়ের সহিত সাক্ষাৎ হইল। রেবা জাহাজে অনেক বড় বড় সাহেব বিবি ছিলেন ও একদল আমেরিকার ভ্রমণকারী ছিলেন। কাঞ্চোর স্থান সার্ভের অনুমতি অনুসারে বাবু সুরেন্দ্রনাথ বন্দ্যোপাধ্যায় এক রাত্রি কংগ্রেস সম্মুখে জাহাজের উপর বক্তৃতা করেন। আমাদের সঙ্গে কুমারী মূলর ও তাঁহার পালক পুত্র বাবু অক্ষয়কুমার ঘোষ আসিয়াছিলেন।

আমরা পরম স্নেহে নিরাপদে কলিকাতা পহঁছিরা করলাঘাটে অবতরণ করিলাম। ইতি মাদ্রাজী-ডেলিগেটগণের তিরোভাব।

শ্রীবিষ্ণুপদ চট্টোপাধ্যায়।

হিন্দুতীর্থ।

জয়পুর।

আমি পুষ্কর হইতে জয়পুরে আসি। জয়পুর স্টেশন হইতে জয়পুর সহর ছই মাইল হইবে। চারি দিকে উচ্চ ও প্রশস্ত প্রাচীর বেষ্টিত জয়পুর সহর অতি সুন্দর ভাবে অবস্থিত। দেশীয় রাজাদের রাজধানীর মধ্যে জয়পুর অতি সুন্দর সহর। হোলকারের, ইন্দোর ও গুইকুণ্ডারের বরদা ও গোলিয়ারের উজ্জয়িনী সহর অপেক্ষা জয়পুর অনেক উৎকৃষ্ট সহর। ছই ধারে ফুটপাথ ও বৃক্ষাদি দ্বারা সুশোভিত প্রশস্ত রাজপথ। এখানে রাস্তায় জলের কল আছে, রাত্রে গ্যাসালোকে সহর আলোকিত হয়। রাস্তার ছই ধারে বড় বড় সুন্দর সুন্দর অট্টালিকা, তাহার মধ্যে স্থানে স্থানে দেবালয়ের উচ্চ উচ্চ চূড়া মস্তক উন্নত করিয়া সহরের সৌন্দর্য্য বৃদ্ধি করিতেছে। এখানকার দেখিবার প্রধান জিনিস রাজবাটী, রাজবাগান ও মিউজিয়ম। মিউজিয়মটী এমন সুন্দর ভাবে সাজান আছে যে দেখিয়া মুগ্ধ হইতে হয়।

জয়পুর হিন্দুদিগের একটী প্রসিদ্ধ তীর্থ। এখানে রাজবাটীর মধ্যে গোবিন্দজী নামক একটী পাষাণময় বিগ্রহ আছে, তাঁহাকে দর্শন করিবার জন্ম সময়ে সময়ে এখানে বহু যাত্রীর সমাগম হয়। গোবিন্দজীর মন্দির রাজপ্রাসাদের মধ্যে অবস্থিত, সুতরাং যখন তখন ইচ্ছা করিলেই তাঁহাকে দর্শন করা যায় না। প্রাতঃকালে মধ্যাহ্নের পূর্বে ও সন্ধ্যার সময় নির্দিষ্ট সময় আছে, সেই সময় যাত্রীগণ যাইয়া দর্শন করেন ও পূজাদি দিয়া থাকেন। বিগ্রহটীর প্রান্তরময় প্রতিমূর্তি প্রায় দুই ফুট উচ্চ হইবে। স্থানীয় রাজপুরোহিতেরা যাত্রীগণের প্রদত্ত টাকা, কাপড় ও অন্নাদি দ্রব্য গ্রহণ করিয়া খাতায় জমা করিয়া লইয়া থাকেন। গুলিলাম এই সমস্ত দ্রব্য দেবালয়ের খাতায় জমা থাকিয়া দেব সেবাতেই ব্যয় হইয়া থাকে। বলা বাহুল্য যে যাত্রীগণের প্রদত্ত উপঢৌকনানুসারে তাঁহাদের আদরেরও তারতম্য হইয়া থাকে।

জয়পুরের স্থানে স্থানে আরও অনেক সুন্দর সুন্দর দেবালয় আছে। যাত্রীরা সে সমস্ত দেবালয়ের দেবতাদি দর্শন করেন ও প্রণামি আদি

দিয়া থাকেন। অন্নাদি তীর্থ স্থানের ত্রায় এখানে পাণ্ডাদের ভৈরব অত্যাচার নাই। ফলে যাত্রীগণের জন্ম এখানকার বন্দোবস্ত অন্নাদি তীর্থস্থান হইতে ভাল।

অমৃতসর।

পরে আমি জয়পুর হইতে দিল্লী যাই। সেখানে জুমা মসজিদ, কেলা ও তন্মধ্যে সাজাহান বাদশাহের দরবার গৃহ, মতিমসজিদ প্রভৃতি দেখি। বাদশাহের এই কীর্তি কল্পাপ দেখিতে দেখিতে মনে হইতে লাগিল যে এক সময়ে সমস্ত ভারত বাহার ভয়ে শপঙ্কিত থাকিত, বাহার দরবারে ভারতের রাজা রাজড়া প্রভৃতি সন্মান ব্যক্তিগণ উপস্থিত হইয়া তটস্থ থাকিতেন; সেই দোর্দণ্ড প্রতাপশালী ব্যক্তি কালমহকারে কোথায় চলিয়া গিয়াছেন এখন কেবল তাঁহার এই কীর্তিগুলিই তাঁহার সাক্ষ্য দিতেছে মাত্র; আবার কালের গতিক ইহাও থাকিবে না। ভাই পাঠক! আমরাও যে এখন আপনাপন অবস্তাভুত্বাইক ধন মান সম্পদ লইয়া ব্যস্ত রহিয়াছি, ইহাও থাকিবে না। দেখিতে দেখিতে কাল সাগরে সকলই বিলীন হইয়া যাইবে। আমাদের মধ্যে বুদ্ধিমান তিনিই, যিনি এই কালসাগরের পশ্চাতে একটু তলাইয়া সেই মহাকালকে ধরিয়া তাঁহার আশ্রয় গ্রহণ করিয়াছেন। একবার তাঁহার আশ্রয় গ্রহণ করিতে পারিলে কালকে অনায়াসে ফাঁকি দিতে পারা যায়।

পরে দিল্লী হইতে অমৃতসর আসি। অমৃতসর শিখ জাতীর প্রধান তীর্থস্থান। শিখ জাতিকে হিন্দু ধর্ম্মাবলম্বী বলিলে বোধ হয় কাহারও আপত্তি হইবে না সুতরাং অমৃতসরকে একটী হিন্দুতীর্থ বলাতে কোন দোষ নাই।

এখানে শিখদিগের ধর্ম্মালোচনার একটী বিস্তৃত ও প্রধান আড্ডা আছে, তাহাকে গুরু দরবার কহে। ইহা সহরের প্রায় মধ্যস্থলে চারি দিকে প্রাচীর ও ধর্ম্মশালা পরিবেষ্টিত একটী প্রকাণ্ড দীঘির মধ্যস্থলে প্রতিষ্ঠিত। এই দীঘির চারি পাশ বিস্তৃতরূপে শ্বেত প্রস্তর দ্বারায় বাধান এবং দীঘির মধ্যস্থলে সুবর্ণপাত মণ্ডিত ও তত্পরি নানাপ্রকার কারুকর্মা খচিত একটী বৃহৎ শ্বেত প্রস্তরের মন্দির। এই মন্দিরের মধ্যে শিখদিগের ধর্ম্মগ্রন্থ গ্রন্থ-সাহেব অবস্থিত। এই দরবার ও এই মন্দির শিখদিগের ৪র্থ ধর্ম্মগুরু মহাত্মা রামদাসজী প্রতিষ্ঠা করেন।

শিখ ধর্মাবলম্বীদের ধর্মগুরু ১০ জন। তাহা এই—১ম, বাবা গুরুনানক। ২য়, নানকের শিষ্য অঙ্গদজী। ৩য়, অঙ্গদের শিষ্য অমর দাসজী। ৪র্থ, অমর দাসজীর শিষ্য ও জামাতা রামদাসজী। ইনিই অমৃতসরের বর্তমান গুরু দরবারের প্রতিষ্ঠাতা। ৫ম, রামদাসের পুত্র অর্জুন জী, ইনি বাবা নানকের ও অষ্টাঙ্ক গুরুদিগের উক্তি ও রচনা ইত্যাদি সংগ্রহ করিয়া, গ্রন্থ সাহেব প্রস্তুত করেন। ৬ষ্ঠ, অর্জুনের পুত্র হরগোবিন্দ জী, ইনিই শিখদিগের মধ্যে মুসলমানদিগের সহিত যুদ্ধার্থে প্রথম তলবার ধারণ করেন। ৭ম, হরগোবিন্দজীর পুত্র হররায় জী। ৮ম, হররায় জীর পুত্র হর কিরণজী। ৯ম, তেগ বাহাদুর জী, ইনি ৬ষ্ঠ গুরু হরগোবিন্দ জীর ভ্রাতা। ১০ম গুরু, তেগ বাহাদুরজীর পুত্র প্রসিদ্ধ গুরুগোবিন্দ জী। ইনিই শিখ জাতিকে যোদ্ধাজাতিরূপে পরিগণিত করেন। ইহার পরে আর উপযুক্ত ব্যক্তি না থাকায় ইহার পর হইতেই গুরুপদ উঠিয়া গিয়াছে।

অমৃতসরের এই গুরু দরবারে সর্বদাই একটা ধর্মের হাওয়া বহিতেছে। প্রতিদিন রাত্রি ৩টা হইতে আরম্ভ করিয়া পরদিন রাত্রি ১১টা পর্যন্ত ২২ ঘণ্টা কাল অনবরত এই মন্দির মধ্যে তান লয় সহকারে ধর্ম সঙ্গীত হইতেছে। একদল গাহক গান করিয়া পরিশ্রান্ত হইলে আবার একদল গাহক আসিয়া তাঁহাদের স্থান পূর্ণ করিয়া গান করিতেছেন। এই সকল গাহকদিগের মধ্যে অঙ্গের সংখ্যাট বেশী, এট অঙ্গগণ সুন্দর সুন্দর আধ্যাত্মিক ভাবপূর্ণ ধর্মসঙ্গীত গাইয়া মন্দিরটীতে অপূর্বভাবে সাজাইয়া রাখিয়াছেন। এই মন্দির মধ্যে যে গ্রন্থ সাহেব (শিখদিগের ধর্মগ্রন্থ) আছে তাহার দুই পাশে দুই জন শিখ বসিয়া আছেন, তাঁহারা যত্রীগণের প্রদত্ত কড়া প্রসাদ (মহনভোগ) গ্রহণ করিয়া তাঁহাদের হস্তে ফুল দিতেছেন। এই সমস্ত মহনভোগ এই খানেই বিতরিত হইতেছে। অনবরত যাত্রীগণ আসিতেছেন ও অনবরত মহনভোগ সমূহ মন্দিরস্থ ব্যক্তিগণকে বিতরিত হইতেছে এবং এই মন্দির মধ্যেই তাহা সকল ভোজন করিতেছেন। আমি সেখানে বাইয়া বসিবা মাত্র আমাকে খানিকটা মহনভোগ দিয়া একজন শিখ বলিলেন যে, এখানে কেবল কড়া প্রসাদ ভোজন করিবার নিয়ম আছে, আর কিছু ভোজনের নিয়ম নাই। আমি এখানে বসিয়া বসিয়া ধর্ম সঙ্গীত

শ্রবণ করিয়া আত্মার ও মধ্যে মধ্যে তাঁহাদের প্রদত্ত কড়া প্রসাদ খাইয়া উদরের তৃপ্তি সাধন করিতাম।

প্রতিদিন সন্ধ্যার পর গ্রন্থ সাহেবের নিকট আরতী হয়। মহাত্মা নানক সাহেবের সেই গান “গগনমে থাণে ইত্যাদি” শত সহস্র লোকে গাহিতে গাহিতে আমাদের দেশের দুর্গা প্রতিমার নিকট আরতীর ত্রায় পঞ্চপ্রদীপ জ্বালিয়া প্রায় এক ঘণ্টা সময়ব্যাপী আরতী করেন। পরে আরতী শেষ হইলে আবার পূর্বের ত্রায় সঙ্গীত চলিতে থাকে। এখানে শিখ ধর্মাবলম্বী ২।৪ জন সাধুর সহিত আমার পরিচয় হয়, তাঁহাদিগকে “গগনমে থালে” এই সঙ্গীতের অর্থ ও এই প্রকার আরতীর কথা বলায় তাঁহারা কহিলেন যে কি করিবে? এই সমস্ত লোকেরাত তাহা বোঝে না। সেই অখিল নিরঞ্জনের আরতী জগত নিয়তই গগনরূপ মহাথালে চন্দ্র সূর্যরূপ প্রদীপ জ্বালিয়া করিতেছে সত্য বটে, কিন্তু যাহাদের জ্ঞানচক্ষু প্রক্ষুটিত হয় নাই তাহারা তাহা কি প্রকারে বুঝিবে? ইহারা যাহা বোঝে তাহাই করিতেছে। তবে শিখদিগের মধ্যে এমন লোক আছেন, যাহারা বাস্তবিক গুরু নানকের ভাব বুঝিতে পারেন। কিন্তু জনসাধারণের জ্ঞান এইরূপ ব্যবস্থা হইলেও তাঁহারা বাহ্যিক ক্রিয়াতে যোগ দিয়া থাকেন।

কেবল মন্দির মধ্যেই যে এরূপ সঙ্গীতাদি হইতেছে তাহা নহে, সেই দিঘীর চারি পাশেই কোথাও সঙ্গীত, কোথাও বেদান্ত পাঠ, কোথাও গ্রন্থ-সাহেব পাঠ, কোথাও বা ধর্মালোচনা ইত্যাদি হইতেছে। লোক সমস্ত দলে দলে এক এক স্থানে বসিয়া ধর্মালোচনায় নিযুক্ত রহিয়াছেন। বাস্তবিক আমি ভারতবর্ষের যতস্থান দেখিয়াছি এখানকার মত ধর্মালোচনা ও ধর্মভাব আর কোথাও দেখি নাই। বিশেষ এখানকার লোকের ভক্তি ও সেবার ভাব অতি চমৎকার! আমি মন্দির মধ্যে একস্থানে বসিয়া আছে, এমন সময় একজন প্রৌঢ় রমণী আসিয়া আগ্রাকে চুপে চুপে জিজ্ঞাসা করিলেন “বাবা রুটী খাওগে?” আমি বলিলাম “না”। রমণী আস্তে আস্তে চলিয়া গেলেন। মন্দিরের বাহিরে আসিয়া পুষ্কণীর চারি ধারে রেড়াইতেছি, এমন সময় একজন লোক কতকগুলি রুটী ও তরকারী আনিয়া বলিতেছেন, “রোটা খাওগে?” আমার ক্ষুধা হইয়াছিল, বলিলাম “হাঁ,” অমনি কিছু রুটী ও তরকারী

আমার হাতে দিয়া চলিয়া গেলেন। আর এক স্থানে বেড়াইতেছি, সেখানে দেখিলাম একজন ব্যক্তি মুটের মাথায় করিয়া এক ধামা লুচি লইয়া বেড়াইতেছেন এবং “পুরি খাওগে? পুরি খাওগে?” বলিয়া সকলকে জিজ্ঞাসা করিতেছেন ও যিনি খাইতে চান, তাঁহাকে দিতেছেন। একদিন রাত্রী ১০।১১ টার সময় আমি দুটি সাধুর সহিত ঐ দীঘির পাড়ে বসিয়া ধর্মালোচনা করিতেছি, এমন সময় একব্যক্তি ওটা বড় বড় বাটীতে মারা ছুঁক আনিয়া আমাদের হাতে হাতে দিয়া বলিলেন “পি লেও”। আমি দেখিয়া অবাক! সাধুরা আমার ঐরূপ ভাব দেখিয়া বলিলেন “খাও, কি দেখছ?” পরে তাঁহারাও খাইলেন আমিও খাইলাম। পরে ঐ ব্যক্তি পাত্রগুলি ধুইয়া লইয়া চলিয়া গেলেন।

আবার একদল লোক দেখিলাম, তাঁহারা পাখা হস্তে করিয়া কেবল বাতাস করিয়া বেড়াইতেছেন। যেখানে লোক আছে সেখানে যাইয়া ২।৪ বার তাঁহাকে বাতাস করিয়া চলিয়া আবার অন্তান্ত যাইতেছেন। পিপাসা পাইলে জলের অভাব নাই, পুকুরের চারি ধারে ১০।১৫ টী স্থানে জলছত্র আছে, এক এক স্থানে এক এক ব্যক্তি বসিয়া অনবরত জল দিতেছেন। জল খাইবার জন্ত কতকগুলি বাটী আছে, সেখানে যাইয়া জল চাহিলেই বা বাটী ধরিলেই সুন্দর ঠাণ্ডা জল তাঁহাকে দেন, জল খাইয়া বাটী নিদৃষ্ট স্থানে রাখিতে হয়, সেখানে বাটীটি রাখিলে তাহা গড়াইয়া যেখানে পরিষ্কার করে সেখানে যাইয়া পড়ে। একরূপ লোকের সেবার বন্দোবস্ত আর কোথাও দেখি নাই। এখানে বেদান্তাদি পাঠ ও ব্যাখ্যার দ্বারা যেমন জ্ঞানের আলোচনা হইতেছে, তেমনি সঙ্গীত কীর্তন ও ভাগবত ইত্যাদি পাঠের দ্বারা ভক্তিরও আলোচনা হইতেছে এবং লোক সেবার জন্ত উক্ত প্রকার বিবিধ আয়োজন করিয়া কর্ম বা সেবারও চূড়ান্ত দৃষ্টান্ত প্রকাশ পাইতেছে। অধিক আর কি লিখিব, এখানে আসিলে শরীর, মনের ও আত্মার ক্ষুধা নিবৃত্তি হয় এবং জ্ঞান ভক্তি ও কর্মের সুন্দর আদর্শ স্থান দেখিয়া যথেষ্ট শিক্ষালাভ করা যায়।

ক্রমশঃ।

শ্রীকুঞ্জবিহারী সেন।

পঞ্চানন্দ পাকড়াসির গাঁজার পুতুলি।

১। অশ্লীলতা নিবারণী সভার সংক্ষিপ্ত বিবরণ, তারিখ ৩১শে দিঙ্গাম্বর, ১৮২৪।

যাহা কিছু vulgar তাহা পরিত্যজ্য। Vulgar fraction অক্ষ-শাস্ত্র হইতে উঠাইয়া দেওয়া উচিত। Vulgar শব্দের gar আসিয়া পড়ে বলিয়া ভুবুতান্তের Trafalgar এবং ইতিহাসের রাজা Edgar অবধি অপাট্য। কাজে এল্গার দিবে না এবং মুখে পগার ও উদ্যার আনিবে না। সরকারী ধনাগার উঠাইয়া দিয়া টক্ক ঘর করিতে হইবে। চিনি না হইলে চা খাওয়া এবং সের্কা ব্যতীত roast mutton খাওয়া চলে না, তাই sugar ও vinegar মুখে করিবে।

২। Public Works Departmentর বাড়ী ঘর প্রায় পোক্ত হয় না। তাহার কারণ এই, ইহাতে Superintendent, Supervisor, Overseer প্রভৃতি কর্মচারী আছে। Super এবং over অর্থে উপরি ভাগ। Overseer অর্থে যে কেবল উপর দেখে; ভিতর দেখে না অর্থাৎ উপর চালাক। Supervisor এবং Superintendentএর উপর দিক্ মাত্র নজর কিঞ্চিৎ মনোযোগ তাই বাড়ী ঘর কম মোজবুত।

৩। January প্রভৃতি মাস বাচক ১২টি ইংরাজী শব্দ বাঙ্গালা। January বাঙ্গালা মাঘ মাস। মাঘে বিষম শীত। ভারতচন্দ্র বলিয়া-ছেন “মাঘের বিক্রম যেন মাঘের হিমালী” জানুতে বিষম শীত লাগে এবং জানু ধরিয়া শীত নিবারণ হয়। “জানু ভানু কুশানু শীতের পরিভ্রাণ” মুকুন্দরাম। January হইতেছে জানু + অরি অথবা জানু + জড়ি। হাঁটুতেই বেশী শীত লাগে। “শীত পায়” দ্ব্যর্থ বোধক বাক্য। আর হাঁটু ধরিয়া শীত ণারণ হয়।

February বাঙ্গালা ফাল্গুন মাস। ফাল্গুন বসন্তকাল। রলয়োটেরকং রও ল একই। আর পওফ পরিবর্তনীয়; বিশেষতঃ বঙ্গদেশে পাক ফাক্ হইয়া যায়। তাই February হইতেছে পীবর + অলি = পীবরালি। বসন্তে অলিকুল মধুপানে পীবর কি না স্থূল হয়।

March বাঙ্গালা চৈত্র মাস। চৈত্রে সূর্য্যরশ্মি প্রথর ও উজ্জল হইতে থাকে। তাই March হইতেছে মরীচী কি না রশ্মি অথবা রশ্মিশালী মাস।

April বাঙ্গালা বৈশাখ। বৈশাখে লোকে স্নানাদি জল ক্রীড়া অথবা জললীলা করে। রলয়োরৈকং বিধানুসারে April হইতেছে অপ্ + লীল। (লীলার স্থানে লীল) অপ্ শব্দে জল। April স্নানাদি জলক্রীড়া করিবার মাস।

May বাঙ্গালা জ্যৈষ্ঠ। জ্যৈষ্ঠে আম ও জাম হয়। Cupid মদনকে বলে। মদনের অস্তুর নাম দীপক কি না উদ্দীপক। মোক্ষ মূল্যের মতে বিলোম প্রথানুসারে Cupid দীপক হইয়া থাকে। May ও উর্টা করিয়া লিখিলে আম কিম্বা যাম হয়, অর্থাৎ আম যামশালী মাস।

June বাঙ্গালা আষাঢ়। আষাঢ়ে শস্যাদি জন্মে। জন্ম ধাত্বর্থে জন্ম। জন্ম আর June একই।

July বাঙ্গালা শ্রাবণ। শ্রাবণে দেশ জলময়। জলী অর্থে জল বিশিষ্ট। July এবং জলী একই।

August বাঙ্গালা ভাদ্র মাস। ভাদ্রে অগস্ত্য উদয় হয়। তাই August এবং অগস্ত্য একই।

September বাঙ্গালা আশ্বিন। আশ্বিনে আকাশ পরিষ্কৃত শুক্লবর্ণ হইতে থাকে। তাই September হইতেছে শ্বেত + অধর = শ্বেতধর। অধর আকাশ।

October বাঙ্গালা কার্তিক। কার্তিকে বেলী শিশির পড়ে এবং আকাশে প্রদীপাদি দেওয়া হইয়া থাকে। য খয়ের জ্বায় উচ্চারিত হয়। October হইতেছে ওষ কিম্বা ওখ + বর অথবা ওষ + উত্তর। দেশজ ওসু অর্থে শিশির এবং বর অর্থে শ্রেষ্ঠ অর্থাৎ যে মাসে বেলী শিশির অথবা ওষ অগ্নি এবং উত্তর উর্দ্ধ কি না যে মাসে উর্দ্ধে অগ্নি ও আলোকাদি প্রদত্ত হয়।

November বাঙ্গালায় অগ্রহায়ণ। এই মাসে আকাশ একবারে নূতন রূপ ধারণ করে। তাই November হইতেছে নব + অধর = নবধর।

December বাঙ্গালা পৌষ মাস। পৌষে ব্রাহ্মণদিগকে গরম কাপড় দেওয়া হইত। এখনও হয়। তাই December হইতেছে দ্বিজ + অধর = দ্বিজাধর। অধর শব্দে কাপড়।

ক্রমশঃ।
শ্রীদীননাথ ধর।

পূর্ণিমা।

মাসিক পত্রিকা ও সমালোচনী।

২য় ভাগ।

চৈত্র, সন ১৩০১ সাল।

১২শ সংখ্যা।

ব্রহ্মোপাসনা।

জগৎপাতা জগদীশ্বর মানবকে সৃষ্টি করিয়া তাহারে অন্তরে এমন কতকগুলি স্বাভাবিক ভাবের বীজ নিহিত করিয়া দিয়াছেন যে মানব শত চেষ্টা করিলেও সেই সমস্ত ভাব নিজেদের মধ্য হইতে বহিস্কৃত করিয়া দিতে পারে না। পৃথিবীর জ্ঞানভাণ্ডার সঙ্গে সঙ্গে কোন না কোন আকারে সেই সমস্ত ভাব প্রকৃটিত হইবেই হইবে। ফলে সেই বীজ নিহিত ভাবগুলি বহির্জগতের সহিত সংস্পৃষ্ট হইয়া ক্রমে ক্রমে বর্দ্ধিত হইতে থাকে। এই সমস্ত স্বাভাবিক ভাবগুলির মধ্যে মানবের ধর্ম প্রবৃত্তি সর্ব প্রধান। আপনার অপেক্ষা আর একজন মহত্তর কেহ আছেন এবং তিনিই এই জগৎ ও আমাদের স্রষ্টা, — এই ভাব স্বাভাবিক ভাবে মানবের মধ্যে থাকায়, মানব কি জ্ঞানে কি গজ্ঞানে সকল অবস্থাতে সেই স্রষ্টা পুরুষের উপাসনা করিবার জন্ত ব্যাকুল হইয়া থাকে। কিন্তু মানুষের মধ্যে স্রষ্টা পুরুষের উপাসনার ভাব স্বাভাবিক ভাবে নিহিত থাকিলেও তাহাদের জ্ঞানের ভারতম্য অনুসারে স্রষ্টা পুরুষের উপাসনার ভাবও নানা প্রকার হইয়াছে। ক্রমোন্নতিশীল মানবাত্মাগণ নিজ নিজ জ্ঞানানুসারে আপনাদের উপাস্ত দেবতাকে লাভ করিবার জন্ত সাধারণতঃ যে যে অবস্থার মধ্য দিয়া সেই উপাস্ত দেবতার নিকট উপস্থিত হইয়াছেন

আমি স্থূলভাবে সেই সেই অবস্থার বিষয় কিঞ্চিৎ উল্লেখ করিয়া পরে ব্রহ্মোপাসনার বিষয় আলোচনা করিব ।

প্রথমতঃ । মানবের সর্বাঙ্গিম অবস্থায় জ্ঞান অতি অল্প ছিল । কিন্তু আপনাপন অন্তর্নিহিত শ্রষ্টা পুরুষের ও তাঁহার উপাসনার ভাবের দ্বারায় পরিচালিত হইয়া বাহিরে তাঁহাকে অশেষণে প্রবৃত্ত হইলেন । সেই আদি পুরুষকে বাহিরে খুঁজিতে যাইয়া দেখিলেন যে মহাশক্তি অগ্নি প্রজ্জ্বলিত হইলে এক মুহূর্তের মধ্যে সমস্ত দগ্ধ করিয়া ফেলে সুতরাং অগ্নিকেই শ্রষ্টা পুরুষ মনে করিয়া তাহার উপাসনা করিতেন, মহাশক্তিশালী বায়ু মুহূর্ত মধ্যে প্রবল হইয়া বৃক্ষ লতা ইত্যাদি সমস্ত ভাঙ্গিয়া চুরিয়া দিগ্দিগন্তে লইয়া যায় । এই দেখিয়াই বায়ুকেই শ্রষ্টা পুরুষ মনে করিয়া তাহার উপাসনা করিতেন । এইরূপে অগ্নি, বায়ু, বরুণ ইত্যাদি জড় বস্তু সমূহকে নিজদের শ্রষ্টা ও উপাস্য মনে করিয়া তাহাদের উপাসনার প্রবৃত্ত হইয়াছিলেন । কিন্তু ইহাকে ব্রহ্মোপাসনা বলা যায় না, ইহা জড়োপাসনা মাত্র ।

দ্বিতীয় অবস্থায় মানবের জ্ঞান যখন একটু উন্নত হইল তখন তাঁহার বুদ্ধিতে পারিলেন যে জল, বায়ু, অগ্নি প্রভৃতি যাহাদের আমরা উপাসনা করিতেছি, তাহারা আমাদের শ্রষ্টা বা উপাস্য হইতে পারে না, কেননা তাহারা জড়বস্তু । তবে আমাদের উপাস্য কে ? এইরূপ ভাব মনে উদ্ভিত হওয়ায় তাঁহার গভীর চিন্তাতে নিমগ্ন হইয়া স্থির করিলেন যে এই সমস্ত জড় বস্তু অর্থাৎ অগ্নি, জল, বায়ু ইত্যাদি প্রত্যেক জড়ীয় বস্তুর মধ্যে এক একজন শক্তিশালী অধিষ্ঠাতা পুরুষ আছেন, তাহারা ইহাদের প্রত্যেকের মধ্যে এক একজন বাস করিয়া ইহাদের প্রত্যেককে শক্তিশালী করিতেছেন, সুতরাং তাহারা ইহাদের উপাস্য । এই স্থির করিয়া তাঁহার ব্রহ্মা, বরুণ, পবন ইত্যাদি দেবতা কল্পনা করিয়া তাঁহাদের উপাসনা করিতে প্রবৃত্ত হইলেন । আমি ইহাকেও ব্রহ্মোপাসনা বলি না, ইহা কল্পিত দেবদেবীর উপাসনা মাত্র ।

তৃতীয় অবস্থায় মানবের জ্ঞান যখন আরও উন্নত হইল তখন তাঁহার বুদ্ধিতে পারিলেন যে বায়ু, জল, অগ্নি, প্রভৃতি ও তাহাদের অধিষ্ঠাত্রী দেবতাগণ কেহই আমাদের শ্রষ্টাও নহেন ও উপাস্যও নহেন ; আমাদের

যিনি শ্রষ্টা তিনি বহু নহেন কিন্তু এক তিনি জ্ঞানময় অনন্ত পুরুষ । উপনিষৎ যুগে আত্মতত্ত্ব দর্শী মহর্ষিজন দিব্য জ্ঞান লাভ করিয়া এই মহা সত্য আবিষ্কার করিয়া ব্রহ্মোপাসনা জগতে প্রকাশ করিয়া গিয়াছেন । তাঁহার ব্রহ্মের উপাসনা কি প্রকারে করিতেন তাহা স্থূলভাবে সম্যক রূপে জানিতে হইলে উপনিষদ ও যোগ শাস্ত্র প্রভৃতি গ্রন্থ পাঠ করিলে জানা যায়, কিন্তু এই সংমাত্র প্রবন্ধে সেই সকল স্থূল বিষয়ের আলোচনা করা সুবিধা নহে । তবে মোটামুটি ভাবে দেখিলে দেখা যায় যে ধ্যান, ধারণা ও সমাধি—এই তিন উপায় অবলম্বন করিয়া তাঁহার ব্রহ্মোপাসনা করিয়া ব্রহ্মজ্ঞান লাভ করিতেন ।

এক্ষণে দেখা যাউক ধ্যান কি ? ধ্যান মানে চিন্তা, এই চিন্তা নানা প্রকার । ব্রহ্মজ্ঞান লাভ করিয়া ব্রহ্মোপাসনা করিতে হইলে ব্রহ্ম বিষয়ক চিন্তা করাকেই এখানে ধ্যান অর্থে গ্রহণ করিতে হইবে । এইরূপ ব্রহ্ম বিষয়ক চিন্তা করিয়া ব্রহ্মজ্ঞান লাভ করিতে হইলে তাহার ৫টি সোপান নির্দিষ্ট আছে । যাহাকে সচরাচর পঞ্চ কোষ ভেদ বলা যায় । তাহা এই—প্রথম, অন্তরঙ্গ কোষ অর্থাৎ জড় জগৎ । আমার চক্ষু দ্বারায় যাহা দেখিতেছি, কর্ণের দ্বারায় যাহা শুনিতেছি, এক কথায় ইন্দ্রিয়গণের দ্বারায় আমরা যে সমস্ত বস্তুর অস্তিত্ব উপলব্ধি করি তাহাই অন্তরঙ্গ কোষ শব্দে বাচ্য । অর্থাৎ চন্দ্র, সূর্য, বায়ু, বরুণ, ও আমাদের স্থলদেহ প্রভৃতি সমস্তই অন্তরঙ্গ কোষের সামিল, চিন্তা দ্বারায় এই সমস্ত স্থূল বস্তুকে ব্রহ্ম নহে বলিয়া ইহাদিগের নিকট হইতে আপনার মনকে উত্তোলিত করিতে হইবে । তৎপরে দ্বিতীয়, প্রাণময় কোষ । জড় জগৎ হইতে চিন্তা দ্বারায় আপনার মনকে উত্তোলিত করিয়া প্রাণের মধ্যে আনিতে হইবে । প্রাণ অর্থে প্রাণি জগৎ ও আমার শরীরস্থ প্রাণ উভয়ই বুঝায় । চিন্তা দ্বারায় ইহাকেও ব্রহ্ম নহে ভাবিয়া এই প্রাণময় কোষ হইতেও মনকে টানিয়া তৃতীয় সোপান মনোময় কোষে আনিতে হইবে । আমরা মনের দ্বারায় নানা প্রকার সঙ্কল্প ও কল্পনাদি করিয়া থাকি; কিন্তু তাহা ব্রহ্ম নহে বা মনকল্পিত উপাসনাকে ব্রহ্মোপাসনা বলে না, তাহা কেবল আমাদের মনের বিকার । বলা বাহুল্য যে হস্ত নির্মিত প্রতিমাদিতে আমাদের দেশের লোকেরা যে পূজাদি করিয়া থাকেন তাহা এইরূপ মনের কল্পনা ভিন্ন আর

কিছুই নহে। যাহা হউক এই মনোময় কোষে চিন্তা দ্বারা ত্যাগ করিয়া চতুর্থ বিজ্ঞান ময় কোষে আসিতে হইবে। বুদ্ধির দ্বারা মীমাংসিত বিষয়কেই বিজ্ঞানময় কোষের কার্য বলা যায়। আমরা সচরাচর ইন্দ্রিয়যোগে বহির্জগতের বিষয় সমূহ মনের দ্বারা গ্রহণ করিয়া বুদ্ধি দ্বারা তাহার একটা মীমাংসা করিয়া লই, ব্রহ্ম বিষয়েও এইরূপ অনেক মীমাংসা করিয়া থাকি কিন্তু তাহা ব্রহ্ম নহে। সূত্রাং ধ্যান বা চিন্তা দ্বারা এই প্রকার মীমাংসাকে ব্রহ্ম বা, তদ্ স্বরূপ নহে বলিয়া তাহা পরিত্যাগ করিয়া ব্রহ্ম জ্ঞানের জন্ম আরও তলাইয়া বাইতে হইবে। এইরূপ বিজ্ঞানময় কোষ অতিক্রম করিলে পঞ্চম অর্থাৎ শেষ কোষ আনন্দময় কোষে যাইতে হইবে। এই আনন্দময় কোষই আত্মরাজ্য। ব্রহ্মোপাসক চিন্তা দ্বারা উক্ত চারি প্রকার কোষ ভেদ করিয়া এই আনন্দময় কোষে যাইলে তাঁহার আত্মস্বরূপ ধারণা হয়। ধারণা মানে পরিবার শক্তি। উপাসকের এই ধারণা শক্তি বুদ্ধি হইলে তখন নিজে কি ও নিজের স্বরূপ কি তাহা বিশেষরূপে উপলব্ধি করিতে পারেন। সাধক যখন নিজ স্বরূপ ধারণা করেন তখন তাঁহার অন্তরে এক প্রকার আনন্দ উপলব্ধি হয় কিন্তু এ আনন্দ ব্রহ্মানন্দ নহে, ইহা আত্মানন্দ। এই স্থানে যাইলে মন শান্ত ও সমাহিত হয়। এই শান্ত ও সমাহিত অবস্থার আত্মচিন্তা করিতে করিতে উপাসকের বহির্জগতের সমস্ত জ্ঞান তিরোহিত হইয়া গভীর সমাধির অবস্থা হইয়া থাকে। এই সমাধির অবস্থা অতিক্রম করিতে পারিলেই যগার্থ ব্রহ্মজ্ঞান বা ব্রহ্মোপাসনা হইয়া থাকে। আত্মস্বরূপ চিন্তা করিতে করিতে সাধক দেখিতে পান যে আমার নিজের যে সমস্ত স্বরূপ উপলব্ধি করিতেছি তাহা কোথাও হইতে আসিতেছে। আমার মধ্যে জ্ঞানশক্তি প্রভৃতি যে সমস্ত মূল বিষয় প্রবাহিত হইতেছে তাহা কোথা হইতে কে প্রেরণ করিতেছেন? এইরূপ চিন্তা দ্বারা সেই প্রবাহ সূত্র ধরিয়া ধরিয়া আরও অগ্রসর হইতে থাকেন। সেই সমস্ত জ্ঞানাদির সূত্র ধরিয়া ধরিয়া যতই অগ্রসর হইতে থাকেন ততই তাঁহার ব্রহ্মজ্ঞান দৃঢ় হয় ও সেই পরিমাণেই তিনি প্রকৃত ব্রহ্মোপাসনা করিয়া থাকেন। এখানে নিজের জ্ঞানাদি প্রত্যক্ষ হওয়ায় সাধক তাহা অনায়াসে আয়ত্ত করিয়া সে সমস্ত ধরিতে পারেন। বলা বাহুল্য যে আত্মস্বরূপ প্রত্যক্ষ করিয়া তাহা ধৃত করিতে না পারিলে প্রকৃত ব্রহ্মোপাসনা

করিবার অধিকার জন্মে না। ইহাই ব্রহ্মোপাসনার সোপান। এই সোপান ভিন্ন তাঁহার নিকট যাইবার আর অল্প রাস্তা নাই। সেই জন্মই মহাত্মা শঙ্করাচার্য্য তাঁহার বিবেক চূড়ামণি নামক গ্রন্থে বলিয়াছেন ;

“বদন্তু শাস্ত্রাণি যজন্তু দেবান্
কুর্ন্তু কৰ্ম্মাণি ভজন্তু দেবতাঃ।
অত্মৈক্য বোধেন বিনাপি মুক্তির্গ
সিধ্যতি ব্রহ্ম শতান্তরেহপি ॥”

অর্থ—লোকে শাস্ত্রই বলুক, দেব পূজা করুক, কৰ্ম্ম করুক বা দেবতা-দিগের ভজনাই করুক, আত্মার একত্ব বোধ ব্যতীত ব্রহ্মার শত বৎসরেও মুক্তি হয় না।

এখানে পাঠক হয় ত বলিতে পারেন যে উক্ত প্রকার উপসনায় না হয় ব্রহ্মজ্ঞান ও ব্রহ্মোপাসনা হইল কিন্তু আত্মার একত্ব বোধ হইল কোথায়? ইহাতে আত্মার একত্ব বোধ হইল বৈ কি। তিনি জ্ঞানময়, আমার নিজ-স্বরূপের জ্ঞান সূত্র ধরিয়া সেই অনন্ত জ্ঞানের মধ্যে যাইয়া পড়িলে, সেই জ্ঞান আর এই (আমার নিজের) জ্ঞান একই জ্ঞান; সেই শক্তি ও এই শক্তি একই শক্তি বোধ হয় সূত্রাং এই স্থানেই তাঁহাতে আমাতে এক; কিন্তু ইহার আবার পৃথক ভাব আছে, তাঁহাতেও আমাতে জ্ঞানেতে শক্তিতে ইচ্ছাতে এইরূপে এক হইলেও আমার নিজের আত্মরোধরূপ সীমা দ্বারা তাঁহার সহিত পৃথকত্ব উপলব্ধি হইয়া থাকে। অতএব ব্রহ্মের সহিত আমার এই একত্ব ও দ্বিত্ব, এই বৈতাদৈতভাব যাহার উপলব্ধি হইয়াছে তিনিই প্রকৃত ব্রহ্মোপাসনার অধিকারী হইয়াছেন। সাধকেরা এই স্থানে যাইয়াই প্রভূত সঞ্চক নিরূপণ করিয়া পৃথিবীতে তাহা প্রচার করিয়া গিয়াছেন। এই অবস্থাতেই,—

“ভিদাতে হৃদয়গ্রহিচ্ছিদ্যন্তে সৰ্বসংশয়াঃ।

ক্ষীয়ন্তে চাস্য কৰ্ম্মাণি তস্মিন্ দৃষ্টে পরাবরে ॥”

; মুণ্ডকোপনিষৎ,

অর্থ—সেই পরাবর অর্থাৎ ব্রহ্মকে দর্শন করিলে হৃদয়গ্রহি অর্থাৎ অবিদ্যা জন্ম বিষয় বাসনা ভেদ হয়, সমুদায় সংশয় ছিন্ন হয় এবং সাধকের কৰ্ম্ম সমূহ ও ক্ষয় হয়।

এক্ষণে পাঠকের মনে হয় ত এই প্রশ্ন উঠিতে পারে যে আমাদের দেশে দেব প্রতিমা পূজা করাকে ব্রহ্ম জ্ঞানের সোপান বলিয়া বাহা প্রচারিত হইতেছে তাহা কি সত্য নহে? না, তাহা সত্য নহে, উহা কল্পনা মাত্র। শাস্ত্রে উহার ভূরি ভূরি নিন্দা আছে এবং উহা কল্পনা বলিয়াও শাস্ত্রে উল্লেখ আছে। উহা যদি ব্রহ্ম জ্ঞান লাভের সোপান হইত তাহা হইলে উহাকে কল্পনা বলিয়া উল্লেখ করিতেন না। তবে কি উহা নিষ্ফল? প্রাচীন জ্ঞানীগণ তবে উহার সৃষ্টি করিলেন কেন? তাহার কারণ অবশ্য আছে। তাঁহারা দেখিলেন যে এই ব্রহ্ম জ্ঞান অজ্ঞানী মূর্খ ব্যক্তিগণ কোন প্রকারে বুঝিতে পারিবে না, অতএব তাঁহাদিগকে ব্রহ্মের স্বরূপ ও ভাবাদি বুঝাইবার জন্ত মানচিত্রের সৃষ্টি করিলেন। দৃষ্টান্ত স্বরূপ দেখুন, যেমন মহাদেব। ব্রহ্ম ত্রিকালজ, মহাদেবের তিন চক্ষু কল্পনা করিলেন। ব্রহ্ম প্রকৃতি পুরুষ সংসৃষ্ট, শিব লিঙ্গকেও সেই ভাবে গঠন করিলেন ইত্যাদি। ইহাতে অজ্ঞানীদিগকে ব্রহ্ম কিরূপ তাহাই শিক্ষা দিবার জন্ত এইরূপ ব্রহ্মভাব সমূহ কল্পনা করিয়া মানচিত্র (Art) রূপে সাধারণের নিকট ধরিতে চেষ্টা করিয়াছেন। কিন্তু সাধারণ ব্যক্তিগণ তাহা না বুঝিয়া উহাকেই অর্থাৎ প্রতিমাদিকেই উপাস্য করিয়া লইয়াছেন, আবার উহাদের মধ্যে বাহারা একটু জ্ঞানী তাঁহারা প্রতিমাদিকে উপাস্য না করিয়া উহাদিগকে ব্রহ্ম জ্ঞানের সোপান বলিয়া বর্ণনা করিয়াছেন। আমার বিবেচনায় উক্ত উভয় শ্রেণীর লোকই ভ্রান্ত হইয়াছেন। কেননা প্রতিমা কখন ব্রহ্মও নহে ও ব্রহ্ম জ্ঞানের সোপানও নহে। যেমন আমেরিকা দেশের ভৌগোলিক বিবরণ শিক্ষার জন্ত ছাত্রদিগকে আমেরিকার মানচিত্র দ্বারা শিক্ষা দেওয়া হয়, কিন্তু বাস্তবিক সেই মানচিত্র আমেরিকা নহে, সেইরূপ ব্রহ্মের উক্তরূপ মানচিত্র প্রতিমাদি হইলেও বাস্তবিক তাহা ব্রহ্ম নহে। যেমন আমেরিকার মানচিত্র অবলম্বন করিয়া আমেরিকা যাওয়া যায় না, সেইরূপ ব্রহ্ম মানচিত্র-রূপ প্রতিমাদি জ্ঞানীদিগের ও ব্রহ্মোপাসকদিগের উপাস্যও হইতে পারেন না। তবে প্রতিমাদিকে জ্ঞান চক্ষে বিশ্লেষণ করিয়া দেখিলে তাহার মধ্যে ব্রহ্মের কিছু কিছু ভাবের আভাস পাওয়া যায় মাত্র।

এক্ষণে আমাদের দেশের এক শ্রেণীর শিক্ষিত ব্যক্তিগণ যে প্রতিমা

পূজায় বৈজ্ঞানিক ব্যাখ্যা করিতে আরম্ভ করিয়াছেন তাহাও উক্ত প্রকারের ব্যাখ্যা, উহা ব্রহ্ম জ্ঞানের সোপান মনে করিয়া তাঁহারা মহা ভ্রান্তিতে পতিত হইয়াছেন। দয়াময় ঈশ্বর অবশ্য এমন দিন আনয়ন করিবেন যখন তাঁহারা যথার্থ সত্য বুঝিয়া উহা পরিত্যাগ করিবেন।

পরিশেষে নিবেদন, যথার্থ ব্রহ্মজ্ঞান লাভ করিয়া ব্রহ্মোপাসনা করিতে হইলে নিজের চরিত্র বিশুদ্ধ করা চাই। কাম, ক্রোধ, লোভ প্রভৃতি সংযত করা চাই। রিপুদিগকে নিজ বশে আনিতে না পারিলে চিত্ত সংযম হয় না, আর চিত্ত সংযম না হইলে মানুষ ধ্যান বা চিন্তাও করিবার তেমন অধিকারী হয় না। গুনিয়াছি পাশ্চাত্য দার্শনিক বা বৈজ্ঞানিক পণ্ডিতেরা কোন গুরুতর বিষয় চিন্তা করিবার পূর্বে তাঁহারা কাম, ক্রোধ, লোভ ও আহারাদি প্রভৃতি সকল বিষয়েই সংযত হইতে থাকেন। বাস্তবিক চিন্তাশীল মনুষ্যেরা বাহিরের সংস্রব হইতে যতদূর তফাৎ থাকিতে পারেন তাহার চেষ্টা করেন। সুতরাং ব্রহ্ম বিষয়ক চিন্তা করিতে গেলেও তাঁহাকে সেই প্রকার বা ততোধিক বাহিরের সংস্রব পরিত্যাগ করা আবশ্যিক। বাহিরের সংস্রব যত পরিত্যাগ করিতে পারা যাইবে ততই চিত্ত শান্ত হইবে, ধ্যান ধারণা বৃদ্ধি হইবে। সেই জন্ত উপনিষদকার ঋষি বলিয়াছেন—

“নাবিরতো দুশ্চরিতান্নাশান্তো নাসমাহিতঃ।

নাশান্তমানসো বাপি প্রজ্ঞানেনৈনমাপ্নুয়াৎ ॥”

অর্থ—দুশ্চরিত্র হইতে অবিরত, অশান্ত, অসমাহিত বা অশান্ত মানস ব্যক্তি জ্ঞান দ্বারাও ইহাকে অর্থাৎ ব্রহ্মকে প্রাপ্ত হয় না।

প্রবন্ধ দীর্ঘ হইয়া পড়িল, অতএব পাঠকদিগের নিকট প্রণত হইয়া অদ্য বিদায় গ্রহণ করিলাম।

শ্রীকুঞ্জবিহারী সেন।

পেণ্ডুলমের রাগ ।

পঞ্চাশ বৎসর চলিতে চলিতে ঘড়ী এক দিন প্রাতঃকালে গ্রীষ্মের সময় হঠাৎ বন্ধ হইয়া গেল। ঘড়ীর কাঁটার বন্ধের কারণ বুঝিতে না পারিয়া বিস্ময়ে স্থির হইয়া রহিল। দুই এক বার চলিবার জন্ত বুথা চেপ্টা করিল। চাকা সকল ভয়ে স্পন্দহীন হইয়া রহিল। আর আর অঙ্গ প্রত্যঙ্গ সকল কিংকর্তব্যবিমূঢ় হইল। ডায়াল প্লেট কিছু রাগী লোক চুপ করিয়া থাকিতে না পারিয়া, কারণ অনুসন্ধান প্রবৃত্ত হইল, এবং চাকা, পেণ্ডুলম ও অন্যান্য অঙ্গ প্রত্যঙ্গের উপর বিশেষ রাগ প্রকাশ করিল। কিন্তু তাহারা সকলে এক স্বরে বলিয়া উঠিল আমরা নির্দোষী, পেণ্ডুলম চুপ করিয়া রহিল, দুই এক বার মাত্র অসম্বৃত্ত ভাবে গাত্র নাড়া দিয়া বলিতে লাগিলঃ—

“আমি স্বীকার করিতেছি যে আমিই ঘড়ী বন্ধ হইবার এক মাত্র কারণ। ঠিক কথা বলিতে কি, আমি ৫০ বৎসর হইতে টিক টিক করিয়া নড়িতেছি। আর আমি চলিতে পারি না। আমি বিশ্রাম চাই।”

Dial Plate ডায়াল প্লেট শুনিয়া অবাক হইল এবং রাগ করিয়া বলিল—“পেণ্ডুলম! তুমি কি জন্ত কুঁড়ে হইয়াছ, আগে ত বেশ পরিশ্রমী ছিলে; বেশ চলিতে। তোমার কুঁড়েমী, দেখিয়া আমি অবাক হইয়াছি।” পেণ্ডুলম (Pendulum) শুনিয়া রাগে জ্বলিয়া উঠিল এবং কহিল—“কুঁড়ে বলা বড় সহজ কথা—কিন্তু বোধ করি তোমার মত কুঁড়ে আর কেহ জগতে নাই, তোমার কোন কাজ নাই, কেবল কাঁটা ছুটিকে গায়ে করিয়া যাবজ্জীবন চুপ করিয়া বসিয়া থাক। ঘরের ভিতর যে সকল ভাল ভাল বস্তু থাকে তাহা আনন্দে দেখ এবং সমীর্ণ ও আলোক সেবা করিয়া থাক। কিন্তু আমার মতন যদিও যাবজ্জীবন অন্ধকারের মধ্যে থাকিয়া শরীর ক্রমাগত নার্ডিতে হইত তাহা হইলে বোধ করি আমার “কুঁড়ে” বলিতে না। ডায়াল (Dial) কহিল—“কেন? তুমি যে ঘরে থাক, তাহাতে ত জানালা আছে; তন্মধ্য দিয়া তুমি সকল বস্তু দেখিতে পাও।” পেণ্ডুলম কহিল “জানালা আছে সত্য কিন্তু তাহা দিয়া উঁকি মারিবার

আমার এক মুহূর্তের অবকাশ নাই, বলিতে কি আমার জীবন বড়ই কষ্টকর, দিন রাত বার মাস ত্রিশ দিন আর এ প্রকার টিক টিক করিয়া চলিতে পারি না; ভাবিয়া দেখ দেখি ২৪ ঘণ্টায় আমাকে কতবার টিক টিক করিতে হয়, বল দেখি কত বার?

“ডায়াল” বড় হিসাবী লোক নহেন এই জন্ত ২৪ ঘণ্টায় পেণ্ডুলম কতবার টিক টিক করে ইহার হিসাব ভাবিতেছেন এমন সময় মিনিট কাঁটা (বড় হিসাবে পাকা) শীঘ্র বলিয়া উঠিল “ছিয়াশি হাজার চারি শত বার”। পেণ্ডুলম কহিল, টিক বলিয়াছ একবার তোমরা সকলে মনে কর দেখি, ২৪ ঘণ্টায় এতবার টিক টিক করিতে হইবে ইহা ভাবিতে গেলে মাথার আকাশ ভাঙ্গিয়া পড়ে কি না?” তার পর যখন ভাবি কত মাস, কত বর্ষ ধরিয়া এ প্রকার টিক টিক করিতে হইবে তখন আমার প্রাণ উড়িয়া যায় আর চলিতে ইচ্ছা করে না, এই কারণে অনেক ভাবিয়া চিন্তিয়া আমি চলিতে বিরত হইয়াছি।”

Dial ডায়াল মনে মনে জানেন যে নিজে বড় পরিশ্রমী নহেন, এই জন্ত পেণ্ডুলমের বাক্যে বড় একটা গোলমাল না করিয়া ধীরে ধীরে কহিতে লাগিলেন—ভাই পেণ্ডুলম, তুমি এত কাল চলিয়া আসিতেছ হঠাৎ একপ চিন্তা কেন তোমার মনে উদয় হইল, আমি মানি তুমি বড় পরিশ্রমী এবং তোমার অন্তরে কর্তব্য জ্ঞান বড় প্রবল, আর দেখ আমরা সকলেই পরিশ্রমী ও আপন কর্তব্য কার্য্য এ পর্য্যন্ত করিয়া আসিয়াছি। এখন একটী সামান্ত চিন্তা তোমার মনে উদয় হওয়াতে একবারে কার্য্য বন্ধ করা উচিত নহে। নিরন্তর চলিতে হইবে বলিয়া কেন ভয় পাইতেছ, তুমি বার কতক চলিয়া দেখ দেখি তোমার কোন কষ্ট হয় কি না?” পেণ্ডুলম ডায়ালের প্রতিবে ১০।১২ বার টিক টিক করিয়া উঠিল, তখন ডায়াল বলিল “বল দেখি তোমার ইহাতে কোন ক্লেশ হইল কি না?”

পেণ্ডুলম কহিল “না কোন কষ্ট হয় নাই বটে, কিন্তু, ১০।১২ বার চলিবার ত আমার কোন আপত্তি নাই, কোটা কোটা বার আমাকে চলিতে হইবে ইহাই আমার ভাবনা।” ডায়াল কহিল “আচ্ছা বেশ, তুমি কোটা কোটা বার চলিতে হইবে ইহাই ভাব, কিন্তু এক মুহূর্তে এক বারের

অধিক ত তোমায় চলিতে হয় না? প্রত্যেক বার চলিবার জন্য তোমাকে একটা করিয়া মুহূর্ত দেওয়া হইয়াছে, তবে তোমার ভাবনা কি?”

পেণ্ডুলম এই কথা সার গ্রহণে সক্ষম হইল এবং এই সময়ে ঘড়ীর অপর অপর অঙ্গ প্রত্যঙ্গ সকল এককালে পেণ্ডুলমকে বিশেষ করিয়া বুঝাইয়া বলাতে কর্তব্যজ্ঞানী পেণ্ডুলম এতক্ষণ স্থির ভাবে নিষ্কন্মা হইয়া থাকা অত্যা হইয়াছে বোধ করিতে লাগিল এবং বাজীর লোক জনের সময় নিরূপণের বিশেষ অসুবিধা হইবে বিবেচনায় এত শীঘ্র চলিতে লাগিল যে ২৪ ঘণ্টার মধ্যে ঘড়ী অর্ধ ঘণ্টা ফাট হইয়া উঠিল।

শ্রীরামগোপাল ঘোষ।

হিমাচল ।

৪। বন-বিভাগ ও বন-বিদ্যালয় ।

কলিকাতার চতুর দোকানদারেরা পাড়াগোঁয়ে লোক চিনিতে পারে—বিস্ময়চকিত চক্ষু দেখিয়া; বন ও গৃহ পালিত পশু পরস্পর পরস্পরকে চিনিয়া লয়—গাত্রগন্ধ আত্মাণ করিয়া; কিন্তু জঙ্গলের লোক দেখিবানাত্রই জনসাঁধরণে কি প্রকারে চিনিয়া লয়, এ পর্যন্ত বুঝিতে পারি নাই। জঙ্গলের পরিচ্ছদের বিলক্ষণ বিশেষত্ব আছে, কারণ সেই গোরচনা রঙ্গের সিপাহী কাটের সাজ অথবা কোনও পদস্থ ভদ্রলোক স্পর্শও করেন না। আমার জনৈক জঙ্গলী বন্ধু পাড়াগাঁয়ের এক রজককে তাঁহার জঙ্গলী পোষাক কাচিতে দিয়াছিলেন। রজকপুঙ্খ ভাঁটি চড়াইয়াও সেই গোরোচনার রং উঠাইতে পারিল না, অবশেষে বাবুর কাছে আসিয়া করঘোড়ে নিবেদন করিল—“কর্ত্তী, ময়লা উঠাইতে চেষ্টা করি নাই, কাপড় প্রায় ছিড়িয়া গিয়াছে, তবু যে ভাব সেই ভাবই আছে, এখন আপনার যে রূপ বিচার হয়।” বাবু দেখিলেন পোষকের তন্তু সমূহ ছিন্ন বিচ্ছিন্ন হইয়া গিয়াছে পুনরায় ব্যবহারের অযোগ্য। এহেন পরিচ্ছদ দেখিয়া জঙ্গলী লোক চেনা অবশ্য খুবই সহজ। কিন্তু দেখিয়াছি পোষাক পরা না থাকিলেও লোকে ধরিয়া ফেলে। যাই ধরা—অমনি অজস্র প্রশ্ন

গাছপালা ত কাঠুরেরা কাটিয়া আনে, তজ্জন্তু আবার মোটা বেতনের কর্মচারী কেন? গাছের উপরে টোং বান্ধিয়া থাকিতে হয় কি না,—জঙ্গলের জন্য আবার একটা স্কুল কেন—জঙ্গলে আবার লেখা পড়ার দরকার কি—ইত্যাকারের বহু প্রশ্নে পরিচয় জিজ্ঞাসু পাণ্ডাউপদ্রুত ভাল মানুষ তীর্থ যাত্রীর ত্যায় জঙ্গলী ভাষা সবিশেষ ব্যতিব্যস্ত হইয়া উঠেন। তাঁহার এই কষ্টের লঘুকরণ উদ্দেশ্যে তাঁহার হইয়া ঐরূপ কতকগুলি প্রশ্নের উত্তর দিতে এই প্রবন্ধ লিখিলাম। আর বনেও যে একটা জীবিকার উপায় আছে চাকরীগত প্রাণ স্বদেশীদিগকে তাহা দেখাইয়া দেওয়া অত্যন্ত উদ্দেশ্য।

একটা কথা। বনজঙ্গলের সহিত বঙ্গভাষার অহিনকুল সদ্ভাব, কারণ বঙ্গের যে যে অংশে বঙ্গভাষা কথিত হয়, তথায় বনপদবাচ্য কোনও পদার্থ নাই বলিলে অত্যাুক্তি হয় না। এই জন্য বন শব্দের প্রায়ই অপব্যবহার দেখিতে পাওয়া যায়। কয়েকটা জেলায় বন বলিলে দুর্কীঘাস বুঝায়, অপর কয়েকটা জেলায় বনের অর্থ শরঘাস। বলা বাহুল্য, এ সকল বনের বিষয়ে কোন কথা বলা আমার উদ্দেশ্য নয়। অল্পাধিক মাত্রায় তরুলতাদিসমাচ্ছন্ন বিস্তীর্ণ ভূভাগ বুঝাইবার নিমিত্তই এই প্রবন্ধে বন শব্দ ব্যবহৃত হইয়াছে।

অতি পূর্বকালে ভারতের সর্বত্রই নিবিড় বন ছিল। আদিম অধিবাসীরা জঙ্গল কাটিয়া বা পুড়াইয়া জমি প্রস্তুত করিয়া লইত। এক জমীতে কয়েক বৎসর শস্তোৎপাদন করার পর, যখন উহার উর্বরতা হ্রাস হইয়াছে বুঝা যাইত, তখন ঐরূপে অন্য স্থানে নূতন জমি প্রস্তুত করিয়া লইত। সেকালে লোক ছিল অল্প, আর জঙ্গল ছিল অসীম, কাজেই ঐরূপ কার্যে যে কাহারও অনিষ্ট হইতে পারে সে ধারণা লোকের মনে কদাপি স্থান পাইত না। পার্শ্বত্যা প্রদেশের অসভ্য আদিম অধিবাসীদিগের মধ্যে অদ্যাপি উক্তরূপ প্রথা প্রচলিত আছে। আর্যদিগের ভারতগমনের পর উর্বর সমতল ভূখণ্ড সমূহে লোক সংখ্যা শনৈঃ শনৈঃ বাড়িতে লাগিল—জঙ্গলও ক্রমশঃ ধ্বংস প্রাপ্ত হইতে লাগিল। রক্ষস ও জঙ্গলের সঙ্গে আর্যদিগের যুগপৎ সমর চলিতে লাগিল—অবশেষে উভয়ই কষ্টগম্য পার্শ্বত্যা প্রদেশে আশ্রয় লইল। আমাদের কবিকঙ্কণের কালুবীর বন কাটিয়া রাজ্য স্থাপন

করিয়াছিলেন—এই ঔপন্যাসিক কথা ইতিহাস মূলক। কালুবীর কেন?—অনেক বীরকেই ঐরূপ করিতে হইয়াছিল। একা লোকবৃদ্ধিই যে দায়ী তাহাও নয়। কালসহকারে সমাজে বিলাসিতা প্রবেশ করিতে লাগিল, ভূমিশস্যার স্থানে খড়াঙ্গ, গিরিগুহার স্থানে অট্টালিকা, পদব্রজের স্থানে শকটবান, সূক্ষ্মগ্র প্রস্তরখণ্ডের স্থানে হলযন্ত্র প্রভৃতি দারুনির্মিত বহু পদার্থের আবিষ্কার ও প্রচলন আরম্ভ হইল। ইহাতে ও বৃক্ষকুলের বিলক্ষণ বিনাশ হইতে লাগিল। কৃষিবৃদ্ধির সঙ্গে সঙ্গে কৃষিসহায় গবাদি গৃহ পালিত পশুর ও সংখ্যাবৃদ্ধি অবশ্যস্বাভাবী, ইহারাতঃ পাবিল গাছপালা উদরসাৎ করিল। ইহাতে কিন্তু ক্ষতিবোধ কাহারও হইত না—কারণ তখন ও পৃথিবী, বনবহলা ছিলেন। ক্রমে নৃপতিদিগের চটক ভাঙ্গিল—একেবারে বন না থাকিলে শিকারের উপায় কি হইবে? তখন হইতে স্থলবিশেষের জঙ্গল সাফ করা বন্ধ হইল। তথাপি সম্পূর্ণ রক্ষা সম্ভব ছিল না, কারণ ভগবান সর্ষভূকের রূপা প্রতি বৎসর এক এক বার না হইত এমন জঙ্গল তখন প্রায় ছিল না।

বহুকাল এই ভাবেই চলিল। আর্ঘ্যরাজগণের পর মুসলমানের আবির্ভাব হইল, তথাপি কিন্তু জঙ্গলের ভাগ্য ফিরিল না, রাজপ্রাসাদ সন্নিহিত মগয়োগ্যোগী স্বল্পমাত্র বন ব্যতীত সকলই একই ভাবে বিলুপ্ত হইতে লাগিল। মুসলমানের পর ইংরাজের অভ্যুদয় হইল তথাপি বহুকাল পর্যন্ত বনের প্রতি কাহারও স্নেহের পড়িল না, বরং বন কাটিবার পক্ষে প্ররোচনার অভাব ছিল না। ১৮৩৮ সালে পতিত জমি বিলিকরণ সন্থনে যে রাজস্ব প্রচারিত হইয়াছিল তাহাতে এইরূপ নিয়ম ছিল যে জমিতে ছোট ঘাস থাকিলে ৫ বৎসর পর্যন্ত, বড় ঘাস থাকিলে ১০ বৎসর পর্যন্ত আর বন (অর্থাৎ গাছ পাল) থাকিলে ২০ বৎসর পর্যন্ত, ইজারদার রাজস্ব রেহাই পাইবে। অর্থাৎ বনটা ছিল উৎকট উপসর্গ বিশেষ।

উহার মধ্যে যেগুলো ভাল জঙ্গল ছিল, প্রতি বৎসর ইজারা দেওয়া হইত। লোকের যাহা ইচ্ছা কাটিয়া লইয়া বাইত, কতক লইয়া বাইত, কতক বা জঙ্গলে পড়িয়া পচিয়া সাইত; ক্ষেতের বেড়া দিতে শফল সেগুণের রলা কাটিয়া লইত যতটুকু লম্বার প্রয়োজন তদতিরিক্ত কাটিয়া ফেলিয়া দিয়া বাইত, মনোমত একখানি তক্তার জুড় প্রকাণ্ড

একটা গাছ কাটিয়া পছন্দ না হইলে ফেলিয়া রাখিয়া বাইত। অপচয়ের একশেষ। এমন সময়ে আবার নূতন নূতন রেলের রাস্তা প্রস্তুত হইতে লাগিল—অসংখ্য সূীপারের প্রয়োজন। বৃহৎ ঠিকাদারগণের অগণিত কুঠার ধারী সেনা নিঃসহায় বনস্পতিবর্গ বিরুদ্ধে তুমুল সংগ্রামে প্রবৃত্ত হইল। অনতিবিলম্বেই নিকটবর্তী সমস্ত বন বিভাগই প্রায় তরুশূন্য হইয়া পড়িল, ক্রমে সূীপার মেলা ছুফর হইয়া উঠিল। এমন যে হইতে পারে সে ধারণা ইতিপূর্বে কাহারও ছিল না, সুতরাং রাজপুরুষেরা কথঞ্চিৎ অপ্রতিভ ও বিস্ময়াবিষ্ট হইয়া প্রকৃত অবস্থা অবগত হইতে চেষ্টা করিতে লাগিলেন, সঙ্গে সঙ্গে জঙ্গলের রক্ষণাবেক্ষণের নিমিত্ত দারোগা জমাদার প্রভৃতি পদবীধারী নিম্নকর্মচারীও ছুই একজন করিয়া নিযুক্ত হইতে লাগিল। কিন্তু রক্ষণাবেক্ষণ আশানুরূপ হইল না, কারণ তদর্থে যে পরিমাণ জ্ঞান ও অভিজ্ঞতার প্রয়োজন তাহার নিতান্ত অসম্ভাব ছিল। এই কারণে সাধারণ রাজস্ব বিভাগের বন সঞ্চয় কার্যাবলী স্বতন্ত্র কর্মচারিবর্গের হস্তে ছুস্ত করিবার প্রস্তাবনা চলিতে লাগিল। অচিরে Forest Department অর্থাৎ বনবিভাগের সৃষ্টি হইল। তৎকালে সাহেবদের মধ্যেও বন জঙ্গলের বিদ্যায় পারদর্শী লোক পাওয়া যাইত না। উচ্চ কর্মচারিরূপে কাহাকে নিযুক্ত করা যায় এই সমস্ত উপস্থিত হইলে, পুলিশ পন্টন জুরীপ প্রভৃতি নানা বিভাগ হইতে কদাচিত্ উদ্ভিদ বিদ্যাভিজ্ঞ কিন্তু প্রায়শঃ শিকারপ্রিয় দেখিয়া লোক বাছিয়া লওয়া হইল, আর সকলের উপরে বন বিদ্যায় পারদর্শী Dietrich Brandis নামক একজন জার্মানকে Inspector General of Forests রূপে নিযুক্ত করা হইল।

এত দেশ থাকিতে জার্মানী হইতে কেন লোক আনা হইল প্রশ্ন হইতে পারে। ইউরোপের মধ্যে জ্ঞান গরিমার জার্মানী সকলের শীর্ষ স্থানীয়, ইহা সকলেই স্বীকার করেন। তা ছাড়া গত তিন শত বৎসর হইতে জার্মানিতে বন সম্পত্তি বিজ্ঞান সম্ভবভাবে সুপরিচালিত হইয়া আসিতেছে। বনবিদ্যা শিক্ষা দিবার নিমিত্ত তথায় অনেকানেক কলেজ আছে, বনবিদ্যা তথাকার বিশ্ববিদ্যালয়ের অগ্রতম বিভাগরূপে সমাদৃত। বনের সকল কাজ এমনই সূচকরূপে পরিচালিত ও নিয়ন্ত্রিত যে জুলুম জ্বরদস্তীর নাম মাত্র নাই, বনকর্মচারীরা সকলেরই প্রীতিভাজন। শতবর্ষ পূর্ব হইতে

জার্মানীর পদানুসরণ করিয়া ফ্রান্স তত্রত্য পার্কৃত্য প্রদেশের বন সমূহকে বৈজ্ঞানিক পরিচালনাধীন করিয়াছেন এবং নাসি নামক নগরে একটি বনবিদ্যালয় সংস্থাপিত করিয়া স্বদেশীয়দিগকে তথায় শিক্ষা দিতেছেন। ইউরোপে আর কুত্রাপি বনবিদ্যার আদর হয় নাই। সুসভ্য আমেরিকা এই সবে মাত্র দাঁত হারাইয়া দাঁতের মর্ষ বৃদ্ধিতে আরম্ভ করিয়াছে, সহস্র বৎসরের সুসঞ্চিত প্রকৃতির রত্ন ভাণ্ডার হতাসনে আছতি দিয়া এই সবে মাত্র আঙ্গুল কামড়াইতেছে। এখনও যাহা আছে, তাহা রক্ষা করার প্রয়োজনীয়তা অনুভবনীয় হইয়াছে। ইংলেণ্ডে এ বিদ্যার চর্চা কিছু মাত্র ছিল না, তথায় বনপদবাচ্য এক মাত্র উইগ্‌সর ফরেস্ট আছে, তাহাকে মুগ্‌য়ার প্রমোদবন বলিলেও অত্যুক্তি হয় না।

স্বদেশে উপযুক্ত লোক নাই, ফরাসীর সহিত সৌহার্দ্য চির প্রসিদ্ধ, কাজেই অগত্যা, এক জন জার্মানকে বনবিভাগের সর্বোচ্চ পদে বরণ করিতে হইল। তীক্ষ্ণবী ব্রাণ্ডিস্ সাহেবের সুবন্দোবস্ত গুণে সর্বত্র আর বৃদ্ধি হইতে লাগিল। শনৈঃ শনৈঃ নূতন নূতন জঙ্গল সুরক্ষণাধীন হইতে লাগিল, কার্য্য সৌকার্য্যার্থে একটি নূতন আইন (Forest Act) বিধিবদ্ধ হইল। ক্রমে শিকারপ্রিয়তা ও “নির্জলা” উদ্ভিদবিদ্যার অপরিপূর্ণতা অনুভূত হইতে লাগিল এবং ভারতের বায়ে ইউরোপে বনবিদ্যা শিখাইয়া সাহেব সন্তানদিগকে এখানে এতদ বিভাগীয় উচ্চ কর্ম্মে নিয়োগ করিবার ব্যবস্থা হইল। এবার কিন্তু ফরাসীকে কোলে টানিতে হইল। ছাত্রদিগকে জার্মানিতে পাঠাইলে চলিতে পারিত—কিন্তু ঠিক সেই সময়ে জার্মানীর সহিত ইংলেণ্ডের একটু মন কষাকষি ছিল, অধিকন্তু জার্মান ভাষা বড়ই কটমট, তদপেক্ষা ফরাসী ভাষা অনেক সহজ। ইংলেণ্ডের সাধারণ বিদ্যালয়ে ফরাসী ভাষা শিক্ষা দেওয়া হইয়া থাকে। ভারতবর্ষে যেমন হিন্দুস্তানী ভাষা সকলেই সর্বত্র অল্পাধিক পরিমাণে বুদ্ধিতে পারে, ইউরোপে ফরাসী ভাষাও তদ্রূপ। আর ভূদ্রসমাজে মধ্যে মধ্যে Continentএ যাওয়াটা একটা প্রথা পড়িয়া গিয়াছে; কাজেই ফরাসী ভাষা শিক্ষার খুবই প্রয়োজনীয়তা ও আদর। যাহা হউক স্থির হইয়া গেল নাসির কলেজে ইংরাজ ছাত্রেরা বিদ্যাশিক্ষা করিয়া ভারতে চাকরী করিতে আসিবেন ১৫১৬ বৎসর যাবৎ এই রূপ চলিল; পরে তদানীন্তন ভারত সচিব লর্ড

আরগাইলের পরামর্শে ভারতার্থপোষিত কুপার্সহিল কলেজে বনবিদ্যা অধ্যাপনার নিমিত্ত স্বতন্ত্র শ্রেণী খোলা হইল, তদবধি কুপার্সহিল কোয়ারা হইতে দুইটি স্বতন্ত্র ধারা প্রবাহিত হইয়া পূর্ত ও বন দুইটি বিভাগকে যুগ পৎ প্রাবিত করিতেছে। ভারতের গাছ গাছড়া ইউরোপে নাই, ইউরোপে শিক্ষা না দিয়া ভারতে দিলে ভাণ হয় ইত্যাদি অনেক বাজে কথা সে সময় উঠিয়াছিল, কিন্তু বলা বাহুল্য ভারতে সিবিল সার্ভিসের পরীক্ষা গৃহীত হওয়ার যে ঘোরতম আপত্তি এই সকল কথাও কতকটা সেইরূপ আপত্তি হওয়ায় কার্য্যকালে টিকিল না।

উপরিখন কর্ম্মচারীদের পক্ষেই উক্তরূপ ব্যবস্থা হইল। কিন্তু শুদ্ধ উপরের কর্ম্মচারী দ্বারা কাজ চলে না। বিচার, পুলিশ, পূর্ত প্রভৃতি প্রায় সকল বিভাগের বেশীর ভাগ কাজ অধস্তন কর্ম্মচারীদিগের দ্বারা নিৰ্ব্বাহিত হয়, ইহারাই শাসনযন্ত্রের মেরুদণ্ড; সদৃশ স্তরাং ইহাদিগকেও শিক্ষা দেওয়া সমীচিন বিবেচিত হইতে লাগিল। কিন্তু কি উপায়ে শিক্ষা দেওয়া হইবে সহজে স্থির হইল না। কয়েক বৎসর পর্য্যন্ত রুড়কী কলেজে বনবিভাগের বৃত্তিধারী ছাত্র প্রেরিত হইতে লাগিল, কিন্তু তাহাতে আশানুরূপ সফল পাওয়া গেল না, বৃত্তিভোগী হইলেও তাদৃশ ছাত্র স্বভাবতঃ সহাব্যায়ীদিগের ত্রায় পূর্তবিভাগের প্রতি সতৃষ্ণ দৃষ্টি সঞ্চালনে বিরত থাকিতে পারিল না, আর যাহারা জন্মে কখনও জঙ্গল দেখে নাই তাহাদের পক্ষে বনবাস সহজেই নিতান্ত কষ্টকর বোধ হইতে লাগিল। এই সকল নানা কারণে ভারতে একটি স্বতন্ত্র বনবিদ্যালয় স্থাপনের কল্পনা চড়িতে লাগিল, এবং কুপার্সহিলের কুম্ভি-পুরণারস্তুর পূর্বেই ১৮৭৮ সালে হিমাচলের পাদমূলে ডেরাডুন সহরে বনবিদ্যালয় স্থাপিত হইল।

সমগ্র ভারতের মধ্যে ডেরাডুন কেন মনোনীত হইল প্রশ্ন হইতে পারে। বলা বাহুল্য বন না দেখাইলে বনবিদ্যা শিক্ষা দেওয়া যায় না, আর পূর্বে বলিয়াছি বা কিছু বন আছে অধিকাংশই পার্কৃত্য প্রদেশে, ইহাতে প্রতিপন্ন হইতেছে, কোন না কোন পার্কৃত্য প্রদেশে স্কুল স্থাপিত হওয়া উচিত। ভারতবর্ষে প্রধানতঃ পাঁচটি পার্কৃত্যশ্রেণী আছে,—হিমাচল, বিক্রাগিরি, আরাবলী শ্রেণী, ঘাট পার্কৃত্যদ্বয়। প্রকৃতির সাধারণ নিয়ম এই যে পার্কৃত্যের উচ্চতানুসারে উদ্ভিজ্জের তারতম্য হয়, স্তরাং যে পার্কৃত্য যত উচ্চ

জাহার উদ্ভিজ্জ ভাণ্ডার ততই সমৃদ্ধিশালী ও বৈচিত্র্যময়। এ পক্ষে গিরিরাজের সহিত আর কাহারও তুলনা হইতে পারে না। সুতরাং হিমালয় সান্নিধ্যেই স্কুল স্থাপিত হওয়া উচিত।

কিন্তু দার্জিলিং নাইনিতাল প্রভৃতি আরও অনেক ভাল ভাল স্থান ছিল না কি? থাকিলে কি হয়, তৎস্থানের বন হইতে তৎকালে তেমন আয় হইত না, সুতরাং কাজ কর্মও অনেক কম ছিল, ঐ সকল স্থানের নিম্ন প্রদেশ অতি অস্বাস্থ্যকর আর ডেরাডুন জেলার বামে ও দক্ষিণে নদীকুলললাম গঙ্গা ও যমুনা থাকায় কাঠাদি সহজে ও স্বল্প ব্যয়ে আর্ঘ্যাবর্তের প্রসিদ্ধ জনপদ সমূহে উপনীত করিবার যেকোন সুবিধা আছে, হিমালয়স্থ অল্প কোন স্থানে নেকরূপ নাই। অত্যাচ্চ পর্বত শৃঙ্গ হইতে সমতল প্রদেশ পর্যন্ত নদী সাহায্যে কি প্রণালীতে বনজ পণ্য আনীত হইতে পারে, তদ্বিষয়িণী অভিজ্ঞতা বনবিদ্যার অন্তর্ভূত, এই অভিজ্ঞতা লাভ করিবার সুষ্ঠু উপায় ডেরাডুন জেলায় ভূমিষ্টরূপে বিদ্যমান। আরও অনেকানেক হেতু দর্শান যাইতে পারে, কিন্তু সংক্ষেপতঃ ইহাই যথেষ্ট।

বিদ্যালয় হইল ষটে, কিন্তু ছাত্র মেলা তখন দুর্ঘট ছিল। এজন্য তদানীন্তন অধ্যক্ষ মধ্যে মধ্যে নিকটবর্তী জেলা স্কুলে “রিভুট” করিতে স্বয়ং বাইতেন বা আড়কাটা পাঠাইতেন। কয়েক বৎসর এই ভাবে চলিল। ক্রমে নোক বুঝিতে পারিল স্কুলের পরীক্ষায় উত্তীর্ণ হইতে পারিলে মোটা বেতনের চাকরী জুটিতে পারে, সুতরাং ক্রমে ছাত্র সংখ্যাও বাড়িতে লাগিল। এখন হইতে কিঞ্চিৎ কষণের আয়োজন হইল। পূর্ন হইতে একটু ভাল রকম লেখা পড়া জানা না থাকিলে ছাত্র ও শিক্ষক উভয় পক্ষে বিশেষ অসুবিধা, এজন্য ১৮৮৮ সাল হইতে প্রার্থার্থীর নিমিত্ত একটা প্রবেশিকা পরীক্ষার ব্যবস্থা হইল। তদবধি প্রতি বৎসর ফেব্রুয়ারী হইতে মে পর্যন্ত যে কোনও সময়ে ভারতের নানা স্থানে প্রবেশিকা পরীক্ষা গৃহীত হয়, বিষয় ইংরাজি সাহিত্য ও গণিত। সঙ্গে সঙ্গে আরও একটা পরিবর্তন হইয়া আসিতেছে। সর্ব প্রথমে প্রত্যেক ছাত্রই বৃত্তিধারী ছিল। ক্রমে নিয়ম হইল কেহ ইচ্ছা করিলে নিজের ব্যয়েও লেখাপড়া শিখিতে পারিবে। এই সময় হইতে ফিরিঙ্গী ছাত্রের সংখ্যা ক্রমে বাড়িয়া আসিতেছে ইহার প্রধান হেতু সম্ভবতঃ এই যে ব্যবসায়বুদ্ধি অর্থাৎ অনিশ্চিত ভবিষ্যতের

আশায় ঘরের টাকা বাহির করিবার সাহস—ভারতবাসীর নাই বলিলেই হয়। যে কারণেই হউক স্বতঃপ্রবৃত্ত দেশীয় ছাত্র কদাচিত্ দুই একটা দৃষ্ট হয়, কিন্তু ফিরিঙ্গী ছাত্রেরা অধিকাংশই স্বতঃপ্রবৃত্ত।

ক্রমে আরও একটা কষণ চড়িয়াছে। বৃত্তিধারী হইলেও কোন কোনও ছাত্র বিদ্যালয় পরিত্যাগান্তে জঙ্গলে কার্যে প্রবৃত্ত হইয়াই বেগতিক বুঝিলে ‘পলায়নপর হইত। ছঃখের সহিত স্বীকার করিতেছি বাঙ্গালী ছাত্রেরাই এ দোষে অধিক দোষী। ‘সুচতুর গবর্ণমেন্ট’ চি কালই এইরূপ বৃদ্ধাস্থিত দেখিতে থাকিবেন, তাহা কখনই সম্ভবপর নয়। কাজেই নিয়ম হইল, যাহারা বৃত্তি লইয়া অধ্যয়ন করিবে, অন্ততঃ ৫ বৎসর পর্যন্ত জঙ্গলে চাকরী করিবে তাহাদিগকে এই বর্ষে জামিন সহ একটা এগ্রিমেন্ট দিতে হইবে। ও দিকে চাকরীর বাজার এখন শুধু গরম নয়—অগ্নিমূর্তি, সুতরাং চা-বাগানের কুলিদিগের ঞায় ‘গিরিমণ্টে’, সহি করিয়াও প্রতি বৎসর দলে দলে ছাত্র আসিতেছে।

এক্ষণে অধ্যাপন প্রণালী সংক্ষেপে বিবৃত করিয়া প্রবন্ধ সমাপ্ত করিব। নূতন ছাত্রেরা জুলাই মাসের প্রথম তারিখে ভর্তি হয়। তদবধি অক্টোবরের শেষ পর্যন্ত চারি মাস ডেহরাতে অবস্থান করিতে হয়। এই সময়ে সপ্তাহে পাঁচদিন করিয়া প্রত্যহ ৬ ঘণ্টা অধ্যাপকগণ ভিন্ন ভিন্ন বিষয়ে ‘লেকচার’ দেন কিন্তু এ ‘লেকচার’ শুধু শুনিলে চলে না, সঙ্গে সঙ্গে লিখিয়া যাইতে হয়, ৬ ঘণ্টা কাল ব্যাপী বিরাট শ্রতিলিখন। ছাপার পাঠ্য পুস্তক না থাকাই এই কষ্টের প্রধান কারণ। নবেম্বরের প্রথম হইতে পর বৎসরের মে মাসের শেষ পর্যন্ত সাত মাস ডেরাডুনের সন্নিকটস্থ শিবালয়িক ও হিমালয় পর্বতের নানাবিধ জঙ্গলে অবস্থান করিয়া নানাবিষয়িণী ব্যবহারিকী শিক্ষালাভ করিতে হয়। করাত কুঠার কোদালী প্রভৃতি বহুবিধ অস্ত্রশস্ত্রের ব্যবহার ‘হাতে কলমে’ শিখিতে হয়, অর্থাৎ রাস্তা খোঁড়া, নালী কাটা, চারালাগান, গাছ কাটা, কাট ফাঁড়া, বাঁশ টানা প্রভৃতি জঙ্গলের সকল রকম কাজই নিজে করিয়া শিখিতে হয় সঙ্গে সঙ্গে জরীপ, পূর্ত, উদ্ভিদবিদ্যা ভূবিদ্যা প্রভৃতিরও যথাসম্ভব ব্যবহারিক জ্ঞানলাভ হয়। তৎপরেই জুন মাসে গ্রীষ্মের ছুটি; প্রথম বৎসর সমাপ্ত। দ্বিতীয় বৎসরেও সেইরূপ চাতুর্মাস্য শ্রতিলিখন সতেজে

চলিয়া থাকে। পরবর্তী দুই মাস জঙ্গলের কোনও একস্থানে অবস্থান করিয়া অপেক্ষাকৃত উচ্চ অঙ্গের কাজ কর্ম করিতে হয়, অর্থাৎ জঙ্গলের বিশ্লেষণ, বৃদ্ধি নির্ণয়, আয় ব্যয় স্থিতির সামঞ্জস্য নির্ণয় প্রভৃতি কতকটা মুনসীয়ানা ধরনের কাজ হাতে কলমে করিয়া শিখিতে হয়। পরে বড়দিন ও ইংরাজী নববর্ষ পর্বের পর মাস খানেক ধরিয়া দেশ ভ্রমণ। এই সময়ে পঞ্জাব, আজমীর ও কোন কোন বংসর জয়পুর, যোধপুর প্রভৃতি রাজ্যের প্রাকৃতিক ও কৃত্রিম বন সমূহ পর্যবেক্ষণ করা হয়। তৎপরে ফেব্রুয়ারি ও মার্চ দুই মাস পরীক্ষা।

দুই মাস পরীক্ষা? হাঁ পরীক্ষাটা কিছু বিচিত্র বটে। প্রথম এক মাস জরীবের পরীক্ষা হয়। প্রত্যেক ছাত্র স্বতন্ত্রভাবে একবর্গ মাইল স্থানের জরীব ও নক্সা প্রস্তুত করে, খানিকটা লেবেলও * করিতে হয়। দ্বিতীয় মাসের প্রথম ১৫ দিন লিখিত পরীক্ষা গৃহীত হয়। অবশিষ্ট ১৫ দিন মৌখিক পরীক্ষা। শুধু ইহাই যথেষ্ট নয়। এ ছাড়া প্রতি মাসেই অধীত বিষয়ের পরীক্ষা হইয়া থাকে। এই সকল পরীক্ষার নম্বর শেষ পরীক্ষার চতুর্থাংশরূপে পরিগণিত হয়। সুতরাং একটি দিনও আলস্য করিবার ঘো নাই।

নিম্নলিখিত বিষয় সমূহ অধ্যাপিত হয়—

- ১। Forestry বা বনবিদ্যা—এটা একটা নিম্ন শাস্ত্র;—যেমন এঞ্জিনিয়ারের পক্ষে এঞ্জিনিয়ারিং, ডাক্তারের পক্ষে Practice of medicine, এখানকার বিদ্যার মধ্যে ফরেস্ট্রী সেইরূপ;
- ২। Botany বা উদ্ভিদ বিদ্যা।
- ৩। এঞ্জিনিয়ারিং প্রায়শঃ বনসংরক্ষীয়।
- ৪। জরীবের ও নক্সার কার্য।
- ৫। প্রাকৃতিক বিজ্ঞান।
- ৬। রসায়ন।
- ৭। ভূবিদ্যা।
- ৮। খনিজবিদ্যা।

* ভূপৃষ্ঠের আপেক্ষিক উচ্চ নীচতা নির্ণায়ক প্রক্রিয়া।

৯। প্রাকৃতিক ভূগোল।

১০। প্রাণীতত্ত্ব (বিশেষতঃ কীটতত্ত্ব।)

১১। গণিত (কতকটা এল, এ, পরীক্ষার মত।)

১২। আইন—বনবিষয়ক, দেওয়ানি ও ফৌজদারী কার্যাবিধি এবং পিনাকোডের আভাস।

১৩। হিসাব ও আফিসের কার্যপ্রণালী।

স্কুলের দুইটা বিভাগ আছে, ইংরাজি ও হিন্দুস্থানী। শেষোক্ত বিভাগের ছাত্রেরা হিন্দুস্থানী বা উর্দু ভাষায় শিক্ষালাভ করে, এই বিভাগের ছাত্রদিগকে প্রবেশিকা পরীক্ষা দিতে হয় না। এলাহাবাদ বা লাহোর কেন্দ্রের ছাত্রবৃত্তি বা মাইনর পাশ করিলেই প্রবেশাধিকারী হওয়া যায়।

যে এক বংসর ২ মাস কাল স্কুলে থাকিতে হয় তাহাতে প্রত্যেক ছাত্রের প্রায় ৬০০ টাকা খরচ হইয়া থাকে। একটু হাতটান করিয়া চলিতে পারিলে ৫০০ টাকায়ও কুলাইতে পারে। সরকারী বৃত্তিধারী ছাত্রেরা খরচ স্কুলানের উপযোগী বৃত্তি পাইয়া থাকে—স্বতঃ-প্রবৃত্ত ছাত্রেরা কিছুই পায় না। বলা আবশ্যক পড়িবার জন্ত স্কুলের বেতন দিতে হয় না, এখানকার বিদ্যাটা সরকার বাহাজুর বিনামূল্যে বিতরণ করেন।

চাকরীবাকরীর আশা ভরসারও আভাস দিয়াছি। ষাঁহার বিলাতে পাশ করিয়া আসেন তাঁহাদের পদ ও বেতনাদির কথা সবিস্তারে বলা নিম্নয়োজন। মোটামুটি বলিতে পারা যায় ৩৫০ টাকা হইতে ২৫০০ টাকা পর্যন্ত তাঁহাদের দৌড়। ডেরাডুনের ছাত্রদের জন্ত নিম্নলিখিত পদগুলির সৃষ্টি হইয়াছে:—

ফরেস্টার বেতন	১৫ হইতে ৪০ টাকা।
ফরেস্ট রেঞ্জার	৫০ হইতে ১৫০ টাকা।
একট্রা এসিষ্ট্যান্ট কনসারবেটার	২০০ হইতে ৩৫০ টাকা।
একট্রা ডেপুটী কনসারবেটার	৪৫০ হইতে ৬০০ টাকা।

হিন্দুস্থানী বিভাগের ছাত্রেরা ফরেস্টার ভাবে কার্যারম্ভ করিয়া রেঞ্জার পর্যন্ত হইতে পারে। আর ইংরাজি বিভাগের ছাত্রেরা রেঞ্জার হইতে

ক্রমশঃ একটু ডেপুটী কনসারবেটোর হইতে পারে। উহাদের মধ্যে যাহাদের অদৃষ্ট সুপ্রসন্ন—অদৃষ্টই বলিলাম—তাহারা একেবারে ২০০ ছই শত টাকা পদেও নিযুক্ত হইতে পারে। পক্ষান্তরে যাহারা নিতান্ত অভাগা তাহাদিগকে কিছুকাল পর্য্যন্ত ফরেষ্টারের পদেও থাকি হয়। কিন্তু সাধারণতঃ পঞ্চাশ টাকার রেঞ্জার রূপেই কার্যে প্রবৃত্ত হওয়াই নিয়ম। বারবরদারি বাবদে প্রায় সকলেই একটা ভাতা পাঠিয়া থাকেন, সেটা মোটামুটি হিসাবে প্রায় বেতনের এক তৃতীয়াংশ।

কিরূপ স্থানে কি ভাবে থাকিতে হয় তাহাও বলা আবশ্যিক। এ সম্বন্ধে সাধারণ রীতি এই যে যাহার যত অধিক বেতন, তিনি প্রায়ই তত ভাল স্থানে থাকিতে পান। ইহারী প্রায়ই এক একটা জেলা বা উপ-বিভাগের ভার পান, সুতরাং সহরে থাকিতে হয়। তথাপি বার মাস সহরে বসিয়া থাকিলে কাজ চলে না, আফিস ও বাসা সহরে থাকে মাত্র, মাসের মধ্যে অন্ততঃ ২০ দিন মফঃস্বলে জঙ্গল পরিদর্শন করিয়া বেড়াইতে হয়। এ গেল ভাগ্যবানের কথা। পক্ষান্তরে যাহারা নিতান্ত ভাগ্য হীন, তাহাদিগকে ১২ মাস ৩০ দিন জঙ্গলেই থাকিতে হয়, এবং কুলি মজুর লইয়া জঙ্গলের কাজ করাইতে হয়। জঙ্গল হইলেও সকলেরই থাকিবার জন্ত চলন সেই গোছের বাড়ী ঘর স্থানে স্থানে প্রস্তুত আছে। উহার মধ্যে একটু ভাল জায়গা দেখিয়া আড্ডা গাড়া হইয়া থাকে। কোন কোনও স্থানে বাজার ঘাট ডাক ঘর প্রভৃতি সকলই থাকে, আবার কোথাও বা ৪০।৫০ মাইল হইতে ডাকের পত্রাদি ও খাদ্য সামগ্রী আনাইতে হয়। আনাইবার খরচ প্রায়ই সরকার হইতে দিবার রীতি আছে।

যাহারা আটপীঠে লোক, তাহারা উহারই মধ্যে বেশ সুবিধা করিয়া লইতে পারে। জাল রাখিয়া নদী হইতে মাছ ধরিয়া আনে, বাগিচা করিয়া তরকারীপাতি উৎপন্ন করে, বন্দুক রাখিয়া বনের হরিণ বধ করে; আর ছুধ ঘীর অভাব জঙ্গলে প্রায়ই হয় না, কারণ মহিষের বাথান প্রায় সর্বত্রই থাকে। এইরূপ প্রাকৃতিক জীবনে এক অতি মধুর কবিত্ব ভাব নিহিত আছে। যাহারা সেটুকু অনুভব করিতে পারেন, প্রকৃতির অকৃত্রিম সৌন্দর্য্য দর্শনে যাহাদের মনঃপ্রাণ এক দিনের তরেও বিমুক্ত হয়, তাহারা,

আবার জঙ্গল ছাড়িয়া লোকালয়ে আসিয়া তিষ্ঠিতে পারেন না, লোক কোলাহলে প্রাণ কেমন হাঁপাইয়া উঠে, সহরের পূতিগন্ধময় ঘন বায়ু তাহাদের পক্ষে অতি কষ্টকর প্রতীয়মান হয়।*

শ্রীউপেন্দ্রনাথ কাঞ্জিলাল।

পঞ্চানন্দ পাকড়াসির গাঁজার পুটুলি।

(১)

হেডক্লার্ক বাবু! আপনাদের নূতন হাকিমটি কি প্রকারের লোক? উত্তর “কুষ্ঠ”। কথাটা জিজ্ঞাসকের বোধগম্য না হওয়ায়, বাবু বলিলেন:— “আমি কৃষ্ণ (কাল বাঙ্গালী) বলি নাই, কুষ্ঠ বলিয়াছি। হাকিম তিন প্রকার। যাহারা খুব ভাল তাহারা উৎকৃষ্ট এবং যাহারা খুব খারাপ তাহারা অপকৃষ্ট। যাহারা উত্তমও নন অধমও নন অর্থাৎ মাজারি, তাহারা কুষ্ঠ।

(২)

নাংজামাই স্বীর দাদাশ্বশুরকে স্বীয় পত্রে লিখিলেন “My sweet-half (আপনার নাংনী) ভাল আছে।” বৃদ্ধ দাদাশ্বশুর প্রত্যুত্তরে লিখিলেন:— My sour-half (তোমার দিদিশাশুড়ী) ভাল আছে।

(৩)

নকর্তা কয়েক বার বাজার থেকে আম কিনে দিলেন। সব আমই টক। নগিনী নকর্তাকে জিজ্ঞাসা করিয়া জানিতে পারিলেন, তিনি আম চেকে নেন নাই। নগিনী বিরক্ত হইয়া বলিলেন “আমি না খেয়ে কোন জিনিষ কিনি না।” কয়েক দিন পরে একটি বৃদ্ধা বাড়ীতে বাঁটা বেচিতে আসিলে, নগিনীকে মিষ্ট সম্বোধন পূর্বক নকর্তা বলিলেন “খেয়ে নিও, যেন আমার মত ঠকো না।”

* “বনবিদ্যালয় সম্বন্ধে এতদধিক কথা জানিতে হইলে Director, Imperial Forest School, Dehra Dun এই ঠিকানায় পত্র লিখিয়া ছাপান নিয়ামাবলী প্রাপ্ত হওয়া যায়।”

(৪)

Honorable Pherozeshah Mehta সম্বন্ধে দেশীরা বলিতেছেন, Mehta ভারতের পরম মিতা। বিদেশী ঔরফে বদেষীরা বলিতেছেন, কোনসলে Mehta যাহা বলিয়াছেন তা গুপ্তির মাথা। নব মোক্ষমূলার কিন্তু বলিতেছেনঃ— Mehta Parsee। Mehta আর মহাত্মা একই। আর Parsee হইতেছে Latin *perse* অর্থাৎ বাস্তবিক মহৎ কি না মহান্ ব্যক্তি।

(৫)

কোন একটি উৎসবের ব্যয় জ্ঞান উকিল ঈশান বাবু বিংশতি মুদ্রা চাঁদা দেন। অনেক উকিল কিছু দেন নাই। “আপনারা অনেকেই কিছু দিলেন না, ঈশান বাবু কিন্তু বিশ টাকা দিয়াছেন।” এই কথার উত্তরে জনৈক ওষ্ঠ কল্পিত (ঠোট কাটা) উকিল বলিলেন “ঈশান বাবু হলাহলধারী শিব। সাপে বেড়া। তিনি বিষ দিবেন কোন্ আশ্চর্য্য।”

(৬)

স্বামী নির্ঘাত ইংরাজী নবিস, স্ত্রী বেজায় বাঙ্গালাজ্ঞ। দু জনেরই বিষম গৌ। স্ত্রী পিত্রালয়ে আছেন, স্বামী পত্র সমাপ্ত করিয়া শিরোনামা লিখিলেনঃ—

শ্রীমতী অধরমণি মল্লিকা

শ্রীচরণেষু

মন্তব্য। মল্লিকা, মল্লিকের স্ত্রীলিঙ্গ আর মল্লিক। ফুল।

স্বামীর দুই জন বন্ধু স্বামীর বৈঠকখানায় উপস্থিত ছিলেন। একজন বলিলেন “স্ত্রীকে শ্রীচরণেষু?” দ্বিতীয় বন্ধু বলিলেন “ভায়ার তিনির অষ্ট প্রহর শ্রীচরণে shoe। ঠিক লেখা হইয়াছে।”

(৭)

শ্রীনিবাস ঘোষ ভারী heridity মত প্রিয়। কাদম্বিনী দাসীর সধবা মেয়ের ৩৫শ বৎসরেও সন্তানাদি হইল না। তাহার বাঁকা হইবার কারণ কি? এই প্রশ্নের উত্তরে শ্রীনিবাস না বুঝে স্বজে হঠাৎ বলিয়া ফেলিলেন “বোধ হয় ওর মাও বন্ধা।”

(৮)

পঞ্চানন্দ পাকডাসী ট্রাম গাড়ীতে চড়া, হরকরা হাঁক্ছে “ব্যঙ্গভাষী ব্যঙ্গভাষী!” আর একজন আরোহী জিজ্ঞাসা করিল “পাকডাসী মহাশয়” ও কি?” পাকডাসী কহিলেন কেন? “বঙ্গবাসী, কাগজ। জিজ্ঞাসক বলিলেন “ও বলিতেছে ব্যঙ্গভাষী।” পাকডাসী বলিলেন “বঙ্গবাসীই ব্যঙ্গভাষী।”

(৯)

জগবন্ধু গঙ্গোপাধ্যায়ের পুত্র বিলাত ফেরতা। বিলাত হইতে বাড়ী আসিয়া দেখিলেন বাড়ীর বাগানের কোনে একটা বুড়ো শজনা গাছ। কাটারি হস্তে শজনা গাছ কাটতে আসিলে তৎসন্নিক্ত দেবাংশ দেবদারু তাহাকে সম্বোধন পূর্বক বলিলেনঃ—

বাপু! শ্রীবিষ্ণু! সাহেব এগাছটি কেটে না। আপনকার বুড় মা বাপের মত গাছটি বাড়ীর এক কোণে পড়ে আছে। তাদের মত গাছটার কেউ খোঁজ খবর নেয় না। আপনার বুড়ো মা বাপকে কেউ নাওয়ার না ও খাওয়ার না। তাহারা আপনারা বেঁচে থাকে। সেইরূপ এই শজনা গাছে সার জল দিতে হয় না। আপনি গজায়। মা যেমন মাই দিয়ে আপনার পোষণ করিয়াছেন এই বুড় গাছেরও কাজ তদ্রূপ। মাঘ ফাল্গুন চৈত্র তিন মাস ইনি আপনার বাড়ীর তরকারীর জোগাড় করিয়া দেন। আর শজনা শাক ছিল বলিয়া আপনার পিতা মাতা ইনকম্ ট্যান্ড পর্যন্ত দিয়া আপনাকে বিলাত (লাথ্ বিবর্জিত) অর্থাৎ দীনতার লাথি ভক্ষণ বর্জিত করিবার জন্ত ইংলণ্ডে পাঠাইতে সক্ষম হন। গরীব বাঙ্গালী শজনা তেঁতুলের রূপায় অদ্যাবধি সর্ব প্রকার ট্যান্ড আদায় করিতে পারিতেছে। শজনার কচি কচি পাতা মোচার সঙ্গে মিলিত হলে আপনার চাচার বিকলে বাবুর্জির স্থালেডকে হারাতে পারে। শজনার বীচ জরম। মাড়োরি Malarious জরে বাঙ্গালী জীর্ণ। বাপু! (বেয়াদবি মাপ করিবে) সাহেব! আপনি এই শজনা গাছ কাটিবেন না। আপনার পৈতা আছে কি না জানি না। না থাকাই ভাল। কেন না গলায় দড়ি বলে কেহ আপনাকে গালি দিতে পারিবে না। কিন্তু শজনা আটায় আপনার পিতার পৈতা দিব্য সাফ্ হয়। সাবান দরকার

করে না। সজনার ছালে একরূপ কবিরাজী তেল প্রস্তুত হয়। ইহার ফুল শুকাইয়া রাখিলে উচ্ছে বড়ি দিয়ে সুন্দর তরকারী হয়। হয় ত আপনি বলিবেন খাড়া বড়ি লোককে খাড়া খাড়া ঘমের বাড়ী পাঠায়। আপনার মতে তা হতে পারে। কিন্তু ইহা সুন্দর লাগে। আর গাছ কত বড় দেখুন। ইহার পাতায় কত গরীব না পোষ যায়। সাহেব এ গাছটি কাটবেন না।

আমি দেবতা, আমার ভাষা দেববাণী সংস্কৃত। সংস্কৃত কিন্তু আপনার পক্ষে মাতৃবৎ পরদারেষু। সাধু ভাষাও আপনার পক্ষে তদ্রূপ। আপনি তৈজস পত্র অর্থে তৈজপাতা, মনসিজ অর্থে মনসা পূজা এবং মরাল অর্থে বিড়াল বুঝিয়া থাকেন। এই কারণে আমি বাধ্য হইয়া উক্তরূপ ভাষায় আপনাকে উপদেশ দিয়াছি।”

বিলাত ফেরতা সাহেব দেবদাকর কথা শুনিয়া ছিলেন কি না, অঙ্গুরা অবগত নহি। তবে শুনিয়াছ ডাম্ ডোম্ করায় হঠাৎ একটা মোটা ডাল পড়ে সাহেবের হাত ভেঙ্গে যায়।

শ্রীদীননাথ ধর।

বিশ্বেশ্বরের মন্দিরে আরতি ।

সন্ধ্যা অতিকান্ত হইয়াছে—রজনীর ছায়া জগতে সমাকীর্ণ। বিশ্বপতি আজ কাশীর পবিত্র মন্দিরে অধিষ্ঠিত। ভক্তমণ্ডলী সমস্তাৎ সমবেত। মন্দিরের অভ্যন্তরে স্তাবকগণ সমুপবিষ্ট। স্তাবক হস্তে পঞ্চপ্রদীপ প্রজ্জ্বলিত হইয়া মন্দির সমালোকিত করিল।

এ কি? পবিত্র শান্তিকুণ্ড হইতে মস্তক উত্তোলন করিয়া—ও কে আবির্ভূত হইলেন? স্তাবকগণ উল্লাসভরে গাহিলেন—

শম্ভু শম্ভু শম্ভু

শিব শিব শম্ভু

তনুহুর্ভে স্তোত্রধ্বনিতে মন্দির পরিপূর্ণ হইল। তালে তালে ঘণ্টা বাজিতে লাগিল। চন্দনলিপ্ত হইয়া শম্ভু কি অল্পম শোভা ধারণ করিলেন। রাশি রাশি কুসুমমালা ও বিল্বপত্র শোভিত হইয়া বিশ্বেশ্বর স্তাবক সমীপে বিরাজ করিতে লাগিলেন। এক এক বার চন্দনকুসুম বিল্বদলের অন্তরালে অদৃশ্য

হইলেন আবার ভক্তের মনোবাঞ্ছা পূর্ণ করিয়া নয়নের আনন্দ বিধান করিতে লাগিলেন।

সহসা দর্শকমণ্ডলী ভেদ করিয়া এক জটাজূটধারী সৌম্যমূর্তি তপস্বী মন্দিরে প্রবেশ করিয়া চিরপরিচিতের আয় বিশ্বেশ্বরের দিকে তাকাইয়া আনন্দোন্মাদে নৃত্য করিতে লাগিলেন। মুখমণ্ডলে চন্দ্রের প্রফুল্লতা, নয়ন-বুগুঁলে অমৃতনদী বহিয়া যাইতেছে। মন্দিরের তিন পার্শ্ব হইতে ভক্তের নৃত্য আরম্ভ হইতে লাগিল।

কৈলাস শিখরে তাণ্ডব নৃত্যের বর্ণনা শুনিয়াছি। সন্ধ্যারাগ প্রদীপ্ত পর্কতশিখরে ঐ প্রতুঙ্গ তরুবরের প্রকামচ্ছায়াতলে কি অল্পম অভিনয়ের আয়োজন হইতেছে। সন্নিহিত প্রদেশে প্রবাহিনীর মৃদুগন্তীর প্রপাতের শব্দ শ্রুত হইতেছে। তৎসহ সন্মিলিত হইয়া অদূরে কিন্নরকণ্ঠনিঃসৃত সঙ্গীত সুধাবর্ষণ করিতেছে। সেই সঙ্গীতের সহিত বিহগনিচয়ের মধুর কাকলীরব মিশ্রিত হইয়া ধরাতলে অমৃতশ্রোত বহিয়া যাইতেছে। সহসা পর্কতে ওষধি জ্বলিয়া উঠিল—সহসা গজচর্ম্মপরিহিত বিভূতিপরিলিপ্ত শুভ্রকান্তি জটাজূটধারী চারুচন্দ্রাবতংস দেবাদিদেব অবতীর্ণ হইয়া তাণ্ডব নৃত্যে প্রবৃত্ত হইলেন। শিরোদেশে কৌমুদী হাসিতেছে, স্কন্ধভাগে অহি ফণা বিস্তার করিয়া রহিয়াছে। ত্রিনয়ন ধক্ ধক্ করিয়া জ্বলিতেছে। গজচর্ম্ম হইতে শোণিতবিন্দু নিঃসৃত হইয়া ভূতলে পড়িতেছে। ক্ষণে ক্ষণে সেই অক্ষর স্থলিত হইতেছে। অবিরাম নৃত্য।

ডিমি ডিমি ডিমি ডিমি ডমরু বাজিছে

তাধিয়া তাধিয়া ধিয়া পিষাচ নাচিছে।

রুণু রুণু রুণু রুণু রুণু বাজিছে

তালে তালে মত্ত হয়ে প্রমথ নাচিছে।

শন্ শন্ শন্ শন্ সমীর বহিছে

লতা পাতা হেলে ছলে কোতুক করিছে

হেসে হেসে সুখে ভেসে তারদল যত

শশাঙ্কশিখর শোভা দেখে অবিরত

কুরঙ্গ কুরঙ্গী সনে মিলিয়া উল্লাসে

ময়ূর ময়ূরী লয়ে নাচিছে বিলাসে।

তাণ্ডব উল্লাসে মত্ত জগৎ সংসার
সুখের হিল্লোলে ভাসে বিশ্ব চরাচর।

কাশীধামে আজ সেই তাণ্ডব নৃত্যের অপূর্ব বিকাশ। শব্দ শব্দ রবে মন্দির পরিপূর্ণ হইল। পঞ্চপ্রদীপের আরতির সহিত গঙ্গীর স্তোত্রধ্বনির সমাবেশে অপূর্ব শোভা বিকশিত হইল। চামর হস্তে দুই জন স্তাবক নৃত্য করিতেছেন। সেই নৃত্যকে শাসিত করিয়া ঘণ্টা মৃদুমধুররবে বাঁজ-তেছে। ঘণ্টারব ও স্তোত্রধ্বনিকে পরাস্ত করিয়া কোথা হইতে অতি মধুর সুকোমল কণ্ঠস্বর শ্রুত হইতেছে। কি অপূর্ব দৃশ্য! মন্দিরের দ্বারদেশে দাঁড়াইয়া এক যোগিনী অশ্রুপরিপ্লুতনয়নে ভক্তিশ্রোতে ভাসমানা হইয়া শব্দ শব্দ রবে অমৃত বর্ষণ করিতেছেন। দর্শকমণ্ডলী সকলেই দণ্ডায়মান হইয়া একেবাবে মুগ্ধ হইয়া গিয়াছেন। সঙ্গীতের কি মধুর উচ্ছ্বাস। তরঙ্গের পর তরঙ্গ আসিয়া হৃদয়তটে ঘাত প্রতিঘাত হইতেছে। পাষণ দ্রবীভূত হইল। মরুভূমি ফলফুলে সুশোভিত হইল। মুহূর্তের মধ্যে হিংসা ঘেঘ পাপপ্রলোভন কোথায় ভাসিয়া গেল। হৃদয়তন্ত্রী ছিন্ন বিচ্ছিন্ন ছিল, মুহূর্তের মধ্যে সপ্তস্বরের মাধুর্য্য বিকাশ করিয়া বাজিয়া উঠিল। চরাচর বিশ্বে থাকিল শুদ্ধ সঙ্গীত। অপর সমুদয় বিলুপ্ত হইয়া গেল। বিশ্বেশ্বরের মন্দির নিমেষমধ্যে অন্তর্হিত হইল। কোথায় স্তাবকগণ কোথায় বা দর্শকমণ্ডলী। অনন্ত শূন্যপথে অপূর্ব জ্যোৎস্নালোকে সঙ্গীতের মোহন মূর্ছনা বিশ্বেশ্বরের নামামৃত বর্ষণ করিতেছে। সেই সুধাসঙ্গীত ভিন্ন জগতে আর কিছুই নাই।

সমালোচক বিশ্বেশ্বরের আরতির সমালোচনা করিতে আসিয়াছিলেন, ঐ মন্দিরের একপার্শ্বে আত্মহারা ও বিমুগ্ধ হইয়া রহিয়াছেন, তাঁহার হৃদয় সঙ্গীতের শ্রোতে কোথায় ভাসিয়া গিয়াছে। নাস্তিক অকুণ্ঠিত করিয়া বিদ্রূপভাবে ক্লিষ্টদণ্ডায়মান ছিলেন হঠাৎ তাঁহার শরীর রোমাঞ্চ হইয়া উঠিল, হঠাৎ তিনি বসিয়া পড়িলেন—অকস্মাৎ তাহার মুখ হইতে শব্দ শব্দ শব্দ উদ্গত হইল—তিনিও সেই সঙ্গীতশ্রোতে কোথায় ভাসিয়া গেলেন।

ইন্দ্রিয়াসক্ত পাপপুরুষ রিপূর প্রবল উত্তেজনায় ও সৌন্দর্য্যের লালসায় প্রমত্ত হইয়া পবিত্র মন্দিরে আসিয়াও উদ্ভ্রান্ত চিত্তে প্রলোভনের পথে

বিচরণ করিতেছিল, অকস্মাৎ শুভ মুহূর্তে বিশ্বেশ্বরের পবিত্র নাম তাহার কণ্ঠকুহরে প্রবেশ করিল আর অমনি ভাবান্তর উপস্থিত হইল। বিলাসের শরীর মন্দিরে লুপ্তিত। নয়নযুগলে প্রেমাক্ষ বহিয়া যাইতেছে। চিত্ত সে দেহপিঞ্জর ভেদ করিয়া অনন্ত শূন্যপথে উল্লাসভাবে সেই সঙ্গীতসুধা পান করিতেছে।

এ বিশ্ব সংসার আজ দেহমুক্ত আত্মার আবাসভূমি। পরমাত্মাকে পরিবৃত করিয়া জীবাত্মা আজ আনন্দে নৃত্য করিতেছে। বিশ্বেশ্বরের আরতি—জীবাত্মা ভিন্ন সে আরতি আর কে করিবে? নয়নের সাধ্য নাই সে মাধুর্য্য অনুধাবন করে, শ্রবণেন্দ্রিয়ের ক্ষমতা নাই যে তাহার অন্তর্নিবিষ্ট হয়। অন্তরাত্মা ভিন্ন সে মাধুর্য্যবোধ সম্ভবপর নহে। ভক্তি-মন্দাকিনীর পবিত্র সালিলে স্নান হইয়া যখন আত্মা পরিশুদ্ধ হয়, তখন এই বিশ্ব প্রপঞ্চের অন্তরালে বিশ্বেশ্বরের মোহনমূর্ত্তি অবলোকনে মুগ্ধ হইয়া যায়। চরাচর বিশ্বে তদীয় আরতির সুমহান আয়োজন দেখিয়া চিত্ত ভাবরসে নিমগ্ন হয়। দিবা রজনী অবিরাম সেই আরতি চলিতেছে। ঐ যে বিকসিত কুসুম সমীরসংযোগে সঞ্চালিত হইতেছে, ঐ যে বসন্তের কোকিল জগতে অমৃত বর্ষণ করিতেছে, তরুরাজি শাখাসঞ্চালনে আনন্দ-বিকাশ করিতেছে, শ্রোতস্বিনী মৃদু মধুর কলনাদে বহিয়া যাইতেছে— আর এই রজনীর সমাগমে—ঠিক বিশ্বেশ্বরের মন্দিরে এই আরতির সময়ে— ঐ যে অগণিত দীপপুঞ্জ আকাশতলে প্রকাশমান হইয়া বিচিত্র শোভা ধারণ করিতেছে, ইহা বিশ্বেশ্বরের আরতি ভিন্ন আর কিছুই নহে। অনন্ত-সৃষ্ট-রাজ্য অবিরত মহেশের স্তব করিতেছে। তাহারই প্রতিবিম্ব কাশীর পবিত্র মন্দিরে প্রতিফলিত হইয়াছে। এই আরতিতত্ত্ব যিনি বুঝিয়াছেন তিনি ভক্তিতত্ত্বের মর্ম্মানুধাবন করিয়া কৃতার্থ হইয়াছেন।

শ্রীযত্ননাথ কাঞ্জিলাল।

প্রাপ্ত গ্রন্থের সংক্ষিপ্ত সমালোচনা ।

১। সখা ও সাথী। ১ম ভাগ। ফাল্গুন ১৩০১। ১১শ সংখ্যা।
বঙ্গদেশে সখা বিশেষ খ্যাতিলাভ করিয়াছে। সখার সহিত সাথীর মিলনে-
সেই খ্যাতি বাড়িবার বিলক্ষণ সম্ভাবনা। আমরা ফাল্গুন মাসের সংখ্যা
পড়িয়া পরিতুষ্ট হইলাম। বালক বালিকাদিগের পাঠোপযোগী একরূপ
পত্রিকা আর নাই। ইহাতে যে সকল চিত্র প্রকাশিত হয়, তাহা অতি
মনোরম। আমরা এ পত্রিকার বহুল প্রচার প্রত্যাশা করি।

২। জ্যোৎস্নাহার। এই মাসিক পত্রখানি বর্তমান সনের মাঘ মাস
হইতে চুঁচুড়া হইতে প্রকাশিত হইতেছে। ইহার অগ্রিম বার্ষিক মূল্য
স্থানীয় ১ টাকা, মফঃস্বলে ডাকমাণ্ডল সমেত ১৮/০। সাহিত্যের উন্নতি
কল্পে দেশে মাসিক পত্র যতই প্রচারিত হয় ততই মঙ্গলের বিষয়। ইহাতে
সম্পাদকের কিম্বা লেখকগণের নাম প্রকাশিত নাই। আমাদের মতে
অন্ততঃ লেখকগণের নাম প্রকাশিত হওয়া উচিত। আমরা সর্বান্তঃকরণে
ইহার স্থায়িত্ব ও উন্নতির প্রত্যাশা করি।

৩। ধরণী। মাসিক পত্রিকা ও সমালোচনী। সাঁওতাল পরগণা
মলুটী রাজবাটী হইতে প্রকাশিত। অগ্রিম বার্ষিক মূল্য ১০ টাকা।

এই পত্রিকাখানি পড়িয়া আমরা প্রীতিলাভ করিলাম। ধরণীর আশ্রয়ে
বিদ্যার গৌরব বড়ই মধুর। আমাদের দেশে অর্থাভাব বশতঃ অনেক পত্রিকা
অকালে লয় প্রাপ্ত হইয়া থাকে। এই পত্রিকাখানির সে ভাবনা নাই।
তথাপি সাধারণের নিকট উৎসাহ না পাইলে কোন পত্রিকাই স্থায়ী হইতে
পারে না। আশা করি ধরণীর উত্তরোত্তর শ্রীবৃদ্ধি হউক।